

**PHILOSOPHIA
CHRISTIANA DE
CREATIONE, &
RECREATIONE
HOMINIS: EX...**

Bernard Bogdanowicz





14-22-68

PHILOSOPHIA CHRISTIANA

De creatione, & recreatione hominis :

Ex Theodidactis Operibus Mellissni Doctoris ,

S. P. N. BERNARDI ABBATIS CLARAVALLENSIS ,
Sacri Ordinis Cisterciensis propagatione Patriarchæ ,
Fideliter desumpta , & concinnè disposita.



TOMUS SECUNDUS,

Continens Sex Partes de Passione Christi: incipiendo
ab angustia Animæ ejus in horto Gethsemani ,
usque ad sepulturam Corporis sui .

*Opus tam ipsis Concionatoribus , quam quibusvis
Christianis , ad inflammandum frigescentia
eorum corda in amorem Jesu Crucifixi ,
perutile ac necessarium :*

Compactum studio , & labore

R. P. Fr. BERNARDI BOGDANOVITZ POLONI ,
Copriunicensis, Sacerdotis, S. Th. D. Monachi Monasterii
Andreovien. Ordinis Cisterciensis, & Procuratoris
Generalis substituti in Urbe.



ROMÆ, M. DC. XC.VII.

Ex Typographia Joannis Jacobi Komarek Bohemii , apud
Sanctos Vincentium & Anastasium, in Trivio.

SVPERIORVM PERMISSV.

THE UNIVERSITY OF CHICAGO

LIBRARY

THE UNIVERSITY OF CHICAGO
LIBRARY
540 EAST 57TH STREET
CHICAGO, ILL. 60637

THE UNIVERSITY OF CHICAGO

THE UNIVERSITY OF CHICAGO
LIBRARY
540 EAST 57TH STREET
CHICAGO, ILL. 60637

THE UNIVERSITY OF CHICAGO
LIBRARY
540 EAST 57TH STREET
CHICAGO, ILL. 60637

THE UNIVERSITY OF CHICAGO
LIBRARY
540 EAST 57TH STREET
CHICAGO, ILL. 60637



THE UNIVERSITY OF CHICAGO
LIBRARY
540 EAST 57TH STREET
CHICAGO, ILL. 60637

PHILOSOPHIÆ³ CHRISTIANÆ

Pars Prima.

De gestis passionis Christi in horto
Getsemani.

CAPUT I.

*Continens Proëmium, in quo excitatur quisque
Christianus ad recolendam Passionem Christi.*

Non judicavi me scire aliquid inter vos, nisi Jesum
Christum, & hunc crucifixum. *Paul. 1. Corint. 2.*

1. Ostenditur, familiarem fuisse Sancto Bernardo meditationem Passionis Dominicæ, adeo ut etiam non dubitaverit in ea sibi constituere perfectionem justitiæ, plenitudinem scientiæ, divitias salutis, & copias meritorum. 2. Exemplo & doctrinâ ejus excitamur ad meditandam Passionem Christi, compatiendumquæ ejus doloribus, quos pertulit pro salute nostra. 3. Excitamur ad retribuendam dilectionem Jesu Crucifixo pro amore quæ exhibuit nobis, patiendo & moriendo pro salute nostra. 4. Ostenditur, quanta proveniat nobis utilitas ex meditatione Dominicæ, & quantum valeat ejus memoria ad dulcorandum amaritudinem sive tribulationem

4 Philosophiæ Christianæ

tionem nostram. §. Ostenditur, quantum valeat huiusmodi meditatio ad superandum quasvis tentationes inimici, illicitasquæ cogitationes, & delectationes carnales: necnon quantum valeat ad acquirendam virtutem humilitatis.

§. I.



Hæc est (a) mea sublimior interim Philosophia, scire Jesum, & hunc Crucifixum. Non requiro, sicut Sponsa, ubi cubet in meridie, quem lætus amplector mea inter ubera commorantem. Non requiro ubi pascat in meridie, quem intueor Salvatorem in Cruce. Illud sublimius, istud suavius vel paratius. Panis illud, hoc lac. Hoc viscera reficit paruulorum, hoc replet ubera matrum: & ideo inter ubera mea commorabitur. Hoc est: Sufficit mihi (b) nolo iam scire, nisi Jesum, & hunc Crucifixum. Memor ero (c) quamdiu fuero, laborum illorum quos pertulit in prædicando, fatigationum in discurrendo, tentationum in jejunando, vigiliarum in orando, lachrymarum in compatiendo. Recordabor etiam dolorum ejus, conviciorum, sputorum, colaphorum, subsannationum, exprobrationum, clavorum, horumquæ similium: quæ per eum & super eum abundantius transierunt. Hæc enim sunt instrumenta fortissima

S. Bernar. Abb. juxta ejus libror. edit. auctore Horstio in VI. Pom. impress. Parisiis. an. 1667. a Ser. 43. in Cant. n. 4. b Ser. 45. in cant. n. 3. c Ser. in ser. 4. hebb. san. n. 11.

tissima (d) in quibus omnipotens Virtus, & investigabilis Sapientia Dei, restorationem mundi potenter atque magnificè operata est. Incomprehensibilis erat & inaccessibleis (e) invisibilis & inexcogitabilis omnino. Nunc verò comprehendere voluit, videri voluit, cogitari voluit. Quonam modo, inquis? Nimirum jacens in praesepio, in virginali gremio cubans, in monte praedicans, in oratione pernoctans: & in Cruce pendens, in morte pallens, liber inter mortuos, & in inferno imperans. Quid horum non verè, non piè, non sanctè cogitatur? Quidquid horum cogito, Deum cogito: & per omnia est Deus meus. Hæc ego meditari dixi sapientiam, & prudentiam judicavi eruclare memoriam suavitatis. Hæc utique meditari (f) dixi sapientiam. In his justitiæ mihi perfectionem cōstitui: in his plenitudinem scientiæ, in his divitias salutis, in his copias meritorum mihi constitui. Ex his mihi interdum potus salutaris amaritudinis, ex his rursùm suavis unctio consolationis. Hæc me erigunt in adversis, in prosperis reprimunt: & inter læta tristitiaquè vitæ præsentis via regia incedenti tutum præbent utrobique ducatum, hinc inde mala imminencia propulsando. Hæc mihi conciliant mundi Judicem, dum tremendum potestatibus mitem humilemquè figurant: dum non solum placabilem, sed & imitabilem repræsentant eum, qui inaccessibleis est principatibus, terribilis apud reges terræ. Propterea hæc mihi in ore frequenter, sicut vos scitis: hæc in corde semper, sicut Deus scit: hæc stylo meo admodum familiaria, sicut

apparet. Hæc mea sublimior interim Philosophia, scire Jesum, & hunc Crucifixum. Passio ejus (g) ultimum est refugium, singulare remedium. Deficiente sapientia, iustitia non sufficiente, sanctitatis succumbentibus meritis: illa succurrit. Quis enim de sua vel sapientia, vel iustitia, vel sanctitate præsumat sufficientiam ad salutem? *Non quod sufficientes* (inquit Apostolus) *simus cogitare aliquid à nobis, tanquam ex nobis: sed sufficientia nostra ex Deo est.* Itaque cum defecerit virtus mea, non conturbor, non diffido: scio quid faciam. *Calicem salutaris accipiam, & nomen Domini invocabo.* Illumina oculos meos Domine, ut sciam quid acceptum sit coram te omni tempore: & *sapiens* sum. Delicta juventutis meæ, & ignorantias meas ne memineris: & *iustus* sum. Deduc me Domine in via tua: & *sanctus* sum. Verumtamen nisi interpellet Sanguis tuus pro me: *salvus* non sum. Quid denique (h) tam efficax ad curanda conscientiae vulnera, quam Christi vulnerum sedula meditatio? Proinde de remissione peccatorum (i) validissimum teneo argumentum Dominicam Passionem. Vox siquidem Sanguinis ejus invaluit multò plùs, quam vox sanguinis Abel: clamans in cordibus electorum remissionem omnium peccatorum. Traditus est enim propter peccata nostra: nec dubium quin potentior & efficacior sit mors illius in bonum, quam peccata nostra in malum. Patet igitur (k) quia hæc Passio potentissima est ad exhaurienda omnium genera peccatorum. Sed quis scit si data est mihi? Mihi data est, quia

alte-

g. Ser. 22. in Cant. n. 9. h. Ser. 62. in Cant. n. 7. i. Ser. 1. in Annunt. B. M. n. 4. k. Ser. 4. in ser. 4. hebdom. Jan. n. 10.

alteri dari non potuit. Numquid Angelo? Sed ille non eguit. Numquid diabolo? Sed ille non resurgit. Denique non in similitudinem Angelorum, absit autem ut in similitudinem dæmonum, sed in similitudinem hominum factus, & habitu inventus ut homo, exinanivit semetipsum, formam servi accipiens. Filius erat: & factus est tanquam servus. Non solum formam servi accepit, ut subesset: sed etiam servi, ut vapularet: & servi peccati, ut pænam solveret, cum culpam non haberet. Meum proinde meritum (1) est misratio Domini. Non planè sum meriti inops, quamdiu ille miserationum non fuerit. Quod si misericordiæ Domini multæ, multus nihilominus ego in meritis sum. Quid enim si multorum sim mihi conscius delictorum? Nempè ubi abundavit delictum, superabundavit & gratia. Et si misericordiæ Domini ab æterno & usque in æternum, ego quoque misericordias Domini in æternum cantabo. Numquid justitias meas? Domine memorabor justitiæ tuæ solius. Ipsa est enim & mea: Nempè factus es mihi tu justitia à Deo. Numquid mihi verendum, nè non una ambobus sufficiat? Non est pallium breve, quod secundum Prophetam non possit operire duos. Justitia tua, justitia in æternum. Quid longius æternitate? Et te pariter & me operiet largiter larga & æterna justitia. Et in me quidem operit multitudinem peccatorum, in te autem Domine quid nisi pietatis thesauros, divitias bonitatis? Hæ in foraminibus petrae repositæ mihi. Foramina petrae, vulnera Christi interpretans. Quàm magna multitudo dulcedinis tuæ in il-

lis, opertæ quidem, sed in his qui pereunt. Ut quid enim Sanctum detur canibus, vel margaritæ porcis? Nobis autem revelavit Deus per Spiritum suum, etiam & apertis foraminibus introduxit in Sancta. Quanta in his multitudo dulcedinis, plenitudo gratiæ, perfectioquè virtutum? Ibo mihi ad illa sic referta cellaria (m) atque ad admonitionem Jeremiæ Prophetæ relinquam civitates, & habitabo in petra. Ero quasi columba nidificans in summo ore foraminis: ut cum Moyse positus in foramine petræ, transeunte Domino, merear saltem posteriora ejus prospicere. Nam faciem stantis, idest, incommutabilis claritatem quis videat, nisi qui introduci jam meruit non in Sancta, sed in Sancta Sanctorum? Sic ergo calicem ejus accipiam (n) quia monumenta Passionis suæ intra animæ meæ sinum, & intra memoriæ meæ cellas semper revoluam. Aspiciam Regem Salomonem in diademate, quo coronavit eum mater sua. Aspiciam eum ligatum, flagellatum, consputum, saturatum opprobriis, clavisque confixum. Hæc & alia patientis & morientis Domini mei memorialia, memoriæ meæ arctius commendabo, & ad os cogitationis revocans ruminabo diutius, ut impinguer devotius.

§. I I.

Videte justum David (o) hoc ordine procedentem. Cogitavi, inquit, *vias meas, & converti pedes meos in testimonia tua*: ut videlicet qui contritionem & infelicitatem in viis propriis perpeffus fuerat,

m Ibid. n. 6. n Ser. de verb. sap. n. 5. tom. 6. pag. 770. o Ser. 11. in Cant. n. 2. & 3.

rat, in via testimoniorum Dei delectaretur, sicut in omnibus divitiis. Et vos igitur exemplo justis, si de vobis in humilitate sentitis, sentite & de Domino in in bonitate. Sic enim legitis apud Sapientem: *Sentite de Domino in bonitate, & in simplicitate cordis querite illum*. Hoc autem facile menti persuadet divinæ munificentiae frequens imò continua recordatio. Alioquin quomodo implebitur Apostolicum illud: *In omnibus gratias agentes*: si ea pro quibus gratiae debentur, à corde recesserint? Nolo vos Judaico notari opprobrio, quibus Scriptura testatur quòd *non fuerint memores benefactorum ejus, & mirabilium ejus quae ostendit eis*. Verum quoniam bona, quae largiri mortalibus non cessat misericors & miserator Dominus, recolere & recolligere omnia omni homini impossibile est: id saltem quod præcipuum est & maximum, opus videlicet nostræ Redemptionis à memoria redemptorum aliquatenus non recedat. Novit siquidem (p) quicumque rectè sapit, quantum Christianæ pietati expediat, quantum Dei servum deceat, sacrosanctæ Passionis Dominicæ fidelius recolere beneficia, ad fruendum suaviter in conscientia, ad recondendum plenius per imitationem in memoria. Nil sanè in hac vita dulcius sentitur (q) nihil avidius sumitur, nil ita mentem ab amore mundi separat, nil sic animam contra tentationes roborat, nil hominem ita excitat & adjuvat ad omne opus bonum & ad omnem laborem, quàm gratia contemplationis Crucifixi. Sit ergo (r) meditatio nostra, Fratres, Christus & hic Crucifixus.

p Ser. 2. in Cæna Dom. nu. 9. q Tract. de cognit. human. condit. cap. 7. m. 22. r Ser. 1. de ver. Esa. nu. 2.

xus. Ipsum ponamus signaculum super cor, signaculum super brachium nostrum. Ipsum amplectamur brachiis quibusdam vicariæ dilectionis: ipsum sequamur studio piæ conversationis. Sed ut validius compungamur (s) ut amplius moveamur, & curamus per omnia: revolvamus singula contexendo resticulum, contexendo funiculum, connectendo fasciculum de omnibus & singulis, quæ facta referuntur de humili Dei Filio, & summo Patris Unigenito, de Redemptore piissimo, de amantissimo Fratre nostro. Occurrat itaque spiritualiter & ingerat seipsum cordibus nostris Dominus Christus, proditus & venditus à discipulo, à Judæis tanquam vile mancipium pretio satis exiguo comparatus, captus, tractus, & ligatus tanquam homo sine adutorio: scisso etiam verberibus dorso, vellicatis genis, facie sputis illita, puncto vepribus capite, saucio latere, terebratis palmis, pedibusque confossis: qui tanquam jugulatori suo alludens, seipsum non reluctans exposuit, & nudum Corpus quasi incudem malleatorum ictibus patienter explicuit: dum pro nobis per hujus vitæ pelagus ad patriam de exilio transferendis, rapacibus piratis naulum propriæ mortis exoluit. Intuere ô homo tempus tuæ redemptionis (t) recordare & respice quomodo redemptus sis. *Empti estis* (ait Apostolus) *pretio magno, glorificate & portate Deum in corpore vestro*: non magno tantum, sed permaximo. Venditus eras sub peccato, pretio vili, & despicabili morsu unius pomi: emptus & redemptus es pretio magno & inæstimabili, morte Filii Dei.

Quid

s^o Ser. 2. in Cæna Dom. num. 7. t Tract. de 3. præcip. myst. cap. 6. n. 10.

Quid preciosius hoc pretio? quid inæstimabilius? Dominus in oratione constitutus (u) præ angustia spiritus sui totus sudore sanguineo immaduit in orto. Ibi captus & tentus, ad Tribunal judiciiis ductus est: & cum multi falsi testes contra eum procederent, & in multis mendaciis accusarent, ipse tanquam Agnus innocens qui ad victimam ducitur, obmutuit: non aperuit os suum tanquam homo non audiens, & non habens in ore suo redargutiones. Ibi conspuerunt faciem dulcis Jesu, colaphis eum cædebant, & alapas in caput ejus certatim ministri dederunt. Inde ad columnam revinctus flagellis cæditur, Carne præ nodis flagellorum in tumorem surgente, & in livores se vertente, Sanguine guttatim de plagis in terram corrente. Inde spinarum punctationibus Caput undique cruentatur, & in ludibrium ipsius virga manui ejus inseritur: cocci-nea chlamyde amictus, tanquam infatuatus irride-
tur. Parva loquor. Hic tu, ô homo, totus contremisce, totus tremore obrigisce, merito expalesce, pugnis pectus contunde, fletibus totam animam effunde, compatere patienti Jesu. Dignum est enim (x) & tibi multum expedit, compati, commori, consepeliri: passo, mortuo, & sepulto Christo. Ad hoc enim facta sunt hujusmodi, ut his omnibus configuretur & conformetur vita Christiani. Qui enim tanquam membrum Christi dicit se in Christo manere, debet sicut ille ambulavit, & ipse ambulare. Alioquin (y) si non doles, si non plangis, si non
com-

u Ibid. n. 13. x Ser. 2. in Cena Dom. n. 6. y Ser. de excell. SS. Sacram. n. 6.

compateris: deliras, denegaras, belluam sapias, le-
targum pateris, hominem diffiteris.

§. I I I.

Planè norunt Fideles (z) quàm omninò necessarium habeant Jesum, & hunc Crucifixum: dum admirantes & amplexantes supereminentem scientiæ charitatem in ipso, id vel tantillum quod sunt, in tantæ dilectionis & dignationis vicem non rependere confunduntur. Facile proinde plùs diligunt, qui se ampliùs dilectos intelligunt. Cui autem minus donatum est, minùs diligit. Judæus sanè, sive paganus nequaquam talibus aculeis incitatur amoris, quales Ecclesia experitur, quæ ait: *Vulnerata charitate ego sum*. Cernit Regem Salomonem in diademate, quo coronavit eum mater sua. Cernit unicuique Patris Crucem sibi bajulantem. Cernit cæsum & consputum Dominum majestatis, Cernit Auctorem vitæ & gloriæ confixum clavis, percussum lanceâ, opprobriis saturatum: tandem dilectam illam Animam suam ponere pro amicis suis. Cernit hæc, & suam magis ipsius animam gladius amoris transverberat, & dicit: *Fulcite me floribus, stipate me malis, quia amore langueo*. Hæc sunt quippè mala punica, quæ in hortum introducta Dilecti sponsa carpit ex ligno vitæ, à cælesti Sponso proprium mutuata saporem, colorem à Sanguine Christi. Videt deinde mortem mortuam, & mortis auctorem triumphatum. Videt de inferis ad terras, de terris ad superos captivam duci captivitatem, *ut in nomine Jesu omne genu flectatur caelestium, terrestrium, & infer-*

infernorum. Quia verò Sponsa inter adversa & prospera versans (a) novit utrobique pericula non deesse: ideo medium uberum suorum vult habere Dilectum, cujus adversus utraque continua protectione munitam, nec læta extollant, nec tristitia deiciant. Tu quoque si sapis, imitaberis Sponsæ prudentiam, atque hunc myrrhæ tam charum fasciculum de principali tui pectoris nec ad horam patieris auelli, amara illa omnia quæ pro te pertulit, semper in memoria retinens, & assidua meditatione revoluens, quo possis dicere & tu: *Fasciculus myrrhæ dilectus meus mihi, inter ubera mea commorabitur*. Glorificate, quæso, dilectissimi (b) & portate interim Christum in corpore vestro, onus delectabile, suave pondus, sarcinam salutarem: etiamsi premere aliquando fortè videtur, etiamsi interdum latera tundit & flagellat recalcitrantem, etiamsi quando in camo & fræno maxillas constringit & coercet, omnino feliciter. Esto ut jumentum, minimè tamen jumentum, patienter quidem sustinens onus, sed honorem intelligens: sapienter & delectabiliter cogitans tam ipsius oneris qualitatem, quàm propriam utilitatem. Noli ergo auditor obliviosus esse (c) sed die ac nocte legito Passionem Jesu: & in omnibus actibus sponsam Jesu imitare, tollens crucem tuam, & ad imitationem ejus unà cum sponsa currens ardenti desiderio fortiter post Jesum. Sit tibi Jesus semper in corde (d) & nunquam imago Crucifixi ab animo tuo recedat. Hic sit tibi potus & cibus,

a Ser. 43. in Cant. n.2. b Ser.7. super Psal.90.n.3. c Soliloq. n.20. tom. 6. pag. 1023. d S. Ber. in formul. honest. vit. nu.2. & 3. tom. 6. pag.1021.

bus, dulcedo & consolatio tua, mel tuum & desiderium tuum, lectio tua & meditatio tua, oratio tua & contemplatio, vita, mors, & resurrectio tua. Semper cogita illum, nunc positum in præsepio, & pannis involutum: modò in templo Patri à parentibus præsentatum: nunc fugientem in Ægyptum, ibi diu in extrema paupertate: & indigentia commorantem, & inde maximo cum labore redeuntem: modò in templo audientem doctores & interrogantem, qui docet hominem scientiam: & postea parentibus subditum, cui jure omnis creatura subditur. Deinde cogita eum esurientem in deserto & sitientem, qui est panis vitæ & fons sapientiæ, qui pascitur inter lilia, & implet omne animal benedictione. Modò fatigatum ex itinere, sedentem supra fontem, cum muliercula sola solum loquentem, totius mundi statum regentem. Postea cogita eum factum in àgonia prolixius orantem, & omnia omnibus sufficienter administrantem: ab Angelo etiam ipsum, qui est dulcedo & consolatio Angelorum & hominum, consolationem nihilominus recipientem: aut ad columnam illum, qui totius est orbis sustentamentum, ligatum & flagellatum: ac ipsum, qui est Angelorum splendor, sputis illitum, palmis in facie percussum, spinis coronatum, opprobriis saturatum: ad ultimum cum iniquis deputatum, & pro te in Cruce pendentem & morientem, atque spiritum suum in manus Dei Patris commendantem. Sic nimirum erit fasciculus myrrhæ dilectus tuus, sic inter ubera tua commorabitur. Sic de omnibus anxietatibus & amaritudinibus Domini Dei tui collige quasi fasciculum, ut amarum poculum lachrymarum

rum tibi conficias. Quoties enim (e) in contemplatione Dominicæ Passionis suspendimur, toties ex recordatione tantæ admirationis in oratione compungimur. Meditatio ruminat livores vulnerum, fixuras clavorum, lanceam & acetum, persecutorum sævitiam, Apostolorum fugam, & mortem turpissimam, Corporis sepulturam. Oratio autē fundit suspiria, piæ devotionis stillat aromata, tota resolvitur in lamenta. Scit profectò quicumque Christi sensum habet, (f) quantum pietati Christianæ expediat, quantum Dei servum, & servum redemptoris Christi deceat, & utile ei sit unâ saltem aliquâ diei horâ passionis & redemptionis ipsius attentius recolere beneficia, ad fruendum suaviter in conscientia, ad recondendum fideliter in memoria: quod est spiritualiter manducare Corpus Christi, & bibere ejus Sanguinem, in memoriam ejus, qui omnibus in se credentibus præcipit: dicens: *Hoc facite in meam commemorationem*. In quo etiam propter peccatum inobedientiæ, quàm impium sit hominem tantæ pietatis Dei esse immemorem, palàm omnibus est, cùm amici hominis abeuntis sub quolibet signo commendatam memoriam nefas sit oblivisci. Siquidem sanctæ hujus ac reverendæ commemorationis mysterium suo modo, suo tempore, suo loco celebrare licet paucis hominibus, quibus hoc creditum est mysterium. Rem verò Sacramenti vel mysteriî omni tempore, & in omni loco dominationis Dei, modo quo traditum est, hoc est, debitæ pietatis affectu agere, contrectare, & sumere sibi in salutem

om-

e Ser. in ser. 2. Pasch. nu. 2. 800. 6. pag. 717: f Tract. de vit. solit. cap. 10. nu. 3. 10. 5. pag. 250.

omnibus in promptu est. Nam & Sacramentum sicut accipit ad vitam dignus, sic ad mortem suam & judicium indignus. Rem verò Sacramenti nemo percipit, nisi dignus & idoneus. Sacramentum enim sine re Sacramenti, sumentis mors est: Res verò Sacramenti etiam præter Sacramentum, sumentis vita æterna est. Si autem vis, & verè vis, omnibus hõris tam diei quàm noctis, hoc tibi in cella tua præstò est. Quoties in commemorationem ejus qui pro te passus est, hoc factò ejus piè ac fideliter fueris affectus, Corpus Christi manducas, & Sanguinẽ ejus bibis. Et quamdiu in eo manes per amorem, & ipse in te per sanctitatis & justitiæ operationem, in ejus Corpore, & membris ejus computaris.

§. 1 V.

Sed quis dignè dicat, (g) quanta sit orationis hujus utilitatis? In pulsante purè oratione, velut animæ nuncio, non jam paradisus, sed janua regni Filii Dei potenter aperitur, quod & qui quærit ostenditur, & petenti tribuitur. Hoc etiam orationis tempore si cæca fuerit anima, illuminabitur: si infirma, sanatur: si pauper, ditatur: si nuda, vestitur: si debilis confortatur: si nutans, constans efficitur: si cujuscunque rei dubia, certificabitur: si ab amore Dei frigida, sancti amoris vaporibus inflammatur: si insipiens & stulta fuerit, super omnes docentes se, sapiens & docta erit. Hoc etiam orationis tempore gustatur & videtur quàm suavis est Dominus. Nec prætereundum est (h) quòd apes de liquore florum collecto favum conficiunt, id est ceram in se mel

mel continentem . Quid est hoc ? Per ceram , tenacem memoriam accipe , quæ apta est ad recipiendum formam sigilli , & ad nutriendum ignem , si tamen in ea sit linum . Quæ cera mel in se continet *dulcissimum , mundificativum , descensivum* . Nos verò , si verè spirituales apes sumus , de floribus nostri paradisi Nazareni , id est horti florentis floridissimi Christi nobis memoriam componamus tenacem , quæ non qualibet tentatione dissoluatur , sed apta sit illa memoria recipere impressionem sigilli , id est Crucifixi Jesu : ut illum semper in memoria habeamus , qui dicit : *Pone me sicut signaculum* . Signaculum enim regium , Crux est : quam si in cordis nostri memoria portaverimus , ad tanti regionem Regis regū , quæ finem non habet , securè poterimus transire . Habet hoc sigillum imaginem Crucifixi Jesu , in ipso sigillo Crucis multis fossuris effossam & expressam , sicut in sigillis imago Regum exprimitur fodiendo . Si autem in memoria nostra (i) Passionis Christi laborem habemus , potest accendi & ardere charitas ejus in nobis , qui illuminat tenebras ignorantiae nostræ : ut & nos parati simus pati pro illo & cum illo , qui prior pro nobis passus est . In tali cera memoriae nostræ debet esse mel , id est , delectatio de recordatione Crucis , quæ est mel *dulcissimum* . Quid tam amarum , quod in recordatione vivificæ Passionis non possit dulciscere ? Certè legimus Hebræos cū exissent de Ægypto , venisse ad aquam amarissimam , quam nullus gustare poterat : cui cū Moyses lignum injecisset , dulcorata est , sic ut eam delectabiliter hiberent . Quid apertius per aquam ama-

B

ram ,

ⁱ Ibid. ult. 171.

ram, quam cujuslibet adversitatis amaritudo signatur? Cui cum lignum Crucis iniicitur, idest, cum Passio dulcis Jesu consideratur, necesse est omnem passionem hominis levem videri, respectu Passionis Dominicæ, quam pro hominibus voluit sustinere Deus & homo, mediator Dei & hominum Deus Jesus. Propterea Sponsa non fascem (k) sed fasciculum dilectum dicit, quod leve præ amore ipsius ducat, quidquid laboris immineat & doloris. Benè fasciculus, quia non sunt condignæ passionibus hujus temporis ad futuram gloriam, quæ revelabitur in nobis. *Id enim* (inquit Apostolus) *quod in presenti est momentaneum & leve tribulationis nostræ, supra modum in sublimitate æternæ gloriæ operatur in nobis*. Erit ergo quandoque nobis ingens cumulus gloriæ, qui modò est fasciculus myrrhæ. An non fasciculus, cujus jugum suave est, & onus leve? Non quia leve in se (nec enim levis passionis asperitas, mortis amaritudo) sed levis tamen amanti. Et ideo non ait tantum, *fasciculus myrrhæ dilectus*: sed *mibi*, inquit, quæ diligo, *fasciculus est*. Unde & dilectum nominat, monstrans dilectionis vim omnium amaritudinum superare molestiam, & quia fortis est ut mors dilectio. Hunc & vos, dilectissimi (l) tam dilectum fasciculum colligite vobis, hunc medullis inserire cordis, hoc munite aditum pectoris, ut & vobis inter ubera commoretur. Habete illum semper non retrò in humeris, sed ante præ oculis: ne portantes & non adorantes, & onus premat, & odor non erigat. Mementote, quia accepit eum Simeon in vlnis suis, Maria gestavit in utero,

k Ser. 43. in cant. nu. 1. l Ibidem n. 5.

utero, fovit in gremio, sponsa sibi inter ubera collocavit. Arbitror & Joseph virum Mariæ super genua frequenter illi arrisisse. Hi omnes ante se habuerunt eum, & nullus retrò. Exemplo ergo sint vobis, ut & vos similiter faciatis. Si enim ante oculos habueritis quem portatis, pro certo videntes angustias Domini, levius vestras portabitis. Nocturnus quidem & tenebrosus est timor (m), sed facile hunc radius veritatis exuperat. Ingerit enim oculis cordis ea quæ pro nobis pertulit Christus, ut crebrò considerantes quanta sustinuit illa Majestas pro inutilibus servis, erubescamus non sustinere vel parva pro nobis. Quid tibi dirum (n) vel durum esse poterit, cum recordatus fueris quia ille in forma Dei, in die æternitatis suæ, in splendoribus Sanctorum ante luciferum genitus, splendor & figura substantiæ Dei, venit ad carcerem tuum, ad limum tuum, infixus (ut dicitur) usque ad cubitos in limo profundi? Quid non suave tibi esse poterit? cum tibi collegeris omnes amaritudines Domini tui, & rememoraberis primum quidem illarum infantilium necessitatum: deinde laborum quos pertulit in prædicando, fatigationum in discurrendo, tentationum in jejunando, vigiliarum in orando, lachrymarum in compatiendo, insidiarum in colloquendo: postremò periculorum in falsis fratribus, conviciorum, sputorum, colaphorum, flagellorum, irrisionum, subsannationum, exprobrationum, clavorum, horumque similium, quæ in salutem nostri generis triginta & tribus annis operatus & passus est in medio terræ.

Porro meditatio Passionis Dominicæ (q) continet
 mel *mundificatiuum*: quia verè nihil est, quod ita
 ab omnium vitiorum impulsu & cogitatione men-
 tem nostram purificet, & in puritate conservet,
 quàm jugis memoria Crucis, & Passionis Domini
 Jesu. Proinde (p) quoties te sentis turpibus cogita-
 tionibus pulsari, & ad illicitam delectationem affici:
 toties pone ante mentis oculos, quomodo Christus in
 Cruce crucifixus est pro te. Intuere quomodo à Juda
 Indæis traditur, quàm viliter pertractatur, blasphe-
 matur, colaphizatur, judicatur & condemnatur,
 expoliatur & flagellatur: ad ultimum verò contu-
 meliis & opprobriis affectus, inter duos latrones su-
 spenditur, clavis Cruci affixus, sputis derisus, spi-
 nis coronatus, lanceâ perforatus, ex omnibus parti-
 bus Sanguis emanat: & inclinato capite emittit spiri-
 tum. Ita Redemptor tuus moritur pro te: & tu nescio
 cujusmodi cogitatione sordidaris in mente. Sufficere
 quidè posset hæc cogitatio ad excludendas omnes il-
 licitas cogitationes: sed ecce ad alia transeamus. Si
 tentationum sentis aculeos (q) exaltatum in ligno.
 Serpentem æneum intueri, & suge non tam vulnera
 quàm ubera Crucifixi. Ipse erit tibi in matrem, &
 tu eris ei in filium: nec pariter Crucifixum lædere
 aliquatenus poterunt clavi, quin per manus eius &
 pedes ad tuos usque perveniant. Porro (r) si quan-
 doque suggestionibus diaboli, vel importunis carnis
 nostræ clamoribus, ad curam carnis in desideriis per-
 agen-


o Tract. de vite myst. cap. 44. num. 171. p Tract. de interiori
 domo cap. 22. num. 47. pag. 427. q Epist. 351. num. 1. r Ser. de v. b.
 sap. num. 6.

agendam revocemur, anxietates Christi crucisque supplicium ponamus præ oculis, & confestim ipsa nos docebit experientia, quid senserit Apostolus cum dixit: *Verbum Crucis his qui salvi fiunt, virtus Dei est. Et: Mihi absit gloriari, nisi in Cruce Domini nostri Jesu Christi.* Quare? Quia sicut fluit cera à facie ignis, sic pereunt omnes immunditiæ à facie Crucis. Dei siquidem infirmitas, nostra est fortitudo, & in stultitia ejus facti sumus sapientes. Quomodo namque (s) non Christi patientiæ recordatio omnem arceat voluptatem? quomodo non illius humilitatis consideratio superbiam vitæ prorsus extundat? cum charitas illa planè digna ejus meditatione sic mentem occupet, sic totam sibi vendicet animam, ut omnino vitium curiositatis exsufflet. Astat oranti (t) hominis Dei sacra Imago morientis, vel stringat necesse est animum in amorem virtutum, vel carnis exturbet vitia, fuget illecebras, desideria sedet. Quid ergo dulce sit ei in carne (u) cui tanta dulcedo est in Christi Passione? Nihil proficiet inimicus in eo (x) quem crux Christi delectat, si carnalem suggererit delectationem: & filius iniquitatis non apponet nocere ei, si ad exasperandum animum ejus quamlibet immittere tentaverit amaritudinem. Si denique (y) benè cogitamus Dominicam Passionem, erubescimus sequi corporis voluptatem. Nihil quoque sic valet (z) ad extirpandas voluptatum radices, quam recordatio vulnerum Domini mei, qui stetit ante Judicem, qui alapas accepit,

B 3

pit,

s Ser. infer. 4. heb. d. san. nu. 5. t Ser. 20. in Cant. nu. 7. u Ser. 29. diu. nu. 4. x Ser. 1. de S. Andrea nu. 3. y Ser. 3. de Resurrect. Domini nu. 2. z Ser. de S. Nicol. nu. 7. tom. 6. pag. 792.



pit , qui flagellatus & conſputus eſt : qui coronatus ſpinis , qui colaphis cæſus , qui ſuſpenſus in ligno , cui pendenti inſultatum eſt : qui mortuus in Cruce , lanceâ percuſſus eſt . Poſtremò meditatio Paſſionis Dominicæ (a) continet mel *deſcenſuum* : quia contra aliorum liquorum conſuetudinem naturalem , quod in melle eſt puriſſimum , ad ima deſcendit , ſeculentum verò aſcendit , Quid per talem deſcenſum , niſi virtus humilitatis deſignatur ? Quæ proſectò virtus in Paſſionis Dominicæ memoria acquiritur , & conſervatur : quia non poteſt quis non humiliari , cùm recordatur pro ſe humiliatum Dominum majeſtatis . Indignum quippè eſſet hominem lutum & cinerem per ſui elevationem illuc aſcendere , ubi Angelus perfectiſſimus in omni ſcientia & decore (quia humilitate caruit) non potuit remanere . David agnovit Dominum minoratum ab Angelis : (b) Hieremias etiam vidit eum cum hominibus converſantem : Eſajas modò ſuper ſolium excelſum , modò non ſolum infra Angelos aut inter homines , ſed tanquam leproſum ſe vidiffe teſtatur , ideſt , non in carne tantum , ſed in ſimilitudine carnis peccati . Tu quoque ſi deſideras videre ſublimem , humilem priùs Jeſum videre curato . Intuere priùs exaltatum in deſerto ſerpentem , ſi videre deſideras Regem in ſolio ſedentem . Iſta te humiliet viſio , ut illa exaltet humiliatum . Reprimat & ſanet iſta tumorem tuum , ut illa repleat & ſatiet deſiderium tuum . Exinanitum vides ? Non ſit ocioſa viſio , quia exaltatum ocioſè videre non poteris . Similis eris illi , cùm videris eum ſicuti eſt : eſto & nunc ſimilis ei , videns eum ſicut propter

a *Tract. de vite myſt. cap. 44. nu. 172* b *Ser. 1. de verb. Eſai. nu. 2*

pter te factus est. Si enim ne in humilitate quidem similitudinem ejus abnuis, certa tibi sublimitatis quoque similitudo debetur. Nunquam ille socium tribulationis à communione gloriæ patietur arceri. Nimirum (c) quod ait Dominus: *Cum ipso sum in tribulatione*: ad eum pertinet qui per fidem ambulat, non autem qui ad faciem jam pervenit. Equidem utriusque est Caput unum, sed non uno modo membris omnibus exhibetur. Quibusdam enim ostenditur caput hirsutum spinis, inclinatum in Cruce, ut humilientur pariter & compungantur. Quibusdam gloriosum apparet, ut ab ipso glorificentur, & in ipso glorientur facta ei similia, quem vident sicuti est. Interim nempe non sicut est, sed sicut pro nobis factum est Caput nostrum nobis representatur, non coronatum gloriâ, sed peccatorum nostrorum circumdatum spinis, ut pudeat sub spinato Capite membrum fieri delicatum. Colligamus ergo nobis (d) in floribus Vitis nostræ Domini Jesu talem memoriam, talem delectationem, ut stigmata Crucifixi nostri in memoria jugiter retinentes, ita in ipso qui solus est dulcis delectemur, ut omnes per ipsam præsentis vitæ amaritudines superemus, mun- demur ab omni delicto, & in bonis operibus jugiter per humilitatis custodiam conservemur. Utinam (e) hujus abundantia pietatis sic fragret quotidie in naribus nostris, ut in veritate dicere possimus cum Sponsa in Canticis: Fasciculum myrrhæ dilecti semper supra meum pectus portabo. O dulcis sarcina! o felix medicina! Hæc sarcina, fratres mei, crux ip-

B 3

sa

c Ser. 5. de omn. Sanct. nu. . & 9. d Tract. de vice myst. cap. 44. nu. 172. e Ser. 11. in alt. Cæna nu. 84 & 85.

sa beata scilicet Passio Christi , bajulum suum non gravat , sed levat : non deprimat , sed extollit : non quassat , sed erigit , & portat portantem , ubi Christus est in gloria Patris . Hæc est inquam dulcissima medicina , quæ morbum omnem expellit , vires atque virtutes non habenti acquirit : quæ non solum sanat ægrotos , sed etiam vivificat mortuos . Mihi meus auditor credat , imò mihi credat crucis amator , quòd jam non lædetur à morte secunda , si in hac vita usus fuerit tali medicina . Hoc est illud lignum propheticum , quod est inter juncturas ædificiorum : quia ipsa Crux gloriosa terram conglutinat cœlo , hominem consociat Angelo : & peccatorem sic reconciliat Deo , ut ipse Deus manere dignetur in eo , & ipse manere mereatur in Deo suo . Delectatur floribus Christus (f) qui in Nazareth & concipi voluit & nutriri . Gaudet Sponsus cœlestis talibus odorem mentis , & cordis thalamum frequenter libenterque ingreditur , quòd istiusmodi floribus respersum invenerit . Ubi suæ videlicet Passionis gratiam sedula inspicit cogitatione versari , ibi profectò adest sedulus , adest libens . Totus proinde vobis figatur in corde (g) qui pro vobis totus fixus est in Cruce . Iste quoque mihi sit via in hoc Opusculo , [h] & in omnibus actionibus meis , ut ipso duce quæ gesserò incipiam & finiam : ut annunciem nomen Domini in Sion , & laudem ejus in Jerusalem .

CA.

f Tract. de dilig. Deo cap. 3. nu. 8. g Tract. de vite myst. cap. 31. nu. 132. h Ser. 7. in ult. Cena ante nu. 1.

C A P U T I I.

De angustia Christi, quam pati voluit in horto Gethsemani pro salute nostra.

Tristis est anima mea usque ad mortem.

Matt. 26. Marc. 14.

1. *Invitantur omnes Christiani ad legendum historiam Passionis Dominice, plenam sacramentorum & salutis: nec non ad considerandum causam, quarenam Christus voluit transire per montem Oliveti ad hortum Gethsemani.*
2. *Ostenditur sollicitudo Christi erga Discipulos, quos, antequam ingrederetur hortum, prius curavit exhortari ad vigilandum & orandum, ne intrarent in tentationem. Hoc documento excitantur etiam Pastores animarum ad vigilandum super greges sibi commissas.*
3. *Ostenditur quod dum Christus in horto cepit pavere & tedere, contristari & maestus esse, totum hoc agebatur propter nos: scilicet ut nec mori timeamus in articulo mortis, nec diabolum tunc adfuturum expavescamus.*

5. I.

Hymno dicto, egressus est Jesus cum discipulis suis trans torrentem Cedron, in montem olivarum, secundam consuetudinem: & secuti sunt eum discipuli ejus.
Matt. 26. Marc. 14. Luc. 22. Ioan. 18.

Cum

26 *Philosophiæ Christianæ*

Cùm universa fecerit Deus in numero [a] ponde-
re & mensura : specialiùs tamen ea tempora quibus
in terra visus est, & cum hominibus conversatus est,
quæcunque in eis operatus, aut locutus aut passus est,
ita disposuit, ut ne minimum quidem momentum,
ne unum jota à sacramento vacaverit, aut præterierit
sine mysterio. In nostra quidem vita, (b) multa,
quantùm in nobis est, videmur agere casu, multa
necessitate : sed Christus Dei Virtus, & Dei Sa-
pientia neutri potuit subjacere. Quæ enim Dei
Virtutem necessitas cogeret ? aut quid ageret Dei
Sapientia casu ? Omnia proinde quæcunque locutus
est, quæcunque operatus est, quæcunque passus est,
ne dubites fuisse voluntaria, plena sacramentorum,
plena salutis. Hæc scientes, si quid aliquando eo-
rum quæ de Christo sunt, in nostram scientiam ve-
nire contingat, non sic audiendum est tanquam si
inventitium quidpiam proferamus, sed tanquam id
quod etiam priusquam causa sciretur, constaret ne-
quaquam sine causa fuisse. Sicut enim qui scribit,
certis rationibus collocat universa : ita quæ à Deo
sunt, ordinata sunt, maximèq; ea quæ præsens in car-
ne est operata Majestas. Sed væ angustæ cognitioni
nostræ, væ paupertati scientiæ nostræ, qui tantùm ex
parte cognoscimus, & ex parte modica. Vix scin-
tillæ quædam nobis elucent de tanta luminis copia,
de lucerna posita super candelabrum. Sanè quantò
minus singuli capimus, tantò fideliùs cæteris com-
municanda sunt, quæ singulis revelantur. Et ego,
Fratres, quæ mihi ad vestram ædificationem de *Passi-
sione sua* donare ipse dignatur, nec volo nec debeo
sub-

a Ser. 3. in Dom. Palm. num. 1. b Ser. 4. de Ascens. Dom. num. 2.

Subtrahere vobis : præsertim quodd hæc sit spiritua-
 lium prærogativa donorum, ut communicata non
 minuantur. Aliquibus fortassis hæc nota sunt, qui-
 bus similiter revelata sunt : sed propter eos qui fortè
 non adverterunt sublimioribus intenci, aut aliis oc-
 cupati ; seu etiam propter eos qui minùs capaces in-
 telligentiaè sunt, mihi incumbit loqui quæ sentio.
 Ego enim [c] si non fastiditis, nostra fragmenta quæ
 mihi colligeram, sine invidia communicabo, ne
 fortè incurram maledictionem abscondentis frumen-
 ta in populis. Super est jam [d] ut distribuam quæ
 paravi : vos autem considerate potiùs dantem Do-
 minum, quàm ministrum distribuentem. Ego enim
 quantum in me est, nihil aliud sum quàm conseruus
 vester, qui vobiscum pariter & mihi & vobis
 (sicut ipse Dominus novit) mendico panem de
 cælo, & alimentum vitæ : non eum panem qui
 corpus corroborat, sed qui confirmat cor hominis.
 Ego interim(e) haud temerè mihi arragârîm Sponsæ
 prærogativam. Novit Sponsus quibus deliciis spi-
 ritûs foveat dilectam, quibus singulariter refocillet
 sensus ejus inspirationibus, & mulceat odoramentis.
 Sit sibi fons proprius, in quo ei non communicet alie-
 nus, nec indignus bibat ex eo. Est quippè hortus
 conclusus, fons signatus. Cæterùm derivantur aquæ
 inde in plateas. Eas me habere ad manus fateor,
 dum tamen nemo mihi molestus sit aut ingratus. Si
 de publico haurio & propino. Accipite itaque syl-
 labas aliquas (f) ex Sacris litteris passim sparsimque
 comprehensas : in quibus si quid fragrantia, si quid
 dul-

c Ser. 3. in Dom. 6. post. Pent. m. 1. d Ser. 1. de om. san. m. 3. e Ser. 21.
 in Canon. 2. f Proem. tract. de 3. præcip. myst.

dulcoris, si quid interim saporis palato pij cordis degustaveritis, nolo mihi attribuatis: sed nobilibus illis pigmentariis, de quorum Apothecis emendicatum est, referatis gloriam. Legite eas (g) & quas volvetis in ore literas, scintillas sentietis in pectore: quibus & incalescet cor vestrum intrà vos, tanquam ex illo igne, quem Dominus misit in terram. O quantus in illis meditationibus exardescibat ignis, è quibus hujuscemodi evolabant scintillæ. Vigilate autè animo, Fratres, [h] nè infructuosè vos hujus Passionis Dominicæ sacramenta pertranseant. Copiosa est benedictio: date receptacula munda, devotas animas, sensus vigiles, affectus sobrios, puras conscientias exhibete tantis charismatibus gratiarum. Prope est mons Oliveti Hierusalem [i] per quem Dominus volvit transire, intimans nobis pacis nobis esse occasionem & causam, & erga contubernales nostros misericordiæ compassionem. Mons Oliveti significat misericordiam, quia oleum in Scripturis, ut scitis, misericordiam exprimere solet. Ascenditur in montem Oliveti [k] descenditur in vallem Josaphat, ut sic divitias Divinæ misericordiæ cogitetis, quatenus horrorem Judicis nequaquam dissimuletis: quia etsi in multis miserationibus suis multus est ad ignoscendum, judicia tamen ejus nihilominus abyssus multa, quibus agnoscitur valdè omninò terribilis super filios hominum. David denique, qui montem Oliveti demonstrat dicens: *Homines & jumenta salvabis Domine, quemadmodum multiplicasti misericordiam tuam Deus*: etiam judicij vallem in eo-

g. Epist. 11. nu. 1. h. Ser. infer. 4. heb. san. nu. 1. i. Ser. 4. in Dom. Palm. nu. 5. & 4. k. Tract. de exort. ad mil. templ. c. 8. n. 14.

eodem Psalmo commemorat dicens: *Non veniat mihi pes superbiae, & manus peccatoris non moveat me*. Cujus & præcipitium se omnino perhorrescere fatetur, cum, in alio Psalmo ita loquitur orans: *Confige timore tuo carnes meas: à judiciis enim tuis timui*. Superbus in hanc vallem corruit & conquassatur, humilis descendit & minimè periclitatur. Christus Dominus mons est (l) mons coagulatus, & mons pinguis. Mons est sublimitate, coagulatus multorum congerie, pinguis charitate. Pinguissimus planè & uberimus mons, in quo beneplacitum est Deo habitare in eo: siquidem propterea unxit eum oleo lætitiæ præ participibus suis. Unxit, inquam (m) & misit plenum gratiæ & veritatis. Unxit, ut ungeret. Omnes ab eo uncti sunt, qui de plenitudine ejus meruerunt accipere. Mons cælestium aromatum (n) est Christus Dominus, mons charismatum spiritualium, non ad mensuram accipiens spiritum, sed omnimodam obtinens plenitudinē gratiarū. Magnus mons, in quo omnes thesauri sapientiæ & scientiæ absconditi sunt: in quo tota humanitatis veritas, tota Divinitatis inhabitat plenitudo. Excelsus & immensus mons, in quo omnia restaurantur quæ in Cælis sunt & quæ super terram, ut sit Deus omnia in omnibus. Venite (o) ascendamus ad hunc montem, Fratres, & si via nobis videtur ardua, exoneremus nos: si arcta, etiam exinanire nos non parcamus: si longa, tantò magis festinemus: si laboriosa, clamemus ei: *Trabe nos post te, in odorem unguentorum tuorum curremus*. Felix qui sic cucurrerit, ut

l Ser. 32. di. ver. nu. 8. m Ser. 16. ix. cant. nu. 12. n Ser. 33. di. nu. 3.
o ibidem n. 9.

ut comprehendat: imò ut ipse comprehendatur, & in illam amplitudinem montis & plenitudinem corporis Christi mereatur admitti. Felix qui in illum beatificum montem tam desideranter & perseveranter ascenderit, ut in loco sancto locum accipiens stationis, Deo Patri in Sancto ejus appareat, simul & vidëat virtutem ejus & gloriam: haud aliam sanè, quàm eundem ipsum Montem montium, montem coagulatum & pinguem, Jesum Christum Dominum nostrum. In quo nimirum per prædestinationem ab æterno apparuit ei, qui dilexit nos & gratificavit in dilecto Filio suo, in quo elegit nos ante mundi constitutionem.

§. I I.

Tunc venit Jesus cum discipulis suis in villam, quæ dicitur Gethsemini, ubi erat hortus. Et dixit eis: Sedete hic donec vadam illuc & orem. Orate, nè intretis in tentationem. Sustinete hic & vigilate mecum. Matt. 26. Marc. 14. Luc. 22. Joan. 18.

Christus (p) ad Discipulos ait: *Sedete hic donec orem*: verba sunt debitæ subjectionis. Christo igitur adhuc orante, nequaquam surgere debemus per aliquam extollentiam; sed humiliari, & in bonis exercitari operibus convenit: ut quandoque post laborum quibus hinc afficimur tolerantiam, surgamus loco & tempore suo promovendi ad cælestem gloriam. *Vigilate & orate [q] ut non intretis in tentationem*. Quis hoc dixerit, scitis, & tempus scitis. Domini enim est verbum istud, in-

stan-

stante jam passione sua. Et attendite quoniam ipse quidem erat passurus, & non discipuli: nec tamen pro se dicebat orandum, sed pro illis. Unde ad Petrum ait: *Ecce satanas expetivit vos, ut cribraret sicut triticum. Ego autem rogavi pro te, ut non deficiat fides tua: & tu aliquando conversus confirma fratres tuos.* Si tantum illos oportebat timere in Passione Domini: quantum nobis timendum est, Fratres, in passione nostra? Vigilate proinde & orate, ut non intretis in tentationem; quoniam undique circumdati estis tentationibus. Unde & legitis, quia *tentatio est vita hominis super terram*. Itaque si tot tentationibus plena est vita nostra, ut non immerito tota ipsa tentatio debeat appellari, pervigili circumspeditione opus est & oratione, ne inducamur in eam. Custodiendae sunt vigiliae noctis [1] supra gregem cogitationum & actionum nostrarum, ut si in prima vigilia vel secunda vel tertia Dominus venerit, paratos nos inveniat. *Prima vigilia est rectitudo operis*, ut ad hanc quam iurasti Regulam, omnem vitam exaequare coneris, nec transgrediaris terminos quos posuerunt Patres tui: in omnibus viae & vitae hujus exercitiis non declinans ad dextram, neque ad sinistram. *Secunda vigilia est puritas intentionis*, ut simplex oculus totum Corpus lucidum faciat: ut quidquid feceris, propter Deum facias: & ad locum unde exeunt gratiae revertantur, ut iterum fluant. *Tertia vigilia est custodia unitatis*, ut in Congregatione positus, voluntates aliorum tuis voluntatibus anteponas: ut non solum sine querela, sed & cum gratia inter Fratres maneas, portans omnes, orans pro omnibus, ut

& de

¹ Ser. 3. in vig. Nat. Dom. n. 6.

& de te quoque dicatur: *Hic est fratrum amator, & populi Israël: hic est qui multum orat pro populo, & universa sancta civitate Hierusalem.* Audi denique [s] quid sponsa dicat: *Invenerunt me vigiles qui custodiunt civitatem.* Qui enim vigiles hi? Nempe illi, quos Salvator in Evangelio beatos pronuntiat, si cum venerit, invenerit vigilantes. Quam boni vigiles, qui nobis dormientibus ipsi pervigilant, quasi rationem reddituri pro animabus nostris. Quam boni custodes, qui vigilantes animo atque in oratione pernoctantes, hostium insidias sagaciter explorant, anticipant consilia malignantium, deprehendunt laqueos, eludunt tendiculas, retiacula dissipant, machinamenta frustrantur. Hi sunt Fratrum amatores & populi Christiani, qui multum orant pro populo & universona sancta civitate. Hi sunt, qui multum solliciti pro sibi commissis Dominicis ovibus, cor suum tradunt ad vigilandum diluculo ad Dominum qui fecit illos, & in conspectu Altissimi deprecantur. Et vigilant & deprecantur, scientes suam insufficienciam in custodienda civitate, & quia nisi Dominus custodierit civitatem, frustra vigilat qui custodit eam. Porro [t] cum Dominus ita præcipiat: *Vigilate & orate, ne intretis in tentationem:* liquet, quod absque duplici hoc exercitio fidelium studioque custodum, non potest esse secunda Civitas, non Sponsa, non Oves. Horum differentiam quæris? Unum sunt: *Civitas* propter collectionem, *Sponsa* propter dilectionem, *Oves* propter mansuetudinem. Vis scire hoc Sponsam quod Civitatem esse? *Vidi* (inquit Joannes) *Civitatem sanctam Hierusalem novam descen-*

scendentem de Cælo, à Deo paratam, sicut Sponsam ornatam viro suo. Identidem tibi hoc & de Oibus liquidò apparebit, si recorderis quàm attentè simul de amore commonitus sit primus ille custos (Petrum loquor) cùm sibi primò Oves committerentur. Quod utique tantâ curâ Sapiens creditor non fecisset, nisi se sentiret Sponsum, id sibi utique ex intimo respondente conscientia, Audite hæc amici Sponsi, si tamen amici. At parum dixi, amici: amicissimi sint oportet, qui privilegio tantæ Familiaritatis donantur. Non ociosè toties repetitum est, *Patre amas me*, in commissione Ovium, Et ego quidem id significatum esse perinde puto, ac si illi dixisset Jesus: Nisi testimonium tibi perhibente conscientia quòd me ames, & valdè perfectèquè ames, hoc est plusquàm tua, plusquàm tuos, plusquàm & te, ut hujus repetitionis meæ numerus impleatur: nequaquam suscipias curam hanc, nec te intromittas de Ovibus meis, pro quibus Sanguis utique meus effusus est. Terribilis sermo, & qui possit etiam impavida quorumvis tyrānorum corda concutere. Proinde ego infelix [v] quòd me vertam, si tantum thesaurum, si preciosum depositum istud, quod sibi Christus Sanguine proprio preciosius judicavit, contigerit negligentius custodire? Si stillantem in Cruce Domini Sanguinem collegissem, essetquè repositus penes me in vase vitreo, quod & portari sæpius deberet, quid animi habiturus essem in discrimine tanto? Et certè id servandum accepi, pro quo mercator non insipiens (ipsa utique Sapiencia) Sanguinem illum dedit. Sed & habeo thesaurum istum in vasis fi-

ailibus, & quibus multò plura quàm vitreis immi-
 nere pericula videantur. Accedit sanè ad sollicitudi-
 nis cumulum & pondus timoris, quòd cùm & meam
 & proximi conscientiam servare necesse sit, neutra
 mihi satis est nota. Utraque abyssus est imperscr-
 tabilis, utraque mihi nox est, & nihilominus exigi-
 tur à me utriusque custodia, & ore Esajæ clamatur:
Custos quid de nocte? custos quid de nocte? Non est
 mihi dicere cum Cain: *Numquid custos fratris mei
 sum ego?* Sed est fateri humiliter cum Propheta Da-
 vid: *Quia nisi Dominus custodierit civitatem, frustra
 vigilat qui custodit eam.* Propterea attendite vobis(x)
 quicumque opus ministerij hujus sortiti estis: attendi-
 te inquam vobis, & precioso deposito quod vobis cre-
 ditum est. *Civitas* est, vigilate ad custodiam concor-
 diamquè. *Sponsa* est, studete ornatui. *Oves* sunt, intendi-
 te pastui. Et hæc tria ad illam Domini trinam sciscita-
 tionem fortè non incongruè pertinere dicentur. Por-
 rò custodia *Civitatis* ut sit sufficiens, trifaria erit, à
 vi tyrannorum, à fraude hæreticorum, à tentationi-
 bus dæmonum. *Sponsæ* verò ornatus in bonis est ope-
 ribus, & moribus, & ordinibus. At pastus *Ovium*
 communiter quidem in pascuis Scripturarum tan-
 quam in hæreditate Domini est. Ad hæc boni soli-
 citiquè Pastores impinguare pecus non cessant bo-
 nis lætisquè exemplis, & suis magis quàm alienis.
 Nam si alienis & non suis, ignominia est illis, & pe-
 cus ita non proficit. Hæc interim de custodia Civi-
 tatis, atque ornatu Sponsæ, nec non & pastu Ovium
 dicta sint. Volo tamen adhuc (y) eadem paulò ex-
 pressius designare propter eos, qui dum avidè nimis
 hono-

x Ser. 76. in Cant. 2. 9. y Ibidem. 2. 10.

honoribus inhiant, minus providè gravibus se supponunt oneribus, exponunt periculis: ut sciant ad quid venerint, sicut scriptum est: *Amice ad quid venisti?* Ni fallor, ad solam *Civitatis* custodiam, ut quantum satis est procuretur, opus est viro forti, spirituali, fideli. *Forti*, ad propulsandas injurias: *Spirituali*, ad deprehendendas insidias: *Fideli*, qui non quæ sua sunt, quærat. Porro autem ad mores honestandos vel corrigendos (quod utique ad decorem pertinet *Sponsæ*) quis non liquidò agnoscat pernecessariam fore cum multa quidem diligentia disciplinæ censuram? Eapropter omnis cui, hoc opus incumbit, oportet ferveat zelo illo, quo accensus præcipuus ille æmulator sponsæ Dei aiebat: *Æmulor vos Dei æmulatione: despondi enim vos uni viro virginem castam exhibere Christo*. Jam quomodo in pascua divinorum educet eloquiorum greges *Dominicos* pastor idiota? Sed etsi doctus quidem fuerit, non sit autem bonus, verendum ne non tam nutriat doctrina uberi, quàm sterili vita noceat. Temerè itaque & in hac parte hoc onus subitur absque scientia pariter utiquè laudabili.

§. III.

Jesus assumpto Petro, & Jacobo, & Joanne, introivit in hortum ipse & discipuli ejus: & capit povere & tædere, contristari & mæstus esse. Et ait illis: Tristis est anima mea usque ad mortem. Matt. 26. Marc. 14.

Christus (z) dato charitatis salutari mandato, & disposito fratribus regno Patris sui, ad locum proditori

tori suo notum cum illis divertit, sciens omnia quæ ventura erant super se. Accinxit se quodammodo Dei Filius (a) & aggressus est per humilitatem recuperare eum qui recuperari poterat, qui per superbiam perierat. Itaque inter Deum & hominem medium se faciens, qui recedens à Deo, captus & ligatus à diabolo erat: hoc modo boni mediatoris & personam induit, & actu tum factus est homo. *Egressa est virga de radice Jesse, & flos de radice ejus ascendit: & requievit super eum Spiritus Domini, spiritus sapientiæ & intellectus, spiritus consilii & fortitudinis, spiritus scientiæ & pietatis, & replevit eum Spiritus timoris Domini.* Intellige hinc fortissimum scilicet Agonothetam nostrum, quasi campum mundi ingressum inungi ad palæstram oleo Spiritus Sancti, & exultantem gigantem ad currendam viam dispensationis humanæ. Incipiat ergo [b] consideratio nostra in eodem loco, ubi ipso teste cum inciperet pavere & tædere, tristis fuit Anima ejus usque ad mortem. Hinc namque turbare se [c] pavere quoque dignatus est & tædere, tentatus per omnia pro similitudine absque peccato. Videas si attendas [d] tristari lætitiā, pavere fiduciam, salutem pati, vitam mori, fortitudinem infirmari. Sed quod non minus mirandum est. Ipsa ibi cernitur tristitia lætificans, pavor confortans, passio salvans, mors vivificans, infirmitas roborans. Agnosce planè [e] in Duce belli pusillanimatorum trepidationem: agnosce ægroti vocem in medico: agnosce infirmantem gal-
linam

a Lib. 2. de amore Dei cap. 12. n. 35. b Tract. de vitæ myst. cap. num. 23. c Ser. 34. diu. num. 2. d Ser. 2. super missis num. 9. e Ser. 1. de S. Andr. n. 5.

animam cum pullis : considera charitatem, stupe miserationem, expavesce dignationem. Misericors Dominus non beati Andreæ robustum sibi suscepit affectum : quia non est sanis opus medicus, sed malè habentibus. Si quem fortè dignatio scandalizat, planè meretur audire : *Nonne oculus tuus nequam est, quia ego bonus?* Huic enim odor vitæ in mortem est. Quid magnum fuerat Domine Jesu [f] si accedente hora propter quam veneras, intrepidus stares, tanquam qui potestatem habebas ponendi Animam tuam, & nemo eam tollebat à te? An non longè gloriosius fuit, quando quidem totum propter nos agebatur, ut nonmodò passio Corporis, sed etiam Cordis affectio pro nobis faceret : & quos vivificabat mors tua, nihilominus & trepidatio robustos, & mæstitia lætos, & tædium alacres, & turbatio quietos faceret, desolatio consolatos? In horto [g] Animæ tuæ tristitiam, quam ex imminente Passione tua spontè assumpsisti, sicut & cætera quæ passus es, in auribus fratrum non erubuisti profiteri dicens : *Tristis est anima mea usque ad mortem.* Arbitramur autem quòd hoc ad consolationem infirmorum membrorum tuorum assumpsisti, ne fortè desperet quis si caro infirma remurmurat, ubi ad passionem promptus est spiritus. Nimirum ut majoris erga te amoris & gratitudinis stimulos habeamus, naturalem carnis infirmitatem his indiciis in te expressisti, quibus docemur quia verè languores nostros portasti, & non absque sensu doloris passionum sentes percurristi. Vox enim illa vox esse carnis videtur, non spiritûs, ex eo quòd subjunxisti : *Spiritus qui-*

f Ibidem num. 6. p. Ser. de Pass. Dom. n. 8.

dem promptus est, caro autem infirma. Arabia vespere interpretatur [h] quæ diei finis est noctisque principium: horam mortis non incongruè (ut puto) signans, quæ cunctis ferè mortalibus timoris non leve pondus imponit. Quis enim hominum hoc onus evitet, cui se Salvator spontanea voluntate submisit? Imminente enim morte, *capit pavere & tædere.* Sub hoc timoris onere totum vivit genus humanum: nisi fortè aliquis talis sit, cui certa sit beata vita post mortem, cujus desiderio etiam amaritudinem mortis non sentiat. Timuit Christus mori [i] ut tu, o homo, non timeas mori, confidens in eum qui suscitavit Jesum à mortuis tertia die. In illum tantum, qui suscitavit Jesum, est confidendum. O tu Christiane ne de hac infirmitate desperes, Jesus docuit quid tunc, & in omnibus periculis mortis debeas dicere, ad quem confugere, quem invocare, in quem sperare. In Patrem Deum, qui non potest despiciere sperantes in se, cum attestatione bonorum operum. *Bonorum*, dico, quia sine meritis aliquid sperare non spes sed præsumptio debet dici. Tu itaque talia fac opera tua, ut ei in hora mortis in veritate dicere & orare possis: *In te Domine speravi non confundar in æternum.* Hoc enim est, totum hominis meritum [k] si totam spem suam ponat in eo, qui totum hominem saluum facit. *In te speraverunt patres nostri, speraverunt & liberaasti eos: ad te clamaverunt, & salvi facti sunt: in te speraverunt, & non sunt confusi.* Quis enim speravit in eo, & confusus est? Sperate in eo omnis congregatio populi.

h Ser. de Adventu Dom. nu. m. 12. tom. 6. pag. 605. i Ser. 1. in ult. Cana n. 2. k Ser. 15. super Psal. 90. n. 5.

puli. Quemcunque enim locum calcaverit pes vester, vester erit. Pes vester utique spes vestra est: & quantumcunque illa processerit, obtinebit, si tamen in Deum tota figatur, ut firma sit & non titubet. Quid timeat aspidem aut basiliscum, quid leonis rugitus aut draconis sibilos expavescat? Quidni tolleretur omnia [1] quæ ad omnia valet, promissionem habens ejus vitæ quæ nunc est & futuræ? Repugnet fortiter, impugnantem propugnator aderit indefessus, & triumphanti non deerit largissimus remunerator. Scuto (inquit Psalmista) circumdebet te veritas ejus. Neccessaria planè insuperabilis protectio veritatis [m] nonmodò interim in carne degenti, sed postmodum exeunti: & nunc quidem ob periculosos conflictus, tunc verò ab monstruosos occursum spirituum malignorum. Nempè & sanctissimam illam Gloriosi Martini Animam voluit pars inimica nocere, & cruenta bestia sciens quòd modicum jam tempus haberet, totà profectò insaniâ malitiæ infatigabilis non est verita propè assistere ei quoque in quo nihil habebat. Immo verò ad ipsum etiam Regem gloriæ accedere impudentissima temeritas illa præsumpsit, sicut ipse testatur: *Venit enim princeps mundi hujus, & in me non invenit quidquam*. Fælix anima, quæ sic interim tentationum jacula scuto veritatis repulerit, ut nil prorsus venenatum in se coalescere passa, omninò non confundatur cum loquetur inimicis suis in porta: *Nihil in me funesti reperies*. Fælix quem sic circumdabit clypeus veritatis, ut introitum quoque & exitum ejus custodiat: exitum utique ab hac vita, & introitum in futuram;

1 Ser. 7. super. Psalm. 90. num. 1. m. Ibidem m. 2.

quo videlicet nec moliatur à tergo, nec à facie. noli quidpiam inimicus attentet. Siquidem omnino opus erit illic custode, opus erit duce fideli, opus erit consolatore magno propter horribiles illas visiones; non minus quam hic adiutore & propugnatore contra invisibiles tentationes. Licet autem (n) nullus tibi ad regnum cælorum nisi per medios hostium cuneos patet accessus, in itinere medio sunt gigantes in aëre volitant, obsident transitum, observant transeuntes: attamen fiducialiter age, ne timeas. Magni sunt, multi sunt: sed *cadent à latere tuo mille, & decem millia à dextris tuis*. Cadent undique, nunquam tibi deinceps in perpetuum nocituri: parum est, non appropinquaturi. Equidem videbit peccator & irascetur, sed à latere veniet, eò quòd videlicet præveniat te misericordia Dei tui, eadē quoque nihilominus etiam misericordia subsequatur, & introitum videlicet tuum & exitum tuum custodiens. Alioquin quid in illo tam terribili spiritualium nequitiarum occurso humani possent consistere sensus quid non intolerabili concuterentur horrore? Sed (o) nec juxta iter quidē scandalū de cætero inimicus ponet tibi, ad te enim non appropinquabit: non modò non attinget ut feriat, sed nec accedet ut terreat. Puto enim id verebaris, ne te forsitan gravis ad illas tam monstruosas effigies, & larvalium tantam multitudinem specierum horror invaderet: sed egregius tibi Paracletus & efficacissimus aderit consolator, ipse nimirum de quo legisti: *Coram illo procident Æthiopes, & inimici ejus terram lingent*. Planè ad nihilum deducetur in conspectu ejus malignus: sic timen-

tes

tes se glorificabit. Præsente te Domine Jesu, quantumlibet irruant hostes, imò non irruant, sed ruant: confluant undique, sed ut fluant & pereant à conspectu Domini, quemadmodum fluit cera à facie ignis. Quid enim metuum deficientes? quid tremantes paveam? quid verear cadentes? Etsi ambulavero in medio umbræ mortis, non timebo mala, dummodò tu mecum sis Domine Deus meus. Siquidem protinùs aspirabit dies, & inclinabuntur umbræ, cadent hincinde principes tenebrarum. Quos enim nunc quoque, dum inter malignas eorum occultasquè suggestiones per fidem adhuc non per speciem ambulamus, fides tamen victoriosa triumphat: quomodò non faciliùs ipsa jam tunc propalatae cognitio veritatis evidens cum suis illis tenebrosis ferrugineisquè imaginibus exsufflabit? Nec causeris fortè de numero, vel ipsam saltem multitudinè verearis homo. Memento sanè quod ad unum Salvatoris imperium ab obsessò jam& diu possessò unius hominis corpore dæmonum legio tota discessit, & ne ipsos ausa est nisi ab eo jussa contingere porcos: quantò magis ipso Duce quotquot fuerint undique cadent, cum ingenti admiratione & confusione dicentes: *Quæ est ista, quæ ascendit sicut aurora consurgens, pulchra ut luna, electa ut sol, terribilis ut castrorum acies ordinata?* Intrepidus itaque & omninò impavidus, magis autem gratulabundus & laudans oculis tuis considerabis: nec sanè jam vel impugnationem sustinebis, vel furorem pavebis, sed magis retributionem peccatorum videbis.

CAPUT III.

De circumstantiis primæ orationis Christi in horto Gethsemani.

1. *Christus oraturus in horto avulsus est à suis Discipulis, ut exemplo suo commendaret orare volentibus loci secretum quærendum, propter cautelam & verecandiam.* 2. *Christus procidens super terram in faciem suam, ad instar Elisæi contraxit se mortuo generi humano, eiquè restituit vitam, quam septem oscitationes demonstrant.* 3. *Christus ideo oravit Deum Patrem transferri à se calicem passionis, ut doceret nos in tribulationibus nostris recurrendum esse ad Deum, ut avertat à nobis flagella iracundiæ suæ. Et ostenditur Deum esse nobiscum in omni tribulatione nostrâ.*

§. I.

Jesus avulsus est ab eis, & progressus pusillum quantum jactus est lapidis, orabat. Matth. 26. Luc. 22.

Vide ô homo[a]quàm utiliter orationis tempore etiam corporalis loci secretum quærimus, quando hoc Jesus non solum docuit verbo: *Intra, inquit, in cubiculum tuum, & clauso ostio ora Patrem tuum:* sed & commendavit exemplo, nec domesticorum quemquam admittens, sed solus ascendens ad orationem. Denique (b) licet tres secum intimos sibi addu-

^a Ser. 4. in Ascens. Dom. n. 11. ^b Ser. 40. in Cant. n. 5.

adduxerat, cum ultrò properaret ad mortem, avultus est tamen & ab ipsis orare volens. Ergo & tu fac similiter, quando orare voveris. Beatus (c) qui dicere potest: *Ecce elongavi fugiens, & mansi in solitudine*. Non fuit contentus exire, nisi & longè se faceret, ut posset quiescere. Quærit sponsa Verbum verecundè quidem (d) quia in lectulo, quia per noctes: sed hæc verecundia habet gloriam, non peccatum. Quærit hoc ad purificationem conscientiæ, quærit ad testimonium, ut possit dicere: *Gloria mea hæc est testimonium conscientiæ meæ. In lectulo meo per noctes quasi vi quem diligit anima mea*. Verecundia tibi si advertis, & loco signatur & tempore. Quid tam amicum verecundo animo quàm secretum? Porro secretum & nox & lectulus habet. Denique orare volentes jubemur intrare cubiculum, utique secreti gratiâ. Id quidem ad cautelam, ne coram orantibus laus humana orationis furetur fructum, frustretur effectum. Sed doceris nihilominus verecundiam sententia hac. Quid tam proprium verecundiæ, quàm proprias vitare laudes, vitare jactantiam? Patet, quòd signanter & ad verecundiam orantibus petere secretum indixerit pudoris filius & minister. Nec modò locum (e) sed & tempus observare oportet eum, qui sibi orare voverit. Tempus feriatur commodius aptiusquè est, maxime autem cum profundum nocturnus sopor indicit silentium, tunc planè liberior exit puriorquè oratio. *Consurge in nocte* (inquit Scriptura) *in principio vigiliarum tuarum, & effunde sicut aquam cor tuum ante conspectum Domini Dei tui*. Quàm secura ascendit

c. Ser. 52. in Cant. n. 5. d. Ser. 86. in Cant. n. 2. e. Ibidem n. 3.

dit de nocte oratio, solo arbitro Deo, sanctoque Angelo, qui illam superno Altari suscipit præsentandam. Quàm grata & lucida verecundo colorata rubore. Quàm ferena & placida nullo interturbata clamore vel strepitu. Quàm denique munda atque sincera nullo respersa pulvere terrenæ sollicitudinis, nulla aspicientis laude seu adulatione tentata. Propter hoc ergo sponsa non minùs verecundè quàm cautè, & lectuli secretum petabat & noctis, orare hoc est Verbum quærere volens. Porro (f) verecundiam intellige tanquam colorem in facie, quòd hæc potissimum virtus & venustatem ingerat, & augeat gratiam. *Pulchræ sunt* (ait Sponsus ad sponsa) *genæ tuæ sicut turturis*. Poterat usitatiùs faciem ponere & describere pulchram, sicut solet cujus pulcritudo laudatur, pulchra facie seu decora facie dici. Sed nescio quid sibi voverit, ut magis *genas* pluraliter dicendum putaverit, nisi quòd minimè id crediderim ociosum. Spiritus namque sapientiæ loquitur, cui non est fas vel modicum quid omninò adscribere ociosum, aut secùs dictum quàm oportuerit. Est itaque sine dubio causa, quæcunque illa sit, cur pluraliter *genas* malverit quàm singulariter faciem dicere. Et sit tu melius non habes, ego quod mihi videtur aperio. Duo quædam in *intentione* (quam faciem animæ dicimus) necessariè requiruntur, *Res* & *Causa*: id est, quid intendas, & propter quid intendas. Ex his sanè duobus animæ, vel decor, vel deformitas judicatur, ut (verbi causâ) anima quæ ambo ista recta atque pudica habuerit, illi meritò veraciterquè dicatur: *Pul-*
chræ

f Serm. 40. in cant. n. 1. et 2. g Ibidem n. 3. et 4.

ehræ sunt genæ tuæ sicut turturis. Quæ verò altero horum carverit, non poterit dici de ea quòd pulchræ sint genæ ejus sicut turturis, propter eam quæ adhuc ex parte erit deformitatem. Multò autem minùs illi hoc poterit convenire, quæ neutrum horum habere laudabile invenitur. Nimirùm intendere non in Deum, sed in sæculum, sæcularis animæ est, nec ullam prorsùs genarum speciosam habentis. Inquirere autem solum Deum, propter ipsum solum, hoc planè est utramque *bipartitæ intentionis* faciem habere pulcherrimam; atque id proprium ac speciale sponsæ est, cui meritò singulari prærogativæ audire conveniat: *Pulchræ sunt genæ tuæ sicut turturis*. Cur verò, *sicut turturis*? (h) Pudica avicula est, & conversatio ejus non cum multis, sed solo degere fertur contenta compare: ita ut si illum amiserit, alterum non requirat, sed sola deinceps conversatur. Tu ergo qui hæc audis, ut sanè non ociosè audias ea quæ scripta sunt propter te, & nunc propter te versantur & disputantur: tu, inquam, si ad istiusmodi Spiritus Sancti incitamenta moveris, & inardescis dare operam quomodò animam tuam facias sponsam Dei, stude ambas speciosas habere has genas tuæ *Intentionis*, ut imitator castissimæ volucris sedas secundùm Prophetam solitarius, quoniam levasti te supra te. Omninò supra te est, Angelorum Domino desponsari. An non supra te adhærere Deo, atque unum spiritum esse cum eo? Sede itaque solitarius sicut turtur, nihil tibi & turbis, nihil cum multitudine cæterorum: etiamquè obliviscere ipsum populum tuum & domũ patris tui, & concupiscet

Rex

46 *Philosophiæ Christianæ*

Rex decorem tuum . O sancta anima sola esto , ut soli omnium serves teipsam , quem ex omnibus tibi elegisti . Fuge publicum , fuge & ipsos domesticos , secede ab amicis & intimis , etiam ab illo qui tibi ministrat . An nescis te verecundum habere Sponsum , & qui nequaquam suam velit tibi indulgere præsentiam præsentibus cæteris ? Secede ergo , sed mente non corpore , sed intentione , sed devotione , sed Spiritu . *Spiritus enim ante faciem tuam Christus Dominus* , spiritûsque requirit non corporis solitudinem : quanquam & corpore interdum non ociosè te separas , cùm opportunè potes , præsertim in tempore orationis . Tenes etiam in hoc & mandatum Sponsi Jesu & formam . Tu , inquit , cùm oraveris , *intra cubiculum tuum , & clauso ostio ora . Et quod dixit , fecit . Solus in oratione pernoctabat* : nonmodò se abscondens à turbis , sed nec ullum domesticorum admittens . De cætero sola (i) indicitur tibi mentis & spiritûs solitudo . Solus es , si non communia cogites , si non affectes præsentia , si despicias quod multi suspiciunt , si fastidias quod omnes desiderant : si jurgia devites , si damna non sentias , si non recorderis injuriarum . Alioquin nec si solus corpore es , solus es . Videsne posse esse te & solum cùm inter multos , & inter multos cùm solus es ? Solus es in quantacunque hominum verferis frequentia . Ubicunque autem fueris (k) intrà teipsum ora . Si longè fueris ab Oratorio , noli quærere locum , quoniam tu ipse locus es . Si fueris in lecto aut in alio loco , ora , quia & ibi est templum . Frequenter orandū , & flexo corpore mens est erigenda ad Deum . Sicut enim

i Ibidem n.6. k Tract. de cognit. human. condit. cap. 6. num. 18.

enim nullum est momentum, quo homo non utatur vel fruatur Dei bonitate & misericordia: sic nullum debet esse momentum, quo Deum præsentem non habeat in memoria.

§. I I.

Jesus positus genibus, procidit super terram, in faciem suam. Matth. 26. Marc. 14. Luc. 22.

Fortassè Crux ipsa nos sumus (l) cui Christus memoratur infixus. Homo enim formam Crucis habet, quam si manus extenderit exprimet manifestius. Ibi magnus Elisæus (m) in mensuram suscitandi pueri sese contraxit, nimirum Jesus Christus. Loquitur enim (n) in Psalmo: *Infixus sum in limo profundum*. Limum quidem nos esse manifestum est, quoniam de limo plasmati sumus. Sed tunc quidem limus paradisi fuimus, nunc verò limus profundum. Habuit & Judæa quosdam Jesus (o) quorum vacuis gloriatur vocabulis. Et illi quidem præmissi sunt tanquam baculus ad mortuum, Prophetam prævenientes, sed sua interpretari nomina nequiverunt: vacua quippe erant. Superpositus mortuo baculus est, & non erat vox, neque sensus: quoniã baculus erat. Descendit qui baculum misit, & mox saluum fecit populum suum à peccatis eorum, probans se esse quod dicebatur: *Quis est hic, qui etiam peccata dimittit?* Nimirum qui dicit: *Salus populi ego sum*. Jam vox jam sensus est, & patet eum non inane portare nomen instar priorum. Sentitur infusa salus, & bene-

l Ser. 4. in Vig. Nat. Dom. n. 7. m Ser. 3. de Virg. Dep. n. 3. n Ser. 4. in Vig. Nat. Dom. n. 7. o Ser. 15. in Cant. n. 8.

beneficium non tacetur. Intus sensus, foris vox: Compungor & confiteor, & confessio vitam indicat. A mortuo enim tanquam qui non est, perit confessio. Ecce vita, ecce sensus. Suscitatus perfectè sum, integra est resurrectio. An aliud mors corporis est, nisi cum sensu privatur & vitâ? Peccatum, quod mors animæ est, nec compunctionis mihi sensum nec confessionis reliquerat vocem, & eram mortuus. Venit is qui peccata dimittit, & utrumque restituit. Et dicit animæ meæ: *Salus tua ego sum*. Quid mirum si cedit mors, ubi vita descendit? Jam corde creditur ad justitiam, & ore confessio fit ad salutem. Jam oscitat puer, & oscitat septies. Quid autem (p) sibi vult septenarius iste? Nescio enim an ita simplex quispiam in nobis sit, qui ociosas esse has voces & numerum hunc putet fortuitum? Ego nec illud vacare reor, quod Propheta incumbens super mortuum, ad mensurâ puerilis corporis sese contraxit, os suum ad os illius conjunxit, oculisq; oculos, & manibus manus. Spiritus Sanctus sic omnia fieri, & sic scribi fecit ad eruditionem proculdubio illorum spirituum, quos corrupti corporis circumvenit infida societas, ac stulta mundi sapientia desipere docuit. Propterea nemo miretur aut molestè accipiat, si in his scrutandis tanquam quibusdam Spiritus Sancti apothecis curiosus existo, cum sciam quia sic vivitur, & in talibus vita spiritus mei. Non paruum equidem fiducia robur præstat mihi, quod magnus ille vir Propheta (*Christus*) potens in opere & sermone, de excelsa monte Cælorum descendens, visitare dignatus est me, cum sim cinis & pulvis: misereri mortuo,

incli-

inclinare se jacenti, contrahi & coæquari parvo, cæco partiri lumen oculorum suorum, & os mutum oris proprii osculo solvere, debilesquè manus suarum roborare contactu. Suaviter rumino ista, & replentur viscera mea, & interiora mea saginantur, & omnia ossa mea germinant laudem. Hoc semel contulit Universitati generis humani. Hoc quotidie singuli in nobis actitari sentimus, & *cordi* scilicet tribui intelligentiæ lumen, & *ori* ædificationis verbum, & *manibus* opus justitiæ. Dat sentire fideliter, dat proferre utiliter, dat efficaciter adimplere. Et est funiculus triplex (qui difficile rumpitur ad extrahendas animas de carcere diaboli, & trahendas post se ad regna cælestia) si rectè sentias, si dignè proloquaris, si vivendo confirmes. *Oculis* suis tetigit meos, interioris hominis frontem claris luminari-
bus ornans, fide & intellectu. *Ori* meo junxit suum, & mortuo signum pacis impressit: quoniam cùm adhuc peccatores essemus, reconciliavit nos Deo, justitiæ mortuos. Os ori applicuit, iteratò in-
spirans in faciem meam spiraculum vitæ, sed sanctioris quàm primò. Nam primò quidem in animam viventem creavit me: secundò in spiritum vivifi-
cantem reformavit me. *Manus* suas meis superposuit, exemplum præbens bonorum operum, formam obedientiæ. Aut certè manus suas misit ad fortia, ut doceret manus meas ad prælium, & digi-
tos meos ad bellum. Itaque (q) Crux ipsa nos sumus, cui Christus memoratur infixus. Et [r] oscita-
vit puer septies, inquit Scriptura. Sufficiebat ad glo-
riam manifestandi miraculi oscitasse semel: sed mul-

D

tri-

tiplicitas & insignis numerus, mysterii admonent. Si illud ingens universi humani generis primum quidem exanime corpus attendas: vides ubique Ecclesiam (ex quo vitam Propheta incumbente recipit) quasi septies oscitare: quia septies in die laudem dicere consuevit. Habeo & alias septem oscitationes, [s] septem videlicet experimenta, sine quibus vera & certa salus redivivi spiritus minimè constat: quatuor ad sensum *Compunctionis*, tria ad *Confessionis* sonum pertinentia. Si vivis, si vox, si sensus est, tu quoque eadem in te recognoscis. Porro sensum ex integro recuperasse te scias, si tuam conscientiam quadruplici sentis compunctione morderi; *pudore* gemino, & gemino *metu*: nam vitam ad perficiendum septenarium triplex Confessionis species attestatur, de quibus postea videbitur. Nonne & sanctus Ieremias in suo planctu observat hunc numerum? *Quis dabit capiti meo aquam* (inquit) & *oculis meis fontem lachrymarum*? &c. Et tu igitur in tua pro te lamentatione formam habens propheticam, Deum cogita *Factorem* tuum cogita & *Benefactorem*, cogita *Patrem*, cogita *Dominum*. Ad omnia reus es, plange ad singula. Ad primum & ultimum respondeat *timor* tuus, ad duo media *pudor*. *Pater* sanè non metuitur, cùm Pater sit. Patris enim est misereri semper & parcere. Et si percutit, virgâ non baculo percutit: & cùm percusserit, sanat. Paterna vox est: *Percutiam*, & *ego sanabo*. Non est proinde quod à Patre formides, qui etsi quandoque feriat ut emendet, numquid tamen ut vindicet? At verò cogitantem quodd Patrem offenderim, est certè quod pudeat, etsi non quod

quod terreat . Voluntariè genuit me verbo veritatis , non stimulo carnalis cupiditatis excussit , quemadmodum genitor carnis meæ . Deinde etiam non percipit Unigenito pro sic genito . Ita ipse quidem Patrem se exhibuit mihi , sed non ego me illi vicissim filium . Quanam fronte attollo jam oculos ad vultum Patris tam boni tam malus filius ! Pudet indigna gessisse genere meo : pudet tanto Patre vixisse degenerem . Exitus aquarum deducite oculi mei , operiat confusio faciem meam , vultum meum pudor suffundat , occupetquè caligo . Deficiat in dolore vita mea , & anni mei in gemitibus . Proh pudor ! quem fructum habui in quibus nunc erubesco . Confundor audire : *Si ego Pater , ubi est honor meus ?* Sed (t) etsi Pater non esset , obrueret me tamen beneficiis ut *Benefactor* . Instaurat adversum me testes , videlicet hujus corporis victum , & usum temporis hujus , & super omnia Sanguinem dilecti Filii clamantem de terra . Pudet ingratitude , quanquam ad confusionis cumulum arguar etiam reddidisse mala pro bonis , & odium pro dilectione . Minimè quidem mihi à Benefactore sicut nec à Patre timendum . Verus quippè beneficus est , dans affluenter , & non improperans . Non improperat dona , quia dona sunt : & beneficia sua mihi dedit , non vendidit . Denique sine pœnitentia sunt dona ejus . At quando de illo benignus , tantò de me indignius sentire cogor . Erubescere & doli nihilominus anima mea , quoniã etsi illum non repetere & improperare decet , nos tamen omninò dedecet ingratos immemoresquè extitisse . Heu , quid vel nunc tandem retribuam Domino pro om-

nibus quæ retribuit mihi? Quod si segnior fortè (u) suas partes minùs exequitur pudor, timor sanè excitetur in adjutorium. Excitetur, ut excitet. Sepone parùm pia vocabula Benefactoris & Patris, atque ad austeriora convertere. Nempe qui legitur, *Pater misericordiarum, & Deus totius consolationis*: legitur nihilominus *Deus ultionum Dominus*. Legitur *Deus iudex, iustus, & fortis*: legitur *terribilis in consiliis super filios hominum*. Legitur *Deus zelans*. Quòd Pater est, quòd Beneficus est, tibi est: quòd Dominus, ac Creator, sibi. Etenim propter semetipsum fecit omnia, Scriptura teste. Qui ergo quod tuum est tibi descendit ac servat, putas & pro se aliquando non zelabit? putas sui non requireret principatus honorem? Propter hoc irritavit impius Deum, quia dixit in corde suo: *Non requireret*. Et quid est in corde suo dicere, *Non requireret*, nisi non metuere quod requirat? Sed requireret usque ad novissimum quadrantem: requireret, & retribuet abundanter facientibus superbiam. Requirit à redempto servitium, honorem & gloriam ab eo quem plasmavit. Esto quòd dissimulet Pater, ignoscat Beneficus: sed non Dominus, & Creator. Et qui parcat filio, non parcat figmento, non parcat servo nequam. Pensa (x) cujus sit formidinis & horroris, tuum atque omnium contempsisse Factorem, offendisse Dominum majestatis. Majestatis est timeri, Domini est timeri, & maximè hujus Majestatis, hujusquè Domini. Nam si reum regie majestatis quamvis humanæ, humanis legibus plecti capite sancitum sit: quis finis contemnentium Divinam omnipotentiam erit? Tangit montes, & fumi-

u Ibidem n. 6. x Ibidem n. 7.

sumigant: & tam tremendam Majestatem audet irritare vilis pulviculus, uno levi flatu mox dispergendus, & minimè recolligendus? Ille ille timendus est, qui postquam occiderit corpus, potestatem habet mittere & in gehennam. Qui sic afficitur (y) sensum proculdubio recuperavit, & in duplici metu isto, itemquè in pudore illo æquè duplici habet oscitationes quatuor. Tres quæ restant ex voce Confessionis adiiciet, & nequaquam dicetur jam de eo, quòd non sit vox neque sensus, si tamen de corde humili, simplici, fideliquè processerit illa Confessio. Omne ergo quod remordet conscientiam, confitere humiliter, purè, fideliter, & has vices implesti. Hæ autem tres Confessionis observantiæ (z) junctæ quatuor superioribus compunctionibus, septenarium implent.

§. I I I.

Jesus orabat, ut si fieri posset, transiret ab eo hora, dicens: Pater mi, si possibile est, transeat à me calix iste: verumtamen non sicut ego volo, sed sicut tu vis. Matt. 26. Mar. 14.

Per Calicem [a] quem bibiturus erat, proculdubio Passionem significans, quam erat passurus. Sed est quod moveat nos: quia cùm instaret hora passionis extremæ, procedens ad orationem Dominus Jesus procidit in faciem suam, orans & dicens: *Mi Pater, si possibile est, transfer hunc calicem à me: & hoc non tantum semel, sed secundò & tertio fecit. Quid est hoc? antequam gustes ô bone Jesu, petis cali-*

D 3

cem

^y Ibidem n. 8. z Ibidem n. 11. a Tract. de vite myst. cap. 13. n. 54. & 55.

cem omnino auferri? Sed ut existimo, ante Passionem calicem ipsius Patris à te transferri orasti, non ut Passionem declines, pro qua veneras patienda, & sine qua salus humano generi non adesset: sed ne putaret quis te verum hominem amaritudinem non sensisse propter claritatis unionem, verbis petentibus calicem à te transferri semel & bis & tertio, summam acerbitem Passionis tuæ dubitantibus indicasti: nobis quoque te sequentibus doctrinæ & exempli formam præscripsisti; quod imminentibus periculis, etiam cum ad utilitatem nostram pertineant, posse & debere à nobis Dominum frequentius exorari, ut flagella iracundiæ suæ etiam à nobis dignetur avertere. Nihilominus & si tamen ablata non fuerint, exemplo Passionis Jesu gratanter, patienter, & viriliter cum omni perseverantia toleranda sunt. *Clamabit ad me (b) & ego exaudiam eum*, ait Dominus. Hoc planè est testamentum pacis, hoc pietatis fædus, hoc pactum misericordiæ & miserationis. *Exaudiam eum*, ait. (c) In quo exaudies Domine, vel in quibus? *Cum ipso sum in tribulatione, eripiam eum, & glorificabo eum*. Ad magnum illud triduum (quod ante Dominicam Resurrectionis celebratur) hunc mihi ternarium numerum arbitror referendum. Siquidem & ipse Dominus Jesus propter nos & tribulationem & dolorem invenit, quando propositio sibi gaudio sustinuit Crucem, confusione contempta. Verumtamen quæ de ipso erant, sicut ante mortem prædixerat, finem habuerunt: & sicut in morte dixit, *Consummata sunt*: & extunc sabbatizavit. Nec dilata est gloria Resurrectionis die tertia,

b. Ser. 16. super Psalm. 90. v. 1. c. *Ibi aemz* n. 2.

tia, summo diluculo Sol justiae de tumulo ortus est nobis. Ita ergo fructus pariter tribulationis & veritas ereptionis in manifestatione glorificationis apparuit. Nihilominus quoque & in nobis simile quoddam tri-
dum posse videbitur assignari. *Cum ipso sum* (ait) *in tribulatione*. Quando hoc nisi in die tribulationis nostrae, in die crucis nostrae, dum impletur quod ipse ait: *In mundo quidem pressuram habebitis*. Hoc & Apostolus ejus ait. *Omnes qui pie volunt vivere in Christo Jesu, persecutionem patientur*. Nam liberatio plena atque perfecta ante diem sepulturae esse non poterit: eò quòd maneat jugum grave super filios Adam à die exitus de ventre matris eorum, usque in diem sepulturae in matrem omnium. In hac ergo die *eripiam eum* (inquit) quando nihil jam ultra, quod vel corpori vel animae faciat, mundus habebit. Sanè glorificatio diem ultimum manet, diem resurrectionis, quòd refurget in gloria quod in ignominia interim seminatur. Sed unde scimus (d) quòd nobiscum sit in tribulatione? Ex eo utique quòd in ipsa tribulatione nos sumus. Quis enim sustineret, quis persisteret sine eo? Omne gaudium existimemus, Fratres mei, cum in tribulationes varias inciderimus: non modò quia per multas tribulationes oportet nos intrare in regnum Dei, sed quoniam *juxta est Dominus his qui tribulato sunt corde*. Nam & mater (e) quem aegrotantem novit filium magis fovet, & sa-
piùs amplectitur eum. Utilis tribulatio (f) quæ probationem operatur, ducit ad gloriam. *Cum ipso sum* (inquit) *in tribulatione, eripiam eum, & glorificabo*

D 4

enim:

d Ibidem n. 3. e Ser. 2. in Dom. Palm. n. 6. f Ser. 17. Super Psal. 90. n. 3.

eum. Agamus gratias Patri misericordiarum, qui nobiscum est in tribulatione, & in omni tribulatione nostra nos consolatur. Res enim (ut dixi) necessaria tribulatio, quæ in gloriam vertitur, tristitia quæ mutatur in gaudium. Gaudium sanè longum quod nemo tollit à nobis, gaudium multiplex, gaudium plenum. Res necessaria est ista necessitas, quæ coronam parit. Non contempnamus, Fratres: Semen modicum est, sed magnus exinde fructus exurgit. Fortè insipidum, fortè acerbum est, fortè granum sinapis. Non consideremus quæ videntur, sed quæ non videntur in eo. Quæ enim videntur, temporalia sunt; quæ autem non videntur, æterna. Prælibemus primitias gloriæ magni Dei. Non solùm autem, sed ut dicam expressiùs, gloriemur in tribulatione. In ea siquidem spes gloriæ est. Vide si non hoc ipsum docere voluit Apostolus, cùm subjunxit: *Quoniam tribulatio patientiam operatur, patientia autem probationem, probatio verò spem*. Manifestè advertere est in his verbis, cùm præmisisset Apostolus *gloriari in spe*: non aliud aliquid, sed amplius eum addidisse dicendo: *Non solùm autem, sed & gloriari in tribulationibus*. Non enim altera gloriatio commendatur, sed additur ubi spes gloriæ, ubi ipsa spei gloriatio requiratur. Siquidem in tribulatione spes gloriæ, imò & ipsa in tribulatione gloria continetur: sicut spes fructus in semine, sic & ipse fructus in semine est. Omne ergo gaudium existimemus, cùm in varias inciderimus tribulationes. Dicamus ex animo, dicamus ex sententia: *Bonum magis ire ad domum luctûs, quàm ad domum convivij*. Cum ipso

ipso sum [g] in tribulatione, ait Dominus: & ego aliud interim requiram quàm tribulationem? Mihi adhærere Deo bonum est. Non solùm autem, sed & ponere in Domino spem meam: quia *eripiam eum* (inquit) & *glorificabo eum*. *Cum ipso sum in tribulatione*. *Deliciæ*, inquit, *meæ esse cum filiis hominum*. Descendit ut propè sit his qui tribulato sunt cordè, ut nobiscum sit in tribulatione nostra. Bonum mihi Domine tribulari, dummodò ipse sis mecum, quàm regnare sine te, epulari sine te, sine te gloriari. Bonum in tribulatione magis amplecti te, in camino habere te mecum, quàm esse sine te vel in Cælo. Quid enim mihi est in Cælo, & à te quid volvi super terram? Aurum probat fornax, & viros justos tentatio tribulationis. Ibi ibi cum eis es Domine; ibi in tuo nomine congregatis medius astas, sicut olim cum tribus pueris es dignatus etiam Ethnico apparere, ut diceret: *Quia species quarti, similis Filio Dei*. Quid trepidamus, quid cunctamur, quid refugimus hunc caminum? Sævitur ignis, sed Dominus nobiscum est in tribulatione. *Si Deus nobiscum, quis contra vos?* Nihilominus quoque si ille eripit, quis est qui rapiat de manu ejus? Quis est qui de manu ejus possit erverè? Postremò si ille glorificat, quisnam alius inglorium faciet? Si ille glorificat, quis humiliabit? Itaque (h) cùm defecerit virtus mea, non conturbor, non diffido: scio quid faciam. *Calicem salutaris accipiam, & nomen Domini invocabo*. Quid est (i) calicem accipiam? *Anima mea desideravit te in nocte, sed & spiritus meus in præcor-*

g *Idem* n. 4. h Ser. 22. in cant. n. 9. i Ser. de verb. sap. n. 4. et 5. rom. 6. p. 769.

*cordiis meis . Nomen tuum & memoriale tuum in desiderio animæ meæ . Non solûm autem nomen , sed & memoriale Passiionis ejus semper sit in desiderio animæ meæ , ut Passiionis ejus particeps efficiar , si quomodo cognoscere potero sicut & agnitus sum . Sic ergo calicem ejus accipiam : quia monumenta Passiionis suæ intra animæ meæ sinum , intra memoriæ meæ cellas semper revolvam . Tres sunt Calices (k) quos Dominus nobis propinat . Calix *pænitentia* & doloris , qui est plenus mixto . Calix *patientia* & laboris , quem bibit Jesus . Calix *benevolentia* & amoris , qui est inebrians & præclarus . Vinum est utique (l) & calix inebrians Christi amor . Calix hujus vini inebrians (m) quàm præclarus est ? Inebriat , calefacit , acuit , audaces facit , & fortes , obliviosos , discretos , somnolentos . *Inebriat* amor Dei ad contemptum mundi . *Calefacit* , quia ferventes facit . *Acuit* , quia erudit . Facit *audaces* contra adversa : & *fortes* à carne , mundo , & à dæmonibus invincibiles . Facit *obliviosos* eorum scilicet quæ retrò sunt , & in futura extentos . Facit *discretos* , erudiens ad justitiam . Facit *somnolentos* & tædiosos ad temporalia , & ad invisibilia contemplanda pronos & promptos .*

CA-

C A P U T I V.

De triplici sermone Christi, quo discipuli ejus blandè reprehenduntur ob suam dormitionem: & monentur ad vigilandum & orandum: sed nihilominus excusatur eorum infirmitas carnis.

1. Ostenditur, quod Jesus surgens ab oratione, veniensque ad suos discipulos præ tristitia dormientes, exhibuit magnam tunc habuisse circa illos curam: quam etiam nunc exhibere non cessat circa nos licet somnolentos. 2. Quod Jesus suos discipulos tunc exhortatus est ad vigilandum & orandum, ne intrarent in tentationem. Docemur dupliciter fieri orationem, voce, & desiderio: nec non triplici modo fieri vigilias, nimirum super opera, verba, & corda nostra. 3. Ostenditur, fortitudinem carnis operari debilitatem spiritus, infirmitatem verò carnis augere robur spiritus. Et probatur virtutem perfici in infirmitate, id est, in humilitate, de qua afferuntur plura documenta.

§. I.

ET cum surrexisset Jesus ab oratione, venit ad discipulos suos, & invenit eos dormientes præ tristitia. Et dicit Petro: Simon, dormis? non potuisti unâ horâ vigilare mecum. Matt. 26. Mar. 14. Luc. 22.

Vigilat super nos (a) indefessus & pervigil ille singularis clementiae oculus, non dormit neque dormitat qui custodit Israël. Id quidem necesse: non enim dormit neque dormitat qui impugnat Israël. Et sicut Dominus sollicitus est nostri, & ipsi cura est de nobis: sic satanas sollicitus est ut nos macet & perdat, & una ei cura est, ne fortè qui aversus est revertatur. Nos autem aut non attendimus, aut minùs attendimus reverentiam praesidentis, protegentis custodiam, beneficia largientis, ingrati gratiae, imò tam multiplicibus gratiis quibus praevenit nos, & subvenit nobis. Et nunc quidem per seipsum implet splendoribus animas nostras, nunc per Angelos visitat, nunc per homines instruit, nunc etiam consolatur & erudit per Scripturas: *Quaecunque enim scripta sunt* (ait Apostolus) *ad nostram doctrinam scripta sunt: ut per patientiam & consolationem scripturarum spem habeamus*. Benè *ad doctrinam*, ut per patientiam speremus. Siquidem (ut alibi dictum est) *doctrina viri per patientiam noscitur*: sed & patientia probationem operatur, probatio verò spem. Proinde non dedignatur (b) esse spes miserorum miserator & misericors Dominus: non seipsum liberatorem simul & protectorem in se sperantibus exhibere recusat. *Quoniam in me speravit* (inquit Dominus) *liberabo eum: protegam eum, quoniam cognovit nomen meum*. Non in vigilibus, non in homine, non in Angelo, sed *in me* (inquit) *speravit*; nihil boni nisi ex me, nec per ipsos expectans. Omne enim datum optimum, & omne donum perfectum

a Ser. 11. super Psal. 90. nu. 1. b Ser. 15. super Psalm. 90. num. 3.

factum desursum est, descendens à Patre luminum. Ex me vigiliæ hominum utiles, circa utique opera manifesta, eis nimirum custodes homines deputavi. Ex me excubiæ Angelorum observantium secretiores motus, spiritualiter sollicitantium, propulsantium suggestores iniquos. Cæterum intima sanè custodia secretissimæ intentionis non modò ex me, verum etiam per me fiat necesse est: quam ille quidem humanus nequeat, sed ne Angelicus quoque oculus penetrare. Adest etiam nobis (c) nunc carnis ipsius vera substantia, haud dubium sanè quin in Sacramento. Adsunt revelationes, sed in spiritu & virtute: ut tempori gratiæ quod nunc est, nihil in ulla gratia deesse probetur. Quid ergo nos soli (d) nobis non adsumus? quid soli negligimus nosipsum? An ideo dissimulandum nobis, quia undique subvenitur nobis? Imò verò propterea studiosius vigilandum. Neque enim tam magna pro nobis in cælo pariter & in terra sollicitudo gereretur, si non magna nobis incumbere necessitas videretur: non tam multiplex nobis custodia nisi ob multiplices insidias poneretur. Huc accedit (e) quòd is qui nostrum profitetur se mediatorem ad Deum, Dei Filius est, & Deus est. Et quid est homo, ut innotescat ei: aut filius hominis, ut reputet eum? Quæ mihi fiducia, ut tantæ me audeam credere Majestati? unde inquam terra & cinis præsumo Deum curam habere mei? Ad hæc diligit Filius Patrem suum, me verò opus non habet, bonorum meorum non eget. Denique [f] si ipsæ quoque justitiæ nostræ omnes ad lumen veritatis

c Ser. de S. Mart. num. 11. d Ser. 11. super Psal. 90. nu. 1.
e Ser. 2. in Cant. nu. 4. f Ser. 3. in dedicat. Eccl. nu. 3.

tis inspectæ velut pannus menstruatae inveniuntur, injustitiæ deinceps quales reputabuntur? Si lumen quod in nobis est, tenebræ sunt; ipsæ tenebræ quantæ erunt? Facile est unicuique nostrum, si sua melius uniuerſa & sine dissimulatione vestiget & iudicet sine acceptione personæ, attestari per omnia Apostolicæ veritati, & liberè proclamare: *Qui se putat aliquid esse, cum nihil sit, ipse se seducit. Quid est homo quia magnificas eum* (ait fidelis & devota confessio) *aut apponis erga eum cor tuum?* Quid? Sine dubio, vanitati similis factus est homo, ad nihilum redactus est homo, nihil est homo. Quomodo tamen penitus nihil est, quem magnificat Deus? Quomodo nihil, erga quem appositum est cor Divinum? Respiremus ergo fratres [g] & si nihil sumus in cordibus nostris, fortè in corde Dei potest aliud latere de nobis. Testamentum utique pietatis, & testimonia veritatis. Lege homo in corde tuo, lege intra teipsum de teipso testimonia veritatis, etiam hac communi luce iudicabis te indignum. Lege in corde Dei testamentum, quod firmatum est in Sanguine mediatoris, & inuenies quàm longè aliud spe possidere, quàm re tenere videris. *Quid est* [inquit Job.] *homo quia magnificas eum?* Magnus utique, sed in illo: siquidem magnificatus est ab illo. Aut quomodo non magnus apud illum, cui tam magna cura est de eo? *Ipsi enim cura est de nobis*, ait Apostolus Petrus. Et Propheta David inquit: *Ego autem mendicus sum, & pauper: Dominus sollicitus est mei*. Planè artificiosa connexio utriusque considerationis, quæ velut uno momento descendens pariter & ascendens, &
fe

se pauperem & mendicum, & Deum pro se sollicitum vidit. Crede ergo te Deo [h] committe te ei, iacta in eum cogitatum tuum, & ipse te enutriet, ut fiducialiter & fideliter dicas: *Dominus sollicitus es mei*. Neque enim hoc sapiunt homines amantes seipsos, homines scioli, & solliciti pro seipsis, curam carnis perficientes in desideriis, surdi ad vocem dicentis: *Omniem sollicitudinem vestram proiicientes in eum: ipsi enim cura est de vobis*. Nam sibi quidem ipsi fidere, non fidei, sed perfidia est: non confidentia, sed diffidentia magis, in semetipso habere fiduciam. Is verè fidelis est, qui nec sibi credit, nec in se sperat, factus sibi tanquam vas perditum: sed sic perdens animam suam, ut in vitam æternam custodiat eam. Porro id quidem sola facit humilitas cordis, ut non sibi fidelis anima innitatur, sed deserens semetipsam ascendat jam de deserto innixa super dilectum, atque adeo deliciis affluens. Alioquin frustra nititur [i] si non innititur. Sanè etiam contra se innitens invalescet, & facta seipsa validior coget pro ratione universa: iram, metum, cupiditatem & gaudium veluti quendam animi cursum bonus auriga reget, & in captivitatem rediget omnem carnalem affectum, & carnis sensum ad nutum rationis in obsequium virtutis. Quidni omnia possibilia sint innitenti super eum, qui omnia potest? Quantæ fiducia vox: *Omnia possumus in eo, qui me confortat*. Nil omnipotentiam Verbi clariorem reddit, quàm quòd omnipotentes facit omnes qui in se sperant. Denique omnia possibilia sunt credenti.

O Pa-

O Pater misericordiarum [k] ô Pater miserorum , quid apponis erga nos cor tuum? Scio, scio: ubi est thesaurus tuus, ibi est & cor tuum. Quomodo ergo nihil sumus, si thesaurus tuus sumus? Omnes gentes quasi non sint, sic sunt ante te, & tanquam nihilum & inane reputabuntur. Siquidem ante te, sed non sic intra te. Sic in iudicio veritatis tuæ, sed non sic in affectu pietatis tuæ. Nimirum vocas ea quæ non sunt, tanquam ea quæ sunt. Et non sunt ergo, quia quæ non sunt vocas: & sunt, quia vocas. Licet enim non sint quantum ad se, apud te tamen sunt, utique juxta Apostolum, *non ex operibus iustitiæ, sed ex vocante*. Sic nimirum, sic consolaris in tua pietate, quem in veritate tua humiliasti: ut magnificè dilatetur in tuis visceribus, qui meritò angustiat in visceribus suis. Siquidem universæ viæ tuæ misericordia & veritas, requirentibus testamentum tuum & testimonia tua: testamentum utique pietatis, & testimonia veritatis.

§. II.

Jesus ait discipulis: Quid dormitis? Surgite, vigilate & orate, ne intretis in tentationem. Matt. 26. Luc. 22. Mar. 14.

Quis hoc dixerit, scitis, [l] & tempus scitis. Domini enim est verbum istud, instante jam passione sua. Et attendite quoniam ipse quidem erat passurus, & non discipuli: nec tamen pro se dicebat orandum, sed pro illis. Ad commendationem utique

k Ser. 5. in dedicat. Eccl. nu. 4. l Ser. 5. super Psal. 90. num. 1.

que alacritatis [m] & ad commendanda exercitia spiritualia , contra acediam Dominus ait discipulis : *Vigilate & orate , ne intretis in tentationem .* Et alibi : *Quoniam semper orare oportet , & nunquam deficere .* Ubi intelligitur orationem non tantum esse vocis , sed & devotionis . Non enim semper clamare possumus motu labiorum , semper autem possumus bono desiderio fervere , quod ostendit Dominus loquens ad Moysen tacentem : *Quid clamas ad me ?* Desiderium viri sancti clamorem appellat , quia lingua profecto tacebat . Unde Dominus ait in Psalmo : *Desiderium pauperum exaudivit Dominus : preparationem cordis eorum audivit auris tua .* Dulcis lex [n] quæ meritum exauditionis in clamore constituit postulationis : *Clamabit [inquit Dominus] ad me , & ego exaudiam eum .* Merito non exauditur qui clamare dissimulat , aut omnino non postulans , aut tepide postulans & remissè . Siquidem in Dei auribus desiderium vehemens , est clamor magnus : è regione autem remissa intentio , est vox submissa . Spiritus est Deus , & in spiritu clamet necesse est , quisquis clamorem suum ad eum desiderat pervenire . Sicut enim non faciem hominis respicit tanquam homo , sed magis intuetur cor : sic ad cordis potius vocem quam corporis aures ejus , cui merito dicitur : *Deus cordis mei .* Hinc est quodd Moyses foris tacens intus auditur , dicente Domino : *Quid clamas ad me ?* Cæterum [o] vigilias semper debet comitari orationum instantia . Unde & Dominus in Evangelio legitur in oratione pernoctasse . Et discipulos

E suos

m Tract. de vite myst. cap. 6. nu. 29. n Ser. 16. super Psal. 92. nu. 1. o Ser. 55. diver. nu. 2.

suos exhortans, utrumque simul conjunxit dicens: *Vigilate & orate, ut non intretis in tentationem*. Tales vigiliæ abluunt nos à sordibus, quas contraximus per somnolentiam resoluti, dum oblivione quadam à via salutis intepuimus ac torpuimus. Vigilemus proinde [p] *super opera nostra*, Fratres, nè vel omit-
tamus quod præceptum est, vel quod prohibitum est, committamus. Hortatur nos ad bipertitam hanc custodiam Propheta cùm dicit: *Declina à malo, & fac bonum*: Integra [q] & perfecta moralitas in duobus præcipuè consistit, scilicet in evitandis vitiis, & appetendis virtutibus: quoniam non sufficit à malo abstinere, si non & bonum faciamus. Inde Psalmista ait: *Declina à malo, & fac bonum*. Fugiamus ergo vitia, amplectamur virtutes. Vigilemus quoque *super verba nostra* (r) nè in eis vel offeudere Deum, vel proximum nocere contingat. Felix siquidem est, quem in omni confabulatione duplex timor sollicitat, & duorum consideratio stimulat auditorum. Primum quidem Divinæ Majestatis, in cujus manus incidere prorsus horrendum: deinde fraternæ infirmitatis, cui nihilominus perfacile est offendiculum dare. Puto tamen ne eum quidem, (s) qui in verbo cavet offensionem, perfectum adhuc dici oportere, nisi forsitan comparatione prioris qui tantum super opera vigilabat. Nam & Veritas in Evangelio de vigilantibus servis, & adventum Domini præstolantibus loquens: *Si (inquit) in tertia vigilia venerit, & ita invenerit: beati sunt servi illi*. Quod nequaquam de prima, sed nec de secunda vigilia dictum

p Ser. 17. *diver. nu.* 7. q Ser. 71. *diver. num.* 1. r Ser. 17. *diver. nu.* 7. s *Ibidem nu.* 8.

Etum quidem reperiēs . Est autem vigilia hæc *super cor*, cui sanè *omnem jam custodiam* exhibere sapiens monet : nimirum *quia ex ipso vita procedit* . Ego tamen etiam hanc vigiliam constare arbitror specialiter in duobus : ut videlicet super affectionum pariter & cogitationum suarum greges mens sollicita *vigilanter* intendat . Et benè huic datur omnis custodia cordi , à quo cæteras quoque duas procedere constat : nisi fortè (quod absit) simulationis gerantur studio , & pietatis habeant speciem , non virtutem . Sicut enim fontis vena scaturiens , nisi fossas antè repleverit adiacentes , nec refluere , nec sedare , nec in altum sese tollere prævalebit , quòd videlicet aliàs occupetur : sic humanus animus , donec eas quas prædiximus manus & linguæ custodias solerter impleat , nec ad perfectam sui ipsius poterit reflecti curam , nec jucunda devotionis tranquillitate frui , nec in sublime divinæ contemplationis proficere gradum . Proinde anima (t) quia seipsam ignorat , foras mittitur ut hædos pascat . Hædos quippe qui peccatum significant , rectè oculos auresquè appellaverim : quoniam sicut mors per peccatum in orbem , sic per has fenestras intrat ad mentem . In his sanè pascendis se occupat curiosus , dum scire non curat qualem se reliquerit intus . Et verè si te vigilanter homo attendas , mirum est si ad aliud unquam attendas . Audi curiose Salamonem , audi stulte sapientem . *Omni custodia* [inquit] *custodi cor tuum* : ut omnes videlicet sensus tui vigilant ad id unde vita procedit custodiendum . Duobus autem modis (u) vita à corde procedit . *Primò* , quia corde creditur

E 2 ad

ad justitiam, & justus ex fide vivit, & fide mundatur cor, & mundo corde Deus videtur, id est agnoscitur: & hæc est vita æterna, ut cognoscant te unum Deum, & quem misisti Jesum Christum. *Secundò*, quia Christus est vita nostra, qui nunc per fidem habitat in cordibus nostris, erit cùm apparebit, & nos cum ipso apparebimus in gloria: & qui nunc latet in corde, tunc quasi de corde ad corpus procedet, quando reformabit corpus humilitatis nostræ configuratum corpori claritatis suæ. Porro considerandum est (x) quid dicat sapiens: *Omni custodia serva cor tuum*. Solent dicere homines huius seculi: Bonum castellum custodit, qui corpus suum custodit. Nos autem non sic, sed sterquilinum vile custodit, qui custodit corpus suum, Apostolo teste: *Quoniam qui seminat in carne, de carne metet corruptionem. Qui verò [inquit] seminat in spiritu, de spiritu metet vitam æternam*. Ac si dicat: Colendum & custodiendum magis animæ castrum, quoniam æterna ex ipso vita procedit. Sed quia castrum istud in terra inimicorum situm undique impugnatur: & idcirco omni custodia, id est, ex omni parte vigilantibus sollicitudine est muniendum, inferiùs & superiùs, antè & retrò, à dextris & sinistris. *Inferiùs* impugnat concupiscentia carnis, quæ militat adversus animam, quia caro concupiscit adversus spiritum. *Superiùs* imminet iudicium Dei: horrendum est enim incidere in manus Dei viventis. Sollicitè satis hac in parte cor suum custodierat Job, qui dicebat: *Semper enim quasi tumentes super me fluctus timui Deum*. *Retrò* mortifera delectatio est, quæ oritur ex recordatione præ-

præteritorum peccatorum. *Ante* instantia tentationum est. *A sinistris* verò arrogantium fratrum & murmurantium inquietudo est. *A dexteris* obedientium fratrum devotio est. Possunt enim quoque (nisi caveant) duobus nocere modis: aut bonis eorum actibus invidendo, aut singularem gratiam æmulando. Vigilet ergo (y) adversus *carnem* rigor disciplinæ: contra *judicium* Dei vigilet iudicium propriæ confessionis. Et hoc sit duplex, manifestum de manifestis, occultum de occultis. Unde ait Apostolus: *Si nosmetipsos dijudicavimus, non atque judicavimur*. Contra *delectationem*, quæ procedit de recordatione præteritorum peccatorum, vigilet frequentia lectionis. Contra instantiam *tentationis* vigilet instantia supplicis orationis. Contra fratrum *inquietudinem* vigilet patientia & compassio. Adversus inobedientium fratrum *furorem* vigilet congratulatio & discretio. Congratulatio enim expellit invidiam, discretio nimiam æmulationem.

§. I I I.

Spiritus quidem promptus est, caro autem infirma. Matt. 26. Mar. 14.

Quis hoc dixerit, scitis, [z] & tempus scitis. Domini enim est verbum istud, instante jam passione sua. In hunc sensum poterit Ecclesia [a] sive anima diligens Deum dicere; *Sagittæ tuæ infixæ sunt mihi, quoniam non est sanitas in carne mea*: ut secundum animam sanior proinde fortiorquè factus dicat: Spi-

E 3

ritus

y Ibidem num. 3. z Ser. 5. super Psalm. 90. num. 1. a Ser. 29. in Cant. num. 7.

ritus quidem promptus est, caro autem infirma. Et cum Apostolo: Quando enim infirmior, tunc potens sum & fortis. Vides quia carnis infirmitas robur spiritui augeat, & subministret vires? Ita è contrario noveris carnis fortitudinem debilitatem spiritûs operari. Et quid mirum si hoste debilitato, tu fortior efficeris? Nisi fortè illam tibi insanissimè ducas amicam, quæ non cessat concupiscere adversùs spiritum. Porro [b] quomodo corpus nostrum continuè aut crescere constat, aut decrescere: sic necesse sit & spiritum aut proficere semper, aut deficere. Interest tamen, quòd nequaquam juxta ordinem corporalium vicissitudinum etiam spiritus sua vel incrementa capit, vel patitur detrimenta. Nam semper in robusto & vegeto corpore animus mollior atq; tepidior jacet, & rursùm in corpore debili & infirmo fortior viget promptiorquè spiritus. Quòd se utique in se expertum contestans Apostolus inquit: Quando infirmior, tunc fortior sum. Sed & libenter gloriatur in infirmitatibus suis, ut inhabitet in me [ait] virtus Christi. Optanda infirmitas [c] quæ Christi virtute compensatur. Quis dabit mihi non solùm firmari, sed & destitui ac deficere penitùs à memetipso, ut Domini virtutum virtute stabiliar? Nam virtus in infirmitate perficitur, inquit Apostolus. Denique ait: Quando infirmior, tunc fortis sum & potens. O quàm salubriùs (d) ad tactum Angeli nervus fæmoris Jacob emarguit, quàm Angeli superbientis intumuit, evanuit, ruit! Utinam & meum nervum Angelus tangat, ut marcescat: si fortè ex hac infir-

b Epist. 253. num. 5. c Serm. 25. in Cant. num. 7. d Tract. de rad. humil. cap. 9. nu. 25.

infirmirate incipiam proficere, qui ex mea firmitate non possum nisi deficere. Lego profectò: *Quòd infirmum est Dei, fortius est hominibus*. Sic quoque Apostolus de suo nervo conquestus, quem Angelus non Domini sed satanæ colaphizabat, responsum audivit: *Sufficit tibi gratia mea, nam virtus in infirmitate perficitur*. Quæ virtus? Ipse Apostolus respondeat: *Libenter gloriabor in infirmitatibus meis, ut inhabitet in me virtus Christi*. Sed nondum forsitan intelligis de qua virtute specialiter dixerit, quia Christus omnes virtutes habuit. Sed cum omnes habuerit, præ omnibus tamen unam, idest humilitatem nobis in se commendavit, cum ait: *Discite à me, quia mitis sum & humilis corde*. Libenter igitur (e) & ego Domine Jesu gloriabor si potero, in mea infirmitate, in mei nervi contractione, ut tua virtus, idest, humilitas perficiatur in me. Nam sufficit mihi gratia tua, cum defecerit virtus mea. Pedem profectò gratiæ fortiter figens, & meum qui infirmus est leniter trahens, securus ascendam per scalam humilitatis, donec veritati adhærrens, ad latitudinem transeam charitatis. Tunc psallam cum gratiarum actione, & dicam: *statuisti in loco spacioso pedes meos*. Quod si deficit virtus mea (f) non tamen dereliquit me, ne qui cæperat, non posse perficere videretur. Quid multa? In veritate mox comperi, quia virtus in infirmitate perficitur. Et aio: *Bonum mihi quia humiliasti me*. Nam (g) *virtus in infirmitate*, hoc est, in humilitate *perficitur*. Non latuit Prophetam David (h) quippe cui incerta &

E 4

occul-

e Ibidem num. 26. f Ser. 3. diver. num. 3. g Tract. de off. & mer. Episc. cap. 5. num. 17. h Ser. 34. in Cant. num. 2. & 3.

occulta sapientiæ suæ manifestaverat Deus : & ideò dicit : *Bonum mihi quia humiliasti me , ut discam justificationes tuas* . Vides quia humilitas justificat nos ? Humilitas dixi , & non humiliatio . Quanti humiliantur , & humiles non sunt ? Alii cum rancore humiliantur , alii patienter , & alii libenter . Primi rei sunt , sequentes innoxii , ultimi sunt iusti . Quamquam & innocentia portio justitiæ est , sed consummatio ejus apud humilem . Qui autem dicere potest , *Bonum mihi quia humiliasti me* : is verè humilis est . Non potest hoc dicere qui invitus tolerat , minùs qui murmurat . Neutri horum promittimus gratiam , quòd humiliatur , etsi sanè longè hi duo à se differant : & alter quidem in patientia sua possideat animam suam , alter in suo murmure pereat . Sed enim etsi unus iram , neuter tamen gratiam promeretur : quoniam non humiliatis , sed humilibus Deus dat gratiam . Est autem humilis , qui humiliationem convertit in humilitatem , & ipse est qui dicit Deo : *Bonum mihi quòd humiliasti me* . Nemini prorsùs quòd patienter fert bonum est , sed planè molestum . Scimus autem , quòd hilarem datorem diligit Deus . Unde & cùm jejunamus jubemur *caput nostrum ungere oleo , & faciem lavare* : ut nostrum scilicet opus bonum spirituali quodam gaudio condiatur , & holocaustum nostrum pingue fiat . Etenim sola gratiam quam præfert meretur læta & absoluta humilitas . Quæ enim coacta fuerit vel extorta , qualis utique est in viro patiente illo , qui possidet animam suam : hæc inquam humilitas etsi vitam obtinet propter patientiam , propter tristitiam tamen gratiam non habebit . Non enim congruit ei
qui

qui ejusmodi est, illud Scripturæ: *Glorietur humilis in exaltatione sua*: quoniam non spontè humiliatur, neque libenter, Vis autem videre (i) humilem rectè gloriantem, & verè dignum gloriâ? *Libenter* (inquit Apostolus) *gloriabor in infirmitatibus meis, ut inhabitet in me virtus Christi*. Non dicit patienter se ferre infirmitates suas, sed & gloriari, & libenter gloriari in illis, probans etiam sibi bonum esse quòd humiliatur: nec sufficere omnino, ut possideat animam suam tanquam patienter humiliatus, nisi & gratiam accipiat tanquam spontè humiliatus. Generalem verò hinc audi regulam: *Omnis qui se humiliat* (ait Dominus) *exaltabitur*. Significat profectò non omnem exaltandam esse humilitatem, sed eam tantùm quæ de voluntate venit, non ex tristitia nec ex necessitate. Nec enim per contrarium omnis qui exaltatur, humiliandus erit: sed tantùm is qui se exaltat, humiliabitur, nimirùm ob voluntariam vanitatem. Ita ergo non qui humiliatur, sed qui spontè se humiliat, exaltabitur: utique ob meritum voluntatis. Esto enim quòd humilitatis materia per alium ministratur, verbi gratiâ, probra, damna, supplicia: non tamen idcirco rectè ab alio quàm à semetipso humiliatus ille dicetur, qui illa omnia tacitâ & lætâ conscientiâ (causâ Dei) subeunda decreverit.

CAPUT V.

De secunda & tertia oratione Christi, facta in horto
ad Deum Patrem suum.

1. *Christus secundo orans transferri à se calicem, demonstravit suam animam fuisse nimis contribulatam & desolatam, omnique solatio destitutam. Et ostenditur quomodo Deus succurrat servis suis languidis in exercitiis spiritualibus.*
2. *Ostenditur quod sicut Jesus iterum suos discipulos visitavit, ut eorum languoribus compateretur: ita & modò non dubitatur humiles visitare, superbos verò præterire.*
3. *Ostenditur Christum propterea reliquisse suam voluntatem ut fieret communis, id est, & Dei Patris, & ipsius Christi, & nostra. Monemur vitare propriam voluntatem, & imitari Jesum, qui venerat facere voluntatem Patris sui.*

§. I.

Iterum Jesus secundo abiit, & oravit eundem sermonem dicens: Abba Pater, omnia tibi possibilia sunt: Si vis, transfer calicem istum à me. Verumtamen non mea voluntas, sed tua fiat. Matt. 26. Mar. 14. Luc. 22.

Commendant nobis Sacræ literæ (a) Christum Dominum & ex Patre, & in Patre, & cum Patre, & à Patre, & pro Patre, & etiam sub Patre. Quod dici-

a. Ser. 5. de verb. Esa. n. 1.

dicitur, *ex Patre*, ineffabilis est Nativitas: quod *in Patre*, consubstantialis unitas: quod *cum Patre*, æqualitas Majestatis. Sanè hæc tria ab æterno. Jam verò (b) quod dicitur, *à Patre*, ambulantiem significat, & ad Incarnationis ejus adventum spectat. Hinc nimirum & ipse ait: *Ego enim à Deo processi & veni*. In terris denique visus & cum hominibus conversatus, medius nostrum quem nesciebamus stetit, verus quidem Emmanuel, nobiscum Deus: nobiscum stans, sed *pro Patre*. Quod enim nobiscum stetit, adjutorium designat: quod pro Patre stetit, zelum designat. Paternam namque quærebat in omnibus gloriam, cujus & venerat facere voluntatem. Cæterum si pendentem in Cruce consideres, si Christum & hunc Crucifixum attendas, ibi maxime evidentissimèquè eum *sub Patre* reperies. Hoc enim propriè ac specialiter ad humanæ pertinuit naturæ humilitatem, secundum quam ipse ait: *Pater major me est*. Dicerene audebimus quod aliquando fuerit etiam *sine Patre*? Nemo id præsumeret, si non prior ipse dixisset: *Deus meus, Deus meus ut quid dereliquisti me?* Quasi quædam enim ibi derelictio fuit, ubi nulla fuit in tanta necessitate virtutis exhibitio, nulla ostensio Majestatis. Quia enim (c) veram humanæ carnis & animæ substantiam suscepit, veram utriusque naturam: ideo nec corporis illi defuerunt nec animæ passionēs. Videas (d) si attendas tristari lætitiā, pavere fiduciam, salutem pati, vitam mori, fortitudinem infirmari. Arbitramur autem (e) quod hoc ad consolationem infirmorum mem-

bro-

b Ibidem num. 3. c Ser. 34. di ver. nu. 4. d Ser. 2. super missas n. 9. e Ser. de pass. Dom. 11. 8.

brorum suorum assumpsit. Ut (f) nonmodò passio ejus corporis, sed etiam cordis affectio pro nobis faceret: & quos vivificabat mors sua, nihilominus trepidatio robustos, & mæstitia lætos, & tædium alacres, & turbatio quietos faceret, desolatio consolatos. Sunt aliqui (g) qui in studiis spiritualibus fatigati, & versi in teporem, atque in defectu quodam spiritûs positi ambulant tristes vias Domini, corde arente & tædente accedunt ad quæque injuncta, frequenter murmurant, longos dies, longas conquerruntur & noctes, loquentes cum Sancto Job: *Si dormiero, dicam, quando consurgam? & rursum expectabo vesperam.* Ergo ubi contingit tale aliquid pati, si misertus Dominus appropiet nobis in via quâ ambulamus, & incipiat loqui de cœlo qui de cœlo est, necnon favorabile quippiam cantare nobis de canticis Sion, narrare etiam de Civitate Dei, de pace Civitatis, de æternitate pacis, de statu æternitatis: Dico vobis erit pro vehiculo animæ dormitanti & pigritanti læta narratio, itaut pellat omne fastidium ab animo audientis, & à corpore fatigationem. An tibi aliud vel pati vel petere ille videtur, qui ait: *Dormitavit anima mea præ tædio, confirma me in verbis tuis?* Et nonne cùm obtinuerit, clamabit: *Quomodo dilexi legem tuam Domine, tota die meditatio mea est?* Sunt enim quædam verba Verbi Sponsi ad nos, nostræ meditationes de ipso & ejus gloria, elegantia, potentia, majestate. Non solùm autem, sed & cùm avida mente versamus testimonia ejus & judicia oris ejus, & in lege ejus meditamur die ac nocte: sciamus pro certo adesse Sponsum

Je-

Jesum, atque alloqui nos, ut non fatigemur laboribus, sermonibus delectati. Tu ergo cum tibi aliqua talia volui animo sentis, non tuam putes cogitationem, sed illum agnosce loquentem, qui apud Prophetam Esajam dicit: *Ego sum qui loquor iustitiam*. Unde & licet mortuus in peccato (h) si audieris vocem Filii Dei, vives. Sermo enim quem loquitur, spiritus & vita est. Si cor tuum induratum est, memento Scripturae dicentis: *Emittet eloquium suum, & liquefaciet ea*. Et item: *Anima mea liquefacta est, ut dilectus locutus est*. Si tepidus es, & evomi jam formidas, non discedas ab eloquio Domini, & inflammabit te: quia eloquium ejus ignitum valde. Quae cum ita sint (i) duo liquet contemplationis genera esse: *Unum* de statu & felicitate & gloria Civitatis supernae, quo vel actu vel ocio ingens illa Caelitium Civium occupata sit multitudo: *Alterum* de Regis ipsius majestate, aeternitate, Divinitate. Si cui ne hoc quidem possibile sit, huic sane propono Jesum, & hunc crucifixum: ut & ipse absque suo labore habitet in foraminibus petrae, in quibus non laboravit. Judaei in his laboraverunt, & ipse in labores infidelium introibit, ut sit fidelis. Nec verendum quod patiaturs repulsam, qui & vocatur ut intret: *Ingrederere* (inquit Esajas) *in petram, abscondere in fossa humo à facie timoris Domini, & à gloria majestatis ejus*. Infirmæ adhuc & inertis animæ (quæ juxta quod in Evangelio quidam de semetipso confitetur, fodere non valet, mendicare erubescit) fossa ostenditur humus ubi lateat, donec convalescat & proficiat. Et si intelleximus fossam humum illam

illam quæ ait: *Foderunt manus meas & pedes meos*: non erit ambigendum de sanitate citiùs adipiscenda animæ vulneratæ, quæ in ea demorabitur. Quid enim tam efficax ad curanda conscientiæ vulnera, necnon ad purgandam mentis aciem, quàm Christi vulnerum sedula meditatio? Jam verò (k) cùm in his diutiùs fueris exercitatus, roga tibi dari devotionis lumen, diem serenissimam, & sabbatum mentis, in quo tanquam emeritus miles, in laboribus universis vivas absque labore, & dilatato nimirum corde currens viam mandatorum Dei: ut quod priùs cum amaritudine & coactione tui spiritus faciebas, de cætero jam cum summa dulcedine peragas & delectatione. Hanc (ni fallor) gratiàm petebat David, dum ait: *Remitte mihi ut refrigerer*. Ac si dicat: *Quousque in labore & dolore isto crucior, & morte afficior tota die? Remitte mihi ut refrigerer*. Verùm tamen ad hanc quidem perfectionem pauci (ni fallor) perveniunt in hac vita. Neque enim si quis aliquando videtur hanc habere, continuò credat sibi necesse est: maximè si novitius est. Pius enim Dominus noster Jesus Christus pusillos corde blanditiis talibus solet allicere. Sed noverint qui hujusmodi sunt, gratiam hanc præstitam sibi esse, non datam: ut in die bonorum memores sint malorum, & in die malorum immemores sint bonorum. Longè aliter qui exercitatos habent sensus, devotionis hujus felici fruuntur jucunditate. Sed multi totâ vitâ suâ ad hoc tendunt, & nunquam pertendunt: quibus tamen si piè & perseveranter conati sunt, statim ut de corpore exeunt, redditur quod in hac vita dispen-

k Ser. 3. in Circumcis. Dom. iii. 10. 1 Ser. 21. Cant. iii. 6.

dispensatoriè est negatum ; illuc perducente eos sola gratia , quò priùs tendebant ipsi cum gratia , ut consummati in brevi , expleant tempora multa . Verumtamen cùm te torpore (1)acediâ vel tædio affici sentis , noli propterea diffidere , aut desistere à studio spiritali ; sed juvantis require manum , trahi te obsecrans Sponsæ exemplo , donec denuò suscitante gratia factus promptior alacriorquè curras , & dicas : *Vitâ mandatorum tuorum cucurri , cùm dilatasti cor meum* . Sic autem quamdiu adest gratia , delectare in ea , ut non te existimes donum Dei jure hæreditario possidere , ita videlicet securus de eo , quasi nunquam perdere possis : ne subitò cum fortè retraxerit manum , & subtraxerit donum , tu animo concidas , & tristior quàm oportet fias . Denique ne dixeris : *In abundantia tua non movebor in æternum* . Ne etiam illud quod sequitur dicere cum gemitu quidem cogaris : *Avertisti faciem tuam à me , & factus sum conturbatus* . Curabis potiùs (si sapias) juxta consilium Sapientis , *in die malorum non immemor esse bonorum , atque in die bonorum non immemor esse malorum* .

§. I I.

Et venit iterùm Jesus , & invenit discipulos dormientes : erant enim oculi eorum grauati , & ignorabant quid responderent ei . Et relictis illis iterùm abiit orare . Matt. 26. Mar. 14.

Ecce venit is (m) saliens in montibus , transiliens colles . Ad hoc salit ut transiliat , qui non vult ad omnes

1 Ser. 21. Cant. nu. 6. in Ser. 54. in Cant. nu. 9.

nes pertingere . *Neque enim in omnibus beneplacitum est Deo* . Fratres , si juxta sapientiam Pauli scripta sunt ista ad correctionem nostram , observemus Sponsi discretos & circumspectos saltus , quemadmodum videlicet tam apud Angelos quàm apud nos , & in humiles saliat , & superbos transfiliat : siquidem excelsus Dominus & humilia respicit , & alta à longe cognoscit . Hæc , inquam , attendamus , quo cauti simus Sponsi nos salutaribus saltibus præparare , ne veluti à montibus Gelboë fortè transeat , & à nobis , si indignos nos sua visitatione conspexerit . Quid superbis terra & cinis ? Et de Angelis transfilit Dominus execrans eorum superbiam . Ergo repudiatio Angelorum fiat emendatio hominum : scripta est enim ad ipsorum correctionem . Cooperetur mihi in bonum etiam diaboli malum , & levem manus meas in sanguine peccatoris . Qualiter inquis ? Audi . Superbo certè diabolo horrenda & formidolosa maledictio intorquetur , Propheta David in spiritu dicente de illo sub typo Gelboë : *Montes (inquit) qui in circuitu ejus sunt , visitet Dominus , à Gelboë autem transeat* . Sanè ergo hoc legens (n) referensquè oculos in me , & intuens diligenter , invenio me peste ipsa infectum , quam in Angelo Dominus intantum exhorruit , quatenus propterea declinaret ab eo , cum omnes in circuitu ejus montes , sive de Angelis , sive de hominibus visitationis suæ gratiâ dignaretur . Et pavens tremensquè aio ad memetipsum : Si sic actum est cum Angelo , quid de me fiet terra & cinere ? Ille in cœlo intumuit , ego in sterquilinio . Quis non tolerabilem in divite superbiam

quam

quàm in paupere ducat? Væ mihi. Si tam durè in-
 potente illo animadversum est, pro eo quòd eleva-
 tum est cor illius, nec ei profuit quòd cognata po-
 tentibus superbia esse cognoscitur: quid de me exi-
 gendum & misero & superbo? Denique jam luo pæ-
 nas, jam acerbissimè vapulo. Non sine causa ab-
 heri & nudius tertius invalit me languor iste animi,
 & mentis hebetudo, insolita quædam inertia spiri-
 tûs. Currebam benè: sed ecce lapis offensionis in
 via, impegi, & corruì. Superbia inventa est in me,
 & Dominus declinavit in ira à servo suo. Hinc ista
 sterilitas animæ, & devotionis inopia quam patior.
 Quomodò ita exaruit cor meum, coagulatum est si-
 cut lac, factum est sicut terra sine aqua? Nec com-
 pungi ad lachrymas queo: tanta est duritia cordis.
 Non sapit Psalmus, non legere libet, non orare de-
 lectat, meditationes solitas non invenio. Ubi illa
 inebriatio spiritûs? Ubi mentis serenitas & pax &
 & gaudium in Spiritu Sancto? Ideo ad opus manuum
 piger, ad vigilias somnolentus, ad iram præceps,
 ad odium pertinax, linguæ & gulæ indulgentior,
 segnior obtusiorquè ad prædicationem. Præterea
 donec divisa sunt corda nostra [o] & multos interim
 sinus inveniuntur habere, nec sibi omninò cohærere
 videntur, sed particulatim ea & membratim quo-
 modò levare necesse est, ut in superna illa Hierusa-
 lem colligantur, cujus participatio ejus in idipsum:
 ubi non tantum singuli, sed & omnes pariter inci-
 piant habitare in unum, nonmodò scilicet non di-
 visi in semetipsis, sed nec inter seipsos. Ecce enim ut
 tanquam principalia cordis ipsius membra distin-
 gnam:

F

gnam:

guam: est *Intellectus* in nobis, est & *Affectus*. Et hi quoque sæpius sibi invicem adversantur, ut alter summa petere, alter appetere infima videatur. Quantus verò is dolor, quam gravis animæ cruciatus, dum sic distrahitur, sic dilaceratur, sic abrum-pitur à seipsa, vel ex ea saltem, quam omnibus experiri in promptu est, corporis scissione coniiciat: si quis in suo spiritu animadvertere perniciofa & periculosa insensibilitate non neglexerit. Distrahuntur hominum crura, & longioris obice ligni remouentur ab invicem pedes: & dum adhuc cutis integra manet, quis tamen ille est cruciatus? Sic sic affligi plango me miserum. Heu [p] omnes montes in circuitu meo visitat Dominus, ad me autem non appropinquat. Num collis non sum ex his quos transilit Dominus sponsus? Nam alium quidem intueor singularis abstinentiæ, alium verò patientiæ admirandæ, alium autem summæ humilitatis & mansuetudinis, alium multæ misericordiæ & pietatis: illum intueor in contemplatione frequenter excedere, hunc pulsare & penetrare cœlos orationum instantiâ, aliosquè in aliis præeminere virtutibus. Hos, inquam, considera omnes ferventes, omnes deuotos, omnes in Christo unanimes, omnes donis cælestibus & gratiâ affluentes, tanquam spirituales revera montes, qui à Domino visitantur, & Sponsum in se salientem frequenter recipiunt. Ego autem, qui horum in me invenio nihil, quid me aliud putem quàm unum de montibus Gelboë, quem præterit in ira & indignatione sua ille cæterorum omnium benignissimus Visitator? Frequenter etiâ ego ipse (q)
quod

quod fateri non verecundor , maximèquè in initio conversionis meæ , corde durus & frigidus , & quærens quem vellet diligere anima mea : nec adhuc enim diligere poterat quem nondum invenerat , aut certè minùs quam vellet diligebat , & ob hoc quærebat ut magis diligeret , quem nequaquam quæreret , nisi jam aliquatenùs dilexisset . Cùm ergo eum quærerem , in quo recalesceret atque requiesceret spiritus meus , utique torpens & languens , nec ulla de parte occurreret qui succurreret , per quem videlicet pruina rigens quæ sensus stringebat internos , dissolveretur , & vernalis illa suavitas ac spiritualis amænitas reverteretur : tunc magis ac magis languebat & tædebat & dormitabat anima mea præ tædio tristis penè & desperans , & mustitans secum illud : *A facie frigoris ejus quis sustinebit ?* Cùm subitò fortè ad affatum vel etiam aspectum cujuspiam spiritualis perfectique viri , interdum & ad solam defuncti seu absentis memoriam flabat spiritus , & fluebant aquæ : & erant mihi lachrymæ illæ panes die ac nocte . Quidnam istud nisi odor exhalantis unctionis , quâ erat ille perfusus ? Non enim unctio , quæ ad me nimirum nisi homine mediante non pertingebat . Eapropter etsi gaudebam de munere , confundebar tamen & humiliabar , quòd sola ad me tenuis exhalatio & non pinguis aspersio pervenisset . Odoratu quippe delectatus non tactu , indignum me proinde cognoscebam cui per seipsum dulcisceret Deus . Et nunc idipsum si accidat , avidus quidem suscipio munus indultum , gratumquè habeo : sed dolens doleo per meipsum non meruisse , atque (ut dicitur) de manu in manum minimè accepisse ,

cùm obnixè id peterem . Pudet nimirùm magis ad hominis quàm ad Dei moveri memoriàm . Et tunc cum gemitu clamo : *Quando veniam & apparebo ante faciem Dei ?* Existimo & aliquos vestrùm idem esse expertos , & experiri interdum adhuc . Qua in re quid sentiendum , nisi quòd nostra aut superbia convincitur , aut humilitas custoditur , aut fraterna charitas nutritur , aut desiderium excitatur ? Unus idemquè cibus & ægrotis est medicina , & ægrotativis dieta : porro & debiles confortat , & delectat valentes . Unus idemquè cibus , & languorem sanat , & servat sanitatem , & corpus nutrit , & palato sapit . Fratres, (r) hæc cogitatio tollit extollentiam oculorum , conciliat gratiam , Sponsi saltibus præparat . Hæc ego in me trasfiguravi propter vos , ut & vos ita faciatis . Imitatores mei estote . Quod non de exercitio dico modò virtutum , aut morum disciplina , aut gloria sanctitatis : (nec enim de huiusmodi quidquam mihi temerè arrogaverim imitatione dignum ,) sed volo vos non parcere vobis , sed accusare vosmetipsos , quoties fortè in vobis vel ad modicum tepere gratiam , virtutem languescere deprehenditis , sicut & ego pro huiusmodi metipsum accuso . Hoc facere hominis est , qui curiosus circumspector est sui , & scrutator viarum suarum ac studiorum , atque in omnibus semper suspectum habet arrogantiae vitium ne subrepat .

§. III.

§. I I I.

*Et oravit Jesus tertio eundem sermonem dicens :
Pater mi , si non potest hic calix transire nisi bibam il-
lum , fiat voluntas tua .* Matt. 26.

Quid est Deus ? (s) Voluntas omnipotens , bene-
volentissima virtus , lumen æternum , incommuta-
bilis ratio , summa beatitudo , creans mentes ad se
participandum , vivificans ad sentiendum , afficiens
ad appetendum , dilatans ad capiendum , justificans
ad promerendum , accendens ad zelum , facundans
ad fructum , dirigens ad æquitatem , formans ad be-
nevolentiam , moderans ad sapientiam , roborans ad
virtutem , visitans ad consolationem , illuminans ad
cognitionem , perpetuans ad immortalitatem , im-
plens ad felicitatem , circumdans ad securitatem .
Hinc Christus (t) Paternam quærebat in omnibus
gloriam , cujus & venerat facere voluntatem . Sed
fortè quærendum ab ipso est , (u) quomodo volun-
tatem suam reliquerit . O Domine , voluntas de qua
dixisti ut non fieret , si bona erat , quomodo tua erat ?
si bona erat , quare derelicta est ? Et bona erat , &
ejus erat , neque minùs tamen relinquenda , ob hoc
videlicet ut fieret melior . Neque enim oportebat
propriam præjudicare communi . Erat ergo volun-
tas Christi , & bona erat , quâ dicebat . *Si fieri po-
test , transeat à me calix iste .* Sed ea , de qua dice-
bat , *Fiat voluntas tua* , melior erat : quia communis
non solùm Patris , sed & Christi ipsius , (oblatns est
F 3 enim ,

s Lib. 5. de considerat. cap. 11. t Ser. 5. de verb. Esauu. 3. u Ser.
3. de Resur. Domini nu. 5.

enim , quia ipse voluit) & *nostra*. Nisi enim granum frumenti cadens in terram mortuum esset , ipsum solum maneret , mortuum verò multum fructum attulit . Atque hæc voluntas *Patris* erat , ut videlicet haberet quos adoptaret in filios . *Christi* erat , ut sit ipse Primogenitus in multis fratribus . *Nostra* erat , quia pro nobis faciebat ut redimeremur . Sed audiant qui propriæ voluntatis , & qui proprii consilii leprâ sordent . Audiant quid spiritus dicat Ecclesiis , brevî uno versiculo lepram utramque condemnans . *Sapientia* (ait Jacobus Apost.) *quæ desursum est , primum quidem pudica est , contra propriæ voluntatis impuritatem : deinde pacifica , contra consilii proprii obstinatam rebellionem . In corde duplex est lepra , (x) propria voluntas , & proprium consilium . Lepra utraq; nimis pessima , eoque perniciosior , quò magis interior . Voluntatem dico propriam , quæ non est communis cum Deo & hominibus , sed nostra tantum , quando quod volumus , non ad honorem Dei , non ad utilitatem fratrum , sed propter nosmetipsos facimus , non intendentes placere Deo & prodesse fratribus , sed satisfacere propriis motibus animorum . Huic contraria est recta fronte charitas , quæ Deus est . Hæc enim adversus Deum inimicitias exercens est , & guerram crudelissimam . Propria siquidem voluntas (y) Deum impugnat , & adversus eum extollitur . Ipsa est , quæ Paradisum spoliât , & ditat infernum . Ipsa est , quæ Sanguinem Christi evacuat , & ditioni diaboli subjugat mundum . Vide qualiter propria voluntas adversetur Deo . *Nemo potest duobus Dominis servire . Non pote-**

x *Ibid. nu. 3. y Ser. de Verb. Sap. nu. 14. tom. 6. pag. 774.*

poteris obedire simul & Divinae & propriae voluntati. Si autem voluntas tua voluntati divinae concordat, jam non propria voluntas est, sed communis: non tantum est hominis, sed hominis & Dei. Cæterum voluntati Dei ex debito creationis tuæ necessario es obnoxius. Quare? Quia sola voluntas Dei certa est, quare creaverit & recreaverit te Deus, sicut ait Apostolus Jacobus: *Voluntarie genuit nos verbo veritatis*, Facis quod debes, dum obedis Deo. Debitum etiam virtutis pensum fideliter persolvis, cum ejus voluntatem & habes in desiderio, & servas in obsequio. Hæc planè, fratres [z] perfectæ conversionis est forma. *Paratum* (inquit David) *cor meum Deus, paratum cor meum. Paratus sū, & non sum turbatus, ut custodiam mandata tua. Domine, quid me vis facere?* O verbum breve, sed plenum, sed vivum, sed efficax, sed dignum omni acceptione! Quàm pauci inveniuntur in hac perfectæ obedientiæ forma, qui suam ita abjecerint voluntatem, ut ne ipsum cor proprium habeant: ut non quid ipsi, sed quid Deus velit, omni hora requirant, dicentes sine intermissione cum Paulo Apostolo: *Domine, quid me vis facere?* Et illud Samuelis: *Loquere Domine, quia audit servus tuus*, Heu plures habemus Evangelici illius cæci, quàm novi Apostoli Pauli imitatores. *Quid vis* (ait Dominus ad cæcum illum) *ut faciam tibi?* Quanta est miseratio tua Domine, quanta dignatio tua? Siccine Dominus quærit ut servi faciat voluntatem? Verè cæcus ille, quia non consideravit, non expavit, non exclamavit: Absit hoc Domine, tu magis dic, quid me face-

re velis: sic enim decet, sic omninò dignum est, non meam à te, sed à me tuam quæri & fieri voluntatem. Videtis, fratres, quia verè necessaria erat hoc in loco conversio. Sic profectò, sic multorum usque hodie pusillanimitas & perversitas exigit, ut ab eis quæri oporteat: *Quid vis ut faciam tibi?* Non ipsi quærunt: *Domine, quid me vis facere?* Considerare necesse habent Ministri & Vicarii Christi, quid sibi præcipi velint: non ipsi considerant quæ voluntas sit Præceptoris. Non est obedientia eorum plena, non in omnibus parati sunt obsequi: non per omnia sequi proposuerunt eum qui non suam, sed Patris venit facere voluntatem. Discernunt & dijudicant eligentes in quibus obediant imperanti, imò in quibus Præceptorem suum ipsorum obedire necesse sit voluntati. Hujusmodi itaque etsi tolerari se videant, & condescendi ac morem geri infirmitati suæ, perficiant obsecro, pudeatquè semper paruulos inveniri, ne quādo fortè audiant: *Quid debui vobis facere, & non feci?* Et ab utentibus patientiâ & benignitate Prælati, fiat tandem multitudo exhibitæ miserationis cumulus justæ damnationis. Quid enim odit (a) aut punit Deus præter propriam voluntatem? Cesset voluntas propria, & infernus non erit. In quem enim ignis ille dæseviet, nisi in propriam voluntatem? Hæc est immundissima lepra animi, propter quam oporteat imitari eum, qui non venit facere voluntatem suam: unde & in passione, *Non mea, inquit, voluntas, sed tua fiat*. Obedientia victimis jure præponitur (b) quia per victimas aliena caro,

per

^a Ser. 3. de Resur. Dom. num. 3. ^b Tract. de ord. vit. cap. 5. n. 16. tom. 5. pag. 460.

per obedientiam verò voluntas propria maciatur .
 Tantò quisque Deum citiùs placat, quantò ante oculos ejus repressa arbitrii superbia gladio præcepti se immolat . Quo contra hariolandi peccatum inobedientia dicitur , ut quanta sit virtus obedientia demonstretur . Ex adverso enim meliùs ostenditur , quid de ejus laude sentiatur . Si enim quasi peccatum hariolandi est repugnare , & quasi scelus idolatriæ nolle acquiescere : sola obedientia est quæ fidei meritum possidet , sine qua quisque infidelis convincitur , etsi fidelis esse videatur . Hinc (c) per Salamonem dicitur in ostensione obedientiæ : *Vir obediens loquitur victorias* . Vir quippe obediens victorias loquitur : quia dum alienæ voci humiliter subdimur , nosmetipsos in corde superamus . Hinc Veritas in Evangelio dicit ; *Eum qui venit ad me , non eiiciam foras : quia non veni facere voluntatem meam , sed ejus qui misit me* . Quid enim suum faceret , si eos qui ad se veniunt , expulisset ? Quis autem nesciat , quòd voluntas Filii à Patris voluntate non discrepet ? Sed quoniam primus homo , quia suam voluntatem facere voluit , à paradisi gaudiis exivit : secundus ad redemptionem hominum veniens , dum se voluntatem Patris & non suam facere ostendit , permanere nos intùs docuit . Cùm igitur non suam , sed voluntatem Patris facit ; eos qui ad se veniunt , foras non eiicit : quia dum exemplo suo nos obedientiæ subiicit , viam nobis transgressionis claudit .

CAPUT VI.

De Obedientia Christi, quam Deo Patri exhibuit, eamque perfecit, dum executus est ipsius voluntatem in Opere redemptionis nostræ.

Meus cibus est, ut faciam voluntatem ejus qui misit me, ut perficiam opus ejus.

Joann. 4.

1. Ostenditur cibum Christi fuisse obedientiam, quam perficere juxta voluntatem Dei Patris voluit. Cibus ejus sunt etiam actus virtutum nostrarum, inter quas virtus obedientiæ principatum tenet.
2. Docemur voluntatem nostram debere esse subiectam voluntati Divinæ: de qua traditur triplex doctrina utilissima salutis nostræ.
3. Proponitur nobis Christi obedientia ad imitandum. Ostenditur triplicem esse obedientiam: specialem, propriam, & communem.
4. Agitur de septem gradibus obedientiæ.

§. I.

BONUS cibus obedientia (a) de qua nimirum & ipse Dominus ait: *Meus cibus est, ut faciam voluntatem Patris mei*. Paternam quoque (b) quærebat in omnibus gloriam, cujus & venerat facere, voluntatem. Nonne ipse Filius Regis (c) Rex regionis illius quæ continuis gaudiis inclarescit, factus est

a Ser. 2. diver. n. 4. b Ser. 5. de verb. Esa. n. 3. c Ser. 41. diu. n. 1.

est Patri obediens usque ad mortem, mortem autem crucis, & didicit obedientiam ex iis quæ passus est? Hoc est (d) obedientiam didicit in suo corpore (quod est Ecclesia) ex iis quæ passus est in Capite. Nam illa mors, illa crux, opprobria, sputa, flagella, quæ omnia Caput nostrum Christus pertransiit, quid aliud corpori ejus, idest nobis, quam præclara obedientiæ documenta fuerunt? Porro (e) audi ipsum quo se dicat cibo ali. *Mens, inquit, cibus est, ut faciam voluntatem Patris mei.* Verbum Verbi est, apertè indicantis esse suum cibum factum bonum si tamen invenerit illud inter lilia, hoc est, inter virtutes. Alioquin si extra reperit, etsi bonus, quod in se est, videtur cibus, non tanget illum is qui pascitur inter lilia. Verbi causâ, non recipit eleemosynam de manu raptoris, seu fæneratoris; sed nec de hypocritæ quidem, qui cùm facit eleemosynam, facit tubâ cani ante se, ut glorificetur ab hominibus. Sed nec illius orationem aliquando exaudiet, qui amat orare in angulis platearum, ut ab hominibus videatur. Teste sancto Propheta Isaia, etiam abominabatur sabbata & neomenias & sacrificia Judæorum, ita ut manifestè protestaretur odisse ea Animam suam, & dicebat: *Cùm veneritis ante conspectum meum, quis quæsit ea de manibus vestris?* Credo non redolebant lilia manus illæ, & propterea respuebat munus ex illis qui pasci inter lilia consuevit, & non inter spinas. Quidni spinosas habebant manus, quibus agebat: *Manus vestræ sanguine plene sunt?* Et manus Esau pilosæ erant spinosis similes, ideoque non sunt admissæ ut ministrarent Sancto.

Vereor

Vereor ne & inter nos aliqui sint (f) quorum non acceptet munus Sponsus, eò quòd non redoleant lilia. Etenim si in die jejunii mei inveniatur voluntas mea, non tale jejunium elegit Sponsus: nec sapit illi jejunium meum, eò quòd non lilium obedientiæ, sed vitium propriæ voluntatis sapit. Ego autem non solùm de jejunio, sed de silentio, de vigiliis, de oratione, de lectione, de opere manuum, postremò de omni observatione Monachi ubi invenitur voluntas sua in ea, & non obedientia Magistri sui, idipsum sentio. Minimè prorsus observantias illas etsi bonas in se, tamen inter lilia, idest, inter virtutes censuerim deputandas: sed audiet à Propheta qui ejusmodi est: *Nūquid tale est obsequiū quod elegi? dicit Dominus* Et addit: *In die bonorum tuorum inveniuntur voluntates tuæ.* Grande malum propria voluntas, quâ fit ut bona tua tibi bona non sint. Oportet proinde extra lilia fiant qui hujusmodi sunt, quia nihil omnino quod propriâ inquinatum sit voluntate, gustabit is qui pascitur inter lilia. Sapientia est ubique attingens propter munditiam suam, & nil inquinatum in eam incurrit. Ita ergo inter lilia pasci amat Sponsus, idest, apud munda & nitida corda. En fortè appetis & ipse contemplationis quietem [g] & benè facis, tantùm ne obliviscaris flores, quibus lectulum sponsæ legis aspersum, cùm dicat: *Lectulus noster floridus.* Ergo cura & tu tuum similiter circumdare bonorum floribus operum, virtutum exercitio tanquam flore fructum sanctum ocium prævenire. Alioquin delicato satis ocio dormire voles, si non exercitatus quiescere appetas, & Liæ fecunditate neglecta,

f Ibidem. num. 15. g Ser. 46. in Cant. num. 5.

Et, solis cupias Rachelis amplexibus oblectari. Sed & præposterus ordo est, ante meritum exigere præmium, & ante laborem sumere cibum, cum dicat Apostolus: *Qui non laborat, non manducet. A mandatis tuis intellexi*, inquit Propheta: ut scias nisi obedientiæ mandatorum contemplationis gustum penitus non deberi. Non igitur putes de propriæ amore quietis, sanctæ obedientiæ actibus, seniorumquæ traditionibus præjudicium ullatenus faciendum. Alioquin non dormiet tecum Sponsus in lecto uno, illo præsertim quem tibi pro obedientiæ floribus, cicutis atque urti cis inobedientiæ aspersisti. Propter quod non exaudiet orationes tuas, vocatusquæ non veniet. Nec enim dabit inobedienti copiam sui tantus obedientiæ amator, ut mori quàm non obedire malverit. Sed neque approbat tuæ contemplationis inane ocium, qui dicit per Prophetam: *Laboravi sustinens*: significans tempus quo exul cælo, & patriâ summæ quietis, operatus est salutem in medio terræ. Magis autem vereor, ne te quoque involvat formidolosa illa sententia, ita intonans in perfidiam Judæorum: *Neomenias vestras, & sabbatum, & festivitates alias non feram. Itē: Kalendas vestras & solēnitates vestras odit anima mea*. Miror valdè impudentiam aliquorum (h) qui cum omnes nos sua singularitate turbaverint, suâ impatientiâ irritaverint, suâ contumaciâ & rebellione contempserint, suâ inobedientiæ coinquinaverint, audent nihilominus ad tam fædum conscientiæ suæ lectulum omni orationum instantia totius puritatis Dominum inuitare. *At cum extenderitis (ait) manus vestras, avertā oculos meos:*

✠

Et cum multiplicaveritis orationem, non exaudiam. Quid enim? Lectulus non est floridus, magis autem & putidus est: & tu illuc Regem gloriæ trahis? Ad pausandum hoc facis, an ad causandum? Centurio vetat illū intrare sub tectum suum propter suam indignitatem, cujus tamen fides in universo redolet Iſtraele: & tu ad te compellis intrare tantorum sordens spurcitiâ vitiorum? Clamat Apostolorum Princeps: *Exi à me Domine, quia homo peccator sum:* & tu dicis: *Intra ad me Domine, quoniam sanctus sum?* Omnes (inquit Petrus) *unanimis in oratione estote, fraternitatē diligite.* Et vas electionis, *Levantes puras manus, ait, sine ira & disceptione.* Videsne quomodo cōcordent sibi, & eodem spiritu de pace & tranquillitate animi (quā habere debet ille qui orat) loquantur Princeps Apostolorum & Doctor Gentium? Perge ergo tu tota die expandere ad Deum manus tuas, qui Fratres tota die molestas, unanimi-
tatem impugnās, ab unitate te separas. Et [i] quid me vis facere, inquis? Profectō ut primò quidem emundes conscientiam ab omni inquinamento iræ, & disceptationis, & murmuris, & livoris: & quidquid omninò adversari cognoscitur aut paci fratrum, aut obedientiæ seniorum, de cordis habitaculo eliminare festines. Deinde etiam circumdare tibi flores bonorum quorumque actuum & laudabilium studiorum, atque odoramenta virtutum: idest, quæcunque sunt vera, quæcunque pudica, quæcunque iusta, quæcunque sancta, quæcunque amabilia, quæcunque bonæ famæ, si qua virtus, si qua laus disciplinæ. Hæc cogitare, in his exerceri curato.

Ad

i Ibidem. n. 7.

Ad istiusmodi securè vocabis Sponsum, quoniam cum introduxeris eum, veraciter dicere poteris & tu: *Quia lectulus noster floridus*: redolente nimirum conscientia pietatem, sed pacem, sed mansuetudinem, sed iustitiam, sed obedientiam, sed hilaritatem, sed humilitatem.

§. I I.

Meus cibus est (K) *ut faciam voluntatem Patris mei*. Cibus utique est, sed cibus cordis. Quid enim æquè confirmat & corroborat cor humanum? quid ita in omni necessitate confortat & sustentat, ut Divinæ voluntatis executio, velut in quendam animæ ventrem, conscientiam scilicet ejus ingesta? Totius humilitatis summa in eo videtur consistere (l) si voluntas nostra Divinæ (ut dignum est) subiecta sit voluntati, sicut ait Propheta: *Nonne Deo subiecta erit anima mea*? Scio quidem creaturam omnem velit nolit subiectam esse Creatori: sed à creatura rationali voluntaria subiectio quæritur, ut voluntariè sacrificet Domino: & confiteatur nomini ejus, non quia terribile & sanctum, non quia omnipotens, sed quia bonum est. At verò subjectionem istam triplicem esse necesse est, ut quod certum est Deum velle, id nos velimus omnino: & quod certum est eum nolle, similiter excremur & nos. Quod autem incertum est utrum velit aut nolit, neque velimus ex toto, neque penitus non velimus. Hic certè, Fratres, in hoc medio totum periculum est omnium nostrum, dum infeliciter blandimur nobis, & palpan-do seducimus nosmetipsos. Huic accedit, ut diffi-

mule-

imulemus Domini quærere voluntatem, dum & nostram facere, & aliquam de ignorantia habere volumus excusationem. Quis enim est ille tam infelix, qui id nolle audeat, quod certus est Deum velle: aut quod certus est eum nolle, id velle præsumat? Sed in medio periculum est his, qui jam egressi de seculo, in loco conversionis habitant tanquam in paradiso voluptatis: sicut in medio paradisi lignum transgressionis positum erat, in quo prævaricati sunt Parentes primi, lignum scientiæ boni & mali, non tantum boni vel mali solius, sed boni & mali. Propterea rogo vos Fratres (m) diligenter attendite, quia nihil mihi occurrit quod utilius possitis audire. Ubi certa est Dei voluntas, omnino nostra sequatur, in his videlicet de quibus certum aliquid in Scripturis invenimus: aut ipse Spiritus manifestè clamat in cordibus nostris quid sentiendum sit, ut est charitas, humilitas, castitas, obedientia. Hæc approbemus indubitanter, & appetamus quæ placere Deo scimus indubitanter. Sed & ea omnimodis odisse debemus, de quibus certum est quòd oderit ea Deus, ut est apostasia, fornicatio, iniquitas, impatientia. In his verò rebus, de quibus nihil certi possumus invenire, nihil certum voluntas nostra definiat, sed pendeat inter utrumque, aut saltem neutri parti nimis inhæreat, cogitans semper ne fortè altera pars Deo magis placeat: & parati simus voluntatem ejus sequi, in quamcunque partem eam cognoverimus inclinari. Nemo super his quæ certa sunt, hæsitet: nemo dubia pro certis admittat: nemo sibi in dubiis iudicium vendicet, præcipitetquè sententiam. Et

expe-

experiemur quod scriptum est: *Pax multa diligentibus legem tuam Domine, & non est illis scandalum.* Unde enim sunt scandala, unde turbationes, nisi quodd propriam sequimur voluntatem, & temerè quod volumus in corde nostro definientes? Si quomodo id prohiberi contingat aut impediri; continud etiam in impatientiam, in murmurationem, in scandalum proni sumus, non attendentes quoniam omnia cooperantur in bonum his, qui secundum propositum vocati sunt sancti: & qui nobis casus videtur, sermo quidem Dei est, suam nobis indicans voluntatem. At quicumque nihil certum de hujusmodi in corde posuerit, in quamcunque partem postea convertatur, scandilizari non poterit. Aut si quis facere cogitat unde mandatum certum non habet, si voluntatem suam suspensã tenuerit, donec Prælatum interroget, & ab eo quærat Domini voluntatem, qui vice ipsius obedit, non turbabitur quidquid ei præcipiatur: quoniam *pax multa diligentibus legem tuam Domine, & non est illis scandalum.* Porro (n) quod dixi: Voluntatem suspensam teneat, aut voluntatem suspensam teneat, aut voluntatem suam Divinæ subjaceat voluntati; non de concupiscentiis desideriorum, non de affectionibus dico. Illud enim impossibile est, dum adhuc in hoc peccati corpore, & in hoc corpore mortis anima detinetur. Quid enim esset aliud quàm vita æterna, tota affectione Divinam in omnibus sequi voluntatē? Sed consensum nostrum necesse est Divine subiicere voluntati, si pacem æternã, & pacem desideramus habere præsentē, sicut scriptum est: *Pacem meã do vobis, pacē relinquo vobis.*

G

Do-

Domine (ait Propheta) *in lumine vultus tui ambulabunt, & in nomine tuo exultabunt tota die.* Alius enim ambulabat in lumine vultus sui, sollicitus facere suam voluntatem, & beneplacitum cordis sui considerans. Alius ambulat in lumine vultus humani, in eo semper intentus quid hominibus placeat, quid mundus iudicet. Propterea homines sibiipsis aut aliis hominibus placere studentes, confusi sunt. Sed qui in lumine vultus tui ambulant Domine, id solum cogitantes quomodo tuam faciant voluntatem, & toto corde contendentes placere tibi: nunc quidem in nomine tuo exultabunt, & non erit illis scandalum: demum in iustitia tua exultabunt, quando exuentes infirmitates suas, & intrantes potentias Domini memorabuntur iustitiæ tuæ solius, ut eam tunc teneant sine labore, quam modò sequi laborant. Sola autem voluntas (o) quoniam pro sui ingenta libertate, aut dissentire sibi, aut præter se in aliquo consentire, nulla vi, nullaquæ cogitur necessitate: non immeritò iustam vel iniustam, beatitudine seu miseria dignam ac capacem creaturam constituit, prout scilicet iustitiæ iniustitiæve consenserit. Quid enim odit (p) aut punit Deus præter propriam voluntatem? Cesset voluntas propria, & infernus non erit. In quem enim ignis ille desæviet, nisi in propriam voluntatem? Væ oppositis voluntatibus (q) solam suæ profectò aversionis referentibus penam. Quid tam pænale, quàm semper velle quod nunquam erit? Quid tam damnatum, quàm voluntas addicta huic necessitati volendi nolendiquæ, ut
ad

o *Tract. de lib. arb. cap. 3. n. 6. p. Ser. 3. in Resur. Dom. n. 3.*

q *Lil. 7. de consider. cap. 12. n. 25.*

ad utrumlibet jam sicut nonnisi perversè, ita nonnisi miserè moueatur? In æternum non obtinebit quod vult, & quod vult in æternum nihilominus sustinebit. Dignè omninò, ut qui ad nihil afficitur unquam quod deceat, ad nil unquam quod libeat, evadat. Quid hoc facit? Rectus Dominus Deus noster, qui & cum perverso pervertitur. Nunquam recto pravoquè conveniet. Hæc enim sibi invicem adversantur, & si non invicem lædant. Læsis alterius est, absit ut Dei. *Durum tibi est* (inquit Dominus) *contra stimulum calcitrare*: hoc est, non stimulo durum, sed calcitranti. Caveamus itaque à propria voluntate [r] tanquam à vipera pessima & nequissima, & quæ sola deinceps damnare possit animas nostras.

§. I I I.

Christus [s] factus est obediens Patri usque ad mortem, mortem autem crucis. Qua necessitate? Respondeat Apostolus Petrus; Christus passus est pro nobis, vobis relinquens exemplum, ut sequamini, inquit, vestigia ejus: id est, ut imitemini obedientiam ejus. Ex his sanè quæ passus est, discimus quanta nos qui puri homines sumus, oporteat pro obedientia perpeti, pro qua is qui & Deus erat, non dubitaverit mori. Christus utique [t] factus est obediens Patri. Unde & ipse dicit: Non veni facere voluntatem meam, sed ejus qui misit me. Et in alio loco: Meus cibus est, ut faciam voluntatem ejus qui misit me Patris. Denique [u] in eo obedientia con-

G 2

sum-

r Ser. 11. diu. n. 3. s Tract. de grad. humil. cap. 3. num. 7. t Ser. 2. in cena Domini. 2.

summata est, cū inclinato capite tradidit spiritum, factus obediens usque ad mortem. Familiaris quidem [x] & amica salutis obedientia est, sed obedientia firma & stabilis, quæ fundata est supra petram. *Melior est enim obedientia quàm victima, & acquiescere nolle, ut peccatum hariolandi est.* Unde & vitæ quoque ipse Salvator prætulit hanc virtutem, eligens magis Animam ponere, quàm obedientiam non implere. Ejus ergo exemplo (y) bonum obedientiæ toto mentis & cordis conatu nobis amplectendum est, ut qui inobediendo recessimus à Deo, per obedientiæ legem redire mereamur. Nam [z] quem à Deo suo exturbavit inobedientia, sine dubio per obedientiam recto tramite ad Deum redit. Præterea purgatio est [a] obedientia præceptorum, sicut audierunt Discipuli: (quod utinam audire mereamur & nos) *Vos mundi estis propter sermonem, quem locutus sum vobis.* Nimirum quia non erant sicut hi quibus dicitur: *Sermo meus non capit in vobis:* sed in auditu verbi obaudierant ei. An non tibi videntur Apostoli [b] singularis obedientiæ conscendisse fastigium, qui acceptâ licentiâ sedendi in civitate, intra unius domunculæ septa conclusi unanimiter in oratione perseverabant? Intellixisti quia ibant Apostoli gaudentes à conspectu concilii, quoniam digni habiti sunt pro nomine Jesu contumeliam pati? O quantis obedientiæ viribus innituntur, qui gaudent pro Christo ad concilium trahi? Dignitatem ducunt pro eo cædi, gloriam quærunt pro eo mori.

Bea-

u Ser. 1. de resur. Dom. n. 3. x Tract. de vit. & mor. Cler. c. 1. n. 1.
 y Epis. 385. n. 3. z Ser. 35. diuer. n. 3. a Ser. 1. in Dom. 1. post. oct.
 Epiph. n. 4. b Ser. 41. int. diu. n. 1.

Beatæ animæ, & abundanti majestate Spiritûs influentes, quibus vilitas sublimitas, contumelia gloria, patientia victoria, mirabili mirabilitate videntur. Multum repleta est anima eorum, opprobrium abundantibus, & despectio superbis. Cernis quàm libera fronte Pontificum faciem, Pharisæorum supercilium, tumultum plebis irrumpant dicentes: *Magis oportet Deo obedire quàm hominibus*. Intuere illa duo magna Luminaria Petrum & Paulum, & uniuersum ordinem Apostolici Senatus obambula, & ibi videbis obedientiæ firmitatem inter tormentorum multitudinem viriliter perstitisse. Quàm beatus ille (c) qui ait: *Dominus Deus aperuit mihi aurem, & ego non contradico, retrorsum non abii*. Ubi & voluntariæ habes obedientiæ formam, & longanimitatis exemplum. Qui enim non contradicit, spontaneus est: & qui retrò non abiit, perseverat. Utrumque necessarium, quoniam hilarem datorem diligit Deus: & qui perseveraverit in finem, hic saluus erit. Utinam & mihi aperiat aurem Dominus, intret ad cor meum sermo veritatis, mundet oculum, & lætæ præparet visioni, ut dicam Deo etiam ipse: *Præparationem cordis mei audivit auris tua*. Utinam audiam à Deo etiã ipse cum cæteris obedientibus: *Et vos mundi estis propter sermonem, quem locutus sum vobis*. Nec omnes mundantur qui audiunt, sed quia obediunt. Beati qui audiunt verbum Dei, & custodiunt illud. Talem requirit auditum qui mandat dicens: *Audi Israël*. Talem offert qui ait: *Loquere Domine, quia audit servus tuus*. Talem spondet qui dicit: *Audiam quid loquatur Dominus*.

minus Deus. Fortissima res est obedientia vera (d) & quæ in animum descendere non potest, nisi à mundi hujus aspergine purè pressèquè detersum. Ut autem via ejus evidentiùs elucescat, ostendamus quantum possumus, quæ sit obedientia *specialis* ad Deum, *propria* ad hominem, *communis* inter Deum & hominem. Sunt quædam summè mala, quædam summè bona. Summè bona sunt, diligere Deum, amare proximum, veritatem loqui, non furtum facere, non falsum testimonium dicere, non adulterari, & alia multa, quæ sermonis brevitatis numerare prohibet. Summè mala sunt eorum contraria, & similia illis. Bona præcipit Deus ut faciamus, à malis jubet ut abstineamus. Præcepti hujus sancta & incommutabilis auctoritas non valet quoquomodo refelli, quia illius est caractere consignata qui dicit: *Ego Dominus, & non mutor*. Si ergo homo ille, quem imposuit Dominus super capita nostra, aliter sentire voverit, ponens tenebras lucem, & lucem tenebras, vel præcipiat prædicta bona relinquere, vel malis præfatis adhærere: audacter refutandum est præcipientis imperium, & libera voce dicendum: *Obedire oportet magis Deo quam hominibus*. Hæc est *specialis* obedientia ad Deum, quæ nunquam est hominibus arbitrio temperanda, sed incommutabili conservanda proposito. Certam igitur regulam tene, ut nec imperio Prælatorum prædicta bona relinquant, vel facias mala. Inter summè verò mala & summè bona, quædam media sunt ad alterutrum se habentia, & boni maliquè nomen assumunt. Media sunt ambulare, sedere, loqui, tacere, comedere, jejunare,

nare, vigilare, dormire, & si qua sunt similia: quæ si Pastoris licentiâ fiant, summam expectant retributionem. In his igitur mediis subditi esse & obedientes debemus ad nutum Præpositorum, nihil interrogantes, propter conscientiam: quia in his nullum præfixit opus Deus, sed Prælatorum dereliquit imperio disponenda. Non autem te moveat Magister imperitus, indiscreta potestas, sed memento quia non est potestas nisi à Deo: & qui resistit potestati, resistit Dei ordinationi. Hæc est *propria* hominis obedientia quam homini debemus, qui homini subditi sumus. *Communis* est etiam inter Deum & hominem: quia quidquid obedientiæ Prælatis exhibetur, ei exhibetur qui dicit: *Qui vos audit, me audit.* Cum magna igitur cautela hoc tramite dicimus incedendum: quia & multi gradus ibidem delitescunt, quorum qui unum reliquerit, cæteros sine retributione tenebit.

§. IIII.

Primus (e) gradus obedientiæ est *obedire libenter*. Omnis ætas ab adolescentia sua prona est ad malum, & unus quisque voluntatem pravi cordis sui sectatur. Ab illa enim primæ prævaricationis angustia innatus est homini amor propriæ voluntatis, quæ voluntatem sui Creatoris relinquens, ibi subdita est servituti, ubi voluit dominari. Difficile est ergo suam relinquere voluntatem, & alterius voluntati deservire. Quamlibet autem grave sit, non posset tamen primum obediendiæ ascendere gradum, qui voluntatem præcipientis suam non fecerit. In vo-

lunta sua iustus gloriatur sese Domino confiteri: unde *voluntariè* (inquit) *sacrificabo tibi*. Sola ergo voluntas est, quæ totius operis ornat effectum, sine qua etiam nec benè aliquid agitur, etiamsi bonum esse videatur. Ex voluntate igitur suscipienda sunt imperia Prælatorum, & ipsum cor à suis voluntariis reflexionibus abducendum, donec propria voluntas maclata mandatum diligat imperantis. Hoc est ergo libenter obedire, Prælatorum voluntatem voluntariè adimplere.

Secundus (f) obedientiæ gradus est *obtemperare simpliciter*. Qui ambulat simpliciter, ambulat confidenter. In simplicitate cordis quærere Dominum Scriptura præmonstrat. Multos videmus post præcipientis imperium multas facere quæstiones: Cur, quare, quam ob rem, sæpiùs interrogare, crebras ingeminare querelas: quærere, quare hoc præcepit? unde hoc venit? quis hoc adinuenit consilium? Inde murmuratio, inde verba murmurationem & indignationem sonantia, & redolentia amaritudinem. Inde frequens excusatio, simulatio impossibilitatis, advocatio amicorum. Non sic Abraham. Andi quid Dominus de simplici populo protestetur: *In auditu* (inquit) *auris obediuit mihi*: ut videlicet ostenderet uno eodemquè momento processisse & imperantis imperium, & obsequium obsequentis. Nolite errare, Deus non irridetur. Murmuras contra Prælatum in tabernaculo corporis tui? elevat manum suam ad prosterndum te dextera Dei. Incede igitur simpliciter in mandatis obedientiæ, addens voluntati simplicitatem, intentioni illuminationem.

For-

Fortitudo enim simplicis via Domini, quæ obedientia est. Fortitudinem igitur induunt qui obedi-
dientes sunt, & simpliciter incedunt.

Tertius (g) gradus obedientiæ est *hilariter obedire*. Hilarem enim datorem diligit Deus, *Non ex tristitia* (inquit Apostolus) *aut ex necessitate*. Serenitas in vultu, dulcedo in sermonibus multum colorant obedientiam obsequentis. Unde & gentilis ille Poëta ait sic: *Super omnia vultus accessere boni*. Quis enim locus obedientiæ, ubi tristitiæ cernitur ægritudo? Ostendunt plerumque voluntatem animi signa exteriora, & difficile est ut vultum non mutant, qui mutant voluntatem. Nubiliosa corporis compositio, & facies tenebris obfuscata tristitiæ, devotionem ab animo recessisse signat. Respice David ante arcam Domini hilariter saltantem, & quàm sapienter superbientis sæminæ reprimit indignationem. *Ludam* (inquit) *& vilior ero in conspectu Domini*. Cernis igitur quàm necessaria & conveniens sit hilaritas in obedientiæ executione. Quis imperat libenter tristitiam efflanti? Si vis ergo perfectus esse, hilariter, & cum magna vultûs alacritate suscipe jubentis imperium, ut voluntati cordis, simplicitati operis, vultûs hilaritatem adjungas.

Quartus [h] gradus obedientiæ est *obsecundare velociter*. Velociter currit sermo Dei, & velocem habere desiderat sequentem. Vides cum quanta velocitate currit ille qui dicit: *Viam mandatorum tuorum cucurri*. Fidelis obediens nescit moras, fugit crastinum, ignorat tarditatem, præripit præcipientem, parat oculos visui, aurem auditui, linguam voci,

voci, manus operi, itineri pedes; totum se colligit, ut imperantis colligat voluntatem. Vide Dominum festinanter præcipientem, & hominem festinanter obedientem. *Zachæe* (inquit) *festinans descende, quia in domo tua oportet me manere. Et festinans descendit, & excepit eum gaudens*. Animadvertisti quia & festinanter descenderit, & gaudenter exceperit. Audisti obedientiam, audi & obedientiæ remunerationem: *Quia salus huic domui facta est*. Intuere etiam ex occasione hujus obedientiæ conclusionis grande mysterium, & obsignatam signaculo misericordiæ sententiam. *Venit enim* (inquit) *filius hominis quærere & saluum facere quod perierat*. Nonne legisti quod filiis Israël præcipitur, ut agnum comedant festinanter? Festinanter quippe veri Agni comestio signatur implenda: quia verba illa quæ per legem dedit, quæ per semetipsum præsens exhibuit, quæ per Ecclesiæ Præpositos tradenda reliquit, veloci sunt obedientia consummanda. Et tu ergo cum voluntatem cordi, simplicitatem operi, hilaritatem vultui conjunxeris, adde velocitatem: ut sis juxta Apostolum Jacobum, *velox ad audiendum, & ad implendum velocior*.

Quintus [i] gradus obedientiæ est *adimplere viriliter*. Viriliter agite, & confortetur cor vestrum, omnes qui speratis in Domino. Non est fortitudinis ire ad inobedientiam, sed ab obedientia non abduci. Si tribulatio intonat, si persecutio resultat, si peccatores tibi laqueum ponunt, si maligni tuum iter impediunt: tu obedientiæ viam non deseras, sed dic: *Paratus sum, & non sum turbatus, ut custodiam*

i Ibidem n.8.

diam mandata tua. Quid enim superius enumerata pariunt utilitatis, si fortitudo desit, quæ in arte constantiæ virtutes collocat, & eo vallo monit, quo furentis impetus aspirare non possit? Manum tuam misisti ad fortia? agendum est instantè, & constantè obediendum: nec inter verborum seu verberum asperitatem tam regalis est semita relinquenda, sed tenaciori est retinenda fervore. Et ut breviter dotes fortitudinis concludamus: Virtus est, virtutes servans ac muniens. Junge igitur velocitati fortitudinem, constantiam instantiæ, & tunc decantabis securus: *Manus peccatoris non movebit me*. Audi denique hominem (k) quem secundum cor suum invenerat Deus: *Paratum* (inquit David) *cor meum Deus, paratum cor meum*. Paratum ad prospera, paratum ad humilia, paratum ad sublimia, paratum ad universa quæcunque præceperis. Vis Pastorem ovium facere? vis constituere Regem populorum? paratum cor meum Deus, paratum cor meum.

Sextus (l) gradus obedientiæ est *humiliter obedire*. In humilitate nostra memor fuit nostri, qui fecit nos. Magna virtus humilitas, sine cujus obtentu virtus fortitudinis non solum virtus non sit, sed etiam in superbiæ vitium erumpat, Quam fortiter currebat Saül cum esset parvulus in oculis suis? quanta Philistæorum agmina prosternebat, quantis viribus exercebat gladium? Postquam autem tenuit eum superbia, & transivit in affectum cordis, debilis & impotens factus, incircumcisorum armis facile prostratus occubuit. Aspice Regem David, in quo humilitas sublimis & humilis sublimitas felici compositione

fitio-

sitione nitescent. *Domine* (inquit) *non est exaltatum cor meum, neque elati sunt oculi mei.* Et ad totum itinerarium ejus sedula intentione recurre, & quaquaversum oculos reflexeris, invenies humilitatis floribus esse respersum: Audi namque alibi quid dicat: *Fortitudinem meam ad te custodiam.* Quàm verè loquitur justus justitiæ executor! Sunt namque plurimi, qui fortitudinem suam non ad Deum, sed ad inanem gloriam custodiunt: qui confidunt in virtute sua, qui de acceptis virtutibus quasi non acceperint, gloriantur: Conditori facientes injuriam, à quo est omne datum optimum, & omne donum perfectum. Ne ergo fortitudo in superbiam transeat, condienda est sale humilitatis: quia nihil proderit fortiter obedire, si contigerit infelicitè superbire. Illi ergo fortitudinem suam ad Deum custodiunt, qui cum fecerint quod facere debent, dicere possunt: *Servi inutiles sumus, quod debuimus facere fecimus.*

Septimus (m) gradus obedientiæ est *indefinenter obtemperare*. Non qui incæperit, sed qui perseveraverit, saluus erit. Incipere multorum est, perseverare paucorum. Perseverantia singularis est filia summi Regis, virtutum fructus, earumque consummatio, totius boni repositorium, virtus sine qua nemo videbit Deum, nec à Deo videbitur: finis est ad iustitiam omni credenti, in qua virtutum conuentus reuerendum sibi thalamum consecrauit. Quid enim currere prodest, & ante metam cursus deficere? *Sic currite ut comprehendatis*, dicit Apostolus. O quàm perseveranti pede cursum suum perfecerat qui dicebat: *Cursum consummavi*. O quàm lon-

longum cursum felix ille Latro complevit, qui consummatus in breui explevit tempora multa. Denique & Dominus Prophetarum loquitur: *Si conversus fuerit iustus à justitia sua, & fecerit iniquitatem: omnium justitiam ejus non recordabor.* Vides ergo quàm profunda obliuione virtutes illæ sepeliantur, quas perseverantia non insigniuit. Sola est, quæ amatorem obedientiæ ad Regis cubiculum introducit, ut eum uideat in decore suo, in quem desiderant Angeliprospicere. In via igitur ista quâ ambulamus, absconderunt superbi laqueum mihi. Difficilis est via ista & grauis, spinosis anfractibus & multiplicium uinculorum nexibus innodata. An tu ibi putas obedientiæ fructum, cùm subditus audit obedientiam quam multis expetierat votis, cùm ei præcipitur quod redolet dignitatem, gaudio & lætitia fluitet, potentiæ fulciatur imagine? E contrario autem, an tu illi obedientiæ meritum assignas, quæ cum aduersitate procedens, animum terret audientis, grauis ad audiendum, gravior ad implendum, ad tenendum grauissima? Non est ita. Faciendum est ut à prosperitate animo separemur, & aduersitatem animo complectamur, si uolumus Christum sequi, qui regnum fugit, & ad passionem voluntarius venit.

C A P U T V I I.

De agonia, & sudore sanguineo Christi orantis
in horto.

1. *Ostenditur Christum in agonia non solum immaduisse sudore sanguineo, sed etiam decorem exteriorum*

110 *Philosophiæ Christianæ*

rem corporis sui amisisse: quo docemur ut & nos deformemur in corpore extrinsecus, interius verò reformemur in anima. 2. Ostenditur Christum sudasse sanguinem, ob ingentem angustiam & scissionem cordis: quo docemur scindendum esse corda nostra. Assignantur causæ, cur toto corpore sudavit Sanguinem Christus. 3. Ostenditur Christum, ideo voluisse consolari & confortari ab Angelo, ut nos doceret non ad carnales & caducas recurrere consolationes, sed ad spirituales & Angelicas. Docemur, ut in omni tribulatione nostra invocemus Angelum Custodem nostrum, qui nos consoletur & confortet.

§. I.

Et factus in agonia, prolixius orabat, Luc. 22.

Non est aliquo modo dubitandum de Christo (a) quin infirmitatē & exterminationem corporis incomparabilem sustinuerit, qui etiam vererat crucem sustinere: & præ cæteris tantò magis fuerit confectus, quantò major in eo fuit compassionis affectus, qui non solum facta, sed etiam cogitationes inspexit. Suffragatur his rationibus sententia ipsius Domini sic dicentis: *Jerusalem Jerusalem, quoties volui congregare filios tuos, quemadmodum gallina congregat pullos suos sub alas, & noluisti? Videamus quid sibi hoc velit, quòd Dominus se gallinæ magis quàm alteri animali voluit comparere? Quia ut à Sanctis Patribus tenetur, ideo factum est, ut exprimat*

matur incomparabilis affectus charitatis . Nullum enim animal circa pullos suos tanta compassione movetur , sicut gallina . Fit enim toto corpore hispida , voce rauca , toto fervens animo , & omnibus membris infirma , & usque ad supremum defectum perveniens . Si ergo intantum pullis suis gallina animal irrationale compatitur : quantò putas optimum Jesum humano generi fuisse compassum ? ad quantam putas eum debilitatem & infirmitatem pervenisse ? Quanta ipsum , putas macie confectum fuisse , qui pro omnibus cognoscitur doluisse ? Unde Esajas ait : *Verè languores nostros ipse tulit , & peccata nostra ipse portavit .* Et præco ipsius (b) Joannes Baptista clamat : *Ecce , inquit , Agnus Dei , ecce qui tollit peccata mundi .* Non dicit morbos corporis , non molestias carnis , sed peccatum , quod est morbus animæ , & corruptio mentis . *Ecce qui tollit peccata mundi .* Unde ? Vtique à manu , ab oculo , à collo , demùm etiam à carne ipsa , cui altiùs infixum est . Tollit peccatum à manibus (c) commissa peccata delens : tollit ab oculo , purgans cordis intentionem : tollit à collo , violentam removens dominationem , sicut scriptum est : *Sceptrum exactoris ejus superasti , sicut in die Madian .* Itemquè : *Computrescet jugum à facie olei .* Et Apostolus loquitur , dicens : *Ut non regnet peccatum in vestro mortali corpore .* Siquidem alio in loco ait idem Apostolus : *Scio , inquit , quòd non est in me bonum , hoc est , in carne mea .* Sed jam veniamus ad illum ultimæ diei agonem (d) & causas deformati corporis Jesu nequibimus

b Serm. 6. de Adv. Dom. nu. 1. c Ibidem nu. 2. d Tract. de vite myst. cap. 5. nu. 23.

bimus ignorare. Incipiat ergo consideratio nostra in eodem loco, ubi ipso teste cùm inciperet pavere & tædere, tristis fuit anima ejus usque ad mortem. Sudor sanguineus orantis & agonizantis membra copiosè perfudit, itaut jam non solùm distillaret, sed guttatim decurreret in terram. Quis hîc decor speciei? Quis in corpore sic macerato formæ pulchritudinem quærat? Venite quæso (e) & condolete ei omnes, qui gaudere desideratis in Domino. Attendite manu fortem nostrum, quomodo contritus est: desiderabilem nostrum, quomodo miserabiliter deformatus est: pacificum nostrum, quomodo in bello peremptus est. Ubi est rubor roseus? ubi candor juvenilis? ubi in corpore tam contrito decorem invenies? Ecce defecerunt dies nostræ diei Domini Jesu, qui solus est dies sine tenebris: & ossa ejus sicut cremium aruerunt. Percussus est sicut fœnum, & aruit cor ejus: elevatus est, & allisus valdè; sed in dedecore extrinseco decorem simul verè & decus intrinsecùs retinebat. Noli ergo deficere pro ipso in tribulationibus tuis, quia hunc speciosum formâ præ filiis hominum viderunt omnes in cruce, qui tantùm exteriora intuebantur, & viderunt eum non habentem speciem neque decorem: & facies ejus abiecta est quasi deformis. De hac tamen deformitate Redemptoris nostri manavit precium decoris nostri, sed decoris interni. Omnis enim gloria filiæ Regis ab intus. Senferat hoc & Sponsa, quæ in Cantico Salamonis proclamat: *Nigrasum, sed formosa filiæ Jerusalem, sicut pelles Salamonis*. Nisi corpus Domini Jesu deforme fuisset, cujus nigredinem supra

pro

pro parte executi sumus: formositatem intrinsecam (quia in ipso omnis plenitudo divinitatis) quis enarrabit? Sciendum tamen est , quod ea quæ diximus de deformitate Corporis speciosi , non de naturali , sed de accidentali deformitate Domini : non accusantes in ipso defectum naturæ , sed passionis charitatem commendantes. Deformemur igitur & nos in corpore extrinsecus cum deformato Jesu , ut reformemur interiùs in anima cum formoso Jesu. Conformemur corpori Jesu in corpore nostro , ut reformet corpus humilitatis nostræ configuratum corpori claritatis suæ . Imitatores simus Pauli Apostoli , sicut ipse Christi fuit, qui de se dicit : *Christo confixus sum cruci*. Et alibi : *Ego semper porto stigmata Jesu Christi in corpore meo* . Benè portabat characterem passionis Jesu Christi in corpore suo , cui mundus mortuus erat, & ipse mundo . Fuscus effectus est, quia decoloravit eum sol passionis & charitatis Christi . Vis tibi denique demonstrem (f) animam & nigram pariter & formosam ? *Epistolæ* , inquiunt , *graves sunt : sed præsentia corporis infirma, & sermo contemptibilis* . Paulus hic erat . Itane Paulum , ô filiæ Jerusalem , de præsentia corporis æstimatis , & tanquam decolorem deformemquè contemnitis, quia cernitis homunculum affligi in fame & siti , in frigore & nuditate, in laboribus plurimis , in plagis supra modum, in mortibus frequenter ? Hæc sunt quæ denigrant Paulum . Pro hujusmodi Doctor Gentium reputatur inglorius , ignobilis , niger , obscurus , tanquam denique peripsema hujus mundi . Enimverò nonne ipse est qui rapitur in Paradisum , qui

H

unum

unum alterumquè perambulans , usque ad tertium sui puritate penetrat cælum ? O verè pulcherrima anima , quam etsi infirmum inhabitantem corpusculum, pulchritudo cælestis admittere non despexit, Angelica sublimitas non rejecit, charitas divina non repulit ; hanc vos dicitis nigram ? Nigra est , sed formosa , filiæ Jerusalem . Nigra vestro, formosa divino Angelicoquè iudicio . Etsi nigra est , forinsecus est . Sibi autem pro minimo est , ut à vobis iudicetur , aut ab his qui secundùm faciem iudicant . Homo siquidem videt in facie , Deus autem intuetur cor . Propterea etsi nigra foris, sed intus formosa , ut ei placeat cui se probavit . Non enim vobis , quibus si adhuc placeret, Christi servus non esset . Felix nigredo, quæ mentis candorem parit , lumen scientiæ, conscientiæ puritatem . Non planè contemnenda est in aliis sanctis ista nigredo extera (g) quæ candorem operatur internum , & sedem proinde præparat Sapientiæ . Candor est enim vitæ æternæ Sapientia , ut Sapiens definit : & candidam oportet esse animam , in qua ipsa Sapientia sedem elegerit . Quod si anima iusti sedes est Sapientiæ , haud dubiè dixerim animam iusti esse candidam : & fortassis iustitia ipsa candor est . Iustus autem erat Paulus , cui reposita fuerat corona iustitiæ . Candida proinde Pauli anima erat , & Sapientia sedebat in ea , ita ut sapientiam loqueretur inter perfectos , sapientiam in mysterio absconditam , quam nemo principum mundi huius agnovit . Porro hunc in eo sapientiæ iustitiæquè candorem nigredo illa exterior de sapientia corporis infirma , de laboribus plurimis , de jejuniis ac vigiliis multis

multis aut operabatur, aut promerebatur. Ideoque & quod nigrum est Pauli, speciosius est omni ornatu extrinseco, omni etiam Regio cultu. Non comparabitur ei quantalibet pulchritudo carnis, non cutis utique nitida & arsurā, non facies colorata vicina putredini, non vestis preciosa obnoxia vetustati, non auri species, splendorvè gemmarum, seu quæcunque talia, quæ omnia sunt ad corruptionem. Habet & Salamon, *scilicet Christus*, nigredinem (h) sed in pelle. Foris niger, in cute niger, non intus. Alioquin omnis gloria ejus filiæ Regis ab intus. Intus Divinitatis candor, decor virtutum, splendor gloriæ, innocentiae puritas. Sed teteget hæc despicibilior infirmitatis color, & quasi absconditus vultus ejus & despectus, dum tentatur per omnia pro similitudine absque peccato.

§. I I.

Et factus est sudor ejus, sicut gutta sanguinis decurrentis in terram. Luc. 22.

Angustias quidem cordis Domini Jesu(i) certissime indicabat sudor ille sanguineus, qui orationis tempore de carne sua Sanctissima guttatim decurrebat in terram. Inspice ò homo (k) tribulationem ipsius mitissimi Cordis quā angebatur, cum toto corpore ex omni parte sanguineus sudor maneret. Neque enim corpus extrinsecus tanto taliquè sudore deflueret, si Cor intrinsecus nullius doloris molestia frangeretur. *Contritum est cor meum in meipso*, ait

H 2

Pro-

Propheta Jeremias . Scisso igitur corde interiùs, scissa est & exteriùs pellis nostri Salvatoris : effusus est sudor sanguineus super terram . Dominus Jesus in oratione constitutus (l) prae angustia spiritus sui , totus sudore sanguineo immaduit . Ubi quidem (m) non solis oculis , sed quasi membris omnibus flevisse videbatur : ut totum corpus ejus, quod est Ecclesia, totius lachrymis corporis purgaretur . Floret in Vite nostra (n) benigno Jesu rosa rubens & ardens . Rubens Sanguine passionis , ardens igne charitatis , roseida effusione lachrymarum dulcissimi Jesu . Flevit enim & contristatus est propter me gaudium meum, imò gaudium Angelorum , Dominus Jesus : *qui (ut ait Apostolus) in diebus carnis suae offerens vota & supplicationes ad eum , qui possit saluum facere eum à morte , cum clamore valido & lachrymis, exauditus est pro sua reverentia .* Audis cor non carneum , sed lapideum , illum magnum Jesum & optimum in diebus carnis suae , quam pro me redimendo assumpserat, lachrymis immaduisse , & adhuc aridum permanens ? O cor durum , audis commoveri pro me ad lachrymas illum, qui in aeternum stat & non commovebitur : nec adhuc tu ad lachrymas commoveris ? Addam & ignem charitatis & passionis Sanguinem , si fortè calefacias , si emolliaris , ut dulcissimo Jesu pro lachrymis suis & Sanguinis effusione solas saltem lachrymas rependas . Sanguinis effusio Jesu Christi (o) quâ passionis rosa coloratur , invenitur in sudore sanguineo orantis & agonizantis benigni Jesu .

l Tract. de 3. praecep. myst. cap. 6. num. 13. m Ser. 3. in Dom. Palm. nu. 4. n Tract. de vit. myst. cap. 33. nu. 137. o Ibidem cap. 37.

Jesu. Ita enim ait Evangelista: *Et factus in agonia, prolixius orabat: & factus est sudor ejus, sicut gutta sanguinis decurrentis in terram*: ut cessent omnes cæteræ Sanguinis purissimi effusiones, Numquid hæc sola non poterit rosam nostram sufficienter rubricare? Verè potest cōscindere cor meum miserum, & sanguineis lachrymis madefacere: quia ecce Creator meus pro me sanguineo cruore perfunditur; nec levi quidem, sed decurrente in terram. Væ misero cordi, quod tali & tanto sudore non madescit perfusum. *Scindite corda vestra (p) & non vestimenta vestra*, ait Dominus omnipotens. Si quis in vobis est, cujus voluntas circa unum aliquid solet obstinatio inveniri, scindat cor suum gladio spiritûs, quod est verbum Dei: scindat illud, & in multas minutias festinet dispartiri. Alioquin non est converti ad Dominum in toto corde, nisi scisso corde. Potest quoque (q) & aliter hæc scissio cordis intelligi, ut si pravum fuerit, scindatur ad confessionem: si durum, ad compassionem. Quidni scindatur cor, ut visceribus effluat pietatis? Quidni scindatur ulcus, ut sanies effluat? Utilis prorsûs utraque scissio, ut nec clausum lateat peccati virus in corde, nec indigenti proximo claudamus viscera misericordiæ, ut & ipsi consequamur misericordiam à Domino nostro Jesu Christo. Porro (r) rubricata est rosa passionis, & charitatis Christi rubicundi Jesu. Ecce quàm rubicundus, & quàm totus rubicundus: nec vacat à mysterio ista Sanguinis Jesu effusio generalis. Sudavit enim toto corpore Sanguinem, qui nostras venerat

H 3

tolle-

tollere infirmitates ex carne nostra & sanguine contractas : ut ad convalescentiam & sanitatem totius corporis spiritualis sive Ecclesiæ sufficeret sudor sanguineus ab omni parte corporis , capitis scilicet nostri Domini Jesu Christi effusus . Arbitramur quoque (s) quòd hoc ad consolationem infirmorum membrorum suorum assumpsit , ne fortè desperet quis si caro infirma remurmurat , ubi ad passionem promptus est spiritus . Nimirum ut majoris erga Jesum amoris & gratitudinis stimulos habeamus , naturalem carnis infirmitatem his judiciis in se expressit , quibus doceremur quia verè languores nostros portavit , & non absque sensu doloris passionum sentes percurrit . Liberati ergo sumus (t) de sanguinibus . Deo gratias , auctori salutis nostræ benigno Jesu , qui suum pro nobis Sanguinem liberalissimè effudit . Totus siquidem (u) nobis datus , & totus in nostros usus expensus est . Porro (x) vel hoc certè significabat sudor sanguineus à toto corpore Capitis nostri effusus , quia in toto corpore suo spirituali quod est Ecclesia , sanguis erat Martyrum effundendus , & Ecclesia rubricanda . Cæterum nos , fratres , (y) ut vel fideles nos probemus Deo nostro , si martyrium sanguinis non habemus (martyrium enim testimonium est) quæramus vel testimonium aquæ , & ne ipsum quidem despiciet Deus . *Tres sunt enim qui testimonium dant in terra : Spiritus , Aqua , & Sanguis* , Beati quibus trinum suppetit testimonium , quoniam funiculus triplex difficilè rumpitur . Nos si
san-

s Ser. de Paß. Dom. nu. 8. t Tract. de vite myst. cap. 37. u Ser. 3. in Circumcis. Dom. nu. 4. x Tract. de vite myst. cap. 37. y Ser. de S. Clem. nu. 5.

sanguinis testimonium non habemus, habeamus spiritum & aquam: quoniam sine spiritu nec sanguis nec aqua sufficiet. Imò verò si spiritus ipse sine aqua aut sanguine invenitur, sufficit testimoniū ejus: quoniam spiritus veritatis est, nec sanguis nec aqua quidquam proderunt à se ipsis, sed spiritus est qui testificatur in illis. Sanè tamen aut vix aut nunquam sine aqua, aut sanguine spiritum arbitror inveniri. Propterea, charissimi, quæramus vel aquam, qui sanguinem non habemus: quæramus mensuras binas vel ternas, quas hydriæ capiebant. Nam & Christus triplicem nobis apponit aquam: & perfectus omnis qui fuerit in nobis sicut ipse, qui videlicet tres metretas habere potuerit. Propter hoc enim sub distinctione dicitur, *binas vel ternas*, ut duas adminus constet necessarias esse, tertiam non ab omnibus exigendam. Accipe igitur triplicem aquam, (z) quam tibi Saluator apponit. Plorat super Lazarum, & super Civitatem Jerusalem: & hæc est *aqua prima*. Sudavit imminente jam passionis horâ: & hæc est *aqua secunda*, non ab oculis tantum, sed à toto corpore manans. Hæc autem rubea est, sanguineique coloris, sicut scriptum est: *Et factus est sudor ejus, sicut guttæ sanguinis decurrentis in terram*. Iam verò *tertia aqua* est, quæ de latere ejus unâ cum Sanguine emanavit. E tu ergo *primam* quidem habes *aquam*, si rigas lachrymis tuis conscientiæ tuæ stratum, & dolore compunctionis præteritorum diluis maculas peccatorum. *Secundam aquam* habes, si in sudore vultus tui vesceris pane tuo, & labore penitentiae corpus tuum castigas, ac restringis concupi-

scientiæ flammam. Est autem sanguinei coloris, sive propter laborem, sive etiam propter ipsum quem extinguit concupiscentiæ ignem. Jam verò si proficere potes usque ad devotionis gratiam, potaberis *aquâ sapientiæ* salutaris; & spiritus Christi, qui super mel dulcis est, fiet in te fons aquæ salientis in vitam æternam. Et ut breviter repetam. *Prima* quidem aqua à præteritis delictis abluit conscientiam. *Secunda* ut futura caveas, extinguit concupiscentiam. *Tertia* si ad eam pervenire merueris, potat animam sitientem.

§. I I I.

Apparuit autem illi Angelus de cælo, confortans eum. Luc. 22.

Lego quidem in Lazari resurrectione (a) quia Jesus infremuit spiritu, & turbavit seipsum. Sed esto interim quia se ipse turbavit, non conditionis necessitate, sed suæ beneplacito voluntatis. Nunc autem aliquid jam amplius audio. Usque aded siquidem prævaluit ea quæ fortis est ut mors dilectio, ut Christum Angelus Dei confortaverit. Quis, Quem? Evangelistam audi. *Apparuit (inquit) Angelus confortans eum. Quem eum?* Planè eum, cui nascituro clausus patuit Virginis uterus: cujus nutu in vinum aqua mutata est: cujus tactu lepra fugata est: sub cujus plantis solidum mare stetit: ad cujus vocem mortui surrexerunt. Denique *eum*, qui portat omnia verbo virtutis suæ, per quem facta sunt omnia, per quem universa subsistunt, etiam & Angelus ipse.

Et

a Serm: 1. de S: Andr: nu: 6:

Et quid dicam? Quem *eum*? Minus enim morarer, si non penitus esset indicibilis: *Confortans eum*. Quem *eum*? Cujus ne ipse quidem confortator suus capere poterat Majestatem. Aliter quippe Christus fortitudo (b) vel virtus Dei dicitur, aliter Angelus. Angelus enim tantum nuncupativè, Christus autem etiam substantivè. Christus Dei virtus & dicitur & est, quæ forti armato (qui suum atrium in pace custodire solebat) fortior superveniens, ipsum suo brachio debellavit, & sic ei vasa captivitatis potenter eripuit. Angelus verò fortitudo Dei appellatus est, quòd hujusmodi meruerit prerogativam officii. Rogo te Angele [c] quem consolaris? An ignoras quis esset, ad quem consolandum veniebas? Certè consolator est, certè Paracletus est. Alioquin non diceret alium Paracletum à Patre mittendum Apostolis, si non esset & ipse Paracletus. Denique agnosco & in hoc ipso Paracletum maximum, agnosco Paracletum benignissimum, qui propè sit his qui tribulato sunt corde. Non despero jam, Domine, etiamsi molesta mihi videatur tribulatio quam patior, etiamsi pusillanimis sum, etiamsi desidero ut transferatur calix à me. Non despero inquam, dummodò audiam ipse: *Verumtamen non sicut ego volo, sed sicut tu*. Ita planè, dummodò non murmurem: id enim penitus separaret à te, si non citiùs respicerem: non renuo, etiamsi opus habeo consolari. Quid enim? Agnosco vocem meam in Salvatore, & de salute desperem? Planè in patientia mea possidebo animam meam. Qui minor est in regno cœlorum (d) major est

b Ser: 1: *super missus* nu: 2: c Ser: 1: de S: Andr: nu: 7: d Ser: 53: in Cant: nu: 8:

est quovis carnem portāte super terram, etiamsi sit ille magnus Jo: Baptista. Nam etsi sanè Deum hominè fateamur Christum, etiam in homine super omnem principatum & potestatem longè incomparabiliter præminere: certum tamen est, quia etsi præit maiestate, sed infirmitate succumbit. Porro etsi prælatus hominibus (e) sed ab Angelis minoratus est. Miro enim modo & Angelis sese factus caro subiecit, & Angelos sibi manens Deus subiectos retinuit. Denique *videbitis* (inquit) *Angelos ascendentes & descendentes super Filium hominis*: quod in uno eodemquè homine Christo Jesu, & infirmitatem foueant, & stupeant Maiestatem. Proinde didici ex hoc ipso (f) non ad carnalem sive caducam recurrere consolationem, sed ad Angelicam, sed ad spiritua-lem, sed ad cælestem. *Quoniam Angelis suis* (g) *mandavit de te, ut custodiant te in omnibus viis tuis*. Quantam tibi debet hoc verbum inferre reverentiam, afferre devotionem, conferre fiduciam? Reverentiam pro præsentia, devotionem pro benevolentia, fiduciam pro custodia. Cautè ambula, ut videlicet cui adsunt Angeli, (sicut eis mandatum est) in omnibus viis tuis. In quovis diversorio, in quovis angulo, Angelo tuo reverentiam habe. Quoties autem gravissima cernitur urgere tētatio(h) & tribulatio vehemens imminere, invoca Custodem Angelum tuum, ductorem tuum, adiutorem tuum. In opportunitatibus, in tribulatione inclama eum, & dic: *Domine, salva nos, perimus*. Non dormit neque dormitat: etsi ad tempus quandoque dissimulet, ne forte

e Serm: 48: in Cant: m: 4: f Ser: de S: Andr: m: 7: g Ser: 12: super Psal: 90: m: 6. h Ibid. m: 9.

fortè periculosius ab illis te manibus ipse præcipientes, si te eis ignoraveris sustentatum. Spirituales enim sunt manus istæ, & auxilia utique spiritualia, quæ singulis electorum pro cujusque discriminis modo & obiectæ difficultatis, tanquam lapideæ molis quantitate, ab his qui sibi deputati sunt Angelis spiritualiter & multipliciter exhibentur. Dico ego tamen aliqua ex his quæ communia magis arbitror, & paucis qui inter vos sunt inexperta. Turbatur aliquis vehementer, seu corporali quovis incommodo, seu tribulatione aliqua sæculari, seu accediâ spiritûs, & quadam animi defectione languescens. Jam tentari incipit supraquàm valeat sustinere, jam impinget & offendet in lapidem, si non fuerit qui subveniat. Quis verò est lapis iste? Ego illum intelligo lapidem offensionis, & petram scandali, in quam si offenderit quis, collidetur: super quem verò ceciderit, conteret eum. Lapidem utique angularem, electum, preciosum, qui est Dominus Christus. In hunc lapidem offendere est murmurare adversus eum, scandalizari à pusillanimitate spiritûs & tempestate. Itaque opus illi est Angelica ope, Angelica consolatione, Angelicis manibus, qui jam deficit, jam propemodùm offendit in lapidem. Et verè offendit in lapidem qui murmurat & blasphemat, seipsum collidens, non eum in quem furibundus impingit. Arbitror sanè [i] velut duabus quibusdam manibus ejusmodi homines interdum ab Angelis supportari, ut quodammodò non sentientes transerant quod tantoperè formidabant, nec parùm mirrentur postmodùm tam super posteriori facilitate, quam

quàm super difficultate priori. Vultis scire quas intelligam duas manus? Duplicem utique demonstrationem, dum videlicet hinc quidem *tribulationis brevitatis*, inde *æternitatis retributionis* ostenditur: aut magis pingitur, vel imprimitur cordi, ut intimo affectu sentiat, quoniam momentaneum hoc & leve tribulationis nostræ supra modum in sublimitate æternum pondus gloriæ operatur in nobis. Quis verò istas tam bonas per bonos non credat fieri, cum certum sit, quodd è contrario malæ utique fiant immisiones per Angelos malos? Habetote familiares Angelos, Fratres mei, frequentate eos sedula cogitatione & devota oratione, qui semper vobis adsunt ad custodiam & consolationem. Ipsi enim amant nos [k] quia nos Christus amavit. Dicitur certè vulgari quodam proverbio: Qui me amat, amat & canem meum. Nos verò, ô beati Angeli, catelli sumus Domini illius, quem tanto affectu diligitis: catelli inquam, cupientes saturari de micis quæ cadunt de mensa Dominorum nostrorum, qui estis vos. Et hæc dixerim, Fratres, ut ampliorem de cætero erga beatos Angelos fiduciam habeatis, ac proinde familiarius in omni necessitate vestra eorum invocetis auxilia: sed & ut dignius in eorum præsentia conversari, & magis ac magis eorum vobis conciliare gratiam, captare benevolentiam, exorare clementiam studeatis. Cujus rei gratiâ necessarium duco alias quoque charitati vestræ exponere causas, quæ ipsos beatos Angelos pro nostra infirmitate reddant sollicitos: absque sua sanè anxietate, sed non absque utilitate nostra, nec ad detrimentum felicitatis suæ, sed

sed ad nostræ salutis augmentum . Constat sine dubio rationis participes (1) & capaces beatitudinis humanas animas , Angelicæ cognatas esse naturæ : nec decet vos , ô beati Spiritus , contra legis præceptum dedignari , quam visitare debetis speciem vestram , licet in multam (ut ipsi cernitis) dejecta sit vilitatem . Sed neque arbitramur vos , Superni Cives , civitatis vestræ excidio delectari , & ruinâ murorum quos semirutos ipsi videtis . Cujus instaurationem si desideratis (ut dignum est) frequenter , quæso , ante thronum gloriæ verbum precis iterate dicentes : *Bene fac Domine in bona voluntate Sion , ut ædificentur muri Hierusalem* . Si diligitis decorem domus Dei , imò quia diligitis : experiantur zelum vestrum vivi & rationales lapides , qui soli in instaurationem ejus vobis possunt coædificari . Hic est , dilectissimi , funiculus triplex , quo de excelsis cælorum habitaculo ad consolandos , ad visitandos , ad adjuvandos nos attrahitur supereminens charitas Angelorum : propter Deum , propter nos , propter seipsos . *Propter Deum* utique , cujus tanta erga nos misericordiæ viscera ipsi quoq; Angeli (ut dignum est) imitantur . *Propter nos* , in quibus nimirum propriam similitudinem miserantur . *Propter seipsos* , quorum ordines instaurandos ex nobis toto desiderio præstolantur . In ore enim parvulorum , qui lacte modò vescuntur , & nondum solido cibo , perficienda est laus illa Majestatis Divinæ , cujus habentes primitias Angelici Spiritus beata nimirum delectatione fruuntur : sed tantò avidiùs nos expectant , quantò consummationis ejus expectatione & expetitione sollicitantur .

CA-

CAPUT VIII.

De spontanea voluntate Christi, quam ostendit manifestando se Judæ & satellitibus, ut caperetur ab eis.

1. Christus voluntariè oblatus passioni docet nos, ut libenter offeramus Deo vitam nostram. Docemur qualiter quatuor obstacula adversantia divinæ voluntati reprimenda sunt mediantibus quatuor virtutibus cardinalibus. 2. Christus manifestans se accipiendum, monstravit se esse sollicitum de acceleranda redemptione nostra. Ostenditur quantam curam habeat erga Ecclesiam electorum suorum. 3. Christus antequam caperetur, ostendit suam potentiam Divinam in illo tempore, quo prostravit in terram eosdem qui volebant ipsum capere.

§. I.

Tunc venit tertio ad discipulos suos, & dicit illis: Dormite jam, & requiescite. ecce appropinquavit hora, & filius hominis tradetur in manus peccatorum. Surgite, eamus: ecce appropinquavit qui me tradet. Matt. 26. Mar. 14.

Vide homo magnitudinem caloris (a) imò fervoris in patiente pio Jesu, & miraberis fructus sui accelerationem. Ardebat incomparabiliter charitatis intrinsecus & passionis extrinsecus igne, ut fructus nostræ

a Tract. de vite myst. cap. 46. nu. 178.

nostræ redemptionis sine mora produceret. Pater diligit Filium (b) & singulari dilectione amplectitur, summus æqualem, æternum coæternum, unus Vnicum. Sed non minori à Filio affectione astringitur: quippè pro cuius amore & moritur, ipso attestante cùm ait: *Vt sciant omnes quia diligo Patrem, surgite, eamus*: haud dubium quin ad passionem. Ea nocte quâ Dominus tradebatur (c) cùm fatigatos productionibus vigiliis discipulos qui secum erant, dormire demùm ac requiescere præcepisset, in ipsa hora surgere cogit: *Surgite, eamus* [inquit] *ecce appropinquat qui me tradet*. Fidelis sermo (d) & omni acceptione dignus. Quia enim voluit, oblatus est. Nonmodò voluit & oblatus est, sed quia voluit. Solus nimirum potestatem habuit ponendi Animam suam: nemo eam abstulit ab eo. In templo prius oblatus est [d] non quia opus habuit, non quia sub legis edicto fuit, sed quia voluit. Et in mortem nihilominus oblatus est, non quia meruit, non quia Judæus prævaluit, sed quia ipse voluit. Voluntariè sacrificabo tibi Domine, quia voluntariè oblatus es pro mea salute, non pro tua necessitate. Sed quid, Fratres nos offerimus [f], aut quid retribuimus illi pro omnibus quæ retribuit nobis? Ille pro nobis obtulit hostiam preciosorem quam habuit, nimirum quæ preciosior esse non potuit. Et nos ergo faciamus quod possumus, optimum quod habemus offerentes illi, quod sumus utique nosmetipsi. Ille seipsum obtulit, tu quis es qui teipsum offerre cunctaris? Quis mihi tribuat, ut oblationem meam digne-

b Ser. 8. in Cant. num. 1. c Ser. 58. in Cant. nu. 1. d Ser. infer. 4. heb. d. San. 4. e Ser. 3. in Purific. B. M. n. 2 f Ibid. 3.

gnetur Majestas tanta suscipere? Duo minuta habeo Domine, corpus & animam dico: utinam hæc tibi perfectè possim sacrificium laudis offerre. Bonum enim mihi longequè gloriosius atque utiliùs est, ut tibi magis offerar, quàm deferar mihiipsi. Nam ad meipsum anima mea conturbatur, in te verò exultabit spiritus meus, si tibi veraciter offeratur. Fratres, Morituro Domino Judæus mortuas hostias offerebat: sed jam nunc, *Vivo ego*, (dicit Dominus) *nolo mortem peccatoris, sed magis ut convertatur & vivat*. Non vult Dominus mortem meam, & non libenter offeram illi vitā meam? Hæc est enim hostia placabilis, Deo placens hostia, hostia viva. Hæc est utique professio fidei Christianæ [g] ut qui vivit, jam non sibi vivat, sed ei qui pro omnibus mortuus est. Ipse enim oblatus est [h] quia apud ipsū propitatio est, & copiosa apud eum redemptio. Oblatus est, quia sic decrevit ipsius erga hominem inæstimabilis dilectio. Oblatus est, quia sic homo indiguit. Oblatus est, quia ipse voluit. Quid retribuam Domino [i] pro omnibus quæ retribuit mihi? Nonne si conferrentur in me omnes vitæ filiorum Adam, & omnes dies sæculi, & labores omnium hominum qui fuerunt, qui sunt, & qui erunt: nihil esset ad comparisonem Corporis illius, quod spectabile & stupendum est Virtutibus etiam supernis in conceptu de Spiritu Sancto, in ortu de Virgine, in vitæ innocentia, in doctrinæ affluentia, in coruscationibus miraculorum, in revelationibus Sacramento-
rum? Vides igitur quia sicut exaltantur Cæli à terra,

g. Ser. 33. inter. diuer. n. 6. h. Tract. de 3 princip. myst. cap. 6. num. 16
i. Ser. 22. inter. diuer. num. 6.

ta, sic exaltata est Vita Christi a vita nostra: quæ tamen posita est pro vita nostra. Sicut nihil ad aliquid nullam habet comparisonem, ita & vita nostra nullam habet ad Vitam illius proportionem: cum illa dignior, ista miserior esse non possit. Nec me putes rem exaggerare sermonibus: quia hinc deficit omnis lingua, nec sufficit oculus vel ad intueundum tantæ dignetionis arcanum. Cum ergo ei donavero quidquid sum, quidquid possum: nonne istud sic est, sicut stella ad Solem, gutta ad fluvium, lapis ad montem, granum ad aceruum? Non habeo nisi minuta duo, imò minutissima, Corpus scilicet & animam: vel potius unum minutum, voluntatem scilicet meam, & non dabo illam ad voluntatem illius, qui tantus tantillum tantis beneficiis prævenit, qui toto se totum me comparavit? Alioquin si illam retinuerò, qua fronte, quibus oculis, qua mente, qua conscientia vado ad viscera misericordiæ Dei nostri: & audeo perfodere illud fortissimum propugnaculum quod custodit Israel, & illius Sanguinis non guttas sed undas à quinque partibus Corporis in meum precium retorquere? Hoc quidē oramus ut voluntas Domini (k) sicut in cælestibus facta est creaturis, fiat etiam in terrenis: ut sicut Angelus, sic & homo adhærens Deo, unus cum eo spiritus sit. Sed heu me, quot obstacula separant, quot prohibent impedimenta! *Primo* obicit sese *malitia* mediam. Inest enim nobis quasi à natura, magis autem ab exterminio naturæ, affectio quædam pessima & libido nocendi, ut inextinguibilis inveniat in miseris animabus nostris malitiæ

I

dele-

delectatio. Quid verò longius à voluntate Divina? Planè chaos magnum inter nos & illam firmatum est in hac parte: cùm semper Deum delectat præstare beneficia, & ingratis nobis è contra suggerat affectio crudelissima & innoxiiis vel nocere. Hinc omnis radix amaritudinis germinat, hinc invidiæ, hinc detractiones, hinc dissensiones pullulant, hinc sylvescunt inimicitia. At hæc quidem germina virulenta præcidi semper necesse est falce *Justitiæ*, quâ videlicet extorqueamus à nobis, ne cui faciamus quod nolumus nobis fieri: sed quæ volumus vt faciant nobis homines, & nos eis eadem faciamus. *Secundò* obiicit sese *infirmitas* nostra. Ipsâ enim corruptibilis hujus infirmitate corporis præpedimur, ne voluntas nostra Divinæ valeat cohærere. Nobis quidem quod molestum sentimus, non potest non displicere: & frequenter in his voluntas nostra à Divina dissidet voluntate; cui ne penitus adversetur, *Fortitudo* est nobis necessaria, quæ secunda species est virtutis. *Tertiò* obiicit sese (1) *concupiscentia* nostra. Nec enim sola impedit afflictio corporis, sed impedit & concupiscentia, quâ multiplicibus & inexplebilibus distrahimur desideriis. Quando autem poterit anfractuosa & angulis plena voluntas nostra ei Voluntati uniri, quæ rectissima est & omnimodis indistorta? Heu mihi Domine Deus, quia undique mihi bella, undique tela volant, undique pericula, undique impedimenta! Quocunque me vertam, nulla usquã securitas est: & quæ mulcent, & quæ molestant, timeo: & esuriens & refectio, & somnus & vigiliæ, & labor & requies militant contra me.

1 *Ibidem*. n. 3.

me, *Divitias & paupertatem ne dederis mihi*, orat Sapiens : nimirum quia utrobique periculum. Quod si repremit *Temperantia* concupiscantiam (hoc quippe unicum in hujusmodi remedium est) erit quidem unio jam nonnulla, sed plena non erit. Hinc & Apostolus de se fatetur: *Ego ipse*, ait, *mente consentio legi Dei, carne autem legi peccati, quæ est in membris meis*. Ex parte ergo cohæret, & ex parte dissidet, donec veniat quod perfectum est, & quod ex parte est evacuetur. Quarto [m] obiicit sese ignorantia nostra, quam & ipsam nobis plurimum obesse non ignoratis. Quo enim pacto voluntatem Dei præviam sequar, ubi ignoro eam? Cognosco autem tantum ex parte, & necdum sicut cognitus sum. Propterea inquirenda sunt nobis cum omni desiderio incrementa *Prudentiæ*, ut magis ac magis notam faciat nobis Deus voluntatem suam, ut sciamus quid acceptum sit ei omni tempore. Sic virtutum consummatio, *Justitiæ & Fortitudinis, Temperantiæ & Prudentiæ*, unionem illam tam felicem quam desiderabilem consummabit, ut sit nobis cum Deo una voluntas : & quæcunque ei placent, placeant simul & nobis.

§. I I.

Adhuc Jesu loquente, ecce Judas cum accepisset cohortem & ministros, à principibus Sacerdotum & Senioribus populi missos cum gladiis & fustibus & armis & laternis & facibus, venit illuc. Sciebat enim Judas qui antecedebat eos, locum, quia

I 2

Iesus

Jesus convenerat illuc cum discipulis suis. Jesus itaque sciens omnia quæ ventura erant super se, processit, et dixit: Quem quæritis? Responderunt ei: Jesum Nazarenum. Respondit eis Jesus: Ego sum. Si ergo me quæritis, sinite hos abire. Matt. 26. Mar. 14. Luc. 22. Joan. 18.

Redemptor noster [n] Dominus noster Jesus, quem Pater ad salutarem victimam misit in mundum, cum tempus instaret quando moreretur, præsentem exhibere se voluit ubi traderetur. In nostra quidem vita, [o] multa, quantum in nobis est, videmur agere casu & necessitate: sed Christus Dei Virtus & Dei Sapientia neutri potuit subjacere. Quæ enim Dei Virtutem necessitas cogeret, aut quid ageret Dei Sapientia casu? Sicut autem venit ut moreretur (p) sic prævidit & ubi, quando, & quo mortis genere moreretur: præscriptum coram se habens ab æterno mortis suæ genus, locum, & tempus. Hæc autem tria erant, Hierosolyma, Pascha, & Crux. Nam si de loco quæris, in Hierosolyma mortuus est: si de genere, morte crucis: si verò de tempore, instante tempore Paschalis solennitatis. Denique (q) quòd promptus ad passionem fuerit spiritus ejus, evidenter ostendit, quando venientibus unà cum proditore Juda viris sanguinum, & quærentibus Animam ejus cum laternis & facibus & armis per noctem, ultrò occurrit: & ne quid acciperent à duce flagitii, seipsum manifestavit. Exiit quandoque [r] & abscondit se ab eis, scilicet Judæis: nec volebat
jam

n Ser. 4. in Dom. Palm. 1. o Ser. 4. in Ascens. Dom. 2. p Ser. 4. in Dom. Palm. 1. q Ser. 4. Pass. Dom. 9. r Ser. 3. in Dom. Palm. 5.

jam ambulare palàm in Judæa, quia quærebant eum interficere. Sciens autem quòd venerit hora ejus, tanquam potestatem habens, spontaneus ipse se obtulit passioni. Et qui (s) quæsitus in regnum, fugit; quæsitus ad tanta probra & ignominiosum supplicium crucis, spontè obtulit semetipsum. Non percipit sibi (t) qui suis parcere novit. Hujus rei evidentiam vides in Evangelio Joannis, ubi cùm ab his qui ad Jesum venerant capiendū, ei diceretur quòd ipsum quæreret, subjungit: *Ego sum, quem quæritis. Si ergo me quæritis, sinite hos abire.* Nimirū tres discipulos. O ardor verissimæ charitatis! Manifestat & tradit se charitas sævientibus inimicis, non parcens sibi: rogatquè pro suis, ut parcatur illis. Unde (u) quidam servorum suorum gratulando sic dicit de eo: *Christus dilexit nos, & tradidit semetipsum pro nobis.* O verè admirabile commercium! Tradidit se Rex pro servo, Deus pro homine, Creator pro creatura, innocens pro nocente. Propterea meritò Sponsa locuta est (x) & dixit Sponsum intendere sibi. Quæ est Sponsa, & quis est Sponsus? Hic Deus noster est, & illa, si audeo dicere, nos sumus cum reliqua quidam multitudine captivorum, quos ipse novit. Gaudeamus. *Gloria nostra hac est, testimonium conscientie nostræ.* Nos sumus in quos intendit Deus. Quanta tamen disparilitas? Quid terreginæ & filii hominum coram illo? Secundum Esaiam Prophetam sic sunt quasi non sint, & quasi nihilum & inane reputati sunt ei. Quid sibi ergo vult ista inter tam dispares comparatio? Aut illa in immensum

I 3

glo-

s Ser. 4. de Adv. Domini n. 4. t Tract. de vite myst. cap. 41. n. 147.
u Ibidem. cap. 5. n. 25. x Ser. 58. in tam. n. 7.

gloriatur, aut is in immensum amat. Quàm admirabile est, quòd illius intentionem Sponsa sibi quasi propriam vendicat dicens: *Dilectus meus mihi?* Nec eo contenta tamen, pergit ampliùs gloriari, respondere se illi quasi ex æquo morem gerere, rependere vicem. Sequitur enim: *Et ego illi*. Insolens verbum, *Et ego illi*: nec minùs insolens, *Dilectus meus, mihi*: nisi quod utroque insolentius utrumque simul. O quid audet cor purum (y) & consciencia bona, & fides non ficta? *Mihi*, inquit, *intendit*. Itane huic intenta est illa Majestas, cui gubernatio pariter & administratio universitatis incumbit & cura sæculorum; ad sola transfertur negocia, imò ocia amoris & desiderii huius? Ita planè. Ipsa est enim Ecclesiam electorum, de quibus Apostolus: *Omnia*, inquit *propter electos*. Et cui dubium quòd gratia & misericordia Dei sit in sanctos ejus, & respectus in electos illius? Ergo providentiam cæteris creaturis non negamus, curam Sponsa rendicat sibi. *Numquid de vobis cura est Deo?* Nec dubium est quin idem possimus dicere de equis, de camelis, de elephantis, & de cunctis bestiæ terræ: similiter & de piscibus maris, & volatilibus Cæli, postremò de omni re quæ est super terram. Solis sanè exceptis quibus dicitur: *Omne sollicitudinem vestram proiicientes in eum, quoniam ipsi cura est de vobis*. An non tibi videtur veluti his verbis dictum: *Intendite illi, quia ipse intendit vobis?* Et observa Apostolum Petrum (ejus enim verba sunt) si non & ipse verborum Sponsæ observaverit ordinem. Nempe non ait: *Omne sollicitudinem vestram proiicientes in eum*, ut sit ipsi cura

cura de vobis : sed , *quia ipsi cura est de vobis* : aperte proinde monstrans , quod Ecclesia sanctorum non-modò quoniam dilecta , sed & quod prius dilecta fuerit . Constat non ad eam pertinere de verbo [z] quod de bobus dixit Paulus Apostolus , nam curam illius habet quid dilexit illam , & semetipsum dedit pro illa . Nonne hæc est Ovis errans , cuius cura Supernorum curæ gregum prælata est ? Denique illis expositis , Pastor descendit ad istam , quæsit diligenter , inventam non reduxit , sed revexit : nova cum illa & de illa intulit Cælis festa gaudiorum , populis Angelorum invitatis ad solennitatem . Quid ergo ? Propriis humeris dignatus est eam reportare , & curam illius non habebit ? Ideo non confunditur dicere : *Dominus sollicitus est mei* . Nec se existimat errare cum item dicit : *Dominus retribuet pro me* . Et si quid est aliud quod curam Dei circa ipsam significare videatur . Videamus denique (a) quàm verum dixerit ille qui dixit : *Dominus sollicitus est mei* . Pater ut servum redimat , Filio non parcit : Filius seipsum libentissimè tradit . O quàm indebita miseratio . (b) quàm gratuita & sic probata dilectio , quàm inopinata dignatio ! , quàm stupenda dulcedo , quàm invicta mansuetudo ? O quàm vilis negociatio , ubi Filius Dei pro servo traditur , pro creatura Creator occiditur , pro mancipio Dominus condemnatur ! Tua sunt hæc Christe opera , qui de lumine cæli ad tenebras inferni , à dextra maiestatis ad miseriam humanitatis , à gloria Patris ad mortem crucis descendisti : infernum illustrando , hominem redimendo , superando mortem ,

tem, & mortis auctorem. Unus es, & secundum non habes: quem ad nos redimendum propria benignitas invitavit: misericordia traxit, veritas quâ te venturum promiseras, compulit: puritas uteri virginalis suscepit, salva virginitatis integritate potentia eduxit, patientia armavit, charitas verbis & miraculis manifestavit. O duri & indurati (c) & obdurati filii Adam, quos non emollit tanta benignitas, tanta flamma, tam ingens ardor amoris, tam vehemens amor ejus, qui pro vilibus sarcinis tam preciosas merces expendit!

§. I. I. I.

Stabat autem Judas, qui tradebat Jesum, cum ministris. Ut ergo dixit eis Jesus: Ego sum: abierunt retrorsum, & ceciderunt in terram. Joan. 18.

Sicut mediator noster (d) Christus Jesus duas naturas, Humanitatem videlicet & Divinitatem conjunxit in una persona: ita singula ejus opera ad hanc sive illam necesse est pertinere naturam. Ad hanc siquidem miseria, sed ad illam pertinet potentia. Quidquid miseriæ passus est, ex homine contraxit: quidquid potenter operatus est, à Patre habuit. Apparuit humanitas ejus [e] in nostræ infirmitatis susceptione, Divinitas in miraculorum exhibitione: apparuit in dæmoniorum oppressione potestas, in peccatorum susceptione benignitas. Potestatis quoque fuit, quoddam volentes eum capere prostravit: benigni-

c Ser. 2. in die Pent. n. 8. d Ser. de verb. Sap. n. 7. tom. 6. pag. 771.
e Ser. de Adv. Dom. n. 1. tom. 6. pag. 600.

gnitatis , quòd abscissam sui persecutoris Malchi auriculam loco simul & sanitati restituit. In Arca testamenti (f) Thuribulum aureum , Manna & Virga sunt recondita . Thuribulum Sacrosanctam Carnem significat Salvatoris , quæ ideo aurea dicitur, quia nullius passa est detrimentum pudoris . Carbones Thuribuli sunt opera Jesu Christi . Carbones isti aliquando mortui , quandoque verò sunt ignei : quia in Salvatore nostro nunc propria tolerabat humanitas , nunc propria faciebat Divinitas . Ignis in carbone , Divinitas est ignoscens in opere . Ignis in prunis , evidens est indicium Divinitatis . Carbo mortuus , in præsepio jacens : Igneus , dæmonia expellens . Carbo mortuus , in Ægyptum fugiens : Igneus , vendentes & euentes columbas de templo eiicientes . Carbo mortuus , dormiens in navi : Igneus , imperans ventis & mari . Carbo mortuus , subditus parentibus : Igneus , quinque satians hominum millia de septem panibus . Carbo mortuus , ad petrum Jacob rogans potum : Igneus , circa Jerico illuminans cæcum , & sanans leprosum . Carbo erat mortuus , dum à diabolo tentaretur : Igneus , dum ei ab Angelis ministraretur . Carbo mortuus in prodicione discipuli : Igneus in filio Reguli . Carbo erat sopitus ante Præsidem : Igneus circa Tyberiadem . Carbo sopitus erat , dum ei Herodes illuderet : Igneus , dum mortuorum inscitator magnificus fieret . Carbo sopitus erat , dum ei acetum cum felle mixtum propinaretur : Igneus , dum ab eodem decem leprosi mundarentur . Carbo erat sopitus , dum à Judæis se absconderet : sopitus , dum cum publi-

publicanis & peccatoribus ederet . Igneus carbo erat , dum ambularet super undas : Igneus , dum ex aqua facto vino lætificaret convivas . Sopitus carbo erat , jacens in cunabulis : Igneus , fulgens in miraculis . Sopitus carbo erat ante tribunal Præsidis : Igneus in filia Chananitidis . Carbo erat sopitus in Cruce : Igneus in monte Thabor . Prunæ ergo mortuæ , erant Humanitatis opera ; ignitæ , Divinitatis miracula . Denique considerate quid sit Deus [g] & videte quid sit quoddam deposuerit tantam Majestatem , quoddam exinaniverit tantam Potestatem , quoddam infirmaverit tantam Virtutem , quoddam tantam Altitudinem humiliaverit , quoddam tantam Sapientiam infatuaverit . Numquid hominis justitia ? Absit . *Omnes enim declinaverunt , simul inutiles facti sunt , non est qui faciat bonum .* Quid ergo ? Num aliqua ejus egestas ? Minimè . Ejus enim est orbis terra & plenitudo ejus . An fortè nostri in aliquo eguit ? Nequaquam . Deus quippe meus est : *bonorum meorum non eget .* Quid ergo ? Verè Domine non mea justitia , sed tua misericordia : non tua egestas sed , mea necessitas . Dixisti enim : *Misericordia ædificabitur in cælis .* Ita planè : quia miseria abundabat in terris . Ideo misericordiam cantabo tibi Domine . Misericordiæ namque fuit , quoddam infirmitates nostras factus homo in se suscepit : misericordiæ , quoddam fidem Divinitatis suæ miraculis confirmavit . Misericordiæ nihilominus fuit , quoddam dæmonum nobis calliditates detexit , & evacuavit virtutem . Misericordiæ fuit , quoddam meretricis attactum non respuit , sed approbavit devotionem . Itaque quoddam se exhibuit

buit in humanitate humilem, in miraculis potentem, in dæmonum oppressione fortem, in peccatorum susceptione mitem: totum hoc ex misericordiæ fonte processit, totum ex pietatis visceribus emanavit. Implevit quidem & Pater & Spiritus Sanctus carnem Filii[h] à quo neuter eorum poterat separari: sed implevit Majestate, non susceptione. Ideoque Filius ostendit in carne potentiam Patris per opera, exhibuit bonitatem Spiritus Sancti, remittendo peccata: & quod ipse erat, idest, Sapientia, occultavit per septē signacula. Septem enim signacula quædam arbitror inveniri [i] quibus maximè celebratur in carne præsentia Majestatis, ut non posset Sapientia quæ latebat agnosci. Septem autē signacula sunt [k] temporalis Nativitas, legalis Circumcisio, Matris purgatio, fuga in Ægyptum, carnis necessitudo, Baptismus, Passio. Hæc siquidem sunt vera quædam Humanitatis insignia, quibus se teneri ac ligari voluit Incarnata Dei Sapientia. Facta est igitur res mira & obstupenda. Infirmata est Virtus summa, & ut ita dicam (si dici liceat, quod tamen reverenter dico) quasi infatuata est Sapientia. Nec erubesco dicere, quod non erubuit Doctor gentium docere. Sic nempè credidit, sic docuit, sic scriptum reliquit: Nos (inquit) *prædicamus Christum Crucifixum, Judæis quidem scandalum, Gentibus autem stultitiam; ipsis autem vocatis Judæis atque Græcis, Christum Dei Virtutem, & Dei Sapientiam: quia quod stultum est Dei, sapientius est hominibus: & quod infirmum est Dei, fortius est hominibus. Verumtamen*

h Ser. 57. int. diu. m. 1. i Ser. 1. de Resur. Dom. n. 10. k Ser. 57. diu. n. 1 & 2.

men hæc Virtus abscondenda erat, & in humilitate perficienda, ut omnia implerentur oracula Prophetarum. Oportebat quoque (1) à principe mundi aliquandiu celari Divini consilii Sacramentum: non quodd Deus si palàm opus suum facere vellet, impediri posse ab illo metuebat sed quia ipse, qui non solum potenter sed etiam sapienter quæcunque voluit fecit. Sicut in omnibus operibus suis quasdam rerum vel temporum congruentias propter ordinis pulchritudinem servare consuevit: ità in hoc quoque tam magnifico opere suo, nostræ videlicet reparationis non tantum potentiam suam, sed & prudentiam ostendere voluit: quatenus malitiæ fraudi dum ars pietatis illuderet, ac maligni fortitudinem Christi Virtus contereret, diabolo Deus & prudentior appareret & fortior. Ita quippè decuit Incarnatam Sapientiam spiritualem vincere malitiam, quo non solum attingeret à fine usque ad finem fortiter, sed & disponderet omnia suaviter.

C A P U T I X.

De osculo Judæ, quo tradidit Christum ministris Judæorum ad capiendum.

1. Ostenditur summa benignitas Christi, quod non est dedignatus suscipere osculum Judæ, in quo dolus erat & virus hypocrisis. Docemur hypocrisim repræmendum, esse duplici humilitate, quarum unam parit veritas, alteram charitas. 2. Christus licet dixerit se ignorare causam adventus Judæ,

de, minimè tamen dubitatureum scivisse cogitationes suas dolosas. Docemur Christum Deum nostrum præstò ubique esse Divinæ præsentia majestatis, gratiæ tamen exhibitione hypocritis longè. 3. Ostenditur, quantum fuit derogatum libertati Christi, dum sicut latro captus ligabatur à satellitibus. Ea proponuntur nobis imitanda tria vincula, quibus astringamur Domino Jesu Christo liberatori nostro.

S. I.

Dederat autem traditor eis signum, dicens: Quemcunque osculatus fuero, ipse est: tenete eum, & ducite cautè. Et confestim accedens ad Jesum, dixit: Ave Rabbi: & osculatus est eum. Marc. 14. Matth. 26.

O bonitas Redemptoris! (a) O pietas Creatoris! Neminem vult perire, sed omnes fieri salvos. Nam accedentem ad osculum sanctissimi oris sui (b) trucem bestiam averſatus non est, sed os in quo dolus inventus non est, ori quod abundavit malitiâ, dulciter applicuit. Innocens Agne Dei, quid tibi & lupo illi? Quæ conventio tui ad Belial? O quantos (c) habes Domine Jesu percussores? Percutit te Pater tuus, qui proprio Filio, idest tibi non pepercit, sed pro nobis omnibus tradidit te. Percutis temetipsum: tradis enim in mortem Animam tuam, quam nemo potest tollere à te sine te. Percutit te discipulus impius traditione & osculo falso.

Nemo

a Ser. 3 in ult. Cena n. 20. b Ser. de Pass. Dom. n. 9. c Tract. de vite myst. cap. 5. n. 25.

Nemo magis iram meretur (d), quàm amicum simulans inimicus. *Juda, osculo tradis filium hominis?* Hujusmodi sibi versutiam & serpens induerat (e) cùm se ut Ideciperet consiliarium exhibebat, simulabat amicum. Hujusmodi quoque ab eo paradisi Incolæ induerant sibi, cùm pudendam jam nuditatem tegere conarentur umbrâ frondosi ligni, & frondium succinctoriis, & verbis excusatoriis. Quàm latè extunc & deinceps omnem posteritatem hæreditarium hypocrisis virus infecit? Quem dabis de filiis Adam, qui quod est non dico velit, sed vel patiatur videri. Situs violæ floristerræ est proximus, [f] & optimè. Ita enim habes docentem Apostolum: *Non alta sapientes, sed humilibus consentientes.* Non habent hanc proprietatem istius floris, qui se aliis meliores putant, vel aliis meliores videri volunt, quamvis sibimetipsis parvi sunt. Sunt enim nonnulli, qui quidem in conscientiis suis se subiectos judicant, sed tamen videri foris volunt aliis meliores. Isti staturam hujus floris habent, qui sibi intus in animo parvi sunt, situm verò non habent: quia volunt foris super alios elevari, de quibus dicit Salamon: *Mensura & mensura, pondus & pondus abominatio est Domino.* Et in lege Moydis duplex pondus prohibetur haberi. Duplex quippe pondus habet ille, qui sibi malorum conscius, malum se judicat: aliis verò vult foris bonus, & aliis melior apparere. Agitantur hi quicunque tales sunt, vitio hypocriseos. Porro est nardus humilis herba [g] quâ etiam calidæ fuerunt esse naturæ hi, qui herbarum vires

d *Tract. de convers. ad Cler. c. 19. n. 33. e Ser. 82. in cant. n. 3.*
 f *Tract. de vite myst. c. 17. n. 64. g Ser. 42. in Cant. n. 6.*

vires curiosius explorarunt : & ideo per hanc videor mihi non inconvenienter hoc loco virtutem humilitatis accipere , sed quæ sancti amoris vaporibus flagret . Quod propterea sanè dico , quoniam est humilitas quam nobis veritas parit , & non habet calorem : & est humilitas , quam charitas format & inflamat . Atque hæc quidem in affectu , illa in cognitione consistit . Etenim tu si temetipsum intus ad lumen veritatis & sine dissimulatione inspicias , & sine palpatione dijudices ; non dubito quin humilieris & tu in oculis tuis , factus vilior tibi ex hac vera cognitione tui , quamvis necdum fortasse id esse patiaris in oculis aliorum . Eris igitur humilis , sed de opere interim veritatis , & minimè adhuc de amoris infusione . Nam si veritatis ipsius , quæ te tibi veraciter atque salubriter demonstravit , sicut splendore illuminatus , ita affectus amore fuisses ; voluisses propul dubio , quod in te est , eandem de te omnes tenere sententiam , quam ipsam apud te veritatem habere cognoscis . Sanè quod in te est dixerim , quoniam plerumque non expedit innotescere omnibus omnia , quæ nos scimus de nobis : atque ipsa veritatis charitate , & charitatis veritate vetamus palam fieri vel le quod noceat agnoscenti . Alioquin si privato amore tui tentus detines pariter intra te iudicium veritatis inclusum , cui dubium est minùs te veritatem diligere , cui proprium præfers vel commodum vel honorem ? Vides igitur non esse id ipsum (h) hominem de seipso non altum jam sapere , veritatis lumina redargutum , & humilibus spontè consentire , munere charitatis adjutum . Illud enim necessitatis est ,

est, hoc voluntatis. Christus Jesus, *qui cum informa Dei esset, semetipsam exinanivit* (inquit Apostolus) *formam servi accipiens*, & formam humilitatis tradens. Ipse se exinanivit, ipse se humiliavit, non necessitate iudicii, sed nostri charitate. Porerat nimirum vilem se & contemptibilem demonstrare, sed planè non reputare, quoniam sciebat seipsum. Voluntate proinde humilis fuit, & non iudicio, qui talem se obtulit, qualem se nescivit: magis autem placuit minimum reputari, qui se Summum non ignorabat. Denique ait: *Discite à me quia mitis sum, & humilis corde*. Corde dixit, cordis affectu, id est voluntate. Itaque necessitatem exclusit, qui voluntatem confessus est. Non enim quomodo ego vel tu invenimus nos in veritate dignos dedecore & contemptu, dignos omni extremitate & inferioritate, dignos etiam suppliciis, dignos plagis: non, inquam, ita & ille: quæ tamen omnia expertus est, quia voluit tanquam humilis corde. Humilis videlicet illa humilitate, quam cordis suasit affectio, non quam extorsit discussio veritatis. Propterea [i] dixi hanc voluntariæ humilitatis speciem non redargutione veritatis, sed charitatis intra nos infusione creari: quia cordis est, quia affectionis, quia voluntatis: an verò rectè dixi, tu iudica. Itemquè etiam hoc tuo æquè examinetur iudicio, dignene eandem Domino assignaverim, quem charitate constat exinanitum, charitate minoratum ab Angelis, charitate parentibus subdium, charitate Joannis Baptistæ manibus inclinatum, charitate carnis infirma passum, charitate postremò morti obnoxium, cruce

inglo-

inglorium extitisse. Sed & hoc unum adhuc tui sit considerare arbitrii, rectene etiam hanc ipsam humilitatem ita charitate calentem, herba humili & calida, id est nardo putaverim designatam. Et si ita cuncta probaveris (probabis enim rationi manifestissimæ aquiescens, tunc si jam apud teipsum humiliatus es necessaria illa humilitate, quam scrutans corda & renes veritas sensibus ingerit animæ vigilantis) adhibe voluntatem, & fac de necessitate virtutem, quoniam nulla est virtus sine convenientia voluntatis. Sic autem fiet istud, si nolis alter apparere foris, quàm te invenis intus. Alioquin time ne de teipso legas: *Quoniam dolosè egit in conspectu ejus, ut inveniatur iniquitas ejus ad odium. Ponderus* (inquit Sapiens) *& pondus abominatio est apud Deum.* Quid enim? Tu te depreciaris in secreto apud teipsum veritatis trutinâ ponderatus, & foris alterius precii mentiens majori te pondere vendis nobis, quàm ab ipsa accepisti? Time Deum, & noli hanc rem pessimam facere: ut quem humiliat veritas, extollat voluntas. Non aliud abscondas intus [K] & aliud ostendas foris. Non sis aliud in secreto, & aliud in publico. Qualis vis haberi, talis esto: qualis es in facie, talis esto in operatione: & qualis es in vultu, talis esto in actu.

§. I I.

Jesus autem dixit illi: Amice, ad quid venisti? Juda, osculo filium hominis tradis? Matt. 26. Luc. 22.

O bonitas Redemptoris! [1] O pietas Creatoris! Neminem vult perire, sed omnes fieri salvos. Manifestat crimen, & dat locum pœnitentiæ: ut proditor videns se latere non posse, agat pœnitentiam. Hoc autē benignitatis fuit(m) ut omnia illa exhiberet Jesus, quæ pravi cordis pertinaciam emollire possent. Nam & veteris amicitiae non immemor illum commonuit, dicens: *Amice, ad quid venisti?* Atque horrore sceleris sui cor impij ferire voluit, cū dixit: *Juda, osculo filium hominis tradis?* Homo unanims (n) qui simul mecum dulces capiebas cibos, qui in paropside panē mecum pariter intinxisti? Panis intinctio(o) significat fictionem Judæ, qui fictus amicus venerat ad cœnam. Proinde(p) non dicet hypocrita: *Gloria mea hæc est, testimonium conscientiae meae:* quia & si judicantium secundum faciem, verbo, vultu, habituquē simulatorio illudat opinioni, sed non ejus qui scrutatur renes & corda, fallit & evadit judicium. Siquidem Deus non irridetur. Cujus utique scientiam nemo effugit, sententiam non subterfugit, etiam quod propriam latet conscientiam. Audivit Deus in corde cogitantis, quod non audit vel ipse qui cogitat. Aderat auris Elisei Prophetæ absentis Giesi ori fortituē poscentis pecuniam:

1 Ser. 3. in ult. Cœna n. 20. m Ser. de Pass. Domini n. 9. n Tract. de Convers. ad Cleric. cap. 19. n. 33. o Ser. 3. in ultim. Cœna n. 20. p Tract. de Offic. & mor. Episc. cap. 6. n. 21. & 22.

niam : & ego quantumlibet in occulto lædere cogitans aut proximum nequiter , aut turpiter meipsum , non verear aurem nusquam absentem ? Tremenda prorsus auris & reverenda , cui non cessat quies , non tacet silentium . Denique ait : *Auferte malum cogitationum vestrarum ab oculis meis* . Sed quid est quod dicit , *ab oculis meis* ? An & nostra Deus non solum audit , sed & videt arcana ? Quales oculi qui contemplantur cogitationes ? Non sunt coloratæ ut videantur , sicut nec sonant ut audiantur . Solent sentiri à cogitante , non audiri ab auscultante , non à contemplante videri . Meritò tamen Domini scit cogitationes hominum quoniam vanæ sunt . Cur enim nesciret , quas & audit & videt ? His præcipuè duobus sensibus , id est , visui & auditui nemo putat fidem esse negandam . Hoc nos scire constanter adstruimus , quod vidimus & audivimus . Meritò itaque non erat opus Domino Jesu , ut quis testimonium perhiberet de homine . Ipse nimirum sciebat quæ essent in homine . *Quid cogitatis* (ait) *mala in cordibus vestris* ? Respondebat non sermonibus , sed cogitationibus . Audiebat non loquentes , videbat non apparentes . Ubique enim regnat [q] ubique imperat , ubique Majestas ejus , sed gratia fortè non ita . Non , inquam , ubique sicut potestas , sic & voluntas ejus bona & beneplacens & perfecta . Alioquin quid est quod dicimus : *Fiat voluntas tua sicut in cælo & in terra* ? Fit enim voluntas ejus de omnibus , fit per omnes , non in omnibus tamen . Sed hoc (r) dico planius . Sponsus quidem Christus æqualiter atque indifferenter præstò ubique est , Divinæ utique

præsentia Majestatis , & magnitudine virtutis suæ . Gratia tamen exhibitione seu inhibitione quibusdam longè , quibusdam propè esse dicitur Angelorum duntaxat & hominum, idest, rationalium creaturarum . Denique longè à peccatoribus salus ! Et Sanctus David nihilominus dicit : *Ut quid Domino recessisti longè ?* Cæterum à sanctis pia dispensatione ad tempus, & non ex toto , sed juxta aliquid aliquando longè se facit . Peccatoribus autem de quibus dicitur : *Superbia eorum ascendit semper : & item : Inquinatae sunt viæ illorum in omni tempore :* semper valdequè longè est , atq; in ira hoc , & non in misericordia . Quamobrem orat ad Deum Sanctus David, & ait : *Ne declines in ira à seruo tuo :* sciens quia & in misericordia potuerit declinare . Propè est ergo Dominus sanctis & electis suis etiam cum longè esse videtur, & non æqualiter omnibus, sed aliis plus, aliis minus pro diversitate meritorum . Attendite & vos vobis in omni loco [s] scientes quoniam omnia vestra norit, scrutans corda & renes Deus , qui finxit singillatim corda vestra , & intelligit omnia opera vestra . Ubi est ? [t] Quid dixi miser ? Sed ubi non est ? Altior est cœlo , inferno profundior , latior terrâ , mari diffusior . Nusquam est , & ubique est , quia nec abest ulli , nec ullo capitur loco . Quid est Deus ? [u] *Ex quo omnia , per quem omnia , in quo omnia .* Quæris si in ipso sunt omnia , ipse ubi ? Nihil minus invenio . Quis capiat locus ? Quæris ubi non sit ? Ne hoc quidem dixerim . Quis sine Deo locus ? Incomprehensibilis est Deus : sed non parum appre-

s Ser. 9. in Cant. nu. 4. t Ser. 4. diu. nu. 2. u lib. 5. de Conjid. cap. 6: nu. 14.

apprehendisti, si hoc tibi de eo compertum est, quod nusquam sit, qui non clauditur loco, & nusquam non sit, qui non excluditur loco. Suo autem sublimi atque incomprehensibili modo, sicut omnia in ipso, sic ipse in omnibus est. Non est tamen [x] corporalis Divina substantia, nec in formam hominum membris distincta corporeis. Spiritus est Deus: & quæ de eo dicuntur, spiritualiter vestiganda. Animæ (y) corporalibus & corporeis egent sensibus, per quæ sibi invicem innotescant, & valeant. At non ita omnipotens Deus, cui de sola voluntate celeris suppetit efficientia tam creandis rebus, quam ordinandis prout voluerit. Valet cui vult, quantum vult, & absque corporalium officio obsequioque membrorum. Quid? Ad intuenda quæ condidit ipse, putas sibi requirat corporei sensus adiutorium? Nihil omnium omnino latet aut effugit lucem ubique præsentem, nec tamen ut agnoscat aliquid, necessarium habet renunciantis sensus ministerium. Nec solum universa noscit sine corpore, sed & innotescit mundis corde sine corpore. Propterea expedit omni animæ, [z] Deum semper attendere tanquam proprium non modo adiutorem, sed etiam inspectorem. Quomodo enim negligens poterit fieri, qui intuentem se Deum nunquam desinit intueri? Aut quomodo non quasi proprium illum habere videtur, qui sic eum super se videt intentum, ut omnia interiora ejus & exteriora omni hora considerare non cesset: omnesque non solum actus, sed etiam ipsos subtilissimos animæ motus perscrutetur atque dijudicet? Audit planè qui

K 3

plan-

x Ser. 5. de verb. Esa: nu. 9. y Ser. 4. in Cant: num. 4. z Ser. 2. super Psal. 90. nu. 3.

plantavit aurem [a] & qui finxit oculum, ipse considerat. Non illius Solis arcet radios maceria lapidum, quos ipse creavit: non vel ipse corporis hujus paries veritatis excludit aspectum. Nuda sunt ejus oculis omnia, penetrabilior est ancipiti gladio. Ipse quoque non modò cernit, sed & discernit cogitationum vias, & medullas affectionum. Denique si non totam humani cordis abyssum & quidquid in ipso latet, inspiceret præ ipso, non ille jam nil sibi conscius judicantis sese Domini sententiam tantopere formidaret. *Mihi* (inquit Paulus) *pro minimo est ut à vobis judicer, aut ab humano die, sed neque me ipsum judicio: nihil enim mihi conscius sum, sed non in hoc justificatus sum. Qui autem judicat me Dominus est*

§. III.

Tunc acceſſerunt cohors & tribunus, & miniſtri Judæorum comprehenderunt Jeſum, & manus iniecerunt in eum: & tenuerunt & ligaverunt eum. Matt. 26. Mar. 14. Luc. 22. Ioan. 18.

Tunc videlicet cùm traditus eſſet (b) iniecerunt manus in Jeſum, & vinxerunt eum. O Rex regum & Domine dominantium, quid tibi & vinculis? Ligantur vites, ne ſi jaceant in terra, aut minuantur, aut corrumpantur fructus earum. Incorruptibilis autem fructus fuit, & eſt. Quare ergo ligatur? Benè quidam Rex, cùm percuffus humanâ ſagittâ patere-

tur,

a Tract. de Convers. ad Cleric. cap. 9. num. 18. b Tract. de vitæ myst. cap. 4. num. 12.

tur , ut se ligari permitteret donec excideretur , quia
levissimo motu mortem posset incurrere : *Non de-
cet* , inquit , *vinciri Regem : libera sit Regis & semper
salva potestas .* O Deus deorum , quantum deroga-
tum fuit libertati & potentiae tuae ! Tu enim ligaris
vinculis , qui solus ligandi & solvendi potestatem ha-
bes . Sed propter misericordiam tuam ligatus es , ut
nos à miseriis nostris faceres absolutos . Ecce Philis-
thæi super te(c) Samson . Non illos à te absterruit ,
quòd in hora apprehensionis tuae omnipotenti bra-
chio tuo terræ eos allisisti , non quidem defensionis
causâ , sed ut cognosceret humana præsumptio nihil
se posse adversus te , nisi quantum permitteretur à
te . Et nec tunc misericordiae effundere super ini-
micos tuos , & distillare fauum dulcedinis tuae Chri-
ste cessasti , ac defensoris tui zelum à læsione trahen-
tium te compescuisti . Maledictus furor eorum , quia
pertinax , quem nec majestas miraculi , nec pietas
beneficii potuit confringere . Majestatis namque fuit ,
[d] quòd volentes eum capere , prostravit : beni-
gnitatis fuit , quòd abscissam sui persecutoris auricu-
lam loco simul & sanitati restituit . O grossum vi-
pereumquè affectum Judæorum (e) odire hominem
qui hominum corpora sanat , & animas salvat ! O
nihilominus intellectum grossum & certè bovinum ,
qui Deum non intellexerunt nec in operibus Dei !
Nimiùm me fortassè queratur in sui suggillatione
Judæus , qui intellectum illius dico bovinum . Sed
legat in Esaja , & plusquam bovinum audiet . *Co-
gnovit* , inquit , *bos possessorem suum , & asinus pra-*

K 4

sepe

c Ser. de Pass. Dom. n. 9. & 10. d Sermon. de Advenc. Domini num.
1. tom. 6. pag. 600. e Ser. 60. in Cant. num. 4. & 5.

sepe Domini sui: Israël autem non cognovit me, populus non intellexit. Vides me Judæe mitiorem tibi Propheta tuo? Ego te comparavi jumentis, ille subiicit. Quanquàm in sua persona Propheta non dixit hoc, sed in Dei, qui Deum se & in ipsis operibus clamat: Et si mihi, inquit, non creditis, operibus credite: & si non facio opera Patris, nolite credere. Nec sic tamen evigilant ad intelligendum. Non fuga dæmonum, non obedientia elementorum, non vita mortuorum bestialem hanc & plusquam bestialem habetudinem ab eis depellere quivit. De qua non minùs mirabili quàm miserabili cæcitate factum est, ut in illud tam horrendum tamquè enormiter grossum facinus proruerint, Domino majestatis iniicientes manus sacrilegas. O quàm[f] immitia fuerunt illorum immitissimorum vincula, quibus Agnum mitissimum vinciebant! Quis audiat sine gemitu [g] qualiter homicidas manus in illa hora in Jesum iniecerunt, & innocentes manus suas vinculis adstringentes, Agnum mansuetissimum nihil loquentem, adinstar latronis contumeliosè traxerunt ad victimam? Occurrat itaque spiritualiter [h] & ingerat semetipsum cordibus nostris Dominus Christus, proditus & venditus à discipulo, à Judæis tanquam vile mancipium precio satis exiguo comparatus, captus, tractus, & ligatus tanquam homo sine adiutorio. Vinculum fuit funis [i] quo ligabatur, cùm caperetur. Ita enim habes: Tunc, videlicet cùm traditus esset, iniecerunt manus in Jesum,

f Tract. de vite myst. cap. 4. num. 12. g Ser. de Pass. Domini num. 10. h Ser. 2. in Cena Domini num. 7. i Tract. de vite myst. cap. 4. num. 12.

sum, & vixerunt eum. Vinciamur ergo vinculis passionis boni Jesu [k] ut etiam vinculis charitatis cum illo vinciri possimus. Ipse vinculis charitatis devinctus ad suscipienda vincula passionis de cælo est tractus in terras: nos è contrario, qui de terris trahi desideramus in cælum, prius passionis vinculum nostro Capiti colligemus, ut per hoc ad charitatis vincula pertinentes unum efficiamur cum ipso, secundum quod oravit Patrem dicens: *Rogo Pater, ut quos dedisti mihi, confirmati in charitate, sint unum in nobis, sicut tu & ego unum sumus.* Quid hac unitate gloriosius? Quid ultra vel optare poteris vel habere? Unum cum Sponso Jesu tu eris. O felix, felicior, imò omnium felicissima unitas! Hac unitate se Apostolus Christo unitum sentiebat, cum dixit: *Quis separabit nos à charitate Christi? Tribulatio, an angustia, an fames, an persecutio, an periculum, an nuditas, an gladius? Certus sum, quia neque mors, neque Angeli, neque principatus, neque potestates, neque altitudo, neque profundum, neque alia creatura poterit nos separare à charitate Dei, quæ est in Christo Jesu.* Optemus totis desideriis, hujus charitatis vinculis Sponso & Domino nostro colligari, itaut ejus sequentes vestigia illuc pervenire possimus, ubi ipse est qui dixit: *Volo Pater, ut ubi ego sum, illic sit & minister meus.* Sed [l] quomodo possunt tam diversa coniungi? *Mihi* (ait Sanctus David) *adherere Deo bonum est.* Immediatè ei coniungi non possumus, sed per medium aliquod poterit fieri fortassis ista coniunctio. Tria autem sunt vincula, quibus Deo astringimur: & sic tria, ut sola cum solis istis vel isto-

rum

rum similibus omne quod ligatur, ligetur. *Primum vinculum sunt funes*. Hoc vinculum astringit fortiter & durè. Fune quodammodò alligatus est Redemptori, si quis fortè dum vehementiori tentatione turbatur, proponit sibi honestatis intuitum, memoriam promissionis: & hoc interim se fune retinet, ne propositum penitus abrumptur. Durum profectò vinculum est & molestū, sed & periculosum nimis, & quòd diu teneri non possit: siquidem putrescūt funes, & pudoris vinculum aut obliviscimur, aut abrumpimus citò. *Secundum vinculum* [m] *sunt clavi* lignei vel ferrei. Hoc vinculum astringit fortius & durius. Est autem qui clavis configitur Domino majestatis, quem timor Dei ligat, qui non expavescit ad vultus hominum, sed ad memoriam gehennalium tormentorum: & hic quidem peccare non metuit, sed ardere. Durius tamen & fortius primo imprimitur, quia cū ille vacillet in proposito, iste propositum non amittit. *Tertium vinculum est gluten*. Hoc vinculum astringit suaviter & securè. Glutine autem ei conglutinatur, idest charitate, qui tam suaviter quàm securè ligatus adhærens Deo, unus spiritus est cum eo. Ille est qui quæcunq; undecunque, sive quæ facit, sive quæ ei fiunt, ad suum commodum revocat & retorquet. Beatus hujusmodi homo, & abundantì Spiritūs influens majestate, qui suavis & unctus portat omnes, & neminem onerat ipse: qui terribilius & horribilius ipsâ gehennâ judicat in re levissima vultum Omnipotentis scilicet offendere. *Glutinum bonum est*, ait Esaias. Bonum est revera & jucundum, quia alia duo compara-

ratio-

ratione istius gravia & importabilia sunt. Sed ille misericors oculus qui novit figmentum nostrum, neminem salvandorum dimittit in primo, sed provehit ad secundum: & nec ibi deserens, de secundo perducit ad tertium. Primò siquidem quia pudet deserere, æstuentes vix sustinemus ad horam: secundò jam timentes & sperantes proficimus: tertio perficimur amantes. Sic igitur duobus præcedentibus timore pariter & pudore exclusis, in solius amoris reclinatorio commoramur.

C A P U T X.

De auricula Malcho amputata, & de fuga discipulorum.

1. *Christus reprehendens Petrum ob abscissionem auriculæ Malchi, ostendit intempestivum fuisse ejus zelum ad excolendam vineam sterilem: per quam designatur populus Judæorum.* 2. *Præcipiens Petro mittere gladium in vaginam, innuit quidem non trucidandos esse Judæos neque effugandos: non tamen prohibet evaginandum gladium ad debellandum Paganos. Docemur, hæreticos non armis sed argumentis convincendos esse, ut reconcilientur Ecclesiæ Catholicæ.* 3. *Ostenditur, quod discipuli fugientes tunc reliquerant Jesum corporaliter simul & mentaliter, mulieres verò tantum mentaliter: sed B. V. Maria neutro modo reliquerat eum. Et probatur, Christum esse veram Vitem, palmites verò eos esse omnes qui ei adherent fide: cujus quatuor acceptiones afferuntur.*

§. I.

Et ecce unus ex his qui erant cum Jesu, Simon Petrus habens gladium eduxit eum, & percutiens servum principis Sacerdotum, amputavit illi auriculam dexteram. Erat autem nomen servo Malchus. Et cum tetigisset Jesus auriculam ejus, sanavit eum. Tunc dixit Petro Jesus: Converte gladium tuum in locum suum. Calicem, quem dedit mihi Pater, non vis ut bibam illum? Matt. 26. Mar. 14. Luc. 22. Joan. 18.

M Eritò quidem Petrus abscidit auriculam servi [a] ut viam faceret veritati, & veritas liberaret eum, id est, liberum faceret. Sed non erat tunc putationis tempus [b] & idèd audivit: *Converte gladium tuum in locum suum*. Erat enim hora & potestas tenebrarum, & quisquis tunc discipulorum levaret gladium vel ferri vel verbi, aut ferro truncandus erat, & neminem lucraretur, nec quidpiam fructûs afferret: aut certè timoris gladio ad negandum cogendus erat, et sic magis ipse periret juxta verbum Domini, quod subjunxit mox ita dicens: *Omnes qui accipit gladium, gladio peribit*. Quis nempe cæterorum ante pavendam mortis imaginem impavidus staret, trepidante & cadente Principe suo: & qui voce confortatoria sui Imperatoris fuerat præmunitus & præmonitus alios confortaret? Cæterùm nec is [c] nec illi sibi adhuc induerant virtutem ex alto,

a Ser. 28. in Cant. nu. 4. b Ser. 58. in Cant. nu. 5. c *Ibidem* nu. 6.

alto , & ob hoc tutum non erat eis exire in vineas , & exerere linguæ sarculum , & gladio Spiritûs putare vites , putare palmites , ut fructum plûs afferrent . Denique ipse Dominus tacebat in passione , & in multis interrogatus non respondebat , *factus* (juxta Prophetam David) *sicut homo non audiens , & non habens in ore suo redargutiones* . Dicebat autem : *Si vobis dixerò , non credetis mihi : si autem interroga- vero , non respondebitis mihi* . Sciens tempus putationis nondum advenisse , nec responsuram prorsùs vineam suam impensis laboribus : idest , nec fidei , nec boni operis fructum aliquem relaturam . Quare ? Quia hyems erat in cordibus perfidorum Judæorum , & hyemalis quidam malitiæ imbres occupaverant terram , jacta semina verbi suffocare quàm fovere paratiores , sed & cultui vinearum omnem nihilominùs impendendam operam frustraturi . Quos vos me nunc putatis [d] dicere imbres ? Istosne quos videmus currentes per aëra nubes turbulento spiritu spargere super terram ? Non est ita . Sed quos de terra in aërem fursùm ferunt homines turbulenti spiritus , ponentes in cælum os suum , & lingua eorum transiens in terram , tanquam pluvia amarissima terram ipsam palustrem & sterilem facit , & tam plantis quàm satis inutilem , non quidem his visibilibus atque corporeis ad nostros utique corporeos usus datis : de quibus nulla planè , sicut nec de bobus cura est Deo . Sed quibus ? Profecùd quæ sevit & plantavit Dei manus & non hominis , quæ & vel germinare vel radicari in fide & charitate poterant , & fructus parturire salutis , si bonis & temporaneis im-

bri-

d Ibidem nu. 7.

bribus rigarentur. Animæ denique sunt, pro quibus Christus mortuus est. Uæ nubibus pluentibus istiusmodi imbres super eas qui lutum faciant, fructum non afferant. Nam sicut sunt & bonæ & malæ arbores, ferentes quæque fructus pro sui dissimilitudine differentes, bonæ videlicet bonos, & malæ malas: ita & arbitror nubes & bonas quæ bonos, & malos quæ malos pluant imbres. Et vide ne fortè innueret nobis hanc nubium imbriumquæ differentiam Dominus, cùm per Esajam dicebat: *Mandabo nubibus meis, ne pluant imbrem super eam*: haud dubium quin super vineam. Cur putas adiunxisse signanter, *meis*, nisi quia sunt & malæ nubes, quæ non sunt ejus? *Tolle, tolle,* (inquiunt) *crucifige eum*. O nubes violentas & turbidas! O imbrem procellosum! O torrentem iniquitatis, evertere magis quàm fecundare idoneum! Nec minùs malus minusvè amarus, minori licet impetu proruens imber ille, qui subsecutus est: *Alios salvos fecit, seipsum non potest saluum facere? Christus Rex Israël descendat nunc de Cruce, & credimus ei*. Porro Philosophorum ventosa loquacitas non bonus imber est, qui sterilitatem magis intulit terris quàm fertilitatem. Multò magis prava dogmata hæreticorum mali imbres sunt, quæ pro fructibus spinas producunt & tribulos. Mali imbres sunt etiam traditiones Pharisæorum, quos Salvator redarguit, & ipsi nubes malæ. Et nisi existimes me iniuriam facere Moyfi, nam bona nubes est illa, non omne quod pluit vel ipsa, bonum tamen dicam, ne illi contradicam qui ait: *Dedit illis, idest Judæis, præcepta non bona* (haud dubium quin per Moysen) *& justificationes in quibus non vivent in eis*. Litera-

lis illa (verbi causâ) observatio Sabbati sonantis requiem non donantis , indictus sacrificiorum ritus , interdictus porcinae carnis esus , nonnullorumquè similium quæ immunda à Moyse censentur : pluvia est hoc totum ex illa nube descendens , sed nolo in agrum vel hortum meum quandoque descendat . Donec ergo istiusmodi aquæ pestilentes occupaverunt terram [e] & invaluerunt super eam , tempus suum vineæ non habuerunt : nec fuit quòd Sponsa invitaretur ad putandas vineas . Cæterum illis decurrentibus terra apparuit arida , & flores apparuerunt in ea , significantes tempus putationis adesse . Quæris quando hoc fuit ? Quando putas , nisi cum reffloruit caro Christi in resurrectione ? Et hic primus & maximus est flos , qui apparuit in terra nostra : nam primitiæ dormientium Christus . Flores etiam fuerunt , qui primi crediderunt de populo , primitiæ sanctorum . Flores eorum miracula instar florum producentia fructum fidei . Nam postquam ille infidelitatis imber aliquantulum vel ex parte abiit & recessit , secuta mox est pluvia voluntaria quam segregavit Deus hæreditati suæ , & flores apparere cæperunt . Dominus dedit benignitatem , & terra nostra dedit flores suos : ita ut una die tria millia , in alia quinque millia de populo crederent , adeo in brevi crevit florum numerus , idest , credentium multitudo . Et non potuit gelu malitiæ prævalere adversus flores qui apparebant , nec præripere (ut assolet) fructum vitæ quam promittebant . Nam cum omnes qui crediderant induerentur virtute ex alto , surrexerunt ex eis homines qui minas hominum

con-

e *Ibidem* num. 8.

contemplerunt , fortes in fide : passi sunt quidem quàm plurimos contradictores , sed non cesserunt , neque subterfugerunt quominus & facerent & annunciarent opera Dei . Processu temporis tempestas sedata est (f) & pace reddita terris, creverunt vineæ & propagatæ & dilatatæ sunt , & multiplicatæ super numerum . Et tunc demùm Sponsa ad vineas invitatur , non quidem ad plantandum , sed ad putandum quod plantatum jam erat . Opportunè quidem , nam id opus pacis tempus requirebat . Quando enim persecutionis tempore id liceret ? Alioquin sumere in manus gladios ancipites , facere vindictam in nationibus , increpationes in populis , alligare reges eorum in compedibus , & nobiles eorum in manibus ferreis , & facere in eis iudicium conscriptum : hoc quippe putare vineas est . Spirituali sensu *vineas* Ecclesias , [g] id est, fideles interpretamur populos , juxta Esaïæ Prophetæ sensum dicentis : *Vinea Domini Sabaoth domus Israël est.*

§. II.

Dixit Jesus Petro : Mitte gladium tuum in vaginam. Omnes enim qui acceperint gladium , gladio peribunt . An putas , quia non possum rogare Patrem meum , & exhibebit mihi modò plusquàm duodecim legiones Angelorum ? Quomodo ergo implebuntur scripturæ , quia sic oportet fieri ? Joan. 18. Matt. 26.

Licet

Licet Judæi [h] qui per Judam significantur, panem intinctum comedunt, quia Christum Jesum non Deum, sed purum hominem fuisse credunt: & mortem illius concedunt, sed resurrectionem adhuc non admittunt. Non sunt tamen persequendi Judæi [i] non sunt trucidandi, sed nec effugandi quidem. Interroga tu Divinas paginas. Novi quod in Psalmo legitur prophetatum de Judæis: *Deus ostendit mihi (inquit Ecclesia) saper inimicos meos, ne occidas eos: ne quando obliviscantur populi mei.* Numquid tu major es Patre nostro Abraham [k] qui eodem Deo prohibente gladium deposuit, quo jubente levaverat? Numquid tu major es Principe Apostolorum, qui quæsit à Domino: *Domine, si percutimus in gladio?* Sed instructus es omni sapientia Ægyptiorum, idest, sapientiâ hujus mundi, quæ stultitia est apud Deum. Aliter solvis quæstionem Petri, quam ille docuit qui dicit: *Mitte gladium in locum suum. Omnis enim qui acceperit gladium, gladio peribit.* Nonne copiosius triumphat Ecclesia de Judæis per singulos dies, vel convincens, vel convertens eos, quam si semel & simul consumaret eos in ore gladii? Numquid in cassum constituta est illa universalis oratio Ecclesiæ, quæ offertur pro perfidis Judæis à Solis ortu usque ad occasum, ut Deus & Dominus auferat velamen de cordibus eorum, ut ad lumen veritatis à suis tenebris eruantur? Nisi enim eos qui increduli sunt, credituros speraret, superfluum videretur & vanum orare pro eis. Sed considerat oculo pietatis, quòd Dominus habet respectum gratiæ

L

apud

h Ser. 3. in ult. Cæna nu. 21. i Epist. 322. nu. 6. k Epist. 323. nu. 20

apud eum qui reddit bona pro malis, & dilectionem pro odio. Ubi est ergo illud quod dictum est: *Videas ne occidas eos?* Ubi est: *Cum plenitudo gentium intraverit, tunc omnis Israël saluus fiet?* Ubi est: *Edificans Jerusalem Dominus, dispersiones Israël congregabit?* Tunc es ille qui mendaces facies Prophetas: & evacuabis omnes thesauros pietatis & misericordiae Jesu Christi? Vivi quidam apices nobis sunt Judæi (1) repræsentantes Dominicam Passionem. Propter hoc dispersi sunt in omnes Regiones, ut dum justas tanti facinoris poenas luunt, testes sint nostræ redemptionis. Unde & addit in dicto Psalmo loquens Ecclesia: *Dispergo illos in virtute tua, & deponere eos protector meus Domine.* Ita factum est. Dispersi sunt, depositi sunt, duram sustinent captivitatem sub Principibus Christianis. Convertentur tamen ad vesperam, & in tempore erit respectus eorum. Denique *cum introierit gentium plenitudo, tunc omnis Israël saluus erit*, ait Apostolus Paulus. Si Judæi penitus conterantur, unde jam prosperabitur eorum in fine promissa salus, sive conversio? Planè & gentiles (*Turcæ, & Tartari*) si essent similiter expectandi, sustinendi forent potius quàm gladiis expetendi. Nunc autem cum in nos ceperint esse violenti, oportet vim vi repellere eos qui non sine causa gladios portant. Est autem Christianæ pietatis ut debellare superbos, sic & parcere subiectis: his præsertim quorum est legislatio re promissa, & ex quibus Christus secundum carnem natus est, qui est benedictus in sæcula. Proinde Christi

fi

Si milites securi praeliantur praelia Domini sui (m) nequaquam metuentes aut de hostium *Turcarum* cæde peccatum, aut de sua nece periculum: quandoquidem mors pro Christo vel ferenda vel inferenda, & nihil habeat criminis, & plurimum gloriæ mereatur. Hinc quippe Christo, inde Christus acquiritur: qui nimirum & libenter accipit hostis mortem pro ultione, & libenter præbet seipsum militi pro consolatione. Miles inquam Christi securus interimit, interit securior. Sibi præstat cum interit, Christo cum interimit. Non enim sine causa gladium portat. Dei etenim minister est ad vindictam malefactorum, ad laudem verò bonorum. Sanè cum occidit malefactorem, non homicida, sed, ut ita dicam, malicida, & planè Christi vindex in his qui malè agunt, & defensor Christianorum reputatur. Cum autem occiditur ipse, non perisse, sed pervenisse cognoscitur. Mors ergo quam irrogat, Christi est lucrum: quam excipit, suum. In morte Pagani Christianus gloriatur, quia Christus glorificatur. In morte Christiani liberalitas Regis aperitur, cum miles remunerandus educitur. Porro super illo *lætabitur iustus cum viderit vindictam*: de isto dicit homo: *Si utique est fructus iusto; utique est Deus judicans eos in terra*. Non enim vel Pagani necandi essent, si quoquomodò aliter possent à nimia infestatione seu oppressione Fidelium cohiberi. Nunc autem meliùs est ut occidantur, quàm certè relinquantur virga peccatorum super sortem iustorum: ne fortè extendant iusti ad iniquitatem manus suas. Quid

enim? (n) Si percutere in gladio omninò fas non est Christiano, cur ergo præco Salvatoris contentos fore suis stipendiis militibus indixit, & non potiùs omnem militiam interdixit? Si autem (quod verum est) omnibus fas est ad hoc ipsum duntaxat divinitus ordinatis, ut depulsis Divinæ transgressoribus legis, secunda ingrediatur gens iusta custodiens veritatem? Secure proinde dissipentur gentes quæ bella volunt, & abscindantur qui nos conturbant: & disperdantur de Civitate Domini omnes operantes iniquitatem, qui repositas in Hierosolymis Christiani populi inæstimabiles divitias sustulerunt, Sancta polluerunt, & hæreditate possederunt Sanctuarium Dei. Exeratur gladius uterq; Fidelium in cervices inimicorum, ad destruendam omnem altitudinem extolentem se adversus scientiam Dei, quæ est Christianorum Fides: ne quando dicant gentes: *Ubi est Deus eorum?* Cæterum (o) etsi juxta allegoriam Ecclesias vineas, vulpes hæreses vel potiùs hæreticos ipsos intelligamus: simplex est sensus, ut hæretici capiantur potiùs quàm effugentur. Quia fides suadenda est (p) non imponenda. Quanquam meliùs proculdubio coercerentur gladio illius videlicet qui non sine causa gladium portat, quàm in suum errorem multos trahere permittantur. Dei enim minister ille est, vindex in iram ei qui malè agit. Capiantur, dico, (q) non armis, sed argumentis quibus refellantur errores eorum: ipsi verò si fieri potest reconcilientur Ecclesiæ Catholicæ, revocentur ad veram fidem. Hæc est enim voluntas ejus, qui vult
om-

n Ibidem nu. 5. o Ser. 64. in Cant. nu. 2. p Ser. 66. in Cant. num. 12. q Serm. 64. in Cant. nu. 8.

omnes homines salvos fieri, & ad agnitionem veritatis venire. Hoc denique velle se perhibet, qui non simpliciter capite vulpes, sed, *Capite*, inquit, *nobis vulpes parvulas*. Sibi ergo & Sponsæ suæ, idest Ecclesiæ Catholicæ jubet acquiri has vulpes, cùm ait: *Capite eas nobis*. Itaque homo de Ecclesia exercitatus & doctus, si cum hæretico homine disputare aggreditur, illò intentionem suam dirigere debet, quatenus ita errantem convincat, ut & convertat, cogitans illud Apostoli Jacobi: *Quia qui converti fecerit peccatorem ab errore viae suæ, salvabit animam ejus à morte, & operiet multitudinem peccatorum*. Quod si reverti noluerit nec convictus, post primam & secundam admonitionem (utpote qui omninò subversus est) erit secundùm Apostolum devitandus. Ex hoc jam meliùs (ut quidem ego arbitror) effugatur, aut etiam religatur, quàm sinitur vineas demoliri.

§. I I I.

Tunc discipuli omnes, relicto Jesu, fugerant. Petrus autem sequebatur à longe. Matt. 26. Joan. 18.

Videamus (r) quanto desperationis mæiore discipulorũ in captivitate Jesu corda percussa fuerint. Solet vitis fructifera præcidi (s) quod corporaliter & figurativè accipi potest. Cultro siquidè timoris amputati sunt à Jesu omnes amici & proximi, ita ut non esset qui cõsolaretur eum ex omnibus charis ejus. Torcular enim calcavit solus, & de gentibus non erat vicum eo. Et cùm fastineret cor ejus improprium

L 3

& miseriam , expectavit qui simul contristaretur ,
 & non fuit : & qui consolaretur , etiam non invenit .
 Vide nunc quantum præcisa fuerit Vitis nostra Jesus .
 Quæ vitis unquam tantum præcisa fuit ? Sed quæ est
 consolatio hujus præcisionis ? Multus fructus . Mul-
 tam enim & incomparabilem præcisionem sustinuit .
 Videtur tamen signanter dictum esse : *Et de gentibus
 non est vir meum* : tanquam intelligendum sit solas
 mulieres cum Jesu remansisse . Viris enim fortioris
 naturæ fugientibus præ timore , non fugit muliebris
 infirmitas , quæ etiam bajulantem sibi Crucem , &
 in Cruce morientem non dereliquerunt , sicut in
 persona Christi conquerentis loquitur Beatus Job :
*Derelicta sunt tantummodo labia mea circa dentes
 meos* . Per labia quippe , quæ cæteris sunt membris
 molliora , muliebris sexus mollis & infirmus (qui so-
 lus Christo Discipulis fuggientibus adhæsit) intelli-
 gitur & figuratur . Elegit enim Dominus infirma
 mundi , ut confunderet fortia . Si verò fugam men-
 talem intelligimus , nec vir nec mulier relictæ sunt
 cum eo , præter illam quæ sola benedicta est in mu-
 lieribus , quæ sola per illud triste Sabbathum stetit in
 fide , & salvata fuit Ecclesia in ipsa sola . Propter
 quod aptissimè tota Ecclesia in laudem & gloriam
 ejusdem Virginis diem Sabbathi per totius anni cir-
 culum celebrare consuevit , Verè & singulariter be-
 nedictus palmes , qui à sua Vite nullo potuit timore
 præcidi . Abscissi sunt viri qui dicunt : *Nos autem
 sperabamus, quòd ipse redempturus esset Israël* . Abscis-
 se sunt mulieres , quæ quamvis piè præveniunt mortuos
 corpori Jesu humanitatis servitium exhibere , tamen
 illum resurrecturum nequaquam credebant . Et for-
 tal-

tasse propterea (quod tamen non asserendo dico , ne
 novas videar assertiones introducere) illa Mater Vir-
 go quæ plus habuit pietatis , cum aliis ad ungendum
 non venit Corpus Christi sepultum , quia frustra pu-
 tabat eum ungi quem resurrecturum sciebat. Sperans
 firmiter (t) fortiterquè tenens ipsum secundum pro-
 missum suum tertia die resurrecturum . In ipsa ergo
 sola in triduo illo fides Ecclesiæ stabat: & dum unus-
 quisque hærebat, hæc quæ fide concepit, fidem quam
 à Deo semel suscepit , nunquam perdidit ; spequè
 certissima Domini resurgentis gloriam expectavit.
 Verè fortis hæc mulier (u) & præ cunctis post Filium
 honoranda . Verè & virago dici potest , quæ à viro
 Christo per animi fortitudinem separata non est : sed
 eum quem morientem & mortuum vidit , credidit
 immortalitatis gloriâ sublimatum . Sed fortassè quis
 dicat : (x) Numquid non eum præscierat moritu-
 rum? Et indubitanter . Numquid non sperabat con-
 tinuè resurrecturum? Et fidenter . Caterum quoad
 alios (y) jam tunc Deus implevit per os , quod olim
 præsignaverat per Prophetam dicens : *Percutiam
 pastorem , & dispergentur oves* . Omnes siquidem
 amici (z) & proximi & noti , fratres quoque , imò &
 ipsi discipuli unanimes & electi de mundo , à Domi-
 no Jesu Christo in tantarum pressurarum molestia ,
 in tanta confusione , & tantis opprobriis , percusso
 pastore velut erraticæ oves sunt dispersi . Fugerat
 quoque ille discipulus quem diligebat Jesus , & ille
 atdens (*Petrus*) à longe sequebatur : signorum im-

t *Serm. de Lament. V. M. nu. 11.* u *Tract. de vite myst. cap. 2.
 num. 4.* x *Serm. 1. de Virg. Disp. num. 15.* y *Serm. 29. in
 Cant. num. 1.*

memores divinorum , quæ Salvatorem toties viderant operari , imò & ipsi in nomine ipsius fuerant operati. Christus est Vitis(a) in quò est totus humor, idest , omnis plenitudo Spiritus Sancti corporaliter . Palmites ejus sunt Apostoli, & omnes qui Christo fide adhærent . Hanc Vitem , id est Christi humanam naturam Deus Pater mundavit , faciendo immunem à peccatis , & dando virtutes . Sic facit & palmitibus , licet non omninò sicut & Christo , unde sequitur : *Omnem palmitem in me non ferrentem fructum tollet eum , & omnem qui fert fructum , purgabit eum , ut fructum plus afferat* , Omnes enim qui Christo adhærent fide , sunt palmites manentes in Christo , salutifera Vite . Sed alii faciunt fructum , alii in sterilitate persistunt . Alii florent & germinant , & botrum producunt dulcedinis : alii se per latitudinem foliorum expandunt , pulchritudinem cupientes habere tantùm viriditatis . Omnes qui in sterilitate persistunt , & qui per latitudinem sine fructu se foliorum expandunt , tempore putationis , si Deus Pater illos sine fructu invenerit , abscindet à Vite, & in ignem mitet , & ardent . Sed (b) forsitan tuum animum pulsat: quomodo qui fide Christo adhærent , abscindi ab ipso contingat , cùm omnis qui adhæret Christo , unus spiritus sit cum illo? Unde ut hoc tibi luce clarius constet , te scire oportet , quòd fides distinguitur per diversas proprietates . Dicitur fides mortua , fides ficta , fides perversa , fides recta, id est Catholica . Omnes enim homines in eo quòd christiani vocantur , Christo adhærere dicuntur : in eo

z Tract. de vite myst. cap. 10. nu. 44. a Serm. 10. in ultim. Cana nu. 76. b Ibidem nu. 77.

eo quoddam Christiani sunt, fidem Christi habere dicuntur. Sed quorundam *mortua*, quorundam *ficta*, quorundam *perversa*, quorundam *Catholica* est fides. In *prima* sunt superbi & luxuriosi, pecuniæ cupidi, fures & latrones, & alii hujusmodi. In *secunda* sunt non obediētes patribus spiritualibus, ingrati de donis cœlestibus: qui sunt sine affectione fraterna, sine pace charitatis, fratrum criminatores, iræ incontinentes, voluptatum amatores magis quàm Dei, habentes speciem pietatis, virtutem ejus abnegantes. In *tertia* sunt hæretici, contra Deum elati, de suis erroribus superbi, in Deum blasphemi, per omnia aliis deteriores & scelestiores. Omnes isti conculcant Dominum Jesum Christum, & Sanguinem istius dulcissimæ Vitis ducunt pollutum. In *fide Catholica* sunt mites, patientes, mansueti, humiles, virgines, casti, continentes, dilectores Dei & proximi, ad omne opus parati, expectantes redemptionem filiorum Dei: in quorum numero nos Dominus computare dignetur. Valdè enim, dilectissimi, timere debemus hoc quod Dominus Jesus dicit: *Omne palmitem in me non ferentem fructum, tollet eum.* Verūtamen(c) omnem palmitem veræ Viti adhærentem & facientem fructum, Deus Pater purgabit, si ve putabit eum, ut fructum plùs afferat. Ut ergo, dilectissimi, Deum Patrem mereamur habere cultorem, adhæreamus veræ Viti, Domino Jesu Christo Salvatori nostro, non fide mortua, nec fide ficta, nec fide perversa: sed fide recta, quæ per dilectionem operatur, sine qua nullus salvari potest. Adhæreamus Christo, quia bonum est ei adhærere: &
in

in illo ponamus totam spem nostram, totum desiderium nostrum, confidentes in illum qui suscitavit eum à mortuis, quia & suscitabit mortalia corpora nostra, & confedere nos faciet cum illo in dextera sua. Quod ipse nobis per eundem Filium suum Dominum nostrum Jesum Christum præstare dignetur, qui vivit & regnat cum eodem Patre in unitate Sancti Spiritus per omnia sæcula sæculorum. Amen.

DEO GRATIARUM ACTIO, ET BEATO BERNARDO.

Servo ejus dulci & fideli.

S. Bonavent. Conclus. tract. medit. de vita Christi.

171

PHILOSOPHIÆ CHRISTIANÆ

Pars Secunda.

De gestis passionis Christi in civitate
Jerusalem.

*Ecce ascendimus Jerosolimam, & consum-
mabuntur omnia, quæ scripta sunt per
Propbetas de Filio hominis. Tradetur
enim Gentibus, & illudetur, & flagella-
bitur, & conspuetur: & postquam flagel-
laverint, occident eum, & tertia die re-
surret: dixit Jesus duodecim discipulis
suis. Luc. 18.*

C A P U T I.

De gestis coram Anna Pontifice Judæorum.

1. *Christus de sua doctrina interrogatus à Pontifice
Anna simulante se ignorare illam, respondit ei ut in-
terrogaret potius eos, qui suas prædicationes au-
scultabant. Ostenditur triplicem esse ignorantiam
culpabilem: necnon docentur, quantum Christia-
næ pietati expediat auscultare doctrinam Christi,
eamque adimplere opere.*
2. *Christus non solum
verbo commendavit nobis patientiam suam imi-
tandam, sed etiam exemplo consecravit tunc
quando cæsus erat alapâ. Ostenditur triplici mo-
do*

do patientiam nostram tentari : verborum injuriis, damnis rerum, corporis laesione. Docemur in patiando triplex malum, triplicem providentiam adhibendam esse. 3. Ostenditur, quod Caiphas uti Pontifex paulò ante, verè quidem propheta-
vit oportere Jesum mori, ne totum genus humanum periret : sed Judæis justitia & repudium obtigit, Gentibus autem misericordia & connubium. Vtrisque pro voto suo.

§. I.

Comprehendentes autem Iesum, adduxerunt eum ad Annam primum, qui erat Pontifex anni illius. Pontifex ergo interrogavit Iesum de discipulis suis, & de doctrina eius. Respondit ei Iesus : Ego palam locutus sum mundo : Ego semper docui in Synagoga, & in templo, quò omnes Judæi conveniunt. & in occulto locutus sum nihil. Quid me interrogas? Interroga eos, qui audierunt quid locutus sum ipsis : ecce hi sciunt quæ dixerim ego. Luc. 22. Joan: 18.



VLTA scienda nesciuntur (a) aut sciendi incuriâ, aut discendi desidiâ, aut verecundiâ inquirendi. Et quidem hujusmodi ignorantia non habet excusationem. Sed numquid fortè tale est hoc, quod inquisitione humano possit addisci magisterio? Homo hominis nisi

si ipso indicante non intelligit cogitatum: quāto minùs Divinum quis poterit investigare consilium, nisi cui ipse voluerit revelare? Audi denique ipsum: *Si non venissem*, ait, & *locutus eis non fuisset*, peccatum non haberent. Non dicit simpliciter, & locutus non fuisset, sed inferens, eis, *Et locutus eis*, inquit, *non fuisset*: ostendens sine dubio non ante censi inexcusabiles de contemptu, quā ad ipsorum usque notitiam jussio perveniret. Nam si locutus quidem fuisset, sed non eis, inobedientiæ culpam ignorantia nihilominùs excusaret. Nunc autem, inquit, quoniam locutus sum eis, excusationem non habent de peccato suo. Unde & ajebat: *Ego palam locutus sum mundo*, & *in occulto locutus sum nihil*. Non quod suos domesticos multa in occulto privatimquē non docuerit; sed quòd tanquam nihilum interim reputaret, & nec pœnam nec præmium ea augere quæ in secreto tradebat judicaret, donec de medio fierent, & prodirent in lumine. Denique & dicebat: *Quod dico vobis in tenebris, dicite in lumine*: ut meritò videlicet jam audientibus obedientię vel meritum adscriberet vel contemptum, cū in medio proferrentur. Item: *Qui vos audit*, inquit, *me audit*: & *qui vos spernit, me spernit*. Ac si diceret: Judicium meum inter obedientes & contemnentes, non de mea secreta traditione, sed de vestra publica prædicatione pendeat. Currebant in odore sapientiæ (b) qui missi fuerant à Phariseis, cū reversi dicerent: *Nunquam homo sic locutus est*. Uti- que admirantes doctrinam, & confitentes sapien- tiam. Currebat in hoc ipso odore sanctus Nicodemus,

thus, qui venit ad Jesum nocte, in splendore multo
 sapientiæ: de multis quippè instructus edoctusquè
 recessit. Verùm (c) cæteros advertens Jeremias
 Propheta in sui siccitate & cæcitare remanentes
 (justorum siquidem imbris & lucis expertes) infæ-
 cundos ac tenebrosos, confusos & averfos subsannat
 & notat: *Hæc est* (inquit) *gens, quæ non audivit*
vocem Dei sui. Non vultis, ô miseri, dicere cum
 David: *Audiam quid loquatur in me Dominus*
Deus. Utique foris fuli in vanitates & insanias falsas,
 intimum optimumquè non requiritis veritatis au-
 ditum. *Filii hominum usquequò gravi corde? ut*
quid diligitis vanitatem, & queritis mendacium?
 Surdi ad vocem veritatis, ignorantes consilium co-
 gitantis cogitationes pacis; sed & loquentis pacem in
 plebem suam, & super sanctos suos, & in eos qui con-
 vertuntur ad cor. *Jam vos* (inquit Dominus) *mun-*
di estis propter sermonem meum, quem locutus sum
vobis. Ergo qui hunc sermonem non audiunt, im-
 mundi sunt. Sermo Dei veritas est (d) & ipse Spon-
 sus Jesus. Nostis hoc, audite cætera. Is cùm audi-
 tur, & minimè obeditur illi; vacuus interim & je-
 junus quodammodò remanet, omninò tristis & que-
 rulus, quòd prolatus in vacuum sit. Si autem obe-
 ditum fuerit, nonne tibi verbum videbitur in quan-
 dam excrevisse corpulentiam, quia verbo opus ac-
 cessit, ut pote refectum quibusdam fructibus obe-
 dientiæ, justitiæ frugibus? Inde est quod in Apoca-
 lipsi loquitur: *Ecce sto ad ostium & pulso, si quis au-*
dierit vocem meam, & aperverit mihi januam, in-
troibo ad illam, & cenabo cum illo, & ipse mecum.
 Vide-

Videtur approbari hic sensus & apud Isaiam Prophe-
tam sententiâ Domini , ubi dicit , quodd verbum
suum non revertetur ad eum vacuum , sed prospe-
rabitur , & faciet ad quæ misit illud . *Non reverte-*
tur , inquit , *ad me vacuum* , vel jejunum , sed quasi
prosperè in omnibus agens , saturabitur bonis acti-
bus eorum qui in dilectione acquiescent illi . Deni-
que usu loquendi sermo impletus tunc dicitur , cùm
fuerit mancipatus effectui , quodd videlicet tamdiu
inanis & macer ac quodammodò famelicus sit donec
opere compleatur . Sed loquar vobis experimentum
meum (e) quod expertus sum . Si quando fanè com-
peri profecisse aliquos vestrùm ex meis monitis , tunc
non me piguit (fateor) curam prætulisse sermonis
proprio ocio & quieti . Cùm enim , verbi gratiâ ,
post sermonem iracundus quispiam reperitur muta-
tus in mitem , superbus in humilem , pusillanimis in
fortem ; porrò mitis , humilis , fortis , in sua quisque
gratia excrevisse , & seipso melior factus esse agno-
scitur : sed & qui fortè tepuerant & languebant circa
spirituale studium torpentes & dormitantes , ad igni-
tum eloquium Domini referbuisset & evigilasse vi-
dentur : & qui deserto fonte Sapientiæ , foderant sibi
propriæ voluntatis cisternas non valentes aquas con-
tinere , proptereaquè ad omne injunctum gravati
corde arido murmurabant , nullum in se habentes
devotionis humorem : Hi , inquam , cùm de rore
verbi & pluvia voluntaria quam segregavit Deus
hæreditati suæ , re floruisse probantur in opera obe-
dientiæ , facti in omnibus voluntarii & devoti : non
est (dico vobis) unde subeat mentem quasi pro in-
termis-

termisso studio jucundæ contemplationis tristitia .
cùm talibus fuero circumdatus floribus atque fructi-
bus pietatis . Patienter avellor ab infæcundæ Ra-
chelis amplexibus , ut de Lya mihi exuberent fru-
ctus profectuum vestrorum . Minimè prorsùs pige-
bit me intermissæ quietis pro cura sermonis , dum
videro in vobis germinare semen meum , atque ex eo
augeri incrementa frugum justitiæ vestræ .

S. I I.

*Hac cùm dixisset , unus assistens ministrorum dedit
alapam Jesu , dicens : Sic respondes Pontifici ?
Respondit ei Jesus : Si malè locutus sum , testimo-
nium perhibe de malo : si autem benè , quid me
cadis ? Joan. 18.*

Hic tu ô homo (f) totus contremisce , tremore
obrigesce , meritò expallesce , pugnīs pectus contun-
de , fletibus totam animam effunde , compatere pa-
tienti Jesu . Percutit Jesum Judæus colaphis (g) &
alapis : ut non eatenus (h) etsi justa indignatione
inebrieris , quatenus Dominici illius præcepti obli-
viscaris , quo *percutienti unam maxillam , præbe-
re jubemur & alteram* . Plus te præpara ad susci-
piendam injuriam [i] quàm ad inferendam . Disce
potius mala tolerare , quàm mala facere . Esto pa-
tiens , esto mitis , esto suavis , modestus , mansuetus .
Contumelias detrahentium per patientiam supera :
clypeo patientiæ frange sagittas contumeliæ : præbe
scu-

f Tract. de 3. præcip. myst. cap. 6. n. 13. g Tract. de vite myst. cap. 5.
n. 25. h Epist. 80. i Lib. de modo bene vivent. cap. 40. n. 101.

scutum conscientiae contra gladium linguae. Magnae virtutis es, si non laedas, a quo laesus es. Magnae fortitudinis es, si etiam laesus dimittas. Magnae gloriae, si ei de quo te potuisti ulcisci, parcas. Triplici autem velut ariete (k) mansuetudo nostra pulsatur: verborum injuriis, damnis rerum, corporis laesione. In his tribus est omnis exhibitio patientiae, & omnis exercitatio mansuetudinis. Probata est illa virtus, quam nihil horum videtur concutere potuisse. Considerare libet quemadmodum Paulus super his omnibus in ipsa statim conversione tentatus, verè jam Paulus inventus sit, in hac parte verè mitis & patiens. *Saule, Saule, quid me persequeris? Durum est tibi contra stimulum calcitrare.* Durum equidem *verbum*, verbum increpatorium, plenum comminatione. Sanè quod ad corpus pertinuit, concussus est & prostratus in terram. An verò & *damno* quoque probatus est? Et valdè. Si quidem ipsum ei lumen ademptum est oculorum: & *apertis* (ut scriptum est) *oculis nihil videbat.* Experita est in his tribus & exercitata patientia Job, quem in hac virtute opinatissimum Deus exemplar dedit. Sed vestrae hoc industriae relinquimus vestigandum. Et quia (l) nisi humilitatis merito maxima minimè obtinentur, propterea qui provehendus est, correctione humiliatur, humilitate meretur. Tu ergo cum te humiliari videris, habeto id signum in bonum, omnino argumentum gratiae appropinquantis: nam sicut ante ruinam exaltatur cor, ita ante exaltationem humiliatur. Sanè utrumque legis, Deum scilicet & superbis resistere, & humilibus dare gra-

M

tiam

tiam . Nonne denique servum suum Job , cùm post insignem triumphum , tantam & tam probatam ipsius patientiam larga remunerandam benedictione censeret , priùs in multis & districtis percunctationibus humiliare curavit , & sic parare viam benedictioni ? At parum est (m) cùm per seipsum humiliat nos Deus , si tunc libenter accipimus, nisi quando & per alium hoc facit , sapiamus similiter . Quamobrem accipite hujus rei mirabile documentum de sancto David . Aliquando maledictum est illi & à servo: at ille nec cumulatam injuriam sensit, quia præsensit gratiam . *Quid mihi (ait) & vobis filii Sarvia ?* O verè hominem secundùm cor Dei , qui se ulciscenti potiùs quàm exprobranti succensendum putavit ! Unde & secura conscientia loquebatur : *Si reddidi retribuētibus mihi mala, decidā meritò ab inimicis meis inanis* . Vetuit ergo prohiberi maledicum convitiantem , quæstum æstimans maledicta . Et addit: *Dominus misit illum ad maledicendum David* . Prorsùs secundùm cor Dei, qui de corde Dei ferebat sententiam . Sæviebat lingua maledica , & ille intendebat quid in occulto ageret Deus . Vox maledicentis in auribus , & animus inclinabat se ad benedictionem . Numquid in ore blasphemi Deus ? Absit . Sed eo usus est ad humiliandum David . Nec latuit Prophetam , quippè cui incerta & occulta sapientiæ suæ manifestaverat Deus , Et ideo dicit : *Bonum mihi quia humiliasti me, ut discam justificationes tuas* . Et tu ergo acceptâ fortè injuriâ (n) non continuò more secularis, obliquè referire Fratrem responsione festines: sed neque sub specie quasi corripiendi ,
ver-

verbo acuto & urenti transfigere audeas ullatenus animam, pro qua Christus affigi Cruci dignatus est: non grunire quasi increpando, non labiis mustitare quasi murmurando, non nares contrahere aut cachinnare quasi subsannando, non frontem rugare quasi invehendo aut comminando. Sanè commotio tua ibi moriatur ubi oritur, nec permittas exire quæ mortem portat, ne perimat, ut dicere possis & tu cum Propheta David: *Turbatus sum, & non sum locutus*. Denique audi Sponsum loquentem: (o) *Sicut lilium inter spinas, sic amica mea inter filias*. Non mediocri titulus perfectio virtutis inter pravos vivere bonum, & inter malignantes innocentiae retinere capdorem, & morum lenitatem; magis autem si his qui oderunt pacem, pacificum & amicum ipsis te exhibeas inimicis. Id planè tibi similitudinē datam de lilio jure quodam proprietatis specialiter vendicabit, quod ipsas utique pungentes se spinas candore proprio illustrare & venustare non cessat. An non proinde lilium tibi videtur, implere quodammodò Evangelij perfectionem, quā orare jubemur pro calumniantibus & persequentibus nos, benefacere his qui oderunt nos? Ergo & tu fac similiter, & erit anima tua amica Domini, & laudabit te de te dicens: *Quia sicut lilium inter spinas, sic amica mea inter filias*. Si in Christo volumus piè vivere (p) necesse est sustineamus persecutionem, nec malum pro malo, aut maledictum pro maledicto reddamus. Alioquin qui patientiam non servaverit, perdet justitiam: hoc est vitam perdet hoc est perdet animam suam. *Mibi vindictam, & ego retribuam*, dicit

M

2

Do-

Dominus. Ita prorsus est. Ipse retribuet, sed si et vindictam serves, si non tollas ab eo iudicium, si non reddes retribuendis tibi mala. Faciet iudicium, & injuriam patienti in æquitare judicabit, sed pro mansuetis terræ. Cæterum in patiando malum (q) quoniam triplex est, triplicem providentiam adhibere te oportet. Est enim quod à te pateris, quod à proximo, quod à Deo. *Primum* est austeritas pœnitentiæ. *Secundum* est vexatio alienæ malitiæ. *Tertium* est flagellum correctionis Divinæ. In eo quod à te pateris, debes voluntariè sacrificare: quod à proximo, patienter ferre: quod à Deo, sine murmure, & cum gratiarum actione sustinere.

§. I I I.

Et misit Jesum Annas ligatum ad Caiphaz principem Sacerdotum. Erat autem Caiphas qui consilium dederat Judæis, dicens eis: Vos nescitis quidquam, nec cogitatis quia expedit vobis ut unus moriatur homo pro populo, & non tota gens pereat. Hoc autem à semetipso non dixit, sed cum esset Pontifex anni illius, prophetavit, quod Jesus moriturus erat pro gente. Joan. 11. & 18. Matt. 26.

Hæretici (r) qui Ecclesiam non agnoscunt, non est mirum si Ordinibus Ecclesiæ detrahunt, si instituta non recipiunt, si Sacramenta contemnunt, si mandatis non obediunt. Peccatores, inquiunt, sunt Apostolici, Archiepiscopi, Episcopi, Presbyteri, ac per hoc nec dandis nec accipiendis idonei Sacramen-

mentis: nunquam verò duo ista convenient, Episcopum esse & peccatorem? Falsum est. Episcopus erat Caiphas, & tamen quantus peccator qui in Dominum mortis dictabat sententiam? Si negas Episcopum, arguet te testimonium Joannis qui eum in testimonium sui Pontificatus etiam prophetasse refert. *Expedi*, inquit, (s) *ut unus moriatur homo pro populo, & non tota gens pereat*. Expedi sanè, ut unus pro omnibus denigretur similitudine carnis peccati, & non tota gens nigredine condemnetur peccati. Splendor & figura substantiæ Dei obnubiletur in forma servi, pro vita servi. Candor vitæ æternæ nigrescat in carne, pro carne purganda. Speciosus formâ præ filiis hominum, pro filiis hominum illuminandis obscuretur in Passione, turpet in Cruce, palleat in morte: ex toto non fit ei species neque decor, ut sibi speciosam atque decoram acquirat sponsam Ecclesiam sine macula & sine ruga. Jesus quoque quid dicat (t) audiamus: *Nisi granum frumenti cadens in terram mortuum fuerit, ipsam solum manet: si autem mortuum fuerit, multum fructum affert*. Moriatur igitur granum, & surgat Gentium seges. Oportet pati Christum & resurgere à mortuis, & prædicari in nomine ejus pœnitentiam, & remissionem peccatorum non solum in Judæam, sed etiam in omnes Gentes: quatenus ab uno nomine quod est Christus, millia millium credentium Christiani dicantur, & dicant: *Oleum effusum nomen tuum*. Notus in Judæa Deus [u] in Israël magnum nomen ejus. Populus Gentium qui

ambulabat in tenebris, vidit lucem magnam, quæ erat in Judæa & in Israël: volvitquæ accedere & illuminari, ut qui aliquando non populus, nunc populus esset, lapisquæ unus angularis ambos in se parietes venientes in diverso reciperet, & esset de cætero in pace locus ejus. Porro fiduciam dabat invitæ vox quæ jam sonuerat: *Letamini Gentes cum plebe ejus*. Ergo accedere voluit, sed vetuit Synagoga, immundam asserens Ecclesiam de Gentibus & indignam, idolatriæ faciem & ignorantia cæcitatem improprians, & dicebat: Tu enim quo merito? Noli me tangere. Cur inquit? An Judæorum tantum Deus? Nonne & Gentium? Etsi mihi certè meritum deest, sed non illi misratio. Numquid solummodò justus est? Est & misericors. *Domine, veniant mihi miserationes tuæ, & vivam*. Et rursùm: *Misericordiæ tuæ multæ Domine, secundum judicium tuum vivifica me*: quod nimirum temperatum misericordiâ est. Quid faciet justus & misericors Dominus? Synagogâ gloriante in lege, & applaudente justitiam sibi, nec indigente misericordiâ, sed despiciente ipsam quæ indiget: Ecclesiâ è regione propria cognoscente delicta, confitente indignitatem, renuente judicium, flagitante misericordiam. Quid, inquam, faciet Judex, & ille Judex cui & judicare & misereri sic utrumque familiare est, ut neutrum altero familiarius? Quid sanè possit esse convenientius, quàm ut pro suo quæque accipiat voto, judicium illa, ista misericordiam. Judæus judicium quærit, & habeat: Gentes autem super misericordia honorant Deum. Et est judicium, ut qui contemnunt Dei misericordem iustitiam, & suam volunt consti-

tue-

tuere (quæ profectò non justificat sed accusat) eidem suæ justitiæ relinquantur , opprimendi magis quàm justificandi . Et quippe ex lege [x] quæ neminem unquam duxit ad perfectum : est iugum quod neque ipsi neque Patres eorum unquam portare potuerunt . Sed Synagoga fortis est , non curat onus leve , nec iugum suave . Sana est , non est ei opus medicus , nec unctio Spiritûs . Confidit in lege , liberet eam si potest . Non autem data est lex quæ possit vivificare , insuper & occidit . Litera enim occidit . Propterea (inquit Dominus) *dico vobis , moriemini in peccatis vestris* . Hoc ergo iudicium , ô Synagoga , quod flagitas . Errori tuo cæca & contentiosa desereris , donec plenitudo Gentium (quas superba spernis , & invida repellis) introeat , & agnoscat etiam ipsa ipsum qui notus est in Judæa Deus , quod què est in Israël magnum nomen ejus . Hoc quippe in iudicium venit Jesus in hunc mundum , ut qui non vident videant , & qui vident cæci fiant . Habuit & Judæa quosdam Jesus [y] quorum vacuis gloriatur vocabulis . Illa enim nec lucent , nec pascunt , nec medentur . Idcirco Synagoga in tenebris est usque adhuc , fame & infirmitate laborans : & non sanabitur neque satiabitur , quousque sciat mentem Jesum dominari Jacob & finium terræ , & convertatur ad vesperam . Adhuc Synagoga (z) foris epulatur cum amicis suis dæmonibus , quibus satis placet , quod hædum peccati insipiens devorat transglutians , & reponens atque quodammodò occultans sibi illud in ventre secordiæ & insipientiæ suæ : dum contemnens Dei justitiam , & suam volens constituere , dicit se

non habere peccatum, nec morte egere vituli saginati, mundam siquidem justamquæ ex legis operibus se reputans. At verò Ecclesia scisso velo occidentis literæ in morte Verbi Crucifixi, audacter ad ejus penetralia prætereunte spiritu libertatis irrumpit, agnoscitur, placet, fortitur æmulæ locum, fit Sponsa, fruitur præreptis amplexibus: & in calore spiritûs Christo Domino cui confricatur inhærens, stillante ac fundente undique sui oleum exultationis. Hoc illa præ participibus suis excipiens, ait: *Oleum effusum nomen tuum*. Quid mirum si ungitur, quæ unctum amplectitur? Sponsa, ut dixi, (a) Ecclesia est. Ipsa est cui plûs dimissum est, & quæ plûs diligit. Quod æmula Synagoga improperat ei ad convivium, hoc, sibi ipsa inflectit ad commodum. Inde mansuetior ad correptionem, inde patientior ad laborem, inde ardentior ad amorem, inde sagacior ad cautelam: inde humilior pro verecundia, inde ad obediendum paratior, inde ad gratiarum actionem devotior ac sollicitior. Denique Synagogâ (ut dictum est) murmurante, & memorante merita sua & labores & pondus diei & æstus, Ecclesia beneficium recolit dicens: *Oleum effusum nomen tuum*. Hoc planè testimonium Israël ad confitendum nomini Domini. Non tamen Israël secundum carnem, sed ejus qui secundum spiritum est. Nam hoc ille quo pacto dicat? Non quòd non habet oleum, sed non habet effusum. Habet, sed reconditum: habet in codicibus, sed non in cordibus. Foris hæret in litera: contrectat manibus vas plenum, sed & clausum, nec aperit ut ungatur. Intûs intûs est unctio

Spi-

Spiritus: aperi & ungere, & jam non eris domus exasperans. Quid facit oleum in vasis, si non sentias & in membris? Quid tibi prodest pium Salvatoris nomen lectitare in libris, nec habere pietatem in moribus?

C A P U T I I.

De gestis coram Caipha præsidente in Concilio Judæorum, coacto contra Jesum innocentem.

1. Describitur Concilium impiorum Judæorum. Docemur fugiendam esse unitatem perversorum, sectandam verò unitatem bonorum. Ostenditur unitatis bonum servari duobus modis, triaque esse quæ unitatem impediunt. 2. Ostenditur Caipham ejusque Concilium ideo condemnasse Jesum reum esse mortis, quia interrogatus & adjuratus confessus est veritatem, respondendo se esse Christum Filium Dei: 3. Ostenditur Judam pœnituisse quidem quòd Christum tradiderit, & confessum esse se peccavisse: sed confessio ejus fuit infidelis, non credens Christum esse Deum. Docemur tria requiri ad Sacramentalem Confessionem, ut sit pura, humilis, & fidelis.

§. I.

Et adduxerunt Jesum ad Caipham summum Sacerdotem, ubi omnes Sacerdotes & Scribæ & Seniores convenerant. Princeps autem Sacerdotum & omne Concilium quærebant falsum testimonium adver-

adversus Jesum, ut eum morti traderent: nec conveniebant, cum multi falsi testes accessissent. Multi enim falsum testimonium dicebant adversus eum, & convenientia testimonia non erant. Novissime autem venerunt duo falsi testes, qui falsum testimonium ferebant adversus Jesum, dicentes: Nos audivimus eum dicentem: Ego dissolvam hoc templum Dei manufactum, & post triduum aliud non manufactum edificabo: & non erat conveniens testimonium eorum. Et exurgens summus Sacerdos in medium, interrogavit Jesum dicens: Non respondes quidquam ad ea quæ tibi obiiciantur ab his. Ille autem tacebat, & nihil respondit. Matt. 26. Mar. 14.

Occurrat spiritualiter (a) & ingerat seipsum cordibus nostris Dominus Christus, proditus à discipulo, à Judæis tanquam vile mancipium precio satis exiguo comparatus, tractus & ligatus tanquam homo sine adiutorio. Et incipiat [b] consideratio nostra in eodem loco: ubi [c] cum multi falsi testes contra Jesum procederent, & in multis mendaciis accusarent, ipse tanquam agnus innocens qui ad victimam ducitur, obmutuit, nec aperuit os suum, tanquam homo non audiens, & non habens in ore suo redargutiones. Ibi conspuerunt faciem dulcis Jesu, colaphis eum cædebant, & alapas in Caput ejus certatim ministri dederunt. O dulcissime atque amantissime Jesu [d] quis te tam ama-

a Ser. 2. in *Cana Domini* n. 7. b *Tract. de vite myst. cap. 5. n. 23.*
c *Tract. de 3. princip. myst. cap. 6. n. 13.* d *Tract. de vite myst. cap. 5. n. 24.*

amaræ & tam odiosæ morti addixit? *Filii matris meæ*, ait, [e] *pugnaverunt contra me*. Annas & Caiphas & Judas Iscarioth filii Synagogæ fuerunt. Et pulchrè filios matris suæ, non autem & Patris sui illos vocat, qui non habebant Patrem Deum, sed ex patre diabolo erant: homicidæ utique, sicut & ille homicida erat ab initio. Propterea non dicit fratres mei, aut filii Patris mei: sed, *Filii* (inquit) *matris meæ pugnaverunt contra me*. Conglobantur vel ad convincendum [f] vel ad occidendum. Faciunt impietatis parietem unum: squama squamæ conjungitur: sibilant sibi serpentes adinvicem: convenerunt in unum adversus Dominum, & adversus Christum ejus. Hinc sciendum [g] quòd alia est unitas Sanctorum, & alia facinosorum, quæ ex Scripturis ostenditur & improbatur. De hac enim scriptum est: *Aslitterunt reges terræ, & principes convenerunt in unum adversus Dominum, & adversus Christum ejus*. De hac iterùm Evangelista: *Abeuntes Pharisei consilium inierunt, ut caperent Jesum in sermone*. Et iterùm: *Collegerunt Pontifices & Pharisei concilium*. Ut quid hoc? Sicut Joannes testatur, *ut interficerent Jesum*. Quàm verò pertinax sit ista reproborum unitas, docet ipse Dominus, qui de corpore diaboli ad beatum Job loquitur dicens: *Corpus illius quasi scuta fusilia & compactum squamis se prementibus*. Una uni conjungitur, & ne spiraculum quidem incedit per eas. Una alteri adhærebit, & tenentes se nequaquam separabuntur. Talis unitas, imò verò perversitas solet esse ali-

e Ser. 29. in cant. n. 1. f Ser. de S. Steph. cap. 3. tom. 6. pag. 627.
g Ser. 5. de Assumpt. B. M. m. 9.

aliquorum fratrum tepidè & remissè conversantium . Quibus si quid honestatis , aut insigne cujusquam bonæ consuetudinis persuadere velis , promptiores sunt majori dispendio ac difficultate graviore resistere , quàm facili compendio assequi velle quod rectum esse constiterit . Pervetsta & execranda talis unitas est . Quàm miserandi sunt (h) qui ad jucundum justorum consilium , nullum adhuc tenent suæ vocationis testimonium ? Domine , quis credit auditui nostro ? O utinam scaperent & intelligerent ! Verùm nisi crediderint non intelligent . Sed habetis & vos (i) ô infelices sæculi malè securi amatores , vestrum seorsum à justis consilium . Squama squamæ conjungitur , & non est spiraculum in vobis . Habetis , inquam , & vos ô impii , communicatum adinvicem consilium , sed planè adversus Christum ejus . Etenim si dicente Scriptura , *Pietas est cultus Dei* : profectò quisquis plùs amat mundum quàm Deum , impius atque idololatra esse convincitur , colens & serviens creaturæ potiùs quàm Creatori . Habentibus autem Sanctis atque impiis suum ad se quibusque consilium , magnum proculdubio inter utrosque chaos firmatum est . Nam quomodò justus longè se facit à consilio & concilio malignantium : ita nec resurgunt omninò impii in judicio , neque peccatores in consilio justorum . Hac ergo unitate (k) à cordibus & sermonibus nostris exclusa , illam quæ bona est & tantum bonorum est , prosequamur . Et ipsa quidem gemina est . *Alia* est enim quæ justificat , *alia* quæ glorificat , Illa meritum , ista præmium est . Denique de illa

illa scriptum est: *Multitudinis credentium erat cor unum, & anima una*. De hac autem: *Qui adheret Domino, unus spiritus est*. Et quoniam in futuro magis speranda est (res est enim futuri temporis magis quàm præsens) eam interim omittamus, & à Deo speremus potius quàm tractemus. Illam verò quæ justificat, quæ etiam nunc potissimum necessaria est, in usum nostri operis assumamus. Ipsa est enim decus suavitatis, quam dulcedine sacra insonat Psalmista: *Ecce quàm bonum & quàm iucundum, habitare fratres in unum*. Cujus unitatis cùm descripsisset sermo propheticus pulchritudinem, ejus etiam non tacuit utilitatem: *Quoniam illic, inquit, mandavit Dominus benedictionem & vitam*: hîc scilicet benedictionem, & in futuro sæculo vitam æternam. Ipsa est, inquam, unitas, quam summâ diligentia observandam tradidit Apostolus, dicens: *Solliciti servare unitatem spiritûs in vinculo pacis*. Servatur autem hoc unitatis bonum duobus modis (1) ab his qui curam gerunt servandi. Debet quisque perfectus unitatem habere *ad seipsum*: debet habere & *ad proximum*. Ad *seipsum* per integritatem, ad *proximum* per conformitatem. Omnis quippè creatura, & maximè rationalis, debet suum principium imitari. Si ergo Deus noster unus est, dicente Moyse: *Audi Israël, Dominus Deus tuus unus est*; sed & ille cùm sit unus & idem, atque in seipso perfectus, nec ullo indigens, inest ei tamen benignitas erga nos, & amor ex benevolentia in nos veniens: debemus & nos quisque sibi unus esse per integritatem virtutis, & unum cum

pro-

1 Ibidem num. 12.

proximis per vinculum dilectionis. Hanc imitationem loquens de charitate commendat nobis Apostolus Joannes dicens: *Quia sicut ille est, & nos sumus in hoc mundo*. Sed hanc unitatem, quam quemque sibiipsum diximus habere debere, tria sunt quæ solent impedire: *nimietas, pusillanimitas, levitas*. Et *nimii* quidem sunt, qui putant se posse quod non possunt, & quod non acceperunt, præsumunt. Quorum speciem tenebat Petrus in passione Domini, cum diceret: *Domine, tecum paratus sum & in carcerem & in mortem ire*. *Pusillanimes* contrarii sunt *nimiis*. Et horum quoque tenuit imaginem Petrus, cum diceret: *Exi à me, quia homo peccator sum, Domine*. *Leves* sunt & inconstantes, qui circumferuntur omni vento doctrinæ: quibus quod paulò ante placuit, nunc displicet; & quod nunc eligunt, post paululùm reprobant.

S. I I.

Rursum summus Sacerdos interrogabat Jesum, & dixit ei: Adjuro te per Deum vivum, ut dicas nobis, si tu es Christus Filius Dei. Jesus autem dixit illi: Tu dixisti: Ego sum. Verum amen dico vobis: Amodò videbitis Filium hominis sedentem à dextris virtutis Dei, & venientem in nubibus Celi. Tunc summus Sacerdos scindens vestimenta sua, ait: Blasphemavit. Quid adhuc egemus testibus? Ecce nunc audistis blasphemiam: quid vobis videtur? Qui omnes condemnaverunt eum esse reum mortis. Matt. 26. Mar. 14.

Procedamus nunc (m) & illius noctis incommoda percurramus, quomodo Jesus tentus, vinctus, tractatus est. Occurratque spiritualiter (n) & ingerat seipsum cordibus nostris Dominus Christus captus & ligatus, tanquam homo sine adiutorio. Incipiat autem (o) consideratio nostra in eodem loco: ubi Judæi (p) non immemores odij quo oderant Patrem, exercebant illud in Filium. Quid enim fecerunt impij, quibus gravis erat etiam ad videndum? *Hic est, inquit, haeres: venite, occidamus eum.* O venenata lingua (q) verbum malitiæ, sermo nequam! O vipereum affectum (r) odire hominem qui hominum & corpora sanat, & animas salvat! O intellectum grossum & certè bouinum, qui Deum non intellexerunt nec in operibus Dei! Non fuga dæmonum, non obedientia elementorum, non vita mortuorum bestialem hanc & pluquàm bestialem hebetudinem ab eis depellere quivit. Terra cognovit Dominum (s) quia ad vocem virtutis ejus cum clamasset voce magna: *Lazare veni foras*, mortuum reddidit. Cognovit mare quia solidum se præbuit sub pedibus ejus, ita ut Apostoli eum putarent phantasma esse. Sed (t) non cognovit Synagoga Judæorum. De qua (u) non minùs miserabili quàm mirabili cæcitate factum est, ut in illud tam horrendum tamquè enormiter grossum facinus proruerint, Domino majestatis iniiciētes manus sacrilegas. Christus namque concilio malignantium Judæorum præsentatus & veritatem prout oportuit confessus, quasi
de

m Tract. de vite myst. cap. 5. n. 25. n Ser. 2. in Cena Dom. n. 7.
o Tract. de vite myst. cap. 5. n. 25. p Ser. 3. in Circumcis. Dom. n. 4.
q Ser. 1. de Resur. Dom. n. 1. r Ser. 60. in Cant. n. 5. s Ser. 2. de
Ascens. Dom. n. 1. t Ser. 28. in Cant. n. 10. u Ser. 60. in Cant. n. 5.

de blasphemia adjudicatus est morti. Cognosce anima mea (x) cognosce: Hic est Dominus Deus noster Jesus Christus, Salvator tuus, Unigenitus Dei Filius, verus Deus, verus homo: qui solus sub Sole sine macula inventus est. Et ecce tanquam abortivum quod proiicitur à vulva, sic projectus est ab utero matris suæ, infelicis Synagogæ. Judei qui per Judæ significantur (y) panem intinctum comedunt, quia Christum Jesum non Deum, sed purum hominem credunt. Et quæ (z) propriis attrectant manibus, ligando, flagellando, colaphizando: minimè tamen vel resurgendo intelligunt. Christum in carne nasciturum (a) & moriturum odoraverunt Prophetæ & Patriarchæ, sed non dederunt tunc eundem odorem suum: quia non exhibuerunt in carne quem in spiritu præsenferant. Videamus de olfactu Isaac. (b) Loquitur de illo Scriptura sic: *Statimquæ ut sensit vestimentorum ejus fragrantiam* (haud dubium quin Jacob) *Ecco, inquit, odor filij mei, sicut odor agri pleni cui benedixit Dominus.* Vestimenti fragrantiam sensit, sed vestiti præsentiam non agnovit: soloquæ vestis tanquam floris odore forinsecus delectatus, quasi fructus interioris dulcedinem non gustavit, dum electi Filij simul & Sacramenti fraudatus cognitione remansit. Quò spectat hoc? Vestimentum profectò spiritûs littera est, & caro Verbi. Sed ne nunc quidem Judæus in carne Verbum, in homine scit Deitatem, nec sub tegmine literæ sensum prævidet spiritua-lem: forisquæ palpans hædi pellem (quæ simili-

tudi-

x Ser. de Passion. Dom. n. 10. & 15. y Ser. 13. in ultim. Cæna n. 21.
 z Tract. exhort. ad milit. cap. 7. a Sermon. 60. in Cant. num. 8.
 b Tract. exhort. ad milit. cap. 7. n. 13.

tudinem majoris, hoc est primi & antiqui peccatoris exprefferat) ad nudam non pervenit veritatem. Hac ergo similitudine deceptus Propheta cæcus hodie quem nescit benedicit, dum quem lætitat in libris, ignorat & in miraculis. Porro vir ille (c) qui Jacob tangens, & Christum sentiens, *Ecce inquit, odor filij mei, sicut odor agri pleni cui benedixit Dominus: cum hoc dicebat, habebat delicias suas sibi, nec cuiquam illas communicabat. At ubi venit plenitudo temporis, in quo misit Deus Filium suum factum ex muliere, factum sub lege, ut eos qui sub lege erant redimeret: tunc prorsus odor ille qui in illo erat, sese ubique sparsit, adeo ut à finibus terræ ipsum sentiens clamaret Ecclesia: Oleum effusum nomen tuum. Et quid mirum (d) si ejus effusum est nomen, cum ipse quoque effusus sit? Nam semetipsum exinanivit, formam servi accipiens. Denique ait: Sicut aqua effusus sum. Effusa est plenitudo Divinitatis, habitans super terram corporaliter: ut de illa plenitudine omnes qui corpus mortis gestamus, caperemus, ac vitali odore repleti diceremus: Oleum effusum nomen tuum. Cæterum unde scimus, (e) quod Christus sit Deus? Miracula probant: facit quippe opera quæ nemo alius facere possit, ut taceam oracula Prophetarum, nec non & Paternæ vocis testimonium elapsæ cælitus ad ipsum à magnifica gloria. Sicut autem mediator noster duas naturas [f] humanitatem videlicet & Divinitatem conjunxit in una persona: ita singula ejus opera ad hanc vel illam necesse est pertinere naturam. Ad hanc si-*

N

qui-

c Ser. 60. in Cant. n. 8. d Ser. 15. in Cant. n. 4. e Tract. exhort. ad milit. cap. 11. n. 21. f Ser. de verb. sap. n. 7. tom. 6. pag. 771.

quidem miseria, sed ad illam pertinet potentia. Quidquid ergo miseriae passus est, & homine contraxit. Quidquid potenter operatus est, à Patre habuit. Ipse namque est [g] secundum Gabrielis testimonium Altissimi Filius, ac proinde coaltissimus ipse, Neque enim fas est Dei Filium degenerem suspicari, sed æqualis fateri necesse est altitudinis, & ejusdem penitus dignitatis. Et cum esset Filius Dei [h] verus Deus, Deo Patri Sanctoque Spiritui cœternus & consubstantialis, lucem habitans inaccessibleem, portansque omnia Verbo virtutis: non despexit tamen in hoc nostræ mortalitatis ergastulum altitudinem suam inclinare, ubi nostram & gustaret & absorberet miseriam, nosque repararet ad gloriam. Cum igitur videas Christum [i] in una quidem persona duas habere naturas, unam quâ semper fuit, alteram quâ esse cœpit: & secundum sempiternum suum quidem esse, semper omnia nosse, secundum temporalem verò multa temporaliter expertum fuisse: cur fateri dubitas ut esse in tempore cœpit, sic carnis quoque miseras scire cœpisse, illo duntaxat modo cognitionis, quem docet defectio carnis. Ergone credendum est [k] quod iste Deus sit, qui flagellatur, qui conspuitur, qui crucifigitur, excelsus & immensus? Quomodo potuit hoc persuaderi generi humano, universo orbi terrarum? Et tamen tam facile, tam potenter persuasum est, ut mihi id credibile faciat credentium multitudo. Juvenes & virgines, senes cum junioribus elegerunt potius mille mortibus mori, quàm vel ad momentum ab ista Fide deficere.

S. III.

g Ser. 1. de Advent. Dom. n. 2. h Ser. de Pass. Dom. n. 3. i Tract. de grad. humil. cap. 3. n. 12. k Ser. 3. in vig. Nat. Dom. n. 9.

§. I I I.

Tunc videns Judas qui tradidit Jesum, quod damnatus esset, penitentiâ ductus, retulit triginta argenteos principibus Sacerdotum & Senioribus, dicens: Peccavi, tradens Sanguinem justum. At illi dixerunt: Quid ad nos? tu videris. Et projectis argenteis in templo, recessit: & abiens, laqueo se suspendit. Et suspensus crepuit medius, & diffusa sunt omnia viscera ejus. Matt. 27. & Actor. 1.

Judas proditor Domini [1] & Cain fratricida confessi sunt, & diffisi sunt. Alter: Peccavi, inquit, tradens sanguinem justum Alter ait: Major est iniquitas mea, quàm ut veniam merear. Et verax licet nihil eis profuit infidelis confessio. Omnis spes veniæ & misericordiæ [m] est in confessione vera: simulata autem confessio non est confessio, sed duplex confusio. Excludit enim miserationem Dei, miseriæ simulatio: nec dignatio locum habet, ubi fuerit dignitatis præsumptio Provocat verò compassionem humilis miseriæ confessio. Nulla est enim tam gravis culpa, quæ non habeat veniam per puram confessionem, Primò confessio purè facienda est [n] quia non est pars una peccatorum dicenda, & altera reticenda: neque levia confitenda, & gravia diffitenda: nec alter accusandus, & ipse excusandus. Sed cum justo Propheta dicendum est: Non declines cor meum in verba malitiæ, ad excusandas excusationes in peccatis. Hæc enim sunt verba malitiæ, quâ gravior vel

N 2 pejor

pejor vix esse possit. Oportet itaque [o] confessio-
nem esse simplicem. Non intentionem (forte quia
latet homines) excusare delectet, si sit rea: nec levi-
gare culpam quæ gravis est, nec alieno adumbrare
suasu, cum invitum nemo coëgerit. Primum illud
non confessio est sed defensio, nec placat sed pro-
vocat: sequens monstrat ingratitude; & quod
minor reputatur culpa, eò minuitur & gloria indut-
toris. Sed enim minùs libenter beneficium datur,
quod minùs gratè minusuè necessariè provenire sen-
titur. Veniam proinde sibi adjudicat, qui munus lar-
gitoris attenuat: quod quidem omnis qui reatum
suum verbis alleviare conatur, facit. Jam à postre-
mo primi hominis dehortetur exemplum, nec cul-
pam siquidem diffitentis, nec tamen consequentis
veniam, non dubium quin ob reatùs mulieris ad-
mixturem. Genus excusationis est, cum argueris
tu alium incusare. Porro excusare te velle quan-
do corripieris, quàm sit nonmodò minimè fructuo-
sum, sed & perniciosum, Sanctum David interroga:
Verba nempè malitiæ excusationes in peccatis appellat,
ne in ea declinet cor suum rogans & supplicans.
Meritò quidem. In animam etenim suam peccat,
qui se excusat, repellens proinde à se indulgentiæ
medicinam, & sic vitam sibi proprio ore interclu-
dens. *Secundò* confitendum est & *humiliter* [p] ut
idem sit in corde, quod sonabit in ore. Sunt enim
nonnulli qui narrare in confessionibus solent, quæ
vel argutè literario, vel fortiter gladiatorio gessere
conflictu. Proh dolor? sub humilitatis pallio super-
biam inducentes, & putantes se posse vitare oculos
Judi-

Judicis cuncta cernentis. Nonne utrique Reges Saül & David redarguti à Prophetis Samuële & Nathan, dixerunt, *Peccavi?* Et tamen Saül audivit: *Transtulit Dominus regnum tuum à te, & dabit illud amico tuo.* Et David audivit: *Transtulit Dominus peccatum tuum, & non morieris.* Quid est hoc, nisi quia quodd Saül habuit in ore, non fuit in corde: & humilitas quæ in ore David extitit, in corde etiam radiavit? Numquid profuit Saül [q] quodd se ad increpationem Samuëlis peccasse confessus est? Culpabilis proculdubio fuit illa confessio, quæ culpam non diluit. Quomodo enim humilem contemneret confessionem humilitatis Magister, & cui humilibus dare gratiam certè ingenitum est? Omnino non poterat non placari, si quæ in ore sonuit, in corde radiasset humilitas. Tertiò confitendum est & fideliter [r] ut in fide Ecclesiæ credat quisque sibi peccata dimitti, quia Cain & Judas purè & humiliter confessi sunt, sed nequaquam fideliter: quia alter eorum desperans ad laqueum cucurrit, alter illud grande scelus evomuit: *Major est iniquitas mea, quam ut veniam merear.* Mentiris latro Cain: quia major est pietas Dei, quam quævis iniquitas quia miserationes ejus super omnia opera ejus. Audi denique Deum (s) quomodo ipse contriti cordis temperat amaritudinem, quomodo pusillanimum à desperationis barathro revocat, quomodo blandæ & fidelis promissionis melle mærentem consolatur, erigit diffidentem. Ait per Isaiam Prophetam: *Ego infranabo os tuum laude mea ne intereas: hoc est, ne interitu facinorum tuorum nimiam incurras tri-*

stitiam, atque instar effrænis equi desperatus in præceps ruas & pereas. Fræno te, inquit, (t) inhibebo indulgentiæ meæ, & meis laudibus erigam: respirabisquè in bonis meis, qui de tuis confunderis malis, dum me sanè benigniorem quàm te culpabiliorem inuenies. Hoc fræno si infrænatus fuisset Cain, nequaquam desperando dixisset: *Major est iniquitas mea, quàm ut veniam merear*. Absit, absit. Major enim est ejus pietas, quàm quævis iniquitas. Denique (u) ideo liquet errasse illum, qui ait: *Major est iniquitas mea, quàm ut veniam merear*: quòd non erat de membris Christi, nec pertinebat ad eum de Christi merito, ut suum præsumeret, suum diceret quod illius esset, tanquam rem capitis membrum. Judas ideo panem intinctum accepit (x) quia Dominum Jesum tantum hominem & non Deum putavit. Buccellam intinctam, vel panem subcineritium intinctum comedit, quia etsi Dominum moriturum, tamen resurrecturum non credidit. O Juda infelix (y) ô discipule pessime, mercator nequam! Tibi cæna parabatur, & à te dator cænæ tradebatur. O miser Juda, ô male confessor! O desperate pœnitens, dixisti: *Peccavi, tradens sanguinem justum, & laqueo desperationis te miser suffocasti?* Diabolus miserat in cor per suggestionem, ut traderet Jesum, non credens illum esse Deum. Denique Judas suspendit seipsum [z] diabolo sine dubio immittente. Pulchrè Petrus Apostolus (a) *filium perditionis in locum suum abiisse* testatus est, quòd in aëre crepuerit me-

ibidem n. 3. u Ser. 61. in cant. n. 4. x Ser. 3. in ult. canticum n. 21
y Ser. 1. in ult. canticum n. 3. z Ser. 66. in Cant. num. 13. a Ser. 8. super.
Psalm. 90. n. 10.

medius, aëriarum collega potestatum: utpote quem veri Dei & veri pariter hominis (qui de cælo venisset operaturus salutem in medio terræ) proditorem nec cælum reciperet, nec terra sustineret. Quomodò cecidisti de cælo Lucifer (b) qui mane oriebaris? In deliciis paradisi gloriosus apparuisti, Civium cæli socius, & Verbi Divini conviva, quomodò reputatus es inter filios tenebrarum? *Melius ei fuerat (c) si natus non fuisset homo ille*, ait Jesus. Non utique si natus non fuisset omnino, sed si natus non fuisset homo, sed verbi gratiâ, aut pecus, aut alia quæpiam creatura: quæ quoniam iudicium non haberet, ad iudicium non veniret, ac per hoc nec ad supplicium.

C A P U T. I I I

De prima accusatione Christi, facta à Judæis coram Pilato Præside.

1. *Ostenditur malitia & ingratitude Judæorum, qui suum Benefactorem Jesum accusantes, & asseverantes eum esse malefactorem, tradiderunt Pilato ad crucifigendum: quem tamen linguâ suâ maledicâ jam crucifixerant. Agitur de vitio detractionis.*
2. *Ostenditur, Jesum Christum nedum esse Regem Cælestis Jerusalem, sed etiam illius terrestris Jerusalem, in qua habitabant Judæi.*
3. *Ostenditur causa, cur Pilatus statim ac in interrogavit Jesum quid sit veritas, resiliit non expectans responsum. Docemur agnitionem veritatis in tri-*

bus gradibus consistere : scilicet in nobis , in proximis, in sui natura .

§. I.

Et surgens omnis multitudo Judæorum, duxerunt Jesum à Caipha in pratorium : & vinctum adduxerunt eum, & tradiderunt Pontio Pilato Prasidi. Erat autem mane : & ipsi non intraverunt ut non contaminarentur, sed ut manducarent Pascha. Exiit ergo Pilatus ad eos foras, & dixit : Quam accusationem affertis adversus hominem hunc? Responderunt & dixerunt ei : Si non esset hic malefactor, non tibi tradidissimus eum. Dixit autem eis Pilatus : Accipite eum vos, & secundum legem vestram iudicate eum. Dixerunt ei Judæi : Nobis non licet interficere quenquam. Ut sermo Jesu impleretur quem dixit : significans qua morte esset moriturus. Luc. 23. Matt. 27. Joan. 18.

Judæi dixerunt Pilato : Si non esset hic malefactor, non tibi tradidissimus eum. Judæi non immemores odii (a) quo oderant Patrem, exercent illud in Filium. Unde & ipse ait : *Quia oderunt me, & Patrem meum. Quid ergo fecerunt impii, quibus gravis erat etiam ad videndum? Hic est, inquiunt, hæres, venite, occidamus eum. O vipereum affectum, odire hominem [b] qui hominum & corpora sanat, & animas salvat. O intellectum grossum & certè bovinum, qui Deum non intellexerunt nec in operibus Dei ! Nimiùm me fortassè queratur in sui*
fug-

^a Ser. 3. in Circumcis. n. 4. ^b Ser. 66. in Can. n. 4. & 5.

fuggillatione Iudæus, qui intellectum illius dico bo-
vinum. Sed legat in Esaia, & plusquam bovinum
audiet: *Cognovit, inquit, bos possessorem suum, &
asinus præsepe Domini sui: Istraël non cognovit me,
populus meus non intellexit.* Vides me, Judæe, mi-
tiores tibi Prophetâ tuo? Ego te comparavi ju-
mentis, ille subiicit. Quanquam in persona sua
Propheta non dixit hoc, sed in Dei, qui Deum se
& ipsis operibus clamat. *Et si mihi, inquit, non cre-
ditis, operibus credite: & si non facio opera Patris
mei, nolite credere.* Ipse denique (c) Judæis prote-
statur est dicens: *Multa bona opera ostendi vobis ex
Patre meo.* Et item Scriptura de eo: *Qui pertransiit
ait, benefaciendo & sanando omnes.* Obtulit Carnem
sapienibus carnem (d) per quam discerent sapere &
spiritum. Nam dum in Carne & per Carnem facit
opera non carnis, sed Dei, naturæ utique imperans,
superansquæ fortunâ, stultam faciens sapientiam ho-
minum, dæmonumquæ debellans tyrannidem: ma-
nifestè ipsum se indicatessè, per quem eadem & an-
te fiebant quando fiebant. In Carne, inquam, &
per Carnem potenter & patenter operatus mira, lo-
cutus salubria, passus indigna; evidenter ostendit
quia ipse sit qui potenter sed invisibiliter sæcula
condidisset, sapienter regeret, benignè protegeret.
Denique dum evangelizat ingratis, signa præbet in-
fidelibus Judæis, pro suis crucifixoribus orat: non-
ne liquidò ipsum se esse declarat, qui cum Patre
suo quotidie oriri facit Solem suum super bonos &
malos, & pluit super justos & injustos? Hoc enim
est quod ipse agebat: *Si non facio opera Patris mei,
noli-*

nolite credere. Nec sic tamen (e) evigilant Judæi ad intelligendum. Non fuga dæmonum, non obedientia elementorum, non vita mortuorum bestialem hanc & plusquàm bestialem habetudinem ab eis depellere quivit. De qua non minùs miserabili quàm mirabili cæcitæte factum est, ut in illud tam horrendum tamquè enormiter grossum facinus proruerint, Domino majestatis iniicientes manus sacrilegas. Domine audivi auditionem tuam (f) imui: consideravi opera tua, vias tuas, & expa- subfannaverunt te subfannatione, dentibus suis super te frenduerunt, lætati sunt & convenerunt. Te summi Sacerdotes & principes tradiderunt, & crucifixerunt. Illi qui regere gregem debuerunt per viam salutis, facti sunt loqueus & ruina in præcipitium damnationis aliorum: ex ipsis flamma invidiæ erupit. Per Sacerdotum quippè persuasionem (g) populus dimitti Barabbam, Christum verò crucigi acclamavit: & Pilatus fieri adiudicavit. Ecce quommodò Summi Sacerdotes & principes crucifixerunt Jesum. Linguis utique non manibus ipsum crucifixerunt. Unde dicit David, quia *linguas suas ut gladium acuerunt*. In hoc fortè Judæi minùs reprehensibiles, quàm novi crucifixores, qui manibus & verbis mortem illi accersunt, immortalem mortificant, in crucifigibilem crucifigunt. Quæ ab ipsis in occulto vel etiam in aperto fiunt, turpe est dicere. Ponere vereor os meum in cælum, & non dicam in cænium, & Saül ad purificationem ventris inclinatum occidere: cùm Dominus dicat per Malachiam: *Vos me configitis, gens scili-*

e Ser. 60. in Cant. n. 5. f Ser. in ser. 2. Paschæ num. 11. rom. 6. p. 8. 722.
g Ibidem. num. 10.

scilicet *tota*. Porro videas eos ambulare seorsum
(h) convenire sibi & sedere pariter, moxquè laxare
procaces linguas in detestandum susurrium, Non
veniat anima mea in concilio detrahentium, quo-
niam Deus odit eos, dicente Apostolo: *Detractores*
Deo odibiles. Quam sententiam Deus ipse loquens
in Psalmo, audi quomodo affirmat: *Detrahentem*
inquit, *secretò proximo suo, hunc persequabar*. Nec
mirum (i) cùm id præcipuè vitium charitatem quæ
Deus est, & quidem cæteris vitiis acriùs impugnare
& persequi cognoscatur, quemadmodum vos quo-
que potestis advertere. Omnis qui detrahit, pri-
mùm quidem seipsum prodit vacuum charitate:
deinde quid aliud derrahendo intendit, nisi ut is cui
detrahit, veniat in odium vel contemptum ipsis
apud quos detrahit? Ferit ergo charitatem in om-
nibus qui se audiunt, lingua maledica, & quantum
in se est, necat funditus & extinguit: non solùm au-
tem, sed in absentibus universis, ad quos volans ver-
bum fortè per eos qui præsentés sunt pervenire con-
tigerit. Vides quàm facilè & in brevi ingentem
multitudinem animarum velociter currens sermo
tabe malitiæ hujus inficere possit? Propterea dicit
de talibus Propheticus spiritus: *Quorum os maledi-*
ctione & amaritudine plenum est, veloces pedes eorum
ad effundendum sanguinem. Utique tam veloces,
quàm velociter currit sermo. Unus est qui loquitur,
& unum tantùm verbum profert: & tamen illud
unum verbum uno in momento multitudinis audiē-
tium dum aures inficit, animas interficit. Cor si-
qui-

quidem felle livoris amarum per linguæ instrumentum spargere nisi amara non potest, dicente Domino: *Ex abundantia cordis os loquitur*. Et sunt duæ species pestis hujus. Alii quidem nudè atque irreverenter (uti in buccam venerit) virus evomant detractionis. Alii autem quodam simulatæ verecundiæ fucō conceptam malitiam, quam retinere non possunt, adumbrare conantur. Videas præmitti alta suspiria, sicquè quadam cum gravitate & tarditate, vultu mæsto, dimissis superciliis, & voce plangenti egredi maledictionem: & quidem tantò persuasibiliorem, quantò creditur ab his qui audiunt, corde invito, & magis condolentis affectu quàm malitiosè proferri. Doleo, inquit, vehementer, pro eo quòd diligo eum satis, & nunquam potui de hac re corrigere eum. Et alius ait: Mihi quidem benè compertum fuerat de illo istud, sed per me nunquam innotuisset: at quoniam per alterum patefacta est res, veritatem negare non possum, dolens dico: Revera ita est. Et addit: Grande damnum. Nam aliàs quidem in pluribus valet, cæterùm in hac parte, ut verum fatear, excusari minimè potest.

§ I I.

Caperunt autem Jesum accusare, dicentes. Hunc invenimus subvertentem gentem nostram: & prohibentem tributa dare Cæsari: & dicentem se Christum Regem esse. Introduxit ergo iterùm in prætorium Pilatus, & vacuit Iesum. Iesus autem stetit ante Præsidem, & interrogavit eum Præsides: dicens Tu es Rex Judæorum? Respondit Iesus: A temetipso hoc dicis, an alii dixerunt tibi de me? Respondit

dit Pilatus : Numquid ego Iudæus sum? Genis tua, & Pontifices tui tradiderunt te mihi. Quid fecisti? Respondit Iesus : Regnum meum non est de hoc mundo : si de hoc mundo esset regnum meum, ministri mei utique decertarent, ut non traderer Iudæis. Nunc autem Regnum meum non est hinc : Dixit itaque ei Pilatus : Ergo Rex es tu? Respondit Iesus : Tu dicis quia Rex sum ego, Ego in hoc natus sum, & ad hoc veni in mundum. Luc. 23, Matt. 27. Joan. 18.

Egredimini filie Sion (k) & videte Regem Salomonem, ait Scriptura. Non dicit Ecclesiastem, aut Iditan. Nam & his nominibus appellatus est Rex ille; & significat Jesum Christum nostrum verum Salomonem, qui est *Salomon*, idest, pacificus in exilio: *Ecclesiastes*, idest, concionator in iudicio: *Idida*, idest, dilectus Domini in regno. Ubique Rex. In exilio rector morum, in iudicio discretor meritorum, in regno distributor præmiorum. In exilio mansuetus, in iudicio justus, in regno gloriosus. In exilio amabilis, in iudicio terribilis, in regno admirabilis. Unde [l] Lucas Evangelista ait: *Et dabit illi Dominus Deus sedem David patris sui*. Verba sunt Angeli ad Virginem de Filio promisso, promittentis quod debeat possidere regnum David. Quod de stirpe David duxerit originem Dominus Iesus, nemo dubitat. Quæro autem quomodo dederit ei Deus sedem David patris sui, cum ipse in Hierusalem non regnaverit, quinimo turbis eum volentibus constituere Regem, non acquieverit; sed & ante faciem

ciem Pilati protestatus sit : *Regnum meum non est de hoc mundo* ? Denique quid magnum promittitur ei qui sedet semper Cherubim, (quem Propheta Isajas vidit *sedentem super solium excelsum & elevatum*) sedere in throno David patris sui ? Sed novimus quandam aliam Hierusalem ab ea, quæ nunc est in qua regnavit David, significatam, multò istâ nobilio- rem, multò ditio- rem. Hanc igitur puto hîc fuisse significatam, illo videlicet usu loquendi, quo sæpè re- peris in Scripturis significans poni pro significato. Tunc sanè dedit illi Deus sedem David patris sui, quando *constitutus est Rex ab eo super Sion montem sanctum eius*. Sed hîc Propheta de quo regno dixe- rat, expressiùs aperuisse videtur in eo, quòd non in Sion posuit, sed *super Sion*. Nam ideo fortassis di- ctum est, *super*, quia in Sion quidem regnavit Da- vid, *super Sion* verò regnum est illius de quo di- ctum est ad David : *De fructu ventris tui ponam su- per sedem tuam*. De quo etiam dictum est per Esa- jam Prophetam : *Super solium David, & super re- gnum eius sedebit*, Vides quia ubique reperis, *super*: *Super Sion, super sedem, super solium, super re- gnum*. Dabit ergo ei Dominus Deus sedem David patris sui, non typicam, sed veram; non temporalem, sed æternam; non terrenam, sed cælestem. Cæte- rum (m) venientes ab Oriente Hierosolymam Magi quid dixerint audiamus : *Ubi est qui natus est Rex Ju- dæorum* ? Quàm certa fides, & nihil penitùs hæsi- tans. Non quærunt utrum natus sit: sed fiducialiter loquuntur & interrogant sine dubitatione, ubi sit qui natus est Rex Judæorum. Porro audito nomine

Re-

Regis, Rex Herodes successorem suspicatus expavit. Denique (n) venturas aliquando turbas ut reperent Christum, & eum Regem facerent, fugiens legitur declinasse: postea verò etiam non quæsitus adfuit, ut tanquam Rex Israel susciperetur, & prædicaretur ab eis: quin etiam in hæc ipsa præconia eorum animos (quod dubium non est) excitavit. *Egreßimini igitur (o) filiæ Sion, & videte Regem Salomonem.* Nam ubique Rex est. Licet enim regnum ejus non sit de hoc mundo, tamen Rex est etiam in hoc mundo. Interrogatus siquidem à Pilato: *Ergo Rex es tu?* Ego (inquit Jesus) *in hoc natus sum, & ad hoc veni in mundum.* Princeps ergo est Christus (p) & magnus Princeps, cujus ne ipsi quidem dæmones possunt effugere dominatum. At illorum regnum in seipsis divisum desolabitur. Huius Regnum integrum atque perfectum est: & regni ejus non erit finis. Regnum Dei (q) homines sunt justi. Beati (r) in quibus Jesus regnabit in æternum, quia & ipsi cum eo regnabunt: & regni ejus non erit finis. O quàm gloriosum est regnum illud, in quo Reges congregati sunt, convenerunt in unum, ad laudandum scilicet & glorificandum eum, qui super omnes est Rex regum, & Dominus dominantium. De cujus splendidissima contemplatione fulgebunt justi sicut Sol in regno Patris eorum. O si & mei peccatoris meminerit Jesus in beneplacito populi sui, cùm venerit in regnum suum? Inde est (s) quòd non simpliciter petimus ut *fiat voluntas Domini*, quam in omni-

n Ser. 3. in Dom. Palm. n. 1. o Ser. 2. in Epiph. n. 2. p Ser. 33. diver. n. 7. q Ser. 6. in ultim. Cæna n. 41. rom. 6. pag. 673. r Ser. 4. super missus. n. 2. s Ser. 2. diver. n. 3.

omnibus & per omnia fieri certissimè constat : sed ut fiat sicut in Cælo & terra . Quam nimirum adjunctionem duabus quoque præcedentibus petitionibus nihilominus reor aptandam , ut Patrem nostrum qui in Cælis est, exoremus , quatenus & nomen ejus sanctificetur , & regnum ejus adveniat , & voluntas fiat . Hæc omnia sicut in Cælo , sic & in terra . Alioquin ubi non sanctificatur nomen ejus ? Ubi etiam regnum ejus non venit , quando *in nomine Jesu omne genu flectitur Cælestium , terrestrium , & infernorum* . Scio te quis es , Sanctus Dei , ait etiam ipse malignus spiritus . At longè aliter & dissimili prorsus affectione nomen istud sanctificatur in Cælis , ubi tam innarrabili jucunditate clamatur : *Sanctus , Sanctus , Sanctus Dominus Deus Sabaoth* . Sic & regnat non in terra solùm , verumetiam in gehenna imperium habens vitæ & mortis . Sed omninò dissimiliter regnat in his qui inniti serviunt , & qui voluntariè famulantur .

§. III.

Ego in hoc natus sum , & ad hoc veni in mundum , ut testimonium perhibeam veritati : omnis qui est ex veritate , audit vocem meam . Dicit ei Pilatus : Quid est veritas ? Et cum hoc dixisset , iterum exivit ad Judæos . Joannes cap. 18.

Quid tu Pilate (t) seorsum interrogas Dominum , ut tibi susurret in aure, *quid sit Veritas* ? Multum

tum est ad te: non dabitur Sanctum cani, nec margarita porco. Quære potius fidei gustum, satietatem intelligentiæ interim ne requiras. Meritò re-
 verberata acie protinùs resiliuit, & responsum non
 sustinens egressus est ad Judæos, qui ambulare cape-
 rat in magnis & mirabilibus super se, quid esset Ve-
 ritas percontatus. Non revelatur servo Veritas (u)
 quia servus nescit quid faciat Dominus ejus. Sed
 nec mercenarius rapitur ad contemplandum Verita-
 tem, qui propriam quærit utilitatem. Filio autem
 Pater notam faciet Veritatem suam, quem audit di-
 centem: *Verumtamen non quod ego volo, sed quod*
tu Pater. Denique (x) superbo oculo Veritas non
 videtur, sincero autem patet, Non est quòd se Ve-
 ritas deneget intuendam puro cordi, ac per hoc nec
 eloquendam. Duo quædam in *Intentione* (y) quam
 faciem animæ esse dicimus, necessariè requiruntur,
Res & Causa: idest, quid intendas, & propter quid.
 Et ex his sanè duobus animæ vel decor vel deformi-
 tas judicatur, ut (verbi causâ) anima quæ ambo
 ista recta atque pudica habuerit, illi meritò veraci-
 terquè dicatur: *Pulchræ sunt genæ tuæ sicut turturis*.
 Quæ verò altero horum carverit, non poterit dici
 de ea quòd pulchræ sint genæ ejus sicut turturis, pro-
 pter eam quæ adhuc ex parte erit deformitatem. Mul-
 tò autem minùs illi poterit convenire (z) quæ neutrum
 horum habere laudabile invenitur. At id totum fiet
 planius in exemplis. Si verbi causâ intendat quis ani-
 mæ inquirendæ Veritati, atq; id solo veritatis amore
 nonne is tibi videtur & *Rem & Causam* habere hone-
 stam

O

stam

v Ser. 3. diver. n. 9. x Ser. 62. in Cant. n. 8. y Ser. 40. in Cant. n. 2.
 z Ibidem n. 3.

stam, meritoquè sibi vindicare quod dicitur: *Pulchræ sunt genæ tuæ sicut turturis*: quippè cui in neutra genarum nævus reprehensionis appareat? Quod si minimè quidem Veritatis desiderio, sed aut inanis gloriæ, aut alterius qualiscunque commodi temporalis obtentu in Veritatem intenderit: jam etsi unam genarum videatur habere formosam, non tamen (ut arbitror) dubitabis judicare vel ex parte deformem, cujus alteram faciem causæ turpitudofædaverit. Si autem videris hominem nullis honestis studiis intendentem, sed carnis illecebris irretitum, ventri & iuxuriæ deditum, quales sunt illi quorum Deus venter est, & gloria in confusione eorum qui terrena sapiunt: quid istum, nonne ex utraque parte fædissimum judicabis, in cujus utique intentione & *Res & Causa* reproba invenitur? Ergo intendere non in Deum sed in seculum, sæcularis animæ est, nec ullam prorsus genarum speciosam habentis. Intendere autem quasi in Deum (a) sed non propter Deum, hypocritæ planè animæ est. Cujus & si una facies decora videtur, quòd ad Deum qualicunque intentione respiciat; ipsa tamen simulatio omne decorum in ea exterminat, & magis per totum ingerit fæditatem. Si autem vel solum vel maximè ob vitæ præsentis necessaria ad Deum converterit intentionẽ, non quidem sæce hypocrisis putidam, pusillanimitatis tamen vitio dicimus subobscuram, & minùs acceptam. Porro è contrario intendere in aliud quàm in Deum, tamen propter Deum, non ocium Mariæ, sed Marthæ negotium est. Absit autem ut quæ hujusmodi est, quidquam illam dixe-

dixerim habere deforme, nec tamen ad perfectum affirmaverim pervenisse decoris: quippè quæ adhuc sollicita est & turbatur erga plurima, & non potest terrenorum actuum vel tenui pulvere non respergi. Quem tamen citò facilèquè deterget vel in hora sanctæ dormitionis casta intentio, & bonæ conscientie interrogatio ad Deum. Ergo solùm inquirere Deum propter ipsum solum, hoc planè est utramque *bipartitæ Intentionis* faciem habere pulcherrimam, atque id proprium ac speciale sponsæ, cui metò singulari prærogativa audire conveniat: *Pulchræ sunt genæ tuæ sicut turturis*. Denique (b) quia ipsa quoque Veritatis agnitio in tribus gradibus consistit, ipsos breviter distinguo, Inquirimus namque Veritatem in nobis, in proximis, in sui natura. In *nobis*, nosmetipsos dijudicando. In *proximis*, eorum malis compatiendo. In *sui natura*, mundo corde contemplando. Observa sicut numerum, ita & ordinem. Primò te doceat Veritas ipsa quòd priùs in proximis, quàm in sui debeat inquiri natura. Post hoc accipies cur priùs in te, quàm in proximis inquirere debeas. In numero siquidem beatitudinum, quas suo sermone distinxit Matthæus Evangelista, priùs misericordes quàm mundicordes posuit. Misericordes quippe citò in proximis Veritatem deprehendunt, dum suos affectus in illos extendunt: dum sic per charitatem se illis conformant, ut illorum vel bona vel mala tanquam propria sentiant. Cum infirmis infirmantur, cum scandalizatis uruntur: gaudere cum gaudentibus, flere cum flentibus consueverunt. Hac charitate fraterna cordis acie munda-

ta, Veritatem delectantur in sui contemplari natura, pro cuius amore mala tolerant aliena. Qui verò ita se fratribus non consociant, sed è contrario aut flentibus insultant, aut gaudentibus derogant; dum quod in illis est, in se esse non sentiunt, quia similiter affecti non sunt: veritatem in proximis qualiter deprehendere possunt? Benè namque convenit illis illud vulgare proverbium: *Nescit sanus quid sentiat æger, aut plenus quid patiatur jejunos*. Et æger ægro, & jejunos jejuno quanto propinquiùs tantò familiariùs compatiuntur. Sicut enim pura Veritas non nisi puro corde videtur, sic miseria fratris veriùs misero corde sentitur. Sed ut ob alienam miseriam miserum cor habeas, oportet ut tuam priùs agnoscas: ut proximi mentem in tua invenias, & ex te noveris qualiter illi subvenias, exemplo scilicet Salvatoris, qui pati voluit, ut compati sciret; miser fieri, ut misereri disceret: ut quomodo de ipso scriptum est: *Didicit ex his quæ passus est obedientiam: ita & misericordiam disceret*. Cùm sint itaque [c] tres gradus seu status Veritatis: ad *primum* ascendimus per laborem humilitatis, ad *secundum* per affectum compassionis, ad *tertium* per excessum contemplationis. In primo Veritas reperitur severa, in secundo pia, in tertio pura. Ad primum ratio ducit, quâ nos discutimus: ad secundum affectus perducit, quo aliis miseremur: ad tertium puritas rapit, quâ ad invisibilia sublevamur. Impuris autem non se ostendit Veritas [d] non se credit Sapiencia.

C A P V T I V.

De Secunda accusatione Christi, facta per Judæos,
coram Pilato.

1. Ostenditur, Jesum nihil respondentem Pilato ad falsam accusationem Judæorum docuisse nos, ut ejus humilitatem & mansuetudinem, verecundiam & taciturnitatem imitemur. 2. Ostenditur ignorantiam Judæorum esse culpabilem, graviusquè peccari doctrinæ Christi contemptu, quàm neglectu. Agitur de differentia utriusque. 3. Ostenditur, Jesum ideo se subjecisse potestati Herodis, ut doceret omnem hominem debere esse subiectum utrique potestati, seculari videlicet & Ecclesiasticæ.

§. I.

Pilatus iterum exivit ad Judæos, & dixit eis: Ego nullam invenio in eo causam. At summi Sacerdotes accusabant eum in multis. Et cum accusaretur à principibus Sacerdotum & Senioribus, nihil respondit. Tunc dicit illi Pilatus: Non audis quanta adversum te dicunt testimonio? non respondes quidquam? Vide in quantis te accusant. Jesus autem amplius nihil respondit ei ad ullum verbum, ita ut miraretur Pilatus vehementer. Joan. 18. Mar. 15. Matt. 27.

quidem felle livoris amarum per linguæ instrumentum spargere nisi amara non potest, dicente Domino: *Ex abundantia cordis os loquitur*. Et sunt duæ species pestis hujus. Alii quidem nudè atque irreverenter (uti in buccam venerit) virus evomant detractionis. Alii autem quodam simulatæ verecundiæ fuco conceptam malitiam, quam retinere non possunt, adumbrare conantur. Videas præmitti alta suspiria, sicquè quadam cum gravitate & tarditate, vultu mæsto, dimissis superciliis, & voce plangenti egredi maledictionem: & quidem tantò persuasibiliorem, quantò creditur ab his qui audiunt, corde invito, & magis condolentis affectu quàm malitiosè proferri. Doleo, inquit, vehementer, pro eo quòd diligo eum satis, & nunquam potui de hac re corrigere eum. Et alius ait: Mihi quidem benè compertum fuerat de illo istud, sed per me nunquam innotuisset: at quoniam per alterum patefacta est res, veritatem negare non possum, dolens dico: Revera ita est. Et addit: Grande damnum. Nam aliàs quidem in pluribus valet, cæterùm in hac parte, ut verum fatear, excusari minimè potest.

§ I I.

Cæperunt autem Jesum accusare, dicentes. Hunc invenimus subvertentem gentem nostram: & prohibentem tributa dare Cæsari: & dicentem se Christum Regem esse. Introduxit ergo iterùm in prætorium Pilatus, & vacuit Iesum. Iesus autem stetit ante Præsidem, & interrogavit eum Præses: dicens Tu es Rex Judæorum? Respondit Iesus: A temetipso hoc dicis, an alii dixerunt tibi de me? Respon-
dit

dit Pilatus : Numquid ego Iudæus sum? Genis tua, & Pontifices tui tradiderunt te mihi. Quid fecisti? Respondit Iesus : Regnum meum non est de hoc mundo : si de hoc mundo esset regnum meum, ministri mei utique decertarent, ut non traderer Iudæis. Nunc autem Regnum meum non est hinc. Dixit itaque ei Pilatus : Ergo Rex es tu? Respondit Iesus : Tu dicis quia Rex sum ego, Ego in hoc natus sum, & ad hoc veni in mundum. Luc. 23, Matt. 27. Joan. 18.

Egredimini filie Sion (k) & videte Regem Salamonem, ait Scriptura. Non dicit Ecclesiastem, aut Iditan. Nam & his nominibus appellatus est Rex ille; & significat Jesum Christum nostrum verum Salamonem, qui est Salamon, idest, pacificus in exilio: Ecclesiastes, idest, concionator in iudicio: Idida, idest, dilectus Domini in regno. Ubique Rex. In exilio rector morum, in iudicio discretor meritorum, in regno distributor præmiorum. In exilio mansuetus, in iudicio justus, in regno gloriosus. In exilio amabilis, in iudicio terribilis, in regno admirabilis. Unde [1] Lucas Evangelista ait: Et dabit illi Dominus Deus sedem David patris sui. Verba sunt Angeli ad Virginem de Filio promisso, promittentis quod debeat possidere regnum David. Quod de stirpe David duxerit originem Dominus Iesus, nemo dubitat. Quæro autem quomodo dederit ei Deus sedem David patris sui, cum ipse in Hierusalem non regnaverit, quinimo turbis eum volentibus constituere Regem, non acquieverit; sed & ante faciem

ciem Pilati protestatus sit : *Regnum meum non est de hoc mundo* ? Denique quid magnum promittitur ei qui sedet semper Cherubim, (quem Propheta Isajas vidit *sedentem super solium excelsum & elevatum*) sedere in throno David patris sui ? Sed novimus quandam aliam Hierusalem ab ea, quæ nunc est in qua regnavit David, significatam, multò istâ nobilior, multò ditior. Hanc igitur puto hîc fuisse significatam, illo videlicet usu loquendi, quo sæpè reperis in Scripturis significans poni pro significato. Tunc sanè dedit illi Deus sedem David patris sui, quando *constitutus est Rex ab eo super Sion montem sanctum eius*. Sed hîc Propheta de quo regno dixerat, expressius aperuisse videtur in eo, quod non in Sion posuit, sed *super Sion*. Nam ideo fortassis dictum est, *super*, quia in Sion quidem regnavit David, *super Sion* verò regnum est illius de quo dictum est ad David : *De fructu ventris tui ponam super sedem tuam*. De quo etiam dictum est per Esajam Prophetam : *Super solium David, & super regnum eius sedebit*, Vides quia ubique reperis, *super*: *Super Sion, super sedem, super solium, super regnum*. Dabit ergo ei Dominus Deus sedem David patris sui, non typicam, sed veram; non temporalem, sed æternam; non terrenam, sed cælestem. Cæterum (m) venientes ab Oriente Hierosolymam Magi quid dixerint audiamus : *Ubi est qui natus est Rex Judæorum* ? Quàm certa fides, & nihil penitus hæsitans. Non quærunt utrum natus sit: sed fiducialiter loquuntur & interrogant sine dubitatione, ubi sit qui natus est Rex Judæorum. Porro audito nomine

Re-

Regis, Rex Herodes successorem suspicatus expavit. Denique (n) venturas aliquando turbas ut reperent Christum, & eum Regem facerent, fugiens legitur declinasse: postea verò etiam non quæsitus adfuit, ut tanquam Rex Israel susciperetur, & prædicaretur ab eis: quin etiam in hæc ipsa præconia eorum animos (quod dubium non est) excitavit. *Egredimini igitur (o) filiæ Sion, & videte Regem Salamonem.* Nam ubique Rex est. Licet enim regnum ejus non sit de hoc mundo, tamen Rex est etiam in hoc mundo. Interrogatus siquidem à Pilato: *Ergo Rex es tu?* Ego (inquit Jesus) *in hoc natus sum, & ad hoc veni in mundum.* Princeps ergo est Christus (p) & magnus Princeps, cujus ne ipsi quidem dæmones possunt effugere dominatum. At illorum regnum in seipsis divisum desolabitur. Huius Regnum integrum atque perfectum est: & regni ejus non erit finis. Regnum Dei (q) homines sunt justi. Beati (r) in quibus Jesus regnabit in æternum, quia & ipsi cum eo regnabunt: & regni ejus non erit finis. O quàm gloriosum est regnum illud, in quo Reges congregati sunt, convenerunt in unum, ad laudandum scilicet & glorificandum eum, qui super omnes est Rex regum, & Dominus dominantium. De cujus splendidissima contemplatione fulgebunt justi sicut Sol in regno Patris eorum. O si & mei peccatoris meminerit Jesus in beneplacito populi sui, cùm venerit in regnum suum? Inde est (s) quòd non simpliciter petimus ut *fiat voluntas Domini*, quam in omni-

n Ser. 3. in Dom. Palm. n. 1. o Ser. 2. in Epiph. n. 2. p Ser. 33. diver. n. 7. q Ser. 6. in ultim. Cæna n. 41. tom. 6. pag. 673. r Ser. 4. Super missus. n. 2. s Ser. 2. diver. n. 3.

omnibus & per omnia fieri certissimè constat : sed ut fiat sicut in Cælo & terra . Quam nimirum adjunctionem duabus quoque præcedentibus petitionibus nihilominus reor aptandam , ut Patrem nostrum qui in Cælis est, exoremus , quatenus & nomen ejus sanctificetur , & regnum ejus adveniat , & voluntas fiat . Hæc omnia sicut in Cælo , sic & in terra . Alioquin ubi non sanctificatur nomen ejus ? Ubi etiam regnum ejus non venit , quando *in nomine Jesu omne genu flectitur Cælestium, terrestrium, & infernorum* ? Scio te quis es , Sanctus Dei , ait etiam ipse malignus spiritus . At longè aliter & dissimili prorsus affectione nomen istud sanctificatur in Cælis , ubi tam inenarrabili jucunditate clamatur : *Sanctus , Sanctus, Sanctus Dominus Deus Sabaoth* . Sic & regnat non in terra solùm , verumetiam in gehenna imperium habens vitæ & mortis . Sed omninò dissimiliter regnat in his qui inuiti serviunt , & qui voluntariè famulantur .

§. III.

Ego in hoc natus sum, & ad hoc veni in mundum, ut testimonium perhibeam veritati : omnis qui est ex veritate , audit vocem meam. Dicit ei Pilatus : Quid est veritas ? Et cum hoc dixisset , iterum exiit ad Judæos . Joannes cap. 18.

Quid tu Pilate (t) seorsum interrogas Dominum , ut tibi susurret in aure, *quid sit Veritas* ? Multum

tum est ad te : non dabitur Sanctum cani , nec margarita porco . Quære potiùs fidei gustum , satietatem intelligentiæ interim ne requiras . Meritò reverberata acie protinùs resilivit , & responsum non sustinens egressus est ad Judæos , qui ambulare ceperat in magnis & mirabilibus super se , quid esset Veritas percontatus . Non revelatur servo Veritas (u) quia servus nescit quid faciat Dominus ejus . Sed nec mercenarius rapitur ad contemplan- dum Veritatem , qui propriam quærit utilitatem . Filio autem Pater notam faciet Veritatem suam , quem audit dicentem : *Verumtamen non quod ego volo , sed quod tu Pater* . Denique (x) superbo oculo Veritas non videtur , sincero autem patet , Non est quodd se Veritas deneget intuendam puro cordi , ac per hoc nec eloquendam . Duo quædam in *Intentione* (y) quam faciem animæ esse dicimus , necessariè requiruntur , *Res & Causa* : idest , quid intendas , & propter quid . Et ex his sanè duobus animæ vel decor vel deformitas judicatur , ut (verbi causâ) anima quæ ambo ista recta atque pudica habuerit , illi meritò veraciterquè dicatur : *Pulchræ sunt genæ tuæ sicut turturis* . Quæ verò altero horum carverit , non poterit dici de ea quodd pulchræ sint genæ ejus sicut turturis , propter eam quæ adhuc ex parte erit deformitatem . Multò autem minùs illi poterit convenire (z) quæ neutrum horum habere laudabile invenitur . At id totum fiet planiùs in exemplis . Si verbi causâ intendat quis animam inquirendæ Veritati , atq; id solo veritatis amore nonne is tibi videtur & *Rem & Causam* habere honestam

O

stam

v Ser. 3. diver. n. 9. x Ser. 62. in Cant. n. 8. y Ser. 40. in Cant. n. 2.
z Ibidem n. 3.

stam, meritoquè sibi vindicare quod dicitur: *Pulchræ sunt genæ tuæ sicut turturis*: quippè cui in neutra genarum nævus reprehensionis appareat? Quod si minimè quidem Veritatis desiderio, sed aut inanis gloriæ, aut alterius qualiscunque commodi temporalis obtentu in Veritatem intenderit: jam etsi unam genarum videatur habere formosam, non tamen (ut arbitror) dubitabis judicare vel ex parte deformem, cujus alteram faciem causæ turpitudofædaverit. Si autem videris hominem nullis honestis studiis intendentem, sed carnis illecebris irretitum, ventri & iuxuriæ deditum, quales sunt illi quorum Deus venter est, & gloria in confusione eorum qui terrena sapiunt: quid istum, nonne ex utraque parte fædissimum judicabis, in cujus utique intentione & *Res & Causa* reproba invenitur? Ergo intendere non in Deum sed in seculum, sæcularis animæ est, nec ullam prorsus genarum speciosam habentis. Intendere autem quasi in Deum (a) sed non propter Deum, hypocritæ planè animæ est. Cujus & si una facies decora videtur, quòd ad Deum qualicunque intentione respiciat; ipsa tamen simulatio omne decorum in ea exterminat, & magis per totum ingerit fæditatem. Si autem vel solum vel maximè ob vitæ præsentis necessaria ad Deum converterit intentionẽ, non quidem fæce hypocrisis putidam, pusillanimitatis tamen vitio dicimus subobscuram, & minùs acceptam. Porro è contrario intendere in aliud quàm in Deum, tamen propter Deum, non ocium Mariæ, sed Marthæ negotium est. Absit autem ut quæ hujusmodi est, quidquam illam dixe-

dixerim habere deforme, nec tamen ad perfectum affirmaverim pervenisse decoris: quippè quæ adhuc sollicita est & turbatur erga plurima, & non potest terrenorum actuum vel tenui pulvere non respergi. Quem tamen citò facilèquè deterget vel in hora sanctæ dormitionis casta intentio, & bonæ conscientie interrogatio ad Deum. Ergo solùm inquirere Deum propter ipsum solum, hoc planè est utramque *bipartitæ Intentionis* faciem habere pulcherriam, atque id proprium ac speciale sponsæ, cui metò singulari prærogativa audire conveniat: *Pulchra sunt genæ tuæ sicut turturis*. Denique (b) quia ipsa quoque Veritatis agnitio in tribus gradibus consistit, ipsos breviter distinguo, Inquirimus namque Veritatem in nobis, in proximis, in sui natura. In *nobis*, nosmetipsos dijudicando. In *proximis*, eorum malis compatiendo. In *sui natura*, mundo corde contemplando. Observa sicut numerum, ita & ordinem. Primò te doceat Veritas ipsa quodd prius in proximis, quàm in sui debeat inquiri natura. Post hoc accipies cur prius in te, quàm in proximis inquirere debeas. In numero siquidem beatitudinum, quas suo sermone distinxit Matthæus Evangelista, prius misericordes quàm mundicordes posuit. *Misericordes* quippe citò in proximis Veritatem deprehendunt, dum suos affectus in illos extendunt: dum sic per charitatem se illis conformant, ut illorum vel bona vel mala tanquam propria sentiant. Cum infirmis infirmantur, cum scandalizatis uruntur: gaudere cum gaudentibus, flere cum flentibus consueverunt. Hac charitate fraterna cordis acie munda-

b *Tractat. de grad. humil. cap. 3. n. 6.*

ta, Veritatem delectantur in sui contemplari natura, pro cuius amore mala tolerant aliena. Qui verò ita se fratribus non consociant, sed è contrario aut flentibus insultant, aut gaudentibus derogant; dum quod in illis est, in se esse non sentiunt, quia similiter affecti non sunt: veritatem in proximis qualiter deprehendere possunt? Benè namque convenit illis illud vulgare proverbium: *Nescit sanus quid sentiat æger, aut plenus quid patiatur jejunos*. Et æger ægro, & jejunos jejuno quantò propinquiùs tantò familiariùs compatiuntur. Sicut enim pura Veritas non nisi puro corde videtur, sic miseria fratris veriùs misero corde sentitur. Sed ut ob alienam miseriam miserum cor habeas, oportet ut tuam priùs agnoscas: ut proximi mentem in tua invenias, & ex te noveris qualiter illi subvenias, exemplo scilicet Salvatoris, qui pati voluit, ut compati sciret; miser fieri, ut misereri disceret: ut quomodo! de ipso scriptum est: *Didicit ex his quæ passus est obedientiam: ita & misericordiam disceret*. Cùm sint itaque [c] tres gradus seu status Veritatis: ad *primum* ascendimus per laborem humilitatis, ad *secundum* per affectum compassionis, ad *tertium* per excessum contemplationis. In primo Veritas reperitur severa, in secundo pia, in tertio pura. Ad primum ratio ducit, quâ nos discutimus: ad secundum affectus perducit, quo aliis miseremur: ad tertium puritas rapit, quâ ad invisibilia sublevamur. Impuris autem non se ostendit Veritas [d] non se credit Sapiencia.

CA-

C A P V T I V.

**De Secunda accusatione Christi, facta per Judæos,
coram Pilato.**

- 1. Ostenditur, Jesum nihil respondentem Pilato ad falsam accusationem Judæorum docuisse nos, ut ejus humilitatem & mansuetudinem, verecundiam & taciturnitatem imitemur. 2. Ostenditur ignorantiam Judæorum esse culpabilem, graviusquè peccari doctrinæ Christi contemptu, quàm neglectu. Agitur de differentia utriusque. 3. Ostenditur, Jesum ideo se subjecisse potestati Herodis, ut doceret omnem hominem debere esse subiectum utrique potestati, seculari videlicet & Ecclesiasticæ.*

§. I.

Pilatus iterum exiit ad Judæos, & dixit eis: Ego nullam invenio in eo causam. At summi Sacerdotes accusabant eum in multis. Et cum accusaretur à principibus Sacerdotum & Senioribus, nihil respondit. Tunc dicit illi Pilatus: Non audis quanta adversum te dicuntur testimonia? non respondes quidquam? Vide in quantis te accusant. Jesus autem amplius nihil respondit ei ad ullum verbum, ita ut miraretur Pilatus vehementer. Joan. 18. Mar. 15. Matt. 27.

Filius Dei (a) & Dominus noster Jesus Christus de cælo ad hoc missus est, ut nobis præiret in via virtutum, & legem vitæ & disciplinæ suo nobis exemplo daret, & erudiret nos sicut semetipsum. Et (b) ut omnis sua actio esset nostra lectio, & omnis sua vita esset nostra doctrina. Profectò (c) sanctus ille Emmanuel terris intulit magisterium disciplinæ cælestis, dum supernæ illius Hierusalem quæ est mater nostra, visibilis quædam imago & species decoris ejus per ipsum nobis & in ipso expressa innotuit. Vita Christi (d) vivendi nobis regula extitit, mors à morte redemptio. Illa vitam instruxit, mortem ista destruxit. Omnia proinde (e) quæcunque locutus est, quæcunque operatus est, quæcunque passus est, ne dubitemus fuisse plena Sacramentorum, plena salutis. Cum autem multi falsi testes contra Jesum procederent (f) & in multis mendaciis eum accusarent, ipse tanquam agnus innocens qui ad victimam ducitur, obmutuit: & non apervit os suum, tanquam homo non audiens, & non habens in ore suo redargutiones. Tacebat ore (g) sed instruebat opere: & quod prius docuit verbo, jam clamabat exemplo: *Discite à me, quia mitis sum & humilis corde.* Discite, ait (h) à me, non quòd sobrius, aut castus, aut prudens, aut aliquid hujusmodi: sed quia mitis sum & humilis corde. *A me, inquit, discite.* Non ad doctrinam Patriarcharum, non ad Prophetarum libros ego vos mitto: sed me vobis exemplum, me

a Opusc. Ad quid venisti cap. 24. b Tract. de 3. præcip. myst. cap. 6. n. 12. c Ser. 27. in Cant n. 7. d Exhort. ad milites templi cap. 11. n. 18. e Ser. 4. de Ascens. Dom. n. 2. f Tract. de 3. præcip. myst. cap. 6. n. 13. g Ser. 1. in Epiph. Dom. n. 8. h Tract. de mor. & vit. Episc. cap. 5. n. 11.

me formam humilitatis exhibeo. Inviderunt mihi altitudinem quam habeo apud Patrem, Angelus & Fœmina: ille potentiae, ista scientiae. Vos autem æmulamini charismata meliora, discentes à me quia mitis sum & humilis corde. Profectò collectaneæ sunt humilitas & mansuetudo (i) & in eo confederatæ germaniùs qui dicebat: *Discite à me, quia mitis sum & humilis corde*. Sicut enim mater presumptionis est elatio, sic mansuetudo vera nonnisi ex vera humilitate procedit, Cùm enim boni adolescentuli (k) & mansueti tacendo revereantur Majores suos, nemo solius taciturnitatis hanc laudem putet: quia silentium ipsum (in quo est reliquarum virtutum ocium) maximus actus verecundiae est. Denique si naturale est, aut infantiae deputatur, aut superbiae probro datur: si verecundiae, laudi ducitur. Tacebat in periculis Susanna, gravius verecundiae quàm vitæ damnum putabat, ubi soli loquebatur cui poterat casta verecundia loqui. Fugit & pulcher Joseph, relicta veste in manibus fornicariae: tacensquè celeriter egressus est, qui incongrua suæ verecundiae audiens, non poterat diu stare. Moyse quoque & Hieremias quod poterant per gratiam, excusabant per verecundiã. Tutiùs etenim est discere quàm docere, tacere quàm loqui. Quid autem magis potest verecundiae bonum, quàm ut juniorum ætas magis debeat discere quàm tacere? Pythagoras quippè legē dedit silentij discipulis suis, ut tacentes per quinquennium loqui discerent: & tu non vis tacere, cui virtus silentij propria est? Quid opus est, & adolescens, ut

O

4

pro-

i Ser. i. de Virg. Deip. n. 12. k Traß. de grad. vitæ cap. 4. n. 12. & 14. tom. 5. pag. 458.

properes periculum suscipere loquendo, cum tacendo possis esse tutior? Quam plures vidi loquendo incidisse in peccatum, vix quenquam tacendo. Ideoque tacere nosse quam loqui difficilius est. Scio plerisque loqui, cum tacere nesciant. Rarum est tacere quenquam, cum sibi loqui nihil profit. Sapiens ergo est qui novit tacere. Merito quoque sapiens dicendus est, qui novit tempus loquendi. Unde bene ait Scriptura: *Homo sapiens tacebit usque ad tempus*. Ideo Sancti Domini, qui sciebant quia vox hominis plerumque peccato juncta est, & initium erroris humani sermo est hominis, tacere amabant. Denique sanctus David ait: *Posui ori meo custodiam*. Propheta custodiebat, & tu non custodies? Potes autem custodire, si non citò loquaris. Potes & cum Propheta David dicere: [1] *Proposui custodire vias meas, ut non delinquam in lingua mea*. Quoniam juxta eundem Prophetam: *Vir linguosus non dirigetur super terram*. Et juxta aliam Scripturam: *Mors & vita in manibus linguae*. *Silentium* autem, dicente Esaja, *cultus iustiae est*. Et: *Bonum est expectare* (ut docet Hieremias) *salutare Dei cum silentio*. Est utique silentium irreprehensibile [m] imò & laudabile magis. Est & sermo non bonus. Alioquin non diceret Propheta: *Bonum est homini praestolari cum silentio salutare Dei*. Bonum silentium à jactantia, bonum à blasphemia, bonum à murmure & detractione. *Alius* enim ob laboris magnitudinem & pondus diei exasperatus, animo murmurat; dijudicat eos qui animâ suâ pervigilant, tanquam reddituri utique rationem. Clamor est, sed supra omne silentium clamor iste

iste animi obdurati silere facit : quia audiri non patitur vocem Verbi . *Alius* pusillanimitate spiritûs in expectatione deficit , pessimumquè hoc verbum blasphemiae est , quod nec in hoc seculo remittitur , nec in futuro . *Tertius* in magnis ambulat & mirabilibus super se dicens : Manus nostra excelsa , putans se aliquid esse cùm nihil sit . Quid loqueretur huic qui loquitur pacem ? Dicit enim quia dives sum , & nullius egeo . Porro Veritatis sententia est : *Vae vobis divitibus , quia habetis hinc consolationem vestram . Contra vero : Beati , inquit , qui lugent , quoniam ipsi consolabuntur .* Sileat ergo in nobis lingua maledica , lingua blasphema , lingua magniloqua : quoniam bonum est in hoc triplici silentio salutare Dei praestolari . Imitemur Christum [n] qui sicut agnus coram tondente se obmutuit , & non apervit os suum .

§. I I.

At illi invalescebant , dicentes : Commovet populum docens per universam Judaeam , incipiens à Gallilaea usque huc . Luc. 23.

Judæi non immemores odij (o) quo oderant Patrem , exercent illud in Filium , unde & ipse ait : *Quia oderunt me & Patrem meum .* Domine audivi auditionem tuam (p) & timui : consideravi opera tua , vias tuas , & expavi . Subfannaverunt te subfannatione , dentibus suis super te frenduerunt . Venisti quidem ad oves quæ perierant domûs Israël (q) Divini verbi lampadem extollens palam ad illuminationem

n Ser. 4. de Advent. Dom. n. 7. o Ser. 3. in Circumcis. Dom. n. 1.
p Ser. infer. 2. Paschæ n. 11. q Ser. de Pass. Dom. n. 6.

tionem orbis terræ, & regnum Dei cunctis annuncians obtemperantibus verbo, sermonem sequentibus signis confirmasti: virtutem Divinitatis in cunctis ostendisti malè habentibus, & omnes omnibus gentibus gratias exhibens, quæ saluti peccatorum congruerent, ut omnes lucrifaceres. Sed obscuratum est insipiens cor eorum, Domine, & projecerunt sermones tuos retrorsum: neque attenderunt ad omnia mirabilia tua, Domine, quæ operatus es in eis. Terra cognovit Dominum (r) quia ad vocem virtutis ejus cum clamasset voce magna: *Lazare veni foras*, mortuum redidit. Cognovit mare, quia solidum se præbuit sub pedibus ejus, ita ut Apostoli eum putarent phantasma esse. Cognoscit Ecclesia (s) quæ æmulatur ejus nigredinem passionis, ut decorem perciperet. Sed non cognovit Synagoga, quæ nigredinem illi passionis & infirmitatis improprians: *Alios*, ait, *salvos fecit, seipsum non potest saluum facere*. Multa profectò [t] scienda nesciuntur, aut sciendi incuriâ, aut discendi desidiâ, aut verecundiâ inquirendi. Et quidem hujusmodi ignorantia non habet excusationem. Sed numquid fortè tale est hoc, quod inquisitû humano possit addisci magisterio? Homo hominis nisi ipso indicante non intelligit cogitatum: quantò minùs Divinum quis poterit investigare consilium, nisi cui ipse voluerit revelare? Audi denique ipsum: *Si non venissem, ait, & locutus eis non fuisset, peccatum non haberent*. Non dicit simpliciter, & locutus non fuisset, sed interserens, eis: *Et locutus eis, inquit, non fuisset*.
osten-

r Ser. 1. de Ascens. Dom. n. 1. s Ser. 28. in Cant. n. 10. t Tract. ad Hugon. cap. 1. n. 3.

ostendens sine dubio non ante censeretur inexcusabiles de contemptu, quàm ad ipsorum usque notitiam jussio perveniret. Nam si locutus quidem fuisset, sed non eis, inobedientiæ culpam ignorantia nihilominus excusaret. *Nunc autem*, inquit, *quoniam locutus sum eis, excusationem non habent de peccato suo*. Unde & aiebat: *Ego palàm locutus sum mundo, & in occulto locutus sum nihil*. Non quòd suos domesticos multa in occulto privatimquè non docuerit; sed quòd tanquam nihilum interim reputaret, & nec pœnam nec præmium ea augere quæ in secreto tradebat judicaret, donec de medio fierent, & prodirent in lumine. Denique & dicebat: *Quod dico vobis in tenebris, dicite in lumine*: ut meritò videlicet jam audientibus obedientiæ vel meritum adscriberet vel contemptum, cùm in medium proferrentur. Item: *Qui vos audit, inquit, me audit, & qui vos spernit, me spernit*. Ac si diceret: Judicium meum inter obedientes & contemnentes, non de mea secreta traditione, sed de vestra publica prædicatione pendeat. Licet namque [u] ipsa per se iniuncti operis qualitas innoxia sit: adjunctæ tamen auctoritatis pondus obnoxium mandato, mandatumquè peccato obnoxium facit, non magno tamen si contemptus defuerit. Hæc ergo generalis regula sit universorum (x) quæ per se aut propter se nec bona nec mala sunt, aut Divina institutione, aut propria cujusque professione fixa non sunt, ut non jussa quidem licitè utrumlibet vel admittantur vel omittantur: jussa verò sine culpa non negligantur, sine crimine non

con-

contemnantur. Ubique enim & culpabilis neglectus, & contemptus damnabilis est. Differunt autem, quod neglectus quidem languor inertiae est, contemptus verò superbiae tumor. Porro contemptus in omni specie mandatorum pari pondere gravis, & communiter damnabilis est: neglectus autem in fixis gravior, tolerabilior in mobilibus mandatis. Siquidem adulterium quocunque modo, quocunque perpetres animo, turpe flagitium est, ac criminale peccatum: cum tamen leve verbum in tempore vel loco silentii fortè per oblivionem subreptum, risu suè per impetum magis excussus quàm præsumptus contra præceptum (quod utique animi negligentis, aut dissoluti spiritus indicium est) eò facillimè veniam promeretur, quod vix vel peccatum reputatur. Quid cum scienter vel ex deliberatione in verba ociosa, silentio licet non indicto, lingua laxatur? numquid hoc tamen neget quispiam usurpari contra regulam veritatis? Unde nimirum & ratio exigenda est in futuro iudicio: Iudice ipso terrificè admodum comminante, quia de omni verbo ocioso reddent homines rationem in die iudicii. Multi sunt (y) qui se de infirmitate vel ignorantia tegunt ad excusandas excusationes in peccatis. Sed frustra sibi de infirmitate vel ignorantia blandiuntur, qui ut liberiùs peccent, libenter ignorant, vel infirmantur. Putas primo homini profuit, licet non libenter peccavit, quod se per uxorem tanquam per carnis infirmitatem defendit? Aut primi Martytis lapidatores, quoniam aures suas continuerunt, per ignorantiam excusabiles erunt? Unde Stephanus ad homi-

homicidas (z) ad legis adulteros, ad crucifixores Filii Dei Patris loquitur, genti peccatrici in Ægypto, populo gravi iniquitate in deserto, semini nequam in terra promissionis, filiis sceleratis in morte Salvatoris: *Dura*, inquit, *cervice & incircumcisi corde & auribus*, vos semper Spiritui Sancto resististis. Propterea (a) viri Ninivitæ consurgent contra vos in iudicio, propterea ipsi iudices vestri erunt: quia Prophetæ Jonæ obtemperaverunt, vos nec Domino Prophetarum. Et ipse Dominus (b) ait per Prophetam: *Perditio tua Israël ex te tantum in me auxilium tuum*. Quasi diceret: Ut pereas, imputa tuo merito: ut salveris, meo auxilio. Denique (c) ipsa Sapientia prædicit, quæ mentiri omnino non potest: *Quia vocavi & renuistis: extendi manum meam, & non fuit qui aspiceret*. Et post pauca: *Ego quoque in interitu vestro ridebo, & subsannabo cum vobis quod timebatis adveniret, cum irruerit repentina calamitas, & interitus quasi tempestas ingruerit*. Quid ergo in insipientium interitu Sapientiæ credimus placitum, nisi iustissimam suam dispositionem, & irreprehensibilem ordinem rerum? Sanè quod Sapientiæ tunc placebit, sapientibus quoque placeat necesse est universis.

§. III.

Pilatus autem audiens Galilæam, interrogavit si homo Galilæus esset Jesus. Et ut cognovit quod de Hero-

z. Ser. de S. Steph. n. 2. tom. 6. pag. 627. a. Ser. 1. in die Paschæ. n. 11. b. Tract. de interior. domo cap. 25. n. 57. c. Ser. 8. super Psal. 90. num. 10.

Herodis potestate esset, remisit eum ad Herodem; qui & ipse Jerosolymis erat illis diebus Luc. 23.

Christus iussit (d) & gessit. *Reddite (ait) quæ sunt Cæsaris, Cæsari: & quæ sunt Dei, Deo.* Quod ore locutus est, mox opere implere curavit. Conditor Cæsaris, Cæsari non cunctatus est reddere censum. Exemplum enim dedit vobis, ut & vos ita faciatis. Quando verò Dei Sacerdotibus debitam negaret reverentiam, qui hanc secularibus quoque potestatibus exhibere curavit? Secularior nemo Pilato (e) cui Dominus astitit iudicandus: *Non haberes, inquit, in me potestatem, nisi tibi data esset de super.* Jam tunc per se loquebatur, & in se experiebatur quod post per Apostolos clamavit in Ecclesiis: *Non est potestas nisi à Deo: & qui resistit potestati, Dei ordinationi resistit.* Ergo (f) non debemus cōtemnere potestates siue mundi sint siue Ecclesiæ, quia omnes à Deo ordinatæ sunt. Non autem te moveat magister imperitus (g) indiscreta potestas, sed memento quia non est potestas nisi à Deo: & qui resistit potestati, resistit Dei ordinationi. Quando namque (h) per inobedientiā Prælati nostris contradicimus, Deo injuriam facimus. Quando per superbiam & inobedientiam Prælati nostris rebelles sumus, contra Dei præcepta facimus. Quando Prælati nostris contumaces sumus atque inobedientes, Deum contemnimus, qui dicit: *Qui vos audit, me audit; id est, qui vobis est obediens, mihi obediens est: & qui vos despicit, me*

d *Tract. de off. & mor. Episc. cap. 8. n. 31.* e *Ibidem cap. 9. n. 35.*

f *Tract. de modo bene vivendi. cap. 19. n. 55.* g *Ser. 14. diver. num. 3.*

h *Tract. de modo bene vivendi. cap. 19. n. 55.*

me despicit . Ergo qui Prælatum suum despicit ,
 Deum despicit : & qui Prælatum suum honorat ,
 Deum honorat : & qui obediens est Prælato suo, obe-
 diens est Deo . Hanc virtutem scilicet obedientiam
 laudat Samuël Propheta dicens : *Melior est obedien-
 tia, quàm sacrificium: & obedire magis quàm offerre
 adipem arietum: quoniam quasi peccatum ariolandi est
 repugnare , & quasi scelus idololatriæ nolle acquie-
 scere: id est, nolle obedire .* Maria soror Aaron quia
 per superbiam & inobedientiam murmuravit contra
 Moysen fratrem suum , & statim percussa est leprâ .
 Maria quæ contra Moysen fratrem suum, idest, Præ-
 latum murmuravit per inobedientiam & rebel-
 lionem, significat animam cujuslibet hominis qui
 murmurat contra Prælatum suum, cui non vult obe-
 dire, nec præcepta salutis accipere . Et quia non
 vult per obedientiam præcepta sui Prælati suscipere,
 leprâ peccatorum percutitur atque fædatur . Etiam
 Core , Dathan , & Abiron , qui contra Moysen &
 Aaron per superbiam & contumeliam atque inobe-
 dientiam insurrexerant , statim pro sua præsumptio-
 ne pænas sustinuerunt , sicut scriptum est in Psalmo :
*Aperta est terra, & deglutiuit Dathan, & oportuit su-
 per congregationem Abiron .* Et iterum : *Exarsit ignis
 in Synagoga eorum , flamma combussit peccatores .*
 Nam & Ozias Rex , cùm per superbiam & inobe-
 dientiam atque contumaciam Thuribulum accepis-
 set , & contra legem Dei sacrificare voluisset , à
 Deo est leprâ percussus , atque maculatus in fronte .
 Nam & Saül Rex quia inobediens fuit , regnum
 perdidit , & in manibus inimicorum suorum cecidit .
 Etiam Jonas Propheta per inobedientiam fugit , &
 eum

eum piscis absorbuit, atque in profundum maris misit. Cavendum est igitur nobis, ne contra Prælatos nostros per inobedientiam audeamus insurgere: ne Dominus per eos velit nos, quia vice sua funguntur, asperè visitare. Pro salute nostra posuit Deus Prælatos in Ecclesia (i) ut nobis provideant, ut Deo pro nobis rationem reddant, atque nos ne mala faciamus custodiant. Unde Paulus Apostolus ait: *Obedite Præpositis vestris, & subiaceite eis: ipsi enim pervigilant quasi rationem reddituri pro animabus vestris.* Prælati debent custodire ac regere gregem Dominicum cum magna vigilantia ac sollicitudine, de quibus in canticis Canticorum legitur: *Lectulum Salamonis sexaginta fortes ambiunt ex fortissimis Israël, omnes tenentes gladios, & ad bella doctissimi: uniuscuiusque ensis super femur suum, propter timores nocturnos.* Verus Salamon Christus esse intelligitur, quia revera pacificus est, qui pacem inter Deum & hominem reformavit. *Lectulus* verò Salamonis Congregatio est fidei, in qua Deus habitat & quiescit. *Lectulum* verò *Salamonis sexaginta fortes ambiunt*, scilicet Prælati, qui defendendo, castigando, increpando, admonendo, circumeunt & custodiunt Ecclesiam Dei contra vitia, & contra inimicos visibiles atque invisibiles. Qui ideo *fortes* esse dicuntur, quia Prælati sanctæ Ecclesiæ perfecti sunt in observatione mandatorum Dei. *Omnes tenentes gladios*, id est, spirituale verbum, quia prædicando vitia subditorum debent reprimere. *Ad bella sunt doctissimi*, quia necesse est ut ad bella spiritualia sint instructi. *Uniuscuiusque ensis super femur suum*: Prælati sanctæ Ecclesiæ super femur

murenſes tenent, quia priùs in ſe, & tunc in ſibi ſubjectis vitia debent reſecare. Et hæc omnia faciunt *propter timores nocturnos*, ideſt, propter occultas inſidias malignorum ſpirituum, qui in nocte huius ſæculi maximè inſidiantur ſanctis Prælatiſ: ut illis deceptis, lectulum Salamonis, ideſt, congregationem Servorum Dei ſædare ac maculare poſſint. Si enim tentatio eſt cujuſcunque hominis vita ſuper terram, (k) quantis putatis periculis patet vita Prælati, cui omnium neceſſe eſt ferre tentationes? Si ego latens in caverna, & quaſi ſub modio non quidem lucens ſed fumigans, ventorum tamen impetus nec ſic declinare ſufficio, ſed continvis tentationum variisquè fatigatus impulſibus, inſtar vento agitatæ arundinis hac illacquè circumferor: quid poſitus ſupra montem, poſitus ſupra candelabrum? Solus mihi ſervandus, ſolus tamen ipſe mihi ſum ſcandalo, ſolus tædio, ſolus oneri atque periculo, ita ut propriæ gulæ & ventri & oculo ſcandalizanti frequenter irasci oporteat: quibus ergo moleſtiis angitur Prælatus, quibus laceſſitur iujiuriis, cui etiam eſſi propria ceſſent, nunquam tamen de alienis deſunt foris pugnæ, intùs timores?

C A P U T V.

De geſtis coram Herode Rege, commorante tunc Jeruſolymis.

Herodes viſo Jeſu, gaviſus eſt valdè, eò quòd ſperabat ſignum aliquod videre ab eo fieri. *Luc. 23.*

P

I. Oſten-

1. Ostenditur multipliciter accipi signam in sacra Scriptura. Herodes non aliud signum voluit videre, nisi ut ipsi revelasset seipsum Christus: sed ob malam voluntatem non fuit dignus cognoscere illum.
2. Ostenditur, Jesum ideo nihil respondiſſe Herodi, quia sciebat illum nullum fructum fidei relaturum ex suis responsis: hunc tamen fructum multi credentes in Iesum retulerunt post ejus resurrectionem.
3. Ostenditur, Herodem ideo sprevisse & illuſiſſe Iesum, quia vidit eum tantum foris eſſe nigrum absque specie & decore secundum humanitatem, non autem intus speciosum secundum Divinitatem. Agitur de nigredine simul & pulchritudine Christi. Nigredo designat passionem & infirmitatem ejus, pulchritudo majestatem Divinitatis.

§. I I.

Herodes viſo Ieſu, gaviſus eſt valde. Erat enim cupiens ex multo tempore videre eum, eo quod audierat multa de eo: & ſperabat ſignum aliquod videre ab eo fieri. Luc. 23.

ETſi non latuit Sanctos Patres ante adventum Salvatoris (a) Deum ſuper mortalium genus cogitare cogitationes pacis: nec enim faceret verbum ſuper terram, quod non revelaret ſervis ſuis Prophetis. Erat tamen verbum hoc abſconditum à multis. Fuit namque in tempore illo rara fides in terris, & tenuis admodum ſpes in pluribus quoque illorum, qui expectabant redemptionem Iſraël. Qui
verò

verò præsciebant, ipsi & prædicebant Christum in carne venturum, & cum ipso pacem. Unde quidam eorum: *Et pax erit*, inquit, *in terra nostra cum venerit*. Cæterum illis prænunciantibus pacem, moram autem faciente auctore pacis; nutabat populi fides, dum non erat qui redimeret, neque qui salvum faceret. Itaque causabantur homines moras, quòd ille toties nunciatus necdum veniret Princeps pacis, sicut locutus fuerat per os Sanctorum qui à sæculo sunt Prophetarum ejus: & suspectas habentes promissiones, signum promissæ reconciliationis (quod est osculum) flagitabant. Ac si nunciis pacis unus quilibet responderet de populo: Quousque tollitis animas nostras? Jam olim prædicitis pacem, & non venit: promittitis bona, & ad huc turbatio. Ecce hoc ipsum multifariè multisquè modis & Angeli Patribus, & Patres nostri annuntiaverunt nobis dicentes: *Pax, pax: & non est pax*. Si mihi vult esse persuasum Deus, quod de suæ beneplacito voluntatis tam crebra jam legatione spondet nec exhibet: *Osculetur me osculo oris sui*, sicquè in signo pacis faciat de pace securum. Ne ergo universum genus humanum moram faciente Christo (b) desperatione periret, dum se contemni suspicaretur infirma mortalitas, suæquè reconciliationis cum Deo de gratia toties repromissa diffideret: Sancti Patres qui de spiritu certi erant, certitudinem de carnis præsentia exoptabant, ac signum reformandæ pacis propter pusillanimes & incredulos omni instantia requirebant. *O radix Jesse, qui stat in signam populorum*, quàm multi Reges & Prophetæ voluerunt te videre, & non

^b *Ibidem num. 6. & 7.*

viderunt ! Fœlix tamen ex omnibus Simeon , cujus senectus in misericordia uberi . Is nempe exultavit ut videret desiderii signum , & vidit & gavissus est : acceptoque osculo pacis in pace dimittitur ; ante tamen apertè pronuncians Iesum esse natum in signum cui contradicendum erat . Omnino ita fuit . Contradictum est exorto signo pacis , sed ab his qui oderunt pacem . Nam pax hominibus bonæ voluntatis , malevolis autem petra scandali , & lapis offensionis . Herodes denique turbatus est , & omnis Hierosolyma cum illo . Siquidem in propria venit , & sui eum non receperunt . Felices illi in sua pernoctatione pastores , qui signi hujus visione digni habiti sunt . Sic enim Angelus ad pastores ait : *Et hoc vobis signum* : vobis humilibus , vobis obedientibus , vobis non alta sapientibus , vobis vigilantibus , & in lege Dei meditantibus die ac nocte . *Hoc* , inquit , *vobis signum* . Quod ? Quod Angeli promittebant , quod populi requirebant , quod Prophetæ prædixerant , hoc fecit Dominus nunc , & ostendit vobis : in quo recipiant fidem increduli , pusillanimes spem , perfecti securitatem . Hoc ergo vobis signum . Cujus rei signum ? Indulgentiæ , gratiæ , pacis , & pacis cujus non erit finis . Hoc est ergo signum . *Invenietis infantem pannis quidem involutum , & positum in præsepio* : Deus est tamen in ipso mundum reconcilians sibi . Morietur propter peccata vestra , & resurget propter justificationem vestram , ut justificati perfidem , pacem habeatis ad Deum . Hoc signum pacis (c) Propheta Esajas quondam Regi Achas proponebat petendum à Domino Deo suo sive in excel-

so-

so suprà, sive in inferno deorsùm. Sed impius Rex recusavit, non credens miser quòd in signo hoc imasuminis in pace socienda essent: quatenùs & inferi Domino descendente salutati, in osculo sancto signum pacis & ipsi recipiant, & superni Spiritus idipsum nihilominùs cùm ad cœlos redierit, æterna suavitate participant. Audivimus suadentem Regi Achas Esajam (d) petere signum à Domino sive in profundum inferni, sive in excelsum supra. Audiamus responsionem ejus, formam quidem habentem pietatis, sed non virtutem. Propter hoc denique ab eo qui intuetur cor, & cui confitetur hominis cogitatio, meruit reprobari. *Non petam, inquit, & non tentabo Dominum*. Elatus erat Achas fastigio solii regalis, astutus humanæ sapientiæ verbis. Audierat igitur Esajas à Domino: *Vade, dic vulpi illi, petat sibi signum à Domino in profundum*. Habet enim vùlpes foveam: sed in infernum quoq; si descenderit, adest qui comprehendat sapientes in astutia sua. Item: *Vade, ait Dominus, dic volucris isti, petat sibi signum in excelsum supra*. Habet enim volucris nidum: sed etsi in cœlum ascenderit, illic est qui superbis resistens propriâ calcatur virtute superborum & sublimium colla. Verumtamen dissimulat ille potestatis excelsæ, seu incomprehensibilis profunditatis sapientiæ quærere signum: & propterea signum bonitatis & charitatis domui David ipse Dominus promisit, ut quos nec potestas nec sapiëntia terruit, alliceret saltē exhibitio charitatis. Felices autem illi in sua pernoctatione pastores (e) qui signi hujus visione digni habiti sunt. Iam tunc se abscondebat à sa-

piens & prudentibus, & revelabat parvulis. Et Herodes videre voluit: sed quia non bona voluntate, non meruit. Pacis siquidē signum erat, datum tantūm hominibus bonæ voluntatis. Hærodi verò & similibus ejus non dabitur nisi signum Jonæ Prophetæ. Egreditur Jonas de ventre Ceti (f) Christus de corde terræ tertia die procedit: nisi quòd manifestè plusquam Jonas hic, qui semetipsum viriliter & ab ipso utero mortis eduxit.

§. I I.

Stabant autem principes Sacerdotum & scribæ constanter accusantes Jesum. Interrogabat autem eum Herodes multis sermonibus. At ipse nihil respondebat. Luc. 23.

Dominus Jesus tacebat in passione (g) & in multis interrogatus non respondebat, factus (juxta Prophetam) sicut homo non audiens, & non habens in ore suo redargutiones: sciens tempus putationis nondum advenisse, nec responsuram prorsus vineam suam impensis laboribus; idest, nec fidei nec boni operis fructum aliquem relaturam. Quare? quia hyems erat in cordibus perfidorum Judæorum: & hyemales quidam malitiæ imbres occupaverant terram, jacta semina verbi suffocare quàm fovere paratiores, sed & cultui vinearum omnem nihilominus impendendam operam frustraturi. Quos vos me nunc putatis (h) dicere imbres? Istosne quos vide-

f Serm. 1. in die Pasche. num. 11. g Serm. 58. in Cant. num. 6.
h Ibidem num. 7.

demus currentes per aëra nubes turbulento spiritu spargere super terram? Non est ita. Sed quos de terra in aërem sursum ferunt homines turbulenti spiritus, ponentes in cœlum os suum, & lingua eorum transiens in terram, tanquam pluvia amarissima terram ipsam palustrem ac sterilem facit, & tam plantis quam satis inutilem, non quidem his visibilibus atque corporeis ad nostros utique corporeos usus datis, de quibus nulla planè, sicut nec de bobus cura est Deo. Sed quibus? Profectò quæ sevit & plantavit Dei manus & non hominis, quæ & vel germinare, vel radicari in fide & charitate poterant, & fructus parturire salutis, si bonis & temporaneis imbribus rigarentur. Væ nubibus pluentibus istiusmodi imbres super eas qui lutum faciant, fructum non afferant. Nam sicut sunt & bonæ & malæ arbores ferentes quæque fructus pro sui dissimilitudine differentes, bonæ videlicet bonos, & malæ malos: ita & arbitror nubes & bonas quæ bonos, & malas quæ malos pluant imbres. Et vide ne fortè innueret nobis hanc nubium imbriumquè differentiam qui dicebat: *Mandabo nubibus meis ne pluant super eam imbrem*: haud dubium quin super vineam. Cur putas adjunxisse signanter, *meis*, nisi quia sunt & malæ nubes, quæ non sunt ejus? *Tolle, tolle* (inquiunt) *crucifige eum*. O nubes violentas & turbidas! O torrentem iniquitatis, evertere magis quam fecundare idoneum! Nec minùs malus minusvè amarus minori licet impetu proruens imber ille qui subsecutus est: *Alios salvos fecit, seipsum non potest saluum facere? Christus Rex Israël descendat nunc de cruce, & credimus ei*. Porro Philosophorum ventosa loqua-

citas non bonus imber est, qui sterilitatem magis intulit terris quàm fertilitatem. Multò magis prava dogmata hæreticorum mali imbres sunt, quæ pro fructibus spinas producunt & tribulos. Mali imbres sunt traditiones Phariseorum quos Salvator redarguit, & ipsi nubes malæ. Et nisi existimes me iniuriam facere Moyfi, nam bona nubes est illa, non omne quod pluit vel ipsa bonum tamen dicam, ne illi contradicam qui ait: *Dedi illis, idest Judæis, præcepta non bona* (haud dubium quin per Moysen) *& justificationes in quibus non vivent*. Literalis illa (verbi causâ) observatio Sabbathi sonantis requiem non donantis, indictus sacrificiorum ritus, interdictus porcinæ carnis esus, nonnullorumquè similium quæ immunda à Moysse censentur, pluvia est hoc totum ex illa nube descendens, sed nolo in agrum vel hortum meum quandoque descendat. Donec ergo (i) istiusmodi aquæ pestilentes occupaverunt terram, & invaluerunt super eam, tempus suum vineæ non habuerunt, nec fuit quòd Sponsa invitaretur ad putandas vineas. Cæterùm illis decurrentibus terra apparuit arida, & flores apparuerunt in ea, significantes tempus putationis adesse. Quæris quando hoc fuit? Quando putas, nisi cùm reffloruit caro Christi in resurrectione? Et hic primus & maximus flos qui apparuit in terta nostra, nam primitiæ dormientium Christus. Is quidem flos apparuit primus, sed non solus. Nam & multa corpora sanctorum qui dormierant, pariter surrexerunt, qui veluti quidam lucidissimi flores simul apparuerunt in terra nostra. Denique venerunt in sanctam

Etiam civitatem, & apparuerunt multis. Flores etiam fuerunt qui primi crediderunt de populo, primitiæ Sanctorum. Flores eorum sunt miracula instar florum producentia fructum fidei. Nam postquam ille infidelitatis imber aliquantulum vel ex parte abiit & recessit, secuta mox est pluvia voluntaria quam segregavit Deus hæreditati suæ, & flores apparere cæperunt. Dominus dedit benignitatem, & terra nostra dedit flores suos: ita ut una die tria millia, in alia quinque millia de populo crederent, adeo in brevi crevit florum numerus, idest, credentium multitudo. Et non potuit gelu malitiæ prævalere adversus flores qui apparebant, nec præripere (ut assolet) fructum vitæ quam promittebant. Nam cum omnes qui crediderant, induerentur virtute ex alto, surrexerunt ex eis homines qui minas hominum contempserunt, fortes in fide: passi sunt quidem quàm plurimos contradictores, sed non cessarunt, neque subterfugerunt quominus & facerent & annuntiarent opera Dei. Nam juxta illud in Psalmo spiritualiter quidem *& seminaverunt agros, & plantaverunt vineas, & fecerunt fructum natiuitatis*. Processu temporis tempestas sedata est (k) & pace reddita terris, creverunt vineæ & propagatæ & dilatatæ sunt, & multiplicatæ super numerum. Et tunc demùm Sponsa ad vineas invitatur, non quidem ad plantandum, sed ad putandum quod plantatum jam erat. Opportunè quidem, nam id opus pacis tempus requirebat.

§. III.

Sprevit autem Jesum Herodes cum exercitu suo, & illudit indutum veste alba, & remisit ad Pilatum. Et facti sunt amici Herodes & Pilatus in ipsa die: nam antea inimici erant adinvicem. Luc. 23.

Christus in uniuersali hominum miseria (l) pressius & profundius se immergit, ne subtilis ille diaboli oculus magnum pietatis deprehenderet Sacramentum. Ideo habitu & omni habitu inventus est ut homo: nec in eo quantum ad naturæ debitum, signum aliquod singularitatis apparuit. Quia enim inventus est, ideo crucifixus est. Paucis autem revelavit seipsum, ut essent qui crederent: reliquis autem absconditus est. Quia si cognovissent, nunquam Dominum gloriæ crucifixissent. Non cognovit Herodes (m) & idcirco despexit. Contemnat Herodes (n) ego tantò magis non contemno, tantò magis contemptibilem se ostendit Herodi. Agnosco pellem Salamonis (o) imò ipsum in pelle foris nigra Salamonem Jesum amplector. Habet & Salamon ingredinem, sed in pelle. Foris niger, in cute niger, non intus. Alioquin omnis gloria ejus filiae Regis ab intus. Intus Divinitatis candor, decor virtutum, splendor gloriæ, innocentiae puritas: sed tetigit hæc despicabilior infirmitatis color, & quasi absconditus vultus ejus & despectus, dum tentaretur per omnia pro similitudine absq; peccato. Agnosco

*l Ser. in ser. 4. hebdom. san. nu. 10. m Ser. 28. in Cant. num. 10
n Ser. 61. in Cant. nu. 6. o Ser. 28. in Cant. nu. 2.*

scō denigratæ formam naturæ . Agnosco tunicas illas pelliceas Protoplastorum peccantium habitum . Denique semetipsum denigravit , formam servi accipiens , in similitudinem hominum factus , & habitu inventus ut homo . Exinanivit semetipsum (p) formam servi accipiens . Filius Dei erat : & factus est tanquam servus . Non solum formam servi accepit , ut subesset : sed etiam servi , ut vapularet : & servi peccati , ut pœnam solveret , cū culpam non haberet . Quàm mihi decorus es Domine mi (q) in ipsa tui hujus positione decoris . Etenim ubi te exinanivisti , ubi naturalibus radiis lumen indeficiens exuisti : ibi pietas magis emicuit , ibi charitas plùs effulsit , ibi ampliùs gratia radiavit . Agnosco sub pelle hædi (r) qui peccatum significat , & manum quæ peccatum non fecit , & collum per quod mali cogitatio non transivit . Ideoque non est inventus dolus in ore ejus . Novi quod sis lenis naturà , mitis & humilis corde , blandus aspectu , suavis spiritu : & quidem unctus oleo lætitiæ præ consortibus tuis . Unde ergo nunc instar Esaü pilosus & hispidus ? Cujusnam rugosa & tetra imago hæc ? & unde hi pili ? Mei sunt , nam pilosæ manus similitudinem proximi exprimunt peccatoris . Unde Apostolus (s) inquit : *In similitudinem hominum factus* , non hominis : quia primus homo nec in carne peccati , nec in similitudine carnis peccati creatus est . Meam proinde ad hoc induit formam (t) ut suscipiat causam . Quippe disciplina pacis nostræ super eum , dicente Propheta Esaja : *Ecce Domi-*

p Ser. in ser. 4. heb. d. san. nam. 10. q Ser. 45. in Cant. nam. 9.
r Ser. 28. in Cant. nn. 2. s Ser. in ser. 4. heb. d. san. nam. 10.
t Ser. 28. in Cant. nn. 3.

*Dominus in eo posuit iniquitatem omnium nostrorum. Unde debuit fratribus per omnia similari (sicut ait Apostolus) ut misericors fieret. Propterea vox quidem, vox Jacob: manus autem, manus sunt Esaï. Suum est quod auditur ex eo: quod in eo videtur, nostrum. Quod loquitur, spiritus & vita est: quod apparet, mortale & mors. Aliud cernitur, & aliud creditur. Nigrum sensus renunciat, fides candidum & formosum probat. Niger est, sed oculis insipientium: nam fidelium mentibus formosus valdè. Niger est, sed formosus. Niger reputatione Herodis, formosus confessione Latronis, Centurionis fide. Siquidem (u) absque specie & decore vidit eum & sprexit Herodes. Niger planè (x) cui non erat species neque decor. Niger, quia vermis & non homo, opprobrium hominum, & abiectio plebis. Denique seipsum fecit peccatum, & nigrum dicere vereant. Intuere sanè pannis sordidum, plagis lividum, illitum sputis, pallidum morte, & nigrum vel tunc profectò fatebere. Splendor & figura substantiæ Dei (y) obnubilatur in forma servi pro vita servi. Candor vitæ æternæ nigrescit in carne pro carne purganda. Nigredo est (z) sed forma & similitudo Domini. Vade ad sanctum Esajam, & describet tibi qualem in spiritu illum viderit. Quem namque alium dicit *Virum doloris & scientem infirmitatem*, & quia non erat ei species neque decor? Et addit: *Nos putavimus eum tanquam leprosum, & percussum à Deo & humiliatum*. Ecce unde niger. Junge & illud Sancti David: *Speciosus formâ præ filiis hominum,**

&

u Serm. 1. de verb. Esa. num. 1. x Serm. 25. in Cant. num. 8.
y Serm. 28. in Cant. num. 1. z Serm. 25. in Cant. num. 9.

& habes totum in Sponso Jesu . Percunctare etiam Apostolos (a) eundem ipsum qualem in monte Thabor perspexerint , aut certè Angelos in qualem prospicere concupiscunt , & nihilominùs formosum mirabere . Ergo formosus in se , niger propter te . Quàm formosum & in mea forma te agnosco Domine Jesu , non ob divina tantùm quibus effulges miracula , sed & propter veritatem & mansuetudinem & justitiam . Beatus qui te in his hominem inter homines conversantem diligenter observans , seipsum præbet pro viribus imitatore tuum . Ad hoc utique facta sunt hujusmodi [b] ut his omnibus configuretur & conformetur vita Christiani . Qui enim tanquam membrum Christi dicit se in Christo manere , debet sicut ille ambulavit , & ipse ambulare . Habeamus ergo eorum [c] quæ contemptibilia Christo sunt illata , continuam & indefinentem memoriam : non utique ociosam , non tepidam , non torpentem , Sed compassionis ardore super omnia delectantem , & imitationis privilegio omnia impetrantem . Grata ignominia crucis ei [d] qui Crucifixo ingratus non est .

C A P U T V I.

De re assumptione causæ contra innocentem Jesum coram Pilato : & de postulatione Barabbæ homicidæ .

1. Pilatus cognoscens innocentiam Iesu , meritò dixit se nullam causam mortis invenire in eo : quia
cùm

a. *Ibidem num. 9.* b. *Serm. 2. in Cæna Domini num. 6.* c. *Ibidem num. 9.* d. *Ser. 25. in Cant. n. 8.*

238 *Philosophiæ Christianæ*

cum solus sub Sole sine macula inventus sit, argui non potuit de peccato. 2. Ostenditur, Iudæos per invidiam tradidisse Pilato Iesum ad crucifigendum. Monemur ut invidiam tanquam basiliscum fugiamus, charitatem verò sectemur. 3. Ostenditur, Iudæos tunc vel maximè exercuisse odium in Iesum, quando eum innocentem scelerato Barabbæ postponentes, multoties postulabant hunc dimitti, Iesum autem crucifigi. Monemur timere asperam auditionem in die iudicii.

S. I.

Pilatus autem convocatis principibus Sacerdotum & magistratibus & plebe, dixit ad illos: Obtulistis mihi hunc hominem quasi avertentem populum, & ecce ego ceram vobis interrogans, nullam causam inveni in homine isto ex his, in quibus eum accusatis. Sed, neque Herodes: nam remisi vos ad illum, & ecce nihil dignum morte actum est ei. Emendatum ergo illum dimittam. Luc. 23.

Circuit veritas orbem terræ (a) & nemo mundus à sorde, nec infans cujus est unius diei vita super terram. Originale quidem maximum illud peccatum vocatur [b] quod à primo Adam contrahimus, in quo peccavimus omnes, pro quo morimur universi. Maximum planè, quod sic totum non modò genus humanum, sed & quemlibet ipsius generis occupat, ut non sit qui evadat, non sit usque ad unum. A primo homine usque ad novissimum pro-

ten-

a Ser. 1. in Annunt. B. M. m. 13. b Ser. in ser. 4. bed. Sam. m. 6.

tenditur: & in singulis quoque à planta pedis usque ad uerticem diffunditur hoc venenum. Sed et aliter nihilominus in universam dilatatur ætatem, ab ea scilicet die, quâ sua quemque concipit mater, usque ad eam, quâ communis eum recipit mater. Proinde quis gloriabitur innocentes manus (c) aut castum se habere cor? *Nemo mundus à sorde, nec infans cuius est unius diei vita super terram.* Unus tamen est inter noxios innocens, mundus inter impuros, inter mortuos liber: unus est, & non æstimabitur alius absque eo. Ipse est, de quo legisti: *Nemo ascendit in celum, nisi qui descendit de celo, Filius hominis, qui est in celo.* Erat enim innocens manibus, qui peccatum non fecit, sed multa bona operatus Judæis liberè agebat: *Quis ex vobis arguet me de peccato?* An verò mundissimum cor fuisse quis dubitat unitum personaliter Sapientiæ, in quam nihil inquinatum incurrit, attingit autem ubique propter suam munditiam? Sed non in vano accepit Animam suam, qui solus potestatem habuit ponendi Animam suam, & iterum resumendi. Non in vano accepit nascens, non in vano posuit moriens, non in vano recepit resurgens. Et si piè quærimus (d) cum Propheta utique dicere non audemus: *Domine, quis habitabit in tabernaculo tuo, aut quis requiescet in monte sancto tuo? Qui ingreditur, inquit, sine macula.* Sed hæc, inquires, præparatio soli Christo convenire videtur. Nemo enim cæterorum omnium *mundus à sorde, nec infans cuius est vita unius diei super terram.* Itaque solus intrabit, qui solus

Ageus

Agnus est sine macula. Nullum omnino peccatum (e) nec actu proprio, nec contractu, sed nec in quo crescere posset habens. Solus ergo argui non potuit de peccato (f) quod nec ab eo factum est, nec in eo inventum. Solus planè Summus Pontifex meus nec in Patre, nec in Matre contaminatus est, ut lex dicit: Patrem quippè sed Deum, matrem quoque sed Virginem habens. Mater est sine corruptione virginitatis (g) Filius sine omni labe peccati. Non cadit in Matrem Evæ maledictio, non cadit in prolem generalis illa conditio, de qua dictum est per Prophetam: *Nemo mundus à sorde, nec infans cuius est unius Dei vita super terram*. Ecce infans sine sorde, solus inter homines verax, imò & Veritas ipsa. Unde jam quidem peccatum in propria persona vicit (h) quando humanam nostram sine ulla contagione suscepit. Grandis enim peccato facta est violentia, & revera expugnatum esse cognoscitur, quando natura, quam se totam infecisse & occupasse gloriebatur, ab eo penitus aliena in Christo inventa est. Germen Domini [i] est Jesus Christus solus de mundissimo conceptus semine: quia etsi in similitudine carnis peccati, non tamen in carne peccati. Etsi filius carnis Adæ, non tamen filius prævaricationis Adæ: qui non fuit naturâ filius iræ, sicut reliqui omnes qui in iniquitatibus sunt concepti. Ecce Agnus sine macula, (k) Agnus Dei qui tollit peccata mundi. Quis enim peccata meliùs tolleretur, quàm is in quem peccatum non cadit? Iste sine dubio lavare me potest

e Ser. in ser. 4. heb. san. n. 2. f Ser. 28. diu. num. 1. g Ser. 4. in Vi. Nat. Dom. n. 5. h Ser. 1. in Nat. Dom. n. 4. i Ser. 2. in die Pent. n. 1. k Ser. 4. in vig. Nat. Dom. n. 5.

test, quem constat inquinatum non esse. Hæc manus opertum luto detergat oculum meum, quæ sola sine pulvere est. Iste mihi festucam educat de oculo, qui non habet trabem in suo: imò iste trabem educat de meo, qui nec exiguum pulverem habet in suo. Neque enim intùs (l) nigredinem meus Salamon habet. Unde sponsa non ait: *Nigra sum* sicut Salamon, *sed sicut pelles Salamonis*: quòd in superficie tantùm sit veri nigredo pacifici. Peccati nigredo intùs est, quòd priùs interiora culpa commaculet, quàm ad oculos prodeat. Deniq; de corde exeunt cogitationes malæ, furta, homicidia, adulteria, blasphemiae, & hæc sunt quæ coinquinant hominem: sed absit ut Salamonem. Minimè prorsùs apud verum pacificũ istiusmodi inquinamenta reperiēs. Oportet namque esse sine peccato eum, qui tollit peccata mundi: quoad reconciliandos peccatores inventus idoneus, jure sibi nomen vendicet Salamonis. Solus merum habuit vinum Dominus meus Jesus [m] qui solus perfectè mundus, & semper etiam potest facere mundum de immundo conceptum semine. Solus planè merum habuit vinum, qui nimirum & secundum Divinitatem Sapia est, ubique attingens propter munditiam suam, & nihil inquinatum cadit in eum: & secundum Humanitatem peccatum non fecit, nec inventus est dolus in ore ejus. Et fortassis propterea ipse se lilium appellavit (n) quòd totus versetur in liliis, & omnia quæ ipsius sunt, lilia sint: Conceptio, Ortus, Conversatio, Eloquia, Miracula, Sacramenta, Passio, Mors, Resurrectio

Q

Ascen-

Ascensio. Quid horum non candidum & non suavissimè redolens? Tanta denique in *Conceptione* refulsit superni luminis claritas de supervenientis abundantia Spiritûs, ut ne ipsa quidem Virgo sancta sustinuiſſet, si non sibi obumbratum foret à Virtute Altissimi. Porro *Ortum* candidavit incorrupta virginitas Matris, *Conversationem* innocentia vitæ, *Eloquia* veritas, *Miracula* puritas cordis, *Sacramenta* pietatis arcanum, *Passionem* patiendi voluntas, *Mortem* libertas non moriendi, *Resurrectionem* martyrum fortitudo, *Ascensionem* exhibitio promissionum. Quàm bonus fidei odor in his singulis, nostra quidem qui candorem non vidimus, tempora & viscera replens. Et beati qui non viderunt, & crediderunt. Pars mea in his odor vitæ, qui procedit ex ipsis. Infusus naribus meis apto quodam Fidei instrumento, & quidem copiosius præ multitudine liliorum, sanè & exilium levat, patriæ desiderium assiduè innovat in visceribus meis.

§ I I.

Per diem autem solemnem consueverat Præses & necesse habebat dimittere populo unum ex vinctis, quemcunque voluissent & petiissent. Habebat autem tunc vinctum insignem qui dicebatur Barabbas, qui in seditione fecerat homicidium, & cum seditiosis erat vinctus. Congregatis autem Principibus Sacerdotum & Scribis, dixit Pilatus: Est consuetudo vobis, ut unum dimittam vobis in Pascha: quem vultis dimittam vobis, Barabbam, an Jesum qui dicitur Christus? Sciebat enim quod
per

per invidiam tradidissent eum summi Sacerdotes.
 Matt. 27. Mar. 14. Luc. 23. Joan. 18.

Judæi (o) non immemores odii quo oderant Patrem, exercent illud in Filium, unde & ipse ait: *Quia oderunt me, & Patrem meum.* Item: (p) *Filii matris meæ pugnaverunt contra me.* Annas & Caiphas & Judas Iscarioth filii Synagogæ fuerunt. Et pulchræ *filios matris suæ*, non autem & Patris sui illos vocat, qui non habebant Patrem Deum, sed ex patre diabolo erant: homicidæ utique, sicut & ille homicida erat ab initio. Quid ergo fecerunt impii (q) quibus gravis erat Christus etiam ad videndum? *Hic est, inquit, hæres, venite, occidamus eum.* Quis autem tam gravis pruritus oculi (r) quàm invidia est? Nec verò aliis livor invidus quàm alienâ gloriâ & felicitate torquetur. Miseria enim (ut ajunt) invidiâ caret. Basiliscus venenum in oculo gerit (s) pessimum animal, & præ omnibus execrabile. Nosse cupis oculum venenatum, oculum nequam, oculum fascinantem? Invidiam cogitato. Quid verò est invidere, nisi malum videre? Si non esset ille basiliscus, nunquam per ejus invidiam mors intrasset in orbem terrarum. Væ homini misero quòd invidum non prævidit. Superemus vitium hoc dum adhuc vivimus, si post mortem volumus ministrum tantæ nequitiae non timere. Nemo alterius bonum invido aspiciat oculo. Nempè hoc ipsum jam, quod in se est, tabe sua illud inficere,

Q 2

&

o Ser. 3. in circumcis. n. 4. p Ser. 29. in Cant. n. 1. q Ser. 3. in Circumcis. Dom. n. 4. r Ser. 5. de Verb. Esa. n. 10. s Ser. 13. super. Psal. 90. n. 4.

& quodammodò interficere est . Qui hominem odit homicidam illum Veritas ipsa testatur . Quid & ille qui bonum odit in homine, numquid non homicida poterit appellari ? Adhuc vivit homo , & ille jam reus est mortis . Adhuc ardet ignis quem Deus Jesus misit in terram, & invidus tanquam qui spiritum extinxerit, jam damnatur . Proinde homo invidus[t] membrum est diaboli, cujus invidiâ mors introivit in orbem . Invidia cuncta germina virtutum concremat . Invidia cuncta bona pestifero ardore devorat . Invia[u] duplices evomit flammæ . Modò illū urit, qui meliori invidet ob id quod ipse non est: modò illum afficit , qui quemlibet consimilem dolet sibi esse æqualem . Nulla enim virtus est [x] quæ non habeat contrarium invidiæ malum . Nimirum metientes nosmetipsos nobis [y] sentimus aliqui nostrum pro nostræ imperfectionis experientia , quàm rara virtus sit alienæ non invidere virtuti , nedum gaudere ad illam , nedum etiam tantò plùs quàm ad propriam quemque gratulari , quantò se perpende-rit in virtute superatum . Porro [z] invidia tinea est animæ . Invidia priùs nocet sibi quàm alteri . Invidia priùs seipsum mordet quàm alterum . Invidia primùm suum mordet auctorem : invidia sensum hominis comedit , pectus urit , mentem lacerat , cor hominis quasi quædam pestis depascit . Tristitius invidiâ nihil est (a) quæ protinùs ipsum auctorem tor-queat discriuiatquè suum . Omnino igitur fugienda est & execranda invidia, quoniam in illa Deus offenditur,

t *Tract. de modo bene vivent. cap. 34.* u *tract. de ord. vit. cap. 10. n. 32.* x *tract. de modo bene vivent. cap. 24.* y *Ser. 49. in Cant. n. 7.* z *Tract. de modo bene viv. cap. 24. num. 94.* a *Tract. de interior. como cap. 33. n. 76.*

ditur, proximus læditur, animus affligitur. Invidia etenim semper torquet possessoris sui animum, quamvis sæpè lædere non possit suum proximum, erga quem sævit. Sed cùm mala sit omnis invidia, pessima tamen est hujus mali species, quæ sub specie sanctitatis suas exercet injurias. Sæpe enim quando sævit in proximum ex vitio iracundiæ, vel veneno invidiæ, fingit sibi cogitatio quòd faciat illud zelo justitiæ. Læsus namque quilibet à proximo suo, non jam eum facilè respicere potest simplici oculo. Displicet sibi quidquid ab illo fieri considerat. Omni ferè hora tacita apud se cogitatione illum accusat. Surgunt causæ quotidie innumeræ, quæ illum culpabilem ostendunt: occurrunt rationes multæ, quæ illum reum puniendumquè esse convincunt. Crescit autem sæpe eousque malum, ut apud Deum esse credat se reum, nisi illum severiùs corripiat, & de sua perversitate redarguat. Loquitur enim apud se hujusmodi maligna cogitatio: Usquequò illum talem tolero? Consentire ei comprobatur, si eum non corripio, consentiens autem Deum offendo: Corripiam ergo eum, ne Deum offendam: nihil enim pro mea, sed pro Dei injuria ulciscendo totum facio, imò sic illum sibi restitui. Proximum enim corrigere & eum castigare, hoc non est proximo nocere, sed prodesse velle. Sic sæpè apud se loquitur maligna cogitatio humana: excæcavit enim eam malitia sua: & putat odium suum amorem esse, & iniuriâ suâ justitiam exercere. Conveniunt itaque undique hujusmodi malignæ cogitationes ad mentem, & fingunt se ad obsequium Dei convenire, non autem suum odium exercere velle. Sed tibi contra in-

vidiam occurrat bonitas (b) charitas præparetur ad-
versus invidiam. Vis autem audire verba breviter
(c) quæ tanquam folia refrigerium nobis ab æstu præ-
stent invidiæ? Ad commendationem charitatis con-
tra invidiam dicit Jesus: *Diligite inimicos vestros, be-
nefacite his qui oderunt vos, & calumniantibus: ut
sitis filij Patris vestri, qui solem suum oriri facit su-
per bonos & malos, & pluit super justos & injustos.*

S. I I I.

*Principes autem Sacerdotum & Seniores concitave-
runt turbam, & persuaserunt populis ut peterent
Barabam, Jesum verò perderent. Et cum ascendis-
set turba capit rogare Pilatum, sicut semper facie-
bat illis. Respondens autem Præses, ait illis: Quem
vultis de duobus dimittam? Vultis dimittam vo-
bis Regem Judæorum? Exclamavit simul universa
turba, dicens: Tolle hunc, & dimitte nobis Barab-
bam. Erat autem Barabbas latro, qui erat propter
seditionem quandam factam in civitate & homi-
cidium missus in carcerem. Pilatus autem iterum
respondens ait illis: Quid ergo vultis faciam Regi Ju-
dæorum? At illi iterum clamaverunt: Crucifige
eum. Iterum autem Pilatus locutus est ad illos, vo-
lens dimittere Jesum. At illi succlamabant dicen-
tes: Crucifige, Crucifige eum. Et invalescebant voces
eorum: Tolle, tolle, crucifige eum. Matt. 27.
Mar. 15. Luc. 23. Joan. 18:*

Judæi

*b Tract. de modo bene viven. cap. 34. c Tract. de vite myst. cap. 6
n. 29.*

Judæi non immores odij (d) quo oderant Patrem, exercent illud in Filium. Vinctum siquidem ante faciem Pilati perduxerunt (e) postulantes crucis supplicio eum interimi qui peccatum non uoverat, & virum homicidam dari sibi: Agnum lupo, aurum luto postponentes. O vipereum affectum (f) odire hominem qui hominum & corpora sanat, & animas salvat! *Tolle* (g) *tolle*, inquit, *crucifige eum*. O nubes violentas & turbidas! O imbrem procellosum! O torrentem iniquitatis, evertere magis quàm fecundare idoneum! O venenata lingua (h) verbum malitiæ, sermo nequam! Verbum asperum fuit (i) quod protulit domus exasperans, populus Judæorum: *Tolle, tolle, Crucifige eum*. Quàm horribile verbum, quàm asperum, quàm crudele? Verè dentes eorum arma & sagittæ, & lingua eorum gladius acutus. Hoc verbum asperum tu sustinuisti Domine. Cur? nisi ut nos liberes à verbo aspero. Sit pietatis tuæ, ut non sustineamus nos quod tu dignatus es sustinere pro nobis. Cæterum [k] jam nunc tibi provide quisquis es dexteri negligens, sinistri lateris cultor, ne cum hædis locum accipias in sinistra quam elegisti. Asperum verbum est, Fratres, non immeritò expavistis. At cavere non minùs necesse est, quàm pavere. O homo (l) vel magis bestia, laqueum non timebas, time vel malleum: *A verbo aspero*, inquit Psalmus. Quid est hoc verbum, nisi illud insatiabilis gehennæ: *Affer, affer, percutite, dilacera, citò interfice, velociter spolia de-*

Q 4

tra-

d Ser. 3. in Circumcis. num. 4. e Ser. de pass. Dom. n. 11. f Ser. 60. in Cant. num. 4. g Ser. 58. in Cant. n. 7. h Ser. 1. in die Pasceba n. 1. i Ser. 3. super psal. 90. n. 2. k Ser. 7. super psal. 90. num. 15. l Ser. 3. super psal. 90. n. 2.

trabe ? Quid est verbum asperum ? Tollatur i
pius ne videat gloriam Dei . Quomodo exultant
 natores captâ bestiâ , & clamant : Tolle , tolle ,
 fige verubus , infer prunis , & malè bullentibus
 pone lebetibus . Tunc ergo nihil opertum erit qu
 non reveletur (m) quoniã veniet Christus Domin
 qui & illuminabit abscondita tenebrarum , & ma
 festabit consilia cordium . Non erit jam quo lat
 ô misera anima . Frustra dices montibus , *Cad*
super nos : & collibus , *Operite nos* : quoniam
 dam & opertam oportebit te stare ante tribu
 Christi , ut audias vocem judicii , quæ vocem cor
 lli contempsisti . Ecce enim quid loquitur De
Agite pœnitentiam : & dissimulant multi , & co
 tinent aures suas , & dicunt : *Durus est hic sermo* . N
 sic impii , non sic dissimulare poteritis cùm sona
 asperum illud verbum , & auditio mala : *Ite ma*
dicti in ignem æternum . Respondent homines se
 lares (n) cùm eis suademus agere pœnitentiam ,
 dicunt : *Durus est hic sermo* . Ergone durum n
 mentaneum hoc & leve tribulationis , quod sup
 modum in sublimitate æternum pondus gloriæ op
 ratur in nobis ? Durum est brevissimo & levissi
 labore cruciatus illos & tormenta redimere , q
 nullus terminus finiat , nullus animus sufficiat co
 tare ? Durum vobis videtur cùm dicitur : *Ag*
pœnitentiam ? Erratis , sed audituri estis aliquan
 verbum asperum , sermonem durum , auditione
 malam : *Ite maledicti in ignem æternum* . Ita d
 vobis hoc timete , hoc durum reputate , & inver
 tis quia jugum Domini suave est , & onus ejus lev
 Alio-

Alioquin vae tibi generatio prava (c) atque perversa : vae tibi popule stulte & insipiens , qui & memoriam fastidis , & praesentiam expauescis . Meritò quidem . Nec modò enim liberari vis de laqueo venantium : siquidem qui volunt divites fieri in hoc seculo , incidunt in laqueum diaboli . Nec tunc à verbo aspero poteris liberari . O Verbum asperum , ô sermo durus : *Ite maledicti in ignem æternum* . Legimus in Evangelio (p) quòd prædicante Domino , & sub mysterio edendi Corporis sui discipulos ad communicandum passionibus suis admonente , dixerint quidam : *Durus est hic sermo* : & ex hoc jam non fuerunt cum eo . Interrogati verò Discipuli an & ipsi vellent abire : *Domine*, inquit, *ad quem ibimus ? Verba vitae aeternae habes* . Ita dico vobis , Fratres , usque hodie quibusdam manifestum est , quoniam verba quæ loquitur Jesus , spiritus & vita sunt , & propterea sequuntur illum : aliis dura videntur , & miseram alibi quærent consolationem . Sapientia siquidem in plateis clamat , in lata videlicet & spaciofa via quæ ducit ad mortem , ut revocet ambulantes per eam . Denique *quadraginta annis* , inquit , *proximus fui generationi huic* , & dixi : *Semper hi errant corde* . Porro habes in alio Psalmo : *Semel locutus est Deus* . Semel utique , quia semper : una enim & non interpolata sed continua & perpetua locutio est . Postremò videte Fratres , (q) quam salubriter admoneat nos Propheta , ut si vocem ejus audierimus hodie , non obduremus corda nostra . Eadem enim penè verba & in Evangelio legitis , & in Propheta .

Ait

o Tract. de diligen. Deo cap. 4. n. 11. p Ser. 5. int. diver. num. 11.
 a ibidem n. 31

Ait enim Dominus in Evangelio : *Oves meæ vocem meam audiunt* . Et Sanctus David in Psalmo : *Populus* , inquit , *ejus* (haud dubium quin Domini) *& oves pascuæ ejus* . *Hodie si vocem ejus audieritis , nolite obdurare corda vestra* . Utiliùs namque & multò salubriùs est hodie audire eum consulentem , consolantem , admonentem , docentem , corripientem : quàm in die illa tam amara , tam lugubri , tam tenebrosa audire illum judicantem , indignantem , ulciscientem , sævientem , condemnantem . Bonum interim mihi est ut humilier , ut corripiat me justus in misericordia & increpet me , quàm ut oleum peccatoris impinguet caput meum : ne fortè terra inveniar , quam percutiat virga oris sui , quando vasa figuli virgâ ferreâ conterentur . Bonum mihi propter verba labiorum ejus cum Propheta custodire vias duras , quàm pariter cum impio interfici spiritu labiorum ejus .

C A P U T V I I .

De flagellatione Christi ad columnam ligati .

Pilatus autem tertio dixit ad Judæos : Quid enim mali fecit iste qui dicitur Christus ? Nullam causam mortis invenio in eo . Corripiam ergo illum , & dimittam . At illi instabant vocibus magnis , postulantes ut crucifigeretur . Tunc ergo apprehendit Pilatus Jesum , & flagellavit . *Luc. 23. Matt. 27. Joan. 19.*

1. Proponitur nobis ad considerandum Jesus alligatus columnæ, flagellisquæ cæsus. Et invitamur ad colligendum ejus Sanguinem, ex conscisso Corpore & flagellato distillantem in terram.
2. Ostenditur, patientiam ejus fuisse singularem tunc dum flagellabatur, siquidem non aperuit os suum. Hoc exemplo docuit nos, ut patientiam ejus imitemur, ac flagella Dei patienter toleremus.
3. Ostenditur, Deum tribus modis castigare homines in hac vita: nec non flagella ejus esse utilia hominibus. Et probatur, flagella Dei esse argumenta amoris ejus erga homines: in quibus nemo debet murmurare contra Deum, sed potius seipsum accusare.

S. I.

EXpergiscere nunc anima Christiana (a) excutere de pulvere, & contemplare virum hunc memorabilem, quem in speculo Evangelici sermonis quasi præsentem intueris. Occurrat spiritualiter (b) & ingerat seipsum cordibus nostris Dominus Christus, proditus & venditus à discipulo, à Judæis tanquam vile mancipium precio satis exiguo comparatus, captus & ligatus tanquam homo sine adjutorio, scisso etiam verberibus dorso: qui tanquam jugulatori suo alludens, seipsum non reluctans exposuit, & nudum Corpus quasi incudem malleatorum ictibus patienter explicuit. Cognosce anima mea (c) cognosce: Hic est Dominus Deus noster, Jesus Christus Salvator tuus, unigenitus Dei Filius, **verus**

a Ser. de Pass. Dom. n. 13. b Ser. 2. in Cena Dom. n. 7. c Ser. de Pass. n. 15.

verus Deus, verus homo: qui solus sub Sole sine macula inventus est. Et ecce ad columnam revinctus (d) flagellis cæditur, Carne præ nodis flagellorum in tumorem surgente, & in livores se vertente, Sanguine guttatim de plagis in terram decurrente. Filius Dei erat: (e) & ecce factus est tanquam servus. Non solum formam servi accepit ut subesset, sed etiam servi, ut uapularet: & servi peccati, ut pœnam solveret, cum culpam non haberet. Adhuc autem attentius intueri (f) quàm grandi admiratione, & tenerrima compassione dignus apparet. Vide nudum corpus Jesu, & verberibus laceratum. Fletus deducite oculi mei, & liquece anima mea igne compassionis super contritione amabilis viri hujus, quem in tanta amaritudine tot vides affectum doloribus. O cum quanta quantitate putas illum sanctissimum Sanguinem (g) ex concisso Corpore & flagellato distillasse in terram! O quantâ putas sævitiâ impiorum frementium, quanto fremitu sævientium flagellatum putas fuisse dulcem Jesum, qui venerat ut nos à flagellis liberaret æternis? *Sine causa*, inquit, *flagellis ceciderunt me*. Verè sine causa, nisi fortè miserrimi & peruersi bona opera tua pœnis digna judicarent, qui veritatem tuam in mendacio detinuerunt. Et quidem (h) nec ignorabat impius Pilatus per invidiam hæc in te fieri, nec tamen abstiuit à te temerarias manus, sed replevit Animam tuam amaritudine sine causa. Illusum recepit, in conspectu illusorum adstare te jussit, nec pepercit ama-

d *Tract. de 3. præcip. myst. cap. 6. n. 13* e *Ser. in fer. 4. hebdom. Sanctæ*
 10. f *Ser. de Pass. Domini. 14.* g *Tract. de vite myst. cap. 40.* h *Ser.*
de Pass. Domini. 11.

amarissimis verberibus virgineam Carnem tuam divellere, plagis plagas, livores livoribus crudeliter infligere. Electe puer Dei mei, quid tanta amaritudine, quid tanta confusione dignum commiseras? Prorsus nihil. Ego ego homo perditus, totius perditionis tuæ causa extiti. Ego, Domine, vnam acerbam comedi, & dentes tui obstupuerunt: quia quæ non rapuisti tunc exolvebas. Proinde quamvis immitia (i) quamvis dura, quamvis injusta erant illa flagella quæ Corpus tuum circuibant: diligo flagellorum istorum vincula, quibus Sacratissimum Corpus tuum datum est contingere, quæ tuo purissimo Sanguine non mediocriter sunt imbuta, ô bone Jesu. Si enim Sanguis tuus in flagellatione fuit tam cupiosè effusus, ut columna guttis illius respersa adhuc habere rubra vestigia dignoscatur: quantum Sanguis ejus sursùm in aëra resultaret? Videamus autem quàm bene huic ligationi conveniat, quodd vitis ad palum ligatur. Quid enim per palum quàm ipsa columna, cui Dominus Jesus erat alligatus, accipitur? Sicut enim vitis pallo, ita Christus statuæ alligatur. Tunc domus Christi, id est, Ecclesia [k] impleta est ex ardore unguenti nostræ Vitis præcipuè in passione florentis. Conscissus est saccus corporis Domini Jesu, ceciderunt grana sanguinearum guttarum, quæ adhuc à fidelibus mente colligi possunt, & ab accedentibus ad columnam fideliter ac devotè colliguntur. Preciosissimus thesaurus & incomparabilis guttæ sunt Sanguinis Jesu Christi. Accede huc ô fidelis anima [l] & collige tibi reliquias epularum
Sponsi

i *Tract. de vite myst. cap. 4. n. 13.* k *Ibidem cap. 43. n. 161.* l *Ibidem n. 162.*

254 *Philosophiæ Christianæ*

Sponsi tui Jesu, micas gratissimas & folia rosarum. Nec est morbus animæ, cui his floribus mederi non possis. Collige tantum folia florum florentis Jesu, stillas Sanguinis rubicundi, & tanquam pillulas (sine quibus esse nolo) in cubiculo cordis tui reconde. Erit tibi illarum sapor & odor in medicinam salubrem, morbos si qui fuerint repellentem venturosque caventem. Vide tantum, ne unquam sine illis esse velis quæ verè nomen habent, quodam fidei dicente: *Sine quibus esse nolo*. Hauri ergo toto cordis tui affectu odorem Vitæ veræ Jesu Christi Nazareni, & delectare in illo, sicut Pater cælestis in illo delectatus fuit, ut verè dicere potuerit: *Ecce odor filii mei, sicut odor agri pleni cui benedixit Dominus*. Verè pleni, in quo habitat omnis plenitudo Divinitatis, in quo omnes thesauri sapientiæ & scientiæ reconditi sunt,

§. I I.

Porro agnosce ô homo, [m] quàm gravia sunt vulnera, pro quibus necesse est Dominum Christum vulnerari. Cogita ad columnam illum [n] qui totius est orbis sustentamentum, ligatum & flagellatum. In hac flagellatione Christi (o) patientia singularis nobis commendatur, quod videlicet cum supra dorsum ejus fabricarent peccatores, tanquam ovis coram tondente non apervit os suum: non adversus Patrem murmurans, à quo missus fuerat: non adversus humanum genus, pro quo quæ non rapuit exolvebat; non denique vel contra populum ipsum

sum peculiarem sibi, à quo pro tantis beneficiis tanta mala recepiebat. Plectuntur aliqui pro peccatis suis, & humiliter sustinent: hoc ipsum tamen eis ad patientiam reputatur. Flagellantur alij non tam purgandi quàm probandi coronandiquè, & major in eis patientia comprobatur & comendatur. Quomodò non maxima patientia censeatur in Christo? qui in funiculo hæreditatis suæ ab his quibus specialiter advenerat, Salvator crudelissimè flagellatur sicut fur, nullum omninò peccatum nec actu proprio, nec contractu, sed nec in quo crescere posset, habens. Moraliter autem hîc erudimur (p) ut flagella benignissimi Patris Dei nostri discamus æquanimitè tolerare, quia pessimorum flagella pro nobis indignis tam patienter sustinuit dulcis Jesus. Quis enim flagella non sufferret homo in flagella paratus, ad laborem natus, in peccatis nutritus & conversatus, hæreditati cælestis aulæ destinatus, quæ non nisi mundos recipit: cùm videat Regem omnium regum & Dominum dominantium dulcem Jesum, qui peccatum non fecit, & in cujus ore non est dolus inventus, tam gravibus flagellationibus esse contritum? Audi ô homo stulte & insipiens, & erudire: & non solùm refuge, sed etiam apprehende disciplinam, ne fortè quandoque pereas de via justâ, Domino tibi irascente, qui proprio Filio suo non pepercit, sed propter te tradidit flagellandum. Non pepercit Filio suo naturali, consubstantiali sibi & coæterno, & impassibili: quia pro salute tua ipsum fecit nasci in tempore & passibilem, ut flagellis eum contereret sicut scriptum est: *Dominus voluit eum*

con-

conterere in infirmitate. Et quomodo parces tibi si adoptivo, cum sensus tui proni sint in malum? Quomodo in campo & freno maxillas tuas constringit, saltem vexatio det tibi intellectum, quatenus ad ipsum approximare cogaris: qui licet molestè, salubriter tamen flagellat omnem filium, quem recipit. Illorum quidem est hinc flagella percipere (q) quibus datur de æternitate gaudere: sed qui de percussione murmurat, ad ipsum qui supra ipsum est non appropinquat: imò hæreditatem supernæ felicitatis amittit, si flagellum Dei Patris patienter & cum amore non suscipit. Et si de flagello Domini murmuraverit, certus sit quia murmurantium pœnam incurrit. Vos ergo Fratres dilectissimi nolite murmurare (r) si vobis inesse contigerit disciplinam Domini nostri, neque fatigemini dum ab eo arguimini. *Omnis enim disciplina* (ait Apostolus) *in præsentem quidem videtur non esse gaudij, sed mœroris: postea autem fructum pacatissimum exercitatis per eam reddet iustitiæ.* Flagellis Domini pinguendo carnis voluptatis atteritur, & virtutes animæ roborantur: & lasciva caro restringitur, & anima per virtutum ad cœlestia sublevatur. Caro quod superfluum habebat amittit, & spiritus virtutes quas non habebat acquirit. Sic ergo per flagella Domini virtutes augentur, vitia resecantur, spernuntur terrena, amantur cœlestia. Nos autem æternitatis præmiis præstolantes, si nobis aliqua gravis infirmitas vel tentatio fortis vel etiam damnum temporalium rerum repperit, ex omnibus his vires sumere debemus, quod crescente pugna gloriosius non ambigimus non

ma-

manere victoriam. In hoc namque ostendimus quanta ad Deum cupiditate flagramus, si non solum ad eum per tranquilla & mollia, sed etiam per aspera & dura transimus. Ad æterna gaudia jam redire non possumus, nisi per temporalia detrimenta: & ideo spe manentis lætitiæ, omnia adversa prosperitatem non modicam debemus reputare, Peccata quippe nostra (s) Divina severitas nequaquam inulta remanere permittit, sed ira sui judicii inchoat à nostrâ hinc correctione, ut in reproborum damnatione conquiescat. Interiùs enim est medicus, & peccatorum in nobis contagia, quæ inesse medullitùs reprobatur, secatur, abscinditquè vulnus putredinis ferro tribulationis. Et hoc est quod Veritas ait: *Omne palmitem in me facientem fructum, Deus Pater purgabit eum, ut fructum plus afferat.* Nam dum mens posita in tentatione considerat quòd à virtutis suæ pristina soliditate repellitur, tunc sollicita trepidat, ne hoc quod dudum esse cæperat, funditùs amittat. Tunc qualiter resistere tentationi possit, inquit: & qualiter eam debellare jam valeat, elaborat. Tunc arripit gaudium orationis, fletum compunctionis, & sic eam debilitat, & de ea gloriosè triumphat non ipsa, sed gratia Christi per ipsam: & ita fit ut mens, quæ pigra & infæcunda in prosperitate jacebat, fortior & uberior ad fructificandum assurgat. Deus justissimo judicio suo quibusdam hinc miseretur (t) non miserturus in futuro: quosdam autem flagellat tanquam iratus, ut ipsius ira & flagella afflictis in gloriam convertantur. Dimittit illos secundùm desideria cordis ipsorù, ut eant in adinventionibus suis:

R

ut

ut iniquitatem iniquitati apponant: ut qui in sordibus sunt, plùs fordescant. Quodsi à Deo corrigantur (u) neque mundantur, neque emendantur, sed est emundatio eis suæ destructionis occasio, juxta illud: *Destruxisti eos ab emundatione*. Isti inter flagella Dei murmurant & blasphemant, & pænis præsentibus pænas gehennales accumulunt. Sancti verò Domini inter flagella, & flagella ipsius diligunt propter Deum, & gratias agunt Deo de judiciis ejus, se accusantes & cum Propheta dicentes: *Omnia quæ facisti nobis Domine, in vero judicio fecisti. Quia peccavimus tibi: sed da gloriam nomini tuo*. Talibus convenit illud Propheticum: *Exultaverunt filii Juda propter judicia tua Domine*. Sunt qui non solum judicia Dei sustinent patienter, sed ipsi seipso judicant, & manum adjuvant flagellantis: accusant se, testificantur contra se, seipso judicant, & propriæ sunt executores sententiæ.

§. I I I.

Dominus loquitur in Apocalipsi (x) dicens: *Ego quos amo, arguo & castigo*. Tribus modis Deus in hac vita castigat homines. *Primò* ad damnationem percutit reprobos. *Secundò* ad purgationem corripit quos videt errare electos. *Tertiò* castigat justos ad augendam gloriam meritorum. Deus percussit Ægyptum multis plagis ad damnationem. Flagellatus est pauper Lazarus ad purgationem: flagellatus est etiam Job ad probationem. Flagellat etiam hominem ante peccatum, ne malus fiat: sicut flagellavit Paulū, qui

u *Ibidem* n. 97. x *Tract. de modo bone vivendi* cap. 43. num. 106.

qui instigante angelo satanæ tolerabat stimulos carnis . Flagellatur etiam homo à Deo post peccatum , ut emendetur : sicut ille qui traditus est satanæ in interitum carnis , ut spiritus ejus saluus esset . Qui valentiores sunt & sani , utile est eis infirmari , ne per vigorem sanitatis plùs lætentur in transitoriis & terrenis rebus quàm debent . Mala est sanitas carnis , quæ hominem deducit ad infirmitatem animæ . Et valdè est bona infirmitas carnis , quæ perducit hominem ad sanitatem animæ . Infirmitatem carnis laudat Apostolus dicens : *Cùm enim infirmor , tunc fortior sum* , scilicet spiritu . In flagellis Dei non debet murmurare homo : quia per hoc quòd castigatur , à peccato emendatur . Leviùs sustinebimus infirmitates corporis , si ad memoriam reduxerimus mala quæ fecimus . In infirmitate non debet homo murmurare . Quare ? Quia ab illo judicatur , cujus judicia semper sunt justa . Qui infirmitatem patitur , & contra Deum murmurat , justitiam judicantis accusat , ac iram Dei adversùm se provocat . Non potest non esse justum , quod justo placet Judici . Quem enim diligit Deus , castigat : flagellat autem omnem filium quem recipit , & quasi pater in filio complacet sibi . In hac vita Deus parcat peccatoribus , & non parcat iustis . In futura vita parcat iustis , & non parcat peccatoribus . Qui in hac vita flagellari non meretui , in inferno torquebitur . Vides quia tunc magis irascitur Deus peccatoribus (y) cùm non irascitur . *Miseramur impio* , inquit . *& non discet facere justitiam* . Misericordiam hanc ego nolo . Super omnem iram miseratio ista , sepiens mihi vias justitiæ .

Satiùs profectò mihi juxta Prophetæ consilium apprehendere disciplinam, ne quando irascatur Dominus, & paream de via justa. Volo irascaris mihi Pater misericordiarum, sed illâ irâ, quâ corrigis devium, non quâ extrudis de via. Illud tua nobis benigna animadversio parit, hoc formidolosa nutrit dissimulatio. Non enim cum nescio, sed cum sentio te iratum, tunc maximè confido propitium: etenim cum iratus fueris, misericordiæ recordaberis.

— *Deus* (inquit Prophetæ) *tu propitius fuisti eis, & ulciscens in omnes adinventiones eorum.* Moysen loquitur & Aaron atque Samuëlem, quos modò præmiserat: & hoc vocat propitiationem, quòd eorum Deus non pepercit excessibus. Porro si quid amaritudinis sentio in voce ejus (z) non sine dulcedine est, quoniam cum iratus fuerit, misericordiæ recordabitur: imò verò & ipsa indignatio non aliunde quàm de misericordia est. Quos enim amat, arguit & castigat, & flagellat omnem filium quem recipit, visitans in virga iniquitates ejus, & in verberibus peccata ipsius: misericordiam autem suam non dispergit ab eo. Propterea qui prudentes sunt, non operiunt vulnera sua sed detegunt, & confitentur Domino quoniam bonus, quoniam in seculum misericordia ejus: & sic vinum reprehensionis infundit, ut non desit oleum consolationis. Unde (a) dicit Dominus. *Ego quos amo, arguo & castigo.* Si autem te zelus deseruit & amor, non eris amore dignus, qui indignus castigatione censeris. Semper Deus hos castigat (b) quos ad salutem præparat per-

z Ser. 5. diver. n. 4. a Ser. 42. in Cant. num. 4. b Tract. de modo bene vivendi. cap. 43. num. 106. & 107.

perpetuam. Proinde in infirmitatibus tuis non contristeris, sed in languoribus tuis gratias age Deo. Valere te magis opta animo, quàm corpore. Semper desidera plùs valere mente, quàm carne. Adversa carnis remedia sunt animi. Ægritudo carnem vulnerat, mentem curat. Languor enim vitia excoquit, languor vires libidinis frangit. Probari te in dolore cognosce, ut non frangaris. In fornace probatur aurum, ut sordibus careat: tribulationibus camino purgaris, ut purior appareas: persecutionis igne conflaris, ut omni peccatorum sorde purgeris: ad probationem sunt omnia ista quæ sustines. Igitur in infirmitatibus tuis non murmures, non blasphemes. Non dicas: Quare sustineo mala? Non dicas: Cur effligor? ut quid mala patior? Sed te accusa: [c] Peccavi: ut eram dignus non recepi, æqualem vindictam peccati mei non sentio: minùs me sentio percussum quàm mereor: juxta modum meriti minor est tribulatio ultionis: secundùm meritum peccatorum meorum dispar est causa pænarum: non sunt tanta supplicia, quanta extiterunt peccata. Porro si vis à peccatis tuis purgari, in pæna te accusa, & Dei justitiam lauda. Ad purgationem tuam sufficit, si ea quæ pateris ad justitiam Dei retuleris, si pro irrogata infirmitate tu humilis Deum glorificaveris. Corripit enim te Deus flagello piæ castigationis, exercet in te disciplinam. Et qui parcendo te à se abiiciebat, feriendo clamat ut redeas. Denique cogita quoslibet mundi cruciatus, intende animo quascunque mundi pænas, quoscunque tormentorum dolores, quascunque dolorum acerbita-

R 3

tes:

tes : compara hoc totum gehennæ , & leve erit quod pateris . Si times , pœnas inferni time . Istæ enim pœnæ temporales sunt , illæ æternæ . In istis pœnis moriendo tormenta recedunt : in illis moriendo æternus dolor succedit . Si enim conversus fueris homo , emendatio est quod pateris . Converso instantes plagæ ad purgationem proficiunt . Qui enim hîc castigatus corrigitur , illic liberatur . Qui verò nec sub flagello corriguntur , isti & tēporali pœnaret æterna damnantur : & in hoc priùs judicantur seculo , & illic denuò in futuro . His duplex est pœna & damnatio , gemina his percussio est : quia & hîc habent judicia tormentorum , & illic supplementum pœnarum . Propterea consultiùs est hîc poni (d) hîc uri , hîc nos accusando & judicando torqueri , quàm incidere in manus Dei viventis , & in die tremenda damnationis æternæ supplicium à terribili & inexorabili Iudice expectare .

CAPUT VIII.

De coronatione Christi , quem coronâ spineâ coronarunt Judæi ad illudendum .

1. *Ostenditur, coronam spineam adeò validè impressam fuisse Capiti Jesu , ut non guttæ sed rivi sanguinei inde profluxerint in collum & faciem ejus.*
2. *Monemur imitari Iesum spinis coronatum, veste irrisoria indutum, ac irrisoriè adoratum & salutatum . Excitamur, ut ejus exemplo sustineamus contumelias & convitia malignantium, tacendo & dis-*

d Lib. 3. de amore Dei cap. 29. 98.

diffimulando. 3. Ostenditur, Caput Iesu ideo coronatum esse spinis & punctum, ut nos videntes illud ne prius punctum compungamur ad lachrymas. Docemur quibus modis compungatur cor hominis iusti, & quisnam sit effectus compunctionis & lachrymarum.

§. I.

Tunc milites Præsidis suscipientes Iesum in prætorium, congregaverunt ad eum universam cohortem: & exuentes eum, chlamidem coccineam circumdederunt ei: & plectentes coronam de spinis posuerunt super caput eius, & erundinem in dextera eius. Matt. 27.

E Gredimini filie Sion (a) & videte Regem Salomonem in diademate, quo coronavit eum mater sua, in corona paupertatis, in corona miseriæ: siquidem coronatus est & à noverca sua coronâ spineâ, coronâ miseriæ. Synagogam loquor [b] quæ se Christo Iesu non matrem exhibuit, sed novercam. Populus namque Judæorum [c] qui spinosus detractione, hispidus superstitione, aridus fuit unctione Divinæ gratiæ: spineam coronam Regi suo exhibuit, & in eum sicut ignis in spinis exarsit. Occurrit itaque spiritualiter [d] & ingerat seipsum cordibus nostris Dominus Christus proditus & venditus à discipulo, à Judæis tanquam vile mancipium precio satis exiguo comparatus, captus & ligatus tan-

R 4 quam

a Ser. 2. in Epiph. 2. 3. b Ser. 50. diu. num. 1. c Ser. de B. M. Virg. Deip. 2. 10. 20. 6. pag. 765. d Ser. 2. in Cæn. Dom. 2. 7.

quam homo sine adiutorio: puncto etiam vepribus capite. Interim namque non sicut est (e) sed sicut pro nobis factum est Caput nostrum (*Christus*) nobis repræsentatur non coronatum gloriâ, sed peccatorum nostrorum circumdadum spinis, dicente Scriptura: *Egredimini filia Sion, & videte Regem Salomonem in diademate, quo coronavit eum mater sua.* O Regem! O diadema! Mater siquidem Synagoga non matrem sanè se exhibens sed novercam, Regem nostrum coronâ spineâ coronavit. Agnosce ô homo (f) quàm gravia sunt vulnera, pro quibus necesse est Dominum Christum vulnerari. Ipsa namque ejus corona (g) cruciatus est illi, & mille puncturis speciosum caput ejus diuulnerat. Vinculum fuit corona illa spinea (h) quæ cum magna amaritudine illud caput amabile complectens, multorum aculeorum in illo signa reliquit: sanguineas quoque guttas elicuit, & in faciem venerabilem transmisit, vix adhuc de sputis Iudaicis exsiccata. Siquidem corona spinea (i) non leviter imposita fuit, sed validè impressa capiti dulcissimi Capitis mei dulcis Iesu. Satis enim consentit veritati: ut qui oderant Veritatem, non solùm opprobrium illius sed supplicium requirant. Nec hîc puto quidem rivus Sanguinis defuisse, qui à capite irrisorie & invide coronati defluerent in collum simul & in faciem dulcis Iesu: quia si nolvisent coronato pœnam simul cum irrisionibus irrogare, faciliùs de aliis ramis vel virgultis arboris alicujus poterant plexisse coronam: sed ut morum suorum aculeos demonstra-

e Ser. 5. de omn. San. 11.9. f Ser. 2. in Nat. Dom. 11.4. g Ser. de Pas. 11.13.

Ararent, spinarum aculeis coronaverunt Agnum
mitissimum, dulcem Jesum. O Rex gloriæ (K)
Domine Jesu Christe, corona omnium te confiten-
tium, te sequentium, pugnantium pro te, viventium
pro te, manentium in te, quis te tam amaro vinculo
confusionis addixit? Ecce operit confusio caput tu-
um, & faciem tuam amabilem: ingeritur tibi à ge-
neratione prava & amaricante honor derisionis in
corona, sed spinarum aculeis contendunt in te do-
lor & confusio. Nescio in utro magis puniaris. Co-
rona derisionem, spinæ ingerunt punctionem. O Vi-
tis dulcissima, bone Jesu (l) hunc cunctis fructum red-
didit sibi vinea tua, quam de Ægypto transtulisti?
Expectaveras patienter usque ad hunc diem nuptia-
rum tuarum, ut faceret uvas, fecit autem spinas.
Spinis enim coronavit te, & spinis peccatorum suo-
rum circumdedit te, Ecce in quantam amaritudi-
nem conversa est vitis non jam tua, sed aliena. Vi-
de Jesum ô felix anima [m] in diademate quo coro-
navit eum mater ejus, Synagoga videlicet plebs Ju-
dæorum. Et quidem impia Synagoga (n) hunc no-
bis filium peperit officio quidem matris, sed non
matris affectu. O mater amara, (o) quid peccavit hic
bonus filius tuus, ut vinculis etiam spinarum vinciatur?
Hic est qui solvit compeditos, qui erexit elisos, su-
scipiens advenas, pupillos viduasque consolans, &
meruit vinculari? Hancne dotem, hæccine mu-
nuscula nuptiis illius impendis? Dies enim despon-
sationis illius, dies ista est dies indignationis & blas-
phe-

h. *Tract. de vite myst. c. 4. n. 14.* i. *Ibid. cap. 39.* K. *Ibid. c. 4. n. 14.*
l. *Ibid. c. 5. n. 24.* m. *Ibid. c. 4. n. 15.* n. *Ser. 6. in Vig. N. D. n. 12.*
o. *Tract. de vite myst. cap. 4. nu. 15.*

phemiæ, dies tribulationis & miseriæ, dies percussio-
 nis & doloris, dies vinculorum & mortis, dies des-
 ponsationis illius est. Hac arrha, ô fidelis anima,
 Sponsus tuus speciosus subarrhavit te; & ipse tan-
 quam sponsus hodie coronatus processit. Coronatus
 inquam non auro, non gemmis, sed spinis: nec defuit
 purpura vestis irritoriarum. Chlamydē enim coccineam
 circumdederunt ei, quamvis ipse vester corporis
 sui, Sanguinis sui preciosissimi effusione multò nobi-
 lius purpuravit. Purpura enim non plùs quàm bis
 tingitur: ipse verò purpuram corporis sui non so-
 lùm bis, sed etiam tertio sanguineo torrente pertin-
 xit. Ecce Sponsus tuus Jesus, ô sponsa anima, rubrica-
 tur in sudore, in flagellatione, in coronatione. Ele-
 va mentis oculos, & vide si tunica Sponsi tui hæc sit,
 an non? Ecce fera pessima condemnavit filium
 tuum, fratrem tuum, sponsum tuum. Quis hîc ge-
 mitus lachrymasquē contineat? Quis hîc non do-
 leat? Quia si est pium gaudere pio Jesu, ita est pium
 flere pium Jesum.

§. I I.

*Et veniebant ad Jesum, & genu flexo ante eum, adora-
 bant, & illudebant ei. Et ceperunt salutare eum,
 dicentes: Ave Rex Judæorum, Joan. 19. Matt 27.
 Mar. 15.*

Licet in irrisione coronent (p) tamen ignorantes
 & iridentes coronatum Regem fatentur: quia Re-
 gum est coronari. Coronatus ergo Rex esse à nescien-
 tibus

tibus demonstratur : in spinis verò coronantium malitia aperitur. Moraliter autem docemur imitari Caput nostrum, Regem & Ducem nostrum, dulcem Jesum. Si autem malorum quorumlibet perversitate compungimur & irridemur, cùm Caput nostrum ita compunctum & ita irrisum conspexerimus, non murmuremus, non recalcitemus. Pauca quæ nobis in vita præsentis & brevi inferuntur, cum omni æquanimirate & patientia sufferamus, ut digni simus esse membra Capitis nostri, & boni bellatores simus, sequendo vestigia Signiferi nostri. Ad hoc enim facta sunt hujusmodi (q) ut his omnibus cõfigureretur & conformetur vita Christiani. Habeamus ergo eorum (r) quæ contemptibilia Christo sunt illata, continuam & indefinentem memoriam : non utique ociosam, non tepidam, non torpentem; sed compassionis ardore super omnia plurimùm delectantem, & imitationis privilegio omnia impetrantem. Imitemur quoad possumus (s) eum qui imposita sibi ab aliis patienter audivit, qui pro reconciliandis sibi peccatoribus tãta sustinuit opprobria. Non interrogas ô homo, [t] ea quæ pateris, sed quæ passus est Christus. Quid fles [u] quid suspiras ô homo, dum sustines verborum iniurias? Non audis quanta adversus Dominum Deum tuum ceciderunt opprobria propter te? Disce à Christo modestiam [x] disce tolerantiam: Christum attende, & non dolebis de iniuriis. Pro nobis namque passus reliquit nobis exemplum. Hoc autem exemplum [y] ideo ingerit oculis nostris ea quæ

q Ser. 2. in Cena Dom. num. 6. r Ibidem num. 9. s Serm. 4. de Adu. Dom. num. 7. t Serm. 1. in Epiph. Dom. num. 2. u Serm. de Pass. Dom. num. 6. x Tract. de modo bene viven. cap. 42. n. 104. y Ser. 6. super Psalm. 90. n. 2.

quæ pertulit Christus, ut crebrò considerantes quanta sustinuit illa Majestas pro inutilibus servis, erubescamus non sustinere vel parva pro nobis. Palmis percussus (2) flagellis cæsus, sputis derisus, spinis coronatus, semper conticuit. Quando enim aliquis tibi conviciatur, propter peccata tua contingit tibi: quando tibi iniuriatur, mala tua hoc faciunt: quidquid tibi contingat adversum, pro tuo evenit peccato. Leviùs sustinebis, si pro quibus tibi infertur, intenderis. Cùm autem derogatur tibi, tu ora: quando aliquis maledicit tibi, tu benedic ei. Benedic ei, qui maledixerit tibi: maledicenti tibi, benedictionem appone: irascentem patientiâ delini, blandimento iracundiam furentis dissolve, lenitate vince nequitiam, bonitate malitiam. Tuo bono supera mala aliorum: tua tranquilla mente aliorum contumelias disperde. Ad bona & mala præpara cor tuum, & bona & mala prout tibi evenerint, porta. Sustine adversa & prospera, ut quæcunque occurrerint tibi, quæcunque evenerint tibi, mente placida sustineas. Respue probra illatæ contumeliæ, despicendo supera irrisionum probra, dissimulando contemne errores detrahentium. Et quamvis te quisq; irritet (a) quamvis te incitet, quamvis exasperet, quamvis insultet, quamvis convincietur, quamvis criminetur, quamvis ad litem provocet, quamvis ad jurgium vocet, quamvis convicium dicat, quamvis iniuriam faciat, quamvis afficiat contumeliis: tu sile, tu tace, tu dissimula, tu contemne, tu non loquaris, tu tene silentium, iniuriam non respondeas, mala verba non dicas, convicium non retorqueas,

2 Tract. de modo bene vivendi, cap. 42. num. 104. 2 Ibidem num. 105.

queas, contumeliam non respondeas. Tene silentii pacem: tacendo citius vinces. O sponsa Christi, audi quid ipse de te dicat: (b) *Sicut lilium inter spinas, sic amica mea inter filias*. Tractabile & lene est lilium, pungentes & duræ sunt spinæ. Non perdit lilium suam lenitatem, licet perferat spinarum asperitatem. O quàm malæ filiæ per communionem fidei, spinæ per amaritudinem morum! Tu ergo si vis esse lilium verum, si vis à Sponso dulcissimo collaudari, esto lilium inter filias, inter illas animas quæ ejusdem fidei, ejusdem professionis tecum sunt. Sed si morum amaritudine & verborum asperitate te pungunt: esto inter tales mitis & tractabilis, non exasperis ad quodlibet verbum, sed habe sustentiam, ut merearis & tu audire: *Sicut lilium inter spinas, sic amica mea inter filias*. O candens lilium [c] ô tener & delicate flos, increduli & subversores sunt tecum, vide quomodo cautè ambules inter spinas. Plenus est mundus spinis. In terra sunt, in aëre sunt, in carne tua sunt. Versari in his, & minimè lædi, divinæ potentiæ est, non virtutis tuæ. *Sed confidite* (inquit Dominus) *quia ego vici mundum*. Et si igitur undique tibi intendi prospicias tribulationum tanquam tribulorum aculeos, non turbetur cor tuum neque formidet, sciens quia tribulatio operatur patientiam, patientia probationem, probatio spem, spes autem non confundit. Considera lilia agri, quomodò inter spinas vigent & nitent. Si fenum quod hodie est, & cras in clibanum mittitur, Deus sic custodit, quantò magis amicam & sponsam suam charissimam? Denique custodit Dominus omnes dili-

^b *Tract. de vite myst. cap. 19. nra. 78.* ^c *Serm. 48. in Cant. nra. 2.*

diligentes se. *Sicut lilium inter spinas, sic amica mea inter filias*. Non mediocris titulus perfecti virtutis inter pravos vivere bonum, & inter malignantes innocentiae servare candorem, & morum lenitatem: magis autem si his qui oderunt pacem, pacificum & amicum ipsis te exhibeas inimicis. Id planè tibi similitudinem datam de lilio jure quodam proprietatis specialiter vendicabit, quod ipsas utique pungentes se spinas candore proprio illustrare & venustare non cessat. An non proinde lilium tibi videtur, implere quodammodò Evangelii perfectionem, quàm orare jubemur pro calumniantibus & persequentibus nos, benefacere his qui oderunt nos? Ergo & tu fac similiter, & erit anima tua amica Domini, & laudabit te de te dicens: *Quia sicut lilium inter spinas, sic amica mea inter filias*. Nec tamen hæc dicimus [d] ut tacitè transeat omnium perversitas, & ut non corripiantur inquieti, vel ut tumidi non comprimantur: imò qui ejusmodi sunt, reprehendendi veniunt, ut ne amittatur tractabilitas tuæ radicis, qui vis esse lilium. Sed secundùm Apostolum argue, obsecra, increpa, insta opportunè, importunè, in omni mansuetudine & patientia. Quasi dicat: Ita foris exerce zelum disciplinæ, ut lenitatem non perdas interiùs in mente, ut revocando perversum tu ipse quoque non pervertaris. Sunt autem quandoque malorum vitia arguenda, quandoque tacitè sufferenda, secundùm quod uniuscujusque qui talis est, utilitati videris expedire: quia non omnes ægroti uno genere medicinæ curantur.

§. III.

§. I I I.

Et expuentes in Jesum , acceperunt arundinem , & percutiebant caput ejus arundine. & dabant ei alapas . Matt. 27. Mar. 15. Jo: 19.

Cognosce anima mea [e] cognosce : Hic est Dominus Deus noster , Jesus Christus Salvator tuus , unigeniti Dei Filius , verus Deus , verus homo : qui solus sub Sole sine macula inventus est . Et ecce omnis ei interim purpura [f] non tam honoris est , quam irrisiois . Sceptum in manu gestat [g] sed eo ipso Caput ejus reverendum feritur . Adorant coram ipso positis in terra genibus , & Regem clamant : & continuò sputis amabiles ejus genas sublinunt : maxillam palmis & honorabile collum exhorant . Occurrat itaque spiritualiter [h] & ingerat seipsum Dominus Christus , vellicatis genis , facie sputis illita , puncto vepribus capite . Equidem utrisque adest Caput unum Christus [i] scilicet viatoribus & comprehensoribus : sed non uno modo membris omnibus exhibetur . Quibusdam enim gloriosum apparet , ut ab ipso glorificentur , & in ipso glorientur facta ei similia , quem vident sicuti est . Quibusdam ostenditur Caput hirsutum spinis , inclinatum in cruce , ut humilientur pariter & compungantur . Unde unus eorum [k] ait : *Conversus sum in arumna mea , dum configitur spina .* Benè confixus , qui.

con-

e Ser. de Pass. Dom. num. 15. f Serm. 5. de omn. Sanc. num. 9.
g Serm. de Pass. Dom. num. 3. h Serm. 2. in Cana Dom. nu. 7.
i Ser. 5. de omn. Sanct. nu. 8. k Serm. 48. in Cant. nu. 1.

conversus exinde est . Benè pungeris, si compunge-
 ris . Multi cùm sentiunt pœnam , corrigunt cul-
 pam . Et talis dicere potest: *Conversus sum in arum-
 na mea , dum configitur spina* . Spina culpa est , spi-
 na pœna est . Videant ergo [1] peccatores Christum
 in corona miseriæ, idest spinea , & compungantur .
 Compunctio cordis est humilitas mentis , [m] ve-
 niens de recordatione peccati , & de timore judicii .
 Illa compunctio est perfecta , quæ repellit à se om-
 nem delectationem carnalium rerum , & toto studio
 mentis figit intentionem suam in contemplatione
 Dei . Duplicem esse compunctionem legimus, unam
 scilicet , quâ propter Deum anima cujusque servi
 Dei afficitur, idest, cùm ad memoriam reducit ma-
 la quæ fecit : alteram verò, cùm suspirat propter de-
 siderium æternæ vitæ . Exigit planctum à nobis [n]
 pœnitentia præteritæ conversationis : exigit fletum
 desiderium futuræ beatitudinis . *Factæ sunt mihi la-
 chrymæ meæ panes die ac nocte* (ait Propheta) *cùm*
dicatur mihi quotidie : Ubi est Deus tuus ? Parum ei
 placet hujus vitæ novitas , quâ necdum vetera plan-
 git, necdum plangit admissa peccata, necdum plan-
 git tempus amissum . Si non plangis, planè non sen-
 tis animæ vulnera , conscientiæ læsionem . Sed
 nec futura satis gaudia concupiscis , si non quotidie
 satis postulas ea cum lachrymis : minùs tibi nota
 sunt , si non renuit consolari anima tua , donec ve-
 niant . Denique quatuor modis compungitur [o]
 mens justì hominis : nempè memoriâ peccatorum :
 recor-

1 Serm. 50. divers. nu. 1. m Tract. de modo bene vivendi. cap. 10.
 num. 28. n Serm. 2. in Quadrage. nu. 4. o Tract. de modo bene
 vivendi. cap. 10. nu. 28.

recordatione futurarum pœnarum : consideratione peregritationis hujus vitæ: desiderio supernæ patriæ, quatenus ad eam possit citò pervenire. Omnis peccator tunc se cognoscit visitari à Domino, quando compungitur ad lachrymas. Nam & Petrus tunc flevit, quando in eum Christus respexit, sicut scriptum est : *Et conversus Dominus respexit Petrum : qui statim egressus foras, flevit amare*. Unde etiam Psalmista dicit : *Respexit terram, & commota est & contremuit terra*. Tunc terra contremiscit, quando peccator ad lachrymas cōmovetur. Admoneo te igitur ô homo, ut in oratione cum lachrymis ad memoriam reducas peccata tua : quia qui non habet cordis compunctionem vel contritionem, non habet mundam orationem. Audi exempla Sanctorum, qui propter compunctionem & lachrymas apud Deum obtinuerunt veniam peccatorum suorum. *Anna* mater Samuëlis per compunctionem & lachrymas meruit habere filium: insuper obtinuit apud Deum prophetiæ donum. *David* per compunctionem & lachrymas obtinuit veniam perpetrati homicidii atq; adulterii. Sic enim audivit per Prophetam : *Non morieris, quia Dominus transtulit peccatum tuum*. Pater *Tobias* per compunctionem & lachrymas meruit accipere curationem cæcitatis, & consolationem paupertatis. Sic enim dixit ei Raphaël Angelus : *Gaudium tibi semper sit. Et adiecit : Forti animo esto, in proximo est ut à Deo cureris*. Etiam *Maria Magdalena* per compunctionem & lachrymas meruit à Domino audire : *Remittuntur tibi peccata tua*. Ideo autem exempla Sanctorum proposui tibi, ut lachrymæ per compunctionem suaves sint tibi.

Bona compunctio [p] thesaurus est desiderabilis, & inenarrabile gaudium in mente hominis. Anima quæ in oratione habet compunctionem, proficit ad salutem. Vir fortis non est minùs laudandus in luctu, quàm in bello. Quia ergo post Baptismum inquinavimus vitam, baptizemus lachrymis conscientiam nostram. Ubi lachrymæ fuerint, ibi accenditur spiritualis ignis, qui illuminat secreta mentis. — Lachrymæ pænitentium pro baptismo reputantur apud Deum. Si compunctionem secundum Deum habueris, beatus eris. Compunctio cordis, sanitas est animæ. Compunctio mentis, illuminatio est animæ: quia tunc anima illuminatur, quando ad lachrymas compungitur. Compunctio lachrymarum, remissio est peccatorum: quia tunc peccata dimituntur, quando cum lachrymis ad memoriam reducuntur. Compunctio Spiritum Sanctum reducit ad se: quia cum à Spiritu Sancto mens visitatur, statim homo peccata sua plorat. Initium revertendi ad Deum [q] pænitentia est, quam sine dubio Spiritus operator non noster, sed Dei: idquè & certa ratio docet, & confirmat auctoritas. Quis enim cum ad ignem venerit algens, & fuerit calefactus, dubitabit ei ab igne venisse calorem, quem habere non poterat sine illo? Sic ergo qui priùs in iniquitate erat frigidus, si postmodum fervore quodam pænitiæ accendatur, alium sibi Spiritum, qui suum arguit & dijudicat, non dubitet advenisse. Habes hoc & in Evangelio, ubi cum Christus loqueretur de Spiritu quem accepturi erant credentes in eum: *Ille*, inquit, *arguet mundum de peccato*.

CA-

C A P U T I X.

De spectaculo Christi, facto Judæis à Pilato
extra prætorium.

1. Ostenditur, Christum ideo voluisse coronari spinis, & indui veste irrisoria, ut fugiamus gloriam mundi, & luxum vestimentorum. 2. Ostenditur insipientia Judæorum & Pilati, qui Christum non Deum, sed purum hominem esse putabant: nec non prudentia Ecclesiæ, quæ eundem Christum catholicè credit Deum esse & hominem: qui præter oracula Prophetarum & paternam vocis testimonium, fidem divinitatis suæ miraculis comprobavit. 3. Ostenditur iuxta verbum Christi, Pilatum non à Judæis, sed desuper datam sibi habuisse potestatem crucifigendi Jesum. Quod autem diabolus habeat potestatem & in homines, probatur triplici argumento.

§. I.

Exiit iterum Pilatus foras. Exiit & Jesus portans coronam spineam & purpureum vestimentum. Et dicit Judæis Pilatus: Ecce adduco vobis eum foras, ut cognoscatis quia nullam invenio in eo causam. Joan. 19.

EXpergiscere nunc anima Christiana [a] excutere de pulvere, & contemplare virum hunc memorabilem, quem in speculo Evangelici sermonis

nis quasi præsentem intueris. Attende animā meā quis est iste, qui ingreditur habens imaginem quasi Regis, & nihilominus servi despectissimi confusione repletus & coronatus incedit: sed ipsa etiam ejus corona cruciatus est illi, & mille puncturis speciosum Caput ejus divulgavit. Regali purpura induitur, sed potius in ea despicitur quam honoretur. Spinarum punctationibus Caput ejus undique cruentatur [b] & in ludibrium ipsius virga manui ejus inferitur: coccineaquē chlamyde amictus, tanquam infatuatus irridetur. Pudeat ergo sectari gloriam membra [c] quibus Caput suum tam inglorium exhibetur, non habens speciem aut decorem, vel aliquid ejusmodi. Imitemur nostrum Jesum (d) qui pro reconciliandis sibi peccatoribus tanta sustinuit. Ad hoc enim facta sunt hujusmodi (e) ut his omnibus configuretur & conformetur vita Christiani. Qui enim tanquam membrum Christi dicit se in Christo manere, debet sicut ille ambulavit, & ipse ambulare. Pudeat sub spinato Capite (f) membrum fieri delicatum, quodd omnis ei interim purpura non tam honoris sit, quam irrisionis. Unde & ipse Dominus noster Jesus Christus (g) dicit in Evangelio: *Ecce qui mollibus vestiuntur, in domibus regum sunt.* Mollia dicuntur vestimenta, quia mollem faciunt animum. Mollibus vestimentis delectatur Regis curia: asperis verò & humilibus delectatur Christi Ecclesia. Talia debent esse vestimenta servorum Dei, in quibus nihil possit notari novitatis, nihil super-

per-

h Tract. de 3. princip. myst. cap. 6. num. 13. c Serm. 5. de omni. Sanct. num. 9. d Ser. 4. de Auen. Dom. nu. 7. e Ser. 2. in Cena Dom. nu. 6. f Ser. 5. de omni. Sanct. nu. 9. g Tract. de modo bene vivendi. cap. 9. nu. 25.

perfluitatis, nihil vanitatis, nihil quod pertineat ad superbiam & ad vanam gloriam. Superbia habitus est (h) quando homo, ut gloriosus videatur, preciosis se ornat vestibus. Unde Paulus ait: *Non in veste preciosa*. Et Dominus: *Qui mollibus vestiuntur, in domibus regum sunt*: ubi superbia abundat. Vestes autem nostræ (i) virtutes sunt. Bona vestis charitas, bona vestis obedientia est. Beatus qui custodit vestimenta hæc, ut non ambulet nudus. Non facit ornatum Clericum tenera vestis (k) sed munditia mentis. Ergo ornemus nosmetipsos spiritualibus ornamentis, scilicet charitate, humilitate & mansuetudine, obedientiâ & patientiâ. Hæc sunt vestimenta quibus placere poterimus Jesu Christo, cœlesti Sponso. Christus invisibilis Sponsus non requirit pulchritudinem foris, sed intus, sicut scriptum est in Psalmos: *Omnis gloria ejus filia Regis ab intus*. Studeamus placere Christo non preciosis vestibus, sed bonis moribus: non pulchritudine carnis, sed pulchritudine mentis. Studeamus placere illi non facie, sed corde. Vestimenta nostra & calceamenta nec nimium sint preciosa, nec multum vilia, sed ex moderato & competenti habitu. Sic enim ait Beatus Augustinus de semetipso: *Fateor, de preciosa veste erubescō*. Et iterum: *Non decet hanc professionem, non decet hanc admonitionem, non decet hæc membra, non decet hos canos*. Proinde professionem nostram (l) habitu & incessu demonstramus: sit in gressu nostro simplicitas, sit in incessu honestas. Nihil dedecoris, nihil lasciviæ, nihil petulantia, nihil insolentia,

tia, nihil levitatis in incessu nostro appareat, Animus enim in corporis gestu apparet: gestus corporis signum est mentis: corporis gestu animus proditur. Ergo incessus noster non habeat imaginem levitatis: incessus noster non habeat imaginem levitatis: incessus noster non offendat oculos alterius. Non præbeamus de nobis spectaculum: non demus aliis locum de nobis obtrectandi. Ideò autem hoc dixi, ut plùs gaudeamus intùs in anima de sanctis virtutibus, quàm foris in corpore de preciosis vestibus. Unde dicit Beatus Gregorius: Nemo vestimenta preciosa quærit, nisi ad inanem gloriam: videlicet, ut inde laudetur, & ut honorabilior cæteris appareat. Nemo vult preciosis vestibus indui, nisi ut ab aliis possit videri. Ergo pro sola vana gloria vestimentum preciosum quæritur. In hoc cognoscimur (m) quòd sæculum diligimus, quia preciosa vestimenta amamus. Qui sæculum non diligit, preciosa vestimenta non quærit. Quando homo gaudet de pulchritudine corporis, mens ejus elongatur ab amore Creatoris. Quando ampliùs in compositione corporis lætamur, tantò magis à superno amore disiungimur. Quando plùs in terrenis & transitoriis rebus gaudeamus, tantò minùs cælestia desideramus. Ex cordis thesauro sine dubio procedit (n) quidquid foris apparet vitiosum. Vanum cor, vanitatis notam ingerit corpori: & exterior superfluitas, interioris vanitatis indicium est. Molliora indumenta animi molliem indicant. Non tantò curaretur corporis cultus, nisi priùs neglecta fuisset mens inculta virtutibus.

m Ibidem num. 27. n Apolog. de vit. & mor. Relig. cap. 10. num. 29. o Serm. 2. de Resurrect. Dom. num. 2.

bus. Porro in lepra vestis (o) omnem sæculi hujus pomposam intellige vanitatem. Sed ab illa nihilominus mundaberis, ubi intueris Christum Dominum vilibus pannis involutum, factum opprobrium hominum, & abiectionem plebis. A lepra quoque corporis mundamur, si benè cogitantes Dominicam Passionem, erubescimus sequi corporis voluptatem. Ubi enim ille mulctatur morte (p) turpatur cruce: quis Christianorum delicias seu gloriam sustinere queat, nedum audeat quærere? Flagellatus Christus & sputis illicus, ludibrium factus est irrisoria veste, arundineo sceptro, coronâ spineâ: & hæc intuens qui dicitur Christianus, propriis nihilominus voluptatibus indulgere & florere in sæculo nulloatenus erubescit?

S. I I.

Iterum dicit eis Pilatus: Ecce Homo. Cùm ergo vidissent eum Pontifices & ministri, clamabant dicentes: Crucifige, crucifige eum. Dicit eis Pilatus: Accipite eum vos & crucifigite: ego enim non inuenio in eo causam. Responderunt ei Judæi: Nos legem habemus, & secundum legem debes mori, quia Filium Dei se fecit. Joan. 19.

Judæi non immemores odii (q) quo oderant Patrem, exercent illud in Filium. Unde & ipse ait: *Quia oderunt me, & Patrem meum. O grossum viperinumquè affectum (r) odire hominem qui homi-*

S 4

num

p *Tract. de vit. & mōr. Cleric. cap. 14. num. 49.* q *Serm. 3. in Circumcis. Dom. num. 4.* r *Ser. 60. in Cant. num. 4.*

num & corpora sanat, & animas salvat. Judas panem intinctum accepit (s) quia Dominum Jesum tantum hominem & non Deum putavit. Hunc Judæi qui per Judam significantur, panem intinctum comedunt, quia Christum Jesum non Deum, sed purum hominem fuisse credunt. Non cognovit Synagoga (t) quæ nigredinem illi passionis & infirmitatis improperans: *Alios (ait) salvos fecit, seipsum non potest saluum facere*. Sed cognovit Centurio, qui Filium Dei clamat. Cognoscit Ecclesia, quæ & æmulatur nigredinem, ut decorem participet. Sicut Mediator noster duas naturas, (u) Humanitatem videlicet & Divinitatem coniunxit in una persona: ita singula ejus opera ad hanc, sive illam necesse est pertinere naturam. Ad hanc siquidem miseria, sed ad illam pertinet potentia. Quidquid miseriæ passus est, ex homine contraxit: quidquid potenter operatus est, à Patre habuit. Apparuit humanitas ejus in nostræ infirmitatis susceptione (x) Divinitas in miraculorum exhibitione: in dæmoniorum oppressione potestas, in peccatorum susceptione benignitas. Humanitatis namque fuit, quod esuriit: Divinitatis, quod de quinque panibus quinque millia hominum satiavit. Humanitatis fuit, quod in mari dormivit: Divinitatis, quod mari & fluctibus imperavit. Humanitatis fuit, quod mortem sustinuit: Divinitatis, quod mortuos suscitavit. Item potestatis fuit, quod Phariseos de templo ejecit: benignitatis, quod in convivium publicanos & peccatores

s *Serm. 3. in ultim. Cena num. 21* t *Serm. 28. in Cant. num. 20.* u *Serm. de verb. sap. num. 7. tom. 6. pag. 771.* x *Serm. de Advent. Dom. num. 1. tom. 6. pag. 602.*

tores suscepit. Potestatis fuit, quòd dæmones ter-
ruit: benignitatis, quòd adulteram absolvit. Po-
stremò potestatis fuit, quòd volentes eum capere
prostravit: benignitatis, quòd abscissam sui perse-
cutoris auriculam loco simul & sanitati restituit.
Considerate denique quid sit Deus (y) & videte quid
sit quòd deposuerit tantam Majestatem, quòd exi-
maniverit tantam potestatem, quòd infirmaverit
tantam virtutem, quòd tantam altitudinem humi-
liaverit, quòd tantam sapientiam infatnaverit. Num-
quid hominis justitia? Absit. Omnes enim decli-
naverunt simul inutiles facti sunt, non est qui faciat
bonum. Quid ergo? Num aliqua ejus egestas? Mi-
nimè. Ejus enim est orbis terræ, & plenitudo ejus.
An fortè nostri in aliquo eguit? Nequaquam. Deus
quippe meus est, bonorum meorum non eget. Quid
ergo? Verè Domine non mea justitia fuit, sed tua mi-
sericordia: non tua egestas, sed mea necessitas. Di-
xisti enim: *Misericordia edificabitur in Calis*. Ita
planè: quia miseria abundabat in terris. Ideo mise-
ricordiam cantabo tibi Domine. Misericordiæ
namque fuit, quòd infirmitates nostras factus homo
in se suscepit: misericordiæ, quòd fidem Divinitatis
sue miraculis confirmavit. Misericordiæ nihilomi-
nùs fuit, quòd dæmonum nobis calliditates detexit,
& evacuavit virtutem. Misericordiæ fuit, quòd
meretricis attactum non respuit, sed approbavit de-
votionem. Itaque quòd se exhibuit in Humanitate
humilem, in miraculis potentem, in dæmonum op-
pressionem fortem, in peccatorum susceptione mitem:
totum hoc ex misericordiæ fonte processit, totum ex
pie-

pietatis visceribus emanavit. Unde & ipse Deum se [z] & in ipsis operibus clamat: *Et si mihi, inquit, non creditis, operibus credite: et si non facio opera Patris, nolite credere.* Nec sic tamen evigilant Judæi ad intelligendum. Non fuga dæmonum, non obedientia elementorum, non vita mortuorum bestialem hanc & plusquam bestialem hebetudinem ab eis depellere quivit. De qua non minus mirabili quam miserabili cæcitate factum est, ut in illud tam horrendum tamquæ enormiter grossum facinus prorruperint, Domino majestatis iniicientes manus sacrilegas. O fatuam sponsam Synagogam [a] quæ contemnens Dei justitiam, id est gratiam Sponsi sui, & suam volens constituere, justitiæ Dei non est subiecta. Ob hoc misera repudiata est, & jam non est sponsa, sed Ecclesia cui dicitur: *Desponsavi te mihi in fide. Desponsavi te mihi in iudicio & iustitia. Desponsavi te mihi in misericordia & miserationibus.* Habet & Judæa quosdam Jesus [b] quorum vacuis gloriatur vocabulis. Illa enim nec lucent, nec pascunt, nec medentur. Idcirco Synagoga in tenebris est usque adhuc, fame & infirmitate laborans. Et non sanabitur nec satiabitur, quousque sciat meum Jesum dominari Jacob & finium terræ, & convertatur ad vesperam: & famem patiatur ut canes, & circumcat Civitatem.

§. I I I.

Cum ergo audisset hunc sermonem Pilatus, magis timuit. Et ingressus prætorium, dixit ad Jesum: Unde

^z Serm. 60. in Cant. num. 5. ^a Serm. 67. in Cant. num. 110.
^b Serm. 15. in Cant. num. 8.

Unde es tu? *Jesus autem responsum non dedit ei. Dicit ergo ei Pilatus: Mibi non loqueris: nescis quia potestatem habeo crucifigere te, & potestatem habeo dimittere te? Respondit Jesus: Non haberes potestatem adversum me ullam, nisi tibi datum esset desuper. Propterea qui me tradidit tibi, majus peccatum habet.* Joan. 19.

Dicebat Dominus [c] capientibus se: *Hac est hora vestra, & potestas tenebrarum.* Potestas ista non la-
tuit Apostolum qui dicebat: *Qui eruit nos de potestate tenebrarum, & transtulit in regnum Filii claritatis suae.* Hanc ergo Dominus Jesus nec in se quidem negavit diaboli potestatem, sicut nec etiam Pilati, qui membrum erat diaboli. Ait liquidem: *Non haberes potestatem in me ullam, nisi data tibi fuisset desuper.* Quodsi in viride lignum intatum grassata est ista desuper data potestas, aridum quomodo non audet contingere? Jam quidem diabolo ignis paratus est (d) etsi nondum ille praecipitatus in ignem, modico tamen adhuc tempore sinitur malignari. Tanquam malleus caelestis opificis factus est, malleus universae terrae. Terit electos ad eorum utilitatem, reprobos conterit in eorum damnationem. Callidissimo serpenti nullum aliud desiderium (e) nullum studium, nullum negotium, nisi effundere sanguinem animarum. Hic est qui jugiter machinatur malum, qui desideria carnis instigat, qui concupiscentiae ignem naturalem quodammodo venenatis suggestionibus sufflat, illicitos motus inflammat, peccati
occa-

c Tract. de error. Abailar. cap. 5. num. 14. d Serm. de S. Malach. num. 4. e Serm. 5. in Quadrage. num. 2.

occasiones parat , & mille nocendi artibus corda hominum tentare non cessat . Sed quid prodest indicasse pericula (f) si nulla consolatio, nulla adhibeantur remedia ? Magnum quidem discrimen est adversus diabolicæ fraudis astutias tam crebros, imò continuos habere conflictus : quem nec videre quidem possumus , & quem nimis astutum fecerit tam natura subtilis , quàm longa exercitatio malitiæ ejus . Verumtamen in nobis est si vinci nolumus, & nemo nostrum in hoc certamine deiicitur invitus . Sub te est ô homo appetitus tuus , & tu dominaberis illi . Potest inimicus excitare tentationis motum , sed in te est si volueris dare seu negare consensum . In tua facultate est si volueris inimicum tuum facere servum tuum , ut omnia tibi cooperentur in bonum . Notandum est (g) quod dicitur : *Si ascenderit super te spiritus potestatem habentis , locum tuum ne dimiseris* . Nihil quippe adversus nos malignus spiritus potest , nisi missus aut permissus . Unde cum ejus sit voluntas semper mala, nunquam potestas est nisi justa . Nam voluntas quidem mala ex seipso sibi inest , potestatem verò non aliundè quàm à Deo habet . Quam tamen potestatem semper moderatur Dominus , ne scilicet ex nequitia voluntatis plùs puniat , quàm eorum exigunt merita qui puniuntur . Ceterum etsi justam dicimus diaboli potestatem (h) non tamen & voluntatem . Unde non diabolus qui invasit , non homo qui meruit : sed justus Dominus qui exposuit . Non enim à potestate , sed à voluntate justus iniustusvè quis dicitur . Hoc ergo diaboli quod-

f *Ibidem* num. 3. g *Serm.* 84. *diver. num.* 2. h *Tract. de error. Abailar. cap. 5. num.* 14.

quoddam in hominem jus , et si non jure acquisitum sed nequiter usurpatum , justè tamen permissum . Tripliciter autem mihi videntur (i) homines esse sub principe tenebrarum . *Primò* quidem *nec volentes , nec nolentes* , quod convenit his qui necdum habent voluntatis usum : sunt tamen vasa iræ propter originale peccatum , donec alligato forti vasa ejus diripiat fortior , per Sacramentum adveniens , verus utique Moyses qui in aqua venit , nec in aqua solùm , sed in aqua & Sanguine . *Secundo modo volentes* , cùm jam voluntariè peccant . Nam & qui voluerunt sui esse (k) utique sicut Dii , scientes bonum & malum : facti sunt non tantùm jam sui , sed & diaboli . Itaque libera voluntas nos facit nostros , mala diaboli , bona Dei . Ad hoc pertinet quod dicitur : *Novit Dominus qui sunt ejus* . Nam illis qui ejus non sunt : *Amen dico vobis* , inquit , *nescio vos* . Dum ergo per malam voluntatem sumus diaboli , quodammodò interim non sumus Dei : sicut cùm per bonam voluntatem efficimur Dei , desinimus jam esse diaboli . *Nemo siquidem potest duobus Dominis servire* . Cæterùm sive Dei simus , sive diaboli : non tamen desinimus esse & nostri . Manet quippe utrobique libertas arbitrii , per quam maneat & causa meriti : quatenus meritò vel puniamur mali , quòd tanquam liberi ex propria voluntate efficimur ; vel glorificemur boni , quòd nisi æquè voluntarii esse non possumus . Sanè diabolo nostra nos mancipiat voluntas , non ipsius potestas . Deo subiicit ejus gratia , non nostra voluntas . Nostra quippè voluntas bona (quod faten-

i *Serm. 2. diver. num. 5. k Tract. de grat. & lib. art. cap. 6. num. 18.*

fatendum est) à bono Deo creata est, perfecta tamen non erit quousque suo Creatori perfectè subiecta sit. *Tertiò* denique modo (1) videntur homines esse sub principe tenebrarum *nolentes*, cùm jam resipiscere vellent, nisi quoddam peccati consuetudine miserabiliter obligati, iusto Dei iudicio qui in sordibus sunt, sordescunt adhuc. In quo tertio statu laborasse videtur prodigus ille filius, & verè prodigus nimis, qui non-modò dissipârat sua, sed & semetipsum subiecerat miseræ servituti. Infelix venundatus sub peccato, cùm ad se reversus ait: *Quanti mercenarii in domo patris mei abundant panibus, ego autem hîc fame pereor?* Si quis expertus est in semetipso, facilè credo in his verbis animum miserabilem recognoscet. Quis enim peccati consuetudine obligatus non se felicem reputaret, si datum ei esset tanquã unum ex his se esse, quos in sæculo tepidos videt viventes sine crimine, minimè tamen quærentes quæ sursùm sunt sed quæ super terram? *Quanti*, inquit, *mercenarii in domo patris mei abundant panibus?* id est, consolantur in innocentia sua, & fruuntur propriæ conscientiæ bono. *Ego autem hîc fame pereor:* id est, insatiabilibus crucior peccatorum desideriiis, affectibus vitiorum. Potest tamen intelligi, quoddam non fame panis nec siti aquæ, sed fame & siti Divini verbi, quam & Judææ Propheta minatur, & se perhibeat laborare. Et hæc dixerim non quoddam ita sit, sed quoddam ita sentiat miser humiliatus sub peccato. Neque enim gloriantur conscientiæ testimonio, quorum sæcularis & mercenaria intentio est: sed peccator compunctus reputat sanctissimum quacunque ex causa alterum cùm videat

deat innocentem . *Fac me , inquit , sicut unum ex mercenariis tuis .*

C A P U T X.

**De sententia mortis , quâ condemnavit Pilatus
Jesum ad crucifigendum .**

1. *Reprehendantur Judæi , quod impiè abnegantes Christum coram Pilato dixerunt : Non habemus Regem , nisi Cæsarem . Proinde ostenditur , Christum merito repudiavisse Synagogam Judæorum , Ecclesiam verò Gentium desponsavisse sibi .* 2. *Ostenditur , Judæos similes esse bestiis , eò quod sicut istæ sitiunt sanguinem humanum ob ejus dulcedinem , sic illi sitiabant Sanguinem Christi ob execrabile odium , cum dicebant : Sanguis eius super nos , & super filios nostros . Ideò probatur eos esse homicidas Christi , quem occiderunt in suam quidem perniciem , sed in nostram salutem . Excitamus ad sitiendum Sanguinem Christi .* 3. *Ostenditur , Pilatum condemnavisse Christum ad crucifigendum , ob solam duntaxat voluntatem Judæorum . Monemur fugire propriam voluntatem , cum nihil puniat Deus præter illam . Ostenditur , propriam voluntatem hominis triplici modo exercere bellum crudelissimum adversus Deum .*

§. I.

Exinde quærebat Pilatus dimittere Jesum . Judæi autem clamabant dicentes : Si hunc dimittis , non eris

eris amicus Caesaris: omnis enim qui se Regem facit, contradicit Caesari. Pilatus autem cum audisset hos sermones, adduxit foras Jesum, & sedis pro Tribunali in loco qui dicitur Lithostrotos, Hebraicè Gabbata. Erat autem hora quasi sexta, & dicit Judæis: Ecce Rex vester. Illi autem clamabant: Tolle, tolle: crucifige eum. Dicit eis Pilatus: Regem vestrum crucifigam? Responderunt Pontifices: Non habemus Regem, nisi Cæsarem. Joan. 19.

Iudæi non immemores odii (a) quo oderant Patrem, exercent illud in Filium. Unde & ipse ait: *Quia oderunt me, & Patrem meum*. An non domus illa Jacob exasperans (b) impiè abnegavit Jesum, & insipienter respuit ante faciem Pilati, quando illo perhibente, *Regem vestrum crucifigam?* uno ore respondendo clamavit: *Non habemus Regem, nisi Cæsarem?* Christus ab eodem populo (b) & in eodem loco, & ipso tempore, paucissimis diebus interpositis, primò cum tanto triumpho susceptus, postea crucifixus est. O quàm dissimile est, *Tolle, tolle, crucifige eum: Et, Benedictus qui venit in nomine Domini?* Quàm dissimile, *Rex Israël: Et, Non habemus Regem, nisi Cæsarem?* Quàm dissimiles rami virentes & Crux, flores & spinæ? Paveant qui abnegaverunt (d) qui dixerunt: *Non habemus Regem, nisi Cæsarem*. Paveant qui dixerunt: *Nolumus hunc regnare super nos*. Redit siquidem accepto regno, & malos malè perdet. Vultis nosse quia

a Ser. 3. in Circumcis. Dom. nu. 4. b Ser. 4. super missus num. 2.
c Ser. 2. in Dom. Palmi num. 4. d Ser. 1. in die Pasche num. 9.

quia redit accepto regno? *Data est mihi*, inquit, *omnis potestas in calo & in terra*. Sed & Pater in Psalmo: *Postula à me*, ait, *& dabo tibi gentes hereditatem tuam, & possessionem tuam terminos terra*. Tuam, inquit, hereditatem (e) tuamquè possessionem dabo tibi. Quomoddò dabis ei, si sua est? & quomoddò suam mones ut postulet? Mihi proinde postulat, qui meam ad hoc induit formam, ut suscipiat causam. O si me in illa die [f] quando traditurus est regnum Deo & Patri, visitare dignabitur in Salutari suo, ad videndum scilicet in bonitate Electorum suorum, ad lætandum in lætitia Gentis suæ, ut laudetur etiam à me cum hereditate sua! Veni interim Domine Jesu, aufer scandala de regno tuo, quod est anima mea, ut regnes tu (qui debes) in ea. Venit enim avaritia, & vendicat sibi in me sedem: jactantia cupit dominari mihi, superbia vult mihi esse rex. Luxuria dicit: Ego regnabo. Ambitio, detractio, invidia & iracundia certant in meipso de meipso, cujus ego potissimum esse videar? Ego autem quantum valeo resisto, renitor quantum juvor: Dominum meum Jesum reclamo, ipsi me defendo: quia ipsius me juris agnosco, Ipsum mihi Deum, ipsum mihi Dominum teneo, & dico: Non habeo Regem, nisi Dominum Jesum. Veni ergo Domine, disperge illos in virtute tua, & regnabis in me: quia tu es ipse Rex meus, qui mandas salutes Jacob. Et tu quidem ò impia synaga (g) hunc nobis Filium peperisti officio quidem matris, sed non matris affectu. Excussisti eum de sinu tuo extra civitatem eii-

T

ciens

e Ser. 28, in Cant. nu. 3. f Ser. 4, super missas nu. 2. g Ser. 5, in vig. Nat. Dominum. 11.

ciens & elevans super terram, tanquam dicens Ecclesiae Gentium pariter & Ecclesiae primitivorum, quæ est in cælis: Nec mihi nec vobis sit, sed dividatur. Dividatur, inquam, non inter vtrasque, sed ab utrisque. Expulsum enim & exaltatum & elevatum & quidem modicè satis, tamen ut nec in tuis esset manibus nec in terra, ferro undique coarctasti, ne fortè vel hac vel illac excideret: ut videlicet à te separatus, ad neutram perveniret illarum. Sæva nimirum mater ita abortivum facere voluisti, dum non esset qui excipere posset excussum. Age ergo, quid profeceris intueri. Undique enim egrediuntur filiae Sion, ut videant Regem Salamonem in diademate quo coronasti eum. Relinquens matrem adhæret uxori suæ, ut sint duo in carne una: & civitate pulsus atque elevatus à terra omnia trahit ad se. Vide autem nunc quomodò trahat ad se omnia (h) quomodò ei omnia uniantur unitate substantiali, personali, spiritali, Sacramentali. Habet in se Patrem, cum quo est una substantia. Habet assumptum hominem, cum quo est una persona. Habet adhaerentem sibi animam, cum qua est spiritus unus. Habet sponsam Ecclesiam unam omnium Electorum, cum qua est caro una. Et fortè carnalis hæc unio dicenda fuisse videbitur; sed Sacramentalem dicere malvi, dignius hoc vocabulum arbitratus, præsertim occasionem dante Apostolo ubi ait: *Sacramentum hoc magnum est, ego autem dico in Christo & in Ecclesia*. O fatuam sponsam synagogam (i) quæ contemnens Dei justitiam, idest gratiam Sponsi sui, & suam volens constituere, justitiæ Dei non est sub-

jecta

h. *Serm. 33. divers. m. 8.* i. *Ser. 67. in Cant. num. 11.*

jecta. Ob hoc misera repudiata est, & jam non est sponsa, sed Ecclesia cui dicitur: *Desponsavi te mihi in fide. Desponsavi te mihi in iudicio & iustitia. Desponsavi te mihi in misericordia & miserationibus.* Nec tu me elegisti, sed ego eligi te: nec ut te eligerem, tua inveni merita, sed præveni. Ita ergo infide desponsavi te mihi, & non in operibus legis: desponsavi quæ in iustitia, sed iustitia quæ est ex fide, non ex lege. Restat ut iudices iudicium rectum inter me & te, iudicium quo te desponsavi, ubi constat intervenisse non tuum meritum, sed meum beneplacitum. Hoc est autem iudicium ut tua merita non extollas, non præferas opera legis, non jactes pondus diei & æstus, quæ magis in fide & in iustitia quæ est ex fide, nec non in misericordia & miserationibus nosceris desponsata.

§. I I.

Videns autem Pilatus quia nihil proficeret, sed magis tumultus fieret: acceptâ aquâ, lavit manus coram populo dicens: Innocens ego sum à Sanguine iusti huius: vos videritis. Et respondens universus populus, dixit: Sanguis eius super nos, & super filios nostros. Matt. 27.

Scitis Fratres (k) quia in primo homine Adâ peccavimus omnes, in ipso etiam cecidimus universi. Cecidimus sanè in carcerem luto pariter & lapidibus plenum. Exinde jacebamus captivi, inquinati, conquassati, donec venit desideratus Gentibus qui nos redimeret, ablueret, adjuvaret. Ego autem au-

T 2 diens

k Ser. 2. in oct. Pasch. num. 4.

diens (l) quia tranlit ante carcerem Filius magni Regis, cæpi altiùs gemere, & mirabiliùs exclamare dicens: Filii Dei, misere mei. At ille sicut benignissimus, Quisnam est, inquit, ille fletus & ulatus quem audio? Et dicunt ei: Ipse est Adam proditor ille, quem Pater vester trudi fecit in carcerem, donec cogitet quibus illum suppliciis faciat interire. Quid ageret cujus natura bonitas, cui proprium est miseri semper & parcere? Descendit in carcerem, venit ut educeret vinctum de domo carceris. Judæi verò non immemores odii quo oderant Patrem, exercent illud in Filium. Unde & ipse ait: *Quia oderunt me, & Patrem meum.* Quid ergo fecerunt impii quibus gravis erat etiam ad videndum? *Hic est, inquit, hæres, venite occidamus eum.* Homicidium fit multis modis: (m) manu, præcepto, consilio, consensu, vel neglectu. Si enim moriturum aliquo modo vivificare valeas & negligis, proculdubio ejus mortis reus eris. Siquidem & Judæi (n) cùm per Sacerdotum persuasionem populus dimitti Barabbam, Christum verò crucifigi acclamavit, linguis non manibus ipsum crucifixerunt. Unde dicit David: *Quia linguas suas ut gladium acuerunt.* Sic ergo Judæi occiderunt Agnum Dei (o) in suam quidem perniciem, sed in nostram salutem. Illi enim Sanguinem Agni fuderunt, nos accessimus & bibimus illum. Accepimus calicem salutaris: & calix noster inebrians quàm præclarus est. Quis autem nisi totus caro & sanguis (p) & qui nihil in se habet spirituale, San-

l Ser. 3. in Circumcis. n. 4. m Ser. 4. super sal. Reg. n. 24. n Ser. in ser. 2. Pasch. n. 13. tom. 6. pag. 723. o Ser. 3. in Circumcis. n. 4. p Tract. de vite myst. cap. 33 vnum. 140.

Sanguinem istum fastidiat? Quis volens se de sanguinibus contractis liberari, istum purissimum saluberrimumquè Sanguinem Jesu purissimi non affectet? Quis semel isto dulcissimo Sanguine inebriatus, quem paravit in dulcedine sua pauperi Deus, non magis ac magis sitiatur, audiens veram vocem Sapientiae Dei, Unigeniti Patris, optimi Jesu dicentis: *Qui edunt me, adhuc esurient: & qui bibunt me, adhuc sitient?* Si verum est, imò quia verum est humano sanguini prae cæteris tantam naturaliter inesse dulcedinem, ut cum à bestia qualibet semel gustatus fuerit, illum de cætero semper gustare desiderent: ita ut aliis animalibus postpositis, sanguini insidiantur humano, & in mortem suam corruant pro illo acquirendo. Quantum in se credis habere dulcedinis Sanguinem Filii hominis Jesu Christi? Ecce sitiunt irrationales bestiae sanguinem hominis, & non sitiam ego Sanguinem Filii Dei? Bestiae quantò plùs gustaverint, tantò plùs sitiunt sanguinem humanum: & ego fastidiam Sanguinem Dei & hominis benigni Jesu? Bestiae corrunt in mortem suam dulcedine sanguinis humani attractæ: ego non festinabo ad vitam meam, & Sanguinem rubicundi Jesu & candidi? Imò verè festinabo, emam & bibam. Emam absque argento & absque ulla commutatione vinum & mel, quæ nobis Sapientia Patris Altissimi benigniùs miscuit in cratere cordis sui, nimirum Sanguinem suum, precium vitæ nostræ. Properate mecum qui diligitis Dominum: emitte non corruptibilis auro & argento, sed commutatione morum & conversationis vestræ, vinum & lac. Sanguinem illum dico purissimum & preciosissimum, inebriantem perfectos ut

vinum, ut lac parvulos nutrientem. Si perfectus, si fortis es; vinum est tibi Sanguis iste meracissimus. Si adhuc infirmus es, & cui opus sit lacte; lac est tibi ad nutriendum te. Bibe ergo Sanguinem hunc meracissimum, fide, memoriâ, & intuitu spirituali. Synagoga fortis est (q) non curat onus leve, nec jugum suave. Sana est, non est ei opus medicus, nec unctio spiritûs. Confidit in lege, liberet eam si potest. Non autem data est lex quæ possit vivificare, insuper & occidit. Litera enim occidit. *Propterea* (inquit Jesus) *dico vobis quia moriemini in peccatis vestris.* Hoc judicium est, ô Synagoga, quod flagitas: errori tuo caeca & contentiosa defereris, donec plenitudo Gentium introeat. Tu ergo in medio gehennæ expectato salutem (r) quæ jam facta est in medio terræ. Quam tibi somnias proventuram inter ardores sempiternos facultatem veniam promerendi, cum jam transiit tempus miserendi? Non relinquitur tibi hostia pro peccatis, mortuo in peccatis. Non crucifigitur iterum Filius Dei, mortuus est semel, jam non moritur. Non descendit ad inferos Sanguis qui effusus est super terram. Biberunt omnes peccatores terræ: non est quodd sibi ex eo vendicent dæmones ad restinguendos focos suos, sed neque Judæi socii dæmoniorum. Semel illò descendit non Sanguis, sed Anima Christi: & hæc portio eorum qui in carcere erant, una illa visitatio quæ tunc facta est per præsentiam Animæ, cum Corpus penderet exanime super terram. Sanguis aridam rigavit, Sanguis infudit terram, & inebriavit eam. Sanguis quæ in terra & quæ in cælis sunt pacificavit, non autem & quæ apud

infe-

inferos: nisi quoddam semel illud (ut dixi) Anima ejus excucurrit, & fecit ex parte redemptionem, ne vel eo momenti vacarent opera charitatis: sed ultra non adiciet. Per Sacerdotum persuasionem (s) populus dimitti Barabbam, Christum verò crucifigi acclamavit: *Sanguis ejus super nos, & super filios nostros*. Propter hoc (t) dispersi sunt Judæi in omnes Regionem, ut dum justas tanti facinoris penas luunt, testes sint nostræ Redemptionis. Vivi quidam apices nobis sunt, repræsentantes Dominicam Passionem. Unde in Psalmo loquitur Ecclesia: *Disperge illos in virtute tua, & depone eos protector meus, Domine*. Ita factum est. Dispersi sunt, depositi sunt, durâ sustinent captivitatem sub Principibus Christianis. Nulla turpius servitus graviorvè (u) quàm servitus Judæorum: quam quocunque post se trahunt, ubique Dominos offendunt suos.

§. III.

Tunc Pilatus volens populo satisfacere, adiudicavit fieri petitionem eorum. Dimisit autem eis eum qui propter homicidium & seditionem missus fuerat in carcerem, Barabbam quem petebant: Jesum verò flagellatum tradidit voluntati eorum, ut crucifigeretur. Mar. 15. Luc. 23. Matt. 27. Joan. 19.

Per Sacerdotum persuasionem (x) populus dimitti Barabbam, Christum verò crucifigi acclamavit: & Pilatus fieri adjudicavit. Vinctum quippe Christum

T 4

ante

1 Ser. in ser. 2. Pasch. n. 13. 2 Epist. 322. n. 6. u Lib. 1. de Consol. cap. 3. num. 5. 3 Ser. in ser. 2. Pasch. n. 13.

(y) ante faciem Pilati perduxerunt Judæi, postulantes Crucis supplitio eum interimiri qui peccatum non noverat, & virum homicidam dari sibi: Agnum lupo, aurum luto postponentes. O indignum & infelix commercium! O verè admirabile (z) commercium! Tradidit se Rex pro servo, Deus pro homine, Creator pro creatura, innocens pro nocente. Verbum Patris (a) Unigenitus Dei, Sol justitiæ, Summus ille negociator de ultimis cælorum finibus nostræ redemptionis precium apportavit. Fidelis ista negociatio & omni acceptione dignissima, in qua Rex Filius Regis efficitur negociator, aurum pro plumbo tribuitur, pro peccatore donatus est justus ad mortem. Nam morte (b) & morte turpissima condemnatus est ab iniquis. O quàm indebita miseratio (c) quàm gratuita & sic probata dilectio, quàm inopinata dignatio, quàm stupenda dulcedo, quàm invicta mansuetudo, quàm vilis negociatio, ubi Filius Dei Unigenitus pro servo traditur, pro creatura Creator occidi jubetur, pro mancipio Dominus condemnatur. Et quidem non ignorabat (d) impius Pilatus hæc per invidiam in Jesum fieri, nec tamen abstinit ab eo temerarias manus, sed replevit Animam ejus amaritudine sine causa, dimittens Judæis Barabbam, qui propter homicidium & seditionem missus fuerat in carcerem: Jesum verò tradens voluntati eorum, ut crucifigeretur. Huic voluntati contraria est recta fronte charitas (e) quæ Deus est. Hæc enim adversus Deum inimicitias exercens est, & bellum crude-

y Ser. de Pass. Dom. n. 1. 1. z. Tract. de vite myst. cap. 5. n. 25. a Ser. 42. diver. n. 1. b Ser. 43. n. vig. Nat. Dom. n. 3. c Ser. 42. diver. n. 1. d Ser. de Pass. Dom. n. 11. e Ser. 3. de Resurrect. Dom. n. 3.

crudelissimum. Propria voluntas Deum impugnat (f) & adversus eum extollitur. Ipsa est, quæ paradysum spoliât, & ditat infernum. Ipsa est, quæ Sanguinem Christi evacuat, & ditioni diaboli subjugat mundum. Porro voluntas propria (g) quo furore Domium majestatis impugnet, audiant & timeant servi propriæ voluntatis. *Primò* namque se ipsam & subtrahit & subducit ejus dominatui, cui tanquam Auctori servire jure debuerat, dum efficitur sua. Sed numquid contenta erit hac injuria? *Secundò* addit adhuc & quod in se est, omnia quoque quæ Dei sunt, tollit & diripit. Quem enim modum ponit humana cupiditas? Nonne qui per usuram acquirit pecuniam modicam, similiter mundum lucrari conaretur universum, si non deesset possibilitas, si suppetteret voluntati facultas? Dico fiducialiter: Nemini qui sit in propria voluntate, posset universus mundus sufficere. Sed utinam vel rebus istis esset contenta, ne in ipsum (horribile dictu) desæviret Rectorem universorū. *Tertiò* denique nunc & ipsum (quantum in ipsa est) Deum perimit voluntas propria. Omnino enim vellet Deum peccata sua aut vindicare non posse, aut nolle, aut nescire. Vult ergo eum non esse Deum, quæ quantum in ipsa est, vult eum aut impotentem, aut injustum esse, aut insipientem. Crudelis planè & omnino execranda malitia, quæ Dei potentiam, justitiam, sapientiam perire desiderat. Hæc est crudelis bestia, fera pessima, rapacissima lupa, & leæna sævissima. Denique vide [h] qualiter propria voluntas adversetur Deo:

Nemo

f Ser. de verb. sap. n. 13. tom. 6. pag. 774. g Ser. 3. de Resur. Dom. n. 3. h Ser. de verb. sap. n. 13. tom. 6. pag. 774.

*Nemo potest duobus Dominis servire. Non poteris obedire simul & divinæ & propriæ voluntati. Si enim voluntas tua voluntati Divinæ concordat, jam non propria voluntas est, sed communis: non tantum est hominis, sed & hominis & Dei. Cæterum voluntati Dei ex debito creationis tuæ necessariò es obnoxius. Quare? Quia sola voluntas Dei certa est. Quare creaverit & recreaverit te Deus, sicut ait Apostolus Jacobus: *Voluntariè genuit nos verbo veritatis. Facis quod debes, dum obedis ei. Debitum etiam virtutis pensum fideliter persolvis, cum ejus voluntatem & habes in desiderio, & servas in obsequio. Si autem fallente diabolo [i] & sensibus tuis sæculo lenocinante, ad ea quæ foris sunt curiosè egredieris, ad quorum delectationem dum propriæ voluntatis attraheris concupiscentiâ, quodammodò abrenuntias Deo, ac si abnegans diceres: Hucusque te colvi, voluntatem tuam feci, sed nullam in me deinceps habeas fiduciam, quia alii Domino servire fidemquè servare proposui. Ecce propriæ voluntatis iniquitate abnegasti Deum tuum. Sed necdum sufficit tibi ipsa negatio: quinimò impudenissimus prædo subsequenter effectus, in possessiones ejus violenter debaccharis, tam alimentis quàm indumentis, quæ præparavit non contemptoribus sed servitoribus suis, ad tantæ Majestatis injuriam abuteris. Si in Religione es, nihil comedis, nihil bibis, nullo indueris, quod priùs non auferas: dumquè de Sacramentis victualia rapis, latrocinio sacrilegium jungis. Accedis tamen ad Altare, & Dominicum Corpus & Sanguinem tractans, nihil in te criminale reperis,**

si veritas subtiliter indagatur, Deum negasse convinceris, ac latro probaris & sacrilegus. Sequitur *tertium*, quod gravissimum est: quem abnegasti, quem deprædatus es, ad ultimum molieris occidere. Permanens enim in iniquitate tua, peccatum tuum vis esse impunitum, in quo Deum vis esse injustum. Exigit enim justitia ejus, ut unicuique reddat secundum opera sua. Qui enim Deum vult esse injustum, vult Deum non esse Deum: & qui desiderat non esse Deum, nonne quantum in eo est, ipse Deum occidit? Caveamus ergo à propria voluntate [k] tanquam à vipera pessima & nequissima, & quæ sola deinceps damnare possit animas nostras. Quid enim odit [l] aut punit Deus præter propriam voluntatem? Cesset voluntas propria, & infernus non erit. In quem enim ignis ille gehennæ desæviet, nisi in propriam voluntatem? Hæc est immundissima lepra animi, propter quam oporteat imitari eum, qui non venit facere voluntatem suam. Unde & in passione: *Non mea, inquit, voluntas, sed tua fiat*. Placeat igitur tua voluntas Deo [m] & voluntas ejus semper placeat tibi. Semper concorda te cum eo, semper sequere ejus voluntatem in omnibus, qui semper bonum tuum vult, qui nihil aliud curat nisi salutem tuam, cujus voluntas ad miserendum tibi est benevola, & delectatur benefacere tibi. Alioquin stultissimus & demeritissimus es, si tua desideria vel aliorum sequeris, & illius consilium dimittis qui semper est amicus dulcis, sapiens & pius consiliarius & Salvator, & super omnia adiutor fortis & potens, pater futuri sæculi & princeps pacis. Amen.

PHI-

k Ser. 11. *diver.* n. 3. l Ser. 3. *de Resurrect. Dom.* n. 3. m Ser. *de misericordia huius.* n. 7. som. 6. pag. 846.

PHILOSOPHIÆ CHRISTIANÆ

Pars Tertia.

De gestis extra portam civitatis Jerusale-
lem, & in via, quâ ducebatur Jesus
bajulans sibi Crucem.

*Jesus ut sanctificaret per suum Sanguinem
populum, extra portam passus est. Exea-
mus igitur ad eum extra castra, impro-
perium ejus portantes. S. Paul. ad
Hebr. 13.*

P R O E M I U M.



VM de Redemptore nostro (a)
lingua nostra silere non debeat,
& ne citò sit adfuturum de ipso
tacentibus; nimis nostrum inte-
resse considero, si diem de ipso
loquendo non persuatoriè ter-
minemus: & è contrario diræ
damnationis nostræ subire sententiam contingat, si
vanis

S. Bernard. Abb. juxta ejus libror. edit. auctore Horstio in VI.
Tom. impr. Parisiis ann. 1667. 2 Serm. 14. in ultim. Cena
num. 107.

vanis verbis nostram manumiserimus linguam : Igitur vana verba & non sonantia Christum , nec religionis tenentia pondus , in omni loco æternâ clausurâ damnantes , ad dulcia eloquia à Verbo Patris eructata , cithara nostra suas chordas extendat : & plectrum mentis linguâ vocis magistrâ tuba insonet Salvatori , quæ de ore mellifluo Christi profluxere dulcia eloquia vitæ . Sed utinam quod nobis proponitur , nulla vilitatis vel contemptûs offuscaret obductio , sed arctius charitate obnexam placeret vobis super lapidem preciosum , & dulcius saperet in vestri cordis palato , super omnia mella & super quemlibet fauum . Ipse Auctor dulcedinis cui omnia optata succedunt , cujus voluntati cuncta obediunt , qui etiam ea potest quæ impossibilia videntur esse : sic dulcescat in cordibus vestris , ut vos de eo semper audire delectet , & me interiùs sapientiam quæ de ipso est , doceat : & per lanceam oris mei vulneret & confodiat hostem generis humani , qui pro viribus elaborat , ut ipsa nobis verba Christi auditu vilescant , & mihi & aliis prædicata & dicta sententiam damnationis impendant . Adjuvet nos semper & protegat & defendat ab illo Jesus , qui dilexit & lavit nos à peccatis nostris in Sanguine suo , nos instruens verbo & informans exemplo , statuens edictum , sanciens præceptum : e dictum dulce , præceptum vitæ : edictum amoris , præceptum charitatis , statuens & adimplens , præcipiens & perficiens , in se inquam & in nobis . Verùm ego unum timeo (b) nè toties audita verba salutis vilescere nobis incipiant , tanquam verba . Vilis siquidem & vola-

volatilis res verbum hominis, nullius molis, nullius ponderis, nullius pretii, nullius soliditatis: Aërem verberat, unde & verbum dicitur, & sicut folium quod vento rapitur, effluit, & non est qui consideret. Nemo vestrum Fratres mei, sic accipiat, imò nemo sic despiciat verbum Dei. Dico enim vobis: Bonum illi fuisset, si non audisset homo ille. Fructus vitæ sunt verba Dei, non folia; & si folia, sed aurea sunt: proinde non parvipendantur, non pertranseant, non prætervolent. Ipsa quoque colligite scagmenta ne pereant. Terra enim quæ sæpius supervenientem suscepit imbrem, & non fecerit fructum, terra reprobata est, proxima maledictio. Nonnullos enim sic interdum audientes invenies (c) ac si nihil omninò ad eos pertineant quæ dicuntur: non intrare cor suum, non discutere mores suos, non cogitare, nè fortè quod audiunt dictum sit propter eos. Magis autem si fortè sermo Dei vivus & efficax, qui suo, & non ejus qui loquitur arbitrio fertur, quocunque voluerit: si inquam, manifestè adversus vitia illa processerit, quibus sese illi sentiunt obligatos, dissimulant & avertunt oculos cordis, aut qualibet adinventione palliant vitia, & seducunt miseri semetipsos. In his profectò salutis signa non video, magis autem vereor ne fortè propterea non audiant verbum Dei, quia non sunt ipsi ex Deo. Unde & ea (d) quæ in Evangelio sterilis ficulnea legitur, si postquam foderit circa eam vineæ cultor, atque miserit stercore, nihilominus sterilis inventa fuerit: nonne jam securis ad radicem illius arboris est

est ponenda? Sed jam superest (e) ut distribuam
quæ paravi: vos autem considerate potius dan-
tem Dominum, quàm ministrum distribuentem.
Ego enim quantum in me est, nihil aliud sum quàm
conseruus vester, qui vobiscum pariter & mihi &
vobis (sicut ipse Dominus novit) mendico panem
de cælo, & alimoniam vitæ. Propterea non ego
vobis, sed Pater vester ipse est, qui dat vobis pa-
nem de cælo vivum. Ipse vos pascit & operibus &
sermonibus, etiam & carne Filii sui, qui est verè
cibus. Nam & de operibus lego: *Mens cibus est ut
faciam voluntatem Patris mei*. Et de verbis: *Quo-
niam non solo pane vivit homo, sed in omni verbo
quod procedit de ore Dei*. Volebam fateor præterire
(f) mequè subducere huic scrutinio, cui sufficere me
non sentio. Cæterùm remissens in quantis æquè du-
biis & obscuris etiam supra spem meam adjutum me
desuper senserim, pudeat diffidentiam: & reprehendens
timorem meum, audior non quidem temerè quod
timidè refugio. Ipse autem det vobis ea quæ di-
cuntur, non solum tenere memoriter, sed & ardentè
diligere, & efficaciter adimplere, Sponsus Ecclesiæ
Jesus Christus Dominus noster, qui est super omnia
Deus benedictus in sæcula. Amen.

C A P U T I.

De bajulatione Crucis, quam Christus portavit
in montem Galvariæ.

**I. Invitamus egredi, & videre Regem Salamonem
Jesum**

Jesum Christum bajulantem sibi Crucem, ut sequentes vestigia ejus adherentesque ei, compatiamur Regi nostro: & ut passionibus ejus per patientiam communicantes, Regni ejus mereamur esse consortes.

2. Ostenditur, Christum in bajulando sibi Crucem, per tulisse laborem & dolorem, ut languores nostros auferat à nobis. Item ostenditur, tria præcipua motiva compulisse Jesum ad subeundam ignominiam Crucis.

3. Ostenditur, Simonem Cyrenæum portantem Crucem alienam denotare hypocritas illos, qui portantes Crucem Christi, & non suam, palliant sanctitatem negligendo sectari ejus humilitatem. Describitur Publicani humilis imploratio propitiationis pro peccatis suis, & Pharisei superba gratiarum actio.

§. I.

Susceperunt autem Jesum milites, & exuerunt eum Chlamydem coccineam, & induerunt eum vestimentis suis: & eduxerunt illum, ut crucifigerent eum. Ducebantur autem & alii duo nequam cum eo, ut interficerentur. Joan. 19. Matt. 27. Mar. 15. Luc. 23.

Cognosce anima mea (g) cognosce: Hic est Dominus Deus noster, Jesus Christus Salvator tuus, unigenitus Dei Filius, verus Deus, verus homo: qui solus sub Sole sine macula inventus est. Et ecce cum sceleratis quomodo reputatus est: & quasi leprosus, novissimus virorum aestimatus, & tanquam abortivum quod proicitur à vulva, sic projectus est ab utero matris suæ, infelicis Syna-

Synagogæ . Et tu quidem ô impia Synagoga (h) hunc nobis Filium peperisti officio quidem matris, sed non matris affectu. Excussisti eum de sinu tuo extra civitatem eiiciens & elevans super terram, tanquam dicens Ecclesiæ Gentium pariter & Ecclesiæ primitivorum, quæ est in Cælis: Nec mihi nec vobis sit, sed dividatur. Dividatur, inquam, non inter utrasque, sed ab utrisque. Sæva nimirum mater ita abortivum facere voluisti, dum non esset qui excipere posset excussum. Porro in omnibus his [i] non est satiata perfidorum Judæorum impietas. Novissimè autem incircumcisorum militum manibus devolutus est Jesus morte turpissima consummendus. Quid enim ait de illis Scriptura? *Et postquam illuserunt ei, induerunt eum vestimentis suis, ut crucifigerent bajulantem sibi Crucem*. Hinc alia Scriptura ait nobis: *Egredimini filia Sion (k) & videte Regem Salamonem in diademate, quo coronavit eum mater ejus*. Quæcunque autem anima confitetur se filiam Sion, id est Ecclesiæ, egrediatur à curis sæcularibus, à cogitationibus vanis, & videat per contemplationem mentis Regem Salamonem, id est Christum Jesum, qui est pax nostra, destruens inimicitias, amicitiasquè reformans inter Deum & hominem. *Egredimini filia Sion (l) & videte Regem Salamonem in diademate, quo coronavit mater sua*, Egredimini virtutes Angelicæ, incolæ civitatis supernæ. Ecce Rex vester, sed in corona nostra, in diademate quo coronavit eum mater sua.

V

Sed

h Ser. 6. in Vig. Nat. Dom. num. 11. i Ser. de Pass. Dom. num. 11. & 12. k Tract. de vite myst. cap. 4. num. 14. l Ser. 2. in Epiph. Dom. num. 1.

Sed his deliciis usque modò carvistis, hanc hætenus dulcedinem non gustastis. Habetis sublimitatem ejus, sed humilitatem ejus non vidistis. Egredimini igitur & videte Regem Salamonem in diademate, quo coronavit eum mater sua. Verumtamen non non est opus illis nostra exhortatione (m) quoniam ipsi sunt, qui desiderant in illum prospicere. Illis enim quantò sublimitas notior, tantò humilitas preciosior & amabilior est. Vobis ergo dicimus, filiae Sion, animæ sæculares, debiles, delicatæ filiae, non filii; in quibus nihil est fortitudinis, nihil est virilis animi: *Egredimini filiae Sion*. Egredimini de sensu carnis, ad intellectum mentis; egredimini de servitute carnalis concupiscentiæ ad libertatem spiritualis intelligentiæ, Egredimini de terra vestra, & de cognatione vestra, & de domo patris vestri, & videte Regem Salamonem; alioquin non erit tutum vobis videre eum Ecclesiasten. Idem enim qui *Salamon*, idest *pacificus*, in exilio est: *Ecclesiastes*, idest, concionator erit in *Judicio*: *Idida*, idest, dilectus Domini in Regno. In *exilio* mansuetus & amabilis; in *judicio* justus & terribilis; in *Regno* gloriosus & admirabilis. Egredimini igitur & videte Regem Salamonem: nam ubique Rex est. Licet enim regnum ejus non sit de hoc mundo, tamen Rex est etiam in hoc mundo. Hic rector est morum, in *judicio* discretor meritorum, in *Regno* distributor præmiorum. Exeamus itaq: secundum monita Pauli Apostoli (n) cum Sponso nostro bono Jesu, *extra castra*, idest, extra concupiscentias præsentis sæculi, improprium crucis & vinculorum asperitatem cum

m *Ibidem num. 2.* n *Tract. de vite myst. cap. 4. n. 18.*

cum illo portantes : quia non decet membrum delicatum esse sub Capite crucem bajulante , nec ad Capitis corpus se indicat pertinere membrum, quod Capiti compassum non fuerit. Non est magnum (o) si compatitur membrum Capiti, cum quo & glorificandum est. Felix membrum, quod huic adhæserit per omnia Capiti : & sequetur illud quocunque jerit. Alioquin si fortè abscindi separariquè contingat, privetur statim necesse est etiam spiritu vitæ. Quæcunque enim portio capiti non cohæret, unde ei jam sensus aut vita? Imitemur quoad possumus eum (p) qui pro reconciliandis sibi peccatoribus tanta sustinuit. Ad hoc enim facta sunt hujusmodi [g] ut his omnibus configuretur & conformetur vita Christiani. Qui enim tanquam membrum Christi dicit se in Christo manere, debet sicut ille ambulavit, & ipse ambulare. Portavit ille onera tua ô Christiane (r) invitans te, ut & tu onera portes illius : idest, ut tu passionem illius imiteris. Christus enim passus est, relinquens nobis exemplum, ut sequamur vestigia ejus.

§ I I.

Jesus bajulans sibi crucem, exivit in eum qui dicitur Calvaria locum, Hebraicè autem Golgotha. Joan. 19.

Vide anima Christiana (s) qualiter vir iste per omnia conturbatur, & spernitur : sub Crucis onere

V

2

dor-

o Ser. 1. in Quadrag. n. 1. p Ser. 4. de Adu. Dom. n. 7. q Ser. 2. in Cena Dom. num. 6. r Tract. de vite myst. cap. 10. num. 48. s Ser. de Pass. Dom. n. 13.

dorsum incurvare videtur, & tuam ipse portare ignominiam. Hic tu ô homo (t) totus contremisce, tremore obrigesce, meritò expallesce, pugnis pectus contunde, fletibus totam animam effunde, compatere Christo patienti. Ad mortem ducitur, ut tu educaris de morte. Ducunt impii lanistæ, ducunt Agnum immolandum, & angariant ut propriam Crucem propriis humeris bajulet, & ad locum suæ passionis deferat: non reclamatione, non remurmurat, non contradicit, obsequitur tortoribus. Ille qui lucem inhabitat inaccessibilem (u) in quem desiderant Angeli prospicere, cujus solius odor Sanctorum sic mentes inebriat, ut & mundi præsentis & sui ipsorum obliti totis viribus currant post ipsum: tanto dolori subiicitur, ut in ipso veraciter noscatur impletum, quod ante dixerat per Jeremiam Prophetam: *O vos omnes qui transitis per viam, attendite, & videte si est dolor similis sicut dolor meus*. Tollam Crucis patibulum (x) ut solvam mortis imperium. Citò veniet tempus & hora, quâ jam non pro homine videar reputari: sed ero tanquam opprobrium hominum, & abjectio plebis. Duo nobis in hæreditatem reliquerat [y] vetustus Adam qui fugit à facie Dei, *laborem* videlicet & *dolorem*: *laborem in actione*, *dolorem in passione*. Non hoc ipse audierat in paradiso quem acceperat ut operaretur & custodiret illum: Operaretur delectabiliter, custodiret fideliter et sibi & posteris suis. Christus Dominus laborem & dolorem consideravit, ut traderet eos in manus suas, imò se magis in manus

t *Tract. de 3. præcip. myst. cap. 6. num. 13.* u *Tract. de vite myst. cap. 2. num. 3.* x *Ser. 4. in ult. Cena num. 29.* y *Ser. in fer. 4. heb. san. num. 11.*

nus eorum, infixus in limo profundi: & intraverunt aquæ istæ usque ad animam ejus. *Uide* (ad Patrem inquit) *humilitatem meam, & laborem meum: quia pauper ego sum, & in laboribus à juventute mea. Laboravit sustinens, manus ejus in laboribus servierunt. Denique [z] loquitur Christus in Psalmo: Infixus sum in limo profundi. Limum quidem nos esse manifestum est, quoniam de limo psalmati sumus: sed tunc quidem limus paradisi fuimus, nunc verò limus profundi. Infixus sum, inquit, non pertransii, non recessi. Vobiscum sum usque ad consummationem sæculi. Ipse est enim Emmanuel, nobiscum Deus. Nobiscum utique, sed per sinistram. Ipsa est læva Christus Iesus, & hic crucifixus. Sic enim olim Thamar pariente, Zara prius solam protulit manum, quæ in sacramento Dominicæ passionis coccineo alligata est filo. De dolore autem (a) vide quid dixerit: *O vos omnes qui transitis per viam, attendite, & videte si est dolor similis sicut dolor meus. Verè languores nostros ipse tulit, & infirmitates nostras ipse portavit, vir dolorum, pauper & dolens, tentatus per omnia absque peccato. Et in vita passivam habuit actionem, & in morte passionem activam sustinuit, dum salutem operaretur in medio terræ. Et hoc totum non propter se (b) sed propter nos sustinuit, ut redderet nos incolumes de infirmis, cohæredes de extraneis, liberos de servis. Sustinuit, inquam, in assumpta carne incommoda nostra sine peccato carnis, portans in sua Carne peccata nostra. Deinde propria**

z Ser. 4. in Vig. Nat. Dom. n. 7. a Ser. infer. 4. heb. Jan. num. 11.
b Ser. 2. in Cana Dom. num. 20.

Cruce oneratus (c) primò portavit eam, quæ ipsum postea statim fuit portatura. Unde Esaias (d) de natiuitate Iesu Christi loquens: *Puer (inquit) natus est nobis, & filius datus est nobis: cuius imperium super humerum ejus*. Crucem imperii nomine significavit. Cruce enim totum mundum simul & inferos subjugavit, qui regnavit à ligno fortis Iesus. Propter etiam Crucem, ad quam humiliavit semetipsum factus obediens, exaltavit illum Deus Pater: & dedit illi nomen, quod est super omne nomen, ut in nomine Iesu omne genu flectatur cælestium, terrestrium, & infernorum. Tria autem quædam præcipua (e) coactione voluntaria compulerunt Dominum Iesum Christum subire Crucis & mortis ignominiam. *Primò* quidem filialis & pura *obedientia*, quâ prioris inobedientiæ piaculum solveretur. *Secundò* compassibilis & *communis miseria*, quæ Divinam justitiam inflexibilem & virgam ferream ad misericordiam hortabatur. Erat miseria illa & ponderosa & gravis, & cervices hominum communis peccati & mortis conditione premebat: publica & generalis, quæ justos & injustos simili damnationis sententiâ pariter obligabat: continua & perennis, quæ nisi per Christum redemptionis gratia fieret, irremediabilis captivitatis nexu omne genus Adam damnationis voragine absorbebat. *Tertiò* demùm spontaneè coegit in mortem celeberrima & solennis *victoria*, cuius successu inevitabilis diaboli & mortis potentia in monumento gloriosè & efficaciter erat imminuenda. Tua sunt hæc Christe opera qui

c Tract. de vite myst. cap. 5. num. 23. d Ibidem cap. 36. num. 242. e Lib. sentent. num. 4. tom. 6. pag. 993.

(f) qui de lumine cæli ad tenebras inferni, à dextera Majestatis ad miseras humanitatis, à gloria Patris ad mortem crucis descendisti: infernum illustrando, hominem redimendo, superando mortem & mortis auctorem. Unus es tu, & secundum non habes, quem ad nos redimendum propria benignitas invitavit, misericordia traxit, veritas quâ te venturum promiseras, compulit: puritas uteri virginæ suscepit, salva Virginitatis integritate potentia eduxit, obedientia in omnibus deduxit, patientia armavit, charitas verbis & miraculis manifestavit,

§ I I I.

Et ciam ducerent Jesum, invenerunt hominem quendam Cyrenaum, nomine Simonem venientem de villa, patrem Alexandri, & Rufi: hunc apprehenderunt & angariaverunt, ut tolleret Crucem ejus: & imposuerunt illi Crucem portare post Jesum. Luc. 23. Matt. 27. Mar. 15.

Sunt qui fructum non faciunt: (g) sunt qui faciunt, sed non suum. Sunt, inquam, arbores instructuossæ, ut quercus & ulmus, & sylvestres aliæ arbores. Sed hujusmodi arbores nemo plantat in horto suo, quia non faciunt fructum: etsi quem faciunt, non humano usui aptus est, sed porcino. Tales sunt filii hujus sæculi, agentes in comestationibus & ebrietatibus, in crapula & voracitate, in cubilibus & impudiciis. Hæc namque porcorum cibus sunt, quos Judæus verus prohibetur comedere, quia Christianus his

V 4 non

non debet adhærere . Sicut enim caro porcina cum comeditur adhæret carni, ut jam sit una caro : sic transgressor præcepti Dominici spurcos sibi sociat spiritus, & adhærendo eis, unus cum eis efficitur dæmon . Nam & idcirco in Sacrificiis prohibetur animal illud offerri, quod spurcos spiritus immundosque designet : qui relictâ omni munditia, solis sibi spurcitiis complacentes, vitiorum & criminum semper cæno delectantur involui . Unde & in Evangelio legio illa maledicta dum eiiceretur ab homine, tanquam simile sibi animal porcos postulat, nec negantur . His fructum ferunt arbores infructuosæ, ad quarum radices securis posita jam videtur . Arbores autem quæ fructum faciunt [h] sed non suum, hypocritæ sunt, cum Simone Cyrenæo crucem portantibus non suam : qui religiosa intentione carentes angariantur, & quæ non amant, amore gloriæ quam desiderant, facere compelluntur . Væ portantibus crucem [i] non sicut Salvator suam, sed sicut ille Cyrenæus, alienam . Væ citharædis citharizantibus, non ut illi de Apocalypsi in citharis suis, sed verè ut hypocritæ in alienis . Væ semel, & væ iterum pauperibus superbis . Væ inquam semel, & væ iterum portantibus crucem Christi, & non sequentibus Christum, qui nimirum cujus passionibus participiant, humilitatem sectari negligunt . Duplici quippè contritione conteruntur qui hujusmodi sunt [K] quando & hîc pro temporali gloria se effligunt, & in futuro pro interna superbia ad æterna supplicia subtrahuntur . Laborant in Christo, sed cum

h Ibidem num. 5. i Tract. de vite & mor. Relig. cap. 1. n. 2.
K Ibidem num. 3.

cum Christo non regnant. Sequuntur Christum in paupertate sua, sed in gloria non sequuntur. De torrente in via bibunt, sed non exaltabunt caput in patria. Lugent nunc, sed tunc non consolabuntur. Et meritò. Quid enim facit superbia sub pannis humilitatis Jesu? Numquid non habet quo se palliet humana malitia, nisi unde involuta est infantiâ Salvatoris? Et quomodò intra præsepium Domini simulatrix arrogantia se coarctat, ac pro vagitibus innocentiae, malum inibi detractionis immurmurat? An non illi superbissimi de Psalmo, quorum prodiit ex adipe iniquitas eorum, multò tutius operti sunt iniquitate & impietate sua: quàm nos latemus sub sanctitate aliena? Quis enim magis impius, an profitens impietatem, an mentiens sanctitatem? Nonne is qui etiam mendacium addens geminat impietatem. Consideretis [1] Pharisæum illum orantem. Non erat raptor, non injustus, non adulter. An sine fructibus pœnitentiæ erat? Jejunabat bis in Sabbatho, decimas dabat omnium quæ possidebat. Sed ingratum forsitan suspicamini. Audite quid dicat: *Deus, gratias ago tibi*. Sed non erat vacuus, non erat exinanitus, non erat humilis, sed elatus. Non enim quid sibi deesset scire voluit, sed exaggeravit meritum suum: nec erat solida plenitudo, sed humor. Vacuus proinde rediit, quia plenitudinem simulavit. Nam Publicanus ille qui exinanire seipsum, qui vacuum vas exhibere curavit, gratiam retulit ampliorem. Siquidem (m) cùm propitiationem peccatis suis humiliter imploraret, descendit
justifi-

1 Ser. 3. in Annunt. B. M. num. 10. in Ser. 22. in Cam.
num. 10.

justificatus, teste ipsa Justitia. Nec illa gratiarum actio [n] si benè recolitis Evangelium, gratiorem fecit Phariseum. Quare? Quia quidquid in ore devotum sonverit, cordis non sufficit excusare tumorem apud eum, qui alta à longe cognoscit. Deus, ô Pharisee [o] non irridetur. Putas tu habes aliquid quod non accepisti? Nihil, inquit. Et ideo gratias refero Largitori. Si omninò nihil, ergo nec meritum præcessit in te ullum. ut illa de quibus gloriaris acciperes. Quod si & fatearis, primò quidem frustra inflaris adversus Publicanum, qui ideo non habet quod tu, quia non accepit ut tu. Deinde vide etiam ne non integrè sua dona resignes Deo, & tibi inflectens aliquid de gloria & honore ipsius, fraudis meritò arguaris, & fraudis in Deum. Si enim de his quæ jactas, ex te tibi quippiam fortè arrogares, falli te magis quàm velle fraudare crederem, & errorem corrigerem. Nunc verò quia gratias agendo, probas te tibi nihil tribuere, sed Dei esse dona tua merita prudenter agnoscere: certè cæteros aspernando prodis te quod in corde & corde locutus sis, altero commodans linguam mendacio, altero veritatis usurpans gloriam. Non enim judicares Publicanum contemnendum præ te, si non præ illo te honorandum censes. Sed quid respondes Apostolo præscribenti & dicenti: *Soli Deo honor & gloria*? Quid Angelo distinguenti & docenti quid sibi retinere placeat Deus, & quid partiri dignetur hominibus? Nam gloria, inquit, *in excelsis Deo, & in terra pax hominibus bonæ voluntatis*. Cernitisne Phariseum agentem gratias, labijs quidem honorare Deum, agen-

cordis autem sententiâ se ? Sic usu quodam magis quàm sensu vel affectu. personare in ore multorum gratiarum actionem advertere est , intantum ut homines quoque sceleratissimi ad quæque flagitia & facinora sua soleant gratias Deo agere, quodd benè prosperèquè (ut quidem ipsi sapiunt) cesserit sibi in adimpletione perverfarum voluntatum suarum . Audiet qui hujusmodi est : *Existimasti inique quodd ero tui similis ? arguam te, & statuam contra faciem tuam* . Proinde rogo & obsecro vos , Fratres, [p] fuge simulationem omnem , & angulos propriæ voluntatis : nisi fortè (quod absit) fraudare vultis animas vestras panis edulio benedicti .

C A P U T I I.

De planctu mulierum , quæ flebant super Jesum bajulantem sibi Crucem .

1. *Excitamur exemplo sanctarum feminarum plangentium super Jesum cruce propria oneratum , ut plangamus compatiendo doloribus ejus . Et quia non dubitatur & ipse flevisse cum flentibus , ideo lacrymæ ejus debent nobis incutere pudorem & dolorem .* 2. *Ostenditur, Jesum tunc exhibuisse suum compassionis affectum super marore sanctarum feminarum , quando illis locutus est verbum consolatorium . Docemur ut imitemur Jesum , & queramus compassionis affectum , zelum justitiæ , & spiritum discretionis .* 3. *Ostenditur, Jesum dum locutus est ad mulieres, innuere quodd Judæi magnam susti-*

sustinebunt calamitatem in die Judicii, ob incredulitatem & contemptum doctrinæ Christi. Monemur timere iudicium extremum, & penas gehennæ.

S. I.

Sequebatur autem Jesum multa turba populi, & mulierum, quæ plangebant & lamentabantur eum.
Luc. 23.

Cum Christus Deus (a) præcone clamante, Pilato imperante, sibi bajulans crucem ad supplicium traheretur, factus est concursus populorum post eum euntium: alii super eum plangentes, alii illudentes, & proicientes lutum & fimum & immunditias super Caput ejus. Erant etiam & mulieres multæ, plangentes eum quasi unigenitum. Inter quas erat Maria Magdalena quæ super omnes dolebat, & plorabat cum aliis mulieribus, quæ eum secutæ fuerant à Galilæa ministrantes ei. O anima Christiana (b) quid agis? quis dabit aquam capiti tuo, & fontem lachrymarum oculis tuis, ut satis plangere, & satis flere possis Jesum bajulantem sibi crucem? Vide (c) quanto desperationis mærore illa discipulorum corda percussa fuerunt. Vide illarum fidelium mulierum lamentationes, quæ dulcissimum Jesum ad passionis locum euntem, cum sibi crucem bajularet, non deserverunt. Et quia videre est homines sic affectos erga Christi passionem (d) ut vix
fine

a Ser. de lament. V. Manu. 3. rom. 6. pag. 1056. b Tract. de 3. præcip. myst. cap. 6. num. 15. c Tract. de vite myst. cap. 46. num. 187. d Ser. 29. diu. num. 4.

sine lachrymis audiant vel recordentur. Occurrat itaque spiritualiter (e) & ingerat seipsum cordibus nostris Dominus Christus . Incipiant consideratio nostra in eodem loco (f) ubi propria cruce oneratus, primò portat eam quæ ipsum postea fuit portatura . Cognosce anima mea (g) cognosce: Hic est Dominus Deus noster Jesus Christus, Salvator tuus , unigenitus Dei Filius , verus Deus , verus homo : qui solus sub Sole sine macula inventus est . Et ecce cum sceleratis quomodo reputatus est . Vide anima mea , vide qualiter vir iste per omnia conturbatur & spernitur : sub Crucis onere dorsum incurvare videtur, & tuam ipse portare ignominiam . Heu ! (h) candor lucis æternæ nigrescit in Carne pro carne salvanda . Facies ejus, quam Cherubim & Seraphim aspicere desiderant, erat ex lachrymis turgida . Fratres , (i) Lachrymæ Christi mihi & pudorem pariunt & dolorem. Ludebam ego foris in platea , & in secreto Regalis cubiculi super me ferebatur judicium mortis . Audivit hoc Unigenitus ejus, exiit posito diademate, sacco vestitus, aspersus cinere caput , nudus pedes, flens & ejulans , quoddam morte damnatus esset servulus ejus. Intueor eum subitò procedentem , stupeo novitatem , causam percundor , & audeo dicere : Quid facturus sum ? adhucne ludam , & deludam lachrymas ejus ? Planè si insanus sum & mentis inops , non sequar eum , nec simul cum lugente lugebo ? Ecce unde pudor. Dolor & timor unde ? Utique quia ex consideratione

e Ser. 2. in Cena Dom. num. 7. f Tract. de vite myst. cap. 5. num. 23. g Ser. de Pass. Dom. num. 15. & 13. h Tract. de vite myst. cap. 5. num. 24. i Ser. 3. in Nat. Dom. num. 4.

ratione remedii, periculi mei æltimo quantitatem. Nesciebam, sanus mihi videbar: & ecce mittitur Virginis filius, Filius Dei Altissimi, & jubetur occidi, ut vulneribus meis precioso Sanguinis balsamo medeatur. Sic & medicinæ æstimatio, & doloris mihi & timoris exaggeratio est. Verùm si diligenter observem præcepta medici (K) erit etiam consolationis occasio. Sicut enim gravem agnosco morbum, cui tanta apponitur medicina: sic & ex hoc ipso non incurabilem esse cōjecto. Neque enim preciosiores species frustra insumeret medicus sapiens, imò Sapiencia ipsa. Porro frustra insumi constat non solum si absque eis facilis esset curatio, sed multò magis, si & cum eis sit impossibilis. Itaque [l] quantūcunque gravis se ingerat memoriæ meæ recordatio scelerum meorum, quantumcunque me deterreat præteritæ vitæ meæ horribilis consideratio, faciant alii quod consueverunt expedire: ego semper sentiam in bonitate de dulcedine Domini mei Jesu Christi, semper oculi mei ad misericordiam ejus, sciens nimirum, & quandoque in me experiens longè efficaciorē ejus dulcedinem esse ad consolandū, multòquē promptiorē ejus benignitatem ad indulgendum, quàm meam iniquitatem ad delinquendum. Scio utique quia non est iniquitas, sicut iniquitas mea: sed è regione non est dolor, sicut dolor ejus. Si supra modum peccavi, non despero: quia supra modum doluit, in quo respiro. Si exasperatur Deus immanitate sceleris mei, mitigatur proculdubio in dolore satisfactionis Filii sui. Porro mitis & innocens Agnus bajulans sibi Crucem, non impro-

k Ibidem num. 5. l Epist. 385. num. 8.

improperat circumstantibus , & infanientibus in eum : sed dulciter suggerit transeuntibus per viam , & respicientibus ad eum . Sic enim scriptum est : *O vos omnes qui transitis per viam , attendite , & videte si est dolor similis sicut dolor meus .* O qualem te intueor (m) dulcis Jesu? O dulcissime atque amantissime Jesu , quis te tam amaræ & tam odiosæ morti addixit? Vulnerum antiquorum nostrorum plaga, Salvator . Fletus deducite oculi mei (n) & liqueſce anima mea igne compassionis, super contritione amabilis viri hujus , quem in tanta amaritudine tot vides affectum doloribus . Doleo super te Domine mi Rex (o) magister & pater , imò & frater Domine mi Jesu Christe , amabilis valdè super amorem mulierum : cujus sagitta nunquam abiit retrorsum . Sagittæ enim tuæ , idest , doctrinæ tuæ acutæ sunt . quia vivus est sermo tuus & efficax , & penetrabilior omni gladio ancipiti , pertingens usque ad divisionem animæ & spiritûs .

§. I I.

Conversus autem ad illas Jesus dixit : Filie Jerusalem , nolite flere super me , sed super vosipsas stete , & super filios vestros . Luc. 23.

Salvator crucem suam (p) tanquam latro suum laqueum portans , cum mulieres quæ eum à Galilæa secutæ fuerant , super se lamentantes respiceret , con-

ver-

m Tract. de vite myst. cap. 5. num. 24. n Ser. de Pass. Dom. num. 14. o Tract. de vite myst. cap. 5. num. 26. p Ser. in obitu. devoti Humberti num. 7.

versus ad eas dixit : *Filiæ Jerusalem , nolite flere super me , sed super vosipsas flete , & super filios vestros .* Christus in die passionis sicut totum hominem saluum fecit (q) sic de toto se fecit hostiam salutarem : Corpus exponens tantis suppliciis & injuriis, Animam verò geminæ cujusdam humanissimæ compassionis affectui : hinc quidem super mærore inconsolabili sanctarum Fæminarum, inde super desperatione & dispersione Discipulorum . In his quatuor crux Dominica fuit: & hæc omnia propter nos passus est, qui tanta charitate compassus est nobis . Nec aliquo modo dubitandum est (r) quin infirmitatem & exterminationem Corporis incomparabilem sustinuerit, qui etiam venerat crucem sustinere, & præ cæteris tantò magis fuerit confectus, quantò major in eo fuit compassionis affectus: qui non solùm facta, sed etiam cogitationes inspexit . Suffragatur his rationibus sententia ipsius Domini sic dicentis : *Jerusalem , Jerusalem , quoties volvi congregare filios tuos , quemadmodum gallina congregat pullos suos sub alas , & noluiisti ?* Videamus quid sibi hoc velit, quòd Dominus se gallinæ magis quàm alteri animali voluit comparare ? Quia, ut à Sanctis Patribus tenetur, ideo factum est, ut exprimatur incomparabilis affectus charitatis . Nullum enim animal circa pullos suos tanta compassione movetur, sicut gallina . Fit enim toto corpore hispida, voce rauca, toto fervens animo & omnibus membris infirma, & usque ad supremum defectum perveniens . Si ergo intantum pullis suis gal-
lina

q Ser. 3. in Dom. Palm. num. 5. r Tract. de vi. & myst. cap. 5. num. 21.

lina animal irrationale compatitur : quantò putas optimum Iesum humano generi fuisse compassum ? ad quantam putas eum debilitatem & infirmitatem pervenisse ? Quanta ipsum putas macie confectum fuisse , qui pro omnibus cognoscitur dolvisse ? Unde Esajas ait : *Verè languores nostros ipse tulit , & peccata nostra ipse portavit .* Hinc moraliter docemur (s) imitari Caput nostrum , Regem & Ducem nostrum , dulcem Iesum . Quærat igitur mens nostra (t) ante omnia compassionis affectum , dehinc re- ctitudinis zelum , & inter hæc discretionis spiritum non omittat . *Primò* : Quoties peccantem videris fratrem , continuò procedere debet *compassionis affectus* , tanquam cognatus humanitati , quippè quem concipis ex te ipso . Vos (inquit Apostolus) *qui spirituales estis , instruite huiusmodi in spiritu lenitatis , considerans teipsum , ne & tu tenteris .* Et Dominus cùm exiret bajulans sibi crucem , & plangerent super eum nondum quidem Tribus terræ , sed mulieres paucae , conversus ad eas : *Filiæ , inquit , Jerusalem , nolite flere super me , sed super vosipsas flete , & super filios vestros .* Ordinem diligenter attende : *Super vos* , inquit *primò* : deinde *super filios vestros* : Temetipsum attende , ut alii noveris compati , ut arguas in spiritu lenitatis . Temetipsum considera , ne & tu tenteris . Sed quia exemplum efficacius persuadet & altius imprimit animo , mitto vos ad sanctum illum Senem , de quo in Vitis Patrum legitur . Qui cùm audisset peccasse unum ex Fratribus , amarissimè flebat inquires : *Ille hodie , & ego cras .* Qui sic flebat super se , putas quia non compassus fuit fra-

X

tri ?

tri? Hic itaque compassionis affectus multis quidem prodest: quia animus liberalis contristare, quem pro se viderit anxium, erubescit. *Secundo*: Sed quid agimus (u) quòd nonnulli dura cervice & attrita sunt fronte, ut quò magis compatimur, tantò magis nostra & compassione & patientia abutuntur? Nonne sicut compatiebamur fratri, ita ipsi iustitiæ compatiendum est, quam videmus tam impudenter abiici, & tam imprudenter provocari? Scio quia si quā in nobis est charitas, contemptum hunc Dei ferre æquanimiter non possumus. Hic est *zelus iustitiæ*, quo adversus delinquentem accendimur, tanquam pietate ducti erga eam quam videmus contemni iustitiam Dei. Verum tamen oportet, ut priora sibi vendicet compassionis affectus: alioquin in spiritu vehementi conterimus naves Tharsis, conterimus quassatum calamum, extinguimus linum fumigans. Ferveat itaque [x] in nobis zelus iste, simili: ferveat amor iustitiæ, odium iniquitatis. Nemo, Fratres, vitia palpet, peccata dissimulet nemo. Nemo dicat: Numquid custos fratris mei sum ego? Nemo, quod in se est, æquanimiter ferat cùm viderit ordinem deperire, minui disciplinam. Est enim consentire, silere cùm arguere possis: & scimus quia similis pœna facientes maneat & consentientes. Vera est etiam (y) illa sententia: Qui cùm emendare possit, negligit, participem se proculdubio constituit. *Tertio*: Sed cùm vterque aderit (z) videlicet & compassionis affectus & zelus iustitiæ, necesse est ut adsit *spiritus discretionis*: ne fortè cùm

n *Ibidem* num. 4. x *Ser. de S. Joan. Baptist. num. 9.* y *Ser. 40. de ver. n. 8.* z *Ser. 2. de Resurrect. Dom. n. 5.*

cum oportebat hunc adhiberi, ille procedat, & indiscretio ipsa confundat universa. Habeat itaque mens nostra tertio loco spiritum discretionis, ut miscens aptè temporibus tempora, opportunè æmulari & nihilominus ignoscere sciat. Samaritanus sit, custodiens & observans quando oleum misericordiae, quando vinum fervoris exhibeat. Et ne fortè meum putetis inventum, Prophetam audite in Psalmo hæc eadem & eodem ordine postulantem: *Bonitatem, inquit, & disciplinam, & scientiam doce me.*

§. III.

Filiæ Jerusalem, nolite flere super me, sed super vós ipsas flete, & super filios vestros: quoniam ecce venient dies in quibus dicent: Beata steriles, & ventres qui non genuerunt, & ubera quæ non lactaverunt. Tunc incipient dicere montibus, Cadite super nos: & collibus, Operite nos. Quia si in viridi ligno hæc faciunt, in arido quid fiet?
Luc. 23.

Rebroborum perditio (a) nostra sit cantio. Dum nescimus,repentè mors venit. Nescimus enim quid hodie nobis contingat,& ignoramus si hac nocte animam nostram conditio mortis deposcat. Quotidiè ad finem vitæ tendimus,& ad mortem properamus. Idcirco singulis horis cogitare debemus,quò singulis momentis properamus. Unde Dominus ait per Oseam Prophetam. *Perditio tua Israël ex te tantum, in me auxilium tuum.* Quasi diceret: Ut pereas,

X

2

im-

imputes tu merito: ut salveris, meo auxilio. Audi denique ipsum: (b) *Si non venissem, ait, & locutus eis non fuisset, peccatum non haberent*. Non dicit simpliciter, & locutus non fuisset, sed inferens, *ait: Et locutus eis, inquit, non fuisset*: ostendens sine dubio non ante censeri inexcusabiles de contemptu, quàm ad ipsorum usque notitiam jussio perveniret. Nam si locutus quidem fuisset, sed non eis, inobedientiæ culpam ignorantia nihilominus excusaret. Nunc autem, inquit, quoniam *locutus sum eis, excusationem non habent de peccato suo*. Unde hi qui ante non respiraverunt (c) nec enim quæsierunt inspirantis diei lumen, & sol justitiæ non ortus est eis, ibunt de tenebris in tenebras densiores, ut qui in tenebris sunt, tenebrescant adhuc. Certum id quidem Fratres (d) omnem, qui non credit in Filium Dei, ex hoc ipso jam non modò victum esse, sed etiam judicatum. In priori adventu Christus in terris visus (e) & cum hominibus conversatus est, quando, sicut ipse testatur, *Et viderunt, & oderunt*. In posteriori verò adventu videbit omnis caro salutare Dei nostri: & videbunt in quem transfixerunt. Veniet enim (f) cùm præcedentibus omnibus Angelis, & subsequentibus hominibus universis, descendet judicare vivos & mortuos. Quis cogitabit diem adventus illius (g) quando descendet cum plenitudine luminis, præcurrentibus Angelis, & tubæ concentu excitantibus corpus inops? Veniet Dominus (h) expectantibus eum in veritate, ex quibus erat qui dicit:

Expe-

b *Tract. ad Hugonem. cap. 1. n. 3.* c *Ser. 72. in Cant. n. 10.* d *Ser. 1. in oct. Pasch. n. 3.* e *Ser. 5. de Adv. Dom. n. 1.* f *Ser. 2. de Ascens. Dom. n. 4.* g *Ser. 6. de Advent. Dom. n. 5.* h *Ser. 1. in Dom. 1. post. Epiph. n. 1.*

Expectans expectavi Dominum. Veniet tanquam revertens à nuptiis inebriatus vino charitatis, & immemor iniquitatum nostrarum. Veniet non expectantibus tanquam revertens à nuptiis, tanquam potens crapulatus à vino, verè ebrius & immemor miserationum suarum. Tunc enim quantum ad illos obliviscetur misereri Deus. Veniet in ira & indignatione tanquam furibundus. Videbunt eum Sancti in corona gloriæ (i) & perpetualiter gaudebunt. Videbunt eum impii in corona justitiæ, & peribunt. O judiciorum Dei (k) abyssus multa! O terribilis Deus in consiliis super filios hominum! Frustra tunc incipient miseri dicere montibus, Cadite super nos: & collibus, Operite nos. Venient, venient ante tribunal Christi. Quis ille pudor erit (l) quævè confusio, post tanta beneficia tam ingratos, tam imperfectos, tam vacuos apparere ante faciem Dei nostri. Fugiebat Adam ut absconderetur ab eo, post unius utique pomi vetiti gustum: quid illi post tanta flagitia, post tanta facinora præsumunt? Siquidem (m) gravissimum peccatum commissum est in Dominum majestatis, cum viri impii virum justum injustè occiderunt, & sacrilegas manus in ipsum Dei Filium injecerunt crudelissimi homicidæ, imò si fas est dicere, etiam Deicidæ. Quid tam pavendum [n] quid tam plenum anxietatis & vehementissimæ sollicitudinis excogitari potest, quàm judicandum adstare illi tam terrifico Tribunali, & incertam adhuc expectare sub tam districto Judice sententiam? Hor-

X 3

ren-

i Ser. 50. diu. n. 1. k Tract. de vit. & mor. Cleric. c. 7. n. 20.
l Ser. 28. diver. n. 7. m Ser. infer. 4. heb. san. n. 7. n Ser. 8. super.
l Psal. 90. v. 12.

rendum est (ait Apostolus) incidere in manus Dei viventis. Horrendum inquam est [o] incidere in manus Dei viventis, offendere Creatorem, nescire Dominum, recalcitrare dominantis imperio, qui habet potestatem corpus & animam mittere in gehennam. *Terribilis certe* (sicut ait Apostolus ad Hebræos) *quædam expectatio Iudicii*: quando ignis in conspectu ejus exardescet, & virtutes Cælorum movebuntur, & vacillantibus conscientis, latitudinem mundi validissimus ignis aduret. Nihil prorsus terribilius est, quàm videre latronis officinam plenam sanguine, cumulatam opprobriis, tormentis inundantem. Quis hæc diutius cogitans non statim contremiscat, & in desperationis rotetur abyssum? Time nunc ô homo [p] quod in terribili Iudicio ei præsentandus es, in cujus manus horrendum est incidere: & eo examinante quem nihil latet, si inventa fuerit in te iniquitas, alienandus es ab universitate quietis & gloriæ, & segregandus à numero Beatorum. Pensa nunc benè cujus sit formidinis & horroris (q) tuum atque omnium contempsisse Factorem, offendisse Dominum majestatis. Majestatis est timeri, Domini est timeri, & maximè hujus Majestatis, hujus Domini. Nam si reum Regiæ majestatis quamvis humanæ, humanis legibus plecti capite sancitum sit: quis finis contemnentium Divinam omnipotentiam erit? Tangit montes, & fumigant: & tam tremendam Majestatem audet irritare vilis pulviculus, uno levi flatu mox dispergendus, & minimè recolligendus? Ille ille timendus est, qui postquam occiderit corpus, potestatem habet mit-

mittere & in gehennam. Paveo gehennam, paveo Judicis vultum, ipsis quoque tremendum Angelicis potestatibus. Contremisco ab ira Potentis, à facie furoris ejus, à fragore ruentis mundi, à conflagratione elementorum, à tempestate valida, à voce Archangeli, & à verbo aspero. Contremisco à dentibus bestiae infernalis, à ventre inferi, à rugientibus præparatis ad escam. Horreo vermem rodentem, & ignem torrentem, fumum & vaporem & sulphur, & spiritum procellarum: horreo tenebras exteriores. Quis dabit capiti meo aquam, & oculis meis fontem lachrymarum, ut præveniam fletibus fletum, & stridorem dentium, & manuum pedumquæ dura vincula & pondus catenarum prementium, stringentiû, urentium, nec consummentium? Heu me! Mater mea, ut quid me genuisti filium doloris, filium amaritudinis, indignationis & plorationis æternæ? Cur exceptus genibus, cur lactatus uberibus, natus in combustionem, & cibus ignis?

C A P V T I I I.

De imitatione Christi bajulantis Crucem.

Dicebat Jesus ab omnes: Siquis vult post me venire, abneget semetipsum, & tollat crucem suam quotidie, & sequatur me. Luc. 9. Matt. 16.

1. *Christus proponit animæ rationali servitutem in abnegatione sui: ut quæ ceciderat per inobedientiam à seipsa, id est à libertate, abnegando semet ipsam,*

ipsam, id est propriam voluntatem, recuperet per obedientiam libertatem sui. 2. Proponit eadem animæ vilitatem in toleratione crucis: ut quæ ceciderat per inobedientiam à societate Angelorum, id est à dignitate, tollendo crucem suam, id est carnem suam affligendo, per continentiam recuperet societatem Angelorum. 3. Christus proponit animæ rationali asperitatem in imitatione sui: ut quæ per inobedientiam ceciderat à visione Dei, id est à Beatitudine, sequendo Christum, id est ejus passionem imitando, recuperet visionem claritatis ejus. Ostenditur, triplex dari genus hominum: quorum alij trabuntur ad Jesum, alij ducuntur, alij rapiuntur.

§. I.

Q*ui vult venire post me (a) abneget semet ipsum, & tollat crucem suam, & sequatur me. Tria proposuit Christus Dei Virtus & Dei Sapientia, Angelus magni consilij, animæ rationali ad imaginem Trinitatis factæ: scilicet servitutem, vilitatem, asperitatem. In abnegatione sui servitus, in toleratione crucis vilitas, in imitatione Christi designatur asperitas: ut anima quæ per inobedientiam de statu trine felicitatis ceciderat, humiliata afflictione trine miseriæ per obedientiam resurgat. Primum enim ceciderat anima rationalis à seipsa, id est, à libertate. Audiat ergo consilium, ut abnegando semetipsam, id est propriam voluntatem, sui libertatem recuperet. Porro quid est semetipsum abnegare (b) nisi voluptatibus propriis renunciare? ut*
qui

qui superbus erat, sit humilis: & qui erat iracundus, sit mansuetus: & qui erat luxuriosus, sit castus: & qui erat ebriosus, sit sobrius: & qui erat avarus, sit largus. Nam si ita quisque renunciet omnibus quæ possidet, & non renunciet suis pravis moribus, non est Christi discipulus. Qui renuntiat suis rebus, sua abnegat: qui renuntiat suis pravis moribus, semetipsum abnegat. Mundus transit & concupiscentia ejus: (c) proinde relinquere hæc magis expedit, quàm relinqui. Ecce (inquit Petrus) *nos relinquimus omnia*. Omnia sanè dixerim, non tantùm possessiones, sed etiam cupiditates, & eas maximè. Plus enim concupiscentia mundi quàm substantia nocet. Et hæc fugiendarum causa divitiarum præcipua est, quòd aut vix, aut nunquam sine amore valeant possideri. Liminosa siquidem & glutinosa nimis non modò exterior, verum etiam interior substantia nostra videtur, & facilè cor humanum omnibus quæ frequentat, adhæret. Age ergo qui relinquere universa disponis (d) te quoque inter relinquenda numerare memento. Imò verò maximè & principaliter abnega temetipsum, si deliberas sequi eum, qui exinanivit propter te semetipsum. Pone gravissimam sarcinam, pone asinariam molem, & terrenam molem: pone illa quinque non hominum planè jura sed boum, quæ tibi insipienter emisisti. Alioquin sequi Sponsum Jesum, & venire ad nuptias spirituales quinarum hac pressus & oppressus corporis sensualitate non poteris. Sed & si novissimè veneris & pulsaveris, minimè profectò aperietur tibi, sed respondebitur de intus, quòd non sit de bou-

bus

bus & asinis cæterisque jumentis insipientibus cura Deo. Ergone (e) bestiae sumus? Bestiae prorsus. *Homo cum in honore esset, non intellexit, comparatus est jumentis insipientibus.* Bestiae profectò sunt homines, oves errantes non habentes pastorem. Proinde (f) ait Dominus Jesus: *Si quis vult venire post me, abneget semetipsum*: quia nisi quis à semetipso deficiat, ad Christum Regem sublimem non appropinquat. Felix est propter Christum addictio sui, quam qui perfectè non habet, se Christo ad purum placere non existimet. Frustra enim Christo placere se credit, qui seipsum propter ipsum non abiicit: & perfectè se noverit illi placere, qui perfectè jam propter ipsum se didicerit abdicare. Ut ergo Christo placere possimus, necessaria nobis est abdicatio nostri, quantum nostra valetudo permittit, non quantum odium nostri, lancea peccatorum perfossa, in nos quandoque manus iniicere gestierit: maximè duntaxat in alimentis sumendis, ubi conservandus est vigor naturæ, & non sequendus est appetitus illecebrosæ gulæ. Contra vitia quæ de lumbis carneis pugnancia procedunt, palmativè belligerare nequimus, nisi prius appetitum gulæ restringamus fortiter contusione abstinentiæ. Legimus Verbum [g] in Evangelio loquens: *Esto consentiens, inquit, adversario tuo, dum es in via cum illo, ne fortè tradat te iudici & index tortori.* Quid consultius? Verbi consilium est (ni fallor) se adversarium protestantis, quod adversetur carnalibus desideriis nostris dum dicit: *Semper hi errant corde.* Tu verò qui hæc audis, si pavens cæperis

e Ser. 3. super. Psal. 92. n. 1. f Ser. 11. in ultim. Cena nunt. 89. g Ser. 85. in Cant. n. 1.

peris velle fugere à ventura ira, credo sollicitus eris quomodo huic consentias adversario, qui tibi illam tam terribiliter intonare videtur. At istud impossibile est, nisi dissentias tecum, nisi tibimet adverseris, nisi gravi & vigili lucta tuiple contra teipsum infatigabiliter praelieris, postremò nisi valefacias inveteratæ consuetudini, innatæquæ affectioni: abnegando temetipsum (h) propter ipsum qui seipsum exinanivit, & pro nostra salute formam servi suscepit, in qua solvit quæ non rapuit, qui flagellari & mactari, crucifigi & occidi pro nobis voluit. Felix abnegatio, & beatus contemptus, qui facit de de peccatore iustum, de inimico amicum, de servo filium: imò quod magnum est, de servo diaboli filium Dei.

§. I I.

Secundò ceciderat anima rationalis (i) à societate Angelorum, idest, à dignitate. Audiat ergo consilium, ut tollendo crucem suam, idest, carnem suam cum vitiis & concupiscentiis crucifigendo, per continentiae bonum recuperet societatem Angelorum. Nam (k) propter crucem piis dictum est: *Qui sunt Christi Jesu, carnem suam crucifixerunt cum vitiis & concupiscentiis*. Cum quo ut simul (l) crucifigamur & nos, attentius auribus cordis audiamus vocem Christi dicentis: *Qui vult venire post me, abneget semetipsum, & tollat crucem suam, & sequatur me*. Ac si dicat: *Qui me desiderat, se despiciat: qui vult facere voluntatem meam, discat frangere suam*.

Crux

h Ser. 13. in ult. Cæna n. 115. i Ser. 63. diu. k Ser. 2. in Cæna n. 6.
l Ser. 2. de S. Andr. n. 5.

CruX à cruciatu dicitur (m) aut certè cruciatus à cruce. Qui crucem portat (n) debet mundo mori: nam crucem ferre, semetipsum est mortificare. Crucem ferre & non mori, simulatio hypocritarum est. Porro (o) audi Apostolum dicentem: *Mihi absit gloriari nisi in cruce Domini nostri Jesu Christi, per quem mihi mundus crucifixus est, & ego mundo.* Non solum, inquit, mortuus mundo, sed & crucifixus: quod est ignominiosum genus mortis. Ego illi, pariter & ipse mihi. Omnia quæ mundus amat, crux mihi sunt: delectatio carnis, honores, divitiæ, vanæ hominum laudes. Quæ verò mundus reputet crucem, illis affixus sum, illis adhæreo, illa toto amplector affectu. Nulla ergo & te (p) mundi oblectamenta inclinent, nullæ adversitates deiiciant. Absit tibi gloriari nisi in cruce Domini tui Jesu Christi, per quem tibi mundus crucifixus est: ut quæ mundus appetit, crucem reputes: & tu crucifixus mundo, illis quæ mundus crucem reputat, toto inhæreas amore. Ea quæ amatores seculi diligunt (q) servi Dei velut adversa refugiunt. Servi Dei plùs gaudent adversitatibus mundi, quàm prosperitatibus delectantur. Ea quæ in hoc mundo sunt, servis Dei contraria sunt: ut dum ista adversa sentiunt, ad cæleste regnum cum summo desiderio suspirent. Magna apud Deum refulget gratia, quæ huic mundo contemptibilis est. Nam revera necesse est, ut quæ mundus odit, diligantur à Deo. Sancti viri peregrini sunt & hospites in seculo. Unde reprehenditur

Pe-

m Ser. in vig. S. Andr. num. 3. n Ser. de modo bene vive. cap. 1.
o Ser. 7. in Quadrag. n. 3. p Ser. 4. de Ascens. Dom. n. 13. q Tract.
de modo bene vivere. cap. 7. n. 18.

Petrus, quòd tabernaculum in monte fieri voverit : quia Sanctis in hoc mundo tabernaculum non est, quibus in cælo patria & domus est. Cuncta temporalia quasi herbæ marcentes siccantur & transeunt : & ideo præ æternis rebus quæ nunquam arescunt, rectè servi Dei ista contemnut & despiciunt : quia in eis nullam stabilitatem aspiciunt. Sancti viri (r) qui perfectè seculum contemnut, ita huic mundo moriuntur, ut soli Deo vivere delectentur. Et quantò se à conversatione hujus seculi subtrahunt, tantò magis oculis mentis præsentiam Dei, atque Angelicæ societatis frequentiam contemplantur. Quamvis enim Deus in medio hominum carnalium vitam electorum protegat, tamen valdè rarum est, ut homo inter seculi voluptates positus à peccatis sit alienus. Non erit semper securus, qui periculo fuerit proximus. Quidni periclitetur castitas in deliciis (s) humilitas in divitiis, pietas in negotiis, veritas in multiloquio, charitas in hoc seculo nequam? Fugite ergo de medio Babylonis, fugite, & salvate animas vestras. Bonum est (t) ut homo sit corporaliter remotus à mundo: sed multò est melius, ut sit & voluntate elongatus à seculo. Unde Beatus Job ait: *Onager contemnit civitatem*: & servus Dei contemnit secularium hominum societatem. Qui perfectè mundum despiciunt, adversa vitæ nostræ appetunt, & prospera contemnut: & dum ab eis vita hæc contemnitur, cælestis invenitur. Longè quippe à Deo est animus, cui hæc miserabilis vita dulcis est. Iste enim quid de cælestibus concupiscat, vel quid de terrenis despi-

ciat,

r *Ibidem* n. 19. s *Tract. de Convers. ad Cleric. cap. 21. num. 28.*

t *Tract. de modo bene viven. cap. 7. n. 19.*

ciat, ignorat. Nam sicut scriptum est: *Qui apponit scientiam, apponit & dolorem*. Quânto homo plûs potest superna cognoscere quæ concupiscat, tantò ampliùs dolere debet de terrenis & transitoriis rebus, quibus involvitur. Cui autem Christus incipit dulcescere (u) profectò necesse est amarescere mundum. Est siquidem panis qui de cælo descendit, habens omne delectamentum & suavitatem saporis. Sapor est Patris per illam æternam & ineffabilem naturam. Sapor est Angelorum per gratiam. Sapor est noster per misericordiam. Proinde si justus esse volueris (x) necesse est ut non solùm præsens seculum contemnans, sed & ipsam carnem castiges, & subicias servituti. Nam Christus dixit: *Qui vult venire post me, abneget semetipsum, & tollat crucem suam, & sequatur me*. Quod exponens Apostolus: *Quicumque, inquit, sunt Christi, carnem suam crucifixerunt cum vitiis & concupiscentiis*.

§. I I I.

Tertiò[y] ceciderat anima rationalis à visione Dei, idest, à beatitudine. Audiat ergo consilium, ut sequendo Christum, idest, ejus passionem immitando, recuperet claritatis ejus visionem: quia si compati-mur ei, & conregnabimus. Tu itaque si desideras videre sublimem [z] humilem priùs Jesum videre curato. Ista te humiliet visio, ut illa exaltet humiliatum. Reprimat & sanet ista tumorem tuum, ut illa repleat & satiet desiderium tuum. Exinanitum
vi-

u Ser. de ver. Sap. num. 2. tom. 6. pag. 768. x Ser. 3. in Epiph. Dom. 14. 6. y Serm. 63. di ver. z Serm. 1. de verb. Esaiæ num. 2.

vides? Non sit ociosa visio, quia exaltatum ociosè videre non poteris. Similis eris illi, cùm videris eum sicuti est. Esto & nunc similis ei, videns eum sicut propter te factus est. Si enim ne in humilitate quidem similitudinem ejus abnuis, certa tibi sublimitatis quoque similitudo debetur. Nunquam ille socium tribulationis à communione glorię patietur arceri. Denique usque adeo non dedignatur passionis suę consortem & in regnum mittere secum, ut in cruce confitens Latro eadem die cum eo fuerit in paradiso. Hinc est quod ait etiam ad Apostolos: *Vos estis qui permansistis mecum in temptationibus, & ego dispono vobis regnum.* Quia ergo si compatimur, & conregnabimus, sit interim meditatio nostra Christus, & hic crucifixus. Ipsum sequamur studio pię conversationis. Hoc enim est iter, quo ostendatur & nobis ipse, qui est salutare Dei: sanè non jam sine specie & decore, sed in claritate tanta ut majestas ejus repleat orbem terram. Christus Dominus [a] & in vita passivam habuit actionem, & in morte passionem activam sustinuit, dum salutem operaretur in medio terrę. Facit ergo mihi fortitudo, facit similitudo, sed si accesserit etiam imitatio, ut sequar vestigia ejus. Alioquin etiam exquiretur à me Sanguis justus, qui effusus est super terram: nec immunis ero ab illo tam singulari scelere Judæorum, quòd videlicet tanti charitati ingratus fuerim, quòd spiritui gratiæ contumeliam fecerim, quòd Sanguinem testamenti pollutum duxerim, quòd conculcaverim Filium Dei. Quàm pauci (b) post te, ô Domine Jesu, ire volunt, cùm tamen ad te pervenire nemo sit qui nolit:

a Ser. in er. 4. hebdom. San. m. 11. b Ser. 21. in Cant. m. 5.

nolit: hoc scientibus cunctis, quia delectationes in dextera tua usque in finem. Et propterea volunt omnes te frui, at non ita & imitari: conregnare cupiunt, sed non compati. Ex his erat ille qui dicebat: *Moriatur anima mea morte iustorum, & fiant novissima mea horum similia*. Optabat sibi extrema iustorum, sed non ita & principia. Mortem spirituum optant sibi etiam carnales, quorum tamen vitam abhorrent, scientes preciosam mortem esse sanctorum: quoniam cum dederit dilectis suis somnum, ecce hæreditas Domini, & quia beati mortui qui in Domino moriuntur: cum è contrario juxta Prophetæ sententiam, *mors peccatorum pessima sit*. Non curant quærere quem tamen desiderant invenire, cupientes consequi, sed non & sequi. Non sic illi quibus aiebat: *Vos estis qui permansistis mecum in temptationibus meis*. Beati qui digni habiti sunt testimonio tuo, benigne Jesu. Ipsi revera ibant post te & pedibus & affectibus. Notas eis fecisti vias vitæ, vocans eos post te, qui via & vita es & veritas, dicens: *Venite post me, faciam vos fieri pisces hominum*. Dicebant ergo discipuli gloriantes: *Ecce nos reliquimus omnia, et secuti sumus te*. O perversitas(c) ô abusio filiorum Adam, quia cum ascendere difficillimum sit, descendere autem facillimum, ipsi & leviter ascendunt, & difficilius descendunt, parati ad honores & celsitudines graduum Ecclesiasticorum, ipsis etiam Angelicis humeris formidandas. Ad sequendum autem te Domine Jesu vix inveniuntur, qui velint duci per viam mandatorum tuorum. Alii enim *trahuntur*, qui possunt dicere: *Trahe me post te*.

te. Alii *ducuntur*, qui dicunt: *Introduxit me Rex in cellaria sua*. Alii *rapiuntur*, sicut Apostolus raptus est ad tertium cœlum. Et primi quidem felices sunt, qui in patientia sua possident animas suas. Secundi feliciores, quia ex voluntate sua confitentur ei. Tertii felicissimi, qui in profundissima Dei misericordia, quasi quodammodò sepultâ jam arbitrii sui potestate, in divitias gloriæ in spiritu ardoris rapiuntur, nescientes sive in corpore sive extra corpus, hoc solum scientes quod rapti sint. Beatus qui ubique te ducem habet Domine Jesu, non illum refugam spiritum (*diabolum*) qui statim ascendere voluit, & totâ Divinitatis dexterâ percussus est. Nos autem populus tuus & oves pascuæ tuæ sequamur te, per te, ad te: quia *tu es via, veritas, & vita*: Via in exemplo, Veritas in promisso, Vita in præmio. Verba enim æternæ vitæ habes, & nos cognoscimus & credimus quia tu es Christus Filius Dei vivi. Ad te proinde (d) libenter accedimus Domine Jesu, discipuli ad magistrum, infirmi ad medicum, servi ad Dominum. Tu es enim magister & Dominus, cujus schola est in terris, cathedra in cœlis. Tu es ille eximius medicus, qui solo verbo restauras universa. Vias tuas demonstra nobis, & semitas tuas edoce nos: viæ enim tuæ viæ pulchræ, & omnes semitæ tuæ pacificæ. Beati, qui ambulant in via tua Domine virtutum: beatiores, qui currunt viam mandatorum tuorum: beatissimi, qui currunt in odore unguentorum tuorum. Exultas enim ut gigas ad currendam viam: & non solum currens, sed & saliens in montibus, & transiliens colles. Exultaverunt gi-

Y

gnan-

gantes Philosophi non ad currendam viam tuam, sed ad quærendam vanam gloriam, evanescentes in cogitationibus suis, non in humilitate aut in virtutibus tuis, sed suis. Viam enim sapientiæ nescierunt, neque meminerunt semitarum ejus. Non est audita in Chanaam, neque visa est in Theman. Maledicti qui dixerunt Domino Jesu: *Recede à nobis, scientiam viarum tuarum nolumus*. Nos autem quærimus te de die in diem, & scire vias tuas volumus.

C A P U T I V.

De suavitate jugi Christi, quæ ad gustandum datur portantibus jugum ejus.

1. Ostenditur, Christum reficere portantes jugum suum triplici cibo: incipientes cibo humilitatis, proficientes cibo charitatis, perfectos cibo sapientiæ. Septem sunt panes, quibus nos pascit Christus: imò & ipse pascitur profectibus nostris.
2. Invitamur ad tollendum jugum ejus suave, quo auferatur durum jugum sæculi ab humeris nostris, & onus premeans animas nostras. Reprehenditur dementia hominum, qui potius malunt emere multiplex jugum mundi durum, quàm tollere jugum Christi suave.
3. Ostenditur, jugum Christi nullum habere onus, seu laborem: probatur què exemplo & similitudine, quid onus Christi non onerat, sed alleviat portantes ipsum.

§. I.

Dominus ait: *Venite ad me omnes (a) qui laboratis & onerati estis, & ego reficiam vos*; quos vestrae seu alienae voluntatis dura premit servitus. Illud quoque quod in scala illa (b) quae in typo humilitatis Jacob monstrata est, & Dominus desuper innixus apparuit: quid nobis aliud innuit, nisi quod in culmine humilitatis constituitur cognitio veritatis. Dominus quippe de summitate scalae prospiciebat super filios hominum tanquam Veritas (cujus oculi sicut fallere nolunt, ita falli non norunt) ut videret si est intelligens aut requirens Deum. An non tibi de alto videtur clamare ac dicere requirentibus se: *Transite ad me omnes, qui concupiscitis me: & a generationibus meis implemini?* Et illud: *Venite ad me omnes, qui laboratis & onerati estis, & ergo reficiam vos.* Venite, inquit Dominus. Quod? Ad me Veritatem. Quam viam? Per humilitatem. Quo fructu? Ego vos reficiam. Sed quae est refectio quam Veritas ascendentibus promittit, pervenientibus reddit? Caritas est. Verè dulcis & suavis cibus est caritas, quae fessos allevat, debiles roborat, mæstos lætificat: jugum denique Veritatis facit suave, & onus leve. Bonus cibus caritas: (c) quae media in ferculo Salamonis consistens, diversarum odore virtutum, velut diversi generis fragrantia pigmentorum, esurientes reficit, jucundat reficientes. Ibi siquidem apponitur pax, patientia, benignitas, longanimitas, gaudium

Y 2

dium

a Ser. 26. diu. num. 4. b Tract. de grad. humil. cap. 2. num. 3.
c Ibidem num. 4.

dium in Spiritu Sancto : & si quæ sunt aliæ virtutes seu sapientiæ generationes, apponuntur in illa . Habet & humilitas in eodem ferculo suas epulas , panem scilicet doloris & vinum compunctionis : quas primò Veritas *incipientibus* offert, quibus utique dicitur : *Surgite postquam sederitis , qui manducatis panem doloris* . Habet ibidem contemplatio ex adipe frumenti solidum cibum sapientiæ , cum vino quod lætificat cor hominis : ad quæ Veritas perfectos invitat dicens: *Comedite amici mei, & bibite, & inebriamini charissimi* . Media, inquit, *charitate constitavit propter filias Jerusalem* , propter imperfectas , videlicet animas : quæ dum adhuc illum solidum cibum minùs capere possunt , lacte interim charitatis pro pane , oleo pro vino nutriendæ sunt . Quæ rectè *media* describitur , quia ejus suavitas nec incipientibus præstò est, prohibente timore : nec perfectis satis est , pro abundantiori contemplationis dulcedine . Hi adhuc à noxiis carnalium delectationum humoribus timoris amarissima potione purgandi , nondum lactis dulcedinem experiuntur . Illi jam auulsi à lacte, epulari ab introitu gloriæ gloriosius delectantur : Solis mediis, idest proficientibus ita jam melles quasdam sorbitiunculas charitatis expertis, ut illis interim pro sui teneritudine contenti sint . Primus ergo cibus est *humiliatis* [d] purgatorius cum amaritudine: secundus *charitatis*, consolatorius cum amaritudine: tertius *contemplationis*, solidus cum fortitudine . Bona tamen via humilitatis, quâ veritas inquiritur, charitas acquiritur, generationes sapientiæ participantur. Deniq; sicut finis legis est Christus,

flus, sic perfectio humilitatis est cognitio veritatis. Christus cum venit, attulit gratiam: veritas quibus innotuerit, dat charitatem. Innotescit autem humilibus: humilibus enim dat gratiam. Denique qui habet aures audiendi (e) audiat Christum clamantem in templo: *Qui sitit, veniat ad me & bibat*. Et: *Venite ad me omnes, qui laboratis & onerati estis, & ego reficiam vos*. Septem panes quibus reficiamini (f) isti sunt. *Primus* panis est verbum Dei, in quo vita hominis est, sicut & ipse Christus testatur. *Secundus* panis est obedientia: quoniam *meus cibus est*, inquit, *ut faciam voluntatem ejus qui misit me*. *Tertius* panis est meditatio sancta, de qua scriptum est: *Cogitatio sancta conservabit te*. Et quæ alio in loco nominari videtur *panis vitæ & intellectus*, *Quartus* panis sunt orantium lachrymæ. *Quintus* verò panis est pænitiæ labor. Ne mireris quodd laborem aut lachrymas panes dixerim, nisi fortè excidit tibi quod in Propheta legisti: *Cibabis nos pane lachrymarum*. Et in alio Psalmo: *Labores, inquit, manuum tuarum quia manducabis, beatus es, & benè tibi erit*. *Sextus* panis est jucunda unanimitas socialis: panis inquam ex diversis granis confectus, fermentatus utique Sapientiâ Dei. Porro *septimus* panis est Eucharistia: quoniam *panis, inquit, quem ego do, caro mea est pro mundi vita*. Bonus paterfamilias (g) qui suorum domesticorum curam gerit, maximè in diebus malis: ut alat eos in fame, cibans illos pane vitæ & intellectûs, & sic nutriendus ad vitam æternam. At pascens ita puto nihilominus pascitur ipse, & qui-

Y 3

dem

e. *Evist.* 106. *nn.* 1. f. *Ser.* 1. in *Dom.* 6. post *Pent.* *nn.* 4. g. *Ser.* 71. in *Can.* *nn.* 4.

dem escis quibus libenter vescitur profectibus nostris . Etenim gaudium Domini fortitudo nostra . Ita ergo & cùm pascit pascitur, (h) & cùm pascitur pascit , simul nos suo gaudio spiritali reficiens , & de nostro æquè spiritali profectu gaudens . Cibus ejus pœnitentia mea , & cibus ejus salus mea , cibus ejus ego ipse . An non cinerem tanquam panem manducat ? Ego autem quia peccator sum , cinis sum , ut manducer ab eo . Mandor cùm arguor , glutior cùm instituor , decoquor cùm immutor , digereror cùm transformor , unior cùm conformor . Nolite mirari hoc , & manducat nos , & manducatur à nobis , quò arctiùs illi astringamur .

§. I I.

Tollite (i) jugum meum super vos , ait Dominus . Ac si diceret : Non impono invitis , sed vos tollite si vultis . Ecce oleum (k) ad cujus præsentiam jugum vestræ captivitatis computrescet , sicut ait Esajas sanctus : In illa die auferetur onus ejus de humero tuo , & jugum de collo tuo , & computrescet jugum à facie olei . Quæ est ista dies , quod onus istud , quod jugum ? Audi quod idem Propheta præmittit : Suscitabit super eum Dominus (scilicet super Regem Assiriorum) flagellum supra plagam Madian in petra Oreb , & virgam suam super mare , & levabit eam in via Ægypti . Flagellato itaque & percusso diabolo , qui est rex super omnes filios superbiæ : levavit Dominus virgam suam super mare , & levavit eam in via
Ægy-

h Ibidem num. 5. i Epist. 11. num. 6. k Ser. de Advent. Dom. sum. 3. tom. 6. pag. 601.

Ægypti. Mare est seculum, virga est Crux, via *Ægypti* est via illa lata & spaciola quæ ducit ad mortem. Gratias tibi Domine Jesu, qui exaltasti virgam tuam super mare, prosternens Cruci tuæ superbiam sæculi, & subiiciens ei principatus & potestates. Verè Domine, Crux tua premit fluctus sæculi, sedat tempestates persecutionum, & tentationum procellas mitigat. Levasti etiam eam in via *Ægypti*, ut obstructa illâ viâ latâ quæ ducit ad mortem, illam arctam viam & angustam ostenderes, quæ ducit ad vitam. An nescitis? An non sentitis? An non experimini? Fervet in carne æstus concupiscentiæ, aliquando in mente ira desævit, indignationis & amaritudinis verba prorumpunt, & adinstar maris quod vehementer agitat ventus, omnia interiora hominis conturbantur: sed levante super hoc mare Crucem suam Jesu, sedantur omnia, omnia conquiescunt. Meritò hac die (1) idest tempore gratiæ, tempore misericordiæ, tempore quo Crux levatur, quo Christo subditur mundus, quo princeps mundi hujus eiicitur foras: hac inquam die, hoc tempore auferetur onus de humero vestro. Quod onus? Legimus in Scripturis multa onerum genera. Nam sanctus Esajas undecim nobis onera prophetico sermone describit. 1. Onus Babylonis. 2. Onus Philistiim. 3. Onus Moab. 4. Onus Damasci. 5. Onus Deserti maris. 6. Onus *Ægypti*. 7. Onus Dama. Onus in Arabia. 9. Onus Vallis visionis. 10. Onus Tyri. 11. Onus jumentorum Austri. Et quid est onus, nisi pondus quoddam deprimens animam, & ad terram inclinans: faciens eam ad inferio-

sa respicere, & negligere superiora? Tale nobis onus aliquando ex mundi provenit delectatione: & hoc est *Onus Babylonis*. Aliquando ex immundorum spirituum immissione: & hoc est *Onus Philistim*. Aliquando ex naturali quadam & inevitabili necessitate: & hoc est *Onus Moab*. Aliquando ex tenebris ignorantiae: & hoc est *Onus Ægypti*. Aliquando ex innata nobis infirmitate: & hoc est *Onus Damasci*. Aliquando ex malorum persecutione: & hoc est *Onus Deserti maris*. Aliquando ex occulta animi vexatione: & hoc est *Onus Dama*. Aliquando ex timore mortis: & hoc est *Onus in Arabia*. Aliquando ex vanitate quando proficimus: & hoc est *Onus Vallis visionis*. Aliquando ex angustia pro his quæ toleramus: & hoc est *Onus Tyri*. Aliquando ex charitate quando aliis prodesse desideramus: & hoc est *Onus jumentorum Austri*. An verò comparatum jumentis esse quis dubitet hominem (m) qui sibi juga emerit jumentorum: nisi quod eò sanè ipsis quoque jumentis convincitur stolidior, & bestialior bestiis comprobatur, quod juga necessitatis earum propriâ ipse subeat voluntate? Quod enim illis natura est, huic culpa: dum tanquam unus ex his quæ ratione carent, sine ratione degens & ipse, sub corporeis similiter sensibus incurvatur. Sed quid eum juga subisse causamur? Arguamus magis emisse. Illud enim stoliditatis miserandæ, istud extremæ dementiæ est. Planè & in eo qui juga emit, contrarium fieri manifestum est. Quid enim juga emit, & juga bonum (n) cui jugum suave offertur? Nam jugum

Chri-

Christi, jugum hominis est, siquidem & Christus homo. Necmodò gratis tribuitur, sed & copiosa his qui tulerint illud, remuneratio est, ut à nemine non dico emi, sed gratis sustineri queat. Quid ergo miser pro jugo boum distrahis animam tuam, qui jugum Christi suscipiens emere poteras regnum Dei, mercari vitam, lucrifacere Christum? Nam sine jugo interim esse non potes homo, nimirum qui natus es ad laborem: sed *grave jugum super omnes filios Adam*, utique qui sequuntur eum. Nam super eos qui Christum sequuntur, leve est & suave. Postremò ut cætera sileam, cum sine jugo esse non possint: quale hoc ipsum est eligere potius quinque quàm unum? Quis enim potest servire quinque dominis, nedum quinque tyrannis, quinque prædonibus? Si quidem *oculus* meus deprædatur animam meam. An non sæpè aliud *gula* exigit, ad aliud pruritus *aurium* vocat? Sic & *odoratus* & *tactus* diversa imperant, interdum forsitan & adversa, dum uterque communem sibi gestit præripere servum, & trahit sua quemque voluptas. Vides excusationem hominis qui propterea Christum non sequitur, propterea se excusat à nuptiis, quòd juga boum emerit quinque? Quòd si eorum laborem & dolorem consideres (o) si numeres eorum juga qui variis serviunt vitiis morum, magis quàm corporum sensibus: erit profectò invenire jam homines, qui multò magis in labore hominum non sunt, sed longè amplius aliena ab homine flagella sustineant. Erit invenire ementes nonmodò quinque, sed plusquàm quinquaginta quinque, non planè jumentorum juga, sed demonum.

Con-

Contendunt *ambitio* , & *elatio cordis* : altera modum , altera foveam parat : volare altera jubet , repere monet altera , cum neutrum perfectò sit hominis . Quis enim es tu (ait *elatio*) quis verò ille , vel ille est , aut quæ domus patris eorum , ut eis in aliquo cedas , ut reverearis eos , ut aliquatenus eis blandiaris ? At bonus sermo bonum invenit locum (ait *ambitio*) & interdum quoque qui prodesse non potest , potest obesse : unde dissimula , primum vinum bonum pone , donec veniat hora tua ? *Avaritia* quoque & *appetitus* laudis sibi invicem adversantur , & quod hæc congregat , hic dispergit . Nec minus contraria sunt ea , quæ *simulatio* & *pusillanimitas* suggerunt impudentiæ , impatientiæque clamoribus : & est utraque labor & dolor & afflictio spiritûs . Hæc autem omnia (p) similiaque ac dissimilia mala ex una radice pullularunt , propriæ scilicet voluntatis . Hujus enim sanguisugæ duæ sunt insatiabiles filiæ , clamantes : *Affer* , *affer* . Siquidem nec animus vanitate , nec voluptate corpus aliquando satiatur , ut scriptum est : *Non satiatur oculus visu , nec auris impletur auditu* . Fuge sanguisugam hanc , & omnia reliquisti . Hæc enim omnia trahit ad se propria voluntas . Pone hanc , & jugum tam importabile quam multiplex abiecisti . Non est enim Dominus crudelis ad illam , non est tyrannus tam impius & inhumatus sic urgens servulum , & non parcens . Fatigatum magis instigat , subditum premit durius . Inquietum malum est , quod spiritui semper incubas inexcogitabilia meditatur . O *custos hominum* , quare posuisti me *contrarium tibi* , & *factus sum mihi metipsi gravis* ?

Nul-

Nullum mihi onus importabilius, nulla gravior sarcina est. Factus sum mihi talentum plumbi, & resedit iniquitas super illud. Sed audiam vocem solatii, audiam quid loquatur magni consilii Angelus.

§. I I I.

Venite ad me omnes qui laboratis et onerati estis, et ego vos reficiam. Tollite iugum meum super vos, & invenietis requiem animabus vestris. Jugum enim meum suave est, & onus meum leve, dicit Dominus. Matt. 11.

Laborantes ad refectiorem invitat [q] ad requiem provocat oneratos. Non tamen interim onus subtrahit aut laborem, magis autem onere alio, alio labore commutat; sed onere levi, suavi jugo: in quibus requies ac refectio etsi minus appareat, tamen invenitur. Grave onus iniquitas sedens super talentum plumbi. Sub hac gemebat sarcina qui dicebat: *Iniquitates meae supergressae sunt caput meum, & sicut onus gravatae sunt super me.* Quod ergo onus Christi, quod onus leve? Ut quidem ego sentio, onus beneficiorum est. Dulce onus, sed ei qui sentit, & qui experitur. Alioquin si non invenias, si non advertas, grave omnino & periculosum. Oneriferum animal homo tempore suae mortalitatis si adhuc portat peccata sua, onus est grave: si jam fortè exoneratus est à peccatis, minus quidem grave; sed si sanum sapiat, non minus grande onus inveniet hanc ipsam quam diximus exonerationem. Onerat

nos

nos cum exonerat Deus, onerat beneficio cum exonerat peccato. Vox onerati: *Quid retribuam Domino pro omnibus quæ retribuit mihi?* Vox onerati: *Exi à me, quia homo peccator sum, Domine.* Vox onerati: *Semper enim quasi tumentes super me fluctus, timui Deum.* *Semper* (inquit) *timui*, sicut ante, sic post acceptam indulgentiam peccatorum. Et hoc miraculum [r] agit sermo Dei vivus & efficax: hoc illud Verbum per quod facta sunt omnia, benignissimè & potentissimè operatur: hoc denique facit *jugum Christi suave, & onus leve*. Libet admirari quàm leve sit onus Veritatis. Num verè leve est, quod portantem non gravat, sed levat? Quid eo levius onere, quod non solum non onerat, sed & portat omnem cui portandum imponitur? Hoc onus potuit uterum gravidare Virginis, gravare non potuit. Hoc onus ipsa quibus se præbuit sustentandum senis Simeonis brachia sustentabat. Hoc etiam onus Paulum in gravi licet & corruptibili corpore positum rapiebat usque ad tertium cælum. Quæram in rebus si quod fortè huic exoneranti oneri simile inveniamus. Occurrit mihi de pennis avium quod utcunque coaptem, quæ quodam videlicet singulari modo & corpulentiorē reddunt substantiam, & agiliorem. Mirum opus naturæ: unde grossescit materia, inde sarcina levigatur: & quantum crescit in massa, tantum decrescit in pondere. Hoc planè in pennis Christi oneris exprimit similitudinem, quod & ipsæ ferunt, à quibus feruntur. Proinde qui pro Christo laboribus fatigantur [s] qui persecutiones patiuntur, qui nulli mala inferunt, sed ab aliis illa-

illata patienter ferunt : meritò isti portare Christum in humeris dicuntur , quibus & ab ipsa Veritate dicitur : *Qui vult venire post me , abneget semetipsum , & tollat crucem suam .* O dulcis sarcina ! [t] Hæc sarcina fratres mei , scilicet crux ipsa benedicta , bajulum suum non gravat , sed levat : non deprimat , sed extollit : non quassat , sed erigit , & portat portantem , ubi Christus est in gloria Patris . *Jugum itaque Christi suave est* [u] *& onus leve .* Sed quibus ? Qui spiritu Dei aguntur . Qui sunt illi ? Non servi carnis , sed filii Dei . Vultis cognoscere filios Dei ? Qui spiritu facta carnis mortificant , quorum membra templum sunt Spiritus Sancti , quem à Deo acceperunt : ut jam non sint sui , nec sibi vivant , sed ei qui pro ipsis mortuus est , & resurrexit : empti videlicet precio magno pretiosi Sanguinis Christi . Unde & portantes eum & glorificantes in corpore suo , utique honorificant eum : quia non solum coram Deo , sed etiam coram hominibus confitentur eum . Glorificate itaque & vos dilectissimi [x] & portate interim Christum in corpore vestro , onus delectabile , suave pondus , sarcinam salutarem . Etiam si premere aliquando fortè videtur , etiam si interdum latera tundit & flagellat recalcitrantem , etiam si aliquando in carno & freno maxillas constringit & coercet , omnino feliciter : esto ut jumentum . Homo (inquit Psalmista) *cum in honore esset non intellexit , comparatus est jumentis insipientibus , & similis factus est illis .* Quid enim tantoperè vel plangit Propheta , vel arguit in homine similitudinem jumentorum ;

t Serm. 17. in ult. Cen. nu. 84. & 85. u Epist. 485. n. 4. x Serm. 7. Super Psalm. 90. num. 3.

rum ; præsertim qui in alio quodam loco de se li qui,
 & dicere Deo non sine quadam congratulatione vi-
 detur : *Ut jumentum factus sum apud te , & ego , em-
 per tecum ?* Puto , imò non puto , sed scio simili-
 tudinem aliquam jumentorum homini commendari ;
 sed planè non eam quæ non intelligendo , nec insi-
 pientiæ sed patientiæ imitatione consistat . Neque
 enim succensentis similiter , sed ne plangentis qui-
 dem videretur vox si dixisset : Homo cum sub onere
 Dei esset , non recalcitravit , ut jumentum factus est
 apud eum . Quis enim non illi jumento plurimum
 invideret , cujus in humili tergo ad commendatio-
 nem suæ ineffabilis mansuetudinis dignatus est sede-
 re Salvator : si cum illius tam pretiosi oneris gesta-
 tione intelligentiam quoque tam singularis habuisset
 honoris ? Ut jumentum igitur esto , minimè tamen
 jumentum , patienter quidem sustinens onus , sed ho-
 norem intelligens ; sapienter & delectabiliter cogi-
 tans tam ipsius oneris qualitatem , quàm propriam
 utilitatem . Id quidem necesse : [y] nam sub lingua ejus
 mel & lac , qui juxta Prophetam *laborem fingit in præ-
 cepto* . Miraris fingere Veritatem , nam mirari licet ,
 dubitare non licet . Si & alterum testem quæris , le-
 ge in Evangelio , quia *finxit se longius ire* . Quidni
 figmentum figmento exhibeat ? Siquidem ipse no-
 vit figmentum nostrum , utique laboris impatiens ,
 dilationem non sustinens , fragile ad utrumque . Pie
 ergo providit , ut haberet pietas promissionem vitæ
 ejus quæ nunc est , & futuræ ; nec laborem verum im-
 poneret , sed magis fingeret in præcepto . Audi quo-
 modò laborem fingere ipse se prodatur : *Tollite iugum*

MENTE

meum super vos, & invenietis requiem animabus vestris. Jugum enim meum suave est, & onus meum leve. Quomodo non fictus labor, ubi non labor, sed requies invenitur?

C A P U T V.

De vera requie animarum nostrarum, quæ invenitur à portantibus jugum Christi.

1. Ostenditur, sub jugo Christi esse veram requiem & pacem. Agitur de duplici pace, vera, & falsa: una est Christi, altera mundi. Pacis nomine intelligitur charitas Christi.
2. Ostenditur, Christum non solum nos invitare ad tollendum jugum suum, sed etiam ad discendam suam humilitatem. Agitur de duplici humilitate, quarum unam parit veritas, alteram format charitas.
3. Docemur exemplo & doctrinâ Christi, ut eius sectemur humilitatem, per eamque tendamus ad Deum. Agitur de duplici humilitate, quarum una est cognitionis, altera affectionis: nec non de duplici superbia, ut ex opposito sibi vitiq̃ appareat decor humilitatis.

§. I.

Tollite jugum meum super vos, & invenietis requiem animabus vestris, ait Dominus. Matt. 11.

Non impono invitis [a] sed vos tollite si vultis. Alioquin non requiem, sed laborem invenietis

tis animabus vestris. Proinde consensum nostrum
 necesse est divinæ subiicere voluntati [b] si pacem
 æternam, & pacem desideramus habere præsentem,
 sicut scriptum est: *Pacem meam do vobis, pacem re-
 linquo vobis: non quomodo mundus dat, ego do vo-
 bis*. Qualem pacem [c] dat mundus? Pacem fal-
 sam, pacem fictam, pacem sophisticam, pacem
 palliatam. Pax est vinculum amoris, & indissolu-
 bilis compago charitatis. Sed quid amat mundus?
 Prorsus utique nihil. Nihil amat, nihil diligit, cun-
 cta odit, cuncta perimit & occidit. Ab egressu pro-
 priæ matris uteri usque ad ingressum ventris om-
 nium matris, quid habet homo miser à mundo? Fa-
 mem, sitim, nuditatem, frigus crucians, scabiem
 cutis, dolorem capitis, chiragram in manibus, po-
 dagram in pedibus, morbum in liene, morbum in
 jecore; undique miseriam intus & extra. Foris il-
 lum interficit gladius, & domi mors similis est: ad
 ultimum morte sæva cunctos prosternit, & delicit.
 Ecce qualis est amor mundi. Et tamen miseri ho-
 mines mundi fallaciam non attendentes, odientem
 diligunt, & sævo ejus gladio spontè colla submit-
 tunt. Isti miseri sunt sine consilio, sed utinam sa-
 parent & intelligerent, & his quæ ventura sunt in
 novissimis temporibus, maturè providerent: profectò
 mundum odio haberent, nec diligerent. Dicitur
 etiam aliter mundus, scilicet rerum transeuntium
 amatores. Sed qualis sit pax & concordia inter illos,
 sapiens quisque advertere facile potest. Igitur spre-
 tã hujus mundi pace & concordia, ad pacem Domi-
 ni nostri Jesu Christi redeamus, quam ejus dilectio-
 nem

b Serm. 26. dist. num. 4. c Serm. 10, in ult. Cæna num. 71.

nem esse & credere, quâ dilexit nos & lavit nos à peccatis nostris in Sanguine suo, videtur non esse absurdum. Hæc est illa dilectio, quâ Deus mundum sic dilexit, ut se mundo hominem daret: ut omnis qui credit in illum non pereat, sed habeat vitam æternam. Hanc pacem scilicet charitatem Discipulis suis reliquit, cum Animam suam pro illorum salute dedit. Hanc pacem nobis reliquit, sicut Beatus Petrus Apostolus asserit dicens: *Christus passus est pro nobis, relinquens exemplum, ut sequamur vestigia ejus*. Et ad hanc charitatem alibi hortatur, ubi ait: *Christo in carne passo, & vos eadem cogitatione armamini*. Hanc pacem nobis moriendo reliquit, aliam pacem nobis resurgendo donavit. Prima nos liberat à peccato: secunda nos reconciliat Domino. Prima nobis peccata dimittit: secunda nos ad gaudia paradisi perducit. Primam nobis dedit moriens in Cruce: secundam nobis dabit in æternitate regnans cum Patre. Prima fuit in dolore, secunda erit in gaudio & exultatione. Prima lachrymosa, altera gloriosa. Prima est in miseria, secunda erit in gloria. In prima sumus flentes pro Christo, in secunda erimus gaudentes cum Christo. Sed quomodo inquis [d] possunt hæc fieri? Nempe hoc est quod paulò ante commemoravi: *Tollite jugum meum super vos, & invenietis requiem*. Mira novitas, sed ejus qui nova omnia facit. Jugum tollens invenit requiem, relinquens omnia Centuplum habet. Noverat hoc & ille nimirum homo secundum cor Dei, qui ei loquebatur in Psalmo: *Numquid adhæret tibi sedes iniquitatis, qui fingis labo-*

Z

rem

rem in praecepto? An non fictus in praecepto labor, onus leve, suave jugum, crux inuncta? Hujus enim rei sacramentum est, quod in dedicatione Ecclesiarum depictas in parietate cruces oleo Sancto Pontifex linit. Sic & olim quidem Abraham dictum est: *Tolle filium tuum quem diligis Isaac, & offeres mihi eum in holocaustum*. Labor fictus est in praecepto. Oblatus siquidem Isaac, sanctificatus est, non mactatus. Et tu igitur si vocem Domini audieris intus in animo, & dicatur tibi ut offeras Isaac, & tuum quodcunque est gaudium immoles Deo, (interpretatur enim Isaac gaudium seu risus) fideliter & constanter obedire ne timeas. Nimirum etsi rem grandem tibi dicit Propheta, facere debes, & ob temperandum est ei per omnia, etiamsi oportuerit ipsum Isaac jugulari. Nunc autem quidquid affectio propria judicet, securus esto, non Isaac, sed aries morietur: non peribit tibi lætitia, sed contumacia, cujus utique cornua vepribus hærent, & sine punctio-nibus anxietatis esse non potest. Tentat enim te Dominus Deus tuus, nec mactabitur Isaac ut opinaris, vivens vivet, sed elevatus est utique super ligna, ut in sublime gaudeas: nec in carne propria, sed in cruce Domini glorieris, per quem nimirum crucifixus & ipse es, sed crucifixus mundo, nam ei vivis. Hæc est nimirum conversatio perfectorum, hæc sanctorum vita, hæc gratia spiritualis. Denique habes ex verbis Sapientis [e] vanitatem & afflictionem spiritus. Apponit Veritas *tertium*, scilicet *servitutem*. Omnes, inquit, *qui facit peccatum, servus est peccati*. Conjungantur autem hæc tria, vanitas, servi-

servitus, & afflictio spiritûs: ubi ergo quies ubi sabbatum? Nonne verbum legis est, nullum peccatum facies in eo? Quis est qui peccatum non fecit? Dixit rex David: *Ecce enim in iniquitatibus conceptus sum, & in peccatis concepit me mater mea*. Quis ergo nos liberabit à iugo veteri & servitute peccati? Ille de quo Veritas in Evangelio dicit: *Si Filius vos liberaverit, verè liberi eritis*. Ipse nos ad sabbatum invitans: *Venite, inquit, ad me omnes qui laboratis & onerati estis, & ego reficiam vos*. Ecce refectio quasi sabbati preparatio. Audiamus & sabbatum: *Tollite iugum meum super vos, & invenietis requiem animabus vestris*. Ecce sabbatum, ecce queta tranquillitas. *Jugum enim meum suave est, & onus meum leve*. Quantò enim benignior [f] & dulcior est Divina clementia quolibet homine, tantò suavius esse manifestum est iugum ejus cæteris omnibus. Iugum hoc non premit [g] sed erigit: pennas habet quibus evolet, non pennas quibus aliquos gravet. Illud iugum charitas est Dei, proximique dilectio: hîc requiescitur, hîc sabbatizatur, hîc ab omni opere servili vacatur. Nimirum charitas non agit perperam, non cogitat malum: sed & dilectio proximi malum non operatur. Vides ô Christiane sabbatum ubi sit? Inde etsi aliqua peccati surreptitio ex aliqua infirmitate contingat, non perit sabbati feriatio: quia charitas operit multitudinem peccatorum. Videamus aliquos [h] qui cum suaviter respirare deberent sub iugo & onere tam suavi & tam levi, sub utroque laborant & marmu-

Z 2

rant,

f Ser. 26. diu. n. 4. g Lib. 3. de amore Dei cap. 12. n. 45. h Ibidem, n. 46.

sa respicere, & negligere superiora? Tale nobis onus aliquando ex mundi provenit delectatione: & hoc est *Onus Babylonis*. Aliquando ex immundorum spirituum immissione: & hoc est *Onus Philistiim*. Aliquando ex naturali quadam & inevitabili necessitate: & hoc est *Onus Moab*. Aliquando ex tenebris ignorantiae: & hoc est *Onus Ægypti*. Aliquando ex innata nobis infirmitate: & hoc est *Onus Damasci*. Aliquando ex malorum persecutione: & hoc est *Onus Deserti maris*. Aliquando ex occulta animi vexatione: & hoc est *Onus Dama*. Aliquando ex timore mortis: & hoc est *Onus in Arabia*. Aliquando ex vanitate quando proficimus: & hoc est *Onus Vallis visionis*. Aliquando ex angustia pro his quæ toleramus: & hoc est *Onus Tyri*. Aliquando ex charitate quando aliis prodesse desideramus: & hoc est *Onus jumentorum Austri*. An verò comparatum jumentis esse quis dubitet hominem (m) qui sibi juga emerit jumentorum: nisi quodd ed sanè ipsis quoque jumentis convincitur stolidior, & bestialior bestiis comprobatur, quodd juga necessitatis earum propriâ ipse subeat voluntate? Quod enim illis natura est, huic culpa: dum tanquam unus ex his quæ ratione carent, sine ratione degens & ipse, sub corporeis similiter sensibus incurvatur. Sed quid eum juga subisse causamur? Arguamus magis emississe. Illud enim stoliditatis miserandæ, istud extremæ dementiæ est. Planè & in eo qui juga emit, contrarium fieri manifestum est. Quid enim juga emit, & juga bonum (n) cui jugum suave offertur? Nam jugum

Chri-

Christi, jugum hominis est, siquidem & Christus homo. Necmodò gratis tribuitur, sed & copiosa his qui tulerint illud, remuneratio est, ut à nemine non dico emi, sed gratis sustineri queat. Quid ergo miser pro jugo boum distrahis animam tuam, qui jugum Christi suscipiens emere poteras regnum Dei, mercari vitam, lucrificare Christum? Nam sine jugo interim esse non potes homo, nimirum qui natus es ad laborem: sed *grave jugum super omnes filios Adam*, utique qui sequuntur eum. Nam super eos qui Christum sequuntur, leve est & suave. Postremò ut cætera sileam, cum sine jugo esse non possint: quale hoc ipsum est eligere potius quinque quàm unum? Quis enim potest servire quinque dominis, nedum quinque tyrannis, quinque prædonibus? Si quidem *oculus* meus deprædatur animam meam. An non sæpè aliud *gula* exigit, ad aliud pruritus *aurium* vocat? Sic & *odoratus* & *tactus* diversa impellant, interdum forsitan & adversa, dum uterque communem sibi gestit præripere servum, & trahit sua quemque voluptas. Vides excusationem hominis qui propterea Christum non sequitur, propterea se excusat à nuptiis, quòd juga boum emerit quinque? Quòd si eorum laborem & dolorem consideres (o) si numeres eorum juga qui variis serviunt vitiiis morum, magis quàm corporum sensibus: erit profecò invenire jam homines, qui multò magis in labore hominum non sunt, sed longè amplius aliena ab homine flagella sustineant. Erit invenire ementes nonmodò quinque, sed plusquàm quinquaginta quinque, non planè jumentorum juga, sed demonum.

Con-

Contendunt *ambitio* , & *elatio cordis* : altera modum , altera foveam parat : volare altera jubet , re-
 pere monet altera , cùm neutrum profectò sit homi-
 nis . Quis enim es tu (ait *elatio*) quis verò ille , vel
 ille est , aut quæ domus patris eorum , ut eis in ali-
 quo cedas , ut reverearis eos , ut aliquatenus eis blan-
 diaris ? At bonus sermo bonum invenit locum (ait
ambitio) & interdum quoque qui prodesse non potest ,
 potest obesse : unde dissimula , primò vinum bonum
 pone , donec veniat hora tua ? *Avaritia* quoque &
appetitus laudis sibi invicem adversantur , & quod
 hæc congregat , hic dispergit . Nec minùs contraria
 sunt ea , quæ *simulatio* & *pusillanimitas* suggerunt
 impudentiæ , impatientiæquè clamoribus : & est utra-
 que labor & dolor & afflictio spiritûs . Hæc autem
 omnia (p) similiaquè ac dissimilia mala ex una ra-
 dice pullularunt , propriæ scilicet voluntatis . Hujus
 enim sanguisugæ duæ sunt insatiabiles filiæ , claman-
 tes : *Affer* , *affer* . Siquidem nec animus vanitate ,
 nec voluptate corpus aliquando satiatur , ut scriptum
 est : *Non satiatur oculus visu , nec auris impletur au-*
ditu . Fuge sanguisugam hanc , & omnia reliquisti .
 Hæc enim omnia trahit ad se propria voluntas . Po-
 ne hanc , & jugum tam importabile quàm multi-
 plex abiicisti . Non est enim Dominus crudelis ad
 illam , non est tyrannus tam impius & inhumane sic
 urgens servulum , & non parcens . Fatigatum ma-
 gis instigat , subditum premit durius . Inquietum
 malum est , quodd spiritui semper incubas inexcogita-
 bilia meditatur . O *custos hominum* , quare posuisti me
 contrarium tibi , & factus sum mihi metipsi gravis ?

Nul-

Nullum mihi onus importabilius, nulla gravior sarcina est. Factus sum mihi talentum plumbi, & resedit iniquitas super illud. Sed audiam vocem solatii, audiam quid loquatur magni consilii Angelus.

§. I I I.

Venite ad me omnes qui laboratis et onerati estis, et ego vos reficiam. Tollite jugum meum super vos, & invenietis requiem animabus vestris. Jugum enim meum suave est, & onus meum leve, dicit Dominus. Matt. 11.

Laborantes ad refectiorem invitatur[que] ad requiem provocat oneratos. Non tamen interim onus subtrahit aut laborem, magis autem onere alio, alio labore commutat; sed onere levi, suavi jugo: in quibus requies ac refectio etsi minus appareat, tamen invenitur. Grave onus iniquitas sedens super talentum plumbi. Sub hac gemebat sarcina qui dicebat: *Iniquitates meae supergressae sunt caput meum, & sicut onus gravatae sunt super me.* Quod ergo onus Christi, quod onus leve? Ut quidem ego sentio, onus beneficiorum est. Dulce onus, sed ei qui sentit, & qui experitur. Alioquin si non invenias, si non advertas, grave omnino & periculosum. Oneriferum animal homo tempore suae mortalitatis si adhuc portat peccata sua, onus est grave: si jam forte exoneratus est à peccatis, minus quidem grave; sed si sanum sapiat, non minus grande onus inveniet hanc ipsam quam diximus exonerationem. Onerat

nos

nos cum exonerat Deus, onerat beneficio cum exonerat peccato. Vox onerati: *Quid retribuam Domino pro omnibus quæ retribuit mihi?* Vox onerati: *Exi à me, quia homo peccator sum, Domine.* Vox onerati: *Semper enim quasi tumentes super me fluctus, timui Deum.* *Semper* (inquit) *timui*, sicut ante, sic post acceptam indulgentiam peccatorum. Et hoc miraculum [r] agit sermo Dei vivus & efficax: hoc illud Verbum per quod facta sunt omnia, benignissimè & potentissimè operatur: hoc denique facit *jugum Christi suave, & onus leve*. Libet admirari quàm leve sit onus Veritatis. Num verè leve est, quod portantem non gravat, sed levat? Quid eo levius onere, quod non solum non onerat, sed & portat omnem cui portandum imponitur? Hoc onus potuit uterum gravidare Virginis, gravare non potuit. Hoc onus ipsa quibus se præbuit sustentandum senis Simeonis brachia sustentabat. Hoc etiam onus Paulum in gravi licet & corruptibili corpore positum rapiebat usque ad tertium cælum. Quæram in rebus si quod fortè huic exoneranti oneri simile inveniamus. Occurrit mihi de pennis avium quod utcunque coaptem, quæ quodam videlicet singulari modo & corpulentiorum reddunt substantiam, & agiliorem. Mirum opus naturæ: unde grossescit materia, inde sarcina levigatur: & quantum crescit in massa, tantum decrescit in pondere. Hoc planè in pennis Christi oneris exprimit similitudinem, quod & ipsæ ferunt, à quibus feruntur. Proinde qui pro Christo laboribus fatigantur [s] qui persecutiones patiuntur, qui nulli mala inferunt, sed ab aliis illa-

illata patienter ferunt : meritò isti portare Christum in humeris dicuntur , quibus & ab ipsa Veritate dicitur : *Qui vult venire post me , abneget semetipsum , & tollat crucem suam .* O dulcis sarcina ! [t] Hæc sarcina fratres mei , scilicet crux ipsa benedicta , bajulum suum non gravat , sed levat : non deprimit , sed extollit : non quassat , sed erigit , & portat portantem , ubi Christus est in gloria Patris . *Jugum itaque Christi suave est* [u] *& onus leve .* Sed quibus ? Qui spiritu Dei aguntur . Qui sunt illi ? Non servi carnis , sed filii Dei . Vultis cognoscere filios Dei ? Qui spiritu facta carnis mortificant , quorum membra templum sunt Spiritus Sancti , quem à Deo acceperunt : ut jam non sint sui , nec sibi vivant , sed ei qui pro ipsis mortuus est , & resurrexit : empti videlicet precio magno pretiosi Sanguinis Christi . Unde & portantes eum & glorificantes in corpore suo , utique honorificant eum : quia non solum coram Deo , sed etiam coram hominibus confitentur eum . Glorificate itaque & vos dilectissimi [x] & portate interim Christum in corpore vestro , onus delectabile , suave pondus , sarcinam salutarem . Etiam si premere aliquando fortè videtur , etiam si interdum latera tundit & flagellat recalcitrantem , etiam si aliquando in camo & freno maxillas constringit & coercet , omnino feliciter : esto ut jumentum . Homo (inquit Psalmista) *cum in honore esset non intellexit , comparatus est jumentis insipientibus , & similis factus est illis .* Quid enim tantoperè vel plangit Propheta , vel arguit in homine similitudinem jumentorum ;

t *Serm. 11. in ult. Can. nu. 84. & 85. v. Epist. 485. n. 4. x Serm. 7. super Psalm. 92. num. 3.*

rum ; præsertim qui in alio quodam loco de se loqui,
 & dicere Deo non sine quadam congratulatione vi-
 detur : *Ut jumentum factus sum apud te , & ego sem-*
per tecum ? Puto , imò non puto , sed scio similitu-
 dinem aliquam jumentorum homini commendari ;
 sed planè non eam quæ non intelligendo , nec insi-
 pientiæ sed patientiæ imitatione consistat . Neque
 enim succensentis similiter , sed ne plangentis qui-
 dem videretur vox si dixisset : Homo cùm sub onere
 Dei esset , non recalcitravit , ut jumentum factus est
 apud eum . Quis enim non illi jumento plurimùm
 invideret , cujus in humili tergo ad commendatio-
 nem suæ ineffabilis mansuetudinis dignatus est sede-
 re Salvator : si cum illius tam pretiosi oneris gesta-
 tione intelligentiam quoque tam singularis habuisset
 honoris ? Ut jumentum igitur esto , minimè tamen
 jumentum , patienter quidem sustinens onus , sed ho-
 norem intelligens ; sapienter & delectabiliter cogi-
 tans tam ipsius oneris qualitatem , quàm propriam
 utilitatem . Id quidem necesse : [y] nam sub lingua ejus
 mel & lac , qui juxta Prophetam *laborem fingit in præ-*
cepto . Miraris fingere Veritatem , nam mirari licet ,
 dubitare non licet . Si & alterum testem quæris , le-
 ge in Evangelio , quia *finxit se longius ire* . Quidni
 figmentum figmento exhibeat ? Siquidem ipse no-
 vit figmentum nostrum , utique laboris impatiens ,
 dilationem non sustinens , fragile ad utrumque . Piè
 ergo providit , ut haberet pietas promissionem vitæ
 ejus quæ nunc est , & futuræ ; nec laborem verum im-
 poneret , sed magis fingeret in præcepto . Audi quo-
 modò laborem fingere ipse se prodat : *Tollite iugum*

meum

meum super vos , & invenietis requiem animabus vestris . Jugum enim meum suave est , & onus meum leve . Quomodo non fictus labor , ubi non labor , sed requies invenitur ?

C A P U T V.

De vera requie animarum nostrarum , quæ invenitur à portantibus jugum Christi .

1. Ostenditur, sub jugo Christi esse veram requiem & pacem . Agitur de duplici pace , vera , & falsa : una est Christi , altera mundi . Pacis nomine intelligitur charitas Christi .
2. Ostenditur, Christum non solum nos invitare ad tollendum jugum suum , sed etiam ad discendam suam humilitatem . Agitur de duplici humilitate , quarum unam parit veritas , alteram format charitas .
3. Docemur exemplo & doctrinâ Christi , ut eius sectemur humilitatem , per eamque tendamus ad Deum . Agitur de duplici humilitate , quarum una est cognitionis , altera affectionis : nec non de duplici superbia , ut ex opposito sibi vitio appareat decor humilitatis .

§. I.

Tollite jugum meum super vos , & invenietis requiem animabus vestris , ait Dominus . Matt. 11.

Non impono invitis [a] sed vos tollite si vultis . Alioquin non requiem , sed laborem invenietis

tis animabus vestris. Proinde consensum nostrum
 necesse est divinæ subiicere voluntati [b] si pacem
 æternam, & pacem desideramus habere præsentem,
 sicut scriptum est: *Pacem meam do vobis, pacem re-
 linquo vobis: non quomodo mundus dat, ego do vo-
 bis.* Qualem pacem [c] dat mundus? Pacem fal-
 sam, pacem fictam, pacem sophisticam, pacem
 palliatam. Pax est vinculum amoris, & indissolu-
 bilis compago charitatis. Sed quid amat mundus?
 Prorsus utique nihil. Nihil amat, nihil diligit, cun-
 cta odit, cuncta perimit & occidit. Ab egressu pro-
 priæ matris uteri usque ad ingressum ventris om-
 nium matris, quid habet homo miser à mundo? Fa-
 mem, sitim, nuditatem, frigus crucians, scabiem
 cutis, dolorem capitis, chiragram in manibus, po-
 dagram in pedibus, morbum in liene, morbum in
 jecore; undique miseriam intus & extra. Foris il-
 lum interficit gladius, & domi mors similis est: ad
 ultimum morte sæva cunctos prosternit, & delicit.
 Ecce qualis est amor mundi. Et tamen miseri ho-
 mines mundi fallaciam non attendentes, odientem
 diligunt, & sævo ejus gladio spontè colla submit-
 tunt. Isti miseri sunt sine consilio, sed utinam sa-
 parent & intelligerent, & his quæ ventura sunt in
 novissimis temporibus, maturè providerent: profectò
 mundum odio haberent, nec diligerent. Dicitur
 etiam aliter mundus, scilicet rerum transeuntium
 amatores. Sed qualis sit pax & concordia inter illos,
 sapiens quisque advertere facile potest. Igitur spre-
 tâ hujus mundi pace & concordia, ad pacem Domi-
 ni nostri Jesu Christi redeamus, quam ejus dilectio-
 nem

nem esse & credere, quâ dilexit nos & lavit nos à peccatis nostris in Sanguine suo, videtur non esse absurdum. Hæc est illa dilectio, quâ Deus mundum sic dilexit, ut se mundo hominem daret: ut omnis qui credit in illum non pereat, sed habeat vitam æternam. Hanc pacem scilicet charitatem Discipulis suis reliquit, cum Animam suam pro illorum salute dedit. Hanc pacem nobis reliquit, sicut Beatus Petrus Apostolus asserit dicens: *Christus passus est pro nobis, relinquens exemplum, ut sequamur vestigia ejus*. Et ad hanc charitatem alibi hortatur, ubi ait: *Christo in carne passo, & vos eadem cogitatione armamini*. Hanc pacem nobis moriendo reliquit, aliam pacem nobis resurgendo donavit. Prima nos liberat à peccato: secunda nos reconciliat Domino. Prima nobis peccata dimittit: secunda nos ad gaudia paradisi perducit. Primam nobis dedit moriens in Cruce: secundam nobis dabit in æternitate regnans cum Patre. Prima fuit in dolore, secunda erit in gaudio & exultatione. Prima lachrymosa, altera gloriosa. Prima est in miseria, secunda erit in gloria. In prima sumus flentes pro Christo, in secunda erimus gaudentes cum Christo. Sed quomodo inquis [d] possunt hæc fieri? Nempe hoc est quod paulò ante commemoravi: *Tollite jugum meum super vos, & invenietis requiem*. Mira novitas, sed ejus qui nova omnia facit. Jugum tollens invenit requiem, relinquens omnia Centuplum habet. Noverat hoc & ille nimirum homo secundum cor Dei, qui ei loquebatur in Psalmo: *Namquid adheret tibi sedes iniquitatis, qui fingis labo-*

Z

rem

rem in præcepto? An non fictus in præcepto labor, onus leve, suave jugum, crux inuncta? Hujus enim rei sacramentum est, quod in dedicatione Ecclesiarum depictas in parietate cruces oleo Sancto Pontifex linit. Sic & olim quidem Abrahamæ dictum est: *Tolle filium tuum quem diligis Isaac, & offeres mihi eum in holocaustum.* Labor fictus est in præcepto. Oblatus siquidem Isaac, sanctificatus est, non mactatus. Et tu igitur si vocem Domini audieris intus in animo, & dicatur tibi ut offeras Isaac, & tuum quodcunque est gaudium immoles Deo, (interpretatur enim Isaac gaudium seu risus) fideliter & constanter obedire ne timeas. Nimirum etsi rem grandem tibi dicit Propheta, facere debes, & ob temperandum est ei per omnia, etiamsi oportuerit ipsum Isaac jugulari. Nunc autem quidquid affectio propria judicet, securus esto, non Isaac, sed aries morietur: non peribit tibi lætitia, sed contumacia, cuius utique cornua vepribus hærent, & sine punctio-nibus anxietatis esse non potest. Tentat enim te Dominus Deus tuus, nec mactabitur Isaac ut opinaris, vivens vivet, sed elevatus est utique super ligna, ut in sublime gaudeas: nec in carne propria, sed in cruce Domini glorieris, per quem nimirum crucifixus & ipse es, sed crucifixus mundo, nam ei vis. Hæc est nimirum conversatio perfectorum, hæc sanctorum vita, hæc gratia spiritualis. Denique habes ex verbis Sapientis [e] vanitatem & afflictionem spiritûs. Apponit Veritas *tertium*, scilicet *servitutem*. Omnes, inquit, *qui faciunt peccatum, servi sunt peccati*. Coniungantur autem hæc tria, vanitas, servi-

servitus, & afflictio spiritûs: ubi ergo quies ubi sabbatum? Nonne verbum legis est, nullum peccatum facies in eo? Quis est qui peccatum non fecit? Dixit rex David: *Ecce enim in iniquitatibus conceptus sum, & in peccatis concepit me mater mea*. Quis ergo nos liberabit à jugo veteri & servitute peccati? Ille de quo Veritas in Evangelio dicit: *Si Filius vos liberaverit, verè liberi eritis*. Ipse nos ad sabbatum invitans: *Venite, inquit, ad me omnes qui laboratis & onerati estis, & ego reficiam vos*. Ecce refectio quasi sabbati præparatio. Audiamus & sabbatum: *Tollite iugum meum super vos, & invenietis requiem animabus vestris*. Ecce sabbatum, ecce quæta tranquillitas. *Jugum enim meum suave est, & onus meum leve*. Quantò enim benignior [f] & dulcior est Divina clementia quolibet homine, tantò suavius esse manifestum est jugum ejus cæteris omnibus. Jugum hoc non premit [g] sed erigit: pennas habet quibus evolet, non pennas quibus aliquos gravet. Illud jugum charitas est Dei, proximique dilectio: hîc requiescitur, hîc sabbatizatur, hîc ab omni opere servili vacatur. Nimirum charitas non agit perperam, non cogitat malum: sed & dilectio proximi malum non operatur. Vides ô Christiane sabbatum ubi sit? Inde etsi aliqua peccati surreptitio ex aliqua infirmitate contingat, non perit sabbati feriatio: quia charitas operit multitudinem peccatorum. Videamus aliquos [h] qui cum suaviter respirare deberent sub jugo & onere tam suavi & tam levi, sub utroque laborant & marmu-

Z 2

rant,

f Ser. 26. dia. n. 4. g Lib. 3. de amore Dei cap. 12. n. 45. h Ibidem. n. 46.

rant. Ad jugum utique mundi pertinet quod curis æstuant, quod inflammantur odiis, quod torquentur invidiâ. Hoc jugum cupiditatis est, & onus sæculi grave. Jugum autem Domini suave est & onus leve. Et quid suavius homini, quid jucundius, quàm mundum contemnere, & se reputare sæculo celsiorè, atque in bonæ conscientiae vertice consistentem; & mundum habere sub pedibus, nihil in eo videre quod appetat, nullum cui invideat, quem metuat, nihil mali esse quod ab aliquo sibi possit inferri: & in illam hæreditatem immarcescibilem, incontaminatam & incorruptam, conservatam in cælis, oculos dirigendo, fallaces divitias & honores perniciosos, & damnabiles delicias conculcare? Quid quæso desiderabilius est, & quid tranquillius, quàm suam animam sic stabilire, ut nullis motibus carnalis concupiscentiæ agitetur? Carnem rore pudicitiae tepescientem compellet ancillari, ut eam ad exercitium militiae spiritualis promptissimam habeat adjutricem. Quid præterea ita Divinae tranquillitatis imaginem gerit, quàm anima, quæ sic ad omnium injuriarum tolerantiam se obfirmat, ut eam contumeliæ illatæ non moveant, & mentem ejus à statu suo nullæ comminationum aut injuriarum machinæ deiciant? Amicum & inimicum eodem oculo intueri, nonne similis est ei, qui facit Solem suum oriri super justos & malos? Quid, cùm omnia circa eum mutabiliter fiant, nulla est in corde ejus mutatio?

§. I I.

Tollite jugum meum super vos: & discite à me, quia mitis sum & humilis corde, ait Dominus.
Matt. 11.

Videamus [i] quantum in se hanc humilitatis virtutem omnium virtutum Dominus commendavit. Primò verba ejus attendentes, ubi ait: *Discite à me, quia mitis sum & humilis corde: & invenietis requiem animabus vestris.* Quid est Magister bone, optime Jesu? Numquid ad hoc redacti sunt omnes thesauri sapientiæ & scientiæ in te reconditi, ut hoc singulariter doceas, *quia mitis & humilis corde?* Non doces, ut cæli discantur fabricari, fieri miracula, mortui suscitari, & cætera hujusmodi: sed, *quia mitis sum & humilis corde.* Numquid tam magnum est quod est paruum? Utique. Quia per hoc invenitur requies animabus. Quæ enim alia est causa omnis laboris & certaminis nostri, nisi ut inveniamus requiem animabus nostris? Brevis doctrina, brevis via demonstrata est. Disce ô homo hanc à Domino Jesu, qui mitis est & humilis corde: id est, vide & quantum & quare humilitatus fuit ille, qui est Excelsus super omnes gentes Dominus, & super cælos gloria ejus: & disce etiam quia tu es lutum & cinis, & sic invenies requiem animæ tuæ. Sed nota quod ait: *Humilis corde.* Non enim ficta humilitate placatur ille qui est humilis corde, sed humilitate vera. Humilitate cordis delectatur ille qui in-

tuetur cor, quia in humilium cordibus requiescit. Quærit enim corda humiliū, quæ eleuet: non tumida, à quibus resiliat. Proinde & ego huic animæ [k] in omnibus me profiteor debitorem, huic me ministrum servum tanquam dignissimæ Domini mei sponsæ, & quæ revera dicere possit: *Cum esset Rex in accubitu suo nardus mea debet odorem suum*. Bonus humilitatis odor, qui de hac valle plorationis ascendens, perfusis circumquaque vicinis regionibus, ipsum quoque regium accubitum grata suavitate respergat. Est nardus humilis herba, quam & calidè ferunt esse naturæ, hi qui herbarum vires curiosius explorarunt: & ideo per hanc videor mihi non inconvenienter hoc loco virtutem humilitatis accipere, sed quæ sancti amoris vaporibus flagret. Quod propterea sanè dico, quoniam est humilitas quam nobis veritas parit, & non habet calorem: & est humilitas quam charitas format, & inflamat. Atque hæc quidem in affectu, illa in cognitione consistit. Etenim tu si temetipsum intus ad lumen veritatis & sine dissimulatione inspicias, & sine palpatione dijudices; non dubito quin humilieris & tu in oculis tuis, factus vilior tibi ex hac vera cognitione tui, quamvis neodum fortassè id esse patiaris in oculis aliorum. Eris igitur humilis, sed de opere interim veritatis, & minimè adhuc de amoris infusione. Nam si veritatis ipsius, quæ te tibi veraciter atque salubriter demonstravit, sicut splendore illuminatus ita & affectus amore fuisses; voluisses proculdubio (quod in te est) eandem de te omnes tenere sententiam, quam ipsam apud te veritatem habere cognoscis.

scis. Sanè quod in te esse dixerim, quoniam plerumque non expedit innotescere omnibus omnia quæ nos scimus de nobis, atque ipsa veritatis charitate & charitatis veritate vetamur palàm fieri velle quod noceat agnoscenti. Alioquin si privato amore tentus detines pariter intra te iudicium veritatis inclusum, cui dubium est minùs te veritatem diligere, cui proprium præfers vel commodum vel honorem? Vides igitur non esse idipsum (1) hominem de seipso non altum jam sapere, veritatis lumine redargutum: & humilibus spontè consentire, munere charitatis adjutum. Illud enim necessitatis est, hoc voluntatis. *Christus Jesus cùm in forma Dei esset, semetipsum exinanivit* (inquit Apostolus) *formam servi accipiens*, & formam humilitatis tradens. Ipse se exinanivit, ipse se humiliavit, non necessitate iudicii, sed nostri charitate. Poterat nimirum vilem se & contemptibilem demonstrare, sed planè non reputare, quoniam sciebat seipsum. Voluntate proinde humilis fuit, & non iudicio, qui talem se obtulit qualem esse nescivit: magis autem placuit minimum reputari, qui se Summum non ignorabat. Denique ait: *Discite à me, quia mitis sum & humilis corde*. Corde dixit, cordis affectu, idest voluntate. Itaque necessitatem exclusit, qui voluntatem confessus est. Non enim quomodo ego vel tu invenimus nos in veritate dignos dedecore & contemptu, dignos omni extremitate & inferioritate, dignos etiam suppliciis, dignos plagis: non inquam ita & Christus. Quæ tamen omnia expertus est, quia voluit tanquam humilis corde: humilis videlicet illa

humilitate, quam cordis suavit affectio, non quam extorlit discussio veritatis. Propterea dixi hanc voluntariæ humilitatis speciem (m) non redargutione veritatis, sed charitatis intra nos infusione creari: quia cordis est, quia affectionis, quia voluntatis. An verò rectè, tu judica. Itemquè etiam hoc tuo æquè examinetur judicio, dignene eandem Domino assignaverim, quem charitate constat exinanitum, charitate minoratum ab Angelis, charitate Parentibus subditum, charitate Baptistæ manibus inclinatum, charitate carnis infirma passum, charitate postremò morti obnoxium, Cruce inglorium extitisse. Sed & hoc unum adhuc tui sit considerare arbitris, rectène etiam hanc ipsam humilitatem ita charitate calentem, herba humili & calida id est nardo putaverim designatam. Et si ita cuncta probaveris (probabis enim rationi manifestissimæ acquiescens, tunc si jam apud teipsum humiliatus es necessaria illa humilitate, quam scrutans corda & renes Veritas sensibus ingerit animæ vigilantis) adhibe voluntatem, & fac de necessitate virtutem, quoniam nulla est virtus sine convenientia voluntatis. Sic autem fiet istud, si nolis alter apparere foris, quàm te invenis intùs. Alioquin time ne de teipso legas: *Quoniam dolosè egit in conspectu ejus, ut inveniatur iniquitas ejus ad odium. Pondus* (inquit Sapiens) *& pondus abominatio est apud Deum. Quid enim? Tu te depreciaris in secreto apud teipsum veritatis trutinâ ponderatus, & foris alterius precii mentiens, majori te pondere vendis nobis quàm ab ipsa accepisti? Time Deum, & noli hanc rem pessimam*

simam facere, ut quem humiliat veritas, extollat voluntas: hoc enim est resistere veritati, hoc pugnare contra Deum. Magis autem acquiesce Deo, & sit voluntas subdita veritati, nec tantum subdita, sed & devota.

§. I I I.

Denique sola est humilitas (n) de qua omnium plena virtutum Maria gloriandum esse putavit: *Respexit*, inquit, *Deus humilitatem ancillæ suæ*. Quid deinde Auctor & dator virtutum Christus, in quo omnes thesauri sapientiæ sunt absconditi, in quo omnis quoque plenitudo Divinitatis habitat corporaliter: nonne tamen & ipse de humilitate tanquam summa suæ doctrinæ suarumque virtutum gloriatus est? *Discite* (ait) *à me*, non quoddam sobrius, aut castus, aut prudens, aut aliquid ejusmodi: sed *quia mitis sum & humilis corde*. *A me*, inquit, *discite*. Non ad doctrinam Patriarcharum, non ad Prophetarum libros ego vos mitto, sed me vobis exemplum, me formam humilitatis exhibeo. Inviderunt mihi altitudinem, quam habeo apud Patrem, Angelus & Fæmina: ille potentiae, illa scientiae. Vos autem æmulamini charismata meliora, discentes à me quia mitis sum, & humilis corde. Consilium istud, Fratres mei, (o) secretum est, quod solis credatur amicis. Mysterium regni Dei est, quod Apostolis revelatur in aure, nam turbis nihil dicitur absque parabola. *Nisi conversi fueritis,*

n *Tract. de mer. & Off. Episc. cap. 5. n. 17. & 18. o Ser. 2. in Gen. drag. num. 1.*

is, inquit, & efficiamini sicut paruulus iste, non intrabitis in regnum Cælorum. Agnosce planè, quò velit ut convertamur. Ad paruulum converti necesse est, ut discamus ab eo, quia mitis est & humilis corde. Ad hoc siquidem paruulus datus est nobis. Sanè idem & magnus est, sed in civitate Domini, cui & dicitur: *Exulta & lauda habitatio Sion, quia magnus in medio tui Sanctus Israël*. Quid tu inflaris ô homo? Quid extolleris sine causa? Quid alta sapias, & oculi tui omne sublime vident, quod tibi non cedit in bonum? Sublimis quidem Dominus, sed non ita proponitur tibi. Laudabilis magnitudo illius, non etiam imitabilis. Elevata est magnificentia illius, & non poteris ad eam: nec si te ruperis, apprehendes. *Accedat* (inquit David) *homo ad cor altum, & exaltabitur Deus*. Excelsus siquidem Dominus & humilia respicit, & alta à longè cognoscit. Humiliare, & apprehendisti. Hæc est planè lex pietatis: & propter hanc legem sustinui te Domine. Si fortè sublimitatis esset via proposita, & illic iter quo ostenderetur salutare Dei, quanta facerent homines ut exaltarentur? Quàm crudeliter sese invicem sternerent, invicem conculcarent? quàm impudenter réperent, manibusquè & pedibus conarentur in altum, ut imponderent sese homines super capita aliena? Et certè qui contendit supergredi proximos, multas inveniet difficultates, multos habebit æmulos, multos patietur contradictores, ascendentes equidem ex adverso. Nihil verò facilius est volenti, quàm humiliare semetipsum. Hoc verbum est, dilectissimi, quod omninò nos reddit inexcusabiles, ita ut ne tenue quidem nobis velamen prætende-

re liceat. Propter quod (p) dicebat: *Discite à me, quia mitis sum & humilis corde.* Considera sanè in his verbis, quoniam humilitas duplex est: altera cognitionis, altera affectionis, quæ hîc dicitur *cordis*. Priore cognoscimus quodd nihil sumus: & hanc discimus à nobis ipsis, & ab infirmitate propria. Posteriore calcamus gloriam mundi: & hanc ab illo discimus, qui exinanivit semetipsum formam servi accipiens: qui etiam quæsitus in Regnum, fugit; quæsitus ad tanta probra & ignominiosum supplicium crucis, spontè obtulit semetipsum. Denique non simplex (q) aut modica illa exinanitio fuit, sed semetipsum exinanivit usque ad carnem, ad mortem, ad Crucem. Sed ad quid hoc, Fratres (r) aut quæ necessitas fuit, ut sic exinaniret se, sic humiliaret se Dominus majestatis, nisi ut vos similiter faciatis? Jam clamat exemplo, quod prædicavit verbo: *Discite à me, quia mitis sum humilis corde.* Obsecro proinde & plurimum rogo, Fratres, non patiamini sine causa tam preciosum exemplar vobis exhibitum esse, sed conformamini illi, & renovamini spiritu mentis vestræ. Studete humilitati, quæ fundamentum est custosquè virtutum: sectamini illam, quæ sola potest salvare animas vestras. Quid enim magis indignum, quid detestandum amplius, quid gravius puniendum, quàm ut videns Deum Cœli paruulum factum, ultra apponat homo magnificare se super terram? Intollerabilis impudentiæ est, ut ubi se exinanivit Majestas, vermiculus infletur & intumescat. Commodum reor indagare aliquid & de

p Ser. 4. de Advent. Dom. n. 4. q Ser. 11. in Cant. n. 7. r Ser. 1. in nat. Dom. n. 1.

de superbia (s) quatenus ex opposito sibi vitio, virtutis scilicet humilitatis decor manifestior appareat.

Superbia est appetitus propriæ excellentiæ. Hæc in species duas dividitur, in *cæcam*, & *vanam* superbiam. Quæ quidem & aliis nominibus appellari possunt, *contumacia* & *vanitas*: quarum prior intelligentiæ, posterior voluntatis vitium est. Nam ex illa rationis fallitur oculus, ex ista voluntatis malè appetitus afficitur. Quod melius ex singularum definitionibus demonstrabimus. *Cæca* superbia

seu contumacia est vitium, quo se existimans aliquis vel esse bonum quod non est, vel à se esse quod est, in se non in Domino gloriatur. *Vana* superbia seu vanitas est vitium, quo quis tam de eo quod est, quàm de eo quod non est, suis magis quàm Dei laudibus delectatur. His ita præmissis, aptemus jam contraria humiliati, singula singulis opposcentes.

Humilitas est contemptus propriæ excellentiæ. Contemptus opponitur appetitui. Duabus quoque superbiæ speciebus, duæ nihilominus species humilitatis opponuntur. Contra *cæcam*, ut quis de se noverit sentire humiliter. Contra *vanam*, nec consentire aliter sentientibus. Nempè qui de seipso sentire humiliter novit, in neutro ipsius ad se iudicium falli potest: videlicet ut aut majus aliquid putet se esse quàm sit, aut à se esse quod sit. Et ideo patienter carens quod sibi novit deesse, humiliter de eo quod certus est adesse, non in se, sed in Domino gloriatur. Noverat quidem Apostolus (t) gloriâ propriam esse Creatoris, non creaturæ, secundum illud: *Gloriam meam alteri non dabo*. Et: Glo-

ria

ria in excelsis Deo, & in terra pax hominibus bonæ voluntatis. Itemquæ: Non nobis Domine non nobis, sed nomini tuo da gloriam. Sed tamen consideravit rationale creaturam adeo affectare gloriam, ut aut vix, aut nunquam ab hoc compesci desiderio possit: quippè quæ ad imaginem facta est Creatoris. Propterea secundum datam sibi à Deo sapientiam, saluberrimum adinvenit consilium, dicens: Quandoquidem persuaderi nobis non potest non gloriari, saltem qui gloriatur, in Domino gloriatur.

C A P V T V I.

De vera, & falsa sequela hominum Christum sequentium.

- 1.** *Ostenditur, quadruplicem esse sequelam sequentium Christum. Exhortantur personæ Ecclesiasticæ ut Crucem Christi tollant, id est ut laborem & humilitatem ejus amplectantur, vanitatem verò & delicias mundi detestentur.*
- 2.** *Ostenditur, Crucem Christi foris quidem esse duram, sed intus dulcissimam. Docemur, triplicem esse gradum ferentium crucem, quam incipientes sustinent patienter, proficientes portant libenter, perfecti amplectuntur ardentem.*
- 3.** *Ostenditur, neminem posse esse discipulum Christi absque renunciatione & contemptu mundi. Agitur tam de angustis eorum qui possident divitias, quàm de spiritualibus deliciis eorum, qui terrenas contemnunt divitias.*

Qui

S. I.

Qui mihi ministrat (a) me sequatur, Primò sunt homines, qui non sequuntur Christum, sed fugiunt. Illi non sequuntur sed fugiunt, qui necdum peccare desistunt, de quibus scriptum est: *Omnis qui malè agit, odit lucem*. Et Propheta: *Ecce qui elungant se à te, peribunt*. Secundo alii non sequuntur, sed præeunt. Illi non secuntur sed præeunt, qui magistrorum sententiis suas præferunt sententias. Quorum imaginem tenebat Petrus, cum pro salute nostra volentem pati Dominum increparet, dicens: *Absit à te Domine, non erit tibi hoc*. Tertiò, nonnulli sequuntur, sed non consequuntur. Illi sequuntur sed non assequuntur, qui segniter & remissè agunt, vel usque ad finem non perseverantes de medio itinere revertuntur. Talibus dicit Apostolus: *Remissas manus & dissoluta genua erigete, gressus rectos facite pedibus vestris, ut non claudicans quis erret, magis auctus sanetur*. Quartò denique alii sequuntur, & consequuntur. Illi sequuntur & consequuntur, qui viam humilitatis Christi devoto mentis affectu perseveranter imitantur. Hujusmodi verè sequuntur Dominum dicentem: *Qui mihi ministrat, me sequatur*; idest, me imitetur. Quo fructu? *Ut ubi sum ego, inquit, ibi sit & minister meus*. Proinde omnis qui se dicit in Christo manere [b] debet sicut ille ambulavit, & ipse ambulare: multò magis qui pro eo legatione fungitur, qui ei ministrat, si eum non sequitur, inexcusabilis est. Sanè nisi abnegaverit semet-

a Ser. 62. diver, b Tract. de vit. & mor. cleric. cap. 14. n. 49.

semetipsum, & tulerit crucem suam, sequi eum omnino non potest. Quid verò crucem tollere est, nisi laborem amplecti & humilitatem, sicut scriptum est: *Elegi abiectus esse in domo Dei*. Videtur enim sanctus David cauterio gravi inurere quosdam [c] ipsi viderint quos hæc parabola tangat. *In labore, inquit, hominum non sunt, & cum hominibus non flagellabuntur, ideo tenuit eos superbia*. Habent enim singula quæque genera hominum laboris aliquid, aliquid voluptatis. Sed advertere est prudentiam aliquorum, & mirari est quemadmodum novo inter hæc artificio discernentes & ab invicem sequestrantes ea, totum quod delectat eligunt & amplectantur, quod molestum est fugiunt & declinant. Cum militibus nempe superbiæ fastus, amplam familiam & nobiles apparatus, equorum phaleras, accipitres, aleas, & similia quæque frequentant: aliqui fortè & dependentes à collo rubricatas murum pelles, ornatos thalamos, balnea, & molliem omnem atque gloriam vestium à mulierculis mutuantur. Cautè omnino lorice pondus & insomnes in castris noctes incertaquè discrimina præliorum, muliebrem quoque verecundiam & disciplinam, aut siquid aliud sexus ille laboris habere cernitur, declinantes. Sudant agricolæ, putant & fodiunt vinitores. Et illi inter hæc torpent acio, accedente fructuum tempore innovari sibi horrea jubent, & promptuaria eorum plena: utinam non præ illis, utinam vel cum illis: vivunt tritico, bibunt vuæ sanguinem meracissimum. Parum est. Impinguantur & dilatantur adipe frumenti. Herbarum viribus peregrinum mutu-

mutuantur vina saporem : & additur oleum camino. Sed considera & negociatores : circumueunt mare & aridam, in labore corporis & periculo vitæ perituras sibi diuitias congregantes . Dura sunt hæc : caveant prudentes nostri , ne dulces interea capiant somnos , ne dicam in stratis lasciviant suis . Erit tamen invenire in die festo graves vasis aureis & argenteis ministrorum dexteræ , refertas variis operibus manticas, perticas oneratas , & in scriniis tam multiplices loculos, vt si mensas adhibueris, nummularios putes. Quid fabros aut cæmētarios ceterosquē ejusmodi operarios necesse est numerare? Victum sibi multo tempore quærunt agricolæ : illi madent deliciis , copiis affluunt ociosi . An non meritò tales [d] magnus ille Propheta & plusquàm Propheta terribiliter increpat dicens : *Genimina viperarum , quis demonstravit vobis fugere à ventura ira?* Ubi enim sunt pænitiæ fructus? Cùm cæperint resurgere homines unusquisque in ordine suo, ubi putas generatio ista locabitur? Si ad milites fortè diverterint , exsufflabunt eos, quòd minimè secum laborē aut pericula tolerârint . Sic agricolæ , sic negociatores , & singuli quique ordines hominum à suis eos similiter arcebunt finibus , utpote qui in hominum labore non fuerint . Quid igitur restat , nisi ut quos omnis ordo repellit pariter & accusat, eum fortiantur locum ubi nullus ordo sed sempiternus horror inhabitat. Nemo tamen indignetur nobis [e] aut molestè accipiat quæ dicuntur . Si sanctus est, & minimè sibi conscius horum, congratulamur ei : doleat & ipse nobiscū in pluribus hæc inveniri . Nec enim revelamus nunc occulta dedecoris,

nec

d *Ibidem*. n. 11. e *Ibidem*. n. 12.

nec parietem fodimus, ut abominatio major appareat: nullum adhuc de fornicatione fecimus verbum, quamvis & hæc in multis etiam & multipliciter regnet, qui puritatis Auctori impuro corde & corpore ministrantes, non verentur stare Angelum Domini qui secet medios & disperdat: sed omninò audent Agni immaculati sacras contingere Carnes, & intingere in Sanguine Salvatoris manus nefarias, quibus paulò ante carnes (proh dolor) meretricias attraxerunt. Sic Altaria circuire audent, sic frequentare Psalmos, cum & ejusmodi laus execrabilis, & oratio sit in peccatum. Verùm hæc aliàs. (f) Invenient fortè in novissimis locum sibi. Interim sanè felices liquet esse, qui exonerati sunt, & sequuntur Dominum expediti. Arctissimum enim nos foramen expectat. Si, quem sequimur, consequi volumus, per angustam contendamus ingredi portam necesse est.

§. I I.

Qui non baiulat crucem suam & venit post me, non potest meus esse discipulus, dicit Dominus.
Luc. 14.

Christus Dominus pro peccatis nostris crucifixus est [g] & crucem amaram suis amatoribus dulcoravit. Sanè necesse est [h] ut unctio spiritualis gratiæ adjuvet infirmitatem nostram, observantiarum & multimodæ penitentiae cruce devotionis suæ gratiâ liniens: quia nec sine cruce sequi Christum, nec sine

A a

un-

¹ *Ibidem. cap. 2. v. 5. g Ser. de Pass. Dom. num. 1. h Ser. 1. in dedicat. Eccles. 7. 4.*

unctione crucis asperitatem ferre quis posset? Hinc est quoddam multi abominantur & fugiunt pœnitentiam, crucem quidem videntes, sed non etiam unctionem. Vos qui experti estis, ecce scitis quia verè crux nostra inuncta est, & per gratiam Spiritûs adjuvantis est suavis & delectabilis pœnitentia nostra: & ut ita dicam, amaritudo nostra dulcissima est. Sanctus Andreas homo erat similis nobis passibilis [i] & tam vehementi ardore spiritûs crucem sitiebat, tam inaudato à sæculis gaudio tripudiabat, cùm paratum sibi eminùs patibulum conspexisset: *O crux (inquit) diu desiderata, & jam concupiscenti animo præparata: securus & gaudens venio ad te, ita ut & tu exultans suscipias me.* Videtis quia non se capit præ magnitudine gaudii? *Ita (inquit) ut & tu exultans.* Ergo ne tanta exultatio est, ut exultet & ipsa Crux: nec læti quidquam habeat, sed totum lætitiæ sit? Aut quis dicat minùs contra consuetudinem, supra rationem, ultra naturam crucifixum exultare Andream quàm Crucem? Illi sensum lætitiæ natura negavit: huic si quid prævalet, gaudium omne exterminat, ingeritquè dolorem. *Amator* (ait Andreas) *tuus semper fui, & desideravi amplecti te.* Fratres, Ignis vibrans est, non lingua loquens: & si lingua, certè ignea est. Planè Beate Andrea, [k] granum sinapis est fides tua, quæ tam insperatum ubi teri cæpit, cæpit ex se proferre fervorem. Quid si paulò ampliùs tereatur, quis fervorem illum animus, quis verba illa sustinere posset auditus? Dum enim minùs minaretur Egeas, adhuc granum sinapis despicabile videbatur. Integrum erat, nesciebamus quid intùs lateret.

i *Ser. in. vig. S. And. n. 3.* k *Ibidem. num. 4.*

ret. Dominus (inquit Andreas) *memisit ad istam Provinciam, in qua non parvum ei populum acquisivi.* Accedat comminationis pistillum, longè jam acriùs sapiet, constantiùsquè loquetur. Terrendum eum putat Egeas, crucis supplicium minitans, sed non est ita. Accenditur magis in verbo hoc, & libère clamat: *Ego si patibulum crucis expavescerem, crucis gloriam non predicarem.* At ubi paratum sibi lignum intuitus est, ex hoc jam planè totus ignescens applaudebat, & blandiebatur illi amatae suæ, officiosissimè salutabat, devotissimè suscipiebat, magnificè extollebat eam & in ipsius præconio gloriabatur, clamans magis affectione quàm voce: *Salve Crux preciosa, quæ decorem & pulchritudinem de membris Dominicis accepisti: Salve Crux, quæ in corpore Christi dedicata es, & ex membris eius tanquam margaritis ornata es.* Meritò proinde Crucis amatorem Andream venerantur, quicumque sunt servi Crucis: sed ab his ampliorem jure devotionem exigit, qui specialitè proposuerunt tollere crucem suam. Vobis hoc & de vobis dico, Fratres mei, qui non surda aure audistis illam Evangelicam tubam: *Qui non bajulat crucem suam & sequitur me, non potest meus esse discipulus.* Et nos utiq; cum Beato Andrea [1] necesse habemus tollere crucem nostram, imò cum eo, quem & ipse secutus est, Domino Salvatore. Inde enim sic lætabatur, inde exultabat, quòd non solum pro eo, sed etiam cum eo mori videretur, & complantari similitudini mortis ejus, ut compatiens etiam conregnaret. Talem invenimus hunc Beatum Apostolum [m] talem miramur, talem me-

ritò prædicamus . Unde & triplicem hîc licet considerare gradum , *incipientium* , *proficientium* , *perfectorum* . Initium sapientiæ timor Domini : medium spes : charitas plenitudo . Denique Apostolum audi : *Quia plenitudo legis est charitas* . Qui initiatur à timore , crucem Christi *sustinet patienter* : qui proficit in spe , crucem *portat libenter* : qui verò consuminatur in charitate , crucem *amplectitur jam ardentè* . Solus etenim iste est qui dicere possit : *Quia amator tuus semper fui , & desideravi amplecti te* . Longè est vox ista ubi eo qui sustinet quidem , sed optaret omninò si posset non venisse in hanc horam . Verumtamen ego proficere volo si possum [n] nec statim adepta salute esse contentus . *Qui timet Deum* (ait Sapiens) *faciet bona* : sed parum est . Scriptum est enim : *Declina à malo , & fac bonum : inquire pacem , & persequere eam* . Noli esse salute contentus , quære pacem , ne tibi sit in periculũ etiam salus ipsa . Audi ergo Angelum nato eo , qui factus est pax nostra , exultantem atque canentem : *Pax in terra hominibus bonæ voluntatis* . Quæ est autem bona , nisi ordinata voluntas ? Quænam est illa inquis ? Profecò quæ rationi consentanea est , dicenti : *Quia non sunt condignæ passionēs huius temporis ad futuram gloriam , quæ revelabitur in nobis* . Hoc si jam sentire cæpisti , haud dubium quin libenter feras crucem Domini , & dicas : *Paratus sum , & non sum turbatus : ut custodiam mandata tua* . Attamen si vis perfectus esse [o] unum adhuc tibi est necessarium . Quod illud inquis ? Profecò gaudium in Spiritu Sancto . Siquidem & is qui timore coercetur & patiens est ,

est, qui ratione spei ducitur & benevolus est: nisi etiam fuerit fervens spiritu facile labi potest. Porro quæ per Spiritum diffunditur charitas, & patiens & benigna est: & quod est amplius, nunquam excidit. Fortis quippe est ut mors [p] non patientia aut spes, sed dilectio. Non timor aut ratio, sed spiritus fortitudinis est. Dicit patientia, Sic oportet fieri: quia timore urgetur. Dicit voluntas bona, Sic expedit, & sic agendum est: quia spei attrahitur ratione. Charitas verò quæ inflammatur à Spiritu, Neque sic oportet dicit, neque sic expedit: sed sic volo inquit, sic cupio, sic desidero vehementer. Videtis quanta est sublimitas, videtis quanta securitas, quantaquæ suavitas charitatis? Felix anima, quæ ad hunc charitatis pervenerit statum. Nec sanè desperandum nobis est, quandoquidem ejus (qui ad hunc pervenit gradum) ob hoc maximè memoria celebratur, ut ipsius & invocemus auxilium, & provocemur exemplo. Si dicis Beatum Andreæ Apostolum esse, nec posse te qui pusillus es, ejus sequi vestigia: pudeat vel eos qui tecum sunt, non imitari. Nemo repente fit summus: ascendendo non volando apprehenditur summitas scalæ. Ascendamus igitur velut duobus quibusdam pedibus, meditatione & oratione. Meditatio siquidem docet quid desit, Oratio ne desit obtinet. Illa viam ostendit, ista deducit. Duas autem alas habeat oratio nostra [q] contemptum mundi, & afflictionem carnis: nec dubium quin cælos penetret, & dirigatur sicut incensum in conspectu Dei. Præterea nos quicumque sequimur Caput nostrum, scilicet Christum (r) tota die hac qua

psalmati & redempti sumus, non cessemus agere pœnitentiam, non cessemus tollere crucem nostram, perseverantes in ea sicut ipse perseveravit, & donec dicat Spiritus ut requiescamus à laboribus nostris. Neminem audiamus, Fratres, non carnem & sanguinem, non spiritum quemlibet, descensum de cruce suadentem. Persistamus in cruce: deponamur aliorum manibus, non nostra levitate, Caput nostrum Christum deposuere viri justī; nos verò dignatione sua Angeli Sancti deponant: ut consummata viriliter prima die crucis, secunda die quæ post mortem est, quiescamus suaviter, dormiamus sæliciter in sepulchris, expectantes beatam spem, & adventum gloriæ magni Dei, qui resuscitabit corpora nostra tertia demum die, configurata Corpori claritatis suæ.

§. I I I.

Qui non renunciat omnibus quæ possidet, non potest meus esse discipulus: ait Dominus. Luc. 14.

Divitiæ perducunt hominem(s) usque ad periculum corporis & animæ: divitiæ pertrahunt hominem usque ad mortem. Multi propter opes periclitati sunt, & multi propter divitias in periculum devenerunt. Multis exitiabiles fiunt divitiæ: opes multis hominibus generaverunt mortem. Nunquam habent requiem mentis, qui curis terrenis se implicant: sollicitudines enim rerum mentem conturbant. Mens occupata in terrenis curis, semper est in angustiis. Si ergo vis esse quietus, nihil

ex

ex his quæ in sæculo sunt, quæras. Semper habebis requiem mentis, si à te mundi curas removeris. Semper habebis pacem mentis, si te à strepitu terrenarum actionum subtraxeris: quia divitiæ nunquam sine peccato acquiruntur. Nullus administrat res terrenas sine peccato. Valdè rarum est, ut qui divitias possident, ad requiem mentis perveniant. Qui curis terrenis se implicat, ab amore Dei se separat. Qui defigitur in amore temporalium rerum, in Deo nullatenus delectatur. Curæ temporalium rerum ab intentione Dei avertunt animum. Nemo potest simul amplecti gloriam Dei, & gloriam sæculi. Nemo potest diligere simul Christum & sæculum. Difficile est simul servire cælestibus curis & terrenis negociis. Difficile est Deum simul & mundum diligere. Uterque enim simul æqualiter amari non potest. Proinde si justus est volueris, (t) & non avertere aurem tuam à mandatis Domini, ne avertat & ipse suam à precibus tuis: necessè est ut non solum præsens sæculum contemnas, sed & ipsam carnem tuam castiges, & subiicias eam servituti. Nam ipse Dominus dixit: *Nisi quis abrenunciaverit omnibus quæ possidet, non potest meus esse discipulus*. Etenim si dicente Scriptura, (u) *Pietas est cultus Dei*: profectò quisquis plùs amat mundum quàm Deum, impius atque idololatra esse convincitur, colens & serviens creaturæ potiùs quàm Creatori. Habentibus autem Sanctis atque impiis suum ad se quibusque consilium, magnum proculdubio inter utrosque chaos firmatum est. Nam quomodo justus longè se facit à consilio & concilio malignantium,

A a 4 ita

t Ser. 3. in Epiph. num. 6. u Epist. 107. num. 11.

ita nec resurgunt omninò impii in iudicio, neque peccatores in consilio justorum. Est quippè justorum consilium pluvia voluntaria, quam segregavit Deus hæreditati suæ. Est consilium verè secretum, descendens nimirum sicut pluvia in vellus. Est fons signatus, cui alienus non communicat. Est Sol iustitiæ, qui timentibus Deum tantum oritur. Unde cæteros advertens Propheta [x] in sui siccitate & cæcitate remanentes, justorum siquidem imbris & lucis expertes, infæcundos ac tenebrosos, confusos & averfos, subsannat & notat: *Hæc est, inquit, gens quæ non audivit vocem Dei sui. Non vultis, ô mihi, dicere cum David: Audiam quid loquatur in me Dominus Deus. Utique foris fusi in vanitates & insanias falsas, intimum optimumquè non requiritis Veritatis auditum. Filii hominum usquequò gravi corde? ut quid diligitis vanitatem, & quæritis mendacium?* Surdi ad vocem Veritatis, ignorantes consilium cogitantis cogitationes pacis: sed & loquentis pacem in plebem suam, & super sanctos suos, & in eos qui convertuntur ad cor. *Jam vos* (inquit Dominus) *mundi estis propter sermonem, quem locutus sum vobis. Ergo qui hunc sermonem non audiunt, immundi sunt. Cæterum tu, ô charissime(y) huic voci Dei tui dulciori super mel & fauam, si præparas aurem interiorem, fuge curam exteriorem, ut expedito & vacante interno sensu dicas & tunc cum Samuële: Loquere Domine, quia audit servus tuus. Vox hæc non sonat in foro, sed nec auditur in publico. Secretum concilium, secretum quærit auditum. Auditui tuo gaudium pro certo dabit*

x *Ibidem num. 12.* y *Ibidem num. 13.*

dabit & lætitiā , si sobria aure perceperis . Abrahæ præcipitur exire de terra , & de cognatione sua , ut videre & possidere mereatur terram viventium . Jacob relicto fratre & patriâ Jordanem transit in baculo , & excipitur Rachelis amplexibus . Joseph dominatur in omni terra Ægypti , mercatione furtiva patri sublatus & patriæ . Ecclesiæ jubetur , ut concupiscat Rex decorem ejus , & oblivisci populum suum , & domum patris sui . Puer Jesus inter cognatos & notos à parentibus quæritur , nec tamen invenitur . Tu quoque fuge fratres tuos , si tuam vis invenire salutem . Fuge , inquam , de medio Babylonis , fuge à facie gladii Aquilonis . Parati sumus cum panibus occurrere fugienti . O si scires (2) & quid dicam ? *Oculus non vidit Deus absque te , quæ præparasti diligentibus te .* Sed tu Frater , qui (ut audivi) Prophetas legis , putas intelligis quæ legis ? Nam si intelligis , sentis utique sensum propheticæ lectionis esse Christum . Quem videlicet si apprehendere cupis , citiùs illum sequendo quàm legendo consequi potes . Quid quæris Verbum in verbo , quod jam caro factum præstò est oculis ? Jam enim de latibulo Prophetarum egressus est ad oculos Piscatorum . Jam de monte umbroso & condenso tanquam sponsus de thalamo suo prosilivit in campum Evangelii . Jam qui habet aures audiendi , audiat eum clamantem in templo : *Qui sitit , veniat ad me & bibat . Et : Venite ad me omnes qui laboratis & onerati estis , & ego reficiam vos .* Tu ergo times deficere , ubi se Veritas reficere te promittit ? Certè si tantùm te delectat tenebrosa aqua de nubibus aëris

quan-

quantò jucundiùs haurias ad serenissimis fontibus Salvatoris ? O si semel paululum quid de adipe frumenti [a] unde satiatur Jerusalem, degustares , quàm libenter suas crustas rodendas literatoribus Judæis relinqueres ! O si te unquam in schola pietatis sub Magistro Jesu merear habere sodalem ! O si mihi liceat purificatum priùs tui pectoris vasculum supponere unctioni , quæ docet de omnibus ! O quàm libens tibi partirer calidos panes , quos utique adhuc fumigantes, & quasi modò de furno (ut ajunt) recens tractos de cælesti largitate crebrò Christus suis pauperibus frangit ! Utinam si quam mihi guttam quandoque de pluvia voluntaria quam segregavit hæreditati suæ , stillare dignetur in dulcedine sua pauperi Deus , mox eam tibi possem refundere , & rursùs à te vicissim recipere quod senseris ! Experto crede : Aliquid amplius invenies in sylvis, quàm in Libris . Ligna & lapides docebunt te , quod à magistris audire non possis . An non putas posse te sugere mel de petra , oleumquè de saxo durissimo ? An non montes stillant dulcedinem , & colles fluunt lac & mel , & valles abundabunt frumento ? Eia ergo festina, (b) exi , recede : moriatur anima tua morte justorum , quo fiant & novissima tua horum similia . O quàm preciosa in conspectu Domini mors sanctorum ejus ! Fuge , quæso , in via peccatorum ne steteris . Quomodò vivere potes , ubi mori non audes ? Cum panibus occurrere fugienti paratos nos esse confidito . Si inimici hominis [c] domestici ejus . Ipsi sunt qui non te diligunt, sed gaudium ex te . Alioquin audiant à puero nostro :

a *Ibi.lem. num. 2.* b *Epist. 105. num. 2.* c *Epist. 351. n. 2.*

nostro : *Si diligere'tis me , gauderetis utique , quia vado ad Patrem . Si prostratus (ait Beatus Hieronymus) jaceat in limine pater , si nudato sinu quibus te lactavit ubera mater ostendat , si paruulus à collo pendeat nepos : per calcatum transi patrem , per calcatam perge matrem , & siccis oculis ad vexillum Crucis evola . Summum pietatis est genus in hac parte pro Christo esse crudelem . Phreneticorum lachrymis ne movearis , qui te plangunt de gehennæ filio factum filium Dei .*

C A P U T V I I .

*De contemptu divitiarum terrenarum ,
pretioquè paupertatis spiritualis .*

- 1. Ostenditur , neminem posse esse perfectum , nisi vendat omnia quæ possidet , ac sequatur Christum , ejusquè paupertatem imitetur . Refellitur effugium quorundam divitias amantium , & se frustra tuentium exemplis Patrum veteris testamenti qui divitias possidebant .*
- 2. Ostenditur , neminem posse esse verum discipulum Christi , nisi amorem Dei & salutem propriae animæ præposuerit affectui parentum suorum . Monentur parentes , ne impediant suos filios volentes sequi Christum , ejusquè paupertatem amplecti . Ostenditur , tria esse quæ constituunt paupertatem spiritualem .*
- 3. Docemur neminem posse animam suam salvam facere , nisi prius perdat illam propter Christum . Monemur ut exemplo Sancti Pauli , qui juxta consilium Domini perdebat animam suam , perdamus & nos animas nostras , secundum doctrinam quæ traditur nobis .*

§. I.

S. I.

Si vis perfectus esse, vade, vende quæ habes & da pauperibus, & habebis thesaurum in celo: & veni, sequere me: dicit Dominus. Matt. 19.

SI justus esse volueris [a] necessè est ut non solum præsens seculum contemnas, sed & ipsam carnem castiges, & subiicias servituti. Nam ipse Dominus dixit. *Si vis esse perfectus, vade, & vende omnia quæ habes & da pauperibus: & veni, sequere me.* Quid est [b] *vende omnia quæ habes?* Abrenuncia omnibus quæ possides, exiens ad Jesum extra castra, ut portes improperium crucis ejus: quatenus tantæ humilitatis merito de nemore exiens, in quo sunt semitæ impiorum qui circuitu ambulant, agrum paupertatis possideas: in quo abjectis occupationibus curisque sæcularibus, corpore composito & corde dilatato curras alacriter viam mandatorum Dei, quæ quidem desiderabilia sunt & dulciora super mel & fauum. Quare? Quia in custodiendis illis retributio multa. Planè multa, quia custodientibus ea debetur vita æterna. Ager paupertatis meritò plenus dicitur (c) quem simul & ver decorat floribus, & autumnus replet fructibus. Cui meritò Pater comparat Filium suum dicens: *Ecce odor filii mei sicut odor agri pleni.* In quo nimirum omnis perfectio paupertatis, & virtutum plenitudo superabundavit, ita ut de plenitudine ejus omnes acciperemus. Cum enim

a Ser. 3. in Epiph. num. 6. b Ser. de verb. sap. num. 12. tom. 6. pag. 77a. c Ibidem num. 10.

enim dives esset, propter nos factus est egenus, ut illius ditaremur inopiâ. Ager iste aquis irriguus, floribus redolens, & abundans fructibus, thesaurum habet in se absconditum, videlicet continentiam carnis. Preciosus siquidem thesaurus est possidere vas suum in sanctificatione & honore, non in passione desiderii, sicut Gentes quæ ignorant Deum. Noli quærere thesaurum hunc inter spinas & tribulos sæcularis illecebræ, nec in sylvis ruditatis antiquæ: non enim in sylva, sed in agro absconditus est. Quæras in agro, ubi saturantur ligna campi, & ubi posseres nidificant: idest, ubi incontinentes resipiscunt, dignos pænitiæ fructus facientes, prolem gignunt, non sibi tantum, sed & aliis proficientes. Judas [d] à Christo recessit: vos autem sequimini illum. Judas vendidit illum Judæis: vos autem vendite quæ habetis, ut possitis comparare eum. Non solum autem quæ habetis, sed etiam vosmetipsos pro amore tantæ pulchritudinis margaritæ pro nihilo reputetis, & illi soli placere quantum potestis contendite. Nam valdè bonum est vobis [e] omnia terrena propter nomen Domini relinquere, ut ab eo possitis cælestia accipere. Quicumque voluerit esse amicus hujus sæculi, inimicus Dei erit. Igitur non diligamus mundum, ne inimicum Deum habeamus. Facile contemnit omnia, qui se quotidie moriturum æstimat. Si quotidie mortem nostram ad memoriam reducimus, libenter omnia terrena despiciamus. Si diem mortis nostræ in mente habemus, citò omnia quæ in hoc mundo sunt despiciamus.

d. Ser. 2. in ult. cæna. Domini num. 16. e Tract. de modo bene viven. cap. 8. num. 22.

mus. Sed excusant aliqui fortassè dicentes: (f) Abraham, Isaac, & Jacob, cæterique sancti Patres numquid non terrenas divitias habuisse leguntur? Sufficit nobis esse sicut illi fuerunt: neque enim sumus nos Patribus meliores. Si culpabilis esset possessio divitiarum, nunquam illi in divitiis tantam à Domino gratiam obtinuissent, aut tantam gratiam consecuti, divitias nihilominus possedissent. Quid respondebimus novis imitatoribus sanctorum veterum? Imponant certè vitulos super altare Domini, mactent arietes, hircos immolent, quia & hoc Abraham fecit: & hic erat ritus Patrum, quibus nonmodò meliores non sumus, sed ne digni quidem solvere corrigiam calceamentorum eorum. Sed hæc (inquiunt) statum ultrà non habent; ubi revelata est veritas, transière. Quid si ipsas quoque sanctorum Patrum divitias temporales, umbram fuisse dixerimus futurorum? In figura siquidem eis omnia legimus contigisse. Denique quidni terrenas palàm divitias possiderent sancti & perfecti viri, cum sola adhuc terrena palàm promitterentur à Deo? Sicut enim sacrificiis illis, sic & divitiis, carnalibus adhuc populis dispensatio Divina morem gerebat: nimirum ut tanquam parvuli paulatim à Gentilium secederent ritu, eadem quæ Gentes dæmoniis, Domino immolantes, eademquè & illi, sed à Domino, non à dæmoniis expectantes. Ubi fanè cælestis promissio sonuit, spiritualia jam necesse est spiritualibus comparari, & mutari sacrificium spe mutata. Noverant hæc quicunque vel eo tempore fuère perfecti, sed ex charitate populo cohærebant, ut in ma-

nife-

f *Tract. de vit. & mor. cleric. cap. 3. n. 6.*

nifesto quidem & agere eadem, & eadem quærere viderentur. An fortè violenta videtur extorsio [g] quod de umbra dicimus & significatione? Olim B. Hieronymus super hæc scripserat in hunc modum: Nullus mihi opponat aurum templi Judæorum: tunc enim hoc fuit, quando sanguis immolabatur, quod totum figura fuit. Aurum ergo repudiemus cum cæteris superstitionibus Judæorum: aut si aurum placet, placeant & Judæi. Postremò non multos legisse me recolo aut non afflicto graviter, aut non graviter in ipsa sæculi hujus prosperitate tentatos, fortè & periclitatos. Nimirum longè aliud est in luto aquarum multarum divisi fundo Maris iter carpere, terrenà licet possidendo: aliud verò est ipsam quoque novis gressibus undam calcare, omnia relinquendo. Sed temporis gratiæ prærogativa hæc debebatur. Petro novum iter & novi typus itineris servabatur. Antiquorum sanè Patrum diebus, donec in terris videretur & conversaretur inter homines Dominus majestatis, non erat Evangelicæ forma perfectionis, sed Spiritum Domini solo interim spiritu sequebantur. At ubi *Verbum caro factum est, & habitavit in nobis*; jam nobis in eo tradita est imago vitæ, & conversationis exemplar, quod oporteat etiam corporaliter imitari: ut utroque sequentes vestigio, non ulteriùs cum Patriarcha Jacob altero femore claudicemus. Ubi enim audivimus quia dictum sit antiquis: *Nisi quis renanciaverit omnibus quæ possidet, non potest meus esse discipulus?* Et item: *Si vis esse perfectus, vade, & vende omnia quæ habes & da pauperibus, & habebis thesaurum in calo: & veni,*

veni, sequere me. Neque id dicimus [h] tanquam salvari quis vel hoc tempore nequeat, si secus egerit: sed ut gradum agnoscat proprium & locum perfectionis, aut discipulatûs officium non usurpet. Habent Evangelia & perfectionis consilium, & remedium infirmitatis. *Nolite thesaurizare vobis thesauros in terra*: hæc perfectio est. Siquidem Filius hominis ubi caput reclinaret, non habebat. Petro & Joanni nec argentum nec aurum erat. Paulus victu simplici vestituquè contentus, hæc ipsa labore manuum acquirebat. Imitemur ergo Christum [i] qui sic dilexit paupertatem, ut quamvis in ejus manu essent fines terræ, tamen non habuit ubi caput reclinaret: ita ut discipulos adhærentes ei legamus fame compulso spicas manibus confricasse, cum per fata transirent.

§. I I.

Si quis venit ad me, & non odit patrem suum, & matrem, & uxorem, & filios, & fratres, & sorores, adhuc autem & animam suam, non potest meus esse discipulus: dicit Dominus. Luc. 14.

Mel & lac [k] sub lingua ejus: ait Scriptura. Id quidem necesse. Nam quod in lingua est, durum sonat. *Verba Sapientis quasi stimuli, & sicut clavi in altum defixi*. Denique sub lingua ejus quid? Audi Prophetam: *Labor & dolor*. Porro sub lingua ejus mel & lac, qui juxta eundem Prophetam laborem fingit in præcepto. Miraris fingere Veritatem,
nam

h. *Ibi item num. 8.* i Ser. 4. de *Adven. Dom. num. 6.* K Ser. 97. *dim. num. 1. & 2.*

nam mirari licet, dubitare non licet. Audi quomodo laborem fingere ipse se prodat: *Tollite jugum meum super vos, & invenietis requiem animabus vestris: Jugum enim meum suave est, & onus meum leve.* Quomodo non fictus labor, ubi non labor, sed requies invenitur. Ita ergo labor in lingua, mel sub lingua. Quid supra linguam? Ineffabilia, quæ non licet homini loqui. Miseri qui solum quod in lingua sonuit attendentes, nec quod sub lingua reconditum, nec quod supra repositum fuit, capere potuerunt. *Durus est hic sermo*, inquiunt. Durus equidem, sed tamen idem est Verbum vitæ, loquens: *Si quis venit ad me, & non odit patrem, & matrem, adhuc autem & animam suam, non est me dignus.* Quid durius poterat dici? Noli errare. Lapis videtur, panis est. Durus in cortice, sed suavissimus in medulla. Tentat te Dominus Deus tuus. Fidei exercitatio, & probatio dilectionis est fictio ista laboris. Sed novi ego (1) quàm liquidò & copiosè hæc me quoque tacente cogitare sufficias, materno verò devinctus amore, necdum possis abii cere quod jam contemnere noris. Et quid ego ad hæc respondebo tibi? Ut matrem deseras? Sed inhumanam videtur. Ut cum ipsa maneas? Sed nec ipsi expedit ut sit filio causa perditionis. Fortè ut & mundo simul milites & Christo? Sed nemo potest duobus dominis servire. Mater tua vult contraria tuæ saluti, ac per hoc & suæ ipsius. Elige ergo tu è duobus quod vis, aut unius videlicet satisfacere voluntati, aut utriusque saluti. Verùm si multum eam diligis, desere potiùs ipsam propter ipsam:

Bb

nè

1 *Epist. 104. num. 3.*

nè si Christum deseras ut maneat cum ipsa, propter te pereat & ipsa. Alioquin malè meruit de te, quæ te peperit, si propter te perit. Quomoddò enim non perit, quæ ipsum quem peperit perimit? Et hæc dixerim, ut tuo aliquo modo carnali condescendam consulamquè affectui. Cæterùm fidelis sermo, & omni acceptione dignus: Etsi impium est contemnere matrem, contemnere tamen propter Christum, piissimum est. Nam qui dicit, *Honora patrem & matrem*: ipse etiam dixit; *Qui amat patrem & matrem plusquam me, non est me dignus*. Eia ergo fuge (m) in via peccatorum ne steteris. Sed potiùs dicito illis: (n) Sola causa, quæ non licet obedire parentibus, Deus est. Ipse enim dicit: *Qui amat patrem & matrem plusquam me, non est me dignus*. Si me verè ut boni & ut pii parentes diligitis, si veram, si fidelem erga filium pietatem habetis, quid me Patri omnium Deo placere satagentem inquietatis, & ab ejus servitio, cui servire regnare est, retrahere attentatis? Verè nunc cognosco, quia *inimici hominis domestici ejus*. In hoc vobis obedire non debeo, in hoc vos non agnosco parentes, sed hostes. Si diligeretis me, gauderetis utique, quia vado ad meum atque vestrum imò universorum Patrem. Alioquin quid mihi & vobis? Quid à vobis habeo, nisi peccatum & miseriam? Hoc solum quod gesto corruptibile corpus, de vestro me habere fateor & agnosco. Non sufficit vobis quòd me in hanc sæculi miseriam miseri miserum induxistis, quòd in peccato vestro & peccatores peccatorem genuistis, quòd in peccato natum, de peccato

cato nutritis; nisi etiam invidendo mihi misericordiam, quam consecutus sum ab eo qui non vult mortem peccatoris, filium insuper gehennæ faciatis? O durum patrem, (o) ô sævam matrem, ô parentes crudeles & impios, imò non parentes sed peremptores, quorum dolor salus pignoris, quorum consolatio mors filii est! Qui me malunt perire cum eis, quàm regnare sine eis. Qui me rursus ad naufragium, unde tandem nudus evali; rursus ad ignem, unde vix semiustus exivi; rursus ad latrones, à quibus semivivus relictus sum, sed miserante Samaritano jam aliquantulum convalui, revocare conantur: & militem Christi propè jam rapto cælo triumphantem (quod non in me gloriatur, sed in eo qui vicit mundum) ab ipso jam introitu gloriæ, tanquam canem ad vomitum, tanquam suam ad lutum, ad sæculum reducere moliantur. Mira abusio. Domus ardet, ignis instat à tergo, & fugienti prohibetur egressus, evadenti suadetur regredi? Et hæc ab his qui in incendio positi sunt, & obstinatissimâ dementiâ ac dementissima obstinatione fugere periculum nolunt. Proh furor! Si vos contemnitis mortem vestram, cur etiam appetitis meam? Si inquam negligitis salutem vestram, quid juvat etiam persequi meam? Quare vos non potiùs sequimini me fugientem, ut non ardeatis? An hoc est vestri cruciatu levamen, si me etiam perimatis: & hoc solum timetis, ne soli pereatis? Ardens ardentibus quod solatium præstare poterit? Quæ, inquam, consolatio damnatis, socios habere suæ damnationis? Quoduè remedium morientibus, alios videre mo-

rientes? Non hoc mihi persuadet dives ille, qui in tormentis desperatus de sui liberatione, rogabat nunciari fratribus suis, ne & ipsi venirent in locum eundem tormentorum, timens proculdubio ex suorum cruciatu augeri suum. Quid ergo? (p) Ibo & consolabor lugentem matrem meam mei ad tempus visitatione, ut in æternum lugeam & me & ipsam sine consolatione? Ibo, inquam, & satisfaciam patri meo irascenti pro mei ad tempus absentia, consolandus & ipse ad tempus de ejus presentia: ut postmodum & quisque pro se, & utrique pro alterutro inconsolabili desolemur tristitia? En potius exemplo Apostoli non acquiescens carni & sanguini, vocem audiam Domini jubentis: *Dimitte mortuos sepelire mortuos suos*. Et cantabo cum David: *Renuit consolari anima mea*. Et cum Hieremia: *Diem hominis non concupivi, Domine, tu scis*. Quid enim? *Funes ceciderunt mihi in præclaris, & cælestis hæreditas præclara est mihi*, & terrena adulatur promissio, blanditur consolatio carnis? Gustato spiritu, necesse est desipere carnem. Affectanti cælestia, terrena non sapiunt. Æternis inhianti, fastidio sunt transitoria. Desinite igitur parentes mei, desinite & vos frustra plorando affligere, & me gratis revocando inquietare. Sed imitemini quoad potestis eum, (q) qui sic dilexit paupertatem, ut quamvis in ejus manu essent omnes fines terræ, tamen non habuit ubi caput reclinaret. Paupertatem spiritua-lem (r) tria constituunt: depositio rerum & contemptus, vilitas & abiectio sui ipsius, abdicatio

pro-

p Ibidem num. 2. q Ser. 4. de Advén. Dom. num. 6. r Ser. 2. in Cena Dom. num. 3.

propriæ voluntatis in omnibus . Voluntaria paupertas, quæ sine possessione vel desiderio habetur, quanto expeditior est, tanto securior est . Custos & magistra est virtutum hujusmodi paupertas : sicut è contrario, radix est vitiorum immoderata rerum affluentia .

S. I I I.

Qui voluerit animam suam salvam facere, perdet illam: qui autem perdiderit animam suam propter me, inveniet eam, & salvam faciet illam: dicit Dominus . Luc. 9. & Matt. 16.

Perfectus omnis erit (s) qui aliàs dicere poterit : *Vineam meam non custodivi*, illo videlicet sensu, quo Salvator loquitur in Evangelio : *Qui perdiderit animam suam propter me, inveniet eam* . Idoneus planè & dignus qui ponatur custos in vineis, quem propriæ cura vineæ à commissarum diligentia & solitudine non impedit, aut retardat : dum non quærit quæ sua sunt, neque quod sibi utile est, sed quod multis . Propterea sanè Petro cura ista tradita est in tam multis vineis quæ erant de circumcissione, quia homo paratus erat & in carcerem & in mortem ire : usque adeo suæ vineæ, idest suæ animæ non detinebatur amore quominus curæ intenderet creditarum . Meritò & Paulo inter Gentes tam ingens sylva credita est vinearum, quodd & ipse in suæ custodia vineæ minimè curiosus inventus sit, ita ut non solùm aligari, sed & mori in Jerusalem paratus fuerit propter nomen Domini Jesu Christi . Denique inquit : Ni-

nihil horum vereor, nec facio animam meam preciosiores quam me. Optimus aestimator rerum, qui nihil suorum sibi præferendum existimet. Quam multi salutis propriæ modicam vilissimamquæ pecuniam prætulerunt? Paulus nec animam. Non (inquit) facio eam preciosiores quam me. Ergo differentiam facis inter te & animam tuam. Prudenter quidem tu tibi pluris es quam quiduis tuum. Sed (t) quomodo non tua anima tu? Arbitror quod quia Paulus jam tunc in spiritu ambularet, & mente consentiret legi Dei quoniam bona est, idcirco hanc ipsam mentem suam tanquam principale ac supremum quiddam sui, dignum duxerit suimet potius quam suæ cujuscumque rei nomine designare: reliquum verò quod constat naturæ esse inferioris, & inferiori proinde vilioriquæ essentia (quod est corpus) inhærere, non modò officio vivificandi ac sensificandi, sed & fovendi nutriendiquæ desiderio. Hoc, inquam, sensuale atque carnale appellatione sui homo spiritualis indignum judicans, inter sua magis censuit deputandum, quam se personaliter exprimendum per illud. Cum me dico, (inquit) excellentius quod in me est, in quo & sto per gratiam Dei, id est mentem rationemquæ intellige. Cum loquor animam meam, hoc inferius accipe quod carni animandæ vides accommodatum, etiam & junctum in concupiscentia. Id me fuisse quidem, sed jam non esse agnosco, quia non secundum carnem adhuc ambulo, sed secundum spiritum. Vivo ego iam non ego, vivit verò in me Christus. Secundum mentem ego, secundum carnem non ego. Quid enim si carnaliter etiam

etiam nunc anima concupiscit? *Jam non ego operor illud, sed quod habitat in me peccatum.* Et ideo non me quidem, sed tamen meum dixerim quod in me carnaliter sapit, idquè non aliud quàm ipsam animam. Revera enim animæ portio est carnalis affectio ejus, & vita quam administrat corpori. Hanc ergo animam suam Paulus spernebat præ se, paratus pro Domino non solùm alligari, sed & mori in Jerusalem, & sic perdere animam suam juxta consilium Domini Jesu Christi. Tu quoque ô homo (u) si propriam deseras voluntatem, si corporis voluptatibus perfectè renuncies, si carnem tuam crucifigas cum vitiis & concupiscentiis, sed & mortifices membra tua quæ sunt super terram: probabis te Pauli imitorem, qui non facies animam tuam preciosiorem te ipso: probabis te & Christi discipulum etiam illam perdendo salubriter. Et quidem prudentiùs eam perdis ut custodias, quàm custodis ut perdas. *Nam qui voverit animam suam salvam facere, perdet eam.* Quid hîc vos dicitis observatores ciborum, morû neglectores? Hippocrates medicus & sequaces ejus docent animas salvas facere in hoc mundo: Christus & ejus Discipuli perdere. Quemnam vos è duobus sequi magistrum eligitis? At manifestum se facit qui sic disputat: Hoc oculis, hoc capiti, & illud pectori vel stomacho nocet. Profectò unusquisque quod à suo magistro didicit, hoc in medium profert. Num in Evangelio legisti has differentias, aut in Prophetis, aut in literis Apostolorum? Caro & sanguis pro certo revelavit tibi hanc sapientiam, non Spiritus Patris. Est enim carnis hæc sapientia. Sed

audi quid de ipsa nostri medici sentiant: *Sapientia* (inquiunt) *carnis mors est*. Item: *Sapientia carnis inimica est Deo*. Num Hippocratis seu Galeni sententiam, aut certè de schola Epicuri debui proponere vobis? Christi sum discipulus: Christi discipulis loquor. Ego si peregrinum dogma induxero, ipse peccavi. Epicurus atque Hippocrates corporis alter voluptatem, alter bonam habitudinem præfert: meus Magister Christus utriusque rei contemptum prædicat. Animæ in corpore vitam, quam summo studio iste unde sustentet, ille unde & deleat inquirat atque inquirere docet: Salvator monet & perdere. Quid enim tibi aliud de Christi auditorio sonvit (x) cùm paulò ante clamatum est: *Qui amat animam suam, perdet eam*? Perdet eam, dixit, sive ponendo ut martyr, sive affligendo ut pœnitens. Quamquam genus martyrii est, spiritu facta carnis mortificare, illo nimirum quo membra cæduntur ferro, horrore quidem mitius, sed diuturnitate molestius. Videsne hac sententia Magistri mei carnis sapientiam condemnari, per quam utique aut in luxum voluptatis diffluitur, aut ipsa quoque bona valetudo corporis ultra quàm oporteat appetitur? Denique quòd vera sapientia in voluptates non effluat, audisti profectò à Sapiente ne inveniri quidem hanc in terra suaviter viventium. Qui autem invenit, dicit: *Super salutem & omnem pulchritudinem dilexi sapientiam*. Si super salutem & pulchritudinem, quantum magis super voluptatem & turpitudinem? Proinde rogo vos, fratres charissimi (y) exinanite vos, humilitate vos, seminate vos, perditte vos. Seminate

cor-

x *Ibidem num. 12.* y *Ser. de S. Bened. num. 8.*

corpus animale, & resurget corpus spirituale. Per-
dite animas vestras, & in vitam æternam servabitis
eas. Vultis nosse quomodo id fecerit Apostolus ipse
qui docuit? *Sive, inquit, mente, Deo: sive sobrii su-*
mus, vobis Quid ergo tibi? Ego, inquit, *factus sum*
tanquam vas perditum. Bene seipsum perdit, qui
nihil unquam pro se facit: sed omnis ejus intentio
& omne desiderium tendit ad Dei bene placitum, &
utilitatem fratrum suorum.

C A P I T U L U M V I I I.

De consideratione Christi, qui est fons, lux,
via, veritas, & vita,

1. *Invitantur sitientes animæ, ut veniant ad Jesum*
fontem vivum, de cujus pectore procedunt quatuor
fontes, scilicet misericordia, sapientia, gratia, &
charitas: & ut bibant ex illis aquas remissionis,
discretionis, devotionis, & emulationis. 2. *Invi-*
tantur animæ in tenebris ignorantia manentes,
ut sequantur Jesum mundi lucem & vitæ lumen:
cujus lux tanquam lumen solis fuit in Resurrectione.
Docemur quomodo possit videri Deus in hac vita:
monemurque purgare oculum nostrum, ut in altera
vita mereatur videre lucem meracissimam, Jesum
Christum. 3. *Proponitur nobis viæ labor, id est, hu-*
milis: & laboris fructus, id est, veritas & vita.
Ostenditur, neminem posse venire ad Deum Pa-
trē, nisi per ejus Filium Unigenitum. Christus
propterea didicit nostras misérias, ut miseri-
cors fieret.

S. I.

In novissimo die magno festivitatis stabat Jesus, & clamabat dicens: Si quis sitit, veniat ad me & bibat. Joan. 7.

AD fontem invitamur (a) Redemptoris nostri voce dicentis: *Si quis sitit, veniat ad me & bibat: & de ventre eius fluent aqua viva*. Et sequutus Evangelista exposuit ad quem fontem nos invitaret dicens: *Hoc autem dixit de Spiritu quem accepturi erant credentes in eum*. Quem, nisi Spiritum charitatis, quem mundus non potest accipere, sed soli accipiunt qui verè credunt in eum? Pro paradiso quem perdidimus (b) restitutus est nobis Christus Salvator. Sicut autem de uno fonte paradisi dirivantur quatuor flumina ad irrigandum paradisum: ita de pectoris Christi arcano procedunt quatuor fontes, ex quibus hauriuntur quatuor aquarum genera, unde tota per universum mundum rigatur Ecclesia. Itaque (c) ut de exhibitione præsentium firma sit expectatio futurorum, paradisum habemus multò meliorem & longè delectabiliorem, quàm primi parentes habuerunt. Et paradisus noster Christus Dominus est, in quo quatuor fontes invenimus. Primò quidem habemus de fonte *miseri cordiæ* ad diluendas culpas, aquas *remissionis*. Fons utique nobis est Christus Dominus unde lavemur, sicut scriptum est: *Qui dilexit nos & lavit nos à peccatis nostris*. Secum-

a Ser. 96. diver. num. 5. b Ibidem num. 1. c Ser. 1 in Nativit Dom. num. 5. & 6.

*eundè habemus de fonte sapientiæ ad potandam sitim nostram, aquas discretionis. Non enim ille solus aquarum est usus, nec tantùm sordes oblvunt, sed & sitim extingvunt. Beatus verò (ait Sapiens) qui in sapientia morabitur, & qui in iustitia meditabitur. Et post pauca inquit: Aqua sapientiæ salutaris potabit illum. Benè sapientiæ salutaris, quoniam sapientia carnis mors est, & sapientia mundi etiam ipsa inimica est Deo. Sola quæ ex Deo est sapientia salutaris est, quæ secundùm Beati Jacobi definitionem primùm pudica, deinde pacifica est. Tertio habemus de fonte gratiæ ad irrigandas plantas bonorum operum, aquas devotionis. Hic enim aquarum usus est irrigatio, quam profectò maximè necessariam habent novellæ plantationes. Alioquin aut minùs proficient, aut ex toto peribunt præ siccitate. Quærat ergo devotionis aquas, quisquis seminaverit bonorum operum semina: ut irrigatus fonte gratiæ, bonæ conversationis hortus non arescat, sed in perpetua viriditate proficiat. Orat enim pro hujusmodi Propheta David: *Et holocaustum meum* (inquit) *pingue fiat*. Sic & in laudibus Aaron legis, quoniam sacrificium ejus quotidianus ignis absumpsit. In quibus omnibus nihil aliud intelligendum videtur, nisi ut bona opera fervore devotionis, & dulcedine spiritualis gratiæ condiantur. Quarto (d) quæramus ad decoquendos cibos aquas ferventes, aquas emulationis. Hæc nimirùm condiunt & decoquunt affectiones nostras, & ebulliunt de fonte charitatis, unde ait Propheta: *Concalvit cor meum intra me, & in meditatione me exardescet ignis*. Alibi quoque inquit: *Zelus domus**

d Ibi em num. 6.

mus tuæ comedit me. Siquidem ex dulcedine devotionis diligens justitiam, ex fervore æmulationis odio habet iniquitatem. Et vide ne de fontibus istis prædixerit Esajas: *Haurietis aquas in gaudio de fontibus Salvatoris*. Nam ut promissionem hanc vitæ præsentis esse noveris, non futuræ, illud attende quod sequitur: *Dicetis in illa die: Confitemini Domino, & invocate nomen ejus*. Inuocatio quippè præsentis temporis est, sicut scriptum est: *Invoca me in die tribulationis*. Porro ex his quatuor fontibus (e) tres quidem propriè convenire videntur tribus Ecclesiæ ordinibus, singuli singulis. Nam primus quidem communis est omnibus. In multis enim offendimus omnes, & necessarium habemus misericordiæ fontem ad dilvendās offensionum sordes. Omnes namque peccavimus, & egenus gloriā Dei. Et Prælati, & continentes, & conjugati, si dixerimus quia peccatum non habemus, nos ipsos seducimus. Quia ergo nemo mundus à sorde, necessarius est omnibus fons *misericordiæ*: & pari voto debent ad hunc fontem, Noë, Daniel, & Job properare. De cætero quidem Job maximè *sapientiæ* fontem quærat, quoniam ipse magis inter medios laqueos ambulat, ita ut magnum videatur, si à malo declinat. *Danieli* verò currendum est ad fontem *gratiæ*, cui nimirum penitentiæ opera & labores abstinentiæ devotionis gratiā necesse est impinguare. Oportet enim ut nos maximè in hilaritate omnia faciamus, quoniam hilarem datorem diligit Deus. Nam & terra nostra nequaquam fertilis est hujusmodi seminis, bonæ scilicet conversationis: ideoquè facilè exarescet, nisi crebris irri-

irrigationibus adjuvetur. Unde & in oratione Dominica hujusmodi gratiam sub quotidiani panis nomine postulamus. Meritò sanè, ne fortè cadat super nos terribilis illa maledictio propheticae imprecationis: *Fiant sicut fœnum tectorum, quod priusquàm evellatur, exaruit.* Fons verò *emulationis* convenit Noë specialiter, quia maximè Prælatos decet hic zelus. Præterea (f) ne quis de ignorantia habeat excusationem, dico: Oportet te, Frater, ad quem de fabricanda seu regenda inter undas diluvii arca nihil spectat, aut virum esse desideriorum, *ut Daniel erat*: aut cum Beato *Job* virum esse dolorum, & scientem infirmitatem. Alioquin vereor, ne tepidum te & nauseam provocantem evomat ex ore suo, qui te invenire cupit aut sui consideratione calidum, & charitatis igne flagrantem: aut tua ipsius cognitione frigidum, & aquâ compunctionis ignita diaboli jacula restinguentem. Quatuor itaque fontes istos (g) adhuc in carne viventibus nobis in semetipso Christus exhibet: quintum, qui est *fons vitæ* post hoc sæculum repromittens, ad quem sitiebat Propheta cùm diceret: *Sitivit anima mea ad Deum fontem vivum.* Vita æterna est fons indeficiens (h) qui universam irrigat superficiem paradisi cælestis. Nec modò irrigat, sed inebriat, fons hortorum, puteus aquarum viventium, quæ flunt impetu de Libano: & fluminis impetus lætificat civitatem Dei. Quis verò fons vitæ, nisi Christus Dominus? Fortassis etiam propter hos quatuor fontes (i) quatuor in locis vulneratus est Christus adhuc vivens in cruce: propter quintum,

cùm

f Ser. 3. in Assumpt. B. M. V. num. 5. g Ser. 1. in Nat. Dom. num. 8.
h Ser. 2. de Virg. Deip. n. 4. i Ser. 1. in Nat. Dom. num. 8.

cum jam tradidisset spiritum, transformatus est in latere. Vivebat adhuc quando foderunt ei manus & pedes, ut nobis adhuc viventibus quatuor fontes ex se ipso proferret. Quintum pertulit vulnus cum jam expirasset, ut in se nihilominus quintum nobis fontem post obitum nostrum aperiret.

§. I L.

Ego sum lux mundi: qui sequitur me, non ambulat in tenebris, sed habebit lumen vitae, dicit Dominus. Joan. 8.

Militia est [k] vita hominis super terram: & quamdiu militamus in hoc corpore, peregrinamur à Domino, idest, à luce. Nam Dominus lux est: & inquantum quisque cum eo non est, intantum in tenebris est. Alius enim [l] ambulat in lumine vultus sui, sollicitus facere suam voluntatem, & beneplacitum cordis sui considerans. Alius ambulat in lumine vultus humani, in eo semper intentus quid hominibus placeat, quid mundus judicet. De quo die Propheta loquitur: *Diem hominis non concupiui, Domine tu scis. Contritio & infelicitas in viris eorum, & viam pacis non cognoverunt, non est timor Dei ante oculos eorum. Nox præcessit [m] dies autem appropinquavit. Numquid non Dominus Christus dies est? Dies plane illustrans & spirans, qui spiritu oris sui fugat umbras, & destruit larvas illustratione adventus sui. Fuit tamen quædam hujus aurora*

k Serm. 26. in Cant. num. 1. l Serm. 26. 1. ver. num. 4. in Ser. 72. in Cant. num. 5.

rota diei [n] ex quo Sol iustitiæ per Archangelum Gabrielem nunciatus est terris, & Virgo Deum in utero de Spiritu Sancto concepit & peperit Virgo: ac deinceps quoad in terris visus est, & cum hominibus conversatus est. Nam usque adeò per totum id temporis lux pusilla & tanquam lux revera auroræ apparuit, ut diem esse interim apud homines penè universitas ignoraret. Denique *si cognovissent, nunquam Dominum gloriæ crucifixissent*. Et utique ipsis paucis Discipulis dicebatur: *Adhuc modicum lumen in vobis est*: ed quòd aurora esset, & initium vel potiùs indicium diei, dum Sol adhuc absconderet radios suos, & minimè eos spargeret super terram. Paulus quoque dicebat: *Quoniam nox præcessit, dies autem appropinquavit*: significans esse tunc adhuc adeò modicum lumen, ut propinquasse quàm venisse diem dicere maluerit. Quando autem hoc dicebat? Profecò quando Sol reversus ab inferis jam se ad alta cœli sustulerat. Quantò magis cùm adhuc similitudo carnis peccati instar densæ nubis operiret auroram, juxta omnes nimirum nostri corporis passionem, ita ut neque amara mors, nec crux probrosa defuerit: quantò magis, inquam, tunc exigua tenuisque admodum lux fuit, & quæ de auroræ magis quàm de Solis prodire præsentia videretur. Erat ergo aurora [o] & ipsa subobscura satis tota illa Christi conversatio super terram, usque dum occumbens & rursùm exoriens, solaris suæ præsentia lumine clariori fugavit auroram, & mane factò absorpta est nox in victoria. Denique habes: *Et valdè manè una Satorum veniunt ad monumentum orto jam Sole*.

An

An non mane fuit quando ortus est Sol? Attulit autem novum de resurrectione decorem, & serenior solito lucem: quoniam etsi noveramus eum secundum carnem, sed nunc jam non novimus. Est scriptum in Propheta: *Decorem induit, induit fortitudinem, & præcinxit se*: quod carnis infirma tanquam nubila quædam excussit, stolam gloriæ induens. Sanè extunc elevatus est Sol, & sensim deum diffundens suos radios super terram, cæpit paulatim ubique clarior apparere, fervidiorquè sentiri. Verùm quantumlibet incalescat & invalescat, multiplicet & dilatet radios suos super omne hujus nostræ mortalitatis curriculum, (erit enim nobiscum usque ad consummationem sæculi) non tamen ad meridianum perveniet lumen, nec in illa sui plenitudine videbitur modò, in qua videndus est postea, ab his duntaxat, quos hac visione ipse dignabitur. Talem se obtulit Apostolis Apostolorum Dominus [p] ut jam non invisibilia Dei per ea quæ facta sunt intellecta conspicerent, sed ipse facie ad faciem videretur, qui omnia fecit. Et quia Discipuli carnales erant, & Deus spiritus est, nec benè convenit spiritui & carni: umbrâ corporis sui temperavit se eis, ut obiectu vivificæ carnis viderent Verbum in carne, Solem in nube, lumen in testa, cereum in lucerna. Spiritus enim oris nostri est Christus Dominus, cui dicimus: *In umbra tua vivemus inter gentes*. In umbra, inquit, tua inter gentes, non inter Angelos, ubi purissimum lumen purissimis oculis intuebimur. Videtur quidem & hîc (q) sed sicut videtur ipsi, non sicuti est. Nam neque hoc luminare magnum

(fo-

(Solem loquor istum quem quotidie vides) vidisti tamen aliquando sicuti est, sed tantum sicut illuminat verbi causâ aërem, montem, parietem. Quod nec ipsum quidem aliquatenus posses videre, si non aliqua ex parte ipsum lumen corporis tui pro sui ingenta serenitate & perspicuitate cœlesti lumini simile esset. Non denique alterum membrum corporis capax est luminis, ob multam utique dissimilitudinem. Sed nec ipse oculus cum turbatus fuerit, lumini propinquabit, nimirum ob amissam similitudinem. Qui ergo turbatus oculus nullatenus serenum solem videt propter dissimilitudinem, serenus aliquatenus videt propter nonnullam similitudinem. Profecto si pari prorsus puritate vigeret, videret omnino inoffensa facie eum sicuti est, propter omnimodam similitudinem. Ita & Solem justitiæ illum, qui illuminat omnem hominem venientem in hunc mundum, videre in hoc mundo sicut illuminat illuminatus potest, tanquam in aliquo similis: sicuti est, omnino non potest, tanquam nondum perfecte similis. Propterea dicit Propheta: *Accedite ad eum & illuminamini, & facies vestrae non confundentur.* Ita sanè, sed si quantum satis est illuminamur, ut revelata facie speculantes gloriam Dei, in eandem imaginem transformemur de claritate in claritatem tanquam à Domini Spiritu. Ergo accedendum ad eum [r] non irruendum, ne irreverens scrutator Majestatis opprimatur à gloria. Nec locis sanè accedendum, sed claritatibus, ipsisque non corporeis, sed spiritualibus tanquam à Domini Spiritu. A Domini planè Spiritu, & non à nostro, quamvis in no-

C c

stro.

stro. Qui itaque est clarior, ille propinquior: esse autem clarissimum, pervenisse est. Gloria mea hæc est [s] si unquam de me audiero: *Inveni hominem secundum cor meum*. Cor Sponsi Jesu, cor Patris sui. Ipsum quod? *Estote*, ait, *misericordes, sicut & Pater vester misericors est*. Hæc forma quam videre desiderat, cum Ecclesiæ dicit, *Ostende mihi faciem tuam*: forma est pietatis & mansuetudinis. Hanc cum omni fiducia levat ad petram cui similis est. *Accedite* (inquit) *ad eum, & illuminamini, & facies vestrae non confundentur*. Quo pacto humilis ab humili confundetur, à pio sancta, & à modesto modesta? Non planè abhorrebit à puritate petrae pura facies Sponsæ, non magis quàm à virtute virtus, à lumine lumen. Et nunc quidem apparet quibus vult (t) sed sicuti vult, non sicuti est. Non sapiens, non Sanctus, non Propheta videre illum sicuti est potest aut potuit in corpore hoc mortali, poterit autem in immortalis, qui dignus habebitur, Oculum itaque perga (u) ut videre possis merissimam lucem: & aurem tuam inclina ad obediendum, ut quandoque pervenias ad quietem perpetuam, & pacem super pacem. *Lux* enim est propter serenitatem, *pax* propter tranquillitatem, *fons* propter affluentiam & æternitatem. Fontem assigna *Patri*, ex quo nascitur *Filius*, & procedit *Spiritus Sanctus*. Lucem assigna *Filio*, qui est utique candor vitæ æternæ, & lux vera illuminans omnem hominem venientem in hunc mundum. Pacem assigna *Spiritui Sancto*, qui nimirum super humilem & quietum requiescit. Nec hoc

s *Serm.* 62. in *Cant.* num. 5. t *Serm.* 31. in *Cant.* num. 1.

u *Serm.* 4. in *vig.* *Nat.* *Dom.* num. 9.

hoc dico tanquam propria ista sint singulorum , nam
& Pater lux est , ut sit Filius de lumine : & Filius pax
est , pax nostra qui fecit utraque unum : & Spiritus
Sanctus fons est aquæ salientis in vitam æternam .

§. I I I.

*Ego sum Via , & Veritas , & Vita : nemo venit
ad Patrem nisi per me : dicit Dominus
Jesus . Joan. 14.*

Proponit Dominus nobis viæ laborem (x) & la-
boris mercedem . *Ego sum* , inquit , *Via , Veritas ,
& Vita* . Viam dicit humilitatem , quæ ducit ad Ve-
ritatem . Altera labor , altera fructus laboris est .
Unde sciam , inquis , quòd ibi de humilitate locutus
sit , cùm indeterminate dixerit : *Ego sum Via* ? Audi
apertiùs dicentem : *Discite à me , quia mitis sum & hu-
milis corde* . Se ergo proponit humilitatis exemplum ,
mansuetudinis formam . Si imitaris eum , non am-
bulas in tenebris , sed habebis lumen Vitæ . Quid
est lumen Vitæ , nisi Veritas quæ illuminans om-
nem hominem venientem in hunc mundum , osten-
dit ubi sit vera Vita ? Idèd cùm dixisset : *Ego sum
Via & Veritas* : subdit , *& Vita* . Ac si diceret : *Ego
sum Via* , quæ ad Veritatem duco . *Ego sum Veri-
tas* , quæ vitam promitto . *Ego sum Vita* , quam do .
Hac est enim (ait) *Vita æterna , ut cognoscant te ve-
rum Deum , & quem misisti Jesum Christum* . Vel sic
quasi tu dicas : *Viam* considero , id est humilitatem :
fructuam desidero , *Veritatem* . Sed quid si tantus est

C c 2 labor

labor viæ, ut ad optatum lucrum non possim pervenire? Respondet: *Ego sum Via*, idest viaticum quo sustentaris in via. Clamat igitur errantibus & viam ignorantibus: *Ego sum Via*. Dubitantibus & non credentibus: *Ego sum Veritas*. Jam ascendentibus, sed lassescantibus: *Ego sum Vita*. Qui vult (y) veniat post me, per me, ad me. Post me, quia *Veritas* sum: per me, quia *Via* sum: ad me, quia *Vita* sum. *Ego sum Via* (z) per quam est eundum: & *Veritas*, ad quam est veniendum: & *Vita*, in qua est permanendum. *Ego sum Via* sine errore, *Veritas* sine falsitate, *Vita* sine morte. *Ego sum Via* in exemplo, *Veritas* in promisso, *Vita* in præmio. *Ego sum Via* habilis, *Veritas* irrevocabilis, *Vita* interminabilis. *Ego sum Via* lata & spaciola, *Veritas* potens & copiosa, *Vita* delectabilis & gloriosa. *Ego sum Via* incipientium, *Veritas* proficientium, *Vita* pervenientium. *Ego sum Via* lucis & serena, *Veritas* vivens absque pæna, *Vita* felix & amena. *Ego sum Via* in patibulo, *Veritas* in inferno, *Vita* in resurrectionis gaudio. *Ego sum Via*, in qua non est spina vel tribulus: *Veritas*, in qua non est falsitatis stimulus: *Vita*, in qua reviviscit mortuus. *Ego sum Via* recta, *Veritas* perfecta, *Vita* sine fine mansura. *Ego sum Via* reconciliationis, *Veritas* retributionis, *Vita* æternæ beatitudinis. *Nemo venit ad Patrem* [a] *nisi per me*. Ac si dicat: *Nemo venit ad me Veritatem & Vitam, nisi per me Viam: & nemo venit ad me Deum, nisi per me hominem assumptum. Ego per assumptam carnem mortalibus facio foveam, per*
quàm

y Serm. 63. diu. z Serm. 7. in ult. Cananum. 44. a Ibidem num. 47.

quam venit ad Veritatem & Vitam. Et viam moriendo facio, resurgendo, ad cælos ascendendo, ubi ego sum Veritas & Vita, Deus verus, Deus æternus. Miser homo de terra terrenus, semper gibbus, semper proclivis, semper æger, semper infirmus, ad gaudia paradisi vnde expulsus fuerat, per se redire non poterat: nec ad Veritatem & Vitam (quod Deus est) per se ascendere valebat. Sed venit Verbum ad carnem, Deus ad hominem, *Verbum caro factum est*, & Deus factus est homo. Inclinauit se Verbum ad carnem, Deus ad hominem: et sic genus humanum non solum ad paradysum, sed etiam portavit ad cælum, ubi est esse verum, & esse æternum, Veritas quæ semper fuit & erit, Vita beata & semper beata, quæ nec principium habuit, nec habebit finem. Unde nobis terrigenis homo Deus factus est *Via*, & nos perduxit ad Veritatem & Vitam, ad se videlicet Deum & hominem. Et hoc est quod dicit: *Nemo venit ad Patrem nisi per me*. Ac si diceret: Nemo venit ad me Deum, nisi per me hominem, hominem à Verbo assumptum. *Nemo venit ad Patrem nisi per me*, qui sum homo & unus Deus cum Patre. Intuere ô homo (b) consilium Dei, agnosce consilium Sapientiæ, consilium pietatis. Ad Deum Patrem verebaris accedere (c) solo auditu territus ad folia fugiebas: Jesum tibi dedit mediatorem. Quid non apud talem Patrem talis Filius obtineat? Exaudietur utique pro reverentia sua: Pater enim diligit Filium. An verò trepidas & ad ipsum accedere? Frater tuus est & caro tua, tentatus per omnia absque peccato, ut misericors fieret. Et hoc videtur

approbari in Epistola ad Hebræos (d) ubi dicitur : *Nusquam enim Angelos apprehendit, sed semen Abrahamæ apprehendit, unde debuit per omnia fratribus simili, ut misericors fieret.* Puto quod hæc verba sic ad Caput (*Christum*) referenda sunt, ut corpori (*idest nobis*) aptari non possint. De Verbo utique Dei dictum est quod *non Angelos apprehendit*, hoc est non in unam sibi personam assumpsit, *sed semen Abrahamæ.* Neque enim legitur : Verbum Angelus factum est, sed *Verbum caro factum est, & caro de carne Abrahamæ,* juxta promissionem quæ illi primùm facta est. Vnde, id est ex qua seminis assumptione, *debuit per omnia fratribus simili* : idest, oportuit ac necesse fuit ut similis nobis passibilis, nostrarum omnia (excepto peccato) genera miseriarum percurreret. Si quæris qua necessitate? *Ut misericors, inquit, fieret.* Et hoc ais, cur non rectè ad corpus referri potest? Sed audi quod paulò post sequitur : *In eo enim in quo passus est ipse & tentatus, potens est & eis qui tentantur auxiliari.* In quibus verbis quid melius intelligi possit non video : nisi quòd ideo pati & tentari, omnibusquè absque peccato humanis voluit communicare miseriis (quod est per omnia fratribus simili) ut similiter passis & tentatis misereri, ac compati ipso disceret experimento. Quo quidem experimento (e) non dico ut sapiētior efficeretur, sed ut propinquior videretur : quatenus infirmi filii Adam, quos suos fieri & appellari fratres non dedignatus est, suas illi infirmitates committere non dubitarent, qui sanari illas & posset ut Deus, & vellet ut proximus, & cognosceret ut eadem passus. Unde Esajas *Virum* eum appellat *dolorum*

d Tract. de grad. humil. cap. 3. nu. 8. e Ibidem num. 9.

lorum , & scientem infirmitatem . Et Apostolus : Non enim habemus , inquit , Pontificem , qui non possit compati infirmitatibus nostris . Unde autem possit indicans adjungit : Tentatum autem per omnia pro similitudine absque peccato . Beatus quippe Deus , beatus Dei Filius in ea forma , quâ non rapinam arbitratus est esse se æqualem Patri , proculdubio impassibilis ; priusquam se exinanisset formam servi accipiens , sicut miseriam & subiectionem expertus non erat , sic misericordiam vel obedientiam non noverat experimento . Sciebat quidem per naturam , non autem sciebat per experientiam . At ubi minoratus est non solum à seipso , sed etiam paulominus ab Angelis , (qui & ipsi impassibiles sunt per gratiam , non per naturam) usque ad illam formam in qua pati & subiici posset , quod utique (sicut dictum est) in sua non posset ; & in passione expertus est misericordiam , & in subiectione obedientiam . Per quam tamen experientiam non illi scientia , sed nobis fiducia crevit : dum ex hoc misero genere cognitionis , is à quo longè erraveramus , factus est propior nobis . Quando enim illi appropinquare audeamus in sua impassibilitate manenti ? Nunc autem Apostolo suadente , monemur , cum fiducia adire thronum gratiæ ipsius , quem nimirum (sicut alibi scriptum est) languores nostros tulisse , & dolores nostros portasse cognoscimus : & in eo quod passus est ipse , nobis compati posse non dubitamus . Beati (f) qui sub tali duce strenuè militârint . Viæ Domini (g) Viæ rectæ , Viæ pulchræ , Viæ plenæ , Viæ planæ . Rectæ sine errore , quia ducunt ad Vitam .

Pulchra sine sorde, quia docent munditiam. *Plena* multitudine, quia totus jam mundus est intra Christi sagemam. *Plana* sine difficultate, quia donant suavitatem. Jugum enim ejus suave est, & onus leve.

C A P U T I X.

De ardore desiderii Sponsæ, postulantis se trahi post Sponsum suum Jesum bajulantem crucem.

Trahe me post te : in odore unguentorum tuorum curremus. Cant. 1.

1. Ostenditur, quod licet Christus dicat neminem posse venire ad se, nisi suus Pater traxerit eum : tamen minimè dubitandum quin & ipse trahat nos ad se, ut currentes post eum imitemur vitam ejus, & sequamur vestigia conversationis suæ.
2. Ostenditur, alios currere in via contemplativa, alios verò torpere pro discrimine gratiæ trahentis. Docemur, nunquam debere nos esse securos de præsentis gratiæ contemplationis. Traditur regula torpenti-bus in exercitio spiritali. Tractio variè exponitur.
3. Agitur de quatuor unguentis Sponsi Jesu : quæ appellantur, Sapientia, Justitia, Sanctificatio, & Redemptio. Et hæc omnia sicut Angelis, ita & hominibus factus est Christus.
4. Excitamus, ut libenter curramus post Jesum in odore unguentorum præfatorum, propter quadrifariam unctionem & suavitatem eorundem. Ostenditur, non omnes æqualiter currere in odore omnium unguentorum : de quibus singulis afferuntur exempla.

Nemo

S. I.

Nemo potest venire ad me, nisi Pater qui misit me, traxerit eum. Joan. 6.

AD sequendum Dominum Jesum (a) vix inveniuntur, qui vel trahi patiantur, qui velint duci per viam mandatorum ejus. Alii enim *trahuntur*, qui possunt dicere: *Trabe me post te*. Alii *ducuntur*, qui dicunt: *Introduxit me Rex in cellaria sua*. Alii *rapiuntur*, sicut Apostolus raptus est ad tertium cœlum. Et *primi* quidem felices sunt, qui in patientia sua possident animas suas. *Secundi* feliciores, quia ex voluntate sua confitentur ei. *Tertii* felicissimi, qui in profundissima Dei misericordia quasi quodammodò sepultâ jam arbitrii sui potestate, in divitias gloriæ in spiritu ardoris rapiuntur, nescientes sive in corpore sive extra corpus, hoc solum scientes quòd rapti sint. *Hac est* (b) *generatio quærentium Dominum*. Quærentium, an habentium dicam? Habentium utique & quærentium. Alioquin non possent quærere non habentes. Sed quid habentes, aut quid quærentes? Vel potius quomodò habentes, quomodò requirentes? Verbo geniti, Verbum habent. Numquid non Verbum Dominus? Joannem audi. *Et Deus erat Verbum*. Quid ergo jam amplius quærit generatio quærentium Dominum? Considera quid sequatur in Psalmo: *Hac est generatio quærentium Dominum, quærentium faciem Dei Jacob*. Eundem proinde habent pariter &

a. Serm. 2. de Ascens. Dom. num. 6. b. Serm. 37. di ver. 14. 3.

& requirunt, quia unus idemquè & Verbum Patris, & splendor paternæ gloriæ est. Et is quidem non quæsitus haberi forsitan potest, non habitus autem quæri omninò non potest. Denique ipsa est Sapientia quæ de se loquitur: *Qui edit me, adhuc esuriet*. Potens ipse est præstare etiam se non quærenti, qui de cumulo gratiæ & benedictione dulcedinis quærit & prævenit adhuc quærere non valentes. Nemo autem ante idoneus quærere quàm habere: quia *nemo* (inquit) *venit ad me, nisi Pater meus traxerit eum*. Adest ergo qui trahit, & quodammodò necdum adest, qui non aliò trahit quàm ad seipsum. Nunquam enim nec usquam sine Filio Pater adest per fidem ut ad speciem trahat. Quomodò ergo nunc non exultet spiritus meus, quomodò non sine modo jucundetur in generatione ista quærentium Dominum? Nempè testimonium credibile nimis gustatæ sapientiæ, est esuries ipsa tam vehemens. Certissima mihi probatio & indubitabile argumentum, quia habetis quem sic quæritis: & in vobis habitat, qui tam validè trahit vos ad seipsum. Non enim humanæ possibilitatis est cursus iste: ejus dextera facit virtutem, cui semper necesse est ut clametis: *Trabe nos post te, in odore unguentorum tuorum curremus*. Christus Dominus mons est (c) mons coagulatus, & & mons pinguis. Mons est sublimitate, coagulatus multorum congerie, pinguis charitate. Pinguissimus planè & uberrimus mons, in quo beneplacitum est Deo habitare in eo: siquidem propterea unxit eum oleo lætitiæ præ participibus suis. Mons cælestium aromatum, mons charismatum spiritualium,

non

non ad mensuram accipiens spiritum, sed omnimodam obtinens plenitudinem gratiarum. Magnus mons, in quo omnes thesauri & scientiæ absconditi sunt: in quo tota humanitatis veritas, tota divinitatis inhabitat plenitudo. Excelsus & immensus mons, in quo omnia restaurantur quæ in cælis et quæ super terram, ut sit Deus omnia in omnibus. Dicat proinde (d) dicat cum gemitu Sponsa: *Trahe me post te*: quia corpus quod corrumpitur aggravat animam, & deprimit terrena inhabitatio sensum multa cogitatem. An hoc dicat cupiens dissolvi & esse cum Christo, præsertim dum videat adolescētulas, propter quas manere ipsam in carne necessarium videbatur, benè proficientes amare jam Sponsum, & stare in tuto charitatis? Siquidem hoc præmiserat: *Propterea*, inquit, *adolescētulæ dilexerunt te*. Nunc ergo quasi dicat: Ecce adolescentulæ amant te, & amando firmiter inhærent tibi, mequē minimè jam opus habent, nulla mihi causa in hac vita ulterius commorandi. Idcirco ait: *Trahe me post te*. Hoc sentirem (e) si dixisset: *Trahe me ad te*. Nunc verò quia dicit, *post te*, magis illud mihi postulare videtur, ut conversationis ejus valeat vestigia sequi, ut possit æmulari virtutem, & normam tenere vitæ, & morum queat apprehendere disciplinam. In his quippè maximè opus est adjutorio, quo valeat abnegare semetipsam, & tollere crucem suam, & sic sequi Christum. Hîc prorsùs trahi necesse habet Sponsa, nec sanè trahi ab alio, quàm ab eo ipso qui ait: *Sine me nihil potestis facere*. Scio (inquit Sponsa) me nequaquam posse pervenire ad te nisi gradiendo
post

d Serm. 21. in Cant. num. 2. e Ibidem num. 3.

post te , sed neque hoc quidem nisi adjutam abs te :
 ideoquè precor ut trahas me post te . *Beatus* liqui-
 dem *cujus est auxilium abs te , ascensiones in corde*
suo disposuit in valle lachrymarum : perventurus
 quandoque ad te in montibus gaudiorum . Quàm
 pauci post te , ô Domine Jesu , ire volunt , cùm ta-
 men ad te pervenire nemo sit qui nolit : hoc scienti-
 bus cunctis quia delectationes in dextera tua usque
 in finem . Et propterea volunt omnes te frui , at non
 ita & imitari : conregnare cupiunt, sed non compati.
 Non curant quærere quem tamen desiderant inveni-
 re, cupientes consequi , sed non & sequi . Non sic il-
 li quibus ajebat Dominus : *Vos estis qui permansistis*
mecum in tentationibus meis . Beati qui digni habiti
 sunt testimonio tuo, benigne Jesu . Ipsi revera ibant
 post te & pedibus & affectibus . Notas eis fecisti vias
 vitæ, vocans eos post te, qui Via & Vita es & Veritas,
 dicens : *Venite post me, faciam vos fieri pisces homi-*
num . Item : *Qui mihi ministrat , me sequatur :*
& ubi sum ego, illic & minister meus erit . Dicebant
 ergo Discipuli gloriantes : *Ecce nos reliquimus om-*
nia , & secuti sumus te . Sic itaque & dilecta Spon-
 sa tua Domine (f) relictis omnibus propter te, con-
 cupiscit semper ire post te , semper tuis inhærere ve-
 stigiiis , ac sequi te quocunque jeris : sciens quia viæ
 tuæ viæ pulchræ , & omnes semitæ tuæ pacificæ ; &
 quia qui sequitur te , non ambulat in tenebris . Pre-
 catur autem se trahi, quoniam justitia tua sicut mon-
 tes Dei , nec sufficit ad illam suis viribus . Precatur
 se trahi, *quia nemo venit ad te, nisi Pater tuus traxerit*
eum . Porro quos Pater trahit, trahis & tu . Opera
 quip-

 f Ibid. num. 4.

quippe quæ Pater facit, hæc & Filius similiter facit. Sed familiarius à Filio postulat trahi, tanquam à Sponso proprio, quem Pater misit obviam ei ducem ac præceptorem: qui sibi præiret in via morum, & præpararet iter virtutum, & erudiret eam sicut semetipsum, & viam prudentiæ doceret, & traderet ei legem vitæ & disciplinæ; & sic meritò ipse concupisceret decorem ejus. Multi equidem imò omnes (g) id est omnium virtutum flores in nostro Jesu Christo Nazareno sunt, quarum delectabili odore totum mundum traxit post se. Nam qui veniunt ad ipsum propter *humilitatem*, *violæ* ejus sequuntur odorem: qui propter *castitatem*, *lilii* ejus sequuntur odorem: qui propter *charitatem*, *passionis rosæ* sequuntur odorem: qui propter *abstinentiam*, *croci* sequuntur odorem. Ex his virtutibus optimi Jesu Christi ubique prædicatores tanquam quodam precioso unguento extraxerunt odorem: & ejus adolescentulæ odore ejus mirifico delectatæ currerunt post unctum Jesum. Et adhuc nimirum currunt clamantes in toto corde suo: *Trabe me post te, ut curramus in odore unguentorum tuorum*: scientes quòd neque volentis neque currentis, sed solius Dei misereantis est.

§. I I.

Trabe me post te (h) in odore unguentorum tuorum curramus. Propterea opus habeo trahi, quoniam refriguit paulisper in nobis ignis amoris tui, nec valemus à facie frigoris currere modò sicut heri & nundius

g Tract. de vite myst. cap. 43. nu. 161. h Ser. 21. in Cant. num. 5.

dius tertius. Curremus autem postea, cum reddideris lætitiā salutaris tui, cum redierit melior temperies gratiæ, cum Sol iustitiæ iterum incalverit, & pertransierit tentationis nubes, quæ hunc operire ad horam cernitur: atque ad lenem flatum auræ blandioris solito cæperint unguenta liquefcere, & aromata fluere, & dare odorem suum. Tunc curremus, in odore illo curremus. Spirantibus inquam unguentis curremus, quoniam abscedet torpor qui nunc est, & revertetur devotio, & jam non erit opus nobis ut trahamur, quippè odore excitatis, ut spontè curramus. Nunc verò interim trahe me post te. Videsne illum qui in spiritu ambulat, nequaquam permanere in eodem statu, nec eadem semper facilitate proficere: & quòd non sit in homine via ejus, sed quemadmodum ei Spiritus moderator prout vult dispensat, nunc segniùs, nunc alacriùs quæ retrò sunt oblivisci, & ad interiora se se extendere? Puto quòd hoc ipsum si attenditis, vestra vobis experientia intùs respondet quod ego foris loquor. Ergo cum te torpore [i]acetiâ vel tædio affici sentis, noli propterea diffidere aut desistere à studio spirituali, sed juvantis require manum, trahi te obsecrans Sponsæ exemplo, donec denuò suscitante gratia factus promptior alacriorquè, curras, & dicas: *Viam mandatorum tuorum cucurri, cum dilatasti cor meum.* Sic autem quamdiu adest gratia, delectare in ea ut non te existimes donum Dei jure hæreditario possidere, ita videlicet securus de eo, quasi nunquam perdere possis: nè subito cum fortè retraxerit manum, & subtraxerit donum, tu animo concidas,

cidas, & tristior quàm oportet fias. Deniq: in die virtutis tuæ noli esse securus(k) sed clama ad Deum cum Propheta, & dic: *Cùm defecerit virtus mea, ne derelinquas me.* Porro in tempore tentationis consolare, & dic cum Sponsa: *Trabe me post te, in odore unguentorum tuorum curremus.* Sic te non deseret spes in tempore malo, nec in bono providentia deerit; erisque inter adversa & prospera mutabilium temporum tenens quandam æternitatis imaginem, utique hanc inviolabilem & inconcussam constantis animi æqualitatem, benedicens Dominum in omni tempore: proindequè vendicans tibi etiam in hujus nutabundi sæculi dubiis eventibus certisque defectibus perennis quodammodò incommutabilitatis statum, dum te cæperis renovare & reformare in insigne illud antiquum similitudinis æterni Dei, apud quem non est transmutatio, nec vicissitudinis obumbratio. Quippè sicut ipse est, ita & tu eris in hoc mundo, nec in adversis timidus, nec in prosperis dissolutus. In hoc, inquam, nobilis creatura facta ad imaginem & similitudinem ejus qui se fecit, antiqui honoris dignitatem receptare jam jamquè & recuperare se indicat, cùm sibi indignum ducit huic labenti sæculo conformari, magis satagens (juxta Pauli doctrinam) *in novitate sui sensus* in eam similitudinem in qua se conditam novit; ac per hoc etiam cogens (ut dignum est) sæculum istud quod propter se factum fuit, versa vice mirum in modum conformari sibi: dum omnia ei cooperari in bonum incipiunt, tanquam in propria & naturali forma, abjectâ degeneri specie recogno-

k Ibidem num. 7. l Ibidem num. 9.

gnoscentia Dominum suum, cui ad serviendum creata fuere. Nos ergo (1) Sponsæ curemus æmulari libertatem atque constantiam, quæ sicut benè instructa in omnibus, & erudita corde in sapientia, scit abundare, scit & penuriam pati. Cùm se rogat trahi, ostendit quid desit sibi, non pecuniæ, sed virtutis. Rursùm cùm se nihilominus de spe redituræ gratiæ consolatur, & si deficere, non tamen diffidere se probat. Dicit enim: (m) *Trabe me post te, in odore unguentorum tuorum curremus*. Et quid mirum si indiget trahi, quæ post gigantem currit, quæ comprehendere nititur eum qui salit in montibus, transilit colles? *Velociter* (ait Propheta) *currit sermo ejus*. Non valet ex æquo currere, non potest pari cum illo celeritate contendere, qui *exultat ut gigas ad currendam viam*: non potest suis viribus currere, & propterea rogat se trahi. Fessa sum, inquit, deficio, noli me deserere: *sed trabe me post te*, ne incipiam vagari post amatores alios, nec curram quasi in incertum. *Trabe me post te*: quia satiùs mihi est ut me trahas, ut scilicet vim qualemcunque mihi aut terrendo minis aut exercendo flagellis inferas, quàm parcens in meo me torpore malè securam derelinquas. Trahe quodammodò invitam ut facias voluntariam. Trahe torpentem, ut reddas currentem. Erit quando non indigebo tractore: quoniam voluntariè & cum omni alacritate curremus. Non curram ego sola, & si solam me trahi petierim: current & adolescentulæ mecum. Curremus pariter, curremus simul: ego odore unguentorum tuorum, illæ meo excitatæ exemplo atque hortatu, ac

per

per hoc omnes in odore unguentorum tuorum curremus. Habet Sponsa imitatores sui, sicut & ipsa est Christi. Et ideo non ait singulariter curram, sed *curremus*. Sed hîc oritur quæstio(n) cur similiter cum se petiit trahi, etiam adolescentulas non adjunxit, ut non *trabe me*, sed trahe nos diceret. Quid enim? Fortène Sponsa indiget trahi, & adolescentulæ non indigent? O pulchra, ô felix, ô beata, ediffere nobis hujus distinctionis rationem. *Trabe me*, ais. Quare *me*, & non nos? An hoc bonum invides nobis? Absit. Neque enim *procinus* dixisses adolescentulas tecum esse cursuras, si sola post Sponsum ire voluisses. Cur ergo pluraliter mox subjunctione *curremus*, trahi te singulariter postulasti? Charitas, inquit, ita postulabat. Disce per hoc verbum à me in spirituali exercitio duplex auxilium desuper sperare, *correctionem & consolationem*. Altera foris exercet, altera visitat intus. Illa reprimit insolentiam, ista in fiduciam erigit. Illa operatur humilitatem, ista pusillanimitatem consolatur. Illa cautos, ista devotos facit. Timorem Domini docet illa, ista ipsum timorem infuso temperat gaudio salutari, sicut scriptum est: *Latetur cor meum, ut timeat nomen tuum*. Item: *Servite Domino in timore, & exultate ei cum tremore*. *Trahimur* [o] cum tentationibus & tribulationibus exercemur. *Currimus*, cum internis consolationibus & inspirationibus visitati, tanquam in suaveolentibus unguentis respiramus. Ergo quod austerum & durum videtur (ait Sponsa) retineo mihi tanquam forti, tanquam sanæ, tanquam perfectæ: & dico singulariter, *Trabe*
D d me.

me. Quod suave & dulce tibi tanquam infirmæ communico : & dico, *Curremus*. Novi ego adolescentulas delicatas & teneras esse, & minùs idoneas sufferre tentationes : & propterea mecum volo ut currant, & non ut mecum trahantur. Volo habere socias consolationis, non autem & laboris. Quare? Quoniam infirmæ sunt, & vereor ne deficient, ne succumbant. Me, inquit, ô Sponse Jesu corripe, me exerce, me tenta, me trahe post te : quoniam ego in flagella parata sum, & potens ad sustinendum. Certatim simul curremus : idest, sola trahar, sed simul curremus. Curremus curremus, sed in odore unguentorum tuorum, non in nostrorum fiducia meritorum : nec in magnitudine virium nostrarum currere nos confidimus, sed in multitudine miserationum tuarum. Nam & si quando cucurrimus, ac voluntariæ fuimus, non fuit volentis neque currentis, sed misereantis Dei. Revertatur misratio & curremus. Tu quidem in virtute tua tanquam gigas & potens curris, nos nisi unguenta tua spiraverint, non curremus. Tu quem Pater unxit oleo lætitiæ præ consortibus tuis, curris in ipsa unctione, nos in illius odore curremus : tu in plenitudine, nos in odore.

§. I I I.

Porro [p] salvo cuique quod fortè sublimiùs subtiliùsquè de Sponsi Jesu unguentis speciali munere sentire sibi & experiri donatum est, ego quod de communi accepi, profero in commune. Ipse siquidem

dem fons vitæ, ipse fons signatus, de intra hortum conclusum erumpens per os Pauli fistulam suam, tanquam verè illa Sapientia, quæ juxta Beati Job sententiam trahitur de occultis, in quatuor sese rivis diffudit, & derivavit in plateas; ubi videlicet & assignat nobis *eum factum à Deo sapientiam, & justitiam, & sanctificationem, & redemptionem*. Quis verò fons vitæ [q] nisi Christus Dominus? Sanè ipsa sese plenitudo exinanivit, ut fieret nobis *sapientia, & justitia, & sanctificatio, & redemptio*. Ex his utique quatuor rivis [r] tanquam preciosissimis unguentis (nil enim obstat utrumque intelligi, & aquam & unctionem: aquam, quia mundant; unctionem, quia fragrant) ex his, inquam, quatuor præmissis rivis, tanquam unguentis preciosissimis super montes aromatum de cælestibus speciebus confectis, tanta Ecclesiæ nares odoris suavitas replevit, ut mox à quatuor mundi partibus excitata illa dulcedine, supernum properaret ad Sponsum, tanquam verè illa regina Austri festinans à finibus terræ audire sapientiam Salamonis, opinionis siquidem odore provocata. Sanè & Ecclesia non ante currere valuit in odore sui Salamonis [s] quosque is qui ab æterno ex Patre Sapientia erat, factus est ei in tempore à Patre *sapientia*, quo ipsius odorem percipere posset. Sic *justitia*, sic *sanctificatio*, sic & *redemptio* nihilominus ei factus est: ut horum quoque in odore currere posset, cum hæc æquè omnia in se ante omnia esset. Nam & in principio quidem erat Verbum, sed tunc demùm ad videndum ipsam

D d

2

pa-

q Ser. 2. de Virg. Deip. num. 3. r Ser. 22. in Cant. num. 4.
s Ibidem num. 5.

pastores venerunt festinantes, cùm nūciatum est factum. Denique & loquuntur adinvicem: *Transseamus usque Bethleem, & videamus hoc verbum quod factum est, quod fecit Dominus, & ostendit nobis.* Et sequitur: *Quia venerunt festinantes.* Prius non se movebant, dum Verbum erat tantum apud Deum. At ubi Verbum, quod erat, factum est, ubi hoc Dominus fecit & ostendit: tunc venerunt festinantes, tunc cucurrerunt. Quomodo ergo in principio erat Verbum, sed Verbum erat apud Deum, factum est autem quatenus esse inciperet & apud homines: sic nihilominus in principio *sapientia* erat, erat *justitia*, erat *sanctificatio*, erat *redemptio*, sed Angelis; ut esset & hominibus, fecit eum hæc omnia Pater, & fecit quod Pater. Denique *qui factus est* (inquit Paulus) *nobis sapientia à Deo*, non ait simpliciter, qui factus est sapientia, sed, qui *factus est nobis sapientia*: quoniam quod erat Angelis, factus est & nobis. At Angelis, inquis [t] quomodo *redemptio* fuerit, non video? Nec enim auctoritas Scripturarum uspiam assentire videtur eos aliquando aut peccato extitisse captivos, aut morti obnoxios ut necessariam haberent redemptionem, exceptis duntaxat illis qui superbiæ lapsu irremediabili corruentes, redimi deinceps non merentur. Nempè novit *superbiam Moab* [u] *quod superbus est valde*: & superbia ejus pœnitentiæ remedium non admittit, ac per hoc nec veniæ. Si itaque Angeli nunquam redempti sunt [x] alii utique non egentes, alii non promerentes; illi quidem quia nec lapsi sunt,

t Ibidem num. 6. u Ser. 1. de Advent. Dom. num. 5. x Serm. 22.
in Cant. num. 6. y

sunt, hi autem quia irrevocabiles sunt: quo pacto tu dicis Dominum Jesum Christum eis fuisse *redemptionem*? Audi breviter. Qui erexit hominem lapsum, dedit stanti Angelo ne laberetur: sic illum de captivitate eruens, sicut hunc à captivitate defendens. Et hac ratione fuit æquè utrique *redemptio*, solvens illum, & servans istum. Denique [y] attendo verbi profunditatem. Postquam natus est Jesus vocatur ab hominibus, qui vocatus est ab Angelo priusquàm in utero conciperetur. Idem quippè & Angeli Salvator & hominis est: sed hominis ab incarnatione Verbi, Angeli ab initio creaturæ. Porro (z) qui hominibus subvenit in tali necessitate, servavit Angelos à tali necessitate. Et qui homines diligendo tales fecit, ne tales remanerent: ipse æquè diligendo dedit & Angelis, ne tales fierent. Liquet ergo [a] sanctis Angelis Dominum Christum fuisse *redemptionem*, sicut *iustitiam*, sicut *sapientiam*, sicut *sanctificationem*: & nihilominus tamen hæc ipsa quatuor esse factum propter homines, qui invisibilia Dei non nisi per ea quæ facta sunt, intellecta conspicere possunt. Sic ergo omne quod erat Angelis, factus est nobis. Quid? *Sapientia*, *iustitia*, *sanctificatio*, *redemptio*. *Sapientia* in prædicatione, *Iustitia* in absolutione peccatorum, *Sanctificatio* in conversatione quam habuit cum peccatoribus, *Redemptio* in passione quam sustinuit pro peccatoribus. Ubi ergo hæc à Deo factus est, tunc Ecclesia odorem sensit, tunc cucurrit. Tunc prorsus odor ille qui in Christo erat [b] sese ubique sparsit,

D d 3 adeo

y Ser. 1. in Circum. Dom. n. 2. z Tract. de diligen. Deo cap. 1.
a Ser. 22. in Cant. num. 6. b Ser. 60. in Cant. num. 8.

adeo ut à finibus terræ ipsum sentiens clamaret Ecclesia : *Oleum effusum nomen tuum* : current-
 què adolescentulæ in odore olei . Ecclesia quidem
 recumbit intùs [c] sed Ecclesia interim perfectio-
 tum : spes tamen est & nobis . Excubemus ergo
 præ foribus qui minùs perfecti sumus, spe gaudentes.
 Sponsus & Sponsa soli interim intùs sint, mutuis
 secretisque fruuntur amplexibus, nullo strepitu car-
 naliū desideriorum, nullo corporeorum phanta-
 smatum perturbante tumultu. Turba verò adolescen-
 tularum, quæ absque hujusmodi inquietudinibus
 nondum esse possunt, foris expectet. Expectentquè
 securè, scientes ad se illud spectare quod legunt :
*Adducentur Regi virgines post eam, proxima ejus af-
 ferentur tibi* . Et ut quæque sciat cujus spiritus sit,
virgines dico illas, quæ ante Christo fæderatæ quàm
 fædatae mundi complexibus, ipsi firmiter perseve-
 rant, cui se tantò feliciùs quantò maturiùs devove-
 runt . *Proximas* verè dico illas, quæ pristinam
 suam deformitatem (in qua mundo huic quandoque
 conformes, mundi principibus, idest spiritibus spur-
 cis in omni carnali concupiscentia sese turpiter pro-
 stituerant) tandem aliquando erubescences, & exe-
 untes in novi hominis formam, quantò seriùs tan-
 tò sinceriùs reformare festinant . Et hæ & illæ sanè
 proficiant, non deficient neque fatigentur, & si nec-
 dum plenè in se sentiunt unde dicant & ipsæ : *Ole-
 um effusum nomen tuum* . Nec enim audent adole-
 scentulæ per se facere verba Sponso . Tamen si ma-
 gistræ vestigiis pressiùs inhærere student, effusi olei
 saltem odore delectabuntur, & incitabuntur etiam
 de

de odotis perceptione cupere & quærere potiora.

§. I V.

Videamus jam nunc quadrifariam unctionem (d) videamus affluentissimam atque inæstimabilem suavitatem ejus, quem unxit Pater oleo lætitiæ præ confortibus suis. Sedebas ò homo in tenebrosis & umbra mortis per ignorantiam Veritatis, sedebas vinctus catenis delictorum: descendit ad te in carcerem non ut torqueret, sed ut erueret de potestate tenebrarum. Et primò quidem Veritatis doctor depulit umbram ignorantie tuæ, *lucē sapientiæ suæ*. Per *justitiam* deinde quæ ex fide est, soluit funes peccatorum, gratis justificans peccatorem. Quo gemino beneficio implevit sermonem illum sancti David: *Dominus soluit compeditos, Dominus illuminat cecos*. Addidit quoque sancti inter peccatores vivere, & sic tradere formam vitæ, tanquam formam viæ quâ redires ad patriam. Ad cumulum postremò pietatis tradidit in mortem animam suam, & de proprio latere protulit precium satisfactionis quo placeret Patrem: per quod illum planè ad se versiculum Psalmi traxit: *Apud Dominum misericordia, & copiosa apud eum redemptio*. Prorsus copiosa: quia non gutta, sed unda Sanguinis largiter per quinque partes Corporis Christi emanavit. Quid tibi debuit facere [e] & non fecit? Illuminavit cæcos, soluit vinctum, reduxit erroneum, reconciliavit reum. Quis non post illum libenter atque alacriter currat, qui & ab errore liberat, &

Dd 4 erra-

errata dissimulat: qui deinde merita vivendo tradit, præmia moriendo conquirat? Quam excusationem habet qui in odore horum unguentorum non currit, nisi ad quem fortè odor minimè pervenit? Sed enim in omnem terram exivit odor vitæ: quoniam misericordiâ Domini plena est terra, & miserationes ejus super omnia opera ejus. Ergo qui talem hanc sparsam ubique fragrantiam non sentit, & ob hoc non currit, aut mortuus est, aut puditus. Fragrantia fama est, prævenit opinionis odor, excitat ad currendum, perducit ad unctionis experimentum, ad braviū visionis. Vox una lætantium, omnium pervenientium: *Sicut audivimus, sic vidimus in civitate Domini virtutum*. Omnino propter mansuetudinem quæ in te prædicatur, currimus post te Domine Jesu, audientes quòd in spernas pauperem, peccatorem non horreas. Non horruisti confitentem Latronem, non lachrymantem peccatricem, non Chananaeam supplicantem, non deprehensam in adulterio, non sedentem in telonio, non supplican-tem Publicanum, non negantem discipulum, non persecutorem Discipulorum, non ipsos crucifixores tuos. In odore horum currimus. Porro sapientiæ tuæ odorem ex eo percipimus quòd audivimus, quia si quis indiget sapientiâ, postulet eam à te, & dabit ei. Ajunt siquidem quòd des omnibus affluenter, & non improperes. At verò justitiæ tuæ tanta ubique fragrantia spargitur, ut non solum justus, sed etiam ipsa dicaris Justitia, & Justitia justificans. Tam validus denique es ad justificandum, quàm multus ad ignoscendum. Quamobrem quisquis pro peccatis compunctus esurit & sitit justitiam, credat in

in

in te qui justificas impium , & solam justificatus per fidem , pacem habebit ad Deum . *Sanctitatem* quoque suavissimè & copiosissimè tua redolet non solum conversatio, sed & conceptio: peccatum siquidem non commisisti, nec contraxisti . Qui ergo justificati à peccatis sectari desiderant deliberantquè sanctimoniam , sine qua nemo videbit Deum, audiant te clamantem: *Sancti estote , quoniam ego Sanctus sum .* Considerent vias tuas , & discant à te , quia *Justus sis in omnibus viis tuis ; & Sanctus in omnibus operibus tuis .* Jam redemptionis odor quantos currere facit ? Cùm exaltaris à terra , tunc prosùs omnia trahis ad teipsum . Pro his omnibus currimus post te [f] dimitte nos, quia clamamus post te . Nec currimus æqualiter omnes in odore omnium unguentorum . Sed videamus alios vehementiùs studiis flagrare *sapientiae* , alios magis ad *pœnitentiam* spe indulgentiæ animari, alios ampliùs ad *virtutum exercitium vitæ & conversationis Christi* provocari exemplo , alios ad *pietatem* Passionis memoriâ plùs accendi . Putamus nos de singulis posse reperire exempla ? *Primò* quidem currebant in odore *sapientiae* qui missi fuerant à Pharisæis, cùm reversi dicerent: *Nunquam homo sic locutus est*: utique admirantes doctrinam , & confitentes sapientiam . Currebat in hoc ipso odore sanctus Nicodemus , qui venit ad Jesum nocte , in splendore multo sapientiæ : de multis quippè instructus edoctusquè recessit . *Secundò* , in odore *justitiæ* cucurrit Maria Magdalena , cui dimissa sunt peccata multa , quoniam dilexit multum . Justa profectò & sancta, & non jam peccatrix

trix quemadmodum Phariseus exprobrabat, nesciens justitiam seu sanctitatem Dei esse munus, non opus hominis, & quia nonmodò justus, sed & beatus cui non imputabit Dominus peccatum. An oblitus erat, quomodò vel suam ipsius, vel alterius corporalem tangendo lepram fugârat, non contraxerat? Sic tactus à peccatrice Justus justitiam impertit, non perdit: nec sorde peccati, quâ illam mundat, se inquinat. Cucurrit & Publicanus, qui cùm propitiationem peccatis suis humiliter imploraret, descendit justificatus, teste ipsa Justitia. Cucurrit Petrus, qui lapsus flevit amarè, quatenus culpam dilveret, & recuperaret justitiam. Cucurrit David, qui reatum agnoscens & confitens, audire meruit: *Et Dominus transtulit à te peccatum tuum*. Tertiò in sanctificationis odore (g) Paulus currere sese testatur, cùm se Christi imitatore esse gloriatur, dicens ad discipulos: *Estote imitatores mei, sicut & ego Christi*. Cucurrerunt & omnes qui aiebant: *Ecce nos reliquimus omnia, & secuti sumus te*. Desiderio quippè sequendi Christum reliquerant omnia. Hortatur generaliter universos ad eundem odorem ista Joannis sententia: *Qui se dicit in Christo manere, debet sicut ille ambulavit, & ipse ambulare*. Quartò, Jam qui in odore cucurrerint passionis, si audire vis, universos Martyres accipe. Hoc autem tam delectabili odore inebriati (h) non solùm Viri naturâ fortiores, sed & Virgunculae tenerrimæ currebant toto cordis affectu, omnibus què viribus animi ad delicias crucis. En quatuor (i) unguenta assignata habetis: primum sapientiæ, secundum

g Ibidem n. 11. h Tract. de vite myst. cap. 43. n. 163. i Ser. 22. in Cantanum. 11.

dum *iustitiæ*, tertium *sanctificationis*, quartum *redemptionis*. Tenete nomina, percipite fructū: & compositionis modum vel numerum specierum, quibus confecta sunt, nolite requirere. In Christo nempè rerum plenitudo est sine numero, & sine modo. Nam & *sapientiæ* ejus non est numerus: & *iustitiæ* ipsius sicut montes Dei, sicut montes æterni: & *sanctitas* singularis: & *redemptio* inexplicabilis. Itaque qui se dicit in Christo manere (k) debet sicut ille ambulavit, & ipse ambulare. Jesus enim non resedit, sed exultavit ut gigas ad currendam viam. Et nos quoque si non desipimus, curramus post eum in odore unguentorum ipsius. Alioquin si elongari contigerit, erit pigritanti animæ & laboriosior & periculosior via, dum nec odore recreari, nec certa possit agnoscere vestigia abeuntis. Sic autem currite Fratres, ut comprehendatis. Quod sanè ita fiet, si nequaquam arbitramini vos comprehendisse, sed obliti quæ retrò sunt, extenditis vos in anteriora: si apprehendatis disciplinam, ne quando irascatur Dominus, & pereatis de via iusta. Cæterùm in omnibus actibus (l) sponsam Jesu imitamini, tollentes crucem vestram: & ad imitationem ejus, unà cum ipsa curratis ardenti desiderio fortiter post Jesum.

C A P V T X.

De triplici præmio relinquentium mundum,
propter amorem Christi.

I. *Offenditur, verba Christi habere magnam vim ad*
per-

k *Epist. 341. num. 4. & 2. l Soliloq. S. Bernard. n. 20. tom. 6. pag. 1023*

428 Philosophiæ Christianæ

persuadendum hominibus contemptum mundi, & sequendum Christum. Demonstratur, Petrum reliquisse omnia, licet nihil habuerit. Reprehenditur detestabilis in hominibus concupiscentia terrenorum.

2. Agitur de perfecta obedientia Petri & Andrea, qui ad unicam Christi vocem relictis omnibus statim secuti sunt eum. Quorum exemplo docemur vocationi divinæ festinanter esse obediendum, sicut & Abraham & Zachæus obediverunt. 3. Ostenditur relinquentes omnia & sequentes Christum, habituros in futura regeneratione quietem sessionis, & corpus dotabitur gemina felicitate immortalitatis scilicet & impassibilitatis: & Anima sicut nihil metuet, sic nec concupiscet ultra. 4. Ostenditur, sequaces Christi habituros excelsum honorem iudicialiæ potestatis, & immensum gaudium: illum pro humilitate paupertatis, istud pro labore. Exhortamur fugire honores mundi, & ambire dignitatem promissam sequentibus Christum, quæ est excellentior omni gloria sæculi. 5. Ostenditur, contemptores mundi in hac vita accepturos præmium nomine Centupli promissum, & possessuros vitam æternam. Reprehenditur vesania hominum, qui cunctantur relinquere simpla pro Centuplo: cujus qualitas fide comprehenditur, non experimento. Afferuntur variæ definitiones & effectus huius Centupli.

§. I.

Dixit Petrus ad Jesum: Ecce nos reliquimus omnia, & secuti sumus te. quid ergo erit nobis? Matt. 19.
Fi-

Fidelis sermo (a) & dignum omni acceptione colloquium Simonis Petri, & Domini Jesu. Libet proinde sacratissimo huic interesse colloquio, & intima cordis aure percipere quæ dicuntur. Arbitror enim verba lectionis hujus ea esse, de quibus ad immortalem Sponsum à finibus terræ clamat Ecclesia: *Propter verba labiorum tuorum ego custodi vias duras*. Hæc nempè sunt verba, quæ contemptum mundi in universo mundo, & voluntariam persuasere hominibus paupertatem. Hæc sunt verba, quæ Monachis Claustra replent, deserta Anachoretis. Hæc, inquam, sunt verba, quæ Ægyptum spoliant, & optima quæque ejus vasa diripiunt. Hic sermo vivus est & efficax, convertens animas felici æmulatione sanctitatis, & veritatis promissione fidei. Dixit enim Simon Petrus ad Jesum: *Ecce nos reliquimus omnia*. Benè, optimè, & non ad insipientiam tibi. Nam & mundus transit & concupiscentia ejus, & relinquere hæc magis expedit quam relinqui. *Ecce, inquit, nos reliquimus omnia, & secuti sumus te*. Nimirum quia exultavit ut gigas ad currendam viam: nec currentem sequi poterat oneratus. Sed nec inutilis commutatio pro eo qui supra omnia est, omnia reliquisse: nam & simul cum eo donantur omnia: & ubi apprehenderis eum, erit unus ipse omnia in omnibus, qui pro ipso omnia reliquerunt. *Omnia* sanè dixerim, non tantum possessiones, sed etiam cupiditates, & eas maximè. Plus enim concupiscentia mundi quàm substantia nocet. Nota admodum quæ-

a *Tract. de vit. & mor. Cleric. cap. 1. n. 1.*

quæstio est (b) quomodo Petrus cum nil ferè ex omnibus habuisse sciatur, tam fiducialiter gloriatur sese omnia reliquisse. Vnde Sanctus Gregorius, Multum, inquit, deservit, qui voluntatem habendi dereliquit. Et post pauca: A sequentibus tanta relictæ sunt, quanta à non sequentibus desiderari potuerunt. Fidelis sermo, sed forsan clausus & ipse est. Numquid enim voluntas habendi tam multa complectitur, ut reliquisse illam, sit omnia deservisse? Quis hominum omnia desiderare possit, nedum piscator ille pauper & modicus? Sed quid cuique sufficere possit, diligentius vestigato, & facile est invenire omnia desiderantem. Neque enim ponere est concupiscentiæ modum, donec videatur impleta, donec adepta sit quibus valeat esse contenta. Cæterum nec amator pecuniæ dicet aliquando, Sufficit: nec libidinosus satiabitur voluptate. Sic & crudelis quisque semper sanguinem sitit: & ambitiosus aut cupidus laudis humanæ adeptis dignitatum titulis seu favoribus, nullum exinde capit omnino remedium, sed desiderio æstuat ampliori. Minus autem invenit requiem, qui sibi placere cupit, & suis, idest, quibusdam factis de semetipso testimoniis gloriatur dicens: *Manus mea excelsa*: putans sese aliquid esse, cum nil sit. Vidi ego aliquando quinque viros (c) quidni phreneticos arbitret? *Primus* siquidem buccis tumentibus marinam masticabat arenam. *Secundus* sulphureo ætans lacui, exhalantem teterimum fæditissimumque gestiebat haurire vaporem. *Tertius* fornaci incubans vehementer accensæ, micantes scintillas hiantibus excipere faucibus lætabatur. *Quartus* supra

pin-

b *Ibidem*. cap. 10. num. 31. c *Ibidem*. num. 32.

pinnaculum templi residens, levioris auræ spiritum aperto attrahebat ore: & si quominus influere videretur, flabello sibi ventum ipse ciebat, ac si totum speraret aërem deglutire. *Quintus* seorsum positus ridebat cæteros, ipse quoque ridendus, & maximè. Proprias enim carnes incredibili quodam studio sugere laborabat: nunc manus, nunc brachium, nunc alias partes applicans ori. Miseratus homines, causamquè miseriæ sciscitatus à singulis, unam omnibus esse reperio, validissimam utique famem. Tunc verò macilentissimam eorum facies contemplatus, recordabar Prophetæ gementis miserabiliter & dicentis: *Arui cor meum, quia oblitus sum comedere panem meum*. Quid hæc vobis, inquit, profunt? Non sunt naturales cibi, magis famem hæc provocant quàm extinguunt. Panis namque Animæ iustitia est, & soli *beati qui esuriunt illum: quoniam ipsi saturabuntur*. Nimirum ad imaginem Dei facta anima rationalis (d) cæteris omnibus occupari potest, repleti omnino non potest. Capacem Dei, quidquid Deo minus est, non implebit. Inde est quòd naturali quidem desiderio summum quivis probatur appetere bonum, nullam nisi adepto eo requiem habiturus. Cæterum errant miseri non invenientes viam: & ut scriptum est, ambulant impii in circuitu, dum minora quæque bona quærentes, illud semper desiderant, quod sibi viciniùs necdum videntur adepti. Atque utinam, si fieri posset, cætera omnia obtinisset unus, eodemquè proculdubio & ipsum quod sibi solum deesse videret, Summum utique bonum desiderio quæsiturus, quo cætera quoque

d Ibidem num. 33.

que semper expetit non adepta . Sed innumera sunt hæc , & à cæteris quoque pariter requiruntur . Quod valet quisque trahit in partem suam , nec aliquando poterit hic circuitus peragrari . Vis pervenire ? Incipe transilire . Alioquin proripieris miser in desiderio terrenorum , & à Summo bono ed longiùs inveni-eris , quò te ampliùs dederis caducis rebus & transitoriis appetendis . In circuitu siquidem ambulas : & quod propè erat in corde & in ore tuo , si corde crederes & ore confitereris , terga vertens declinas , & elongaris ab eo . Hinc est quod vociferatur dicens : *Convertimini filii hominum* . Anfractuosa siquidem via est , & inambulabilis : faciliùsquè pervenies spretis omnibus , quàm adeptis . Porro attende (e) quàm sapienter ordinaverit Sapiencia Dei Christus contra peccatum primum , remedium primum opponens : *Beati* , inquit , *pauperes spiritu , quoniam ipsorum est regnum calorum* . Ac si apertius dicat : Vis obtinere cælum quod perdidit superbiens Angelus , qui confusus est in virtute sua , & in multitudine divitiarum suarum : paupertatis vilitatem amplectere , & tuum erit . Quod si ita est (f) non putent divites hujus sæculi , fratres Christi sola possidere cælestia , quia audiunt eum dicentem : *Beati pauperes spiritu , quoniam ipsorum est regnum calorum* . Non eos , inquam , æstiment sola cælestia possidere , quia ea sola audiunt in promissione : possident & terrena , & quidem tanquam nihil habentes , sed omnia possidentes : non mendicantes ut miseri , sed ut domini possidentes , ed pro certo magis domini , quò minùs cupidi . Denique fideli homini totus mundus divitiarum est .

Totus

miliaris quidem & amica saluti obedientia est (i) sed obedientia firma & stabilis, quæ fundata est supra petram. *Melior est enim obedientia quam victima: & acquiescere nolle, quasi peccatum hariolandi est.* Unde & vitæ quoque ipse Salvator prætulit hanc virtutem, eligens magis Animam ponere, quàm obedientiam non adimplere. Quod si homini carnali stultitia fortè videtur (k) audiat: *Quod stultum est Dei, sapientius est hominibus: & quoniam placuit Deo per stultitiam prædicationis salvare credentes: quippè cum mundus eam in sapientia minimè cognovisset.* Quantos enim mundi sapientia maledicta supplantat, & conceptum in eis extinguit spiritum, quem voverat Dominus Jesus vehementer accendi? Noli (inquit sapientia mundi) præcipitanter agere, diu considera, diligentius intueri. Magnum est quod proponis, sed opus habes multa deliberatione: experire quid possis, amicos consule, ne post factum pænitere contingat. Hæc sapientia mundi terrena, (l) animalis, diabolica, inimica salutis, suffocatrix vitæ, mater tepiditatis, quæ solet Deo vomitum provocare, Cave tibi, ait. Ut quid enim? Cum à Deo verbum esse non dubites, quid opus est deliberatione? Vocat magni consilii Angelus, quid aliena consilia præstolaris? Quis enim fidelior, quisuè sapientior illo? Deduc me Domine, & deducar: fortior esto & invalesce. Novi ego quænam sint quæ oportet fieri citò. Ab ore potui gehennæ eripior: & inducias petam, & retardabor, & cunctabor exire si fortè interim fiat aliquid? Abscondi ignem in sinu meo: & exulto jam late-

i *Traët. de vit. & mor. cleric. cap. 1. num. 1.* k *Ibidem cap. 11. num. 34.* m *Ibidem num. 63.*

latere, jam nudatis visceribus, jam sanie defluente, diu mihi & deliberandū est an expergiscar, an excutiam, an abiiciā illum? Magnum omninō est quod offertur, sed eō utique libentiū & festinātius suscipiendum, & obviis arripiendum manibus cum fervore & hilaritate. Probet autem seipsum, qui de propria virtute præsūmit. Nam Divina quidem omninō probata est. Amicos consulat qui non legit: *Inimici hominis domestici ejus*. Quid frequentat Evangelium, qui Evangelio non obedit? At in eo sanē legimus promittenti cuidam sequi Dominum, sed defunctum prius patrem sepelire volenti responsum est ab eo, ut sine-
ret mortuos sepelire mortuos suos. Alteri quoque tantū suis qui in domo erant valedicere cupienti, *Nemo, inquit, mittens manum ad aratrum, & respiciens retrō, aptus est regno Dei*. Sed quid audierat primus? *Magister*, ait, *volo te sequi quocunque ieris*. Cui respondens Dominus: *Vulpes, inquit, foveas habent, & volucres celi nidum: filius autem hominis non habet ubi caput reclinet*. Prudentiam carnis in fovea vulpis, in nido volucris arguens cordis elationem. Est enim interdum videre nonnullos (m) qui relictis omnibus abrenunciare sæculo disponentes, cū rectē offerre velint, nolunt dividere rectē, caliditate humana totos sese Divino committere nutui formidantes; sed reservantes nescio quid fermenti, ut totam massam corrumpat: quod in multis frequenter expertum est. Multos quoque videmus (n) post præcipientis imperium multas facere quæstiones: Cur, quare, quam ob rem, sæpius interrogare, crebras ingeminare querelas: quærere, quare hoc præci-

pit,

pit, unde hoc venit, quis hoc adinvenit consilium? Inde murmuratio, inde verba murmurationem & indignationem sonantia, & redolentia amaritudinem. Inde frequens excusatio, simulatio impossibilitatis, advocatio amicorum. Non sic Abraham. Audivit (o) à Deo omnipotente: *Egredere de terra tua, & de cognatione tua, & de domo patris tui, & veni in terram, quam monstravero tibi*: & ad unius jussionis vocem, patriam fugit, relinquit parentes, deferit hæreditatem, & aliorum fines hospes ingreditur novus. Magna res, & primitivæ dignitatis privilegio in Patre multarum Gentium consecrata est. Primus primum suis facultatibus renunciat, & obedientiæ viam indefessa velocitate percurrit. Denique (p) audi quid Dominus de simplici populo protestetur: *In auditu (inquit) auris obedivit mihi*: ut videlicet ostenderet uno eodemquæ momento processisse & imperantis imperium, & obsequium obsequentis. Velociter currit sermo Dei (q) & velocem habere desiderat sequentem. Vides cum quanta velocitate currit ille qui dicit: *Viam mandatorum tuorum cucurri*. Fidelis obediens nescit moras, fugit crastinum, ignorat tarditatem, præripit præcipientem, parat oculos visui, aurem auditui, linguam voci, manus operi, itineri pedes, totum se colligit, ut imperantis colligat voluntatem. Vide Dominum festinanter præcipientem, & Zachæum hominem festinanter obedientem. *Zachæe (inquit Dominus) festinans descende, quia hodie in domo tua oportet me manere. Et festinanter descendit, & excepit eum gaudens*. Animadvertisti quia & festinanter descenderit, & gauden-

denter exceperit . Audisti obedientiam , audi & obedientiae remunerationem : *Quia salus huic domui facta est.*

§. III.

Porro intueretur quomodo alius sine duce & præceptore spirituale studium apprehendere facile cogitans , ambulat in magnis & mirabilibus super se , ut vulgò dicitur : *Saliens antequam videat, casurus antequam debeat.* Petrus autem cogitatum suum iactans in Dominum , & omnem sollicitudinem suam in eum proiciens , certus quòd illi foret cura de eo , reliquit omnia , secutus est Dominum , ne interrogans quidem de præmio , donec ex periculo divitum quod Salvator prosequeretur ,sumeret occasionem percontandi : *Quid ergo erit nobis ?* Ait illi Jesus : *Amen dico vobis.* Verbum confirmationis præmittitur : magnum noveris esse quod sequitur . *Amen dico vobis , quòd vos qui secuti estis me , in regeneratione , cum sederit filius hominis in sede maiestatis suae , sedebitis & vos.* Quid est quod dicit , *in regeneratione ?* (s) aut quæ est hæc nova regeneratio ? Neque enim jam ignoramus , quoniam oportet hominem nasci denuò , non ex sanguinibus , neque ex voluntate viri , sed ex aqua & Spiritu Sancto . Cæterum cum nullatenus ad eam regenerationem valeat hæc promissio pertinere , fortè & altera regeneratione opus esse videtur : nec solum denuò , sed & tertio hominè nasci necesse est . Infelix ego homo , & miserabilis casus meus , cui non una sufficit , cui duplex est necessaria regeneratio . Nimi-

E e 3 rum

rùm ex corpore & anima constitutus, cecidi totus simul, simul totus omninò resurgere non possum. An verò dignum non est, ut ea quæ videtur potior priorquè portio, reparetur? At ipsam sanè animam esse nemo sanæ mentis ignorat. Prior ergo reficiatur, quæ prior corruit: præsertim quòd ab ejus culpa alterius pæna prodierit, & ipsius corruptio corporeæ quoque fuerit causa corruptionis. Regeneretur interim anima (t) & tanquam præscita & prædestinata à Domino, conformis fiat imagini Filii ejus in mansuetudine cordis, & humilitate. Ipsius enim merito te quoque, o misera caro, noveris aliquando regenerandam, & conformandam Corpori Christi in gloria & claritate. *In regeneratione*, inquit (u) *cùm sederit filius hominis in sede majestatis suæ, sedebitis & vos*. Ac si dicat: Consequimini, quem sequimini: ut cùm ipse sederit, & vos pariter sedeatis. Quando enim ille resedit in mundo, quando substitit, quando reclinauit caput? *Exultavit ad currendam viam, benefaciendo pertransiit*, quippè nec nidum, nec foveam, nec locum habens in diversorio: donec opere tandem quod susceperat consummato, sedendi præceptum mereretur accipere, & diceret Dominus Domino meo: *Sede à dextris meis*. Insipiens es tu, qui præsidere eligis magis quàm considerare, quærens in itinere diverticula. Ille ministrare venit, non ministrari: tu supra magistrum, & Domino major, imò nec discipulus profectò nec servus recumbere jam festinas. Paululùm dormies, paululùm dormitabis, paululùm conferes manus: ille salit in montibus, transilit colles. Clamet ad eum anima mea: *Trabe me post te*,

t *Ibidem num. 38.* u *Ibidem cap. 13. num. 29.*

in odore unguentorum tuorum curreremus. Alioquin quando eum remorando, tepescendo, pausando consequi speras? *Exultavit ad currendam viam:* hilarem sine dubio diligit secutorem. Necdum ad bravium pervenisti, necdum apprehendisti metam. Grandis adhuc restat via: noli sistere gradum, noli in medio itinere residere. *In sudore, inquit vultus tui comedes panem tuum, donec in terram de qua sumptus es, revertaris.* Et tunc sanè tempus erit requiei, nimirum quando jam spiritus ipse dicet, ut requiescas à laboribus tuis. Necdum tamen erit consummata pax, necdum perfecta quies, denique necdum sessio plena. *In regeneratione, inquit (x) cum sederit filius hominis in sede majestatis suæ, sedebitis & vos.* Felix regeneratio. Quando enim renascar ad sessionem, miser homo natus ad laborem? O si unquam sedero totus, cujus modò ne minima quidem portio sedet: in quo nihil tranquillum, nihil quietum, sedatum nihil, nihil unquam in eodem permanens statu. *Sedebitis & vos.* O sessio! Quis mihi tribuat, ut dignis exprimam verbis quod de sessione hac, cordis affectione concipio? Imò quis tribuat mihi sessionis hujus imperturbata frui requie quam desidero, quam cupio, quam requiro? Ecce enim dixi: Nil in me sedet, sed cuncta in motu sunt, omnia nutant, fluctuant universa. Postremò ubi concupiscit adhuc caro adversus spiritum, spiritus advesus carnem, quidnam homini sedere videtur? Nec solùm jam concupiscentia pacem impedit, turbat sessionem, vetat esse sedatum: sed duplex quoque secundum corpus miserum hominem contritio vexat, præsentis

videlicet *sensus* doloris, & mortis *metus* futuræ. Nimirum cum & passibile sit corpus & mortale, duplex nihilominus animam agitare sollicitudo videtur spei utique & timoris. Inter hæc nempè fluctuat jugiter, donec peccati corpus inhabitat, ascendens usque ad cælos, & ad iterum usque ad abyssos descendens: tabescens in malis, & ad bona nihilominus inardescens. Erit autem cum luteum hoc egrediens domicilium, à timore quidem penitus liberabitur, sed necdum ab expectatione. Et tunc enim jam non erit timor in finibus nostris, sed in spe singulariter constituti psallemus singuli mente & spiritu. Quod etiam prælibaverat quodammodò qui dicebat: *Convertere anima mea in requiem tuam, quia Dominus benefecit tibi: quia eripuit animam meam de morte, oculos meos à lachrymis, pedes meos à lapsu*. Cæterum de expectatione idem ipse Propheta sic ait: *Me expectant iusti donec retribuas mihi*; Necmodò numerum fratrum ut compleatur, sed & ipsum corpus ut sua regeneratione restituatur, expectant. Imò verò & expetunt cum desiderio, sub Altare Dei vociferantes ad ipsum, ut qui audire meruit, potuit & testificari. Nam corpus quidem illo in tempore sedere quis dicat, dum effluit, & in saniem pulveremquè redigitur? *In regeneratione*, inquit, *(y) sedebitis & vos*. Seminatur enim corpus animale, resurget corpus spirituale. Seminatur in ignominia, surget in gloria. Ubi jam tunc mors victoria tua? Siquidem & tu inimica novissima destrueris. Corpus enim resurrectionis jam non moritur, mors illi ultrà non dominabitur. Sed & dolor & gemitus omnis

nis abscedet, quoniam *absterget Deus omnem lachrymam ab oculis sanctorum, & iam non erit amplius neque luctus neque clamor: sed neque ullus dolor erit ultra, quoniam priora transferunt.* Sedebit igitur corpus immortalitatis & impassibilitatis gemina quadam felicitate dotatum, liberum ab omni necessitate, ab omni corruptione securum, alienum & immune ab omni concupiscentia, plenum gloriâ, configuratum denique claritati corporis Christi. Sedebit & *anima* sicut nil metuens, sic nec cupiens ultra, nimirum, plena beatitudine, & secunda plenitudine fruens; nullos jam cogitationum fluctus, nullos tentationum conflictus, nullos affectionum sentiens motus: sed æternæ illi incommutabilitati prorsus immerfa, & sic adhærens Deo, ut unus jam spiritus sit facta cum eo. Sed quando hæc (z) aut quibus hæc erunt? *Vos* inquit, *qui secuti estis me, cum sederit filius hominis in sede maiestatis suæ, sedebitis & vos.* Jam quidem sedet Filius hominis in sede maiestatis: siquidem ascendens in cælum sedet à dextris Dei. Sed *cum sederit* dictum est, hoc est, cum apparuerit sedens, sicut Apostolus ait: *Cum enim Christus apparuerit vita nostra, tunc & vos apparebitis cum illo in gloria.* Ipse itaque in regeneratione corporum sedebit in sede maiestatis, qui pro animarum regeneratione stetit in ignominioso supplicio Crucis, interrogatus contumeliis pariter & tormentis, necmodò durissima morte, sed & turpissima condemnatus. Quoniam enim obediens Patri factus est usque ad mortem, mortem autem crucis, propter hoc exaltavit eum.

§. IV.

§. I V.

Sed fortassè (a) minùs adhuc firmiter stabilita hæc videantur, si tantùm fuerint subnixa basibus, non etiam desuper cohærentia capitellis. Hinc est quòd minimè suis contentus exemplis Salvator etiam præmia repromittit, ut quem fortè non provocat invitatio præcedentis, trahat vel desiderium retributionis: & si quis voluptuosus est, illum sitiat torrentem voluptatis: si gloriæ cupidus est, aspiret ad illam celsitudinem judicariæ potestatis. *Sedebitis*, ait, & *vos super sedes duodecim, judicantes duodecim tribus Israël*. Ac si dicat: Pro confusione vestra duplici & rubore pars vestra laudabitur. Propterea enim in terra sua duplicia possidebunt, & lætitia sempiterna erit in Christo. In exilio vobis afflictio duplex, humilitatis utique & laboris. Sed consolamini, & nolite deficere, quoniam in terra vestra (in terra utique viventium) duplex vos nihilominùs remuneratio manet, sublimitatis & delectationis. In Sedibus enim quies imperturbata est, in Judicio dignitatis eminentia commendatur. Denique (b) oportet impleri quod dictum est in Psalmo: *Absorpti sunt juncti petrae iudices eorum*. Absorpti planè in affectum justitiæ, & petrae soliditatem cui iuncti sunt imitantes. *Juncti*, inquit, *petrae*: quam profectò solam ut sequerentur, cætera omnia reliquerunt. Nempè hoc est quod interroganti Petro quidnam accepturi essent, petra ipsa respondit: *Cùm sederit filius hominis in sede maiestatis suæ, sedebitis & vos super sedes duodecim, judi-*

a Ibidem cap. 15. num. 50. b Ser. 8. super Psal. 90. num. 11.

*judicantes duodecim tribus Israël. Hæc quoque Propheta Isaias prænuncians ait: Dominus ad judicium veniet cum Senioribus populi sui. Dixit Lucifer ille (c) sed non jam lucifer, sed tenebrifer & vespere: Sedebo in monte testamenti, similis ero Altissimo. O impudens! Millia millium ministrant ei, & decies centena millia assistunt: & tu sedebis? Cherubim (ait Propheta) stabant, & non sedebant: quid laborasti ut jam sedeas? Omnes administratorii sunt Spiritus missi in ministerium propter eos, qui hereditatem capiunt salutis: & tu sedebis? Quid seminasti, ut jam metas? Non est tuum hoc, sed quibus paratum est à Patre. Quid eis invides? Profectò ipsi sedebunt, ipsi inquam vermiculi terræ judicantes sedebunt: & tu non modò non stabis, sed judicandus astabis. Nescitis (ait Apostolus) quia & Angelos judicabimus? Ipsi utique ibant & flebant, mittentes semina sua, venientes autem venient cum exultatione portantes manipulos suos. Duo manipuli sunt, quos quæris lucifer, honoris scilicet & quietis, Sessionem affectas & altitudinem, sed non sic, non sic: non colliges, quia non seminasti. Qui semina-verunt laborem & vilitatem, metent honorem pariter & quietem. Pro confusione enim sua duplici & labore, in terra sua duplicia possidebunt. Quis verò sæcularis honor excogitari potest (d) qui non prorsus in tantæ sublimitatis comparatione vilescat? Non unius siquidem civitatis, aut populi, seu regionis unius, sed Universitatis iudices habent præsidere cum Christo. Nec solùm homines, sed & ipsos An-
gelos*

c Ser. de S. Bened. num. 10. d Tract. de vit. & mor. cleric. cap. 15. num. 51.

gelos judicabunt illi, qui parentem ad modicum vaporem præsentis gloriæ dedignantes & exsufflantes, improprium Christi universis præferunt titulis dignitatum. *Nolite timere pusillus grex, quoniam complacuit Patri vestro dare vobis regnum.* Diffinitum est consilium quod non evacuabitur, propositum immutabile perseverat. Denique juravit Dominus & non pænitebit eum: *Amen dico vobis, quod vos qui secuti estis me, in regeneratione, cum sederit filius hominis in sede majestatis suæ, sedebitis & vos judicantes.* Quid gloriosius potest excogitari? O familiaritatis gratia! (e) ô honoris culmen! ô fiduciæ privilegium! ô prærogativa securitatis perfectæ! Felix paupertas voluntaria (f) omnia derelinquentium, & sequentium Dominum Jesum. Felix planè, quæ tam securos, imò tam gloriosos faciat in illo singulari fragore elementorum, & in illo tremendo examine meritorum, in illo tanto discrimine judiciorum. Judicent nunc & præjudicent superbæ filii (g) cum rege suo sedeant, qui sibi latera Aquilonis elegit. Exaltentur & leventur sicut Cedri Libani: transibimus, & ecce non erunt. Opprimant nunc quos possunt, blasphement, congregent maledicta, veniant super nos opprobria exprobrantium Christo: quoniam merces nostra copiosa est in cælis. Gloriamquè ab invicem habeant, utique vanam & mendacem: quoniam vani filii hominum, mendaces filii hominum. Gloriam enim quæ à solo Deo est, nolunt, veram utique & manentem: quoniam ipse est Veritas, & ipse est qui est. Infelix prorsus

e Ser. 3. m. 1. p. 90. num. 11. f Ibidem num. 12. g Tract. de vit. & mor. cleric. cap. 15. num. 52

sus ambitio, quæ ambire magna non novit, quærens de modico crescere, & de maximo minui. Amant enim cathedras primas, quæ velut grossi ficuum velociter sunt casuræ. Sunt enim grossi primæ quædam ficus prorsus inutiles, solam habentes speciem ficuum, non saporem: nec tam fructus, quam futurorum quædam præfagia sunt fructuum; quas & decidere necesse est, ut eis aliæ humano usui & osui aptæ succedant. Unde Sponsa in Canticis Canticorum ait: *Hyems transit, imber abiit & recessit*. Et post pauca: *Ficus, inquit, protulit grossos suos*: quod videlicet persecutione cessante, inclyta facta sit Ecclesia, posita in superbiam sæculorum. Quam sanè sublimitatem & excellentiam dignitatum congruè satis grossos vocat, ut futura in his moneat potius quam præsentia cogitare. Quæ enim videntur, temporalia sunt: quæ non videntur, æterna. Caveant igitur qui primas cathedras amant, ne contingat carere secundis: & qui primos nunc recubitus eligunt, incipiant cum rubore locum tenere novissimum. *Sedebitis, inquit, super sedes duodecim, judicantes duodecim tribus Israël*. Hæ jam ficus erunt, non utique grossi. Has nimirum Sedes præviderat Propheta, qui de superna Civitate dicebat: *Illic sederunt sedes in iudicio, sedes super domum David*. Illic planè, non hîc. Quomodò enim sedent quas hîc videmus Sedes, quæ toties nutant, toties titubant, toties subvertuntur? Nimirum ergo grossi ficuum sunt, quos tenuis aura deiicit & disperdit. Cæterum quid sibi vult (h) quod duodecim Tribus Israël iudicatu-

etiam

* h. *Ibidem* cap. 16. num. 53.

etiam mundus ipse cognoscitur judicandus ? An quia notus tantum adhuc in Judæa Deus, Uniuersitatem Fidelium appellatione duodecim Tribuum voluit designari, & quasi solas meminit judicandas propter illud : *Qui non credit, iam judicatus est?* Hæc enim est Perfectorum gloria singularis, inter ipsos etiam eminere Fideles, & cæteris quoque salvandis præeminere auctoritate judicariæ potestatis : ut juxta illud de Psalmo, *sedeant super domum David*. Quid istud miseriæ est, quod ad verbum tantæ promissionis negligentia humana dormiat? *Sedebitis super sedes duodecim* (i) *judicantes duodecim tribus Israël*. Ecce quies sessionis, & honor judicii. Nam & ipse Dominus ad hæc noluit pervenire, nisi per humilitatem & laborem : utique ut inimicus (*lucifer*) induatur confusione ipse, pariter & omnes qui imitantur eum, & prætergrediuntur viam.

§. V.

Hinc meritò dicit Dominus : (k) *Popule meus, quid tibi debui facere, & non fecit?* Quid causæ est, quod inimico meo vestroquæ libet magis servire quàm mihi? Neque enim ille creavit vos, sed nec pascit quidem, aut tempora vestra ipse disponit. Si parva hæc videntur ingratis : non ille, sed ego redimi vos. Sed quò precio? Non utique corruptibilibus auro & argento, non Solè vel Lunâ, non saltem aliquo Angelorum, sed proprio vos Cruore redemi. Cæterum si neque tam multiplici jure debitum à vo-

i Ser. de S. Bened. num. 10. k Tract. de vit. & mor. cleric. cap. 16. num. 53. 54. & 55.

à vobis elicere est famulatum, omnibus his omnibus, mecum saltem ex diurno denario convenite. Quid ad hæc conscientia humana respondet? Cum improperari cæperint hæc in die judicii, quomodo miseri sustinebunt? Quid excusationis poterunt habere de peccato? Numquid tunc dicere incipient: Modò, ecce modò, sine paululùm? Sic enim nunc dissimulant infelices, & modò & modò non habet modum: &, sine paululùm, in longum vadit. Bonus est, inquiunt, Deus qui in proximo juvat. Magna quidem Divina promissio, sed longa valdè dilatio, & molesta expectatio est. Terrenas deferere sortes, & necdum obtinere cælestem, afflictio est intolerabilis, & inconsolabilis dolor. Quid accelerare necesse est, ut miseria prolongetur? Misera prorsus & seductoria est cogitatio. Nova siquidem hæc querela est, nec prolixiorẽ vitam filii hominum hætenus causabantur. Breves dies hominis sunt, donec conscientia stimulante, de pænitentia & conversione vel intus à Spiritu, vel foris commoveantur ab homine. Postremò quid de incerto fine, & quid de certa brevitate laboris, retributionis æternitate loquar? Novit Dominus figmentum nostrum, consulit pusillanimitati nostræ, humanæ obviat cogitationi, anxietatem abigit, prævenit trepiditationem. Sequitur enim: *Et omnis qui reliquerit patrem, aut matrem, aut domum, aut agrum propter nomen meum, centuplum accipiet, & vitam æternam possidebit.* Quid ultra dicetis filii hominum (1) quando & in hoc mundo tanta vobis promissa sunt, ut dormiatis inter medios cleros, de quibus paulò ante

cau-

1 *Ibidem cap. 17. num. 56.*

causabamini: & exeuntes de sorte terrena amplior statim excipiat consolatio, quâ nonmodò patienter, sed etiam gratulanter expectetis sortem Sanctorum in regeneratione promissam? Siquidem & expectatio justorum lætitia est. *Centuplum*, inquit, *accipiet, & vitam æternam possidebit*. Habetis filii Adam promissionem vitæ ejus quæ nunc est, pariter & futuræ, ut obstruatur omne os loquentium iniqua, & *confundantur omnes iniqua agentes supervacue*. An non *supervacue* penitus agit iniqua, qui nonmodò fructuosius sed etiam jucundius, non modò salubrius sed etiam suavius Deo poterat servire quàm mundo? Et attende quod Petro quidem Dominus tantum de futuro respondit. Neque enim super his quæ experiebatur præsentialem, hæsitare poterat, aut opus habebat interrogare. Denique non quid nobis est dixit, sed, *quid erit?* An verò quis dubitat (m) instantis esse temporis Centupli promissionem? Manifestè id quidem ipsa verborum consequentia probat, ubi Centuplum accepturi, & possessori dicimur vitam æternam. Cæterum ne quis omnino impudenti remaneat obstinationi locus, mitto vos ad Evangelium secundum Marcum, ubi promissio eadem descripta manifestius invenitur. Ait enim Dominus: *Nemo est qui reliquerit patrem, aut matrem, aut filios, aut agros, aut domum propter me, & propter Evangelium: qui non accipiat centies tantum nunc in tempore hoc*. Atque ut vehementius admiretur carnalis anima non percipiens quæ sunt Spiritus Dei, sed stultitiam reputans, addit signanter, *cum persecutionibus*. Fortè enim cum au-

dis-

diffet in tempore hoc Centuplum promitti, conjectabatur etiam de temporalibus exhiberi: sed præripit hunc intellectum nomen additum *persecutionis*. Quid enim terrenæ est consolationis, quod non facile terrena persecutio tollat? Quid terrenum inter persecutiones Sancti Martyres acceperunt, quando & ipsa quoque beatorum Corporum terra data est in manus hominum impiorum? Interim tamen undecunque Centuplum sint accepturi, dummodò sit Centuplum, dum valeat centupliciter; centupliciter placeat, consoletur, delectet, ametur. Quid insanix est, quòd cunctantur homines relinquere simpla pro Centuplis? Ubi est cupidus, ubi ambitiosus, ubi conquisitor hujus sæculi? Quid ad fidele negotium & nundinas questuosissimas avaritia intepuit & obdormivit humana? Cui id Judæo negares ô homo, qui in vanum accepisti nomen Domini nostri Jesu Christi? Cui sacrilego dare quidquid habes, pro Centuplo cunctareris? Sed execrabilis tibi est manus Domini, ut nullam ab eo commutationem recipere, non ei in ratione dati vel accepti communicare penitus acquiescas. An fortè non ex odio (n) sed ex incredulitate detractas? Nam id mihi fateor credibilius est. Nemo enim perire magis optaret minimæ cujuscpiam consolationis obtentu, quàm in maxima exultatione salvari. Sed non est omnium fides, ne eorum quidem qui nominetenus sunt fideles. Poteram sanè multorum vobis exempla proponere, multos producere testes, qui id profectò sic crediderent, sic sentiunt, sic audierunt, sic experiuntur. Abundat hujusmodi testimoniis, hujusmodi carbonibus

F f deso-

n *Ibidem num. 58.*

desolatoriis omnis natio regionis, & omnis lingua, ubique sanctorum Congregatio est. Sed quando humanis credat experimentis, qui Veritati non credit promittenti? Illud ergo vehementius arbitror admirandum, quod fideles magis in maximo quam in modico videamini. Non enim difficile est ei dare Centuplum in presenti, qui daturus est vitam æternam in futuro. Qui daturus est quod nec oculus vidit, nec auris audivit, nec in cor hominis ascendit: nonne modò Centuplum dare potest? Sed quomodò, inquis (o) possunt hæc fieri? Qua ratione accipit Centuplum, qui nihil sibi relinquit ex omnibus? Nempè hoc est quod paulò ante commemoravi. *Tollite iugum meum super vos, & invenietis requiem.* Mira novitas, sed ejus qui nova omnia facit. Jugum tollens invenit requiem, relinquens omnia Centuplum habet. At fortè adhuc (p) secularis ad hæc quispiam dicat: Ostende mihi Centuplum quod promittis, & libens universa relinquo. Ut quid ostendam? Fides enim non habet meritum, cui humana ratio præbet experimentum. An potius homini ostendenti, quam Veritati crederes promittenti? Deficis scrutans scrutinio. Nisi credideris, non intelliges. *Manna* absconditum est, quod in Apocalypsi Joannis victori promittitur. *Novum nomen* est, quod nemo scit nisi qui accipit. *Manna*, inquam, est (q) omnem saporem habens, & odoris delectationem: & *requies* est vera & sincera, suavis & salubris, jucunda & sancta. Hæc promissio est vitæ præsentis. Porro *datum optimum* est Centuplum

o Ibidem cap. 18. num. 59. p Ibidem cap. 22. num. 68. q Ser. 4. super Psal 90. num. 2. & 3.

plum hoc (r) defursum descendens à Patre luminum. Hoc Centuplum *adoptio filiorum* est, *libertas* & *primitiæ spiritûs*, *deliciæ charitatis*, *gloria conscientiæ*, *regnum Dei*; quod intra nos est: non utique *esca* vel *potus*, sed *justitia* & *pax*, & *gaudium in Spiritu Sancto*. Gaudium sanè non modo in spe gloriæ, sed etiam in tribulationibus. Hic est *ignis*, quem voluit Christus vehementer accendi. Hæc est *virtus* in alto, quæ Andream fecit amplecti crucem, Laurentium ridere carnificem, Stephanum pro lapidantibus flectere genua ad orationem. Hæc est illa *pax*, quam reliquit Christus, quando dedit & suam. Siquidem donum & pax est electis Dei: pax utique præsentis, & donum futuræ. Illa superat omnem sensum: sed & huic quidquid sub Sole placet, quidquid in mundo concupiscitur, non poterit comparari. Hæc est *gratia devotionis*, & *unctio* docens de omnibus, quam expertus novit, inexpertus ignorat: quoniam nemo scit nisi qui accipit. Quæ quidem *gratia devotionis* (s) non inter vitæ æternæ præmia, sed inter temporalis militiæ stipendia deputatur: nec ad futuram pertinet, sed ad eam magis quæ nunc est Ecclesiæ promissionem. Hoc denique Centuplum est, quod in hoc sæculo sæculi contemptoribus exhibetur. Sed ne tibi illud nostro speraveris eloquio commendandum, solus Spiritus est qui revelat: sine causa paginam consulis, experientiam magis require. Sapientis est cujus præcium nescit homo, de occultis trahitur: nec in terra suaviter viventium invenitur hæc suavitas. Nimirum suavitas

Domini est, nisi gustaveris, non videbis. *Gustate*, inquit, & *videte quoniam suavis est Dominus*. Manna absconditum est, nomen novum est, quod nemo scit nisi qui accipit. Non illud eruditio, sed unctio docet: nec scientia, sed conscientia comprehendit. Si enim Christus solum promitteret regnum (t) & in itinere deesset viaticum, omnino conquererentur homines, & responderent: Magnum quidem est quod promittitur, sed perveniendi illuc nulla facultas datur. Propterea qui post hoc sæculum vitam æternam promisit, ipse dandum etiam in hoc sæculo Centuplum providentissima pietate promisit. Utinam hæc filiorum hominum concupiscentia vigilet (u) utinam vel curiositas excitetur, ut dicant in cordibus suis: Non videtur hoc verbum adinventionis humanæ, cui sic consonant uno ore testimonia Scripturarum. Quod si ita est, sine dubio vehementer erramus. Probare libet an hæc ita se habeant, gustare quid hoc absconditum manna sapiat, experiri quid sit hoc Centuplum, quale gaudium in in Spiritu Sancto. Cras profectò respondebit ei iustitia sua, qui id studiosè quæsierit. Confestim, ut gustaverit, videbit quàm suavis est Dominus, quoniam bonus non modò tenenti, sed & quærenti se, animæ speranti in se. Alioquin venite & arguite me, dicit Dominus, si non omnis qui reliquerit patrem & matrem, aut domum, aut agrum propter nomen meum, Centuplum acceperit nunc in hoc tempore: parum est, & vitam æternam possidebit. Fatigavimus vos prolixitate sermonis (x) & deti-

nui-

t *Ser. 4. super Psal. 92. num. 1.* u *Tract. de vit. & mor. cleric. cap. 22. num. 70.* x *Tract. de convers. ad cleric. cap. 18. num. 32.*

nuimus ultrà quàm oporteret. Ex hoc jam finem loquacitati nostræ, quem non imperat verecundia, videtur imperare vel hora. Mementote tamen Pauli Apostoli, quem aliquando verbum prædicationis usque in mediam noctem legitis protraxisse. *Utinam adhuc (ut ipsius verbis utar) sustineatis modicum quid insipientiæ meæ. Æmulor enim vos Dei amulatione.* Ipse autem (y) det vobis ea quæ dicuntur, non solum tenere memoriter, sed & arden- ter diligere, & efficaciter adimplere Sponsus Eccle- siæ Jesus Christus Dominus noster, qui est super omnia Deus benedictus in sæcula. Amen.

DEO GRATIARUM ACTIO, ET BEATO BERNARDO.

Servo ejus dulci & fideli.

S. Bonavent. Conclus. tract. medit de vita Christi.

PHILOSOPHIÆ CHRISTIANÆ

Pars Quarta.

De gestis in monte Calvariæ, in quo
Christus est crucifixus & exaltatus
pro redemptione generis
humani.

*Et erit in novissimis diebus preparatus
mons domus Domini in veritate mon-
tium, & elevabitur super cætes, & fluent
ad eum omnes Gentes. Et ibunt populi
multi, & dicent: Venite, & ascenda-
mus ad montem Domini, & ad domum
Dei Jacob: & docebit nos vias suas, &
ambulabimus in semitis ejus. Ait Isaias
cap. 2.*

PROEMIUM.

*Vadam ad montem myrræ, & ad collem
thuris. Cant. 4-*

Veni-



ENITE (a) & ascendamus in hunc montem, Fratres. Si autem via nobis videtur ardua, exoneremus nos: si arcta, etiam exinanire nos non parcamus: si longa, tantò magis festinemus: si laboriosa, clamemus Domino: Tra-

he nos post te, in odore unguentorum tuorum curremus. Felix qui sic cucurrit, ut comprehendat, imò ut ipse comprehendatur, & in illam amplitudinem montis & plenitudinem Corporis Christi mereatur admitti. Felix qui in illum beatificum montem tam desideranter & perseveranter ascenderit, ut in loco sancto locum accipiens stationis, Deo Patri in Sancto ejus appareat, simul & videat virtutem ejus & gloriam: haud aliam sanè quàm eundem ipsum montem montium, montem cogulatum & pinguem, Jesum Christum Dominum nostrum. In quo nimirum per prædestinationem ab æterno apparuit ei qui dilexit nos, & gratificavit in dilecto Filio suo, in quo elegit nos ante mundi constitutionem. Venite ergo [b] ascendamus in montem Domini, vel locum, ubi Dominus videt, vel videtur. In recordatione hujus montis Dei totus exulto (c) & primitias Sancti Spiritus, & pignus gratiæ in spe crescentis in eo religionis devotus adoro. Nam & ipsum montis Dei nomen bonæ spei præfert omen, scilicet quodd (sicut Psalmista dicit de monte Dei)

Ff 4

habi-

S. Bernard. Abb. juxta ejus libror. edit. auctore Horstio in VI. Tom. impr. Parisiis ann. 1663. a Ser. 33. diver. n. 9. b Lib. 1. de amore Dei cap. 1. n. 1. c Tract. de vit. solit. cap. 2. num. 8. tom. 5. pag. 230.

habitura sit in eo generatio quærentium Dominum , quærentium faciem Dei Jacob : innocens manibus & mundo corde , qui non accepit in vano animam suam . Inveniet enim locum tabernaculi admirabilis (d) ubi panem Angelorum manducet homo . Inveniet paradysum voluptatis plantatum à Domino : inveniet hortum floridum & amænissimum : inveniet refrigerii sedem , & dicet : O si audiat vocem meam misera illa voluntas , ut ingrediens videat bona , & visitet locum istum : hîc nimirum inveniet requiem ampliore , & me quoque eò minùs inquietabit ipsa . Neque enim mentitur qui dixit : *Tollite iugum meum super vos , & invenietis requiem animabus vestris.* In hujus fide promissionis exacerbata blandiùs alloquatur voluntatem , & simulata quadam hilaritate & spiritu mansuetudinis eam conveniens dicat : Cesset penitùs indignatio tua : non ego sum qui te offendere possim : tuum est corpus , tuus & ego ipse : non est quod timeas , non est quod verearis . Nec mirum , si fortè amarius adhuc reddiderit illa responsum ut dicat , quia multæ cogitationes ad insaniam nos adduxerunt : sustineat interim æquanimiter , ac dissimulet omninò quod agitur , donec inter loquendum inducens alia pro aliis , opportunè aliquando inferat dicens : Inveni hodie hortum pulcherrimum , & amænissimum locum : bonum esset illic nos esse : nam & tibi nocet in hoc lecto ægritudinis , in hoc doloris strato versari , in hoc cubili tuo gravi corde compungi . Aderit Dominus quærenti se , animæ speranti in se , aderit votis supplicibus ,

&

d *Tract. de Convers. ad Cleric. cap. 2. num. 24. e Ibidem cap. 23. num. 25.*

& verbis ejus efficaciam ministrabit. Excitabitur desiderium voluntatis, ut nonmodò videre locum, sed & introire paulatim, & mansionem inibi facere concupiscat. Nec verò (e) locum reputes corporalem paradisum hunc voluptatis internæ. Non pedibus in hunc hortum, sed affectibus introitur. Nec terrenarum tibi commendatur arborum copia, sed virtutum utique spiritualium jucunda decoraquè plantatio. Hortus conclusus est, ubi fons signatus in quatuor capita derivatur, & ex una Sapientiæ vena virtus quadripartita procedit. Splendidissima quoque inibi lilia vernant: & cùm flores apparent, etiam vox turturis auditur. Illic nardus Sponsi fragrantissimum præstat odorem, & cætera quoque aromata fluunt, Austro spirante, Aquilone fugato. Ibi media est arbor vitæ, malus illa de Cantico cunctis preciosior lignis sylvarum, cujus & umbra Sponsam refrigerat, & fructus dulcis gutturi ejus. Ibi continentia nitor, & sinceræ veritatis intuitus oculos cordis irradiat. Auditui quoque dat gaudium & lætitiā dulcissima vox consolatoris interni. Ibi quibusdam fidei naribus influit jucundissimus odor agri pleni, cui Dominus benedixit. Ibi avidissimè prælibantur incomparabiles deliciae charitatis, & succis spinis ac vepribus quibus antea pungebatur, unctione misericordiæ perfusus animus in conscientia bona feliciter requiescit. Curramus ergo non passibus corporis (f) sed affectibus mentis, sed desideriis, sed suspiriis: quoniam non solum Angeli, sed Angelorum Creator nos expectat. Ascendamus in Calvariae

f Tract. de cognit. hum. condit. cap. 6. num. 18.

riæ locum [g] ubi verus Elifæus, *Christus*, ab insensatis pueris irrisus, risum suis insinuavit æternum, quibus ait: *Ecce ego, & pueri mei, quos mihi dedit Deus*. Boni pueri, quos per contrarium illorum malignantium ad laudem excitat Psalmista, dicens: *Laudate pueri Dominum, laudate nomen Domini*: quatenus in ore sanctorum infantium & lactentium perficiatur laus, quæ ex ore defecerat invidorum, eorum utique de quibus queritur ita: *Filios enutrivì & exaltavi, ipsi autem spreverunt me*. Ascendit itaq; Calvaria locum Calvus noster, *Christus*. Ibi mundo pro mundo expositus est: & revelata facie & discooperta fronte purgationem peccatorum faciens, probrosæ & austeræ mortis non tam erubuit ignominiam, quàm nec pœnam exhorruit: ut nos opprobrio sempiterno eriperet, restitueret gloriæ.

C A P U T I.

De vino myrrhato, quo potatus est Christus ante crucifixionem suam.

1. *Ostenditur, Christum cum gustasset vinum myrrhatum, ideo noluisse illud bibere, quia indicabat nimiam acerbicatem invidiæ crucifixorum. Monemur abstinere à calice demoniorum, per quem significatur invidia peccatum. Ostenditur, Luciferum esse authorem invidiæ, quam conceperat in calo, & peperit in paradiso.*
2. *Ostenditur, Christum ideo noluisse bibere amarum potum, ut nos prius bibentes*

res amaritudinem penitentiae, postea experiamur
vinum iucunditatis spiritualis. Triplex est mysti-
cum vinum quo inebriantur homines. Austeritas
vini designat zelum fervidum. Oleum designat
spiritum mansuetudinis. 3. Ostenditur triplex
esse vinum Dei. Monemur emere vinum & lac.
Traditur modus comedendi & bibendi fructum
redemptionis nostrae.

§. I.

Et postquam venerunt in locum, qui vocatur
Calvariae, dederunt ei vinum myrrhatum bi-
bere cum felle mixtum: & cum gustasset,
noluit bibere. Luc. 23. Matt. 27.

FRactus membris omnibus dulcis Jesus [a] vo-
luit puniri & linguam. Dedit ergo ei illa vitis
aliena conversa in amaritudinem de fructu suo po-
tum amarum, potum non potandum, sed potius
degustandum. O Vitis dulcissima bone Jesu (b)
hunc cunctis fructum reddit tibi vinea tua, quam de
Aegypto transtulisti? Expectaveras patienter usque
ad hunc diem nuptiarum tuarum, ut faceret uva,
fecit autem labruscas. Ecce in quantam amaritudi-
nem conversa est vitis non jam tua, sed aliena. Pa-
rum erat sacrilegis illis crucifigere te (c) nisi prius
& ipsi illusionibus replevisent Animam tuam.
Quid enim ait de illis Scriptura? Et peremerunt
eum in Golgotha, & vinum myrrhatum dabant ei
bibe-

a Tract. de vite myst. cap. 13. num. 53. b Ibidem cap. 5. num. 24.
c Ser. de Pass. Dom. num. 12.

bibere cum felle mixtum: & cum gustasset, noluit bibere. Proinde vinum myrrhatum cum felle mixtum (d) suspectum mihi est, pro eo quod Christus ex eo bibere noluit: quia nimiam acerbicatem invidiæ & nequitiae crucifixorum suorum indicabat. Non debet homo (e) bibere calicem dæmoniorum. Calix dæmoniorum detractio & invida est. Homo invidus (f) membrum est diaboli, cujus invidiâ mors introivit in orbem terrarum. Invidia cuncta germina virtutum concremat. Invidia cuncta bona pestifero ardore devorat. Invidia tinea est animæ. Invidia prius nocet sibi, quàm alteri. Invidia prius seipsam mordet, quàm alterum. Invidia primum suum mordet auctorem. Invidia sensum hominis comedit, pectus urit, mentem lacerat, cor hominis quasi quædam pestis depascit. Invidus alienum bonum (g) suum facit invidendo peccatum. Basiliscus venenum in oculo gerit[h] pessimum animal, & præ omnibus animalibus execrabile. Nosse cupis oculum venenatum, oculum nequam, oculum fascinantem? Invidiam cogitato, Quid verò invidere, nisi malum videre est? Si non esset ille basiliscus, nunquam per ejus invidiam mors intrasset in orbem terrarum. Quod dico[i] tale est. Putasne Lucifer ille qui manè oriebatur, sed præproperè elevabatur: antequam verteretur in tenebras, generi nostro inviderit & ipse olei effusionem, ut per seipsum jam tunc indignabundus mustitaret dicens intra se quodammodo: *Ut quid perditio hæc?* Hoc ego non asse-

ro

d Ibidem n. 21. e Epist. 2. n. 10. f Tract. de modo bene viven. cap. 34. g Tract. de Interior. domo cap. 23. num. 53. h Ser. 13. super Psal. 90. num. 4. i Ser. 17. in Cant. num. 5.

ro dicere spiritum malignum, sed nec contradicere dico. Potuit enim contingere (si tamen incredibile non putetur) plenum sapientiâ & perfectum decore, homines præscire potuisse futuros, etiam & profecturos ad parem gloriam. Sed si præscivit, in Dei Verbo absque dubio vidit, & in livore suo invidit: & molitus est habere subjectos, socios dedignatus. Infirmiores sunt, inquit, inferiores quæ naturâ: non decet eos concives, nec æquales in gloria. An fortè prodit impiam hanc ejus machinationem illa præsumpta ascensio sessioquæ significans magisterium? *Ascendam*, inquit, *super montem excelsum, & sedabo in lateribus Aquilonis*: quo Altissimi quandam proinde similitudinem obtineret, si quemadmodum ille super Cherubim sedens gubernat omnem Angelicam creaturam, ita & ipse altus sederet, regeretquæ genus humanum. Absit. Iniquitatem meditatus est in cubili suo, mentiatur iniquitas sibi. Nos alium non cognoscimus judicem quàm Auctorem. Non diabolus, sed Dominus judicabit orbem terræ: ipse est Deus noster in sæculum sæculi, ipse reget nos in sæcula. Ergo Lucifer in cælo concepit dolorem (k) & in paradiso peperit iniquitatem, prolem malitiæ, matrem mortis & ærumnarum: omniumquæ vitiorum prima parens superbia. Nā etsi invidiâ diaboli mors intravit in orbem terrarum, initium tamen omnis peccati est superbia. Væ homini misero (l) quodd invidum non prævidit. Superemus saltem nos vitium hoc dum adhuc vivimus, si post mortem volumus ministrum tantæ nequitiae non timere. Nemo alterius bonum invido aspiciat oculo.

Nem.

k Ibidem num. 6. l Ser. 13. super Psal. 92. num. 4.

Nempè hoc ipsum jam quod in se est, tabe sua illud
 inficere, & quodammodò interficere est. Qui ho-
 minem odit, homicidam illam Veritas ipsa testa-
 tur. Quid & ille qui bonum odit in homine, num-
 quid non homicida poterit appellari? Adhuc vivit
 homo, & ille jam reus est mortis ejus. Adhuc ardet
 ignis, quem Dominus Jesus misit in terram, & in-
 vidus tanquam qui spiritum extinxit, jam damna-
 tur. Confiteor & ego (m) quoniam invidia sæpissi-
 mè cor meum laniavit. Per invidiam namque,
 sanctè viventium merita, mea feci invidendo pecca-
 ta. Nam bona, quæ ab eis fieri vel dici audiebam,
 vera omninò non credebam: ipsas res benè gestas,
 in malum malè interpretando convertebam. Om-
 ne malum, quod de illis mendax fama jaclabat, sta-
 tim tanquam si ego vidiissem, credebam. Omnia
 mala meis æmulis fingebam, & ex profectu eorum
 deficiebam. Hæc verò odia intra me abscondebam,
 & in meos cruciatus enutriebam: proficientibus in-
 videbam, peccantibus favebam, de malis eorum
 gaudebam, & de profectibus lugebam. Igitur (n)
 contra invidiam occurrat bonitas, charitas præpare-
 tur adversus invidiam. Ad commendationem cha-
 ritas [o] contra invidiam dicit Dominus: *Diligite ini-
 micos vestros, benefacite his qui vos oderunt, & ca-
 lumniantibus vos: ut sitis filij Patris vestri, qui So-
 lem suum oriri facit super bonos & malos, & pluit
 super justos & injustos.*

Et

S. I I.

Et perduxerunt Jesum in Golgotha, quod est interpretatum Calvaria locus: & dabant ei bibere myrrhatum vinum, & non accepit. Mar, 15.

Cognosce anima mea [p] cognosce: Hic est Dominus Deus noster, Jesus Christus Salvator tuus, Unigenitus Dei Filius, verus Deus, verus homo: qui solus sub Sole sine macula inventus est. Et ecce [q] myrrhâ in passione potatus est. Electe pueri Dei mei [r] quid tanta amaritudine, quid tanta confusione dignum commiseras? Prorsus nihil. Ego ego homo perditus, totius perditionis tuæ causa extiti. Ego Domine uvam acerbam comedi, & dentes tui obstupuerunt: quia quæ non rapuisti, exolvebas. Nec sufficit te vulneratum esse (s) quin & super dolorem vulnerum tuorum addunt, dantes tibi sitienti vinum myrrhatum cum felle mixtum. Non uno (t) eodemque modo omnes qui ebrii fuerint, inebriantur. Aliud est vinum *malitiæ*, quod effluit de uva fellis, & à diabolo initium habuit, qui amaritudinem peccati & mortis humano generi propinavit: quo inebriantur homines iniqui conformes facti ei. Aliud est vinum *molestiæ*, quod emanat de labrusca conditionis humanæ: quæ Domino suo acetum iniquitatis apposuit. Hoc vino quisquis inebriatur, non injustè, sed merito peccati sui, à Deo hoc perpeti com-

o Tract. de vite myst. cap. 6. num. 29. p Ser. de Pass. Dom. n. 15.
q Ser. 2. in Cena Dom. n. 7. r Ser. de Pass. Dom. n. 11. s Tract. de vite myst. cap. 5. n. 25.

comprobatur . Aliud est vinum *gratiæ*, quod ex botro Cypri , idest Conditoris largitate decurrit : & hoc est mustum, quo Sponsi filii inebriantur , quod mittitur etiam & in utres novos . Profectò [u] dulce pigmentarium apponitur invitatis ad lætificandum de Cyprio vino, & preciosis & peregrinis (quia nobis adhuc inexpertis) speciebus conditum . *Botrus* (inquit Sponsa) *Cypri* , *dilectus meus mihi*. Præmissum erat in proximiori versiculo: *Fasciculus myrrhæ dilectus meus mihi*, scilicet Christus secundum carnem : *Botrus* verò *Cypri* , Christus est secundum Deitatem . *Fasciculus myrrhæ* , Christus est in passione : *Botrus Cypri* est Christus in resurrectione . *Fasciculus myrrhæ* , grando & tonitrua Judaicæ tempestatis: *Botrus Cypri* destructio est totius adversæ potestatis . *Fasciculus myrrhæ* multitudo est afflictionum: *Botrus Cypri* abundantia est gaudiorum : illinc amaricans , isthinc inebrians . Si dilectus in myrrha [x] multò magis in botri suavitate . Ergo Dominus meus Jesus myrrha mihi in Passione , botrus in Resurrectione , seipsum mihi saluberrimum temperavit in potum , in lachrymis in mensura . Itaque & tu ò homo si peccata luxisti , bibisti amaritudinem : si autem jam respirasti in spem veniæ vitæ sanctiori , mutata est tibi myrrhæ amaritudo in vinum quod lætificat cor hominis . Et fortassis hoc illud significaverit quod Salvatori oblatum est in passione vinum myrrhatum , & ided noluit bibere , quoniam istud sitiebat . Tu ergo si post myrrhæ (ut dixi) amaritudines , vinum jucunditatis experieris ,

haud

t lib. sentent. num. 17. tom. 6. pag. 996. u Ser. 2. in Cana Dom. num. 8. x Ser. 44. in Can. num. 1.

haud temerè & ipse dicere poteris: *Botrus Cypri dilectus meus mihi in vineis Engaddi*. Engaddi duplicem habet interpretationem, & uni ambæ intellectui serviunt. Dicitur namq; fons hædi, qui & baptisma Gentium, lachrymasquè peccantium apertè designat. Dicitur & oculus tentationum, qui & lachrymas æquè fundat, & tentationes quæ minimè unquam desunt vitæ hominis super terram, prospiciat. Sed & populus Gentium qui ambulabat in tenebris, nunquam per se laqueos tentationum agnoscere, ac per hoc nec evadere potuit, donec per gratiam illius qui illuminat cæcos, recepit oculos fidei: donec venit ad Ecclesiam, quæ habet oculum tentationis: donec se tradidit viris spiritualibus instruendum, qui illuminati spiritu sapientiæ, suo & aliorum experimèto edocti possunt veraciter dicere: *Quia non ignoramus astutias diaboli, & cogitationes ejus*. Ferunt in Engaddi arbusculas balsami crescere (y) quæ in modum vinearum ab indigenis excoluntur: & inde forsitan *vineas* appellavit. Alioquin quid faceret botrus Cypri in vineis Engaddi? Quis unquam botros de vineis in vineas transportavit? Solet siquidem vinum, ubi deest, aliundè evehi, non ubi adest. Ergo *vineas* Engaddi dicit plebes Ecclesiæ, quæ habet balsami liquorem, spiritum mansuetudinis, in quo parvulorum adhuc in Christo teneritudinem blandè fovet, & dolores pœnitentium consolatur. Sed et si quis frater in aliquo delicto præoccupatus fuerit, vir Ecclesiasticus qui hunc spiritum jam accepit, curabit hujusmodi mox instruere in eodem spiritu lenitatis, considerans seipsum, ne & ipse tentetur. In

G g

hoc

hoc typo quotquot baptizandi sunt , etiam corpora-
liter Ecclesia oleo materiali ungere consuevit . Quia
verò vulnera illius (z) qui incidit in latrones , & ju-
mento corporis pii Samaritani Ecclesiæ est deporta-
tus in stabulum , non in solo oleo , sed in vino simul
& oleo sanitatem recipiunt : necessarium habet spi-
ritualis medicus etiam vinum fervidi zeli cum oleo
mansuetudinis, cui sanè convenit nonmodò consola-
ri pusillanimes , sed & corripere inquietos . Si enim
viderit illum qui vulneratus est , id est , qui peccavit,
blandis aut lenibus hortamentis quæ in eum præro-
gata sunt , minimè emendatum , magis autem fortè
etiam abutentem sua mansuetudine, & patientiâ ne-
gligentiorem fieri , & in peccato suo etiam securiùs
obdormire: frustrato tam suavium oleo monitorum,
oportebit sanè mordacioribus uti medicamentis , &
vinum compunctionis infundere , duris videlicet
cum eo increpationibus atque invectionibus agere ;
et si causa requirit, & duritia tanta est , etiam censuræ
Ecclesiasticæ baculo percellere contemptorem . Sed
unde illi hoc vinum ? Nec enim in vineis Engaddi
vinum invenitur , sed oleum . Quærat ergo in Cy-
pro , nam illa Insula ferax est vini , & vini optimi :
tollatquè inde sibi ingentem botrum , quem olim ex-
ploratores de Israël in vecte ferebant, chorum Pro-
pheticum præcedentem , & subsequentem Apostoli-
cum , medium autem Jesum pulchro schemate figu-
rantes . Hunc autem botrum accipiens sibi dicat :
Botrus Cypri dilectus meus mihi .

Tri-

§. I I I.

Triforme vinum (a) est in scypho Dei. *Rubicundum*, in longanimitate sanctorum, quod lætificat Isaac in ægritudine. *Album*, in remuneratione iustorum, quo ebriatur Noë. Nigrum & acidum, in damnatione pravorum, quod Jesus gustat sed non vult bibere. Duo sunt emenda ab eo (b) qui ait: *Venite, emite absq; argento & absq; ulla commutatione, vinum & lac*. Non ignoratis fratres, quid lactis dulcedo, quid vini designet austeritas. Quid est autem emere sine argento & sine commutatione? Non talis est emptio apud amatores hujus sæculi, sed apud Auctorem sæculi alia esse non potest. Propheta enim dixit Domino: *Deus meus es tu, quoniam bonorum meorum non eges*. Quam igitur commutationem ei dabit homo pro gratia sua, qui nullius eget, & cujus sunt universa? Gratia gratis datur; etiam cum emitur, gratis emitur: quia quod datur pro ea, nobis melius retinetur. Audite denique (c) quod dicitur in Psalmo: *Ostendisti populo tuo dura*. Quæ dura? *Potasti nos vino compunctionis, non lacte unctionis*. Notandum verò est, quod quibusdam in Religione viventibus apponitur lac ad bibendum, quibusdam etiam vinum: sed tamen utrumque Divinum. Bibunt illi lac, quibus & vigiliæ breves, & cibi dulces, & labores appetibiles, & panni suaves videntur: quibus etiam parum est illud, quod magnum est in exercitiis sanctæ conversationis. Lac enim

G g 2

sua-

a Lib. sentent. num. 43. b Serm. 2. de Resurrect. Dom. num. 6.
c Tract. de Conscientia cap. 3. num. 4. tom. 6. pag. 871.

suaviter bibitur, dulciter liquatur, sine læsione, sine amaritudine. Ita & isti in sancto proposito suaviter incedunt, dulciter currunt, sine læsione propriæ conscientiæ, sine amaritudine alienæ. Hoc habet proprium qui hujusmodi lac bibit, ut ei peccatum suum displiceat: ut alieno peccato non consentiat: ut propter hæc peccatorem non deserat: ut vitium ejus in quantum in ipso est, non dissimulet: & cum corriperit, non insultet. Ecce de potu lactis. (d) Audite de vini potu. Vinum quippe asperum est, & insuave. Vinum bibunt hi qui vias vitæ aggressi & ingressi, tribulationibus corporis & animæ pariter contorquentur, sed non cedunt neque recedunt in tribulatione. Isti sunt quibus ipse Dominus ore proprio prædicat & prædicit: *Vos estis*, inquit, *qui permansistis mecum in tentationibus meis*. Sed quis horum tibi videtur, vel ille qui in suavitate, vel ille qui in asperitate currit viam mandatorum Dei? Primus videtur esse felicior, secundus fortior: uterque tamen justus, uterque pius, habentes proprium donum ex Deo, alius quidem sic, alius verò sic. Vis nosse quia in utroque beneplacitum est coram Deo? *Bibi*, inquit, *vinum meum cum lacte meo*. Qui enim primum à tentatione liberat, secundum in tentatione confortat: & sic alter experitur quoniam suavis est Dominus, alter verò quoniam fortis est Dominus. Fortis planè & potens in prælio, in quo servum suum etsi premi, non tamen opprimi patitur in multitudine misericordiæ suæ. *Venite* (ait Prophetæ Esajas) *emitte absque argento vinum & lac*. Omnis enim timorata conscientia, quæ ad Deum venit,

nit, vel lac ab ipso vel vinum emit, secundum quod dictum est & tractatum. Et nota quia utrobique vinum præposuit, pro eo scilicet quod qui majorem sustinet pro Deo perseveranter tribulationem, majorem habeat & mercedem. Hic advertendum puto (e) quod Vitis nostræ boni Jesu fructus & comeditur, & bibitur. Masticator enim vva, bibitur verò vinum: quod in vino continetur & in utroque usu jucunditas est, sed in vino & jucunditas & utilitas prolixior est, quod ad botri hujus (de quo locuti sumus) fruitionem mihi pertinere videtur. In præsenti enim vita hunc botrum masticaamus, cum suavitatem, jucunditatem, & utilitatem nostræ redemptionis dentibus intellectus nostri discutimus: cum Resurrectionis potentiam, Ascensionis gloriam, & adventus Spiritus Sancti utilitatem in cordis nostri consideratione versamus tanquam vuas in ore, fitque de his nonnunquam aliqua lætitia cordi nostro. Erit autem Christus postquam cessaverit tempus, idest mutabilitas temporum, quando hæc jam non comedemus, sed bibemus, inæstimabilem de his perpetuam lætitiā consecuti. In comedendo enim aliquis labor est: quod verò bibitur, sine labore recipitur. Unde per comestionem delectatio quæcunque, vel qualiscunque, vel quantacunque (quæ sine corpore non perficitur, sed semper aggravat animam,) significatur. Per potum verò sine labore acceptum, illius loci & temporis gaudia significantur, ubi & quando jam non erit luctus, neque clamor, sed nec ullus dolor, quoniam hæc omnia transierunt. Et ipse ab æterno stabilis, qui pro nobis ne velut um-

bra transiremus , transiens factus fuit , ministrabit nobis . Ibi etiam tunc jam non cum labore & timore & impedimento corporis mortis hujus comedemus , sed cum magna jucunditate bibemus vinum redemptionis nostræ : & secundum naturam nobile vinum , quantò plùs biberimus licet saturemur , tantò plùs sitiemus , admirantes & laudantes sine termino & sine intermissione bonitatem admirabilem Redemptoris nostri , quam in fructum redemptionis nostræ circa nos voluit exhibere . Et vide [f] si non ista differentia cibi & potus nobis in verbis Sponsi in Cantico amoris commendatur , cùm ait : *Comedite amici & bibite, & inebriamini charissimi* . Præmonet enim comedere , quod utique ad præsentem vitam pertinet , in qua contemplatio labori actionis admixta est . In futura verò vita quæ omni actione caret , gaudio tanquam poculo perfruemur . Bibemus enim & inebriabimur ab ubertate domûs Dei , & torrente voluptatis ejus potabimur : jam nos tunc esse Regis & Sponsi nostri charissimos liquidò cognoscentes , cùm aqua omnis laboris & actionis terrenæ in vinum divinæ contemplationis commutabitur , implebunturquè omnes hydriæ usque ad summum . Omnes enim implebuntur in bonis domûs Domini , cùm illæ desiderabiles nuptiæ Sponsi , idest Christi , & Sponsæ , idest universalis Ecclesiæ celebrabuntur . Bibeturquè in summa lætitia cordis omnium clamantium Domino & dicentium : *Tu bonum vinum servasti usque adhuc* . Hic est torrens voluptatis tuæ , Domine Deus [g] quâ delicatam illam & gloriosam civitatem Hierusalem quæ sursùm est ,

jugi-

f Ibid. num. 193. g Serm. de Passione, Dom. num. 24.

jugiter potas, & lætabunda ebrietate facis æstuarè, ut tibi jubilent hymnum incessabilem lucida illa & flammea organa in voce exultationis & sono epulantis: cujusquè desiderabilibus guttis refocillari sitibundæ fauces exulis populi tui jugiter à te expectant, Domine. Sinito Pater, ut catelli bibant de stillis quæ cadunt de mensa dominorum suorum. Rorate cœli desuper, & nubes pluant justum illum, Domine, quem æstuarè fecisti.

C A P U T I I.

De mysteriis vestimenti & tunicæ inconsutilis, quibus despoliatus fuit Christus ante crucifixionem suam.

1. Ostenditur, Christum ideo voluisse despoliari vestimenti suis, ut exterminationem corporis sui purissimi intueri valeamus: ac reveſtiāmur quatuor illis virtutibus, quibus spoliati fuimus in Adam.
2. Ostenditur, illam tunicam Christi quæ non fuit scissa, significare Divinam imaginem, idest liberum arbitrium nostrum: necnon imaginem & similitudinem Dei ad quam creati sumus, consistere in triplici libertate, arbitrii, consilii, & complaciti. Item tunica Christi inconsutilis & polymita designat Ecclesiam variis ordinibus ornatam: cujus ornatus est excellentior etiam ornatu cœli.
3. Ostenditur, tunicam Christi inconsutilem & non scissam designare firmitatem fidei, & soliditatem Catholicæ unitatis: quam frustra tum à persecutoribus tum ab hæreticis impugnatam esse demonstratur.

§. I.

*Diviserunt sibi vestimenta mea, & super vestem
meam miserunt sortem, dicit Dominus*
in Psalmo 21.

Cognosce anima mea [a] cognosce: hic est Dominus noster, Jesus Christus Salvator tuus, unigenitus Dei Filius, verus Deus, verus homo: qui solus sub Sole sine macula inventus est. Et ecce [b] nudatur Jesus. Quare? Vt tu corporis purissimi deformationem valeas intueri. Nudatur ergo bonus Jesus. Heu mihi! Qui vestivit cœlos diversis syderibus, ante Crucem expoliatus est: nudus etiam ut erat, lividus Cruci affigitur. Heu! Candor lucis æternæ nigrescit in Carne pro carne salvanda. Nudatur Dominus, qui ante sæcula regnans decorem induit & fortitudinem. Quare nudatur? Magnum sacramentum, fratres mei [c] & diligentius perscrutandum, nisi & intellectus mysterio, & ipsi quoque intellectui verba deessent. Dico tamen utcumque modicum id quod sentio, si fortè vel occasionem dedisse videar sapienti. Videre mihi videor, dilectissimi, quatuor virtutibus amictū esse primum hominem ab ipso suæ creationis exordio, & ut Propheta Esaias meminit, *vestimento salutis indutum*. Est enim in his quatuor illa salutis integritas, nec sine his omnibus potest constare salus: præsertim cum nec possint esse Virtutes, si ab invicem separaren-

a Serm. de Pass. Dom. m. 15.

c Ser. 2. in Annunt. B. M. m. 6.

b Tract. de vite myst. cap. 5. m. 24.

parentur. Acceperat ergo primus homo *Misericordiā*, custodem scilicet atque pedissequam : ut ipsa præveneret, ipsa & sequeretur eum, ipsaque protegeret & conservaret ubique. Vides qualem nutritium contulit parvulo suo Deus, qualem dedit pedissequam homini recēns orto. Sed erat illi necessarius etiam eruditor tanquam ingenuę & rationabili creaturę, ut non sicut jumentum aliquod custodiretur, sed tanquam parvulus educaretur. Cui sanē magisterio nemo poterat aptior inveniri quā *Veritas* ipsa, quę eum in agnitionem summę perduceret aliquando *Veritatis*. Interim verò ne sapiens inveniretur ut malum faceret, essetquē peccatum ei tanquam scienti bonum & minimē facienti, *Justitiā* quoque, quā regeretur, accepit. Adhuc autē & *Pacem*, quā foveretur & delectaretur, addidit manus benignissima Creatoris. Pacem utique duplicem, ut nec intus pugnæ, nec foris timores essent : id est, nec caro concupisceret adversus spiritum, nec esset ei creatura ulla formidini. Nam & bestiis omnibus liberē imposuit nomina : & serpens ipse, qui violentiā non pręsumpsit, fraude magis eum aggressus est. Quid huic deerat, quem *Misericordia* custodiebat, docebat *Veritas*, regebat *Justitia*, *Pax* fovebat? Sed heu! [d] Homo iste ad multam perniciem & insipientiam sibi, descendit de Hierusalem in Hierico. Siquidem incidit in latrones, à quibus & ante omnia legitur despoliatus. An non despoliatus, qui Domino veniente nudum se esse conqueritur? Nec verò poterat revestiri, vel ablata sibi recipere vestimenta, nisi Christus amitteret sua. Sicut enim vivificari in ani-

ma

ma nisi interveniente corporali morte Christi non potuit, ita nec revestiri sine ejus despoliatione. Et vide, si non propter has quatuor partes vestimentorū quæ amiserat primus & vetus homo, in totidem quoque divisa sunt secundi & novi Hominis vestimenta. Meum proinde meritum [e] est *miseretio* Domini. Non planè sum meriti inops, quamdiu ille miserationum non fuerit. Quod si misericordiæ Domini multæ, multus nihilominus ego in meritis sum. Quid enim si multorum sim mihi conscius delictorum? Nempè ubi abundavit delictum, superabundavit & gratia. Et si misericordiæ Domini ab æterno & usque in æternum, ego quoque misericordias Domini in æternum cantabo. Numquid justitias meas? Domine memorabor *justitiæ* tuæ solius. Ipsa est enim & mea. Nempè factus es mihi tu justitia à Deo. Numquid mihi verendum, ne non una ambobus sufficiat? Non est pallium breve, quodd secundum Prophetam non possit operire duos. Justitia tua justitia in æternum. Quid longius æternitate? Et te pariter & me operiet largiter larga & æterna justitia. Et in me quidem operit multitudinem peccatorum, in te autem Domine quid nisi pietatis thesauros, divitias bonitatis? Denique constat [f] cognitionem *Veritatis* fructum esse humilitatis. Vnde ait Dominus: *Confiteor tibi Pater, Domine cali & terræ: quia abscondisti hæc* (haud dubium quin *Veritatis* secreta) *à sapientibus & prudentibus*, idest superbis: *& revelasti ea parvulis*, hoc est humilibus. Et in hoc apparet, quodd *Veritas* quæ superbis absconditur, humilibus revelatur. Humilitatis

tatis verò [g] talis potest esse definitio. Humilitas est virtus , quā homo verissima sui cognitione sibiipsi vilescit. Hæc autem convenit his, qui ascensionibus in corde suo dispositis , de virtute in virtutem proficiunt , donec ad culmen humilitatis perveniant : in quo velut in Sion, idest, in speculatione positi , Veritatem prospiciant. *Etenim* (inquit Propheta) *benedictionem dabit legislator* : quia qui dedit legem , dabit & benedictionem: hoc est , qui iussit humilitatem , perducet ad Veritatem. Illud quoque [h] quod in Scala illa , quæ in typo humilitatis Jacob monstrata est, & Dominus desuper innixus apparuit, quid nobis aliud innuit, nisi quod in culmine humilitatis constituitur cognitio Veritatis ? Dominus quippè de summitate Scalæ prospiciebat super filios hominum tanquā Veritas, ut videret si est intelligens aut requirens Deum . Jam ergo Dominum desuper innixum suspicio , (i) jam ad vocem Veritatis exulto . Vocavit me, & ego respondi illi: *Operi manuum tuarum porriges dexteram* . Tu quidem Domine gressus meos dinumeras : sed ego lentus ascensor , fessus viator diverticula quæro . Heu mihi ! (k) quia incolatus meus prolongatus est . Quis dabit mihi pennas sicut columbæ , quibus celerius volem ad Veritatem , ut jam requiescam in charitate ? Quæ quoniam desunt : deduc me Domine in via tua , & ingrediar in Veritate tua , & Veritas liberabit me . Beati (l) qui habitant in domo tua Domine . Oculi enim non vidit , auris non audivit , & in cor hominis non ascendit , quæ præparavit Deus diligentibus

g Ibid. n. 2. h Ibid. cap. 2. n. 3. i Ibid. cap. 9. n. 24. k Ibid. n. 26.
l Ser. 4. in Vig. Nat. Dom. nu. 3.

bus se. *Lux* est enim inaccessibleis, *Pax* est quæ exuperat omnem sensum, *fons* est qui ascensum nescit, sed descensum. Non vidit oculus lucem inaccessibleem, non audivit auris pacem incomprehensibilem. Et quidem pax nunc est etiam in terra hominibus bonæ voluntatis: sed quid est pax ista ad illius plenitudinem & supereminentiam pacis? Unde & ipse Dominus ait: *Pacem meam do vobis, pacem relinquo vobis.* Meam siquidem pacem quæ exuperat omnem sensum, & est pax super pacem: necdum capaces estis, propterea do vobis patriam pacis, & relinquo interim viam pacis.

S. I. I.

Milites ergo cum crucifixissent Jesum, acceperunt vestimenta ejus, & fecerunt quatuor partes, unicuique militi partem: & tunicam. Erat autem tunica inconsutilis, desuper contexta per totum. Dixerunt ergo adinvicem: Non scindamus eam, sed sortiamur de illa cuius sit. Ut Scriptura impleretur dicens: Partiti sunt vestimenta mea sibi: & in vestem meam miserunt sortem, Joan. 19.

An fortè quæris & tunicam inconsutilem (m) quæ non dividitur, sed fortè provenit? Ego divinam arbitror esse imaginem, quæ nimirum non assuta sed insita atque ipsi impressa naturæ, dividi scindiquè non potest. Ad imaginem nempe & similitudinem Dei factus est homo: in imagine arbitrii libertatem, virtutes habens in similitudine. Et similitudo quidem

dem perit, verumtamen in imagine pertransit homo. Imago siquidem in gehenna ipsa uri poterit, sed non exuri: ardere, sed non deleri. Hæc ergo non scinditur imago, sed sorte provenit. Et quocunq; perveniat anima, simul & ipsa erit. Nam similitudo non sic, sed aut manet in bono: aut si peccaverit anima, mutatur miserabiliter, jumentis insipientibus similiata. Puto autem (n) in tribus libertatibus, arbitrii scilicet & consilii & complaciti, ipsam ad quam conditum sumus, Conditoris imaginem atque similitudinem contineri, & imaginem quidem in libertate arbitrii, in reliquis autem duabus bipartitam quandam consignari similitudinem. Hinc est fortassis quodd solum liberum arbitrium sui omnino defectum seu diminutionem non patitur, quodd in ipso potissimum æternæ & incommutabilis Divinitatis substantia quædam impressa videatur. Nam etsi habuerit initium, nescit tamen occasum; nec de justitia vel gloria capit augmentum, nec de peccato sive miseria detrimentum. Quid æternitati similis, quod non sit æternitas? Porro in aliis duabus libertatibus (quoniam non solum ex parte minui, sed ex toto amitti possunt) accidentalisi quædam magis similitudo sapientiæ atque potentiæ Divinæ imagini superducta cognoscitur. Præterea, non sum tam hebes (o) ut non agnoscam tunicam Joseph, non illius qui liberavit Ægyptum, sed qui salvavit Mundum, & hoc non à fame corporis, sed à morte simul animæ & corporis. Notissima quippè est, quia polymita, id est, pulcherrima varietate distincta: sed & Sanguine apparet intincta,

non

n Tract. de grat. & lib. arb. cap. 9. num. 28. o Apolog. de vit. & mor. Relig. cap. 3. num. 7.

non quidem hædi qui peccatum significat, sed Agni qui designat innocentiam, hoc est suo ipsius, non alieno. Ipse est profectò Agnus mansuetissimus, qui coram non quidem tendente sed occidente se obmutuit. Miserunt autem qui dicerent ad Jacob: *Hanc invenimus: vide utrum tunica filii tui sit, an non? Vide & tu Domine Deus, utrum hæc sit tunica dilecti Filii tui? Cognosce Sancte Pater, (p) tunicam veri Filii tui Joseph. Heu fera pessima devoravit eum, concalcavit in furore suo vestimentum ejus, omnem decorem ejus reliquiis Cruoris inquinavit. Hoc est Domine vestimentum, quod in manu Ægyptiæ meretricis innocens puer tuus dereliquit, meliorem æstimans jacturam pallii, quàm pudicitia: magisque eligens spoliatus carnis pallio in carcerem mortis descendere, quàm pro Mundi gloria adulterinæ voci acquiescere. Illi, inquam, voci quâ dictum est: *Hæc omnia tibi dabo, si cadens adoraveris me*. Quod utique esset, si dormiret cum adultera. Recognosce Omnipotens Pater eam tunicam, (q) quam fecisti Christo Filio tuo polymitam, dando quidem quosdam Apostolos, quosdam autem Prophetas, alios verò Evangelistas, alios Pastores & Doctores, & cætera quæ in ejus ornatu mirifico decenter apposuisti, ad consummationem utique Sanctorum occurrentium in virum perfectum, in mensuram ætatis plenitudinis Christi. Dignare etiam Deus preciosissimi purpuram Sanguinis quo aspersa est recognoscere, & in purpura præclarum insigne ac gloriosissimum indicium obedientia: *Quare ergo, inquit, rubrum est vestimen-**

p *Ser. de Pass. Dom. n. 16.* q *Apolog. de vit. & mor. Relig. cap. 3.*
 191172. 7.

Alimentum tuum? Torcular, ait, calcavi solus, & de gentibus non est vir mecum. Itaque [r] quando quidem factus est obediens Patri usque ad torcular Crucis, quod utique solus calcavit: solum quippè brachium suum auxiliatum est ei, juxta illud in alio loco: *Singulariter sum ego donec transeam*. Jam ergo exalta eum Deus, & da ei nomen quod est super omne nomen, ut in Nomine Jesu omne genu flectatur caelestium, terrestrium, & infernorum. Ascendat in altum, captivam ducat captivitatem, & donet dona hominibus. Quæ dona? Relinquat videlicet Sponsæ Ecclesiæ pignus hereditatis, ipsam tunicam suam: *tunicam scilicet polymitam, eandemquè inconsutilem & desuper contextam per totum*. Sed *polymitam*, ob multorum Ordinum, qui in ea sunt, multimodam distinctionem: *inconsutilem* verò, propter indissolubilis charitatis individuum unitatem. *Quis me* (inquit Apostolus) *separabit à charitate Christi?* Audi quomodò *polymitam*. *Divisiones* (ait) *gratiarum sunt, idem autem Spiritus: & divisiones operationum sunt, idem verò Dominus*. Deinde diversis enumeratis charismatibus, tanquam variis tunicæ coloribus, quibus constet eam esse *polymitam*; ut ostendat etiam *inconsutilem & desuper contextam per totum*, adjungit: *Hæc autem operatur unus atque idem Spiritus, dividens singulis prout vult*. *Charitas quippè diffusa est in cordibus nostris per Spiritum Sanctum, qui datus est nobis*. Non ergo dividatur, sed totam & integram hereditario jure sortiatur Ecclesia, quia & de illa scriptum est: *Astitit regina à dextris tuis in vestitu deaurato, circumdata varietate: omnis*

nis

nis utique ordo, omnis lingua, omnis sexus, omnis ætas, omnis conditio, in omni loco, per omne tempus, à primo homine usque ad novissimum. Nam & propter hoc *talaris* dicta est, quòd ad finem usque pertingat, dicente Propheta: *Non est qui se abscondat à colore ejus*: nimirum congruens ei cui & facta est, qui perhibente videlicet alia scriptura & ipse *attingit à fine usque ad finem fortiter*, & *disponit omnia suaviter*. Omnes ergo concurramus pariter in unam *tunicam* (s) & ex omnibus constet una. Ex omnibus, inquam, una: nam etsi ex pluribus & diversis, *una est tamen columba mea, formosa mea, perfecta mea*. Alioquin nec ego solus, nec tu sine me, nec ille sine utroque, sed simul omnes sumus illa una, si tamen solliciti sumus servare unitatem spiritus in vinculo pacis. Quid ornatius cælo? (t) Minimè tamen vel ipsum ullatenus conferendum gloriæ & decori Sponsæ Ecclesiæ: eo ipso succumbens, quòd præterit & hæc figura ipsius utpote corporea, & corporeis subjacens sensibus. Quæ enim videntur, temporalia sunt: quæ autem non videntur, æterna. Sed est rationalis quædam Sponsæ species, spiritualisque effigies, ipsaque æterna, quia imago æternitatis. Decor ejus *charitas est*: & *charitas* (sicut legistis) *nunquam excidit*. Est certè & *justitia*: Et *justitiæ ejus* (inquit David) *manet in sæculum sæculi*. Est etiã *patientia*: & legistis nihilominus, quia *patientia pauperum non peribit in finem*, Quid voluntaria *paupertas*, quid *humilitas*? Nonne altera regnum æternum, altera æquè exaltationem promeretur æternam? Eò quoque spectat & *timor Domini sanctus*
per-

permanens in sæculū sæculi . Sic *prudentia*, sic *temperantia*, sic *fortitudo*, & siquæ sunt *virtutes* aliæ, quid nisi margaritæ sunt quædam in Sponsæ ornatu, splendore perpetuo coruscantes ? Perpetuo , inquam , quia sedes & fundamentum perpetuitatis . Nec enim perpetuæ beatæquæ vitæ omnino locus in anima est , nisi mediis quidem interiectisquæ virtutibus . Unde Propheta Deo nostro, qui utiq; vita beata est: *Justitia*, inquit , & *judicium præparatio sedis tuæ* . Et Apostolus dicit *Christum habitare per fidem in cordibus nostris* . Domino quoque sessuro super asellum , vestes suas Discipuli subtraverunt , significantes Salvatorem seu salutem nequaquam insidere nudæ animæ , quam non videlicet vestitam invenerit doctrinâ & moribus Apostolorum . Et ideo Ecclesia promissionem futuræ felicitatis , curat interim præparare & præornare se in vestitu deaurato, circumdata varietate gratiarum atque virtutum (qualē quidem ex parte descripsimus) quo digna & capax plenitudinis gratiæ inveniat . Et quia [u] Dominus ait : *Scindite corda vestra, & non vestimenta vestra*. Scindamus itaque corda nostra , dilectissimi , quatenus integra proinde vestimenta servemus . Vestes enim nostræ , virtutes sunt . Bona vestis *charitas* , bona vestis *obedientia* est . Beatus qui custodit vestimenta hæc , ut non ambulet nudus . Denique beati quorum tecta sunt peccata : etenim *charitas* operit multitudinem peccatorum . Scindamus corda , ut hæc vestimenta integra servemus , quemadmodum integra servata est tunica Salvatoris . Nec modò integram servat vestem scissio cordis , sed & talarem eam fa-

H h

cit

cit & polymitam, qualem à sancto Patriarcha Jacob accepit suus filius Joseph, qui præ cæteris amabatur. Hinc nempè perseverantia est virtutum, hinc conversationis pulchræ discolor unitas. Hinc illa est gloria Regis filiæ in fimbriis aureis, circumamicta varietatibus.

§. III.

Erat autem tunica inconsutilis, desuper contexta per totum. Joan. 19.

Tunicam Domini [x] quam in tempore passionis nec Ethnicus præsumpsit scindere nec Judæus, fautore hoc Domino: Schismaticus lacerat & dirumpit. Una est fides, unus Dominus, unum baptisma. Nos neque duos dominos, nec geminam fidem, nec duo baptismata novimus. Ut ab antiquis ordiar: Una arca tempore diluvii fuit. In hac octo animæ, cæteris omnibus pereuntibus, evaserunt: & quotquot extra arcam inventi sunt, perierunt. Arcam hanc typum tenere Ecclesiæ, nemo est qui ambigat. Testante Apostolo: [y] *Sicut unus Dominus, ita una fides esse dignoscitur.* In qua tanquam in immobili fundamento, præter quod nemo potest aliud ponere, firmitas Catholicæ Ecclesiæ inviolata consistit. Inde est quòd beatus Petrus Apostolorum Princeps pro eximia hujus fidei confessione, à Domino ac Salvatore nostro audire meruit: *Tu es, inquit, Petrus, & super hanc petram edificabo Ecclesiam meam: petram utique firmitatem fidei, & Catholicæ unitatis soli-*

x Ser. S. Ber. relato in ejus vita lib. 2. cap. 7. num. 45. pag. 72.
y Epist. 194. num. 1.

soliditatem manifestè designans . Hæc siquidem est
inconfutibilis tunica Redemptoris nostri , super quam
milites fortiti sunt , sed eam dividere minimè potue-
runt . Contra quam in initio fremuerunt Gentes , &
populi meditati sunt inania : astiterunt reges terræ ,
& principes convenerunt in unum . Verùm Aposto-
li duces Dominici gregis , & eorum successores Apo-
stolici Viri , ardore charitatis & zelo rectitudinis suc-
censi , fidem defendere , & eam in cordibus aliorum
proprii sanguinis effusione plantare non dubitârunt .
Pharao ille Ægyptius [z] captans absentiam Sponsi
Ecclesiæ , convocato exercitu : Veni , inquit , perse-
quar & comprehendâ , dividam spolia & implebitur
anima mea : evaginabo gladium meum & interficiet
eos manus mea , Surgensquè cum omni malitiæ suæ
nequitia , Ecclesiæ persecutionem indixit . Moxquè
ejus castra aggrediens , comprehensum Petrum fra-
tremquè ejus Andream crucifixit , Paulum decola-
vit , Joannem exiliavit , Bartholomæum decoriavit ,
Stephanum lapidavit , Laurentium & Vincentium
ustulavit : & Sanctorum mortibus , mortiumquè &
tormentorum generibus omnia complevit . Posue-
runt morticina Servorum Dei escas volatilibus celi ,
carnes Sanctorum bestiis terræ . Effuderunt sanguinem
innocentem , tanquam aquam in circuitu Hierusalem :
& non erat qui sepeliret . Videns Ecclesia defensores
suos positos ut oves escarum , ingemuit : & facta est
amaritudo ejus amara . Sed terra Ecclesiæ sanguine
Martyrum impinguata , fidelium segetes multiplici
quodam germine refundebat : & in præcisione unius
centum vel mille reddens , unde vinci sperabatur ,

H h 2 vin-

vincebat . Demùm [a] cessante persecutorum rabie, imperavit Dominus ventis, & facta est in Ecclesia tranquillitas magna . Quod barbara illa inimici nequitia deprehendens [b] infremuit, & ad nova calliditatis suæ arma refugiens, à persecutione interim conquievit, viresquè contraxit, gladium revocavit, consilium mutavit . Nam [c] cùm hostis humani generis semper circuit quærens quem devoret, ad impugnandam sinceritatem fidei, fraudulentam hæreticorum fallaciam subinduxit . Nullus peior, inquit, (d) quàm domesticus inimicus . Effundam igitur contentionem super principes eorum, & errare eos faciam in—invenio, & non in via . Et cùm dicent: Pax, pax: non erit pax . Sed suscitabo inter eos hæreses & schismata, & civili ac intestino quodam bello omnia turbabo: & faciliùs suo eos gladio faciam interire, quàm meo . Dixit, & mox terribilis illa hætenùs Ecclesiæ acies ordinata, facta est non terribilis: quia deordinata . Mutuïs quippè sese vulneribus impetentes, sequè invicem hostiliter concidentes, hostibus à longè stantibus & videntibus risum & insultationem præbuerunt: Ecclesiæ verò luctum & intolerabilem incusserunt dolorem . Amaritudo enim ejus priùs erat amara, nunc facta est amarior, cùm vipereo quodam malo à filiis suis deflebat discerpi viscera sua . Contra quos tamen (e) Viri Ecclesiæ Pastores viriliter insurgentes, eorū prava dogmata cum ipsorum auctoribus condemnârunt . In magna namquo Nicæna Synodo Arius hæreticus est damnatus .

Con-

a Epist. 194. num. 1. b Parabola de Christo & Ecclesia n. 4. c Epist. 194. num. 2. d Parab. de Christo & Ecclesia num. 4. e Epist. 194. num. 2.

Constantinopolitana Synodus Manichæum hæreticum debitâ sententiâ condemnavit. In Ephesina Synodo Nestorius condignam sui erroris damnationem excepit. Chalcedonensis quoque Synodus Nestorianam hæresim & Eutychianam cum Dioscoro & ejus complicibus justissimâ sententiâ confutavit. Præterea (f) egregii curiæ Christianæ milites prævalere videntes astutam inimici malitiam, spiritum resumpserunt, arma fidei arripuerunt: & malum ex semetipsis viriliter auferentes, Alexander Episcopus Alexandrinus cum multis Arium, Augustinus Manichæum, Hieronymus Epicureum Jovinianum, cæterique cæteras hæresum & schismatum pestes pervadentes, vel fortiter trucidaverunt, vel prudenter à castris Ecclesiæ propulerunt, pacemque Ecclesiæ & gaudium restituerunt. Sed heu, heu (g) nec mare fluctibus, nec ista vita carere potest tentationibus: nec potest esse pax firma & solida, nisi in regione sua. Videns enim peccator (*diabolus*) & invidè irascitur, & dentibus fremit & tabescit: & nova parans bella, ad spiritualia militiæ arma se convertit. Convocansquè sui exercitus egregios illos duces, spiritum scilicet *fornicationis*, spiritum *gulæ*, spiritum *avaritiæ*: Videtis, inquit, quia nihil proficimus, & jam totus Mundus post ipsos abiit. Sed adhuc experiri habent vires nostras, qui gloriantur se jam effugisse vel elusisse artes meas. Dixit, & castris eos Ecclesiæ immittens, & dormientes omnes & ebrios nocte inveniens (qui enim dormiunt, & qui ebrii sunt, nocte dormiunt, & nocte ebrii sunt) continuò omnia turbavit. Mox enim omnes seipso aman-

H h 3 tes,

† Parob. de. Christ. & Eccles. num. 4. g Ibidem num. 5.

tes, quæ sua sunt quærentes, non quæ Jesu Christi: hæreditate sibi vendicaverunt Sanctuarium Dei, & polluerunt tabernaculum nominis ejus: non Deo in eo, sed voluntatibus & voluptatibus suis servientes, quæque Deo oblata vel sacrata in suos usus vertentes. Facientes enim sibi de nominibus & officiis religionis, nomina & auctoritates avaritiæ, elationis, & vanitatis: tunicam illam charitatis inconsutilem desuper contextam per totum, purpureumquæ illud fidei pallium precioso Sanguine Agni tinctum, quibus nuditatem sponsæ Sponsus operuerat, cæteraquæ religionis ornamenta reluctanti & reclamanti Ecclesiæ detraxerunt. Eamquæ denudantes, nec se vestientes; quam custodire debuerant, nudam reliquerunt: & de statu quietis eam exturbantes, quantum in ipsis est, de mundo fugere compulerunt. Sed illa clamans & plorans (h) & nudata turpitudine, & discoopertis natibus, omnia occulta & pudenda sua risui omnium deflens exposita, orat filios uteri sui, nec misereantur: obsecrat, & irridetur. Et utraque manu totis viribus panniculos quosdam Canonice vel Monasticæ Religionis (qui vix manus diripientium effugerant) circa cor & vitales illas partes astringens, hos saltem dimitti sibi precatur, nec auditur. Et ipsos enim sui illi non custodes sed latrones diripere conantur, ut vel nuditatem suam non ferens, de hoc mundo fugiat, vel inter eos in frigore malitiæ eorum moriatur. Fingentes tamen nunquam se misereri, vestem de simulatione virtutum, & dissimulatione vitiorum, manu hypocrisis utrinque contextam vendere illi conantur. *Quam illa*

illa detestans & abominans, non suscipit, non recognoscit: novit illam Sapientiæ manibus contextam, tinctam & sacratam Agni Sanguine, à Sponso sibi delatam, à filiis sublatam. Aliam nescit, sed abiicit & respuit. Ideo abiicitur, respuitur, conspuitur, & omnibus opprobrio habetur. Hæc sunt nostra, hæc sunt Ecclesiæ periculosa tempora, in quibus in pace facta est amaritudo ejus amarissima. Veni Domine, veni ad liberandum eam Domine Deus virtutum, qui vivis & regnas per omnia sæcula sæculorum. Amen.

C A P U T I I I.

De crucifixione Christi, & effusione Sanguinis ex manibus ac pedibus ejus perforatis.

1. *Ostenditur, Christum non solum corporaliter affixum ligno crucis, sed etiam spiritualiter infixum esse nobis, qui sumus ipsa Crux. Excitamus ad dolendum pro culpa nostra, quâ offendimus nostrum Creatorem, Patrem, & Benefactorem: nec non ad sequendum Jesum ascendentem Crucem, ut in ea mentaliter collocati, deorsum aspiciamus universa terrena, & despiciamus ea.*
2. *Ostenditur, Christum ideo voluisse crucifigi & vulnerari, ut vulneribus animarum nostrarum medeatur suo Sanguine precioso, quem ex suis manibus & pedibus effudit ob ardorem charitatis erga nos.*
3. *ostenditur, Christum ideo voluisse pendere in Cruce inter duos latrones, ut Scriptura impleretur: & ut fortitudo ejus & sapientia absconderentur in cornibus Cru-*

488 *Philosophiæ Christianæ*
cis . Probatur , ignominiosam crucifixionem hu-
manitatis non minuisse lucem Deitatis in Christo .

§. I.

Erat autem hora tertia: & crucifixerunt Jesum .
Mar. 15. Foderunt manus meas & pedes meos :
dinumeraverunt omnia ossa mea . Psal. 21.

A Gnosce ô homo (a) quàm gravia sunt vulne-
ra tua , pro quibus necesse fuit Dominum
Christum vulnerari . Si non essent hæc ad mor-
tem , & mortem sempiternam , nunquam pro eo-
rum remedio Dei Filius crucifigeretur . Hîc tu ô
homo (b) totus contremisce , tremore obrigesce ,
meritò expalesce , pugnâ pectus contunde , fleti-
bus totam animam effunde , compatere patienti .
Vide modum mortis , attende qualitatem moriendi :
& attende quid debeas morienti . Ecce quomodò
moritur justus : in Cruce distenditur , membra di-
strahuntur . Dorsum adhuc plagosum de recentibus
plagis flagellorum recenti adhuc Sanguine stillans ,
rigido patibulo Crucis atteritur . Manus & pedes
perfodiuntur , clavi malleis incutiuntur ; & quanto
altius clavi penetrant , tantò ampliùs plagas præ-
grossitie dilacerant , & passionem aggravant . Nunc
ad dexteram (c) nunc sinistram manum rivulos &
guttas Sanguinis spargentem propiùs & interiùs ac-
cede : unde libet querenda est devotio , & gratia lachry-
mosæ compunctionis . Utrunque considera quàm
im-

a Ser. 3. in Nat. Dominum. 4. b Tract. de 3. princip. myst. cap. 6. nu.
13. & 14. c Tract. de vite myst. cap. 44. num. 168.

immites fixuræ clavorum, quàm amara venarum
 ossiumquè perfractio in manibus illius, qui cælum
 fabricavit & terram, qui operatus est salutem in me-
 dio terræ. Sic lustrandi sunt & pedes non minus
 Sanguinis habentes, non minus quàm manus: per-
 fossi sunt & ipsi & perfracti, sanguineis manantes
 guttis. Occurrat itaque spiritualiter (d) & ingerat
 seipsum cordibus nostris Dominus Christus, terre-
 bratis palmis, pedibusquè confossis: qui tanquam
 jugulatori suo alludens, seipsum non reluctans expo-
 suit, & nudum Corpus quasi incudem malleatorum
 ictibus patienter explicuit: dum pro nobis per hujus
 vitæ pelagus ad patriam de exilio transferendis, ra-
 pacibus piratis naulum propriæ mortis exolvit. In
 Adam omnes nescientes peccavimus: (e) etsi in
 alio, nos tamen peccavimus, & nobis justo Dei ju-
 dicio imputatur, licet occulto. Verumtamen, ut
 jam non sit quod causeris ô homo, contra inobedien-
 tiam Adæ datur tibi obedientia Christi: ut si gratis
 renundatus es, gratis & redimaris: si nesciens in
 Adam periisti, nesciens vivificeris in Christo. Ne-
 scisti quando ad lignum vetitum vetus Adam teten-
 dit manus noxias: nescisti nihilominus quando in li-
 gno salutifero innoxias manus Christus extendit.
 Fortasse Crux ipsa nos sumus (f) cui Christus me-
 moratur infixus. Homo enim formam crucis habet:
 quam, si manus extenderit, exprimet manifestiùs.
 Loquitur autem Christus in Psalmo: *Infixus sum in*
limo profundi. Limum quidem nos esse manife-
 stum est, quoniam de limo plasmati sumus. Sed
 tunc

d Ser. 2. in Cæna Dom. 4. 7. e Ser. 1. in Dom. 1. post. Epiph. num. 3
 f Ser. 4. in vig. Nat. Dom. 4. 7.

tunc quidem limus paradisi fuimus, nunc verò limus
 profundi. *Infixus sum* (inquit Dominus) *non per-*
transii, non recessi. Vobiscum sum usque ad consum-
mationem sæculi. Ipse est enim Emmanuel nobis-
 cum Deus. Voluit infirmiora nostra abundantiori
 gloria sublimare (g) & contraxit se Majestas, ut
 quod melius habebat, videlicet seipsum, limo no-
 stro conjungeret: & in persona una sibi invicem uni-
 rentur Deus & limus, Majestas & infirmitas, tanta
 vilitas & sublimitas tanta. Nihil enim Deo subli-
 mius, nihil vilius limo: & tamen tanta dignatione
 Deus descendit in limum, tantaquè dignitate limus
 ascendit ad Deum, ut quidquid in eo Deus fecit,
 limus fecisse credatur: quidquid limus pertulit, Deus
 in eo pertulisse dicatur, tam ineffabili quàm incom-
 prehensibili sacramento. Et quia Crux ipsa nos su-
 mus (h) cui Christus memoratur infixus. Proinde
 non paruum fiduciæ robur præstat mihi (i) quòd
 magnus ille vir Propheta potens in opere & sermo-
 ne, de excelso monte Cælorum descendens, visitare
 dignatus est me (l) cùm sim pulvis & cinis, misereri
 mortuo, inclinare se jacenti, contrahi & coæquari
 parvo, cæco partiri lumen oculorum suorum, & os
 mutum oris proprii osculo solvere, debilesquè ma-
 nus suarum roborare contactu. Suaviter rumino
 ista, & replentur viscera mea, & interiora mea sa-
 ginantur, & omnia ossa mea germinant laudem.
 Hoc semel contulit Universitati. Hoc quotidie sin-
 guli in nobis actitari sentimus, & *cordi* scilicet tri-
 bui intelligentiæ lumen, & *ori* ædificationis ver-
 bum

^g Ser. 3. in vig. Nat. Dom. num. 8. h Ser. 4. in vig. Nat. Dom. num. 7.

^l Ser. 16. in Cant. num. 2.

būm, & *manibus* opus iustitiæ. Dat sentire fideliter, dat proferre utiliter, dat efficaciter adimplere. Et est funiculus triplex (qui difficilè rumpitur ad extrahendas animas de carcere diaboli, & trahendas post se ad regna cælestia) si rectè sentias, si dignè proloquaris, si vivendo confirmes. Oculis suis tetigit meos, interioris hominis frontem claris luminaribus ornans, fide & intellectu. Ori meo junxit suum, & mortuo signum pacis impressit: quoniam eū adhuc peccatores essemus, reconciliavit nos Deo, iustitiæ mortuos. Os ori applicuit, iteratò inspirans in faciem meam spiraculum vitæ, sed sanctioris quàm primò. Nam primò quidem in animam viventem creavit me: secundò in spiritum vivificantem reformavit me. Manus suas meis superposuit, exemplum præbens bonorum operum, & formam obedientiæ. O anima Christiana (k) Salvator tuus affixus erat Cruci, ut iniquitates tuas propriis manibus Cruci affigeret. Dole igitur (l) quia *Creatorem* offendisti, cujus legem cælestia & terrestria præter te indefessa statione conservant. Surgat & acrior dolor, quòd etiam *Patrem* offenderis, & illum Patrem qui tibi ministrat syderum cursus, fecunditatem terræ, fructuum ubertatem. Accedat & acerrimus dolor qui pertranseat animam tuam, quòd tantum *Benefactorem* contempseris, qui dolorem Crucis sustinuit, ne dolores inferni ampliùs sustineres. Ascendit Crucem Jesus noster, (m) mundoquè pro mundo expositus est: & revelata facie ac discooperta fronte purgationem peccatorum faciens, pro-

k *Libr. 3. de amor. Dei cap. 19. n. 67.* l *Ser. de S. Nicol. n. 6. tom. 6. pag. 786.* m *Tract. exhort. ad milit. temp. cap. 10.*

probrosæ & austeræ mortis non tam erubuit ignominiam, quàm nec pœnam exhorruit, ut nos opprobrio sempiterno eriperet, & restitueret gloriæ. Nec mirum. Quid enim erubesceret qui ita nos lavit à peccatis, non quidem ut aqua diluens & retinens sordes, sed veluti Solis radius desiccans & retinens puritatem? Est quippe Dei Sapientia ubique attingens propter munditiâ suam. Sequere & tu ô homo (n) Jesum ascendentem Crucem, exaltatum à terra: ut non solùm super te, sed & super omnem quoque mundum mentis fastigio colloceris, universa quæ in terris sunt, deorsum aspiciens & despiciens, sicut scriptum est: *Cernent terram de longè*. Nulla te mundi oblectamenta inclinent, nullæ adversitates deiiciant. Absit tibi gloriari nisi in Cruce Domini tui Jesu Christi, per quem tibi mundus crucifixus est: ut quæ mundus appetit, crucem reputes: & tu crucifixus mundo, illis quæ mundus crucem reputat, toto inhæreas amore. Grata ignominia crucis ei (o) qui Crucifixo ingratus non est.

§. I I.

Porro agnosce ô homo [p] quàm gravia sunt vulnera animæ tuæ, pro quibus necesse fuit Dominum Christum vulnerari. Gravis animæ casus [q] quæ nonnisi Christi cruce potuit reparari. Magna res anima, quæ Christi Sanguine redempta est. Manavit namque Sanguinis ejus [r] ex quatuor partibus,
rigan-

n Ser. 4. in Ascens. Dom. n. 13. o Ser. 25. in Cant. n. 8. p Ser. 3. in Nat. Dom. num. 4. q Epist. 54. r Lament. Virg. Mariæ n. 4. tom. 6. pag. 1056.

rigantibus undis, ligno manibus pedibusquæ confixis. Nesciebam [s] sanus mihi videbar: & ecce mittitur Virginis filius, Filius Dei Altissimi, & jubetur occidi, ut vulneribus meis precioso Sanguinis balsamo medeatur. Ecce [t] quasi saccum plenum misericordiâ suâ Deus Pater misit in terram: saccum, inquam, in passione concidendum, ut effundatur quod in eo latet precium nostrum. Fracto autem alabastro mundissimi Corporis virginalis dulcis Jesu [u] effusum est unguentum Sacratissimi Sanguinis. Conscissus est saccus Corporis Domini Jesu, ceciderunt grana sanguinearum guttarum, quæ adhuc à fidelibus colligi possunt, & ab accedentibus ad Sanctam Crucem fideliter ac devotè colliguntur. Preciosissimus thesaurus & incomparabilis guttæ sunt Sanguinis Jesu Christi. Quem utique puncturæ veprium [x] fossio manuum & pedum cum clavis, lateris apertio cum lancea militari, fortiùs exprimentes, ad modum torrentis fuderunt extrinsecùs. Eratquè ille Sanguis preciosior cariorquè balsamo, per quem sordium nostrarum facta est mundatio. Accede huc ô fidelis anima [y] & collige tibi reliquias epularum Sponsi tui, micas gratissimas, folia rosarum. Ecce in quanta multitudine distillant de manibus simul & pedibus dulcissimi Crucifixi Christi Jesu. Non est morbus animæ, cui his floribus mederi non possis. Si perfectus es [z] si fortis es: vinum est tibi Sanguis iste, Sanguis meracissimus. Si adhuc infirmus es, & cui opus est lacte: lac est tibi

San-

s Ser. 3. in Nat. Dom. n. 4. t Ser. 1. in Epiph. Dom. n. 2. u Tract. de vite myst. cap. 43. n. 161. x Ser. de excell. Sacram. n. 4. y Tract. de vite. myst. cap. 43. n. 162. z Ibidem. cap. 33. num. 140.

Sanguis iste ad nutriendum te . Bibe ergo Sanguinem hunc meracissimum , fide , memoria , & intuitu spirituali . Effusio Sanguinis [a] in fessione clavorum copiosissima invenitur . Quis enim de fessis , imò & de perfessis manibus pedibusquè innocentis Jesu copiam Sacrați Sanguinis dubitet effluxisse ? In torrentibus hujus Sanguinis rosa nostra purpurata est : quia verè hîc ardentissima charitas , hîc rubicundissima passio invenitur . In hac magnitudine passionis , magnitudo consideretur charitatis : ardorem rosæ charitatis , ruborem considera passionis . Quis unquam tam gravia , tam pudenda passus fuit ? Deus est qui patitur ; nec in aliquo sibi durum torcular passionis alleviat , qui servis suis vel omninò auferre , vel alleviare , vel brevare vires tormentorum consuevit . Non pepercit sibi , qui suis parcere novit . Hujus rei evidentiam vides in Evangelio Joannis , ubi cùm ab his qui ad ipsum venerant capiendum , ei diceretur quòd ipsum quærerent , subjungit : *Ego sum* , inquit , *quem quæritis : si ergo me quæritis , finite hos abire* . O ardor verissimæ charitatis ! Manifestat & tradit se Charitas ipsa sevientibus inimicis , non parcens sibi : rogatquè pro suis , ut parcatur illis . Captus ergo post plurimas illusiones tam Judæorum quàm Gentium , post Sanguinis plurimas effusiones , clavis immitibus in manibus simul & pedibus perforatur , & configitur ligno crucis Salvator noster , mitissimus Jesus . Intuere ô homo , & respice rosam passionis sanguinæ , quomodo rubet in judicium ardentissimæ charitatis . Contendunt Passio & Charitas : illa ut plùs ardeat , ista ut plùs rubeat .

a Ibidem cap. 41. num. 147. & 147.

at . Sed mirabiliter per ardorem charitatis fit passio rubea , quia si non diligeret , non pateretur : & in passionis rubore maxima & incomparabilis ostenditur charitas . Sicut enim rosa per frigus noctis clausa Solis ardore surgente tota aperitur , & foliis expansis in rubore demonstrat ardorem jucundum . Ita flos cæli deliciosus , optimus Jesus Christus , qui multo tempore à peccato primi hominis quasi in frigore noctis clausus fuit peccatoribus , nondum plenitudinem impendens : tandem plenitudine temporis accedente , radiis scilicet ardentis charitatis in omni Corporis sui parte apertus est , & rosæ charitatis ardor in rubore Sanguinis effusi refulsit . Siquidem Dominus noster elevatus in Cruce [b] largissimas Sanguinis undas à quinque partibus sui Corporis abundantius effudit . Clavis enim pedes & manus , & lancea latus ejus transverberante , preciosus Sanguis emanavit . Per quod [c] illum planè ad se versiculum traxit : *Apud Dominum misericordia , & copiosa apud eum redemptio* . Prorsus copiosa : quia non gutta , sed unda Sanguinis largiter per quinque partes Corporis emanavit . Cujus utique Sanguinis aspersione [d] iudex transit in patrem , iratus in mittem , in misericordiam virga , captivitas in coronam . Vide ergo [e] quomodo in hoc flore rosæ floruerit optima Vitis nostra , rubicundus Jesus . Vide totum Corpus , sicubi rosæ sanguineæ florem non invenias . Inspice manum unam & alteram , si florem invenias in utraque . Inspice pedem & unum & alterum ,

b Ser. 1. de Nat. Dom. num. 9. tom. 6. pag. 619. c Ser. 22. in Cant. nu. 7. d Ser. de Nat. Domini nu. 9. tom. 6. e Tract. de vite myst. cap. 41. num. 148.

terum, numquid non rosei? Inspice lateris aperturam [f] quia nec illa caret rosâ, quamvis ipsa subrubea sit propter mixturam aquæ: quia sicut narrat Evangelista: *Cum unus militum lanceâ latus ejus perfodisset, exivit sanguis & aqua*. Ipse est enim qui venit per aquam, & non per aquam solum, sed per aquam & Sanguinem optimus Jesu Christus. O suavissime universorum Domine & Salvator bone Jesu, quales tibi condignas gratiarum referre poterò actiones? Qui à principio ortus tui usque ad mortem durissimam, imò & post mortem pro me preciosum Sanguinem effudisti, qui ardorem excellentissimæ charitatis tuæ tam crebris Sanguinis tui effusionibus manifestare curasti. O quàm multo numero foliorum multiplicata & exornata est rosa tua! Quis omnia ista enumeret? Numera guttas Sanguinis effusi de dulcissimo Corpore dulcissimi Jesu, & habebis passionis charitativæ folia enumerata. Singulæ enim guttæ Sanguinis sui folia sunt rosæ sanguineæ passionis ipsius. O duri & indurati [g] & obdurati filii Adam, quos non emollit tanta benignitas, tanta flamma, tam ingens ardor amoris, tam vehemens amor Christi crucifixi, qui pro vilibus sarcinulis tam preciosas merces expendit! Non enim corruptibilibus auro vel argento redemit nos, sed precioso Sanguine suo, quem effudit abundè: quia largiter undæ Sanguinis de corpore Jesu per quinque partes emanaverunt.

Et

§. I I I.

Et crucifixerunt cum eo duos latrones , unum à dextris, & alium à sinistris ejus : medium autem Jesum . Et impleta est Scriptura quæ dicit : Et cum iniquis reputatus est . Matt. 27. Mar. 15. Luc. 23. Joan. 19.

Cognosce anima mea (h) cognosce : hic est Dominus Deus noster, Jesus Christus Salvator tuus, unigenitus Dei Filius, verus Deus, verus homo : qui solus sub Sole sine macula inventus est . Et ecce cum sceleratis quomodo reputatus est . Vide nudum & verberibus laceratum (i) in medio latronum Cruci ignominiosæ ferreis clavis affixum, & copiosos Sanguinis rivos ex quatuor vulneribus manuum & pedem effundentem . Adhuc jugi scrutinio [k] & assidua meditatione revolve, qualiter Unigenitus Dei Patris, cum esset splendor & figura substantiæ ejus, post exinanitionem usque ad formam servi, post famem, post sitim, post lassitudinem, post lachrymas, post vincula, post flagella, post coronam spinem, post clavos, pro salute tua inter duos latrones quomodo pendet in Cruce . Crucis siquidem cornua in manibus ejus, ac de illis pius ille Samaritanus tuis vulneribus oleum & vinum infundit . Porro ibi est abscondita fortitudo ejus, & in amaritudine mortis dulcedo ejus . Descendit de monte potentiae (l) carnis infirmitate circumdatus : descendit

I i

dit

h Ser. de Pass. Dom. num. 5. i Ibidem num. 13. k Lib. 3. de amore Dei cap. 19. num. 66. l Ser. 4. de Ascens. Dom. num. 6.

dit de monte *sapientiæ*, quoniam placuit Deo per stultitiam prædicationis salvos facere credentes. Quid enim tenello Corpore & infantilibus membris videtur infirmius? Quid indoctius apparet paruulo, qui sola Matris ubera noverit? Quis impotentior eo, cujus omnia membra clavis affixa, cujus omnia dinumerantur ossa? Quis insipientior eo, qui tradebat in mortem Animam suam, & quæ non rapuit tunc exolvebat? Vides quàm multùm descenderit, quantùm à potentia sua, quantùm à sapientia sua exinaniverit semetipsum. Sed non potuit altiùs montem bonitatis ascendere, nec suam cōmendare expressiùs charitatem. Et verè in nullo sic commendat Deus charitatem suam [m] quomodò in mysterio Incarnationis suæ & Passionis: in nullo sic revelatur ejus pietas, in nullo sic apparet benignitas, quomodò in humanitate, Apostolo teste qui ait: *Apparuit benignitas & humanitas Salvatoris nostri Dei*. Nam potentia quidem occultata est, quoniam in infirmitate venit, Unde Abacuc Propheta: *Abscondita est, inquit, fortitudo ejus*, haud dubium quin in Cruce, cujus cornua in manibus ejus. *Sapientia* quoq; Dei abscondita est & incarnata. Placuit enim ei per stultitiam Verbi salvos facere credentes: Nonne quodammodò stultum se fecerat, qui tradidit in mortem Animam suam, & tulit peccata multorum: & quæ non rapuit tunc exolvebat? Est Filius à Patre (n) Deus de Deo, lumen de lumine, Deus verus de Deo vero. Est utique splendor Paternæ gloriæ. Hinc & Apostolus ait: *Qui cū sit splendor gloriæ, &*
figu-

in Ser. 29. inter diver. num. 3. n. Tract. de 3. præcip. myst. cap. 7. num. 19.

figura substantiæ ejus, haud dubium quin Patris: splendet ergo æquè Filius ut Pater, imò idem splendor Filius qui Pater. Abacuc quoque Propheta [o] intuens hanc lucem ait: *Splendor ejus ut lux erit, cornua in manibus ejus, ibi abscondita est fortitudo ejus.* Apertè designans, quòd etiam, cùm manus ejus Crucis effixæ fuissent, licet ipse Sol radios suos obumbrasset, ne Christum morientem in cruce viderent: lux Deitatis non minùs in Christo nituit. Unde præmisit: *Splendor ejus ut lux erit.* Constat ergo ex Abacuc testimonio [p] quòd passio humanitatis non minuit lucem Deitatis: imò ipse moriens victor mortis de morte triumphavit, & mors ejus nostram mortem calcavit. *Ibi abscondita est fortitudo ejus.* Corpusculum Christi exanime, torridum & exangue pendet in Cruce, caput deflexa cervice vix collo hæret pendulo: facie livida. Oculi in morte lugentes, & semiclausi: manus distentæ, & clavis ligno compactæ. *Ibi abscondita est fortitudo ejus.* Abscondita est Judæis, qui dicebant: *Conteramus eum de terra viventium, morte turpissima condemnemus eum.* Abscondita est & Discipulis, qui dicebant: *Nos autem sperabamus, quia ipse esset redempturus Israël.* *Splendor ejus ut lux erit, cornua in manibus ejus.* In Cruce aret, in aëre claret: pendet in patibulo, splendet in altissimo. O Sancte Abacuc, quàm benè splendor hujus lucis luxit, qui tibi tot sæculis illuxit, ante cornua Crucis in manibus ejus: sed & manus ejus in cornibus Crucis. Quod si homini carnali stultitia fortè videtur [q] audiat Apostolum loquentem: *Quod stultum est Dei,*

li 2

sapien-

o Ibidem num. 22. p Ibidem n. 23. q Tract. de vit. & mor. Cleric
cap. 11. num. 34.

sapientius est hominibus: & quoniam placuit Deo per stultitiam prædicationis salvare credentes: quippe eum mundus eum in sapientia minimè cognovisset. Si vos ô Judæi [r] scandalizat Crux Christi (Verbū enim Crucis Judæis quidem scandalum est, ait Apostolus) excitet vos saltem novitas Resurrectionis. Invenimus nos in Cruce gloriam. Nobis qui salvamur, Dei virtus est. Dei liquidem infirmitas [s] nostra est fortido, & in stultitia ejus facti sumus sapientes. Quia enim mundus non cognovit in sapientia Deum, placuit Deo per stultitiam prædicationis salvos facere credentes. Facta est igitur res mira [t] & obstupenda. Infirmata est Virtus summa: & ut ita dicam si dici liceat quod tamen reverenter dico, quasi infatuata est Sapientia. Nec erubesco dicere, quod non erubuit Doctor Gentium docere. Sic nempe credidit, sic docuit, sic scriptum reliquit: Nos, inquit, prædicamus Christum crucifixum, Judæis quidem scandalum, Gentibus autem stultitiam: ipsis autem vocatis Judæis atque Græcis, Christum Dei Virtutem & Dei Sapientiam: quia quod stultum est Dei, sapientius est hominibus; & quod infirmum est Dei, fortius est hominibus. Verumtamen hæc virtus abscondenda erat, & in humilitate perficienda, ut omnium implerentur oracula Prophetarum. Totum ergo nobis de Christo valvit [u] totum salutiferum, totumquè necessarium fuit: nec minùs profuit infirmitas, quàm Majestas: quia etsi ex Deitatis potentia peccati jugum jubendo subinovit, ex carnis tamen

r Ser. I. in die Pasch. num. 12. s Ser. de verb. sap. num. 6. pag. 770.
t Ser. 57. diuer. num. 1. & 2. u Tract. exhort. ad milit. templi cap. XI. num. 26.

men infirmitate mortis jura moriendo concussit. Unde pulchrè ait Apostolus: *Quod infirmum est Dei, fortius est hominibus*. Sed & illa ejus stultitia per quam ei placuit salvum facere mundum, ut mundi confutaret sapientiam, & confunderet sapientes: quodd videlicet cùm in forma Dei esset, Deo æqualis, semetipsum exinanivit formam servi accipiens: quodd dives cùm esset, propter nos egenus factus est, de magno parvus, de exelso humilis, infirmus de potente: quodd esuriit, quodd sitiit, quodd fatigatus est in itinere, & cæterea quæ passus est voluntate, non necessitate. Hæc inquam ipsius quædam stultitia, nonne fuit nobis via prudentiæ, justitiæ forma, sanctitatis exemplum? Ob hoc idem Apostolus: *Quod stultum est, inquit, Dei, sapientius est hominibus*.

C A P U T I V.

De titulo Crucis quatuor dictionibus exarato: quarum singula habent sensum tropologicum.

JESUS NAZARENUS REX JUDEORUM. Joan. 19.

1. *Dictio JESUS significat saluationem sive redemptionem nostram. Nomen Jesus comparatur triplici qualitati Olei, quod lucet, pascit, & ungit.*
2. *Dictio NAZARENUS, interpretatum florens, significat voluptatem sive delectationem. Jesus Crucifixus comparatur flori spiranti odorem, quo totum mundum traxit post se.*
3. *Dictio REX significat divitias salutis nostræ. Ostenditur, Jesum Crucifixum esse summum Regem non solum hujus mundi,*

sed etiam Regni celestis. 4. DICTIO JUDÆORUM significat gloriam populi Gentium: qui ideo veri esse Judæi appellantur, quia confitentur Deo peccata sua, & divinam laudem. Inter quos tamen adest differentia magna.

S. I.

Scriptit autem & titulum causæ ejus Pilatus, & posuit super Crucem, super caput ejus. Erat autem superscriptio scripta Hebraicè, Græcè, & Latine: JESUS NAZARENUS REX JUDÆORUM. Matt. 27. Mar. 15. Luc. 23. Joan. 19.

A Nima mea (a) liquefacta est in sermone isto, jucunditatem hanc & exultationem solito vobis desiderio eruclare festinans. Jesus interpretatur Salvator. Quid tam necessarium perditis, quid tam optabile miseris, quid tam utile desperatis? *Oleum effusum* (b) *est nomen eius*. Oleum, inquam, effusum, unguentum aromatum, jubilus cordium, JESUS NAZARENUS REX JUDÆORUM. Sed frangatur alabastrum, perflet Auster hortum aromatum, myrrha det odorem suum, diffluant rivuli balsamorum: Crucifixus sit in memoria, Crucifixi replicetur injuria, Crucifixi ruminentur opprobria, & charitas indefessa. Omnia interiora nostra loquantur de Jesu Nazareno, qui lavit nos à peccatis nostris in Sanguine suo, ut simus potentes opere & sermone. Si verè spirituales apes sumus (c) de floribus

a Ser. 6. in vig. Nat. Dom. num. 1. b Ser. in ser. 2. Pasch. num. 10. tom. 6. pag. 921. c Tract. de vite mist. cap. 44. num. 170.

bus nostri paradisi Nazareni, id est horti florentis floridissimi Jesu Christi nobis memoriam componamus tenacem, quæ non qualibet tentatione dissolvatur, sed apta sit illa memoria recipere impressionem sigilli, id est Crucifixi Jesu: ut illum semper in memoria habeamus qui dicit: *Pone me sicut signaculum*. Signaculum enim regium Crux est, quam si in cordis nostri memoria portaverimus, tanti Regis regionem quæ finem non habet, securè poterimus intrare. Habet hoc sigillum imaginem Crucifixi Jesu, in ipso sigillo Crucis multis fossuris effossam & expressam, sicut in sigillis imago Regum exprimitur sodiendo. Habet & superscriptionem, titulum à Pilato conscriptum: JESUS NAZARENUS REX JUDÆORUM. Hujus superscriptionis significationem spiritualem consequetur, si quis hoc sigillum Crucis gestare curaverit tenaci memoriæ impressum: & habebit Jesum, id est salutem, quod primum est insupercriptione. *Prima enim dictio tituli est, Jesus (d)* per quam intelligitur salvatio, quod idem est quod redemptio. Jesus Hebraicè, (e) latinè Salvator interpretatur. Rationem hujus vocabuli Mattheus Evangelista ponit (f) Angelo sic interpretante: *Ipse enim saluum faciet populum suum à peccatis eorum*. Duos Jesus lego in typo hujus quem nunc in manibus habemus, præcessisse, & ambos populis præfuisse: quorum unus populum suum de Babylone eduxit, alter suum in terram promissionis introduxit populum. Et illi quidem illos quibus præerant, ab hostibus defendebant, sed numquid salvabant à

peccatis eorum? Is autem noster Jesus & à peccatis salvat populum suum, & introducit in terram viventium. Regnum cælorum (g) terra viventium est. Unde David ait: *Credo videre bona in terra viventium*, Item: *Placebo Domino in regione vivorum*. Videamus nunc (h) quare oleo comparetur Nomen Jesu. Oleum lucet, pascit, & ungit. Idem facit Nomen Jesu Christi, & per omnia consonat comparationi. Lucet prædicatū, pascit recogitatum, invocatū lenit & ungit. *Primò Nomen Jesu lucet prædicatum*. Vide si non illa duo præclara Lumina (Petrum & Paulum loquor) lumen Nominis hujus super eloquentiæ candelabrum portaverunt, si non illuxerunt coruscationes Dei obbi terræ, si non in splendore fulgoris hujus commota est & contremuit terra? *In nomine Jesu Christi Nazareni surge, & ambula*, dicit claudo Princeps Apostolorum. Nonne quasi fulgor exilivit ab ore Petri, cum nominatum est Nomen quod os Domini nominavit? *Et statim* (inquit Scriptura) *consolidatae sunt bases ejus, & plantæ*. Hoc denique Nomen (i) coram Regibus & Gentibus & filiis Israël portare jussus est Paulus Apostolus: & portabat Nomen tanquam lumen, & illuminabat patriam, & clamabat ubique: *Nox præcessit, dies autem appropinquavit: abiciamus ergo opera tenebrarum, & induamur arma lucis, sicut in die honestè ambulemus*. Et monstrabat omnibus lucernam super candelabrum, annuncians in omni loco Jesum, & hunc Crucifixum. *Secundò Nomen Jesu pascit recogitatum*. Pascit revera (k) nec est feli-

g. Ser. 2. de Nat. Dom. num. 4. tom. 5. pag. 616. h. Ser. 1. de Nat. Dom. num. 8. tom. 6. pag. 512.

felicior pastio in loco pascuæ ubi nos Dominus collocavit. Quid æquè mentem cogitantis impinguat? Nomen Jesu mel in ore, in aure melos, in corde jubilus. Omnis cibus qui non conditur hoc sale, infatuatus est. Scriptura quæ non fuerit interliniata oleo tantæ devotionis, insipida est. An non toties confortaris [l] quoties recordaris? Quid ita exercitatos reparat sensus, virtutes roborat, vegetat mores bonos atque honestos, castas fovet affectiones? Aridus est omnis animæ cibus, si non oleo isto infunditur. Insipidus est, si non hoc sale conditur. Si scribas, non sapit mihi nisi legero ibi Jesum. Si disputes aut conferas, non sapit mihi nisi sonuerit ibi Jesus. Tertiò *Nomen Jesu invocatum lenit & ungit*. Lenit revera [m] & ungit: quia nihil sic recreat nos in tribulatione. Denique & probare licet: *Invoca me, inquit, in tribulatione, eruam te, & honorificabis me*. Nihil ita iræ impetum cohibet [n] superbiæ tumorem sedat, sanat livoris vulnus, restringit luxuriæ fluxum, extinguit libidinis flammam, sitim temperat avaritiæ, ac totius indecoris fugat pruriginem. Siquidem cum nomino Jesum [o] Hominem mihi propono mitem & humilem corde, benignum, sobrium, castum, misericordem, & omni denique honestate & sanctitate conspicuum: eundemquæ ipsum Deum omnipotentem, qui suo me & exemplo sanat, & roborat adjutorio. Hæc omnia simul mihi sonant, cum insonuerit Jesus. Sumo itaque mihi exempla de Homine, & auxilium à Potente: illa tanquam pigmentarias species, hoc tanquam unde

l Ser. 15. in in Cant. num. 6. m Ser. 1. de Nat. Domin. num. 8. et num. 6. n Ser. 15. in Cant. num. 6. o Ibidem numer. 7

Sanguis iste ad nutriendum te. Bibe ergo Sanguinem hunc meracissimum, fide, memoria, & intuitu spirituali. Effusio Sanguinis [a] in fessione clavorum copiosissima invenitur. Quis enim de fossis, imò & de perfossis manibus pedibusquè innocentis Jesu copiam Sacraei Sanguinis dubitet effluxisse? In torrentibus hujus Sanguinis rosa nostra purpurata est: quia verè hîc ardentissima charitas, hîc rubicundissima passio invenitur. In hac magnitudine passionis, magnitudo consideretur charitatis: ardorem rosæ charitatis, ruborem considera passionis. Quis unquam tam gravia, tam pudenda passus fuit? Deus est qui patitur; nec in aliquo sibi durum torcular passionis alleviat, qui servis suis vel omninò auferre, vel alleviare, vel brevare vires tormentorum consuevit. Non pepercit sibi, qui suis parcere novit. Hujus rei evidentiam vides in Evangelio Joannis, ubi cùm ab his qui ad ipsum venerant capiendum, ei diceretur quòd ipsum quærerent, subjungit: *Ego sum*, inquit, *quem quæritis: si ergo me quæritis, sinite hos abire*. O ardor verissimæ charitatis! Manifestat & tradit se Charitas ipsa sevientibus inimicis, non parcens sibi: rogatquè pro suis, ut parcatur illis. Captus ergo post plurimas illusiones tam Judæorum quàm Gentium, post Sanguinis plurimas effusiones, clavis immitibus in manibus simul & pedibus perforatur, & configitur ligno crucis Salvator noster, mitissimus Jesus. Intuere ô homo, & respice rosam passionis sanguineæ, quomodo rubet in indicium ardentissimæ charitatis. Contendunt Passio & Charitas: illa ut plùs ardeat, ista ut plùs rubeat.

a *Ibidem cap. 41. num. 147. & 147.*

at . Sed mirabiliter per ardorem charitatis fit passio rubea , quia si non diligeret , non pateretur : & in passionis rubore maxima & incomparabilis ostenditur charitas . Sicut enim rosa per frigus noctis clausa Solis ardore surgente tota aperitur , & foliis expansis in rubore demonstrat ardorem jucundum . Ita flos cæli deliciosus , optimus Jesus Christus , qui multo tempore à peccato primi hominis quasi in frigore noctis clausus fuit peccatoribus , nondum plenitudinem impendens : tandem plenitudine temporis accedente , radiis scilicet ardentis charitatis in omni Corporis sui parte apertus est , & rosæ charitatis ardor in rubore Sanguinis effusi refulsit . Siquidē Dominus noster elevatus in Cruce [b] largissimas Sanguinis undas à quinque partibus sui Corporis abundantius effudit . Clavis enim pedes & manus , & lancea latus ejus transverberante , preciosus Sanguis emanavit . Per quod [c] illum planè ad se versiculum traxit : *Apud Dominum misericordia , & copiosa apud eum redemptio* . Prorsus copiosa : quia non gutta , sed unda Sanguinis largiter per quinque partes Corporis emanavit . Cujus utique Sanguinis aspersione [d] judex transit in patrem , iratus in mittem , in misericordiam virga , captivitas in coronam . Vide ergo [e] quomodo in hoc flore rosæ floruerit optima Vitis nostra , rubicundus Jesus . Vide totum Corpus , sicubi rosæ sanguineæ florem non invenias . Inspice manum unam & alteram , si florem invenias in utraque . Inspice pedem & unum & alterum ,

b Ser. 1. de Nat. Dom. num. 9. tom. 6. pag. 619. c Ser. 22. in Cant. num. 7. d Ser. de Nat. Domini num. 9. tom. 6. e Tract. de vite myst. cap. 41. num. 148.

terum, numquid non rosei? Inspice lateris aperturam [f] quia nec illa caret rosâ, quamvis ipsa subrubea sit propter mixturam aquæ: quia sicut narrat Evangelista: *Cum unus militum lanceâ latus ejus perfodisset, exivit sanguis & aqua*. Ipse est enim qui venit per aquam, & non per aquam solum, sed per aquam & Sanguinem optimus Jesu Christus. O suavissime universorum Domine & Salvator bone Jesu, quales tibi condignas gratiarum referre poterò actiones? Qui à principio ortus tui usque ad mortem durissimam, imò & post mortem pro me preciosum Sanguinem effudisti, qui ardorem excellentissimæ charitatis tuæ tam crebris Sanguinis tui effusionibus manifestare curasti. O quàm multo numero foliorum multiplicata & exornata est rosa tua! Quis omnia ista enumeret? Numera guttas Sanguinis effusi de dulcissimo Corpore dulcissimi Jesu, & habebis passionis charitativæ folia enumerata. Singulæ enim guttæ Sanguinis sui folia sunt rosæ sanguineæ passionis ipsius. O duri & indurati [g] & obdurati filii Adam, quos non emollit tanta benignitas, tanta flamma, tam ingens ardor amoris, tam vehemens amor Christi crucifixi, qui pro vilibus sarcinulis tam preciosas merces expendit! Non enim corruptibilibus auro vel argento redemit nos, sed precioso Sanguine suo, quem effudit abundè: quia largiter undæ Sanguinis de corpore Jesu per quinque partes emanaverunt.

Et

§. I I I.

Et crucifixerunt cum eo duos latrones, unum à dextris, & alium à sinistris ejus: medium autem Jesum. Et impleta est Scriptura qua dicit: Et cum iniquis reputatus est. Matt. 27. Mar. 15. Luc. 23. Joan. 19.

Cognosce anima mea (h) cognosce: hic est Dominus Deus noster, Jesus Christus Salvator tuus, unigenitus Dei Filius, verus Deus, verus homo: qui solus sub Sole sine macula inventus est. Et ecce cum sceleratis quomodo reputatus est. Vide nudum & verberibus laceratum (i) in medio latronum Crucis ignominiosæ ferreis clavis affixum, & copiosos Sanguinis rivos ex quatuor vulneribus manuum & pedem effundentem. Adhuc jugi scrutinio [k] & assidua meditatione revolve, qualiter Unigenitus Dei Patris, cum esset splendor & figura substantiæ ejus, post exinanitionem usque ad formam servi, post famem, post sitim, post lassitudinem, post lachrymas, post vincula, post flagella, post coronam spinem, post clavos, pro salute tua inter duos latrones quomodo pendet in Cruce. Crucis siquidem cornua in manibus ejus, ac de illis pius ille Samaritanus tuis vulneribus oleum & vinum infundit. Porro ibi est abscondita fortitudo ejus, & in amaritudine mortis dulcedo ejus. Descendit de monte potentiae (l) carnis infirmitate circumdatus: descendit

h Ser. de Pass. Dom. num. 5. i Ibidem num 13. k Lib. 3. de amore Dei cap. 19. num. 66. l Ser. 4. de Ascens. Dom. nu. 6.

dit de monte *sapientiæ*, quoniam placuit Deo per stultitiam prædicationis salvos facere credentes. Quid enim tenello Corpore & infantilibus membris videtur infirmius? Quid indoctius apparet paruulo, qui sola Matris ubera noverit? Quis impotentior eo, cujus omnia membra clavis affixa, cujus omnia dinumerantur ossa? Quis insipientior eo, qui tradebat in mortem Animam suam, & quæ non rapuit tunc exolvebat? Vides quàm multùm descenderit, quantùm à potentia sua, quantùm à sapientia sua exinaniverit semetipsum. Sed non potuit altius montem bonitatis ascendere, nec suam cōmendare expressiùs charitatem. Et verè in nullo sic commendat Deus charitatem suam [m] quomodò in mysterio Incarnationis suæ & Passionis: in nullo sic revelatur ejus pietas, in nullo sic apparet benignitas, quomodò in humanitate, Apostolo teste qui ait: *Apparuit benignitas & humanitas Salvatoris nostri Dei*. Nam *potentia* quidem occultata est, quoniam in infirmitate venit, Unde Abacuc Propheta; *Abscondita est*, inquit, *fortitudo ejus*, haud dubium quin in Cruce, cujus *cornua in manibus ejus*. *Sapientia* quoq; Dei abscondita est & incarnata. Placuit enim ei per stultitiam Verbi salvos facere credentes: Nonne quodammodò stultum se fecerat, qui tradidit in mortem Animam suam, & tulit peccata multorum: & quæ non rapuit tunc exolvebat? Est Filius à Patre (n) Deus de Deo, lumen de lumine, Deus verus de Deo vero. Est utique splendor Paternæ gloriæ. Hinc & Apostolus ait: *Qui cùm sit splendor gloriæ, & figu-*

figura substantiæ ejus, haud dubium quin Patris: splendet ergo æquè Filius ut Pater, imò idem splendor Filius qui Pater. Abacuc quoque Propheta [o] intuens hanc lucem ait: *Splendor ejus ut lux erit, cornua in manibus ejus, ibi abscondita est fortitudo ejus.* Apertè designans, quòd etiam, cùm manus ejus Crucis effixæ fuissent, licet ipse Sol radios suos obumbrasset, ne Christum morientem in cruce viderent: lux Deitatis non minùs in Christo nituit. Unde præmisit: *Splendor ejus ut lux erit.* Constat ergo ex Abacuc testimonio [p] quòd passio humanitatis non minuit lucem Deitatis: imò ipse moriens victor mortis de morte triumphavit, & mors ejus nostram mortem calcavit. *Ibi abscondita est fortitudo ejus.* Corpusculum Christi exanime, torridum & exangue pendet in Cruce, caput deflexa cervice vix collo hæret pendulo: facie livida. Oculi in morte lugentes, & semiclausi: manus distentæ, & clavis ligno compactæ. *Ibi abscondita est fortitudo ejus.* Abscondita est Judæis, qui dicebant: *Conteramus eum de terra viventium, morte turpissima condemnemus eum.* Abscondita est & Discipulis, qui dicebant: *Nos autem sperabamus, quia ipse esset redempturus Israël.* *Splendor ejus ut lux erit, cornua in manibus ejus.* In Cruce aret, in aëre claret: pendet in patibulo, splendet in altissimo. O Sancte Abacuc, quàm benè splendor hujus lucis luxit, qui tibi tot sæculis illuxit, ante cornua Crucis in manibus ejus: sed & manus ejus in cornibus Crucis. Quod si homini carnali stulticia fortè videtur [q] audiat Apostolum loquentem: *Quod stultum est Dei,*

o Ibidem num. 22. p Ibidem n. 23. q Tract. de vit. & mor. Cleric. cap. 11. num. 34.

sapientius est hominibus: & quoniam placuit Deo per stultitiam prædicationis salvare credentes: quippe eum mundus eum in sapientia minimè cognovisset. Si vos ô Judæi [r] scandalizat Crux Christi (Verbum enim Crucis Judæis quidem scandalum est, ait Apostolus) excitet vos saltem novitas Resurrectionis. Invenimus nos in Cruce gloriam. Nobis qui salvamur, Dei virtus est. Dei siquidem infirmitas [s] nostra est fortido, & in stultitia ejus facti sumus sapientes. Quia enim mundus non cognovit in sapientia Deum, placuit Deo per stultitiam prædicationis salvos facere credentes. Facta est igitur res mira [t] & obstupenda. Infirmata est Virtus summa: & ut ita dicam si dici liceat quod tamen reverenter dico, quasi infatuata est Sapientia. Nec erubesco dicere, quod non erubuit Doctor Gentium docere. Sic nempe credidit, sic docuit, sic scriptum reliquit: Nos, inquit, prædicamus Christum crucifixum, Judæis quidem scandalum, Gentibus autem stultitiam: ipsis autem vocatis Judæis atque Græcis, Christum Dei Virtutem & Dei Sapientiam: quia quod stultum est Dei, sapientius est hominibus; & quod infirmum est Dei, fortius est hominibus. Verumtamen hæc virtus abscondenda erat, & in humilitate perficienda, ut omnium implerentur oracula Prophetarum. Totum ergo nobis de Christo valvit [u] totum salutiferum, totumquè necessarium fuit: nec minùs profuit infirmitas, quàm Majestas: quia etsi ex Deitatis potentia peccati jugum jubendo submovit, ex carnis tamen

r Ser. 1. in die Pasch. num. 12. s Ser. de verb. sap. num. 6. pag. 770.
t Ser. 57. diuer. num. 1. & 2. u Tract. exhort. ad milit. templi cap. 11. num. 26.

men infirmitate mortis jura moriendo concussit. Unde pulchrè ait Apostolus: *Quod infirmum est Dei, fortius est hominibus.* Sed & illa ejus stultitia per quam ei placuit salvum facere mundum, ut mundi confuteret sapientiam, & confunderet sapientes: quòd videlicet cùm in forma Dei esset, Deo æqualis, semetipsum exinanivit formam servi accipiens: quòd dives cùm esset, propter nos egenus factus est, de magno parvus, de exelso humilis, infirmus de potente: quòd esuriit, quòd sitiit, quòd fatigatus est in itinere, & cæterea quæ passus est voluntate, non necessitate. Hæc inquam ipsius quædam stultitia, nonne fuit nobis via prudentiæ, justitiæ forma, sanctitatis exemplum? Ob hoc idem Apostolus: *Quod stultum est, inquit, Dei, sapientius est hominibus.*

C A P U T I V.

De titulo Crucis quatuor dictionibus exarato: quarum singula habent sensum tropologicum.

JESUS NAZARENUS REX JUDEORUM. Joan. 19.

1. Dictio JESUS significat salvationem sive redemptionem nostram. Nomen Jesus comparatur triplici qualitati Olei, quod lucet, pascit, & ungit. 2. Dictio NAZARENUS, interpretatum florens, significat voluptatem sive delectationem. Jesus Crucifixus comparatur flori spiranti odorem, quo totum mundum traxit post se. 3. Dictio REX significat divitias salutis nostræ. Ostenditur, Jesum Crucifixum esse summum Regem non solum hujus mundi,

sed etiam Regni cælestis. 4. DICTIO JUDÆORUM significat gloriam populi Gentium: qui ideo veri esse Judæi appellantur, quia confitentur Deo peccata sua, & divinam laudem. Inter quos tamen adest differentia magna.

§. I.

Scripsit autem & titulum causæ ejus Pilatus, & posuit super Crucem, super caput ejus. Erat autem superscriptio scripta Hebraicè, Græcè, & Latine: JESUS NAZARENUS REX JUDÆORUM. Matt. 27. Mar. 15. Luc. 23. Joan. 19.

A Nima mea (a) liquefacta est in sermone isto, jucunditatem hanc & exultationem solito vobis desiderio eructare festinans. Jesus interpretatur Salvator. Quid tam necessarium perditis, quid tam optabile miseris, quid tam utile desperatis? *Oleum effusum* (b) *est nomen ejus*. Oleum, inquam, effusum, unguentum aromaticum, jubilus cordium, JESUS NAZARENUS REX JUDÆORUM. Sed frangatur alabastrum, perflet Auster hortum aromaticum, myrrha det odorem suum, diffluant rivuli balsamorum: Crucifixus sit in memoria, Crucifixi replicetur injuria, Crucifixi ruminentur opprobria, & charitas indefessa. Omnia interiora nostra loquantur de Jesu Nazareno, qui lavit nos à peccatis nostris in Sanguine suo, ut simus potentes opere & sermone. Si verè spirituales apes sumus (c) de floribus

a Ser. 6. in vig. Nat. Dom. num. 1. b Ser. in fer. 2. Pasch. num. 10. tom. 6. pag. 72. c Tract. de vite mist. cap. 44. num. 170.

bus nostri paradisi Nazareni, id est horti florentis floridissimi Jesu Christi nobis memoriam componamus tenacem, quæ non qualibet tentatione dissolvatur, sed apta sit illa memoria recipere impressionem sigilli, id est Crucifixi Jesu: ut illum semper in memoria habeamus qui dicit: *Pone me sicut signaculum*. Signaculum enim regum Crux est, quam si in cordis nostri memoria portaverimus, tanti Regis regionem quæ finem non habet, securè poterimus intrare. Habet hoc sigillum imaginem Crucifixi Jesu, in ipso sigillo Crucis multis fossuris effossam & expressam, sicut in sigillis imago Regum exprimitur fodiendo. Habet & superscriptionem, titulum à Pilato conscriptum: JESUS NAZARENUS REX JUDÆORUM. Hujus superscriptionis significationem spirituales consequetur, si quis hoc sigillum Crucis gestare curaverit tenaci memoriæ impressum: & habebit Jesum, id est salutem, quod primum est insupercriptione. *Prima enim dictio tituli est, Jesus* (d) per quam intelligitur salvatio, quod idem est quod redemptio. Jesus Hebraicè, (e) latinè *Salvator* interpretatur. Rationem hujus vocabuli Mattheus Evangelista ponit (f) Angelo sic interpretante: *Ipse enim saluum faciet populum suum à peccatis eorum*. Duos Jesus lego in typo hujus quem nunc in manibus habemus, præcessisse, & ambos populis præfuisse: quorum unus populum suum de Babylone eduxit, alter suum in terram promissionis introduxit populum. Et illi quidem illos quibus præerant, ab hostibus defendebant, sed numquid salvabant à

I i 4 pec-

d Ibidem cap. 46. num. 180. e Ser. 1. in ult. Cana num. 2. f Ser. 3. super missus num. 10. & 11.

peccatis eorum? Is autem noster Jesus & à peccatis
 salvat populum suum, & introducit in terram vi-
 ventium. Regnum cælorum (g) terra viventium
 est. Unde David ait: *Credo videre bona in terra*
viventium, Item: *Placebo Domino in regione vivo-*
rum. Videamus nunc (h) quare oleo comparetur
 Nomen Jesu. Oleum lucet, pascit, & ungit. Idem
 facit Nomen Jesu Christi, & per omnia consonat
 comparationi. Lucet prædicatū, pascit recogitatum,
 invocatū lenit & ungit. *Primò Nomen Jesu lucet præ-*
dicatum. Vide si non illa duo præclara Luminaria
 (Petrum & Paulum loquor) lumen Nominis hujus
 super eloquentiæ candelabrum portaverunt, si non
 illuxerunt coruscationes Dei obbi terræ, si non in
 splendore fulgoris hujus commota est & contremuit
 terra? *In nomine Jesu Christi Nazareni surge, &*
ambula, dicit claudo Princeps Apostolorum. Non-
 ne quasi fulgor exilivit ab ore Petri, cum nomina-
 tum est Nomen quod os Domini nominavit? *Et sta-*
tim (inquit Scriptura) *consolidata sunt bases ejus,*
& plantæ. Hoc denique Nomen (i) coram Regi-
 bus & Gentibus & filiis Israël portare jussus est Pau-
 lus Apostolus: & portabat Nomen tanquam lumen,
 & illuminabat patriam, & clamabat ubique: *Nox*
præcessit, dies autem appropinquavit: abyciamus ergo
opera tenebrarum, & induamur arma lucis, sicut in
die honestè ambulemus. Et monstrabat omnibus lu-
 cernam super candelabrum, annuncians in omni
 loco Jesum, & hunc Crucifixum. *Secundò Nomen*
Jesu pascit recogitatum. Pascit revera (k) nec est
 feli-

g. Ser. 2. de Nat. Dom. num. 4. tom. 6. pag. 616. h. Ser. 1. de Nat.
 Dom. num. 8. tom. 6. pag. 512.

felicior pastio in loco pascuæ ubi nos Dominus collocavit. Quid æquè mentem cogitantis impinguat? Nomen Jesu mel in ore, in aure melos, in corde jubilus. Omnis cibus qui non conditur hoc sale, infatuatus est. Scriptura quæ non fuerit interliniata oleo tantæ devotionis, insipida est. An non toties confortaris [l] quoties recordaris? Quid ita exercitatos reparat sensus, virtutes roborat, vegetat mores bonos atque honestos, castas fovet affectiones? Aridus est omnis animæ cibus, si non oleo isto infunditur. Insipidus est, si non hoc sale conditur. Si scribas, non sapit mihi nisi legero ibi Jesum. Si disputes aut conferas, non sapit mihi nisi sonuerit ibi Jesus. *Tertiò Nomen Jesu invocatum lenit & ungit.* Lenit revera [m] & ungit: quia nihil sic recreat nos in tribulatione. Denique & probare licet: *Invoca me, inquit, in tribulatione, eruam te, & honorificabis me.* Nihil ita iræ impetum cohibet [n] superbiæ tumorem sedat, sanat livoris vulnus, restringit luxuriæ fluxum, extinguit libidinis flammam, sitim temperat avaritiæ, ac totius indecoris fugat pruriginem. Siquidem cum nomino Jesum [o] Hominem mihi propono mitem & humilem corde, benignum, sobrium, castum, misericordem, & omni denique honestate & sanctitate conspicuum: eundemquæ ipsum Deum omnipotentem, qui suo me & exemplo sanat, & roborat adjutorio. Hæc omnia simul mihi sonant, cum insonuerit Jesus. Sumo itaque mihi exempla de Homine, & auxilium à Potente: illa tanquam pigmentarias species, hoc tanquam unde

l Ser. 15. in in Cant. num. 6. m Ser. 1. de Nat. Domin. num. 2. et num. 6. n Ser. 15. in Cant. num. 6. • Ibidem numer. 7

unde acuam eas : & facio confectionem, cui similem medicorum nemo facere possit. Hoc tibi eluctarium habes ô anima mea, reconditum in vasculo vocabuli huius quod est Jesus, salutiferum certè, quodquè nulli unquam pesti tuæ inveniatur inefficax. Semper tibi in sinu sit, semper in manu, quo tui omnes in Jesum & sensus dirigantur & actus. Denique & invitaris: *Pone me*, inquit, *signaculum in corde tuo, signaculum in brachio tuo*. Sed hoc aliàs. Nunc verò habes unde & brachio medearis & cordi. Habes inquam in Nomine Jesu unde actus tuos vel pravos corrigas, vel minùs perfectos adimpleas : itemquè unde tuos sensus aut serves ne corrumpantur, aut si corrumpantur, sanes.

§. 1 I.

Secunda dictio Tituli est, Nazarenus. In hac [p] dictione, NAZARENVS, quod interpretatur florens, voluptatem sive delectationem intellige: quia florum pulchritudo delectat. Nazareth interpretatur flos [q] in qua is qui natus in Bethleem erat, tanquam fructus in flore coalescens nutritus est Deus infans: ut floris odor fructus saporem præcederet, ac de naribus Prophetarum, faucibus se Apostolorum liquor sanctus infunderet: Judæisquè tenui odore contentis, gustu solido reficeret Christianos. Senferat quidem hunc florem Nathanael, quòd super omnia aromata suave redoleret. Vnde & agebat: *A Nazareth potest aliquid boni esse?* Sed nequaquam solà contentus fra-

p *Tract. de vit. myst. cap. 44. num. 170.* q *Tract. exhort. ad milit. templi cap. 7.*

fragrantia, respondentem sibi, *Veni & vide*, Philippum secutus est. Imò verò miræ illius suavitatis admodum reperfione delectatus, haustuq: boni odoris factus saporis avidior, odore ipso duce ad fructum usque sine mora pervenire curavit: cupiens plenius expetiri quod tenuiter præsens erat, præsensquè degustare quod odoraverat absens. Flos itaque est Filius Virginis [r] flos candidus & rubicundus, electus ex millibus. Flos, in quem prospicere desiderant Angeli: Flos, ad cujus odorem reviviscunt mortui. Et sicut ipse testatur, Flos campi est, & non horti. Denique [s] quid mirum si Vitis nostra admirabilem dedit odorem? Et uncta est, & florens. NAZARENUS enim florens interpretatur. Vitis utique nostra JESUS NAZARENUS, idest salutaris, uncta, & florens, quò non attraheret omnes? Qui salutem, gloriam divitias, vel delicias concupiscunt, veniant omnes ad Vitem hanc. Dabit enim Jesus salutem, quia *salutaris est*. Dabit Christus, & regnum in quo gloria cum divitiis habetur, quia unctus est, quod propriè ad Reges pertinet. Dabit NAZARENUS & delicias, quia *florens est*. Quid enim jucundius florere? Multi autem imò omnes, idest omnium virtutum flores in nostro Nazareno sunt, quarum delectabili odore totum mundum traxit post se. Nam qui veniunt ad ipsum propter humilitatem, *Viola* ejus sequuntur odorem: qui veniunt propter castitatem, *Lilii* sequuntur odorem: qui veniunt propter charitatem, passionis *Rosæ* sequuntur odorem: qui veniunt propter abstinenciam, *Crocii* sequuntur odorem

rem. Ex his ergo virtutibus optimi Jesu Christi ubique prædicatores tanquam, ex quodam precioso unguento effuso extraxerunt odorem ejus: & adolescentulæ odore ejus mirifico delectatæ, cucurrerunt post unctum Jesum. Et adhuc nimirum currunt clamantes in toto corde suo: *Trahe me post te, ut curramus in odore unguentorum tuorum*: scientes quod neque volentis neque currentis, sed solius Dei miserentis est. Superat autem omnes odores omnium virtutum uncti Jesu odor Crucifixi, ubi perfectio præcipuè efflorebat, & de floribus Vulnerum suorum inæstimabilem odorem effudit. Est denique adhuc alia causa [t] quare tanto Crucifixus odore fragraverit. Modicus quidem vel nullus est odor corporis cujuslibet animalis viventis: sed cum igni caro apposita fuerit, quàm suavis & quàm delectabilis inde procedat odoris fragrantia, nullus ignorat. Attendamus ergo quis & quantus ignis Corpori Vitis nostræ appositus fuerit. Fragrabat interiùs incendio Charitatis immensæ: exteriùs quoque fragrabat Passionis ardore, verissimum & gratissimum & saluberrimum holocaustum in Ara Crucis crucifixus Jesus. Quod holocaustum simile isti? Nullum profectò: quia nullum sic totum incensum dicitur. Etsi istud dicebatur verè holocaustum quod totum ardebat, cum tamen ibi arderet sola caro: quanto veriùs nostra Victimæ Iesus dicetur holocaustum, quod intùs & foris incomparabiliter ardebat. Ardebat & totus Laurentius, Vincentius, aliquè quàm plurimi Martyres: sed nihil ad hunc. Quis enim ardori fornacis Crucis aliquod audeat supplicium

com-

comparare? De holocausto igitur nostro crucifixo Jesu incomparabiliter ardente inæstimabilis nimis odor processit. Odoratusquæ est Dominus Deus Pater odorem suavitatis, & benedixit nobis: avertit iram indignationis suæ longè à nobis, pace integrè reformata, & Sanguine rubicundi Jesu tam nostro, quàm ipsius particeps pacis internæ obside existente. Odoraverunt & alii plures ab Oriente & Occidente, ab Aquilone & Meridie occurrentes, & ad hoc dulcissimi odoris Corpus floridum congregati sunt, ut de eo se satiarent: illo tamen integro permanente, implerunt ipsius dulcissimi Jesu verbum dicentis: *Ubi fuerit corpus, ibi congregabuntur & aquilæ*. Sed jam non cruda Caro ista comeditur, optimè percocta cum sit duplici igne Charitatis & Passionis. Unde tam delectabili odore inebriati non solum Viri naturâ fortiores, sed & Virgunculæ tenerrimæ currunt toto cordis affectu & omnibus viribus animi ad delicias Crucis, hausturi delicias cordis sui (quantum in præsentī vita licet) unguentorum defluentium largiter ab holocausto nostro tam validis ignibus ardente. Non parùm enim [u] delicatum ardentis Corporis adjunxit odorem spiritualium unguentorum odor: idest, gratuitorum collatio, quæ post Passionem à Domino Jesu Apostolis sunt collata. Ante Passionem enim Spiritus nondum erat datus, quia Iesus nondum erat glorificatus. Humiliato autem & exaltato pio Jesu, defluxit unguentum Spiritus Sancti à capite, idest à Christo uncto, in barbam, idest, in eos qui viriliter egerunt & confortati sunt, ut sperarent à Domino. Et nou-

so-

solùm *in barbam Aaron*, idest, non solùm Christi Apostolis datum est unguentum hoc, quod liquefactum fuit igne Passionis Christi, ut daret odorem bonæ opinionis per omnem terram: sed *quod descendit in oram vestimenti*, idest, in infima membra Ecclesiæ, quæ est tanquam Christi vestimentum. Quod ita impletum est & adhuc impletur, ut etiam in nationes Spiritus Sancti gratia diffundatur, & sentiant Christi odorem spiritualis unguenti de summo Capite omnium defluente, quo mundæ fiant adolescentulæ: ut attrahant & diligant unctum nostrum Jesum, & currant in odore unguentorum illius. Nec mirum (x) si vehementer delectentur duplici odore Vitæ nostræ: uno qui ex unguentis, altero qui ex floribus procedit. Odorantur enim & odoratum sequuntur Jesum, imitantes bestiam quandam, quæ odore cocti panis & recentis ita delectatur, ut ubicunque illum senserit, illum sequatur etiam usque ad interitum. Ecce ipso teste, *Panis vivus qui de cælo descendit*, decoctus duplici igne Charitatis & Passionis, odorem suum longè latequè despergit. Quis hunc non sequatur? Sequitur irrationalis bestia odorem panis cocti & consumendi: & non sequitur homo rationalis odorem panis cocti Angelorum? Imò stultior est homo quàm bestia, qui illius odoriferi panis odorem non intelligit & honorem. Sed præterire non possumus, quòd transitori mare panem bis coctum necessarium habent. Quicunque ergo se in hoc mari magno hujus sæculi esse cognoverit, quod quia *spaciosum* est, citò transire non potest: & propter reptilia quorum non est numerus,

peri-

x *Ibi dem num. 145.*

periculosum est, quia & ventis & tempestatibus sævit. Si autem securus vult esse, habeat hunc panẽ coctum fortissimum Jesum in navi crucis suæ quem comedat, quem odoret quo, reficiatur quo, consoletur, quo (ut breviter dicam) ab omnibus periculis eruat. Si enim ut ait Psalmus : *Illicò naves pertransibunt* ; idest, homines in crucibus suis Jesum sequentes, quæ navis potius pertransibit, quàm navis Crucifixi Jesu? Secundùm verò Pauli sententiam dicentis, *quia Christo confixus sum cruci*, crucifigamur & nos cum Christo, crucem ejus, imò ipsum in cruce indeficienti cordis affectu amplexemur, in vivifico odore delectemur ardentis Jesu, qui dicit: *Ego quasi vitis fructificavi suavitatem odoris, & flores mei fructus honoris & honestatis : cujus spiritus est super mel dulcis*. Ejus inquam odore delectemur, unguentis charismatum ejus foveamur, pane cælesti, idest, Corpore suo purissimo confortemur : ut Corpus ejus edentes, Sanguinemquè pro salute nostra effusum in nostram salutem bibentes, gustare possimus, & videre liceat per speciem & in ænigmate, quia suavissimus est Dominus : ut etiam ipsius promissio perficiatur in nobis (quantùm in præsentì vita fas est) qui dicit : *Qui edunt me, adhuc esurient : & qui bibunt me, adhuc sitient*.

§. III.

Tertia dictio Tituli est, Rex. In hac (y) dictione, Rex, divitiæ exprimuntur. Reges enim divites esse solent super omnes quos regunt. Nec dulcius
nec

nec amicabilius [z] sed nec arctius omnino Regnum Sacerdotiumque conjungi seu complantari invicem potuerunt, quàm in persona Domini ambo hæc pariter convenirent, utpote qui factus est nobis ex utraque Tribu secundum carnem Summus & Sacerdos & Rex. Proinde [a] Magi Hierosolymam venerunt ab Oriente. Merito sanè ab Oriente venerunt, qui Solis justitiæ novum nobis ortum annuntiarent, qui lætis rumoribus totum mundum illuminarent. Nisi quod infelix Judæa, quia lucem oderat, ad fulgorem novæ claritatis obtenebratur, & caligantes oculi ejus coruscante radio Solis æterni multò magis excæcantur. Venientes ergo ab Oriente Magi, quid dixerint audiamus: *Ubi est qui natus est Rex Judæorum?* Quàm certa fides, & nihil penitus hæsitans? Non quærunt utrum natus sit, sed fiducialiter loquuntur, & interrogant sine dubitatione: *Ubi est qui natus est Rex Judæorum?* Porro audito nomine Regis, rex Herodes successorem suspicatus expavit, Nec mirum si turbatur Herodes: sed quòd Jerusalem civitas (quæ visio pacis est) cum Herode turbatur, quis non miretur? Cæterum postea (b) cum ingenti quodam tripudio, & exultatione universæ terræ, Hierosolymam non propriis ut hætenus consueverat pedibus, sed jumento vectus intravit Iesus. Et hæc quidem præparatio ad Passionem fuit, excitata hinc maximè invidia Sacerdotum. Sanè venturas aliquando turbas ut raperent, & eum Regem facerent, fugiens legitur declinasse. Nunc verò etiam non quæsitus adfuit, ut tanquam

Rex

z Epist. 242. num. 1. a Ser. 3. in Epiph. Domin. num. 3.
b Ser. 3. in Dom. Psalm. num. 1.

Rex Iſtraël ſuſciperetur & prædicaretur ab eis: quin etiam in hæc ipſa præconia eorum (quod dubium non eſt) animos excitavit. Sed quid fuit [c] quòd proceſſionem habere voluit, qui mox futuram noverat paſſionem? Fortè ut amarior eſſet paſſio, quam proceſſio præceſſiſſet. Ab eodem enim populo, in eodem loco & ipſo tempore, pauciſſimis diebus interpoſitis, primò cum tanto triumpho ſuſceptus, poſtea crucifixus eſt. O quàm diſſimile eſt, *Tolle, tolle, crucifige eum: Et, Benedictus qui venit in nomine Domini, Oſana in excelsis!* Quàm diſſimile, *Rex Iſrael: Et, Non habemus Regem niſi Caſarem!* Egredimini filia Sion [d] & videte Regem Salamonem: nam ubique Rex eſt. Licet enim regnum ejus non ſit de hoc Mundo, tamen Rex eſt etiam in hoc Mundo. Interrogatus ſiquidem, *Ergo Rex es tu?* Ego, inquit, *in hoc natus ſum, & in hoc veni in Mundum.* Princeps ergo eſt Chriſtus [e] & magnus Princeps, cujus ne ipſi quidem dæmones poſſunt efſugere principatum. At illorum regnum in ſeipſis diviſum deſolabitur. Hujus verò regnum manet integrum atque perfectum: & regni ejus non erit finis. Porro hîc rector eſt morum, (f) in judicio diſcretor erit meritorum, in regno diſtributor præmiorum. Paveant ergo Judæi qui abnegaverunt (g) qui dixerunt: *Non habemus Regem niſi Caſarem.* Paveant qui dixerunt: *Nolumus hunc regnare ſuper nos.* Redit ſiquidem accepto regno, & malos malè perdet.

Kk

Quar-

c Ser. 2. in Dom. Palm. n. 4. d Ser. 2. in Epiph. Dom. n. 4.
e Ser. 33. inter diver. num. 7. f Ser. 2. in Epiph. num. 2.
g Ser. 1. in die Paſch. num. 9.

§. I V.

*Quarta dictio Tituli est, Judæorum. In hac dictio-
ne, Judæorum, (h) gloria accipitur: quia uno mo-
do Judæus glorians interpretatur. O Juda & Jeru-
salem nolite timere (i), cras egredimini, & Dominus
erit vobiscum. Veros alloquimur Judæos, non li-
terâ sed spiritu: semen Abrahamæ, cujus multiplicatio
sicut promissa legitur, sic videtur impleta. Neque
enim filii carnis, sed filii promissionis deputantur
in semine. Sed nec illi Jerusalem dicimus, quæ oc-
cidit Prophetas. Unde enim illam consolemur super
quam Dominus flevit, quæ data est in subversionem?
Illi dicimus, quæ de cælo nova descendit: Nolite ti-
mere ô Juda & Jerusalem. Nolite timere Viri con-
fessores, qui non solum ore sed, toti pariter & om-
ni parte Domino confitemini, induti Confessionem
sicut vestimentum: imò quorum omnia interiora
Domino confitentur, & omnia ossa dicunt: Domine,
quis similis tibi? non sicut hi qui confitentur se nos-
se Deum, factis autem negant. Vera confessio est,
si omnia opera vestra, Fratres, opera ejus sint, &
confiteantur ei. Confiteantur autem gemina qua-
dam confessione, ut duplicibus vestiamini, idest,
confessione peccatorum vestrorum, & confessione
laudis Divinæ. Tunc enim veri Judæi eritis, si om-
nis vita vestra confiteatur vos esse peccatores, & di-
gnos multò majoribus pænis: Deum verò summè
bonum, qui pro his levibus & transitoriis pænis æter-
na*

*h Tract. de vite myst. cap. 44. num. 170. 1 Ser. 2. in Vig
Nat. Dom. num. 1.*

na condonat supplicia , quæ meruistis . Quisquis enim ardentè non desiderat pænitentiam , videtur operibus dicere , non indigere se pænitiâ : & ita suam non confitetur culpam , aut non posse prodesse ei pænitentiam : sic & Divinam non confitetur bonitatem . Vos autem estote veri Judæi , sed & Jerusalem vera , ut nihil jam timeatis . Est enim Jerusalem visio pacis . Visio , non possessio , cujus fines Dominus posuit pacem , non initium sanè , nec mediū . Cùm autem [K] Bethleem *domum panis Juda* , sonat *Confessionem* . Sit proinde Judæa sanctificatio tua : confessionem & decorem induere , quam maximè stolam in mīstris suis Christus acceptat . Denique breviter tibi utrumque commendat Apostolus : *Corde* , inquiens , *creditur ad justitiam , ore autem confessio fit ad salutem* . Justitia siquidem in corde , panis in domo . Est enim justitia panis . Et : *Beati qui esurunt & sitiunt justitiam , quoniam ipsi saturabuntur* . Sit ergo in corde justitia , & justitia quæ ex fide est . Hæc enim sola habet gloriam apud Deum . Sit etiam in ore confessio ad salutem , & securus jam suscipe Jesum Christum Filium Dei . Habuit & Judæa quosdam Jesus (1) quorum vacuis gloriatur vocabulis . Illa enim nec lucent , nec pascunt , nec medentur . Idcirco Synagoga in tenebris est usque adhuc , fame & infirmitate laborans , Et non sanabitur nec satiabitur , quosque sciat meum Jesum dominari Jacob & finium terræ , & convertatur ad vesperam : interim famem patiatur , & circumbeat Civitatem . At portitor voluntarius sigilli Regis nostri Crucifixi Jesu [m] fructum superscriptionis conse-

K k 2 qua-

quatur , ut sit saluus , scilicet ut voluptatem consequatur sempiternam torrente voluptatis Summi Regis potatus : æternas quoque divitias thesaurizet in optimo Jesu , in quo sunt omnes thesauri sapientiæ & scientiæ reconditi : in ipso quoque gloriatur sine termino , qui excelsus est super omnes gentes , & cujus gloria super cælos . Amen .

C A P U T . V .

*De ligno Crucis , cui affixus erat Christus
Deus noster .*

Dicite in nationibus , quia Dominus regnavit à ligno . Psal. 95.

1. Ostenditur , Christum in ligno Crucis acquisivisse ius regnandi , & subjugandi sibi mundum & diabolum : atque Crucem suam ornavisse quatuor virtutibus tanquam gemmis . Dæmon Christo de Cruce descensum suadebat , qui prius suaserat crucifixionem . Christus in opere redemptionis nostræ non tantum potentiâ , sed & prudentiâ usus est , ut diabolum debellaret . Docemur , Crucem factam esse ex quatuor generibus arborum , Cypressi , Cedri , Olivæ , & Palmæ . Quid autem significant ista quatuor ligna , demonstratur . Queritur cur Sponsa Sponsum suum Jesum comparat arbori viliori , omissis melioribus . 3. Ostenditur , Jesum Crucifixum dulcoravisse Crucem amaram suis amatoribus , ut in eius recordatione possint illis dulcescere omnia
- (ma-

amara. Quatuor cornua Crucis mysticè exponuntur, ut quatuor tela dæmonis conterantur. Proponuntur nobis quatuor virtutes cardinales tanquam quatuor clavi, quibus effigamur Cruci Dominica.

§. I.

Hunc ergo Titulum multi Judæorum legerunt, quia prope Civitatem erat locus, ubi Crucifixus est Jesus. Dicebant ergo Pilato Pontifices Judæorum: Noli scribere, Rex Judæorum: sed quia ipse dixit, Rex sum Judæorum. Respondit Pilatus: Quod scripsi, scripsi. Joan. 19.

Noli scribere, Rex Judæorum. O venenata lingua [a] verbum malitiæ, sermo nequam! O grossum [b] vipereumquè affectum, odire Hominem qui hominum & corpora sanat, & animas salvat. Siccine tibi Judæe [c] excidit quod audisti, quia Dominus regnavit à ligno, ut Regem abneget quia manet in ligno? Sed forsitan nec audisti, quia non Judæis, sed Nationibus hæc annunciatio debatur: Dicite (inquit David) in Nationibus, quia Dominus regnavit à ligno. Merito proinde (d) Titulum regni Præses gentilis inscripsit ligno, nec potuit Iudæus ut voluit, corrumpere Tituli inscriptionem, nedum impedire Dominicam Passionem, & nostram Redemptionem. Descendat de Cruce (inquiunt Judæi,) si Rex Israel est. Imò verò quia Rex Israel est, Titulum regni non deserat, virgam im-

K k 3 perii

^a Ser. 1. in die Pasch. n. 1. ^b Ser. 60. in Cant. num. 4. ^c Ser. 1. in die Pasch. num. 1. ^d Ibidem num. 2.

peccatis eorum? Is autem noster Jesus & à peccatis
 salvat populum suum, & introducit in terram vi-
 ventium. Regnum cælorum (g) terra viventium
 est. Unde David ait: *Credo videre bona in terra*
viventium, Item: *Placebo Domino in regione vivo-*
rum. Videamus nunc (h) quare oleo comparetur
 Nomen Jesu. Oleum lucet, pascit, & ungit. Idem
 facit Nomen Jesu Christi, & per omnia consonat
 comparationi. Lucet prædicatū, pascit recogitatum,
 invocatū lenit & ungit. *Primò Nomen Jesu lucet præ-*
dicatum. Vide si non illa duo præclara Luminaria
 (Petrum & Paulum loquor) lumen Nominis hujus
 super eloquentiæ candelabrum portaverunt, si non
 illuxerunt coruscationes Dei obbi terræ, si non in
 splendore fulgoris hujus commota est & contremuit
 terra? *In nomine Jesu Christi Nazareni surge, &*
ambula, dicit claudio Princeps Apostolorum. Non-
 ne quasi fulgor exilivit ab ore Petri, cum nomina-
 tum est Nomen quod os Domini nominavit? *Et sta-*
tim (inquit Scriptura) *consolidatæ sunt bases ejus,*
& plantæ. Hoc denique Nomen (i) coram Regi-
 bus & Gentibus & filiis Israël portare jussus est Pau-
 lus Apostolus: & portabat Nomen tanquam lumen,
 & illuminabat patriam, & clamabat ubique: *Nox*
præcessit, dies autem appropinquavit: abyciamus ergo
opera tenebrarum, & induamur arma lucis, sicut in
die honestè ambulemus. Et monstrabat omnibus lu-
 cernam super candelabrum, annuncians in omni
 loco Jesum, & hunc Crucifixum. *Secundò Nomen*
Jesu pascit recogitatum. Pascit revera (k) nec est
 feli-

g. Ser. 2. de Nat. Dom. num. 4. tom. 5. pag. 616. h. Ser. 1. de Nat.
 Dom. num. 8. tom. 6. pag. 512.

felicior pascua in loco pascuæ ubi nos Dominus collocavit. Quid æquè mentem cogitantis impingat? Nomen Jesu mel in ore, in aure melos, in corde jubilus. Omnis cibus qui non conditur hoc sale, infatuatus est. Scriptura quæ non fuerit interliniata oleo tantæ devotionis, insipida est. An non toties confortaris [l] quoties recordaris? Quid ita exercitatos reparat sensus, virtutes roborat, vegetat mores bonos atque honestos, castas fovet affectiones? Aridus est omnis animæ cibus, si non oleo isto infunditur. Insipidus est, si non hoc sale conditur. Si scribas, non sapit mihi nisi legero ibi Jesum. Si disputes aut conferas, non sapit mihi nisi sonuerit ibi Jesus. *Tertiò Nomen Jesu invocatum lenit & ungit.* Lenit revera [m] & ungit: quia nihil sic recreat nos in tribulatione. Denique & probare licet: *Invoca me, inquit, in tribulatione, eruam te, & honorificabis me.* Nihil ita iræ impetum cohibet [n] superbiæ tumorem sedat, sanat livoris vulnus, restringit luxuriæ fluxum, extinguit libidinis flammam, sitim temperat avaritiæ, ac totius indecoris fugat pruriginem. Siquidem cum nomino Jesum [o] Hominem mihi propono mitem & humilem corde, benignum, sobrium, castum, misericordem, & omni denique honestate & sanctitate conspicuum: eundemquè ipsum Deum omnipotentem, qui suo me & exemplo sanat, & roborat adjutorio. Hæc omnia simul mihi sonant, cum insonuerit Jesus. Sumo itaque mihi exempla de Homine, & auxilium à Potente: illa tanquam pigmentarias species, hoc tanquam unde

l Ser. 15. in in Cant. num. 6. m Ser. 1. de Nat. Dominum. 8æm. 6. n Ser. 15. in Cant. num. 6. • Ibidem numer. 7

unde acuam eas : & facio confectionem, cui similem medicorum nemo facere possit. Hoc tibi eluctarium habes ô anima mea, reconditum in vasculo vocabuli huius quod est Jesus, salutiferum certè, quodquè nulli unquam pesti tuæ inveniatur inefficax. Semper tibi in sinu sit, semper in manu, quo tui omnes in Jesum & sensus dirigantur & actus. Denique & invitaris: *Pone me*, inquit, *signaculum in corde tuo, signaculum in brachio tuo*. Sed hoc aliàs. Nunc verò habes unde & brachio medearis & cordi. Habes inquam in Nomine Jesu unde actus tuos vel pravos corrigas, vel minùs perfectos adimpleas : itemquè unde tuos sensus aut serves ne corrumpantur, aut si corrumpantur, sanes.

§. 11.

Secunda dictio Tituli est, Nazareus. In hac [p] dictione, NAZARENVS, quod interpretatur florens, voluptatem sive delectationem intellige: quia florum pulchritudo delectat. Nazareth interpretatur flos [q] in qua is qui natus in Bethleem erat, tanquam fructus in flore coalescens nutritus est Deus infans: ut floris odor fructus saporem præcederet, ac de naribus Prophetarum, faucibus se Apostolorum liquor sanctus infunderet: Judæisquè tenui odore contentis, gustu solido reficeret Christianos. Senferat quidem hunc florem Nathanael, quòd super omnia aromata suave redoleret. Vnde & agebat: *A Nazareth potest aliquid boni esse?* Sed nequaquam solâ contentus fra-

p Tract. de vit. myst. cap. 44. num. 170. q Tract. exhort. ad milit. templi cap. 7.

fragrantia, respondentem sibi, *Veni & vide*, Philippum secutus est. Imò verò miræ illius suavitatis admodum reperfione delectatus, haustuq: boni odoris factus saporis avidior, odore ipso duce ad fructum usque sine mora pervenire curavit: cupiens plenius expetiri quod tenuiter præsens erat, præsensquè degustare quod odoraverat absens. Flos itaque est Filius Virginis [r] flos candidus & rubicundus, electus ex millibus. Flos, in quem prospicere desiderant Angeli: Flos, ad cuius odorem reviviscunt mortui. Et sicut ipse testatur, Flos campi est, & non horti. Denique [s] quid mirum si Vitis nostra admirabilem dedit odorem? Et uncta est, & florens, NAZARENUS enim florens interpretatur. Vitis utique nostra JESUS NAZARENUS, idest salutaris, uncta, & florens, quò non attraheret omnes? Qui salutem, gloriam divitias, vel delicias concupiscunt, veniant omnes ad Vitem hanc. Dabit enim Jesus salutem, quia *salutaris est*. Dabit Christus, & regnum in quo gloria cum divitiis habetur, quia unctus est, quod propriè ad Reges pertinet. Dabit NAZARENUS & delicias, quia *florens est*. Quid enim jucundius florere? Multi autem imò omnes, idest omnium virtutum flores in nostro Nazareno sunt, quarum delectabili odore totum mundum traxit post se. Nam qui veniunt ad ipsum propter humilitatem, *Viola* ejus sequuntur odorem: qui veniunt propter castitatem, *Lilii* sequuntur odorem: qui veniunt propter charitatem, passionis *Rosæ* sequuntur odorem: qui veniunt propter abstinentiam, *Croci* sequuntur odorem

rem. Ex his ergo virtutibus optimi Jesu Christi ubique prædicatores tanquam, ex quodam precioso unguento effuso extraxerunt odorem ejus: & adolescentulæ odore ejus mirifico delectatæ, cucurrerunt post unctum Jesum. Et adhuc nimirum currunt clamantes in toto corde suo: *Trahe me post te, ut curramus in odore unguentorum tuorum*: scientes quod neque volentis neque currentis, sed solius Dei misericordis est. Superat autem omnes odores omnium virtutum uncti Jesu odor Crucifixi, ubi perfectio præcipuè efflorebat, & de floribus Vulnerum suorum inæstimabilem odorem effudit. Est denique adhuc alia causa [t] quare tanto Crucifixus odore fragraverit. Modicus quidem vel nullus est odor corporis cujuslibet animalis viventis: sed cum igni caro apposita fuerit, quàm suavis & quàm delectabilis inde procedat odoris fragrantia, nullus ignorat. Attendamus ergo quis & quantus ignis Corpori Vitæ nostræ appositus fuerit. Fragrabat interiùs incendio Charitatis immensæ: exteriùs quoque fragrabat Passionis ardore, verissimum & gratissimum & saluberrimum holocaustum in Ara Crucis crucifixus Jesus. Quodd holocaustum simile isti? Nullum profectò: quia, nullum sic totum incensum dicitur. Etsi istud dicebatur verè holocaustum quod totum ardebat, cum tamen ibi arderet sola caro: quantum veriùs nostra Victimæ Iesus dicetur holocaustum, quod intùs & foris incomparabiliter ardebat. Ardebat & totus Laurentius, Vincentius, aliquè quàm pluri Martires: sed nihil ad hunc. Quis enim ardori fornacis Crucis aliquod audeat supplicium

— com —

comparare? De holocausto igitur nostro crucifixo Jesu incomparabiliter ardente inæsti mabilis nimis odor processit. Odoratusquè est Dominus Deus Pater odorem suavitatis, & benedixit nobis: avertit iram indignationis suæ longè à nobis, pace integrè reformata, & Sanguine rubicundi Jesu tam nostro, quàm ipsius particeps pacis internæ obside existente. Odoraverunt & alii plures ab Oriente & Occidente, ab Aquilone & Meridie occurrentes, & ad hoc dulcissimi odoris Corpus floridum congregati sunt, ut de eo se satiarent: illo tamen integro permanente, implerunt ipsius dulcissimi Jesu verbum dicentis: *Ubi fuerit corpus, ibi congregabuntur & aquila*. Sed jam non cruda Caro ista comeditur, optimè percocta cum sit duplici igne Charitatis & Passionis. Unde tam delectabili odore inebriati non solum Viri naturâ fortiores, sed & Virgunculæ tenerrimæ currunt toto cordis affectu & omnibus viribus animi ad delicias Crucis, hausturi delicias cordis sui (quantum in præsentī vita licet) unguentorum defluentium largiter ab holocausto nostro tam validis ignibus ardente. Non parùm enim [u] delicatum ardentis Corporis adjunxit odorem spiritualium unguentorum odor: idest, gratuitorum collatio, quæ post Passionem à Domino Jesu Apostolis sunt collata. Ante Passionem enim Spiritus nondum erat datus, quia Iesus nondum erat glorificatus. Humiliato autem & exaltato pio Jesu, defluxit unguentum Spiritus Sancti à capite, idest à Christo uncto, in barbam, idest, in eos qui viriliter egerunt & confortati sunt, ut sperarent à Domino. Et nou-

so-

solum in barbam Aaron, idest, non solum Christi Apostolis datum est unguentum hoc, quod liquefactum fuit igne Passionis Christi, ut daret odorem bonæ opinionis per omnem terram: sed *quod descendit in oram vestimenti*, idest, in infima membra Ecclesiæ, quæ est tanquam Christi vestimentum. Quod ita impletum est & adhuc impletur, ut etiam in nationes Spiritus Sancti gratia diffundatur, & sentiant Christi odorem spiritualis unguenti de summo Capite omnium defluente, quo mundæ fiant adolescentulæ: ut attrahant & diligant unctum nostrum Jesum, & currant in odore unguentorum illius. Nec mirum (x) si vehementer delectentur duplici odore Vitæ nostræ: uno qui ex unguentis, altero qui ex floribus procedit. Odorantur enim & odoratum sequuntur Jesum, imitantes bestiam quandam, quæ odore cocti panis & recentis ita delectatur, ut ubicunque illum senserit, illum sequatur etiam usque ad interitum. Ecce ipso teste, *Panis vivus qui de cælo descendit*, decoctus duplici igne Charitatis & Passionis, odorem suum longè latequè despergit. Quis hunc non sequatur? Sequitur irrationalis bestia odorem panis cocti & consumendi: & non sequitur homo rationalis odorem panis cocti Angelorum? Imò stultior est homo quàm bestia, qui illius odoriferi panis odorem non intelligit & honorem. Sed præterire non possumus, quòd transitori mare panem bis coctum necessarium habent. Quicunque ergo se in hoc mari magno huius sæculi esse cognoverit, quod quia *spaciosum* est, citò transire non potest: & propter reptilia quorum non est numerus,

peri-

x *Ibi sem num. 145.*

periculosum est, quia & ventis & tempestatibus sævit. Si autem securus vult esse, habeat hunc panẽ coctum fortissimum Jesum in navi crucis suæ quem comedat, quem odoret quo, reficiatur quo, consoletur, quo (ut breviter dicam) ab omnibus periculis eruat. Si enim ut ait Psalmus : *Illicò naves pertransibunt* : idest, homines in crucibus suis Jesum sequentes, quæ navis potius pertransibit, quàm navis Crucifixi Jesu? Secundùm verò Pauli sententiam dicentis, *quia Christo confixus sum cruci*, crucifigamur & nos cum Christo, crucem ejus, imò ipsum in cruce indeficienti cordis affectu amplexemur, in vivifico odore delectemur ardentis Jesu, qui dicit: *Ego quasi vitis fructificavi suavitatem odoris, & flores mei fructus honoris & honestatis: cuius spiritus est super mel dulcis*. Ejus inquam odore delectemur, unguentis charismatum ejus foveamur, pane cælesti, idest, Corpore suo purissimo confortemur: ut Corpus ejus edentes, Sanguinemquè pro salute nostra effusum in nostram salutem bibentes, gustare possimus, & videre liceat per speciem & in ænigmate, quia suavissimus est Dominus: ut etiam ipsius promissio perficiatur in nobis (quantùm in præsentì vita fas est) qui dicit: *Qui edunt me, adhuc esurient: & qui bibunt me, adhuc sitient*.

§. III.

Tertia dictio Tituli est, Rex. In hac (y) dictione, *Rex*, divitiæ exprimuntur. Reges enim divites esse solent super omnes quos regunt. Nec dulcius
nec

y Ibidem cap. 44. num. 170.

nec amicabilius [z] sed nec arctius omnino Regnum Sacerdotiumque conjungi seu complantari invicem potuerunt, quam in persona Domini ambo hæc pariter convenirent, utpote qui factus est nobis ex utraque Tribu secundum carnem Summus & Sacerdos & Rex. Proinde [a] Magi Hierosolymam venerunt ab Oriente. Merito sanè ab Oriente venerunt, qui Solis justitiæ novum nobis ortum annuntiarent, qui lætis rumoribus totum mundum illuminarent. Nisi quod infelix Judæa, quia lucem oderat, ad fulgorem novæ claritatis obtenebratur, & caligantes oculi ejus coruscante radio Solis æterni multò magis excæcantur. Venientes ergo ab Oriente Magi, quid dixerint audiamus: *Ubi est qui natus est Rex Judæorum?* Quàm certa fides, & nihil penitus hæsitans? Non quærunt utrum natus sit, sed fiducialiter loquuntur, & interrogant sine dubitatione: *Ubi est qui natus est Rex Judæorum?* Porro audito nomine Regis, rex Herodes successorem suspicatus expavit. Nec mirum si turbatur Herodes: sed quòd Jerusalem civitas (quæ visio pacis est) cum Herode turbatur, quis non miretur? Cæterum postea (b) cum ingenti quodam tripudio, & exultatione universæ terræ, Hierosolymam non propriis ut hætenus consueverat pedibus, sed jumento vectus intravit Iesus. Et hæc quidem præparatio ad Passionem fuit, excitata hinc maximè invidia Sacerdotum. Sanè venturas aliquando turbas ut raperent, & eum Regem facerent, fugiens legitur declinasse. Nunc verò etiam non quæsitus adfuit, ut tanquam

Rex

z *Epist.* 242. *num.* 1. a *Ser.* 3. in *Epiph. Domin.* *num.* 3.
b *Ser.* 3. in *Donz. Psalm.* *num.* 1.

Rex Israël susciperetur & prædicaretur ab eis: quin etiam in hæc ipsa præconia eorum (quod dubium non est) animos excitavit. Sed quid fuit [c] quòd processionem habere voluit, qui mox futuram noverat passionem? Fortè ut amarior esset passio, quam processio præcessisset. Ab eodem enim populo, in eodem loco & ipso tempore, paucissimis diebus interpositis, primò cum tanto triumpho susceptus, postea crucifixus est. O quàm dissimile est, *Tolle, tolle, crucifige eum: Et, Benedictus qui venit in nomine Domini, Osana in excelsis!* Quàm dissimile, *Rex Israël: Et, Non habemus Regem nisi Casarem!* Egredimini filia Sion [d] & videte Regem Salomonem: nam ubique Rex est. Licet enim regnum ejus non sit de hoc Mundo, tamen Rex est etiam in hoc Mundo. Interrogatus siquidem, *Ergo Rex es tu?* Ego, inquit, *in hoc natus sum, & in hoc veni in Mundum.* Princeps ergo est Christus [e] & magnus Princeps, cujus ne ipsi quidem dæmones possunt efugere principatum. At illorum regnum in seipsis divisum desolabitur. Hujus verò regnum manet integrum atque perfectum: & regni ejus non erit finis. Porro hîc rector est morum, (f) in judicio discretor erit meritorum, in regno distributor præmiorum. Paveant ergo Judæi qui abnegaverûnt (g) qui dixerunt: *Non habemus Regem nisi Casarem.* Paveant qui dixerunt: *Nolumus hunc regnare super nos.* Redit siquidem accepto regno, & malos malè perdet.

K k

Quar-

c Ser. 2. in Dom. Palm. n. 4. d Ser. 2. in Epiph. Dom. n. 4.
e Ser. 33. inter dixer. num. 7. f Ser. 2. in Epiph. num. 2.
g Ser. 1. in die Pasch. num. 9.

§. I V.

Quarta dictio Tituli est, Judæorum. In hac dictio-
ne, Judæorum, (h) gloria accipitur: quia uno mo-
do Judæus glorians interpretatur. O Juda & Jeru-
salem nolite timere (i), cras egredimini, & Dominus
erit vobiscum. Veros alloquimur Judæos, non li-
 terâ sed spiritu: semen Abrahamæ, cujus multiplicatio
 sicut promissa legitur, sic videtur impleta. Neque
 enim filii carnis, sed filii promissionis deputantur
 in semine. Sed nec illi Jerusalem dicimus, quæ oc-
 cidit Prophetas. Unde enim illam consolemur super
 quam Dominus flevit, quæ data est in subversionem?
 Illi dicimus, quæ de cælo nova descendit: *Nolite ti-*
mere ô Juda & Jerusalem. Nolite timere | Viri con-
 fessores, qui non solum ore sed, toti pariter & om-
 ni parte Domino confitemini, induti Confessionem
 sicut vestimentum: imò quorum omnia interiora
 Domino confitentur, & omnia ossa dicunt: *Domine,*
quis similis tibi? non sicut hi qui confitentur se nos-
 se Deum, factis autem negant. Vera confessio est,
 si omnia opera vestra, Fratres, opera ejus sint, &
 confiteantur ei. Confiteantur autem gemina qua-
 dam confessione, ut duplicibus vestiamini, idest,
 confessione peccatorum vestrorum, & confessione
 laudis Divinæ. Tunc enim veri Judæi eritis, si om-
 nis vita vestra confiteatur vos esse peccatores, & di-
 gnos multò majoribus pænis: Deum verò summè
 bonum, qui pro his levibus & transitoriis pænis æter-
 na

h Tract. de vite myst. cap. 44. num. 170. 1 Ser. 2. in Vig
 Nat. Dom. num. 1.

na condonat supplicia , quæ meruistis. Quisquis enim ardentem non desiderat pœnitentiam , videtur operibus dicere , non indigere se pœnitentiâ : & ita suam non confitetur culpam , aut non posse prodesse ei pœnitentiam : sic & Divinam non confitetur bonitatem . Vos autem estote veri Judæi , sed & Jerusalem vera , ut nihil jam timeatis . Est enim Jerusalem visio pacis . Visio , non possessio , cujus fines Dominus posuit pacem , non initium sanè , nec mediũ . Cũ autem [K] Bethleem *domum panis Juda* , sonat *Confessionem* . Sit proinde Judæa sanctificatio tua : confessionem & decorem induere , quam maximè stolum in ministris suis Christus acceptat . Denique breviter tibi utrumque commendat Apostolus : *Corde* , inquit , *creditur ad justitiam , ore autem confessio fit ad salutem* . Justitia siquidem in corde , panis in domo . Est enim justitia panis . Et : *Beati qui esuriunt & sitiunt justitiam , quoniam ipsi saturabuntur* . Sit ergo in corde justitia , & justitia quæ ex fide est . Hæc enim sola habet gloriam apud Deum . Sit etiam in ore confessio ad salutem , & securus jam suscipe Jesum Christum Filium Dei . Habuit & Judæa quosdam Jesus (1) quorum vacuis gloriatur vocabulis . Illa enim nec lucent , nec pascunt , nec medentur . Idcirco Synagoga in tenebris est usque adhuc , fame & infirmitate laborans , Et non sanabitur nec satiabitur , quosque sciat meum Jesum dominari Jacob & finium terræ , & convertatur ad vesperam : interim famem patiatur , & circumbeat Civitatem . At portitor voluntarius sigilli Regis nostri Crucifixi Jesu [m] fructum superscriptionis conse-

K k 2 qua-

quatur , ut sit saluus , scilicet ut voluptatem consequatur sempiternam torrente voluptatis Summi Regis potatus: æternas quoque divitias thesaurizet in optimo Jesu , in quo sunt omnes thesauri sapientiæ & scientiæ reconditi: in ipso quoque gloriatur sine termino , qui excelsus est super omnes gentes , & cujus gloria super cælos . Amen .

C A P U T . V.

*De ligno Crucis , cui affixus erat Christus
Deus noster .*

Dicite in nationibus , quia Dominus regnavit à ligno . Psal. 95.

1. Ostenditur , Christum in ligno Crucis acquisivisse ius regnandi, & subjugandi sibi mundum & diabolum: atque Crucē suam ornavisse quatuor virtutibus tanquam gemmis . Dæmon Christo de Cruce descensum suadebat , qui prius suaserat crucifixionem . Christus in opere redemptionis nostræ non tantum potentiā , sed & prudentiā usus est , ut diabolum debellaret . Docemur , Crucem factam esse ex quatuor generibus arborum, Cypressi, Cedri, Olivæ, & Palmæ . Quid autem significant ista quatuor ligna , demonstratur . Quæritur cur Sponsa Sponsum suum Jesum comparat arbori viliori , omissis melioribus . 3. Ostenditur , Jesum Crucifixum dulcoravisse Crucem amaram suis amatoribus , ut in ejus recordatione possint illis dulcescere omnia

(ma-

amara. Quatuor cornua Crucis mysticè exponuntur, ut quatuor tela dæmonis conterantur. Proponuntur nobis quatuor virtutes cardinales tanquam quatuor clavi, quibus effigantur Cruci Dominica.

§. I.

Hunc ergo Titulum multi Judæorum logerunt, quia prope Civitatem erat locus, ubi Crucifixus est Jesus. Dicebant ergo Pilato Pontifices Judæorum: Noli scribere, Rex Judæorum: sed quia ipse dixit, Rex sum Judæorum. Respondit Pilatus: Quod scripsi, scripsi. Joan. 19.

Noli scribere, Rex Judæorum. O venenata lingua [a] verbum malitiæ, sermo nequam! O grossum [b] vipereumquè affectum, odire Hominem qui hominum & corpora sanat, & animas salvat. Siccine tibi Judæe [c] excidit quod audisti, quia Dominus regnavit à ligno, ut Regem abneges quia manet in ligno? Sed forsitan nec audisti, quia non Judæis, sed Nationibus hæc annunciatio debebatur: Dicite (inquit David) in Nationibus, quia Dominus regnavit à ligno. Merito proinde (d) Titulum regni Præses gentilis inscripsit ligno, nec potuit Iudæus ut voluit, corrumpere Tituli inscriptionem, nedum impedire Dominicam Passionem, & nostram Redemptionem. Descendat de Cruce (inquiunt Judæi,) si Rex Israel est. Imò verò quia Rex Israel est, Titulum regni non deferat, virgam im-

K k 3 perii

^a Ser. 1. in die Pasch. n. 1. ^b Ser. 60. in Cant. num. 4. 100. ^c Ser. 1. in die Pasch. num. 1. ^d Ibidem num. 2.

perii non deponat, cujus nimirum imperium super humerum ejus, sicut præcinit Esajas: Crucem (e) imperii nomine significans. Cruce etenim totum mundum simul & inferos subjugavit, qui regnavit à ligno fortis Jesus. Item inquit Judæi ad Pilatum: [f] *Noli scribere, Rex Judæorum: sed quia ipse dixit, Rex sum Judæorum?* Et Pilatus: *Quod scripsi, scripsi*. Si Pilatus quod scripsit, scripsit: Christus non perficiet quod incæpit? Ipse enim cæpit, & salvabit nos. Sed dicunt Judæi: *Alios salvos fecit, seipsum non potest saluum facere*. Imò verò si descenderit, neminem saluum faciet. Cùm saluus esse non possit, nisi qui perseveravit usque in finem, quantò minùs poterit esse Salvator? Alios ergo salvos fecit: nam salvatione, cùm sit salus ipse, non indiget. Operatur salutem nostram, nec caudam deesse patitur Sacrificio vespertino, Hostiæ salutari. Novit quid cogites inique serpens. Non dabit tibi occasionem surripiendæ nobis perseverantiæ, quæ sola coronatur. Non fecit obmutescere Prædicatorum linguas consolantium pusillanimes, & dicentium singulis: *Tu locum tuum ne deseras*: quod sine dubio sequeretur, si respondere possent, quia Christus suum deseruit. Proni enim sunt sensus hominis & cogitationes in malum. Sine causa maligne serpens parasti sagittas tuas in pharetra, & Discipulorum suspiria cumulas opprobriis Judæorum. Illi quippè desperant, isti improperant. Sed Christo neutra tela nocebunt. Aliud tempus elegit confortandis Discipulis, & aliud adversariis confu-

tan-

e Tract. de vite myst. cap. 36. f Ser. 1. in die Pasch. num. 2.

tandis. Interim *patientiam* magis exhibet [g] *humilitatem* commendat, *obedientiam* implet, perficit *charitatem*. His namque virtutum gemmis quatuor cornua Crucis ornantur: & *supereminentiore* charitas, à *dextris* obedientia, *patientia* à *sinistris*, radix virtutum *humilitas* in profundo. His ditavit trophæum Crucis consummatio Dominicæ passionis, cum ad Judæorum blasphemias *humilis*, ad vulnera *patiens*, intus linguis, clavis exterius pungeretur. Nam & *charitas* in eo perfecta est, quod pro amicis Animam posuit: & *obedientia* consummata est, cum inclinato capite tradidit spiritum, factus obediens usque ad mortem. His spoliare dotibus, hac privare gloriâ Christi satagebant Ecclesiam, qui dicebant: Si Rex Israël est, descendat de Cruce. Nimirum ut non sit, jam *obedientiæ* forma, non incentivum amoris, non *patientiæ* vel *humilitatis* exemplum: sed deleri habeant ex Evangelio verba Jesu illa suavissima & dulciora super mel & favum: *Majorem hac dilectionem nemo habet, quam ut animam suam ponat quis pro amicis suis*. Et ad Patrem: *Opus consummavi, quod dedisti mihi ut faciam*. Itemque ad Discipulos: *Discite à me, quia mitis sum & humilis corde*. Et: *Ego si exaltatus fuero à terra, omnia traham ad meipsum*. Hoc est enim quod dolet venenata serpentis astutia, videns exaltatum in deserto Serpentem æneum, cujus intuitu sanentur vulnera quæ infixit. Alioquin quoniam alio instigante misisse credimus uxorem Pilati ad ipsum dicentem: *Nihil tibi & iusto illi, multa enim passa sum hodie per visum propter eum?* Timebat ergo jam tunc.

sed nunc maximè virtute Crucis enarvari se sentiens inimicus diabolus . Serâ ducitur pænitiâ : & quos instigavit ad crucifigendum Jesum , instigat ad suadendum ut de Cruce descendat . Siccine oblitus es serpens antique (h) quàm confusus abscesseris olim cùm dicere præsumpsisses : *Mitte te deorsum ?* Et : *Hæc omnia tibi dabo , si cadens adoraveris me ?* Qualis via hæc (i) de pinnaculo Templi mittere se deorsum ? Non est via hæc , sed ruina : & si via , tua est , non illius . Frustra in tentationem Capitis intorsisti , quod scriptum est ad corporis consolationem : *Angelis suis mandavit de te , ut custodiant te in omnibus viis tuis* . Huic enim necesse est custodiri , cui utique timendum est ne offendant ad lapidem pedem suum . Non est quod custodiatur Caput , cui non est quod timeatur . Quid verò taces & illud quod sequitur : *Super aspidem & basiliscum ambulabis , & conculcabis leonem & draconem ?* Te enim hæc parabola tangit : monstrosa malignitas , monstrosis appellationibus conculcanda signatur . Nec modò ab ipso Capite conculcanda , sed etiam à corpore universo . Siquidem adversus Domini post ternam confusionem hanc , non jam serpentina calliditate , sed crudelitate usus est leonina usque ad contumelias , ad flagella , ad alapas , ad mortem , & mortem crucis . Christus Dominus (k) in universali hominum miseria pressius & profundius se immergit , ne subtilis ille diaboli oculus magnum hoc pietatis deprehenderet sacramentum . Ideo habitu & omni habitu inventus est ut homo : nec in

eo

h Ibidem num. 1. i Ser. 14. super Psalm. 90. num. 8. K Ser. 4. in heb. san. num. 10.

eo, quantum ad naturæ debitum, signum aliquod singularitatis apparuit. Oportebat autem à principe mundi (l) aliquandiù celari Divini consilii Sacramentum, non quòd Deus si palàm opus suum facere vellet, impediri posse ab illo metueret: sed quia ipse, qui non solum potenter, sed etiam sapienter quæcunque voluit fecit sicut in omnibus operibus suis quasdam rerum vel temporum congruentias propter ordinis pulchritudinem servare consuevit: ita in hoc quoque tam magnifico opere nostræ videlicet reparationis, non tantum potentiam suam, sed & prudentiam ostendere voluit: quatenus malitiæ fraudi dum ars pietatis illuderet, ac maligni fortitudinem Christi Virtus contereret, diabolo Deus & prudentior appareret, & fortior. Ita quippè decuit Incarnatam Sapientiam spirituales vincere malitiam, quo non solum attingeret à fine usque ad finem fortiter, sed & disponderet omnia suaviter.

§. I I.

Videamus denique (m) magnitudinem caloris, imò fervoris in patiente pio Jesu. Ardebat incomparabiliter charitatis intrinsecus & passionis extrinsecus igne, ut fructum nostræ redemptionis produceret. De quo fructu Sponsus loquitur in Canticis amoris: *Ascendam in palmam, & apprehendam fructus ejus*. Quid est *in palmam*? In Crucem ejus, cujus una pars de arbore palmæ dicitur facta fuisse. De quatuor enim (n) generibus arborum facta fuisse re-

l *Serm. 2. super missus nu. 13. in Tract. de vite myst. cap. 46. num. 178. & 179. n. ibi 1. num. 180.*

fertur: de Cypresso, de Cedro, de Oliva, de Palmis. *Cypressus* in profundo, *Cedrus* in longo, *Oliva* in alto, *Palma* in lato. Unde dicit Apostolus: *Ut possimus comprehendere cum omnibus Sanctis, quæ sit latitudo, longitudo, sublimitas, & profundum. Profundum* quidem in Cruce vocatur illud lignum, quod infixum erat terræ. In quo autem stabat lignum erectum, & cui dorsum Crucifixi Domini applicatum fuerat, est Crucis *longitudo*. Lignum verò ex transverso illi appositum, cui manus erant affixæ, *latitudo* Crucis nominatur. Illud porro lignum (quod à Pilato fuit appositum) in quo Titulus triumphalis fuit scriptus, *altitudo* nuncupatur. Habent autem horum lignorum singula suas mysticas significationes, secundum naturas suas. *Cypressus* enim timorem sive *humilitatem* significat, ubi est radix Crucis, per quam non solum situs humilis, sed & natura ejus exprimitur: quia (ut dicitur) fugat odore serpentes, id est diabolos, quorum proprius character superbia ab humilitatis virtute sagatur. *Cedrus* arbor longitudine præstans aliis arboribus, longitudinem Crucis, id est *perseverantiam* significat sive patientiam. Naturali enim sua virtute approbatur, quia est valde durabilis, & corrumpi ex natura non potest. *Oliva* verò arbor oleum effundens (per quam misericordiæ opera significantur) *charitatem* significat: quæ arbor benè latitudinem habet Crucis, quia lata est charitas, quæ etiam ad inimicos extendi præcipitur. *Palma* porro arbor *victoriam* designans, altitudinem Crucis optimè significat, spem in Supernis habendam, non ad infima deprimendam. Hæc arbor habet in se Titulum triumphalem scriptum, in quo

quo invenitur fructus Crucis. Prima enim dictio est *Jesus*, per quam intelligitur salvatio, quæ idem est quod redemptio. Ecce fructus Crucis. Propterea enim Christus crucifixus est, ut redimeret hominem. Quod autem ait, *Ascendam in palmam*, à parte Crucis totam Crucem significavit. Sed bene per palmam, in qua Titulus signum redemptionis, quæ fructus Crucis est, invenitur. Sed dicet (o) aliquis: Dicturus eras de fructu vitis, & dicis de fructu palmæ? Quæ concordia est vitis & palmæ? Ad quod ego respondeo: Palma Crucem, vitis verò significat Crucifixum. Dic igitur: Numquid diversus est fructus Crucis & Crucifixi? Non puto. Ergo & idem est fructus & palmæ & vitis. Ascendit Vitis in palmam, apprehendit fructus palmæ, non quos habuit palma ex se, sed ex Vite in palmam extenta. Quare ergo dicit ipsa Vitis: *Apprehendam fructus ejus*, & non potius dicit meos: cum palma fructum habuerit à vite, non vitis à palma? Christus non habuit hunc fructum sine palma, imò & per palmam, idest, per Crucem: quia si Christus crucifixus non esset, non fuisset secuta redemptio. Apprehendit ergo Christus fructum Crucis, illum profectio quem ipse per Crucem fuerat operatus. Fructum igitur hunc redemptionis nostræ (p) toto desiderio complectamur, & sæpius inò sine intermissione ad memoriam revocantes, latentem in ipso dulcedinem linguâ intellectus nostri degustemus, & in vase memoriæ nostræ recondamus: Sanguinem utique rubicundi Jesu, qui factus est nobis redemptio, quia per ipsum salvati & liberati sumus. Hoc fructu, quo

re-

redempta est à tyrānide dæmoniaca, jugiter reficienda est fidelis anima : ne in hoc tædioſo deſerto deficiat, in quo ſine requie, ſine intermiſſione laborat ſuſpirans ad illam terram melle & lacte manentem, & cum Sponſa proclamans : *Fulcite me floribus, ſtirate me malis, quia amore langueo*. Non ignorat ipſa, quis & qualis fuerit fructus Vitis ligni vitæ Jeſu Chriſti. Porro ait : (q) *Sicut malus inter ligna Sylvarum, ſic dilectus meus inter filios*. Reddit Sponſa præconii vicem commendanti ſe Sponſo : *Sicut liliū inter ſpinas, ſic amica mea inter filias*. A quo laudari, eſt laudabilem fieri : & quem laudare, eſt intelligere & admirari laudabilem. Et ſicut ex eminenti flore figurata à Sponſo laus ejus eſt : ita è regione & ex excellenti ligno, ipſa Sponſa illius ſingularem gloriam eminentiamquè demonſtrat. Movet tamen me de ligno hoc, quod non tantæ eſſe excellentiæ videatur, quantæ aliqua cæterorum, & ideo minùs dignè aſſumi in opus ſimilitudinis poteſt, utpote quod non ſufficiat laudis vicem implere. *Sicut malus inter ligna ſylvarum, ſic dilectus meus inter filios*. Denique nec Sponſa magni æſtimaffe videtur, quæ hoc in lignis ſylvarum tantùm aſſerre curavit, nimirum ſterilibus, nec fructus humano victui aptos ferentibus. Cur ergo omiſſis melioribus & nobilioribus lignis, hujus mediocritas arboris adducta in medium eſt ad formandum Sponſi præconium? Itane ad menſuram laudem recipere debuit, qui ad menſuram Spiritum non accepit? Hæc nempè data de illa arbore ſimilitudo facit, ut videatur habere Superiorem qui patrem non habet. Quid dicemus ad hæc? Fa-

teor

teor parva laus, quoniam parvi laus. Non enim hoc loco prædicatur magnus Dominus & laudabilis nimis, sed parvus Dominus & amabilis nimis; parvulus utique qui natus est nobis. Ergo non Majestas attollitur hîc (r) sed commendatur humilitas: dignè què ac rationabiliter quod infirmum & stultum est Dei, hominum fortitudini & sapientiæ antefertur. Ipsi sunt namque ligna silvestria & infructuosa, quoniam secundum Prophetam: *Omnes declinaverunt, simul inutiles facti sunt, non est qui faciat bonum, non est usque ad unum. Sicut malus inter ligna sylvarum, sic dilectus meus inter filios. Una inter ligna sylvarum Dominus Jesus est arbor, faciens fructum secundum hominem: sanè etsi prælatus hominibus, sed ab Angelis minoratus. Miro enim modo & Angelis sese factus caro subiecit, & Angelos sibi manens Deus subiectos retinuit. Quia ergo Sponsæ id dulcius quod se imminuit, sapit: ideo libentiùs attollit gratiam, præfert misericordiam, stupet dignationem. Sicut malus (s) inter ligna sylvarum, sic dilectus meus inter filios. Meritò sicut malus, qui instar fructiferæ arboris & umbram refrigerii habet, & fert fructum optimum. An non verè fructiferum lignum, cujus flores fructus honoris & honestatis sunt? Deniq; lignum vitæ est apprehendentibus eum. Non comparabuntur huic omnia ligna sylvarum: quia etsi sunt arbores pulchræ & magnæ, quæ opem ferre videantur orando, ministrando, docendo, exemplis juvando: solus tamen Dei Sapiencia Christus lignum est vitæ, solus panis vivus qui de cœlo descendit, & dat vitam mundo. Ideo (t) Sponsa ait: *Sub umbra ejus**

r Ibidem num. 4. s Ibidem num. 5. t ibid. num. 8.

eius quem desideraveram, sedi: & fructus eius dulcis gutturi meo. Merito ejus desideraverat umbram, de quo & refrigerium esset & refectionem pariter acceptura. Nam cætera quidem sylvarum ligna etsi umbram solatii habent, sed non vitæ refectionem, non fructus perpetuos salutis. Unus est enim vitæ auctor, unus mediator Dei & hominum Homo Christus Jesus, qui dicit Sponsæ suæ: *Salus tua ego sum.* Et: *Non Moyses (inquit) dedit vobis panem hunc de celo, sed Pater meus dat vobis panem de celo verum.* Propterea ergo Christi potissimum desideraverat umbram, quod solus sit, qui non solum ab æstu refrigerat vitiorum, sed & replet delectatione virtutum. Proinde (u) ait sponsa: *Et fructus eius dulcis gutturi meo:* gustum contemplationis significans, quem obtinuerat per amorem suaviter sublevata,

§. III.

Christus Dominus [x] pro peccatis nostris crucifixus est, & Crucem amaram suis amatoribus dulcoravit. Illuminat quippe [y] domum cordis nostri, & fovet in eo ignem charitatis divinæ. Cera tenacis memoriæ per sigillum intelligitur, ita tamen si sit in eo lignum, idest exercitium spiritalis laboris, quod per lignum intelligitur, sumptum de ligno quod multis laboribus conseri solet, ut ad utilitatem aliquam perducatur. Si ergo [z] in memoria nostra passionis Christi laborem habemus, potest accendi & ardere charitas ejus in nobis, qui illuminat tenebras

u *Ibid.* num. 8. x *Serm. de Pass. Dom.* num. 1. y *Tract. de vite myst.* cap. 44, num. 170. z *Ibid.* num. 171.

bras ignorantiae nostrae: ut & nos parati simus pati pro illo & cum illo, qui prior pro nobis passus est. In tali cera memoriae nostrae debet esse mel, idest, delectatio de recordatione Crucis, quae est mel dulcissimum. Quid tam amarum, quod in recordatione vivificae Passionis non possit dulciscere? Certè legimus Hebræos cum exissent de Ægypto, venisse ad aquam amarissimam, quam nullus gustare poterat: cui cum Moyses lignum inieciisset, dulcorata est, sic ut eam delectabiliter biberent. Quid apertius per aquam amaram, quam cujuslibet adversitatis amaritudo designatur? cui cum lignum Crucis iniicitur, idest, cum Passio dulcis Jesu consideratur, necesse est omnem passionem hominis levem videri respectu Passionis Dominicae, quam pro hominibus voluit sustinere Deus & Homo, mediator Dei & hominum Dominus Jesus. Certè & crux preciosa est [a] & crux amari potest, & crux habet delectationem. Ita est, fratres mei. Si fuerit qui colligat, semper lignum Crucis vitam germinat, fructificat jucunditatem, oleum lætitiæ stillat, balsamum sudat spiritualium charismatum. Non est silvestris arbor lignum vitæ est apprehendentibus eam. Arbor fructifera, arbor salutifera est: alioquin quomodo Dominicam occuparet terram? Illam dico preciosissimam glebam, quæ clavorum est infixæ radicibus. Si non esset hæc arbor preciosior cunctis, fructuosior universis, nunquam illo plantaretur in horto, nec illam permetteretur vineam occupare. Denique quid mirum si cruci suavitatem dedit, qui dedit & igni? Aut quomodo crux judicatur insipida, ubi dulce sapit

pit & flamma? Quid enim sapiebat Laurentio ignis, cum irrideret carnifices, judices subsannaret? Quid nos ad ista dicemus, fratres, quod non sapit etiam nobis ea quæ pro Christo est tribulatio, nec gustamus & nos manna absconditum? Ecce enim in Cruce salus nostra^[b] tantum ut ei viriliter inhereamus. *Verbum Crucis* (ait Apostolus) *pereuntibus quidem stultitia, his autem qui salvi fiunt, idest nobis, virtus Dei est*. Ipsa est scutum quo circumdamur, ut ejus quatuor cornua quadrifaria hostium tela repellant. Sit ergo *inferius cornu* contra *timorem nocturnum*, idest adversus pusillanimitatem, quæ de carnis afflictione procedit: ut id quod sub nobis est corpus castigare viriliter studeamus, ac subiicere servituti. Si quis verò nobis in faciem maledicit, si quis aperte mala suadere conatur, in die volat *sagitta*, & à sinistris est, *sinistro* nihilominus *cornu* Crucis excipienda. Quod si adulatur, si quasi consulentis animo venenum propinat fraternæ detractionis, & odium seminare conatur, si denique iniquum aliquid tanquam justum persuadere tentat, à dextris est mihi iste: sed Judas est, osculo me prodit, & *dextro cornu* *Crucis negotium perambulans* in tenebris necesse est propulsari. Sed ecce *dæmonium meridianum adest*, superbiæ scilicet spiritus, qui nimirum in splendore majori virtutum acrius insurgere solet. Hæc autem superbia quàm perniciofa sit, sæpius vobis intimare curamus; initium quippè omnis peccati & causa totius perditionis superbia est. Propterea quisquis es qui salutem tuam operari studes, adversus hanc superbiam *super caput tuum cornu* Crucis habere me-

men-

^b Ser. 2. de S. And. iii. 7.

mento, ut non eleveris in superbiam, non exaltetur cor tuum, non ambules in magnis, neque in mirabilibus super te: sed tela ea, quæ de sublimi veniunt, supereminens capiti tuo cornu Crucis excipiat. Sane hoc solum est, cui salutis pariter & regni Titulus inscribitur: quia solus qui se humiliat, salvari & exaltari meretur. Jam ut breviter repetam [c] quatuor hæc cornua sunt *continentia, patientia, prudentia, & humilitas*. Felix est anima illa, quæ in hac Cruce gloriatur & triumphat, tantum ut perseveret in ea, & nullis valeat tentationibus deiici. Quisquis in hac Cruce est, oret cum Beato Andrea Dominum & Magistrum suum, ne patiatur eum de Cruce deponi. Quid enim malignus ille diabolus non audeat, quid non præsumat impius attentare? Quod Ægeæ manibus de discipulo, hoc Judæorum linguis facere cogitaverat & de Magistro. In utroque tamen serâ pœnitentiâ ductus, victus & confusus abscessit. Utinam abeat similiter & à nobis, eo vincente, qui & in se & in discipulo triumphavit. Faciat ipse, ut mereamur & nos in hac nostra qualicunque cruce pœnitentiæ, quam pro ipsius nomine portamus, feliciter consumari, qui est super omnia Deus benedictus in sæcula. Quatuor sunt in Deo (d) potentia, sapientia, charitas, & veritas vel æternitas: quod unum est. Nihil enim verè est, nisi quod incommutabile est: ad quæ duobus modis respondere nos convenit. *Potentia*, quæ potest nos punire, & *Sapientia* quam nihil potest latere, debemus *timorem* verum, idest, quem non impedit torpor securitatis, vel refugium simulationis. Simulatio est, vel quando fingimus

L l

la-

laborem in præcepto , vel quando irrationabilem misericordiam simulamus in Deo . *Charitati & Veritati* debemus *amorem* verum , idest , quem non impedit tepor affectionis , vel scrupulus suspicionis . Charitati enim quid debetur nisi charitas ? Veritas verò charitatis , & charitas veritatis omnem removet scrupulum suspicionis . Suspicionem autem dico , ne non amet charitas , ne decipiat veritas , ne defluat æternitas . Unde Paulus ait : *Ut possitis comprehendere cum omnibus sanctis , quæ sit longitudo , latitudo , sublimitas , & profundum . In sublimitate nota potentiam , in profundo sapientiam , in latitudine charitatem , in longitudine æternitatem sive veritatem .* Et hæc est Crux Christi . Gratias tuæ Cruci Jesu referimus : (e) ipsa enim omnes cruciatus nostros evacuat . Et ideo Domine Redemptor meus (f) te vt verum Deum adoro , in te confido , te spero , & quibus possum desideriis ad te suspiro , adjuva imperfectum meum . Audi vocem meam , & inclina super servum tuum suavem Crucem illam , quæ lignum vitæ est iis qui apprehendunt eam : ut spero , curram alacriter , portabo infatigabiliter eam quæ ab inimicis est Crucem post te . Illam , inquam , divinissimam Crucem humeris meis impone , cujus *latitudo est charitas , cujus longitudo est æternitas , cujus sublimitas est omnipotentia , cujus profundum est inscrutabilis sapientia .* Confige illi manus meas & pedes meos , & totum Passioni tuæ conforma servum tuum Domine . Da , obsecro , mihi continere ab operibus carnis quæ odisti , & facere justitiam quam

E Lib. 3. de amore Dei cap. 26. num. 88. f Serm. de Pass. Dom. num. 19. & 20.

quam dilexisti, & in utroque tuam quærere gloriam: & *sinistram* quidem manum meam clavo *temperantia*, *dexteram* verò clavo *iustitiæ* in illa sublimi Cruce fixas arbitror. Da menti meæ jugiter meditari in lege tua, & omnem cogitatum meum jaclare in te: & *dextrum* pedem meum eidem ligno vitæ clavo *prudentiæ* affige. Da, ut *sinistram* spiritus mei sensualitatem non enervet labentis vitæ infelix felicitas, non conturbet præsentis vitæ infelicitas felix, & *sinister* quoque pes meus *fortitudinis* clavo in Cruce tenebitur. Porro dicendum & hoc(g) quia frustra hujus sæculi sapientes de quatuor virtutibus tam multa disputaverunt quas tamen apprehendere omnino nequiverunt, cum illum nescierint qui factus est nobis à Deo *sapientia*, docens prudentiam: & *iustitia*, delicta donans: & *sanctificatio*, in exemplum temperantiæ continenter vivens: & *redemptio*, in exemplum patientiæ fortiter moriens. Itaque quid vobis cum virtutibus (h) qui Dei Virtutem Christum ignoratis? Ubinam quæso vera *prudentia*, nisi in Christi doctrina? Unde vera *iustitia*, nisi de Christi misericordia? Ubi vera *temperantia*, nisi in Christi vita? Ubi vera *fortitudo*, nisi in Christi passione? Soli ergo qui ejus doctrinâ imbuti sunt, prudentes dicendi sunt: Soli iusti, qui de ejus misericordia veniam peccatorum consecuti sunt: Soli temperantes, qui ejus vitam imitari student: Soli fortes, qui ejus patientiæ documenta fortiter in adversis tenent. In casum proinde quis laborat in acquisitione virtutum, si aliunde eas sperandas putat quam à Domino virtutum: cujus doctrina est seminarium prudentiæ: cujus misericor-

L1

2

dia

dia est opus justitiæ : cujus vita est speculum temperantiae : cujus mors est insigne fortitudinis . Ipsi honor & gloria in sæcula sæculorum . Amen .

C A P V T V I .

De mysterio Passionis Dominicæ , in quo tria specialiter sunt considerata : opus , modus , & causa redemptionis nostræ ,

1. In opere redemptionis nostræ commendatur singularis patientia Christi. Excitamus ad excercendam patientiam pro amore Christi . Condimentum patientiæ conficitur ex tribus herbis : scilicet ex justitia , hilaritate, & humilitate . 2. In modo redemptionis nostræ commendatur admirabilis humilitas Christi: qui licet voluntariè minimum sese & perfectè humilem exhibebat , tamen se Summum esse non ignorabat . 3. In causa redemptionis nostræ commendatur inestimabilis Charitas Christi : qui cum dilexit nos triplici modo, pariter exigit à nobis triplicem dilectionem. Ostenditur, triplicem nobis provenire fructum ex consideratione triplicis virtutis, patientiæ , humilitatis , & charitatis Christi .

§. I.

Magna opera Domini , ait Propheta David in Psalmo 110.

Magna quidem omnia opera ejus , Fratres , (a) siquidem magnus & ipse: sed ad nos maximè spe-

2 Ser. 2. in Nat. Dom. num. 1.

spectant, quæ in eis maxima esse videntur. Hinc est quod psallit idem Propheta, dicens: *Magnificavit Dominus facere nobiscum*. Denique quàm magnificè nobiscum agat, specialiter tria quædam ejus opera clamant. In passione Jesu Christi (b) tria specialiter convenit intueri, *opus, modum, causam*. Nam in opere quidem *patientia*, in modo *humilitas*, in causa *charitas* commendatur. *Primo quidem in opere patientia Christi commendatur*. Patientia autem singularis, quodd videlicet cùm supra dorsum ejus fabricarent peccatores, cùm sic extēderetur in ligno ut dinumerarentur omnia ossa ejus, cùm fortissimum illud propugnaculum (quod custodit Israel) undiq; foraretur, cùm foderentur manus & pedes ejus, sicut agnus ad occisionem ductus sit, & tanquam ovis coram tondente non aperuit os suum: non adversus Patrem murmurans, à quo missus fuerat; non adversus humanum genus, pro quo quæ non rapuit exolvebat; non denique vel contra populum ipsum peculiarem sibi, à quo pro tantis beneficiis tanta mala recipiebat. Plectuntur aliqui pro peccatis suis, & humiliter sustinent: hoc ipsum tamen eis ad patientiam reputatur. Flagellantur alii non tam purgandi quàm probandi coronandiquè, & major in eis patientia comprobatur & commendatur. Quomodo non maxima censeatur in Christo, qui in funiculo hereditatis suæ, ab his quibus specialiter advenerat Salvator, crudelissima morte mulabatur sicut fur, nullum omninò peccatum, nec actu proprio, nec contractu, sed nec in quo crescere posset, habens? Nimirum in quo habitat omnis plenitudo divinitatis,

tis, non umbraticè, sed corporaliter: in quo Deus est mundum reconcilians sibi, non figurativè, sed substantialiter: qui denique plenus est gratiæ & veritatis, non cooperativè, sed personaliter, ut faciat opus suum. *Alienum est opus eius ab eo*, Esajas loquitur: quia & opus suum fuit, quod dedit ei Pater ut faceret: & alienum ab eo, ut talis talia sustineret. Hæc nimirum hostia sicut sola prodesse potuit (c) sic sola suffecit: nec Christum decuit simul & Petrum aut Jacobum vel Joannem pro salute hominum pati. Crucifixi tamen fuere cum eo alii duo nequam: de quibus nulla prorsus suspicio posset haberi, tanquam ex eis minùs efficax Sacrificium suppleretur. Ita ergo (d) habes in opere patientiam. Dominus utiq; (e) in passione patientiam exhibere curavit. In illa enim tanquam ovis ad occisionem ductus est, & quasi agnus coram tondente obmutuit, & non aperuit os suum. Qui cum percuteretur, non comminabatur, sed magis orabat dicens: *Pater ignosce illis, quia nesciunt quid faciant*. Sustinuit quoque [f] in assumpta carne incommoda nostra sine peccato carnis, portans in carne peccata nostra. Et hoc totum nõ propter se, sed propter nos sustinuit: ut redderet nos incolumes de infirmis, cohæredes de extraneis, liberos de servis. Proinde imitemur eum (g) qui tanquam ovis ad occisionem ductus est, & sicut agnus coram tondente obmutuit, & non aperuit os suum: qui pro inimicis mori non dubitavit, & oravit pro crucifixoribus suis: qui peccatum non fecit, & imposita sibi ab aliis patienter audiuit: qui pro

re-

d Ser. in ser. 4. heb. san. 1. 3. e Ser. 2. in Dom. Palm. 1. 3. f Ser. 2. in Cena Domini num. 2. g Serm. 4. de Advén. Dom. nu. 7.

reconciliandis sibi peccatoribus tanta sustinuit. Ipse Animam suam posuit: (h) quia ipse voluit, oblatum est: omnis enim ei infirmitas de voluntate fuit, non de necessitate. Unde & quod infirmum Dei erat, fortius erat hominibus: quod esset tunc quoque etiam inter parvulos magnus, inter infirmos validus, inter mortuos liber. Videtur quidem & in nostris aliquando tribulationibus esse nonnulla libertas, cum videlicet pro peccatis proximorum libera & liberali charitate laborem penitentiae sustinemus, agentes pro eis, jeiunantes pro eis, vapulantes pro eis, & quæ non rapuimus exolventes. Unde & Paulus, *Cum liber essem, inquit, ex omnibus, omnium me servum feci.* Cæterum nihil hoc ad libertatem illius qui nihil proprii delicti habuit, qui nihil morti debuit, nihil meruit tribulationis. In nostra quoque vita, (i) multa, quantum in nobis est, videmur agere casu, multa necessitate: sed Christus Dei Virtus & Dei Sapientia neutri potuit subiacere. Quæ enim Dei Virtutem necessitas cogeret? aut quid ageret Dei Sapientia casu? Omnia proinde quæcunque locutus est, quæcunque operatus est, quæcunque passus est, ne dubites fuisse voluntaria, plena Sacramentorum, plena Salutis. Et nota (k) quod licet mons iste patientiæ est arduus, spinosus, aridus. *Arduus* propter difficultatem imitandi passionem Domini: *spinosus* propter aculeos tentationum, quæ multiplices sunt, damna scilicet rerum, contumeliæ verborum, cruciatus corporum, in quibus Sancti Martyres examinantur: *aridus* propter retributionem præmio-

L I 4 rum,

h Ser. 34. diver. num. 2. & 3. i Ser. 4. de Ascens. Domini num. 2.
k Ser. 61. diver. num. 2.

rum, quæ non in hoc sæculo speratur, sed in futuro. Verumtamen exerce patientiam (l) quam debes Deo, quia ab eo salvandus es. *Omnes enim qui pro volunt vivere in Christo, persecutionem patientur*, ait Scriptura. Et: *Per multas tribulationes oportet nos intrare in regnum Cælorum*. Vide ergo ne per impatientiam pereas, sed universa pro eo sustine, qui prior majora pro te sustinuit, & apud quem infructuosa patientia non erit, sicut ait Propheta: *Patientia pauperum non peribit in finem*. Quod si multiplex fuerit tribulatio (m) tunc quoque multipliciùs exultandum, non intuentibus quæ videntur incommoda, sed præmia, quæ non videntur. Quæ enim videntur, temporalia sunt: quæ autem non videntur, æterna. *Beati* (inquit Dominus) *eritis cum vos oderint homines, & cum separaverint vos, & ejecerint, & dixerint omne malum adversum vos mentientes propter me. Gaudete in illa die, & exultate: ecce enim merces vestra copiosa est in cælis, copiosior longè quàm sit labor in terris*. Bonus cibus Obedientia (n) de qua nimirum & ipse Dominus ait: *Meus cibus est, ut faciam voluntatem Patris mei*. Et Propheta, *Labores* (ait) *manuum tuarum quia manducabis, beatus es, & benè tibi erit*. Bonus cibus Patientia pauperum, quæ non peribit in finem, panis lachrymarum, panis doloris. Verumtamen utrique necessarium est condimentum, sine quo uterque cibus insipidus non modò reficiat, sed gustatus afferat mortem. Durissimus equidem cibus uterque, fratres, & nisi aliquod tertium saporabile apponatur, utique mors

l Ser. 2. de Resur. Dom. num. 10. m Ser. 2. de omni. Sanct. num. 15.
n Ser. 2. inser. diver. num. 4. & 5.

mors est in olla. Quid verò tam saporabile quàm *Sapientia*? Nempè *lignum vitæ* est, quod & ipsas aquas *Marath* per Moysen dulcoravit. *Farinula* est, quæ pulmentum Prophetarum per Elisæum saporavit. *Ignis* est, qui semper ardere præcipitur in Altari. *Oleum* est, ob cujus inopiam virginibus fatuis ostium clauditur nuptiarum. *Sal* est, quod nulli sacrificio deesse jubetur. Puto tamen ego hanc ipsam Sapientiam (quam obedientiæ & patientiæ tertiam addi volumus) triplicem nihilominus inveniri, ut nostrum hoc condimentum velut tribus quibusdã herbis conficiatur. Opus est nimirũ ut *justitia* sit in intentione, *hilaritas* in operatione, *humilitas* in reputatione. Insipida namque Deo & insulsa quodammodò nostra obedientia seu etiam *patientia* est, nisi omnium quæ vel agimus vel patimur, ipse sit causa: quia & quidquid facimus, jubemur facere in gloriam Dei: & non si quid patimur, sed si quid propter justitiam patimur, beati. Oportet autem pusillanimitatem quoque & tristitiam in omnibus quæ agenda sunt vel toleranda, caveri: quia hilarem datorem diligit Deus. Porro elationẽ super omnia fugere necesse est. Quisquis enim altum sapit, & opus ejus & patientia vanum sapit: nec gravior ullus sapor, aut magis contrarius est Veritati.

§. I I.

Secundò ita modo humilitas Christi commendatur.
Nam *modò* ipsum *subtiliter* attendas [o] non-
modò mitem Jesum, sed & humilem corde cogno-
sces.

sces. Nempè in *humilitate* iudicium ejus sublatum est, cùm nec ad tantas blasphemias, nec ad falsissima quæ sibi obiiciebantur, etiam responderet. *Vidimus* (inquit Esajas) *eum*, & non erat ei *aspectus*: nec speciosum formâ præ filiis hominum, sed opprobrium hominum, & *tanquam leprosum, novissimum virorum*, planè *viram dolorum*, à Deo percussus & humiliatus: ita ut nulla esset ei species neque decor. O novissimum, ô Altissimum! O humilem & sublimem! opprobrium hominum & gloriam Angelorum! Nemo illo sublimior, nemo humilior. Denique sputis illitus est, opprobriis saturatus est, morte turpissima condemnatus est, cum sceleratis deputatus est. Nihilne merebitur vel ista humilitas, quæ hunc habet modum, imò quæ tam est ultra modum? Sicut est patientia singularis, sic & humilitas admirabilis: utraque sine exemplo. Porro (p) si quæris de humilitate? Dominus omnium servuli formâ indutus est: de paupercula Virgine natus est. Denique cùm liber esset à lege, factus est sub lege, sine querela conversatus est in lege: cum publicanis & peccatoribus cibum sumpsit: Discipulorum quos elegerat, pedes lavit. Hoc ab ortu suo usque ad finem vitæ satagens, ut sicut in Matre specialis & sine exemplo fuit Virginitas, sic in Filio singularis & unica esset humilitas. Hinc est [q] quòd auctor & dator virtutum Christus (in quo omnes thesauri sapientiæ & scientiæ sunt absconditi, in quo omnis quoque plenitudo Divinitatis habitat corporaliter) de humilitate tanquam summa suæ doctrinæ

nae suarumque virtutum gloriatus est: *Discite* (ait) *à me*, non quòd sobrius, aut castus, aut prudens, aut aliquid ejusmodi: *sed quia mitis sum & humilis corde*. Semetipsum exinanivit [r] formam servi accipiens, & formam humilitatis tradens. Ipse se exinanivit, ipse se humiliavit, non necessitate judicii, sed nostri charitate. Poterat nimirum vilem se & contemptibilem demonstrare, sed planè non reputare, quoniam sciebat seipsum. Voluntate proinde humilis fuit, & non judicio, qui talem se obtulit qualem esse nescivit: magis autem placuit minimum reputari, qui se summum non ignorabat. Denique ait: *Discite à me, quia mitis sum & humilis corde*. Cordi dixit, cordis affectu, idest voluntate. Itaque necessitatem exclusit, qui voluntatem confessus est. Non enim quomodo ego vel tu invenimus nos in veritate dignos dedecore & contemptu, dignos omni extremitate & inferioritate, dignos etiam suppliciis, dignos plagis. Non inquam ita & ille: quæ tamen omnia expertus est, quia voluit tanquam humilis corde. Humilis videlicet illa humilitate, quam cordis suasit affectio, non quam extorsit discussio veritatis. Sed quid dicam de illo [s] qui dicitur *rex super omnes filios superbiam*? Et ipse (inquit Dominus) *in veritate non stetit*. Et alibi: *Videbam Satanam de celo cadentem*. Quare hoc, nisi propter superbiam? Væ mihi, si & me viderit qui alta à longè cognoscit superbientem, & illam in me terribilem intonet vocem: Tu quidem filius Excelsi eras, sed sicut homo morieris, & sicut unus de principibus cades. Quis non ab hujus tonitru

gloriâ Apostolicâ? *Libenter* (inquit Apostolus) *glorior in infirmitatibus meis, ut inhabitet in me virtus Christi*. Non dicit patienter se ferre infirmitates suas, sed & gloriari, & libenter gloriari in illis, probans etiam sibi bonum esse quod humiliatur: nec sufficere omnino ut possideat animam suam tanquam patienter humiliatus, nisi & gratiâ accipiat tanquam spontè humiliatus. Generalem verò hinc audi regulâ: *Omnis qui se humiliat, ait Dominus, exaltabitur*. Significans profectò non omnem exaltandam esse humilitatem, sed eam tantum quæ de voluntate venit, non ex tristitia, nec ex necessitate. Nec enim per contrarium omnis qui exaltatur, humiliandus erit, sed tantum qui se exaltat humiliabitur, nimirum ob voluntariam vanitatem. Ita ergo non qui humiliatur, sed qui spontè se humiliat, exaltabitur, utique ob meritum voluntatis.

§. I I I.

Tertiò in causa charitas Christi commendatur. Patientiam & humilitatem Christi (a) magnificè causa ipsa commendat: nimirum *charitas* est. Propter nimiam quidem charitatem suam quâ dilexit nos Deus, ut servum redimeret, nec Pater Filio, nec sibi Filius ipse pepercit. Verè nimiam, quia & mensuram excedit, & modum superat, planè supereminens universis. *Maiorem* (inquit) *charitatem nemo habet, ut animam suam ponat quis pro amicis suis*. Tu maiorem habuisti Domine, ponens eam etiam pro inimicis. Cum enim ad huc inimici essemus, per

mor-

a Ser. in Jer. 4. hab. San. num. 4.

mortem tuam & tibi reconciliati sumus & Patri. Quenam alia videbitur esse, vel fuisse, vel fore huic similis charitati? Vix pro justo quis moritur: tu pro impiis passus es, moriens propter delicta nostra, qui venisti justificare gratis peccatores, servos facere fratres, captivos cohæredes, exules reges. Verè Domine nimis excessisti: (b) quia cùm sis splendor paternæ gloriæ & figura substantiæ ejus, pati dignatus es tormentum abjectissimæ passionis. Verè fuit excessus, cùm dedisti vellentibus genas tuas: cùm faciem tuam non avertisti ab increpantibus & consequentibus te: quando cum iniquis es deputatus. Nec sanè aliud aliquid (c) patientiam hanc & humilitatem æquè illustrat, quàm quòd tradidit in mortem Animam suam, & peccata multorum tulit, etiam pro transgressoribus rogans, ut non perirent. O quàm indebita miseratio (d) quàm gratuita & sic probata dilectio, quàm inopinata dignatio, quàm stupenda dulcedo, quàm invicta mansuetudo, Regem gloriæ pro dispicatissimo vermiculo crucifigi! Quis audivit unquam tale? aut quis vidit huic simile? Vix enim pro justo quis moritur: ipse pro injustis & inimicis mortuus est, eligens exulare à Cælis, ut nos reportaret ad Cælos. Valdè omninò mihi amandus es Domine (e) per quem sum, vivo, & sapio. Sed est quod me plùs movet, plùs urget, plùs accendit. Super omnia inquam reddit amabilem te mihi, Jesu bone, Calix quem bibisti, Opus nostræ redemptionis. Hoc omninò amorem nostrum facile ven-

b Ser. in fer. 2. Pasch. num. 8. tom. 6. pag. 720. c Ser. in fer. 4. hebdom. San. num. 4. d Ser. 22. inter. diver. num. 5. e Ser. 20. in Cant. num. 1. & 2.

laborem in præcepto , vel quando irrationabilem misericordiam simulamus in Deo . *Charitati & Veritati* debemus *amorem* verum , idest , quem non impedit tepor affectionis , vel scrupulus suspicionis . Charitati enim quid debetur nisi charitas ? Veritas verò charitatis , & charitas veritatis omnem removet scrupulum suspicionis . Suspicionem autem dico , ne non amet charitas , ne decipiat veritas , ne defluat æternitas . Unde Paulus ait : *Ut possitis comprehendere cum omnibus sanctis , quæ sit longitudo , latitudo , sublimitas , & profundum . In sublimitate nota potentiam , in profundo sapientiam , in latitudine charitatem , in longitudine æternitatem sive veritatem .* Et hæc est Crux Christi . Gratias tuæ Cruci Jesu referimus : (e) ipsa enim omnes cruciatus nostros evacuat . Et ideo Domine Redemptor meus (f) te vt verum Deum adoro , in te confido , te spero , & quibus possum desideriis ad te suspiro , adjuva imperfectum meum . Audi vocem meam , & inclina super servum tuum suavem Crucem illam , quæ lignum vitæ est iis qui apprehendunt eam : ut spero , curram alacriter , portabo infatigabiliter eam quæ ab inimicis est Crucem post te . Illam , inquam , diviniissimam Crucem humeris meis impone , cujus *latitudo est charitas , cujus longitudo est æternitas , cujus sublimitas est omnipotentia , cujus profundum est inscrutabilis sapientia .* Confige illi manus meas & pedes meos , & totum Passionis tuæ conforma servum tuum Domine . Da , obsecro , mihi continere ab operibus carnis quæ odisti , & facere justitiam quam

Ⓛ Lib. 3. de amore Dei cap. 26. num. 88. f. *Serm. de Pass. Dom. num. 19. & 20.*

quam dilexisti, & in utroque tuam quærere gloriam:
 & *sinistram* quidem manum meam clavo *temperan-*
tiae, *dexteram* verò clavo *iustitiae* in illa sublimi Cru-
 ce fixas arbitror. Da menti meæ jugiter meditari in
 lege tua, & omnem cogitatum meum jaclare in te:
 & *dextrum* pedem meum eidem ligno vitæ clavo
prudentiae affige. Da, ut sinistram spiritus mei sen-
 sualitatem non enervet labentis vitæ infelix felicitas,
 non conturbet præsentis vitæ infelicitas felix, & *si-*
nister quoque pes meus *fortitudinis* clavo in Cruce
 tenebitur. Porro dicendum & hoc(g) quia frustra hu-
 jus sæculi sapientes de quatuor virtutibus tam multa
 disputaverunt quas tamen apprehendere omninò
 nequiverunt, cum illum nescierint qui factus est no-
 bis à Deo *sapientia*, docens prudentiam: & *iustitia*,
 delicta donans: & *sanctificatio*, in exemplum tem-
 perantiæ continenter vivens: & *redemptio*, in exem-
 plum patientiæ fortiter moriens. Itaque quid vobis
 cum virtutibus (h) qui Dei Virtutem Christum igno-
 ratis? Ubinam quæso vera *prudentia*, nisi in Christi do-
 ctrina? Unde vera *iustitia*, nisi de Christi misericor-
 dia? Ubi vera *temperantia*, nisi in Christi vita? Ubi
 vera *fortitudo*, nisi in Christi passione? Soli ergo qui
 ejus doctrinâ imbuti sunt, prudentes dicendi sunt:
 Soli iusti, qui de ejus misericordia veniam peccato-
 rum consecuti sunt: Soli temperantes, qui ejus vitam
 imitari student: Soli fortes, qui ejus patientiæ docu-
 menta fortiter in adversis tenent. In casum proinde
 quis laborat in acquisitione virtutum, si aliunde eas
 sperandas putat quàm à Domino virtutum: cujus
 doctrina est seminarium prudentiæ: cujus misericor-

L1

2

dia

dia est opus justitiæ : cujus vita est speculum temperantiae : cujus mors est insigne fortitudinis . Ipsi honor & gloria in sæcula sæculorum . Amen .

CAPUT VI.

De mysterio Passionis Dominicæ , in quo tria specialiter sunt considerata : opus , modus , & causa redemptionis nostræ ,

1. In opere redemptionis nostræ commendatur singularis patientia Christi. Excitamus ad excercendam patientiam pro amore Christi . Condimentum patientiæ conficitur ex tribus herbis : scilicet ex justitia , hilaritate, & humilitate . 2. In modo redemptionis nostræ commendatur admirabilis humilitas Christi: qui licet voluntariè minimum sese & perfectè humilem exhibebat , tamen se Summum esse non ignorabat . 3. In causa redemptionis nostræ commendatur inestimabilis Charitas Christi : qui cum dilexit nos triplici modo, pariter exigit à nobis triplicem dilectionem. Ostenditur, triplicem nobis provenire fructum ex consideratione triplicis virtutis, patientiæ , humilitatis , & charitatis Christi .

§. I.

Magna opera Domini , ait Propheta David in Psalmo 110.

Magna quidem omnia opera ejus , Fratres , (a) siquidem magnus & ipse: sed ad nos maximè spe-

spectant, quæ in eis maxima esse videntur. Hinc est quod psallit idem Propheta, dicens: *Magnificavit Dominus facere nobiscum*. Denique quàm magnificè nobiscum agat, specialiter tria quædam ejus opera clamant. In passione Jesu Christi (b) tria specialiter convenit intueri, *opus, modum, causam*. Nam in opere quidem *patientia*, in modo *humilitas*, in causa *charitas* commendatur. *Primo quidem in opere patientia Christi commendatur*. Patientia autem singularis, quòd videlicet cùm supra dorsum ejus fabricarent peccatores, cùm sic extēderetur in ligno ut dinumerarentur omnia ossa ejus, cùm fortissimum illud propugnaculum (quod custodit Israel) undiq; foraretur, cùm foderentur manus & pedes ejus, sicut agnus ad occisionem ductus sit, & tanquam ovis coram tondente non aperuit os suum: non adversùs Patrem murmurans, à quo missus fuerat; non adversùs humanum genus, pro quo quæ non rapuit exolvebat; non denique vel contra populum ipsum peculiarem sibi, à quo pro tantis beneficiis tanta mala recipiebat. Plectuntur aliqui pro peccatis suis, & humiliter sustinent: hoc ipsum tamen eis ad patientiam reputatur. Flagellantur alii non tam purgandi quàm probandi coronandiquè, & major in eis patientia comprobatur & commendatur. Quomodo non maxima censeatur in Christo, qui in funiculo hereditatis suæ, ab his quibus specialiter advenerat Salvator, crudelissima morte mulabatur sicut fur, nullum omninò peccatum, nec actu proprio, nec contractu, sed nec in quo crescere posset, habens? Nimirum in quo habitat omnis plenitudo divinitatis,

tis, non umbraticè, sed corporaliter: in quo Deus est mundum reconcilians sibi, non figurativè, sed substantialiter: qui denique plenus est gratiæ & veritatis, non cooperativè, sed personaliter, ut faciat opus suum. *Alienum est opus eius ab eo*, Esajas loquitur: quia & opus suum fuit, quod dedit ei Pater ut faceret: & alienum ab eo, ut talis talia sustineret. Hæc nimirum hostia sicut sola prodesse potuit (c) sic sola suffecit: nec Christum decuit simul & Petrum aut Jacobum vel Joannem pro salute hominum pati. Crucifixi tamen fuere cum eo alii duo nequam: de quibus nulla prorsus suspicio posset haberi, tanquam ex eis minùs efficax Sacrificium suppleretur. Ita ergo (d) habes in opere patientiam. Dominus utiq; (e) in passione patientiam exhibere curavit. In illa enim tanquam ovis ad occisionem ductus est, & quasi agnus coram tondente obmutuit, & non aperuit os suum. Qui cum percuteretur, non comminabatur, sed magis orabat dicens: *Pater ignosce illis, quia nesciunt quid faciant*. Sustinuit quoque [f] in assumpta carne incommoda nostra sine peccato carnis, portans in carne peccata nostra. Et hoc totum nõ propter se, sed propter nos sustinuit: ut redderet nos incolumes de infirmis, coheredes de extraneis, liberos de servis. Proinde imitemur eum (g) qui tanquam ovis ad occisionem ductus est, & sicut agnus coram tondente obmutuit, & non aperuit os suum: qui pro inimicis mori non dubitavit, & oravit pro crucifixoribus suis: qui peccatum non fecit, & imposita sibi ab aliis patienter audiuit: qui pro

d Ser. in ser. 4. heb. san. 2. 3. e Ser. 2. in Dom. Palm. n. 3. f Ser. 2. in Cena Domini num. 3. g Serm. 4. de Adven. Dom. nu. 7.

reconciliandis sibi peccatoribus tanta sustinuit. Ipse Animam suam posuit: (h) quia ipse voluit, oblatus est: omnis enim ei infirmitas de voluntate fuit, non de necessitate. Unde & quod infirmum Dei erat, fortius erat hominibus: quod esset tunc quoque etiam inter parvulos magnus, inter infirmos validus, inter mortuos liber. Videtur quidem & in nostris aliquando tribulationibus esse nonnulla libertas, cum videlicet pro peccatis proximorum libera & liberali charitate laborem penitentiae sustinemus, legentes pro eis, jeiunantes pro eis, vapulantes pro eis, & quae non rapuimus exolventes. Unde & Paulus, *Cum liber essem, inquit, ex omnibus, omnium me servum feci.* Caeterum nihil hoc ad libertatem illius qui nihil proprii delicti habuit, qui nihil morti debuit, nihil meruit tribulationis. In nostra quoque vita, (i) multa, quantum in nobis est, videmur agere casu, multa necessitate: sed Christus Dei Virtus & Dei Sapientia neutri potuit subiacere. Quae enim Dei Virtutem necessitas cogeret? aut quid ageret Dei Sapientia casu? Omnia proinde quaecunque locutus est, quaecunque operatus est, quaecunque passus est, ne dubites fuisse voluntaria, plena Sacramentorum, plena Salutis. Et nota (k) quod licet mons iste patientiae est arduus, spinosus, aridus. *Ardus* propter difficultatem imitandi passionem Domini: *spinosus* propter aculeos tentationum, quae multiplices sunt, damna scilicet rerum, contumeliae verborum, cruciatus corporum, in quibus Sancti Martyres examinantur: *aridus* propter retributionem premio-

LI 4 rum,

h Ser. 34. diver. num. 2. & 3. i Ser. 4. de Ascens. Domini num. 2.
k Ser. 61. diver. num. 2.

rum, quæ non in hoc sæculo speratur, sed in futuro.

Verumtamen exerce patientiam (l) quam debes Deo, quia ab eo salvandus es. *Omnes enim qui pro volunt vivere in Christo, persecutionem patientur*, ait scriptura. Et: *Per multas tribulationes oportet nos intrare in regnum Cælorum*. Vide ergo ne per impatientiam pereas, sed universa pro eo sustine, qui prior majora pro te sustinuit, & apud quem infructuosa patientia non erit, sicut ait Propheta: *Patientia pauperum non peribit in finem*. Quod si multiplex fuerit tribulatio (m) tunc quoque multipliciùs exultandum, non intuentibus quæ videntur incommoda, sed præmia, quæ non videntur. Quæ enim videntur, temporalia sunt: quæ autem non videntur, æterna. *Beati* (inquit Dominus) *eritis cum vos oderint homines, & cum separaverint vos, & ejecerint, & dixerint omne malum adversum vos mentientes propter me. Gaudete in illa die, & exultate: ecce enim merces vestra copiosa est in cælis, copiosior longè quàm sit labor in terris*. Bonus cibus Obedientia (n) de qua nimirum & ipse Dominus ait: *Meus cibus est, ut faciam voluntatem Patris mei*. Et Propheta, *Labores* (ait) *manuum tuarum quia manducabis, beatus es, & benè tibi erit*. Bonus cibus Patientia pauperum, quæ non peribit in finem, panis lachrymarum, panis doloris. Verumtamen utrique necessarium est condimentum, sine quo uterque cibus insipidus nonmodò reficiat, sed gustatus afferat mortem. Durissimus equidem cibus uterque, fratres, & nisi aliquod tertium saporabile apponatur, utique mors

l Ser. 2. de Resur. Dom. num. 10. m Ser. 1. de omni. Sanct. num. 15.
n Ser. 2. inter diver. num. 4. & 5.

mors est in olla. Quid verò tam saporabile quàm *Sapientia*? Nempè *lignum vitæ* est, quod & ipsas aquas *Marath* per Moysen dulcoravit. *Farinula* est, quæ pulmentum Prophetarum per Elisæum saporavit. *Ignis* est, qui semper ardere præcipitur in Altari. *Oleum* est, ob cujus inopiam virginibus fatuis ostium clauditur nuptiarum. *Sal* est, quod nulli sacrificio deesse jubetur. Puto tamen ego hanc ipsam Sapientiam (quam obedientiæ & patientiæ tertiam addi volumus) triplicem nihilominus inveniri, ut nostrum hoc condimentum velut tribus quibusdã herbis conficiatur. Opus est nimirũ ut *justitia* sit in intentione, *hilaritas* in operatione, *humilitas* in reputatione. Insipida namque Deo & insulsa quodammodò nostra obedientia seu etiam *patientia* est, nisi omnium quæ vel agimus vel patimur, ipse sit causa: quia & quidquid facimus, jubemur facere in gloriam Dei: & non si quid patimur, sed si quid propter justitiam patimur, beati. Oportet autem pusillanimitatem quoque & tristitiam in omnibus quæ agenda sunt vel toleranda, caveri: quia hilarem datorem diligit Deus. Porro elationẽ super omnia fugere necesse est. Quisquis enim altum sapit, & opus ejus & patientia vanum sapit: nec gravior ullus sapor, aut magis contrarius est Veritati.

S. I I.

Secundo in modo humilitas Christi commendatur. Nam *modum* ipsum si diligenter attendas [o] non modò mitem Jesum, sed & humilem corde cognoscas.

sces. Nempè in *humilitate* iudicium ejus sublatum est, cùm nec ad tantas blasphemias, nec ad falsissima quæ sibi obiiciebantur, etiam responderet. *Vidimus* (inquit Esajas) *eum*, & non erat ei *aspectus*: nec speciosum formâ præ filiis hominum, sed opprobrium hominum, & *tanquam leprosum, novissimum virorum*, planè *virum dolorum*, à Deo percussus & humiliatus: ita ut nulla esset ei species neque decor. O novissimum, ô Altissimum! O humilem & sublimem! opprobrium hominum & gloriam Angelorum! Nemo illo sublimior, nemo humilior. Denique sputis illitus est, opprobriis saturatus est, morte turpissima condemnatus est, cum sceleratis deputatus est. Nihilne merebitur vel ista humilitas, quæ hunc habet modum, imò quæ tam est ultra modum? Sicut est patientia singularis, sic & humilitas admirabilis: utraque sine exemplo. Porro (p) si quæris de humilitate? Dominus omnium servuli formâ indutus est: de paupercula Virgine natus est. Denique cùm liber esset à lege, factus est sub lege, sine querela conversatus est in lege: cum publicanis & peccatoribus cibum sumpsit: Discipulorum quos elegerat, pedes lavit. Hoc ab ortu suo usque ad finem vitæ satagens, ut sicut in Matre specialis & sine exemplo fuit Virginitas, sic in Filio singularis & unica esset humilitas. Hinc est [q] quòd auctor & dator virtutum Christus (in quo omnes thesauri sapientiæ & scientiæ sunt absconditi, in quo omnis quoque plenitudo Divinitatis habitat corporaliter) de humilitate tanquam summa suæ doctrinæ

nae suarumque virtutum gloriatus est: *Discite* (ait) *à me*, non quòd sobrius, aut castus, aut prudens, aut aliquid ejusmodi: *sed quia mitis sum & humilis corde. Semetipsum exinanivit [r] formam servi accipiens, & formam humilitatis tradens.* Ipse se exinanivit, ipse se humiliavit, non necessitate judicii, sed nostri charitate. Poterat nimirum vilem se & contemptibilem demonstrare, sed planè non reputare, quoniam sciebat seipsum. Voluntate proinde humilis fuit, & non judicio, qui talem se obtulit qualem esse nescivit: magis autem placuit minimum reputari, qui se summum non ignorabat. Denique ait: *Discite à me, quia mitis sum & humilis corde.* Cordi dixit, cordis affectu, idest voluntate. Itaque necessitatem exclusit, qui voluntatem confessus est. Non enim quomodo ego vel tu invenimus nos in veritate dignos dedecore & contemptu, dignos omni extremitate & inferioritate, dignos etiam suppliciis, dignos plagis. Non inquam ita & ille: quæ tamen omnia expertus est, quia voluit tanquam humilis corde. Humilis videlicet illa humilitate, quam cordis suasit affectio, non quam extorsit discussio veritatis. Sed quid dicam de illo [s] qui dicitur *rex super omnes filios superbiae?* Et ipse (inquit Dominus) *in veritate non stetit.* Et alibi: *Videbam Satanam de celo cadentem.* Quare hoc, nisi propter superbiam? Væ mihi, si & me viderit qui alta à longè cognoscit superbientem, & illam in me terribilem intonet vocem: Tu quidem filius Excelsi eras, sed sicut homo morieris, & sicut unus de principibus cades. Quis non ab hujus tonitru

r Ser. 42. in Cant. num. 7, s Tract. de grad. humil. cap. 9. num. 25.

nitui voce formidet? O quàm salubriùs ad tactum Angeli nervus fæmoris Jacob emarcuit, quàm Angeli superbientis intumuit, evanuit, ruit! Utinam & meum neruum Angelus tangat, ut marcescat, si fortè ex hac infirmitate incipiam proficere, qui ex mea firmitate non possum nisi deficere. Lego profectò: *Quod infirmum est Dei, fortius est hominibus*. Sic quoque Apostolus de suo nervo cōquestus (quem Angelus non Domini, sed Satanæ colaphizabat) responsum audivit: *Sufficit tibi gratia mea, nam virtus in infirmitate perficitur*. Quæ virtus? Ipse Apostolus respondeat: *Libenter gloriabar in infirmitatibus meis, ut inhabitet in me virtus Christi*. Sed nondum forsitan intelligis de qua specialiter dixerit virtute, quia Christus omnes virtutes habuit. Sed cùm omnes habuerit, præ omnibus tamen unam, idest, humilitatem nobis in se commendavit, cùm ait: *Discite à me, quia mitis sum & humilis corde*. Libenter igitur [t] & ego Domine Jesu gloriabor (si potero) in mea infirmitate, in mei nervi contractione, ut tua virtus, idest *humiliatas* perficiatur. Nam sufficit mihi gratia tua, cùm defecerit virtus mea. Pedem profectò gratiæ fortiter figens, & meum qui infirmus est pedem leniter trahens, securus ascendam per scalam humilitatis, donec Veritati adhærens ad latitudinem transeam charitatis. Tunc psallam cum gratiarum actione & dicam: *Statuisti in loco spacioso pedes meos*. Vidit scalam Jacob [u] & in scala Angelos, ubi nullus residens apparuit, sed vel ascendere vel descendere videbantur universi: quatenùs palàm daretur intelligi inter profectum & defectum in hoc statu mortalis vite

nihil

nihil medium inveniri: sed quomoddò ipsum corpus nostrum continuè aut crescere constat aut decrescere, sic necesse sit & spiritum aut proficere semper aut deficere. Interest tamen, quòd nequaquam juxta ordinem corporalium vicissitudinum etiam spiritus sua vel incrementa capit, vel patitur detrimenta. Nam semper in rubusto & vegeto corpore animus mollior atque tepidior jacet: & rursùm in corpore debili & infirmo fortior viget promptiorquè spiritus. Quod se utique in se expertum contestans Apostolus: *Quando infirmior*, inquit, *tunc fortior sum*. Sed & libenter gloriatur in infirmitatibus suis: *ut inhabitet in me*, ait, *virtus Christi*. Optanda est infirmitas (x) quæ Christi virtute compensatur. Quis dabit mihi non solùm infirmari, sed & destitui ac deficere penitus à memetipso, ut Domini Virtutum virtute stabiliar. Nam *virtus in infirmitate perficitur*, dicit Apostolus. Denique ait: *Quando infirmior, tunc fortior sum & potens*. Vides (y) quia carnis infirmitas robur spiritui augeat, & subministret vires? Ita è contrario noveris carnis fortitudinem debilitatem spiritûs operari. Et quid mirum si hoste debilitato tu fortior efficeris? Nisi fortè illam tibi insanissimè ducas amicam, quæ non cessat concupiscere adversus spiritum. Vide quoque, si non prudenter sagittari & impugnari salubriter postulat sanctus David, cùm dicit in oratione: *Confige timore tuo carnes meas*. Optima timor iste sagitta, qui configit & interficit carnis desideria ut spiritus saluus sit. Vis adhuc videre humilem rectè gloriantem (z) & verè dignum

glo-

x Ser. 25. in Cant. num. 7. y Ser. 29. in Cant. num. 7. z Ser. 24. in Cant. num. 4.

gloriâ Apostolicâ? *Libenter* (inquit Apostolus) *glorior in infirmitatibus meis, ut inhabitet in me virtus Christi*. Non dicit patienter se ferre infirmitates suas, sed & gloriari, & libenter gloriari in illis, probans etiam sibi bonum esse quod humiliatur: nec sufficere omnino ut possideat animam suam tanquam patienter humiliatus, nisi & gratiâ accipiat tanquam spontè humiliatus. Generalem verò hinc audi regulâ: *Omnis qui se humiliat, ait Dominus, exaltabitur*. Significans profectò non omnem exaltandam esse humilitatem, sed eam tantum quæ de voluntate venit, non ex tristitia, nec ex necessitate. Nec enim per contrarium omnis qui exaltatur, humiliandus erit, sed tantum qui se exaltat humiliabitur, nimirum ob voluntariam vanitatem. Ita ergo non qui humiliatur, sed qui spontè se humiliat, exaltabitur, utique ob meritum voluntatis.

§. III.

Tertiò in causa charitas Christi commendatur. Patientiam & humilitatem Christi (a) magnificè causa ipsa commendat: nimirum *charitas* est. Propter nimiam quidem charitatem suam quâ dilexit nos Deus, ut servum redimeret, nec Pater Filio, nec sibi Filius ipse pepercit. Verè nimiam, quia & mensuram excedit, & modum superat, planè supereminens universis. *Maiorem* (inquit) *charitatem nemo habet, ut animam suam ponat quis pro amicis suis*. Tu maiorem habuisti Domine, ponens eam etiam pro inimicis. Cum enim ad huc inimici essemus, per mor-

a Ser. in Jer. 4. hab. San. num. 4.

mortem tuam & tibi reconciliati sumus & Patri. Quænam alia videbitur esse, vel fuisse, vel fore huic similis charitati? Vix pro justo quis moritur: tu pro impiis passus es, moriens propter delicta nostra, qui venisti justificare gratis peccatores, servos facere fratres, captivos cohæredes, exules reges. Verè Domine nimis excessisti: (b) quia cùm sis splendor paternæ gloriæ & figura substantiæ ejus, pati dignatus es tormentum abjectissimæ passionis. Verè fuit excessus, cùm dedisti vellentibus genas tuas: cùm faciem tuam non avertisti ab increpantibus & consequentibus te: quando cum iniquis es deputatus. Nec fanè aliud aliquid (c) patientiam hanc & humilitatem æquè illustrat, quàm quòd tradidit in mortem Animam suam, & peccata multorum tulit, etiam pro transgressoribus rogans, ut non perirent. O quàm indebita miseratio (d) quàm gratuita & sic probata dilectio, quàm inopinata dignatio, quàm stupenda dulcedo, quàm invicta mansuetudo, Regem gloriæ pro dispicatissimo vermiculo crucifigi! Quis audivit unquam tale? aut quis vidit hic simile? Vix enim pro justo quis moritur: ipse pro injustis & inimicis mortuus est, eligens exulare à Cælis, ut nos reportaret ad Cælos. Valdè omninò mihi amandus es Domine (e) per quem sum, vivo, & sapio. Sed est quod me plus movet, plus urget, plus accendit. Super omnia inquam reddit amabilem te mihi, Jesu bone, Calix quem bibisti, Opus nostræ redemptionis. Hoc omninò amorem nostrum facile ven-

b Ser. in fer. 2. Pasch. num. 8. tom. 6. pag. 720. c Ser. in fer. 4. hebdom. San. num. 4. d Ser. 22. inter. diver. num. 5. e Ser. 20. in Cant. num. 1. & 2.

vendicat totum sibi. Hoc inquam est, quod nostram devotionem & blandius allicit, & iustius exigit, & arctius stringit, & afficit vehementius. Multum quippè laboravit in eo Salvator, nec in omni mundi fabrica tantum fatigationis Auctor assumpsit. Illa denique dixit & facta sunt, mandavit & creata sunt. At verò hîc (*videlicet in opere redemptionis nostræ*) & in dictis suis sustinuit contradictores, & in factis observatores, & in tormentis illusores, & in morte exprobratores. Ecce quomodo dilexit. Adde quòd hanc ipsam dilectionem non reddidit, sed addidit. Nam quis prior dedit & retribuetur ei? Sed ut Sanctus Joannes Evangelista ait: *Non quia nos dilexerimus Deum, sed quia ipse prior dilexit nos.* Denique dilexit etiam non existentes. Sed adiecit & resistentes diligere, juxta Pauli testimonium dicentis: *Quoniam cum adhuc inimici essemus, reconciliati sumus Deo per mortem Filii ejus.* Alioquin si non dilexisset inimicos, nondum possedisset amicos: si cut necdum quos sic diligeret, essent, si non dilexisset qui nondum essent. Dilexit autem *dulciter* (f) *sapienter*, *fortiter*. *Dulce* nempe dixerim, quòd carnem induit: *Cautum*, quòd culpam cavit: *Fortè*, quòd mortem sustinuit. Nam quos sanè in Carne visitavit, carnaliter tamen nequaquam amavit, sed in prudentia spiritûs. *Spiritus quippè ante faciem nostram Christus Dominus*, æmulans nos Dei æmulatione non hominis; & certè saniori æmulatione, quàm primus Adam Evam suam. Itaque quos in carne quæsit, dilexit in spiritu, redemit in virtute. Plenum prorsus omni suavitatis dulcedine

dine est, videre Hominem hominis Conditorem. At dum naturam prudenter selegit à culpa, etiam potenter mortem propulit à natura. In Carnis assumptione condescendit mihi, in culpæ vitatione consulvit sibi, in mortis susceptione satisfecit Patri: amicus dulcis, consiliarius prudens, adiutor fortis. Huic securus me credo, qui salvare me velit, noverit, possit. Quem quæsit, hunc & vocavit per gratiam suam: numquid venientem eiiciet foras? Sed nec vim nec fraudem metuo profectò ullam, quòd me videlicet de manu ejus possit ervere, qui & vincentem omnia vicit mortem, & seductorem Universitatis serpentem arte utique sanctiore delusit: isto prudentior, illà potentior. Carnis quidem assumit veritatem, sed peccati similitudinem: dulcem prorsus in illa exhibens consolationem infirmo, & in hac prudenter abscondens laqueum deceptionis diabolo. Porro ut Patri nos reconciliet, mortem fortiter subit & subigit, fundens precium nostræ redemptionis Sanguinem suum. Ergo nisi amâisset dulciter, non me in carcere requisivisset illa Majestas. Sed junxit affectioni Sapientiam, quâ tyrannum deciperet: junxit & patientiam, quâ placaret offensum Deum Patrem. Hi sunt quidem modi quos vobis proposui, sed præmisi eos in Christo, ut commendabiliores haberetis. O homo (g) quid retribues Domino pro omnibus quæ retribuit tibi? Solam dilectionem exigit, sola dilectio ei sufficit. Disce, ô Christiane, à Christo (h) quemadmodum diligas Christum. Disce amare dulciter, amare prudenter, amare fortiter. *Dulciter*, ne illecti: *prudenter*, ne decepti: *fortiter*,

M m

ne

ne oppressi ab amore Domini avertamur. Ne mundi gloriâ seu carnis voluptatibus abducaris, dulcescat tibi præ his *Sapientia* Christus. Ne seducaris spiritu mendacii & erroris, luceſcat tibi *Veritas* Christus. Ne adversitatibus fatigeris, confortet te *Virtus* Dei Christus. Zelum tuum inflammet *charitas*, informet *scientia*, firmet *constantia*. Sit fervidus, sit circumſpectus, sit inuictus: nec teporem habeat, nec careat discretionem, nec timidus sit. Et vide ne fortè tria ista tibi & in lege tradita fuerint, dicente Deo: *Diliges Dominum Deum tuum ex toto corde tuo, & ex tota anima tua, & ex tota virtute tua*. Mihi videtur (si alius competentior sensus in hac trina distinctione non occurrit) amor quidem cordis ad zelum quendam pertinere affectionis, *animæ* verò amor ad industriam seu iudicium rationis, *virtutis* autem dilectio ad animi posse referri constantiam vel vigorem. Dilige ergo Dominum Deum tuum toto & pleno cordis affectu: dilige totâ rationis vigilantia & circumſpectione: dilige & tota virtute, ut nec mori pro ejus amore pertimescas, sicut scriptum est in consequentibus: *Quoniam fortis est ut mors dilectio, dura sicut infernus amulatio*. Sit suavis (i) & dulcis affectui tuo Dominus Jesus, contra malè utique dulces vitæ carnalis illecebras, & vincat dulcedo dulcedinem, quemadmodum clavum clavus expellit. Sed sit nihilominus intellectui tuo prævia lux, & dux rationi, non solum ob cavendas hæreticæ fraudis decipulas, & fidei puritatem ab eorum versutiis custodiendam: verum ut cautus quoque sis nimiam & indiscretam vehementiam in tua
con-

conversazione vitare . Sit etiam fortis & constans amor tuus , nec cedens terroribus , nec succumbens laboribus . Ergo amemus affectuosè, circumspectè, & validè: scientes amorem cordis quem affectuosum dicimus , absque eo qui dicitur animæ , dulcem quidem esse , sed seductibilem: istum verò absque illo qui virtutis est, rationabilem esse , sed fragilem. Digna ergo est Christi charitas tam inestimabilis (k) humilitas tam admirabilis, patientia tam insuperabilis. Digna planè est tam sancta , tam immaculata hostia , tam acceptabilis . Dignus est Agnus qui occisus est , accipere fortitudinem , facere ad quod venit , tollere peccata mundi . Ego autem dico , peccatum triplex quod invaluit super terram . Putatis quòd dicere velim concupiscentiam carnis , & concupiscentiam oculorum , & superbiam vitæ ? Funiculus triplex est qui difficilè rumpitur , propterea multi trahuntur hoc funiculo vanitatis: sed prior ille ternarius (videlicet patientia Christi, humilitas, & charitas) non immeritò prævalet in electis. Quomodò enim non illius patientiæ recordatio omnem arceat voluptatem? Quomodò non illius humilitatis consideratio superbiam vitæ prorsùs extundat ? Cùm charitas illa planè digna ejus meditatione sic mentem occupet, sic totam sibi vendicet animam , ut omninò vitium curiositatis exsufflet . Amen .

C A P U T V I I.

De immenso dolore Christi , quem sustinuit in Crucis patibulo pendens .

M m 2

O vos

O vos omnes qui transitis per viam, attendite, & videte si est dolor sicut dolor meus.

Jerem. Thren. 1.

1. *Excitamus verbis Domini ad considerandum ejus dolorem immensum, quem sustinuit affixus Cruci. Adducuntur causae, propter quas voluit pati tantum dolorem.* 2. *Excitamus ad respiciendum faciem Christi, nec non ad considerandum mysterium elevationis Crucis, & extensionis manuum Jesu & corporis in Cruce. Proponitur nobis ad emulandum humilitas Crucifixi, & insania sancta, quam etiam Sancti emulabantur.* 3. *Excitamus ad compatiendum doloribus Christi affixi ligno Crucis ferreis clavis. Ostenditur, Christum suo labore & dolore redemisse nos. Agitur de diversis laboribus & doloribus hominum flagitiosorum. Docemur quid à nobis requirat Christus pro suis doloribus & tormentis,*

§. 1.

Mitis (a) & innocens Agnus in Cruce pendens, utpote qui coram tondente se obmutuit, non impropere circumstantibus & insanientibus in eum: sed dulciter suggerit transeuntibus per viam, & respicientibus ad eum. Sic enim scriptum est: *O vos omnes qui transitis per viam, attendite, & videte si est dolor sicut dolor meus.* Occurrat itaque spiritualiter (b) & ingerat seipsum cordibus nostris Dominus Christus, tenebratis palmis, pedibusque confossis.

a Epist. 335. num. 8. b Ser. 2. in Cena Domini. 7.

fossis . Videamus vinculum ferreum (c) quo ligatus est Christus in cruce . Fuit hoc vinculum multò ferocius cæteris vinculis : eò quòd non solum manuum pedumquè sanctissimorum compagem divisit , verumetiam illam purissimam Animam à mundissimo Corporis hospitio separavit . Egredimini filia Syon, & videte pacificum nostrum, pugnans pro libertate nostra & in bello occumbere . Videte vitæ nostræ Auctorem pro nobis vitæ januas introire , ut nos ad vitæ viam revocet . Videte vincula durissima seu clavos ferreos pedes & manus (quæ salutem nostram operabantur in medio terræ) crudeliter penetrare . Videte lignum Crucis missum in panem nostrum , panem candidissimum , panem delicatum , panem Angelorum qui de cælo descendit , ut se nobis daret in cibum , & animas nostras continuò subjectas labori semetipso non alieno cibo reficeret : & se nobis incorporando , non se in nostram carnem , sed nos in suum spiritum reformaret . Videte quomodo justus ligatur , quomodo cum iniquis deputatus est liberrimus & optimus Sponsus noster . Moritur vita nostra , non pro suis necessitatibus , sed pro nostris . Date oculi lachrymarum flumina in tantis vinculis morienti , quia & ipse prior lachrymatus est . Fletus deducite oculi mei [d] & liquece anima mea igne compassionis super cōtritione amabilis viri hujus Jesu Crucifixi , quem in tanta amaritudine tot vides affectum doloribus . Spectaculum fit [e] & opprobrium mundo & hominibus , fit tanquam prodigium multis , & commotio capitis in populis Caput

M m 3

nc-

c Tract. de vite myst. cap. 4. num. 16. d Ser. de pass. Dom. num. 14.
e Tract. de vite myst. cap. 5. num. 24.

nostrum, gaudium nostrum, honor noster, bonus
 Jesus. Sed quid moror? Exaltato in Crucem, perfor-
 rantur manus & pedes viri optimi benigni Jesu.
 Elicitur Sanguis si quis supererat. Stat mediator
 noster in conspectu Patris sui in confectione, ut
 avertat iram ejus, ne disperdat nos. Verè non ca-
 dit mente: stat constanter etiam perseverantiâ bonæ
 voluntatis. O qualem te intueor dulcis Jesu! O dul-
 cissime atque amantissime Jesu, quis te usque ad hæc
 non solum durissima, sed etiam turpissima vulnera
 patienda pertraxit? Quis te tam amaræ & tam odio-
 sæ morti addixit? Vulnerum antiquorum nostrorum
 unica plaga, Salvator. O quàm horrenda [f] &
 insanabilis est plaga prævaricationis nostræ, pro qua
 Filium Dei oportebat tot dura opprobria, tot & tam
 dira vulnera sustinere! Electe puer Dei mei (g)
 quid tanta amaritudine, quid tanta confusione di-
 gnum commiseras? Prorsus nihil. Ego ego homo
 perditus, totius perditionis tuæ causa extiti. Ego
 Domine vuam acerbam comedi, & dentes tui ob-
 stupuerunt: quia quæ non rapuisti tunc exolvebas.
 Proinde considerans quid pro nobis fecisti (h) im-
 plorant gemitus nostri, requirunt lachrymæ pecca-
 tricis animæ meæ. Illud cum recolo quod feceris
 mihi, & quod fecerim tibi, viscera mea inter se col-
 liduntur, spiritus contremiscit, anima conturbatur,
 vulneror & confodior doloribus multis. Nec mi-
 rum. Perpendo enim quid fecerit servus Domino
 suo, & quantas & quales luerit Dominus pænas pro
 servo. Conscientia mihi testis est Domine Jesu, quid
 fece-

f. Lib. 3. de amore Dei cap. 26. num. 88. g. Ser. de Pass. Dom. num. 11.
 h. Ser. 12. in ult. Cena num. 105.

fecerim tibi: & Crux tua mihi testimonium perhibet, quid tu feceris mihi. Tu Deus, & ego homo: & tamen pro me tu Deus factus es homo. Tu Creator, & ego creatura: & tamen tu pro me dignatus es fieri creatura. Tu Dominus, nos servi: & tamen pro servis dignatus es fieri servus, peregrinus pro peregrinis, pro exulibus exul, pro pauperibus pauper, pro humilibus humilis, pro mortalibus non tantum mortalis, sed mortuus: non qualicumque morte, sed durâ nimis, amarâ nimis & turpissima, morte scilicet Crucis. Hæc sunt opera tua Deus. Hæc opera considero, & contremisco: in his te misericordem esse cognosco, & revivisco: & propter hoc in te confido, te amo, te diligo, te totis visceribus concupisco. Denique considerans [i] quàm dulciter Domine Jesu cum hominibus cōversatus es, quàm abundanter multa & magna bona hominibus largitus es, quàm fortiter tam indigna quàm aspera pro hominibus passus es, ita ut liceat sugere mel de petra, oleumquè de saxo durissimo: duro ad verba, durior ad verbera, durissimo ad Crucis horrenda: quia in omnibus his sicut agnus coram tondente te obmisti, & non aperuisti os tuum. Mirabilis est Passio tua Domine Jesu [k] quæ passiones omnium nostrum propulsavit, propitiata est omnibus iniquitatibus nostris, & nulli unquam pesti nostræ invenitur inefficax. Quid enim tam ad mortem, quod non tua mortè salvetur? Peccavi peccatum grande [l] turbatur conscientia, sed non perturbabitur, quoniam vulnere Domini recordabor. Nempe vul-

M m 4

nera-

i Ser. 1. in die Pent. num. 7. k Ser. in ser. 4. heb. San. num. 1. l Ser. 1. in Cant. num. 3.

neratus est propter iniquitates nostras. Quid tam ad mortem, quod non Christi morte salvetur? Si ergo in mentem venerit tam potens, tamquæ efficax medicamentum, nulla jam possum morbi malignitate terreri. Sed tibi Domine Jesu fortissime zelotes [m] quid gratiarum retribuam, ut dignè retribuam ego homo pulvis & vile figmentum? Quid enim pro mea salute facere debuisti, & non fecisti? Ab imo pedis usque ad summum verticis te totum in aquas passionum demersisti, ut me totum extraheres de illis, & intraverunt usque ad Animam tuam. Nam & Animam tuam in mortem perdidisti, ut meam perditam mihi redderes. Et ecce me duplici debito obligasti. Nam & pro eo quodd dedisti tuam, debitor tibi sum: & pro mea quidem anima bis à te mihi data, semel in Creatione, & semel in redemptione, quid magis justè tibi reddam quàm ipsam, non habeo. Pro tua autem preciosa Anima ita contribulata, quid ab homine dignè rependi possit, non invenio. Nam etsi cælum & terram & omnem ornatum eorum pro ea possem rependere, certè nec sic usque ad mensuram debiti ullatenùs attingere possem. Ut autem ipsum quod & debeo & possibile mihi est, retribuam: tui Domine muneris est. Diligendus es mihi Domine toto corde, tota anima, tota virtute: & tua mihi sequenda sunt vestigia, qui pro me crucifigi dignatus es. Et quomodo fiet istud in me nisi per te? Adhæreat anima mea post te, quia tota virtus ejus pendet ex te.

§. II.

S. I. I.

Agnosce ô homo [n] quàm gravia sunt animæ tuæ vulnera, pro quibus necesse erat Dominum Christum vulnerari. Respice in faciem Christi cui ô anima Christiana [o] & eleva oculos tuos ad tormenta illius non sine lachrymis, & cor contritum non sine singultu: & vide quantam tribulationem & dolorem invenit, dum quæreretur te, ut inveniret te. Ille qui lucem inhabitat inaccessibilem [p] in quem desiderant Angeli prospicere, cujus solius odor Sanctorum sic mentes inebriat, ut & mundi præsentis, & sui ipsorum obliiti totis viribus currant post ipsum: tanto dolori subicitur, ut in ipso veraciter noscatur illud impletum esse, quod antea dixerat per Jeremiã Prophetam: *O vos omnes qui transitis per viam, attendite, & videte si est dolor sicut dolor meus.* Vacate ergo Fratres, & videte quàm emarã, quàm turpi morte condemnatur. Sustinet enim ad huc, & diligenter considerat si quis sit qui simul contristetur: si quem inveniat, qui Sanguinis rivos abstergat, & de Cruce depositum munda sindone non panni sed cordis involvat, & flens cum beatis mulieribus flentibus ad tumulum prosequatur. Venite quæso [q] & condolete ei omnes, qui gaudere desideratis in Domino. Attendite manu fortem nostrum quomodo contritus est: desiderabilem nostrum, quomodo miserabiliter deformatus est: pacificum nostrum, quomodo in bello peremptus est. Ecce defecerunt dies

o Tract. de vitæ myst. cap. 7. p Ibidem cap. 2. num. 3. & cap. 4. num. 16. q Ibidem cap. 5. num. 27.

dies nostræ diei Domini Jesu , qui solus est dies sine tenebris , & ossa ejus sicut cremium arverunt . Percussus est sicut fœnum , & arvit cor ejus : elevatus est & allisus valdè. Sed videamus [r] si vera Vitis nostra Jesus aliquando elevata fuerit , & distenta : & si qua tunc ad nostram protectionem dulcium verborum folia emisit , contemplemur . Quòd elevata fuerit Vitis nostra , ipsa testatur de se dicens : *Ego si exaltatus fuero à terra , omnia traham ad meipsum .* Item ait : *Sicut Moyses exaltavit serpentem in deserto , ita exaltari oportet filium hominis .* Elevatus ergo fuit , quia exaltatus . Manifestum est autem , quòd hæc exaltatio de Cruce dicta est . Et vide quàm aptè lignorum strues (super quam vites solent elevari) Crucem signat . Cancellantur enim , hoc est ex transverso componuntur , & sic super hæc vitis elevata distenditur convenientiùs . Cancellantur ligna crucis , elevatur crux , in illam distenditur brachiis & toto Corpore Vitis nostra bonus Jesus . Intantum enim in Cruce distensus fuit , ut numerari possent omnia membra ejus . Ita enim dixit per Prophetam : *Foderunt manus meas & pedes meos , dinumeraverunt omnia ossa mea .* Quantum fossus fuit , supradictum est : quantum autem distensus , nunc subjungitur : *Dinumeraverunt omnia ossa mea .* Ac si diceret : Intantum distensus sum dextrorsum & sinistrorsum & à summo deorsum , ut Corpore nudo in modum tympanicæ pellis distenso , facile possent omnia ossa mea dinumerari . Laxa igitur oculos tuos ô anima Christiana , ut respicias in faciem Christi tui . Duo sunt [s] quæ timet humana frigilitas , pudor & dolor .

Utrum-

Utrumque Christus tollere venit, unde & utrumque suscepit, quando morte, & morte turpissima condemnatus est ab iniquis. Color violæ sicut apparet abjectus est [t] illis præcipuè qui virtutem florisculi ignorant: sed vim floris agnoscentibus fit etiam ipsius floris despectio commendabilis & dilecta. Hoc in ipsius humilitatis Magistro benigno Jesu facile agnoscamus, secundum illud verbum Apostoli: Nos, inquit, *prædicamus Christum crucifixum, Judæis quidem scandalum, Gentibus verò stultitiam: ipsis verò vocatis sanctis Christum Dei virtutem & Dei sapientiam*. Nimirum Christus crucifixus viola est. In Cruce enim humillimus factus est. In hac humilitate solum colorem intuentibus Judæis & Gentibus ipse color vilis apparuit: nobis verò qui virtutem agnoscimus passionis, ipsa etiam humilitas despecta, humilitas Christi placet, & per humilitatem maximè commendatur. Despectui autem coloris adjungatur illaque latet virtus floris interior, ut per interiorè virtutè, hoc quod exterius vile videtur non contemnatur, verum amplius diligatur. Facta est igitur res mira [u] & obstupenda. Infirmata est Virtus summa, & ut dicam (si dici liceat, quod tamen reverenter dico) quasi infatuata est Sapientia. Nec erubesco dicere quod non erubuit Doctor Gentium docere. Sic nempe credidit, sic docuit, sic scriptum reliquit. Nos, inquit, *prædicamus Christum crucifixum, Judæis quidem scandalum Gentibus autem stultitiam, &c.* Ascendit Crucè calvus noster [x] verus Elisæus (Christus) mundo pro mundo expositus est: & ab insensatis pueris irrisus risum suis insinua-

t Tract. de vite myst. cap. 17. num. 65. u Ser. 57. dist. num. 1.
x Tract. exhortat. ad milit. templi cap. 10.

nuavit æternum, quibus ait: *Eccce ego & pueri mei quos mihi dedit Deus*. Quis dabit mihi [y] apud homines tantum de veris dignè humiliari, quantum vel de falsis datum est indignè exaltari? Illam mihi vocem propheticam jure assumerem: *Exaltatus autem, humiliatus sum & conturbatus*. Et illud: *Ludam, & vilior fiam*. Ludam scilicet ut illudar. Bonus ludus, qui hominibus quidem ridiculum, sed Angelis pulcherrimum spectaculum præbet. Bonus inquam ludus, quo efficimur opprobrium abundantibus, & despectio superbis. Nam revera quid aliud sæcularibus quàm ludere videmur, cum quod ipsi appetunt in hoc sæculo, nos per contrarium fugimus: & quod ipsi fugiunt, nos appetimus? Hoc casto & religioso ludo ludebat qui dicebat: *Spectaculum facti sumus Angelis & hominibus*. Hoc ludo & nos interim ludamus, ut illudamur, confundamur, humiliemur, donec veniat qui potentes deponit, & exaltat humiles. Porro [z] audi sanctam insaniam: *Sive mente* (inquit Apostolus) *excedimus, Deo: sive sobrii sumus, vobis*. Vis adhuc audire insaniam: *Si dimittis*, (inquit Moyses) *eis peccatum dimitte: sin autem, dele me de libro vitæ*. Vis aliam? Ipsum audi Apostolum: *Optabam*, inquit, *anathema esse à Christo pro fratribus meis*. Nonne quædam mentis benè affectæ sana quædam videtur insania, cum impossibile sit effectum habere fixum in affectu pro Christo anathema velle esse à Christo? Hæc ad Sancti Spiritus adventum Apostolorum fuit ebrietas. Hæc Pauli fuit insania, cum diceret ad eum Festus: *Insanis Paulus*. Mirumne erat si insanire pronunciabatur, qui in ipso

ipso mortis periculo ipsos iudices suos, à quibus pro Christo iudicabatur, ad Christum convertere nitebatur? Non hanc insaniam multæ literæ in eo faciebant, (sicut dicebat Rex virtutē intelligens, sed dī simulans) sed ut dictū est, Sācti Spiritus ebrietas, in qua & in parvo & in magno similes eos sibi facere gestiebat, qui eum iudicabant. Hac insania insani erant Martyres inter tormenta ridentes. Terrentur Martyres (a) & rident; feriuntur, & gaudent: occiduntur, & ecce triumphant. Quare? Quia morte charitatis intūs in corde jam dudum mortui peccatis, mortui mundo, tanquam insensibiles facti, nec minas nec tormenta nec mortem sentire potuerunt.

§. I I I.

Adhuc autem (b) attentius intuere ō anima christiana, quā grandi admiratione, & tenerrima compassione dignus apparet Jesus crucifixus. Vide nudum & verberibus laceratum, in medio latronum Cruci ignominiosæ ferris clavis affixum. Dignum est enim [c] & tibi multū expedit, compati passo commori mortuo, & consepeliri sepulto. Ad hoc enim facta sunt huiusmodi, ut his omnibus configuretur & conformetur vita Christiani. Qui enim tanquam membrum Christi dicit se in Christo manere, debet sicut ille ambulavit, & ipse ambulare. Duo nobis in hæreditatem relinquerat (d) ille vetustus Adam qui fugit à facie Dei, laborem videlicet &

a Tract. de vite myst. cap. 3. num. 8. b Ser. de Pass. Domini. num. 14. c Ser. 2. in Cena Dom. num. 6. d Ser. infer. 4. heb. san. num. 11. & 12.

& dolorem: *laborem* in actione, *dolorem* in passione. Christus Dominus *laborem* & *dolorem* consideravit, ut traderet eos in manus suas, imò se magis in manus eorum: infixus in limo profundi, & intraverunt aquæ istæ usque ad Animam ejus. *Vide* (ad Patrem inquit) *humilitatem meam* & *laborem meum*: quia *pauper ego sum*, & *in laboribus à juventute mea*. Laboravit sustinens, manus ejus in laboribus servierunt. De dolore videamus quid dixerit: O vos omnes qui transitis per viam, attendite, & videte si est dolor sicut dolor meus. Verè languores nostros ipse tulit, & infirmitates nostras ipse portavit. Vir dolorum, pauper & dolens, tentatus per omnia sine peccato: & in vita passivam habuit actionem, & in morte passionem activam sustinuit, dum salutem operaretur in medio terræ. Proinde memor ero quamdiu fuero, *laborum* illorum quos pertulit in prædicando, fatigationum in discurrendo, tentationum in jejunando, vigiliarum in orando, lachrymarum in compatiendo. Recordabor etiam *dolorum* ejus, conviciorum, sputorum, colaphorum, subannationum, exprobrationum, clavorum, horumquæ similium, quæ per eum & super eum abundantius transierunt. Facit quidem mihi *fortitudo*, facit *similitudo*, sed si accesserit etiam *Imitatio*, ut sequar vestigia ejus. Alioquin etiam exquiretur à me Sanguis justus, qui effusus est super terram: nec immunis ero ab illo tam singulari scelere Judæorum, quòd videlicet tantæ Charitati ingratus fuerim, quòd Spiritui gratiæ contumeliam fecerim, quòd Sanguinem testamenti pollutum duxerim, quòd conculcaverim Filium Dei. *Sunt* plerique qui la-
bo-

borem & dolorem patiuntur, sed necessitas in causa est, non voluntas: & hi non sunt conformes imagini Filii Dei. *Sunt* qui ex voluntate sustinent, sed non est eis fors neque pars in sermone isto. Vigilat tota nocte *luxuriosus* non solum patienter sed & libenter, ut suam expleat voluptatem: vigilat *raptor* vestitus ferro, ut diripiat prædam: vigilat *fur*, ut domum perfodiât alienam. Sed hi omnes & horum similes longè sunt à labore & dolore quem considerat Dominus. Homines autem bonæ voluntatis, qui Christiana voluntate divitias paupertate commutaverunt, vel etiam non habitas tanquam habitas contempserunt, relinquentes omnia propter Christum, sicut & ipse reliquit omnia propter ipsos, sequuntur eum quocunque jerit. Hujusmodi autem *imitatio* validissimum argumentum mihi est, quod passio Salvatoris & similitudo humanitatis in meam transeunt utilitatem. Hic enim est sapor, hic fructus est & laboris & doloris. Amplexatus est nos Dominus Jesus (e)per laborem & dolorem nostrum. Amplectamur eum nos quoque vicariis quibusdam amplexibus propter justitiam, & ad justitiam suam: actiones ad justitiam dirigendo, passionem propter justitiam sustinendo. Dicamus quoque cum Sponsa: *Tenui eum nec dimittam*. Dicamus etiam cum Patriarcha Jacob: *Non dimittam te, nisi benedixeris mihi*. Quid enim jam superest nisi benedictio? Quid post amplexum, nisi osculum restat? Si sic adhærerem Deo, quomodo non jam clamarem libenter: *Osculetur me osculo oris suis*? Vide, o humana anima [f] quibus brachiis vicariæ charitatis red-

e *Ibidem* num. 14. f *Ser. 2. in Dom. 1. post. Epiph. num. 3.*

redamandus & amplectendus sit, qui tanti te æstimavit, imò qui tanti te fecit. De latere enim suo te reformavit, quando propter te obdormivit in Cruce, & somnum mortis excepit. Imaginare hæc, ô homo (g) quo, quali, & quanto precio redemptus es: non corruptibilibus auro vel argento redemptus es. Ecce Jeshu crucifixus amplexus tuos desiderat [h] talis ut complectatur, expectat. Caput floridum multis spinarum aculeis confixum ad te inclinat, ut ad pacis osculum te invitet, & tanquam dicat tibi: Ecce quomodo configuratus sum, quomodo confossus, quomodo maculatus, ut te possim ponere super humeros meos, quæ aberraveras ovis mea, & ad pascua reducere paradisi. Redde vicem, & super vûlnera mea misericordiâ commovere; & pone me talem qualem nunc vides, ut signaculum super cor tuum, ut signaculum super brachium tuum; ut in omnibus cogitationibus cordis tui, in omnibus operibus brachii tui mihi taliter ut vides signato possis similis inveniri. Conformaveram te imagini Divinitatis meæ, cùm te crearem: conformatus sum imagini tuæ, ut te reformarem. Tu ergo qui non retinisti formam Divinitatis meæ tibi impressam in tua formatione, retine saltem formam humanitatis tuæ mihi impressam in tua recreatione. Id est: Si non retines qualem te creavi, retine saltem qualem te recreavi: si non capis quantas virtutum divitias tibi dederim te creando, cape saltem quantas in humanitate tua miseras propter te acceperim recreando, & ad potiores quàm ad quas te formaveram de-

g Tract. de 3. præcip. myst. cap. 6. num. 14. h Tract. de vite myst. cap. 44. num. 169.

licias reformando . Nam propterea homo visibilis factus sum , ut à te visus amarer , qui in Deitate mea invisibilis non amabar . Da ergo te in præmium Incarnationi & Passioni meæ: pro quo incarnatus simul & passus dedi me . O dulcissime atque amantissime Jesu, Pater luminum à quo est omne datum optimum, & omne donum perfectum , misericorditer respice humiliter tibi confitentes, & verè sentientes , quia sine te nihil possumus facere: & qui dedisti te pro nobis in præcium , da (licet tanto precio minùs simus digni) ut tuæ gratiæ tam integri reddamur , ut conformati imagini passionis tuæ , ad eam quoque , quam peccando amisimus , tuæ Divinitatis imaginem reformemur . Amen ,

C A P U T V I I I .

De sermone Jesu Christi in Cruce pendentis , quo iunxit hominibus ingratitudinem beneficiorum suorum .

Popule meus , quid tibi debui facere , & non feci ? Esa. 5.

- I. Proponitur ad considerandum mira increpatio ex persona Jesu Crucifixi, tam adversùs ingratos beneficiorum Creationis & redemptionis suæ, quàm adversùs negligentes salutem propriam . Excitatur ad amorem Creatoris & Redemptoris nostri .
2. Exhortatur verbis Domini Jesu Crucifixi, ut ad eum convertamur in toto corde , in jejuniis , & fletu & planctu : & ut quotidie aspiremus ad ipsum .

Traditur penitentibus formula Confessionis privata, seu norma orandi ad Crucifixum. 3. Excitatur quævis anima christiana ad recolendum beneficia Creationis & redemptionis suæ, nec non ad exhibendam Deo gratitudinem, quæ in sola dilectione Dei consistit.

S. I.

POpule meus, quid tibi debui facere, & non feci? Scaturire videnter hæc verba teneritudinem amoris (a) & quasi mustum quod dirumpit novas lagunculas, de medullis procedere diligentis. Dedit Dominus voci suæ vocem virtutis, ut essent hæc verba ejus sicut malleus conterens petram, & sicut ignis, testante Jeremia: *Verba ejus sunt quasi ignis, & quasi malleus conterens petram*: ut de igne ascendat virgula fumi ex aromatibus & pulvere pigmentarii, & conterat malleus. Unde cogitandi mihi dulcedinē hujus increpationis, flere magis libet, quā aliquid dicere: quia quidam mirifici odoris balsamus perflat aureolam mentis meæ. Disputare cum Deo cupio, non quidem ex æqualitate, sed exponendo fragilitatem humanæ conscientiæ. Domine, quoties passionis tuæ amaritudinem in cordibus nostris ruminamus, toties de nobis expavescimus: quia dedisti metuentibus re-significationem, ut fugiant à facie ejus. Si enim ex hoc mundo transisti ad Patrem cum tantis cruciatibus, quid fiet de nobis peccatoribus? Si in viridi ligno hæc fiunt, in arido quid fiet? Dum tales in Oratione fundimus querimonias, consolatur nos

^a Ser. in fer. 2. Pasc. num. 18. & 19. tom. 6. pag. 725.

nos dulciter increpando illa vera & summa charitas per Scripturarum auctoritatem, seu per occultam inspirationem. *Popule meus*, ait Dominus (b) *quid tibi debui facere, & non feci?* Quid causæ est, quodd inimico meo vestroquæ libet servire magis quàm mihi? Neque enim ille creavit vos, sed nec pascit quidem, aut tempora vestra disponit. Si parva hæc videntur ingratis: non ille, sed ego redemi vos. Sed quo precio? Non utique corruptibilibus auro & argento, non Sole vel Lunâ, non saltem aliquo Angelorum, sed proprio vos Cruore redemi. Cæterùm si neque tam multiplici jure debitum à vobis elicere est famulatum, omiſſis his omnibus, mecum saltem ex diurno denario convenite. Nihil vobis ille nocuerit, nihil ipse videar profuisse: ei obtemperate qui plura vobis & potiora pollicetur, apud quem certior copiosiorquæ remuneratio est. Ut illud quoque benignissima miseratione dissimulem, quodd bonorum vestrorum non egens, vobis tantummodò velim esse consultum, ne præsentia suscipere detractetis, quæ nunc offero dona gratiæ, futuris gloriæ muneribus eadem coronanda promittens. O homo [c] quid retribues Domino pro omnibus quæ retribuit tibi? Solam dilectionem exigit: sola dilectio ei sufficit. Hæc enim (d) in lege præcipitur: *Diliges Dominum Deum tuum ex toto corde tuo, & ex tota anima tua, & ex tota virtute tua*. Id est, diliges *dulciter* sive affectuosè, diliges *prudenter*, diliges *fortiter*. Sanè ad affectuosum illum quem dicimus cordis amorem plurimùm valet Incarnationis

N n 2

Chri-

b *Tract. de vit. & mor. Cleric. cap. 16. num. 53.* c *Tract. de 3. præcip. myst. cap. 6. num. 17.* d *Serm. 29. diu. num. 1. & 2.*

Christi cogitatio, & maximè Passionis. Videns enim Deus homines omninò carnales effectos, tantam eis dulcedinem exhibuit in Carne, ut durissimi cordis sit quisquìs eum toto affectu non diligat. Volens siquidem nobilem creaturam hominem recuperare: Si, inquit, invitum coegero, asinum habeo, non hominem, quoniam quidem non libens veniet nec spontaneus, ut possit dicere: *Voluntariè sacrificabo tibi*. Numquid asinis dabo regnum meum? Numquid de bobus cura est Deo? Ut ergo habeam voluntarium, terrebo eum si fortè convertatur & vivat. Et comminatus est acerbiora quæ excogitari possunt, tenebras æternas, vermes immortales, ignem inextinguibilem. Cùm autem nec sic homo revocaretur, ait: Non solùm timidus, sed etiam cupidus est. Promittam ergo ei quod potissimùm desiderabile videtur. Desiderant homines aurum & argentum, & similia; & super hæc omnia vitam desiderant. Manifestum est hoc, & valdè manifestum. Si, inquit, tantoperè desiderant miseram hanc laboriosam vitam & momentaneam, quantum diligunt vitam quietam, æternam, beatam? Promisit itaque Christus Deus noster vitam æternam, promisit quod nec oculus vidit, nec auris audivit, nec in cor hominis ascendit. Videns autem [e] quòd nihil proficeret: Vnum, inquit, restat adhuc. Inest homini non solùm timor & cupiditas, sed & amor, nec quidquam est eo vehementius ad trahendum. Venit igitur in Carne, & tam amabilem se exhibuit, ut illam nobis impenderet charitatem, quàm maiorem nemo habet, ut Animam suam daret pro nobis.

Posi-

Positoquè Corpore suo & Sanguine in manu hominis: [f] Hoc, inquit, manduca & bibe, hinc vive. Quisquis sanè nec ob hoc quidem converti voluerit [g] nonne meritò audiet: *Quid debui facere tibi, & non feci?* O duri [h] & indurati filii Adam, quos non emollit tanta benignitas, tanta flamma, tam ingens ardor amoris, tam vehemens amor Christi Crucifixi, qui pro vilibus sarcinulis tam preciosas merces expendit? Non enim corruptibilibus auro vel argento redemit nos, sed precioso Sanguine suo, quem effudit abundè: quia largiter undæ Sanguinis de Corpore Jesu per quinque partes emanaverunt. *Quid ultra debuit facere, & non fecit?* Illuminavit cæcos, reduxit erroneos, reconciliavit reos, justificavit impios: triginta, & tribus annis super terram visus, cum hominibus conversatus, pro hominibus mortuus est. Quid ad hæc [i] conscientia humana respondet? Cùm impropere cæperint hæc in die judicii, quomodò miseri sustinebunt? Quid excusationis poterunt habere de peccato? Quam, inquam, excusationem [K] habebit homo iste de peccato? Nonne ei justè potest dicere Dominus: *Quid debui tibi facere, & non feci?* Non eras, & creavi te. Peccasti, & diaboli servum te feceras: & redemi te. In mundi circuitu cum impiis currebas: & elegi te. Dederam tibi gratiam in conspectu meo, & volebam facere apud te mansionem: tu verò despexisti me. Et non solùm sermones meos, sed meipsum projecisti retrorsum, & ambu-

f Lib. 2. de amore Dei cap. 12. num. 37. g Serm. 29. diu. num. 7.
h Serm. 2. in die Pent. num. 8. i Tract. de vit. & mor. Cleric.
cap. 16. n. 54. K Scala Claustr. cap. 23. num. 15. tom. 5. pag. 422.

labas post concupiscentias tuas. Vide ô homo (l) quid Deus tibi erogavit, imò quod prærogavit & supererogavit. Creavit, cùm non esses: recreavit, cùm perditus esses. Creavit, ut esses particeps beatitudinis: recreavit, ne post lapsum permaneres exfors patriæ, & exfors sælicitatis æternæ. Intue-re ô homo (m) tempus tuæ redemptionis, recordare & respice quomodo redemptus sis. *Empti estis* (ait Apostolus) *precio magno, glorificate & portate Deum in corpore vestro*: non magno tantùm, sed permaximo precio. Venditus eras sub peccato precio vili, & despicabili morsu unius pomi: emptus & redemptus es precio magno & inæstimabili, morte Filii Dei. Quid ergo à te quærit [n] qui tanta sollicitudine te quæsivit, nisi te sollicitum ambulare cum Deo tuo. Ecce quem quæris (o) exaltatus est, & humiliatus. Non enim elevatus est in Crucem, ut se difficilem præberet accedere ad eum volentibus, sed magis ut omnibus posset paratior inveniri. Accede ergo cum fiducia ad hunc Crucifixum (p) & in extensione brachiorum cognosce eum, suscipe affectum paratum ad tuos, & te ad suos invitantis amplexus, & quodammodò miserabiliter misericorditerquè clamantis: *Revertere, revertere, ut intueamur te*. Revertere à mala voluntate, à malis factis, ab obstinatione, à desperatione. *Revertere*, inquam, ad me misera anima, quæ à me aversa fuisti: ut intueamur te intuitu gratiæ, quo mulierem peccatricem, & Petrum, & Latronem respexi. Lege
me

l *Tract. de 3. princip. myst. cap. 1. n. 3.* m *Ibidem cap. 6. n. 10.*
n *Ser. 2. in die Pent. n. 8.* o *Tract. de vite myst. cap. 44. num. 166.*
p *Ibidem num. 167.*

me librum vitæ scriptum intus & foris, & lectum intellige. Collige tibi flores meos sanguineos, ut paradisi illius possis januam introire, ante cujus fores Cherubim collocatus est cum gladio flammeo & versatili. Valet enim scientia hæc, quam ex me plenarie discere potes, ad amovendum impedimentum Cherubim.

S. I I.

Cognosce anima mea [q] cognosce: hic est Dominus Deus, Jesus Christus Salvator tuus, Unigenitus Dei Filius, verus Deus, verus homo: qui solus sub Sole sine macula inventus est. Et ecce quomodo vulneratus est propter iniquitates nostras, attritus est propter scelera nostra. Hic factus est quidē in holocaustum suavissimi odoris in conspectu Dei Patris, ut averteret indignationem ejus à nobis, & considerare nos sibi faceret in cælestibus. Attamen dicit: (r) *Convertimini ad me in toto corde vestro*. Liqueet quia sumus aversi, quos ut revertamur hortatur. Liqueet quia contrarii sumus, quos revocat ut convertamur. Sed quomodo? *In jejunio*, inquit, & *fletu*, & *placitu*, Mira res. Itane in jejunio ille versatur, & in fletu degit, & in placitu habitat? Procul ab eo omnia ista sunt, procul ipse ab his vehementer. Nimirum regnum ejus in Jerusalem, quam satiat adipe frumenti: nec ibi est luctus & clamor, sed nec ullus dolor, magis autem gratiarum actio, & vox laudis. *Justi* (inquit Propheta) *epulentur in conspectu Dei, & delectentur in letitia & exultatione*.

N n 4

Quo-

Quomodo ergo in jejunio & fletu & planctu convertemur ad ipsum? An verò justus eum in lætitia & exultatione, qui verò nondum justus est, nonnisi in jejunio & fletu & planctu reperiet? Ita planè, sed justus qui jam conspectum meruerit, non qui adhuc vivat ex fide, Nimirum quod ait Dominus: *Cum ipso sum in tribulatione*, ad eum pertinet qui per fidem ambulat, non autem qui ad faciem jam pervenit. Et quidem utriusque est Caput unum Christus, sed non uno modo membris omnibus exhibetur. Quibusdam enim ostenditur Caput hirsutum spinis, inclinatum in Cruce, ut humiliantur pariter & compungantur. Quibusdam gloriosum apparet, ut ab ipso glorificentur, & in ipso glorientur facta ei similia, quem vident sicuti est. Interim verò non sicut est, sed sicut pro nobis factum est Caput nostrum nobis repræsentatur, non coronatum gloriâ, sed peccatorum nostrorum circumdatum spinis. Agnosce ô homo [s] quàm gravia sunt vulnera animæ tuæ, pro quibus necesse fuit Dominum Christum vulnerari. Revertere ad Dominum Deum tuum: [t] & placabilis erit super malitiam tuam. Revertere ad Dominum eâ viâ, quâ venit ad ipsum: viâ cordis, viâ oris, viâ operis, viâ timoris, viâ doloris, & viâ amoris. Viâ cordis contriti, viâ confitentis labii, & viâ operis recti. Viâ timoris, ne potraharis ad supplicium: viâ doloris, quia sic offendisti Christum: viâ amoris, ut ipsum jam Christum perfectè diligas, qui tam diu ad pœnitentiam te patienter expectat. Geme, dole, plan-
ge,

s Ser. 3. in Nat. Dom. num. 4. t Ser. 11. in ultim. Cana num. 87. & 88.

ge, plora. Non parcas tibi, ut tibi Dominus parcat. Noli indulgere tibi, ut tibi Dominus indulgere dignetur. Succinge lumbos tuos, induere sacco, pulvescere humo, & dic Christo Domino tuo & Deo tuo: O Jesu bone miserere mei. Esto mihi Jesus, esto mihi Salvator meus. Misereri mei, qui pro me pium Cruorem fudisti: non intres in iudicium cum servo tuo, quia nullus justificabitur homo, nisi per te ipsum ei peccatorum suorum tribuatur remissio. Non tne tua iudicaria sententia premat, quem tua multa pietas levat. Qui resuscitasti Lazarum jam factentem, resuscita & me peccatorem jam confitentem. Qui pepercisti peccatrici Mariæ, parce & peccatrici animæ meæ. Qui lætificasti animam crucifixi Latronis, lætifica & animam mei peccatoris. In unione acerbissimi doloris tui [u] qui causam doloris mei assumpsisti, & emundationem pro peccatis meis suscepisti, Domine Jesu Christe, cum universitate dolentium, verè pœnitentium, & te in veritate quærentium, confiteor tibi omnia peccata mea, mala commissa, & bona omissa, vel non purè aut negligenter facta, (sicut tu ea meliùs nosti in numero, pondere, & mensura) & dies perditos vitæ meæ, in quibus te offendi, & laudem tuam minui, & à te Summo bono cecidi, & proximum in casum traxi. Suscipe ergo Domine de mea misera vita residuum annorum meorum: pro his verò quos malè vivendo perdidisti, quibus perditè vixi, cor contritum & humiliatum Deus non despicias. Dies mei declinaverunt, & perjerunt sine fructu. Impossibile est ut eos

revo-

revocem: sed placeat tibi, ut recogitem illos in amaritudine animæ meæ. Domine, abyssus profundissima miseriæ meæ, abyssum invocat altissimæ misericordiæ tuæ. Ne contineas in ira miserationes tuas, & fontem inexhaustum misericordiæ tuæ circa me exsiccari ne permittas propter peccata mea, qui misereris omnium, & nihil odisti eorum quæ fecisti, dissimulans peccata hominum propter pænitentiam. Tuum est Domine remittere peccata: miserere mei, dum tempus est gratiæ & miserationis: & dum tempus est emendationis, da mereri gloriam benedictionis: ne in die consummationis me feriat verbum maledictionis. Fac me quæso Domine assueta mala relinquere (x) & quæ tibi placent peragere: & studium quod hucusque in peccatis exercui, te adjuvante deinceps in tua voluntate da ut exerceam: ut ubi abundavit delictum, tua gratia reabundet. Rogo te propter temetipsum, & per amorem piissimæ Matris tuæ gloriosæ Virginis Mariæ, & per intercessionem omnium Sanctorum tuorum, atq; Electarum virginum tuarum, ignosce omnibus peccatis, negligentis & ignorantis meis: & ne perdas me cum omnibus iniquitatibus meis, neque in finem iratus reserves mala mea. Recordare Domine Jesu, quia tuum non est perdere quidquam eorum quæ Pater tuus dedit tibi: quinimò tibi proprium est misereri semper & parcere, neminem perdere, sed salvare. Nam Pater tuus misit te in mundum, non ut judices mundum, sed ut vitam habeamus per te, & ut sis propitiatio nostra, & advocatus noster, non contra nos. Quod enim nos debuimus, tu solvisti: quod

nos

Pars IV. Cap. VIII. 571

nos peccavimus, tu luisti: quod nos negleximus, tu supplesti. Proficiat ergo nunc Domine, (y) & in extremis meis plenaria imò superflua satisfactio; amarissima mors tua & precium inæstimabile fusi Sanguinis tui, commemoratio satisfactionis tuæ, venerabile mysterium Corporis & Sanguinis tui (quod tibi quotidie offertur in Ecclesia pro salute fidelium fervorum tuorum, in qua es tu ipse Sacerdos & Sacrificium, ille qui offert pariter & cui offertur, & hoc ipsum quod offertur) ad promerendam in præfenti gratiam, quā non mereor: & ad obtinendam in futurum requiem & gloriam, quam tua amarissima mors impetravit. Imperfectum meum Domine Jesu oculi tui viderunt, sed tu pie & misericors & præstabilis super malitia, ne quæso imputes mihi ad æternum supplicium, qui omnia ad summum & perfectum bonum optimè & perfectissimè & sapientissimè præordinasti: & ne permittas me deleri de libro vitæ, sed offer mihi portionem quæ me contingit, in subsidium tuæ videlicet preciosæ passionis, pro qua voluisti hominem habere tibi cohæredem in terra viventium. Te igitur Domine (z) moveat & inclinet ad misericordiam humanæ fragilitatis consideratio, qui nosti quæ sit hominis substantia, & quod non vanè constitueris hominem super terram: & conserva me opus tuæ pietatis, ne in cassum circa ipsum laboraveris, neque infructuosus sit in me immaculati Cruoris tui effusio. Tu qui es purificationem faciens peccatorum, præsta, ut emundatis per te peccatorum sordibus, illustrataque mentis acie cognoscam te: teque agnoscens in directione jugiter

giter ad te tendam , ut felici tandem exitu ad te merear pervenire , Jesu Christe Deus meus, & Dominus meus . Qui cum Patre & Spiritu Sancto vivis & regnas in sæcula sæculorum . Amen .

§. I I I.

Adhuc dico , (a) nihil est enim satisfactum , quod semper est dicendum , atque recordatione continua replicandū. Eras anima mea illi gravissimo creditori (Angelum Satanae loquor) illi quidem immanissimo exactori tot debitis quot peccatis vinculo chirographi obligata , nec solvendo eras . Dei autem Filius non quæ rapuerat , sed quæ tu rapueras , pro te solvit : & quod dignatio propensior & gratia uberior erat, non delegavit alium debitorem , sed dedit Animam suam in causam tuæ salutis . Cùmque ille Angelus transfuga & emensor , te in detestabilem peteret ancillatū, Christus è contra, te cœlo terrequè præpositam fecit . Postquam diversas productiones testium , legum , oraculorum , Prophetarum , signorum , tandem proprium Sanguinem allegavit : obtinuit allegatio illa tuæ sententiam libertatis . Super calculo sententiali scriptæ sunt literæ in membrana Capitis Crucifixi, & confirmatæ à sæculo misericordiæ & veritatis , pacis & justitiæ obviantium sibi . Denique impressum est sigillum , plaga scilicet lateris, quam in precium redemptionis nostræ, & in placationem continuam jugiter exhibet ante oculos Patris . Adhuc extat titulus chattæ inscriptus (b) in tantæ charitatis memoriam : sciasquè quod si te ingra-

a Lib. 3. de amore Dei cap. 20. num. 68. b Ibid. num. 69.

gratam repererit, nec velle uti tanto beneficio, exiget à te districtissimè mortem suam. Vereorquè ne aliquando indignantissimè dicat tibi: *Tolle manus & mitte in latus meum dextrum; mitte digitos tuos in fixuras clavorum*: & vide quanta pro te passus sum. O ingrata & crudelis impietas, nonne putas Deum de collatis tibi beneficiis pænitere, si ea viderit per ingratitude perisse? Porro si recenseas diligenter effusam (c) & indefessam circa te magnificentiam & munificentiam gratiæ Dei, licet ipse sit generalis omnium dispensator, videbis tamen eum circa commoditates tuas quasi totum & singulariter occupatū. Quocunq; te vertas anima mea, tibi sollicitus & diligens provisor assistit, in tentationibus, in meditationibus, in verbis, in consiliis, in operibus, in adversis, in prosperis; foris, intus, ejus gratia te subsequitur & præcedit. Tibi exhibet in omni tribulatione remedium, sanat infirmam, reducit erroneam, corrigit delinquentem, consolatur afflictam, erigit lapsam, tristem lætificat, nec diu vacillare sustinet deficientem. Illud, anima mea, tanquam amicæ meæ consulo, ut primitias creationis tuæ attendas, jugi scrutinio & sollicita meditatione revolvas, quod speciosam te fecit, quod multiplices gratiæ dotes adjecit: quod cum postea per te facta & fætida facta esses, pius & misericors Deus gratuita benignitate sua tuæ aversioni compatiens, sicut te non existentem dilexit ut conderet, ita te conditam sed perditam suâ gratiâ reparavit. Recole (d) recole quod Deus Dei Unigenitus pro salute tua inclinavit cælos & descendit: & ut te de luto facis erueret, quodam artificio

ficio

c Ibid. cap. 23. m. 49. d Ibid. cap. 24. n. 85.

ficio ineffabili, manendo quod erat, usque ad livores & vulnera passionis se à sua Majestate deposuit. Moyses quidem Æthiopissam duxit, sed in ea pel- lis nigredinem non mutavit. Te Filius Dei Chri- stus Jesus reperiens multiplici peccatorū turpitudine denigratam, lavit lachrymis suis, & baptismo suo: tandem Cruoris undâ te lavit, & te sibi exhibuit glo- riosam. Moriebatur Salvator tuus, anima mea, (e) ut te vivificaret: affixus erat Cruci, ut iniquitates tuas propriis manibus Cruci affigeret. Manus ele- vabat ad Patrem in sacrificium vespertinum, ut te ad amplexus amicabiles invitaret: vitamquē suam, quæ nulli erat obnoxia morti, pro te obtulit ad mor- tem, ut dum à principe tenebrarum justus iniuste occiditur (quia quod suum non erat, usurpare convi- ctus est) eā quam habebat in te potestate privaretur. In tam exuberanti beneficio, in tanto cumulo gra- tiarum, quo te largitio divina quasi obruit & con- fundit, vide ne ingrata sis. Quid poteris (f) largi- tori tuo dignè rependere? Dedit te tibi, quando te creavit ut esses: reddidit te tibi, cum recreavit ut benè esses. Dedit se in viaticum tibi, ne in via de- ficias, Corpus & Sanguinem suum, se verum Deum & hominem verum. Et tu quid rependes? Si pro eo quod dedit tibi, quando te creavit, vicem nequis rependere: quid denique pro eo rependes, quod se tibi dedit? Certè si te millies posses rependere, quid esses tu in comparatione Dei? Repende tamen quan- tum potes, repende te totam illi, qui se totum tibi & dedit & reddidit: & his non contentus, se quoque totum tibi dedit. Dilige hunc tantum te diligen- tem,

e Ibid. cap. 19. num. 67. f. Tract. de vite myst. cap. 32. nu. 120.

tem, & singularem dilectum ex tota anima tua, & ex toto corde tuo, & ex omnibus viribus tuis: quia & cor bonæ voluntatis, & animam rationabilem, & vires ad implenda quæ bona sunt, ipse dedit tibi. Scis nec ambigere debes (g) quantum Sponso tuo sis inferior genere, specie, dignitate. Unde igitur tibi tantus & tam ineffabilis honor, quod te Deus sibi in Sponsam dignatus est eligere, per quem omnia facta sunt? Unde hoc tibi, quod te recipit sociam gloriæ, consortem regni, participem thalami? Quem cum tetigeris casta es: cum cognoveris, docta es: cum videris, beata es: cum frui poteris, gloriosa es. Fac igitur ut confidat in te cor viri tui, obliviscere populum tuum: nec mentem tuam declines ab eo vel etiam ad momentum. Alioquin stat Angelus Domini qui secet te mediam, si alium amatorem receperis: si erga eum tepuerit amor tuus: si te in modico inde-votam exhibueris vel ingratam. Recole quanta tibi fecerit Deus: attraxit te, ad domum gloriæ suæ te provecturus, quæ non audebas de scabello pedum ejus, aut de venia cogitare. Quam affectuosè (h) quam sincerè, quam suaviter, quam dulciter Deum diligere tenearis, Dominus per Moysen docet dicens: *Diliges Dominum Deum tuum ex toto corde tuo, ex tota anima tua, & ex totis viribus tuis*. Hoc Dei præceptum exactissimam observantiæ necessitatem habet implicitam. Potest enim aliquis se excusare, quod vigilare aut laborare idoneus non sit: sed excusare se nullus potest, quod amare non possit. De virginitate datur consilium, non præceptum: *Qui potest* (inquit Dominus) *capere capiat*. Et Apostolus

g Lib. 3. de amor. Dei cap. 24. num. 85. h Ibid. cap. 25. num. 86.

stolus: *De virginibus quidem præceptum non habeo, consilium autem do.* Charitas autem à Deo præcipitur fortiter & obnixè, sine interminatione pænali cordibus humanis inducitur. Mandavit equidem hoc mandatum Dominus custodiri nimis, & ut ipsum in cordibus nostris altiùs quàm clavum infingeret, velut crebros ictus sæpiùs inculcavit. Priùs, ut diligeremus *ex toto corde*: postea subjungit, quòd *ex tota anima*: deinde adjecit, quòd *ex totis viribus nostris*. Verè clavus aut stimulus est hoc præceptum. Nam sicut Salamon dicit: *Verba sapientis stimuli sunt, & quasi clavi in altum defixi.* Non plùs quàm stimulus est aut clavus *Sermo Dei, vivus, & efficax, & penetrabilior omni gladio ancipiti.* Dilige ergo ò homo (i) dilectorem tuum: dilige eum non tantùm verbo & lingua, sed opere & veritate. Dilige eum ex toto corde tuo, & ex tota anima tua, & ex totis viribus tuis, & ex omni mente tua. Dic: Diligam te Domine fortitudo mea, Domine firmamentum meum, & refugium meum, & liberator meus. Verè liberator, quia liberaisti me pauperem à potente, & inopem cui non erat adiutor, & liberaisti animam meam à perditione. Porro dic: (k) O Salvator meus, veniat obsecro tēpus quando revelatis oculis inspiciam, quem nunc à longè inclamo, apprehendam quem desidero, & amplectar, in abyssò amoris tui totus absorbear. Nihil mihi quæso sine te dulcescat, nil pretiosum arrideat mihi. Sed da mihi bone Jesu in te vivere, & pro amore tuo mori, qui pro me dignatus es amaræ mortis subire tormentum. Amen.

CA-

i *Traët. de præcip. myst. cap. 5. nu. 17.* k *Lib. 3. de amore Dei cap. 34. num. 113.*

C A P V T I X.

De mysterio serpentis à Moyse in deserto exaltati, quæ præfigurabatur Christus exaltandus in Crucem.

Sicut Moyses exaltavit serpentem in deserto, ita exaltari oportet filium hominis : ut omnis qui credit in ipsum, non pereat, sed habeat vitam æternam. *Joan. 3.*

1. Ostenditur, serpentem exaltatum in deserto fuisse typum Christi exaltandi in Crucem : ut sicut Judæi vulnerati morsu serpentum ob suam incredulitatem, intuendo serpentem æneum sanabantur; ita & nos respiciamus Christum Crucifixum, caveamusq; à vitio incredulitatis, ne morsu serpentis infernalis vulneremur lethaliter. 2. Monemur respicere in faciem Crucifixi, ut à suggestionibus diaboli liberemur. Respicere in Crucifixum est credere in ipsum. Fides comparatur vino. Docemur, ut quoties nos sentimus pulsari tentationibus diaboli, vel affici turpibus cogitationibus, toties fugiamus ad Crucifixum, qui nos adjuvare & liberare dignetur. 3. Monemur respicere Christum in cruce nigrescentem, & in morte pallentem : ut mereamur eum videre in Calis splendentem, & in solio excelsa sedentem. Proponitur nobis modus purgandi oculum cordis, quo videndus est Deus.

S. I.

Solet gratior esse umbra foliorum vitis (a) cum ipsa elevata super quendam struem lignorum huc & illuc distenditur. Unde videamus si vera Vitis nostra (*Jesus*) aliquando elevata fuerit & distenta: & si quæ tunc ad nostram protectionem folia emisserit, contemplemur. Quod elevata fuerit Vitis nostra, ipsa testatur de se dicens: *Ego si exaltatus fuero à terra, omnia traham ad meipsam*. Item: *Sicut Moyses exaltavit serpentem in deserto, ita exaltari oportet filium hominis*. Elevatus ergo fuit Christus, quia exaltatus. Manifestum est autem quod hæc exaltatio de Cruce dicta sit. Nunc superest (b) ut dulci Jesu tadjuvante dicamus, quid sit quod per odorem florum vitis omnia venenata animalia præcipuè effugentur. Siquidem hic odor (c) serpentes fugat. Ajunt florentibus vineis omne reptile venenatum cedere loco, nec ullatenus novorum ferre odorem florum. Cujus rei ratio citius invenitur (d) si quid serpentes significant, agnoscat. Quod autem de serpentibus dicitur, de aliis quoque venenosis reptilibus accipiat. Quid autem melius per serpentes, quam diabolicas suggestiones accipiamus? Ad similitudinem enim serpentum reptant occultè per mentes hominum, sed subito nisi agnoscantur, morsus mortales incautis affigunt: quod præfiguratum accipimus in filiis Israël in deserto à serpentibus miserabiliter interemptis. Hujus interemptionis causam ponit

Apo-

a Tract. de vite myst. cap. 7. num. 40. b Ibidem cap. 45. num. 173.
c Ser. 62. in Cant. num. 6. d Tract. de vite myst. cap. 45. nu. 173.

Apostolus dicens : *Neque tentemus Deum, sicut quidam eorum tentaverunt, & à serpentibus perierunt.* Quid est autem tentare Deum? Non credere Domino. Incredulitatis namque vitio urgebantur, ideoq; à serpentibus occisi sunt. Quid est autem desertum in quo occisi sunt, nisi hic mundus in quo vagamur, per Baptismum tanquam rubrum transeuntes mare, liberati per nostrum legislatorem Dominum Jesum à servitute Ægyptiaca, quâ ante Baptismi gratiam premebamur. Si autem diligentius consideremus (e) cuncta penè vitia ex incrudelitatis vitio inveniemus oriri. Quis enim vanam *mundi gloriam* quæreretur, si perfectè crederet aliam esse futuram in cœlis immarcescibilem, quam oculus non vidit, nec auris audivit, nec in cor hominis ascenderunt, quæ humilibus conservantur? Putasne huic gloriæ mundanæ tam incertæ quàm transitoriae animum inclinaret? Nequaquam. Sed quod tales asserunt se Deo credere, provenit ex quadam consuetudine, quia totum penè mundum tali vident & audiunt fide teneri. Quod si infidelium numerus excresceret, & nomen Christi non possent sine pœna vel sine timore confiteri, citius audires quod corde gerunt : & linguâ propalare eum, quem factis denegare non timeant. Simile est de *avaris*, qui cælestes non curant divitias : & de *invidis*, qui charitatis laudem & præmium non attendunt : & de *iracundis*, qui in patientia animas suas non possident : & de *acediosis*, qui pro æterno commodo labores subire refugiunt temporales : & de *luxuriosis*, qui cælestibus voluptatibus mentis oculum non intendunt : & de *gulosis*, qui pa-

nem illum delicatissimum Angelorum suis epulis terrenis postponunt: quia si ea quæ futura promittuntur verè crederent, nequaquam terrenis tam ardentè inhiarent. Propter ergo incredulitatem suam dantur non solum vulnerandi per tentationes, sed etiam occidendi per veneni sui infusionem serpentibus ignitis: idest, dæmonibus illius maximi & tortuosi serpentis primi perversoris ministris, qui illos secum pervertunt, & incendiis æternis addicunt, quos in hac vita incendio suarum pravarum suggestionum corrumpunt. Sed remedium attendamus (f) per quod vitium incredulitatis subiectum est. Dixit Dominus ad Moysen: *Fac serpentem æneum, & pone in ligno erecto: quem qui intuiti fuerint, à serpentum moribus sanabuntur.* Cujus serpentis mysterium ipse Dominus Jesus curavit exponere dicens: *Sicut Moyses exaltavit serpentem in deserto, ita exaltari oportet filium hominis: ut omnis qui credit in illum, non pereat.* Videsne quorsum feramur? prorsus ad exaltatum in Cruce benignum Jesum, qui optimè serpenti æneo & exaltato comparatur. Serpens enim dicitur mortifer, quia per suggestionem serpentis mors intravit in orbem. Missus est coluber tortuosus à diabolo (g) ut venenum per aures mulieris in ipsius mentem transfunderet, & sic refunderet in totius posteritatis originem. Æneus verò dicitur (h) quia charitatis simul & passionis ignibus conflatus, passionis Sanguine rubricatus, ad modum æris in resurrectione induratus est, quia ultra non moritur. Exaltatio autem serpentis, exaltationem crucifixi

f Ibid. num. 175. g Ser. 2. in die Pent. num. 3. h Tract. de vite n. 78. cap. 45. n. 175.

cifixi Jesu figurat. Hic est Serpens, quem increduli à malignis spiritibus vulnerati ad crudelitatem conversi (si volunt salvari) respicere commonentur. Est enim serpens iste de virga Moyfi transformatus. Per virgam, quæ est insigne regium, Deum intellige: per serpentem verò, cujus suggestionem primi parentes mortui sunt, hominem mortalem accipe. Mutata est virga in serpentem, quando *Verbum caro factum est*, assumens quod non erat, idest, humanitatem: manens quod erat, idest, Deus. Sicut ergo factus serpens Magorum Ægyptiorum serpentes devoravit: sic Deus factus homo inimicorum suggerentium peccata & fraudes evacuavit, maximè tamen cum esset exaltatus in Crucem, cum Sanguinis sui flores ostenderet, & florum scilicet virtutum suarum odorem per totum mundum effunderet, & corda quibuscunque vitiis vulnerata sanaret. Flagellato autem & percusso diabolo (i) qui est rex super omnes filios superbiæ, levavit Dominus virgam suam super mare, & levavit eam in via Ægypti. Mare est sæculum, virga est Crux, via Ægypti est via illa lata & spaciola quæ ducit ad mortem. Gratias tibi Domine Jesu, qui exaltasti virgam tuam super mare, prosteruens Cruci tuæ superbiam sæculi, & subiciens ei principatus & potestates. Verè Domine Crux tua premit fluctus sæculi, sedat tempestates persecutionum, & tentationum procellas mitigat. Levasti etiam virgam in via Ægypti, ut obstruclâ viâ illâ latâ quæ ducit ad mortem, illam arctam & angustam ostenderes viam quæ ducit ad vitam. An nescitis? An non sentitis? An non experimini? Fer-

vet in carne ætus concupiscentiæ, aliquando in mente ira defævit, indignationis & amaritudinis verba prorumpunt, & ad instar maris (quod vehementer agitat ventus) omnia interiora hominis conturbantur : sed levante super hoc mare Crucem suam Jesu, sedantur omnia, omnia conquiescunt.

§. I I.

Respiciamus igitur in faciem serpentis ænei, (k) in Cruce elevati Christi, si volumus à pravis dæmonum suggestionibus serpentinis liberari. Respiciere autem fide in ipsum tendere est, quod utique non infirma, sed forti & perfecta fide completur. Sunt autem qui ore quidē confitentur quoniam Christiani sunt, factis autem negant, quos non puto fide tendere in crucifixum pium Jesum. Ut autem hoc per similitudinem aliquo modo ostendamus, videamus. Similis est enim fides vino quod tantum colorem habet vini, sed à sapore veri vini & viribus est alienum. Hujusmodi vinum non credo esse Deo acceptum, sed quale in Cantico Canticorum laudatur, ubi ipse Sponsus ad Sponsam ait : *Guttur tuum sicut vinum optimum*. Et illa statim respondet : *Dignum dilecto meo ad potandum, labiisque & dentibus ejus ad ruminandum*. Et post pauca : *Dabo, inquit, tibi vinum conditum, & mustum malorum granatorum meorum*. Ecce quale vinum erit placens dilecto, & quod in amorem nostri illum accendat. Est namque vinum optimum fides perfecta, cordis sententiā & oris confessione pariter concordante. Et
quod

quod subditur , *Dabo tibi vinum conditum* : fides bonis virtutum operibus condita & exercitata intelligitur . Tali fide tenditur & intenditur in pium Deum , non fide ficta , operibusquè carente , sine quibus fides mortua est . Demus ergo dilecto nostro pio Deo vinum optimum fidei perfectæ , & vinum diversis aromatibus virtutum saporosum : & sic intueamur in faciem ejus pro nobis in similitudinem serpentis ænei in Cruce suspensi . Et quoties alicujus serpentinæ tentationis morfu nos cognoverimus vulneratos , ad Crucem curramus , & ad thronum Crucis quandoque ignominie nunc summæ gloriæ accedamus : & fide , spe , & charitate liberatorem piissimum intendentes , per mortem nostri Serpentis , qui mortem antiqui serpentis occidit , à serpentum moribus petamus liberari . Hoc etiam sciendum est (l) quòd cogitatio quantumlibet imunda mentem non polluit , cui ratio non consentit . Quis enim cogitationes suas ita refrænare potest , ut non qualibet immunditiâ titilletur ? Sed continuò talium cogitationum insultus sunt reprimendi , ut unde sperabat se hostis vincere , per hoc magis victus abscedat . Quod fit tunc , quoties pravis & immundis cogitationibus attacki statim ad signum Crucis , & ad Passionis Dominicæ recordationem confugimus , suo telo in bello fortes effecti hostem ferimus . Si deinde quandoque suggestionibus diaboli (m) vel importunis carnis nostræ clamoribus ad curam carnis in desideriis peragendam revocemur , anxietates Christi , Crucisque supplicium ponamus præ oculis , & confestim ipsa nos edocebit experientia , quid senserit Apostolus

^l 1010. cap. 19. nu. 76. in Ser. de verb. sap. n. 6. 10. 6. pag. 770.

cùm dixit: *Verbum Crucis his qui salvi fiunt, virtus Dei est. Et: Mibi absit gloriari nisi in Cruce Domini nostri Jesu Christi. Quare? Quia sicut fluit cera à facie ignis, sic pereunt omnes immundæ cogitationes à facie Crucis. Hæc est dulcissima medicina (n) crux ipsa beata scilicet Passio Christi, quæ morbum omnem expellit, vires atque virtutes non habenti acquirit: quæ non solum sanat ægrotos, sed etiam vivificat mortuos. Mihi meus auditor credat, imò mihi credat Crucis amator, quòd jam non lædetur à morte secunda, si in hac vita usus fuerit tali medicina. Hoc est illud lignum propheticum, quod est inter juncturas ædificiorum: quia ipsa Crux gloriosa terram conglutinat cælo, hominem consociat Angelo; & peccatorem sic reconciliat Deo, ut ipse Deus manere dignetur in eo, & ipse manere mereatur in Deo suo. Quod si fortè luxuriæ te pompa concusserit (o) recordare dilectum tuum Jesum positum in doloribus, & universum stratum suum versatum in infirmitate ejus, hæc dicens in corde tuo: *Deus meus pendet in patibulo, & ego voluptati operam dabo?* Sicq; invocato nomine Salvatoris Jesu, ingeminando sæpè nomen salutis, cessabit tandem Deo succurrente quassatio. Nihil enim proficiet inimicus in eo (p) quem Crux Christi delectat, si carnalem suggererit delectationem. Quoties autem te sentis turpibus cogitationi-
pulsari (q) & ad illicitam delectationem affici: toties pone ante mentis oculos, quomodo Christus in Cruce crucifixus est pro te. Intuere quomodo à Ju-
da*

n Ser. 11. in ult. Cæna num. 85. o Formul. bon. vit. nu. 13. tom. 6. pag. 1025. p Ser. 1. de S. Andr. nu. 3. q Tract. de inter. dom. cap. 22. n. 47. tom. 5. pag. 427.

da Judæis traditur, & quàm viliter pertractatur, blasphematur, colaphizatur, judicatur & condemnatur, expoliatur & flagellatur: ad ultimum verò contumeliis & opprobriis affectus, inter duos latrones suspenditur, clavis Cruci affixus, inclinato Capite emittit spiritum. Ita Redemptor tuus moritur pro te: & tu nescio cujusmodi sordida cogitatione sordidaris in mente. Sufficere quidem posset hæc cogitatio ad excludendas omnes illicitas cogitationes: sed ecce ad alia transeamus. Si tentationum sentis aculeos (r) exaltatum in ligno Serpentem æneum intueri: & suge non tam vulnera, quàm ubera Crucifixi. Ipse erit tibi in matrem, & tu eris ei in filium: nec pariter Crucifixum lædere aliquatenus poterunt clavi, quin per manus ejus & pedes ad tuos usque pervenient. Aspice itaque in hujus deserto exilii Serpentem æneum (s) super columnam Crucis exaltatum, ut serpentes qui te mordent, moriantur: quia nullus qui credit in eum peribit, sed habebit vitam æternam. Denique (t) nihil sic valet ad extirpandas voluptatum radices, quàm recordatio Vulnerum Domini mei, qui stetit ante iudicem, qui alapas accepit, qui flagellatus & consputus est: qui coronatus est spinis, qui colaphis cæsus, qui suspensus in ligno, cui pendenti insultatum est: qui mortuus est in Cruce, qui etiam lanceâ percussus est. Ubi ille mulctatur morte, (u) cruce turpatur: quis suas delicias seu gloriam sustinere queat, nedum audeat quærere? Cùm ergo (x) tentationis impetum sentimus in cogita-

r *Epist.* 351. num. 1. s *Ser. de verb. Sap.* n. 5. tom. 6. pag. 770. t *Ser. d. S. Nicol.* num. 7. tom. 6. pag. 792. n *Traçt. de vit. & mor. Cleric.* cap. 14. num. 49. x *Ser. 2. super. Psal.* 90. n. 1.

gitatione, statim fugiamus ad Crucifixū, & humiliter postulemus auxilium. Quod si fortè præoccupaverit nos (ut aliquando evenit, cū tardiùs quàm oportet ad eum confugimus) solliciti simus ut suscipiat nos manus Domini. Homines enim aliquando cadere necessè est, dum in hoc seculo detinentur: sed alii colliduntur, alii non, quia Deus supponit manum suam. Hoc refugium qui declinat (y) nihil mirum si effugere non meretur.

§. I I I.

Respice (z) in faciem Christi tui, & anima Christiana. Cognosce: (a) hic est Dominus Deus noster, Jesus Christus Salvator tuus, unigenitus Dei Filius, verus Deus, verus homo: qui solus sub Sole sine macula inventus est. Et ecce (b) splendor & figura substantiæ Dei obnubilatur in forma servi, pro forma servi. Candor vitæ æternæ nigrescit in Carne, pro carne purganda. Speciosus formâ præ filiis hominum, pro filii hominum illuminandis obscuratur in Passione, turpat in Cruce, pallet in morte: ex toto non est ei species neque decor, ut sibi speciosam atque decorâ acquirat Sponsam Ecclesiam sine macula & sine ruga. Nigredo est (c) sed forma, & similitudo Domini. Vade ad Sanctū Esaiam, & describet tibi qualem in spiritu illum viderit. *Vidi, inquit, (d) Dominum sedentem super solium excelsum & elevatum, & plena erat omnis terra maiestate ejus.* Sublimis quædam visio prophetico nobis sermone describitur. *Vidi, inquit,*
Domini-

y Ser. 9. super Psal. 90. num. 7. z Tract. de vite nryst. cap. 7 a Ser. de Pass. Dom. n. 15. b Ser. 28. in Cant. num. 1. c Ser. 25. in Cant. num. 8. d Ser. 1. de verb. Esa. num. 1.

Dominum sedentem. Magnum spectaculum, Fratres: & beati oculi qui viderunt. Quis non toto desiderio concupiscat tantæ Majestatis gloriam contemplari? Sed aliam, Fratres, audio Prophetæ ejusdem, & ejusdem Domini longè dissimilem visionem. Siquidem Esajas iste est, qui in alio loco sic loquitur: *Vidimus eum, & non erat ei species neque decor, & aestimavimus eum tanquam leprosum.* Ubi illud primum considerandum est, quòd communis illa visio, hæc propheticæ prerogativæ propria videatur. Non sine causa sanè ibi, *Vidimus*, scriptum est, & hîc, *Vidi*: nisi ut illam quidem intelligas esse communem visionem, hanc verò excellentiæ singularis. Siquidem absque specie & decore vidit eum & sprexit Herodes: viderunt quoque ipsi Judæi, qui & dinumeraverunt omnia ossa ejus. Esajas verò (e) in utroque gradu vidit Christum. In primo vidit gloriâ & honore coronatum, quando dixit: *Vidi Dominum sedentem super solium excelsum.* In secundo gradu vidit Crucifixum, quando dixit: *Vidimus eum, & non erat ei species neque decor.* Et nota quod in primo dixit, *Vidi*; in secundo, *Vidimus*: quia illud paucorum est, & solius Prophetæ; istud multorum est, & peccatorum. Multifariè ergo Dominus (f) multisquè modis, non solùm locutus est in Prophetis, sed & visus est à Prophetis. Agnovit eum David minoratum ab Angelis. Jeremias etiam vidit eum cum hominibus conversantem. Esajas modò super solium excelsum, modò non solùm infrà Angelos aut inter homines, sed tanquam leprosum se vidisse testatur: idest, non in carne tantùm, sed in similitudine carnis peccati.

Tu

Tu quoque si desideras videre sublimem, humilem prius Jesum videre curato. Intuere prius exaltatum in deserto Serpentem, si videre desideras Regem in solio residentem. Ista te humiliet visio, ut illa exaltet humiliatum. Reprimat & sanet ista tumorem tuum, ut illa repleat & satiet desiderium tuum. Exinanitum vides? Non sit ociosa visio, quia exaltatum ociosè videre non poteris, similis eris illi, cum videris eum sicuti est: esto & nunc similis ei, videns eum sicut propter te factus est. Si enim ne in humilitate quidem similitudinem ejus abnuis, certa tibi sublimitatis quoque similitudo debetur. Nunquam ille socium tribulationis à communione gloriæ patietur arceri. Quanta autem sollicitudine, Fratres, (g) quanto studio danda est opera, ut mundari possit oculus, quo videndus est Deus? Et ego quidem triplici sorde inquinari me sentio, concupiscentiâ carnis, & concupiscentiâ gloriæ temporalis, & præteritorum conscientia delictorum. Sunt enim in anima motus quidam utrorumque desideriorum, quos nec ratione, nec viribus extinguere possum, quamdiu sum in hoc sæculo nequâ, & in corpore mortis teneor alligatus. Attamen contra sordes istas primò *Orationis* oppono remedium, & propterea sicut oculi Servorum in manibus dominorum suorum, ita oculi nostri ad Dominum Deum nostrum donec misereatur nostri: qui solus mundus est, & potest facere mundum de immundo conceptum semine. Sic & contra peccati conscientiam remedium *Confessionis* est institutum, & omnia in Confessione lavantur. Ecce hæc sunt quæ mundant oculum cordis, Oratio & Confessio.

Porro

Porro (h) quid tam efficax est ad curanda conscientiae vulnera, nec non ad purgandum mentis aciem, quam Christi Vulnerum sedula meditatio? Verum donec purgata & sanata perfecte fuerit, non video qualiter illi aptari possit quod dicitur: *Ostende mihi faciem tuam, sonet vox tua in auribus meis*. Quomodo denique faciem suam ostendere audeat, vel levare vocem suam, cui & latere indicitur? *Abscondere*, inquit, *in fossa homo*. (Fossam humum intelligimus illam quæ ait: *Foderunt manus meas & pedes meos*.) Quare? Quia non est pulchra facie, nec digna quæ videatur. Non erit digna videri, quamdiu non erit videri idonea. Cum autem per inhabitationem fossæ humi in sanando oculo interiori instantum profecerit, ut revelata facie speculari gloriam Dei & ipsa possit: tunc demum quæ videbit, fiducialiter jam loquetur, voce & facie placens. Placeat necesse est facies, quæ in Dei claritatem intendere potest. Neque enim id posset nisi clara ipsa quoque esset & pura, utique transformata in eandem quam conspicit claritatis imaginem. Alioquin ipsa dissimilitudine resiliret insolito reverberata fulgore. Ergo cum pura puram intueri poterit Veritatem, tunc faciem ipsius Sponsus videre cupiet, consequenter & vocem ejus audire. Utinam ego (i) talis merear esse columba, quæ in foramine petrae (k) transeunte Domino merear saltem *posteriora ejus prospicere*. Nam faciem stantis, idest, incommutabilis claritatem quis videat, nisi qui introduci jam mervit in Sancta, sed in Sancta Sanctorum? Nec vilis tamen aut contemnenda posteriorum contemplatio.

i Ser. 7. super Psal. 90. vers. 15. k Ser. 61. in Cant. num. 6.

tio. Habent etiam aliquid & posteriora Domini quod videre delectet. Quis scit si convertatur & ignoscat Deus, & relinquat post se benedictionem? Erit cum ostendet faciem suam, & salvi erimus. Sed interim præveniat nos in benedictionibus dulcedinis, illis utique quas post se relinquere consuevit. Nunc dignationis suæ posteriora demonstret, aliàs in gloria dignitatis faciem suam demonstraturus. Sublimis in Regno, sed suavis in Cruce. In hac me visione præveniat, in illa adimpleat. *Adimplebis me* (ait Propheta) *lætitiâ cum vultu tuo*. Utraque visio salutaris, utraque suavis: sed illa in sublimitate, ista in humilitate. Illa in splendore, hæc in pallore est. Denique (1) inquit idem Propheta: *Et posteriora dorsi ejus in pallore auri*. Quomodo non in morte palle scat? Sed melius est pallens aurum, quàm fulgens aurichalcum: & quod stultum est Dei, sapientius est hominibus. Aurum est Verbum, aurum est Sapientia Christus. Hoc aurum semetipsum decoloravit abscondens formam Dei, & formam servi prætendens, Sponsus Ecclesiæ Jesus Christus Dominus noster, qui est super omnia Deus benedictus in sæcula. Amen.

C A P U T X.

De virtute Crucis Christi, quâ expugnatur peccatum triplex, Originale, Personale, & Singulare.

Ipse autem vulneratus est propter iniquitates nostras, attritus est propter scelera nostra: & livore ejus sanati sumus. Esa. 53.

I. Vir-

1 *Ibidem num. 7. & 8.*

1. *Virtus Crucis expugnat Originale peccatum illud, quod à primo Adam contrahimus, in quo peccavimus omnes, pro quo morimur universi: propter quod patimur multiples misérias corporis, & cordis. Excitatur ad considerandum mysterium Crucis, & opus redemptionis nostræ in Cruce peractum.*
2. *Virtus Crucis expugnat Personale peccatum illud, quod committunt homines ex propria voluntate. Ostenditur quàm iniqua & crudelis sit in Deum propria voluntas. Probatur, solum Deum posse remittere nobis peccata, donare merita, & præmia redonare. Queritur unde constat Christum posse & velle dimittere nobis peccata?*
3. *Virtus Crucis expugnat Singulare peccatum illud, quod commissum est in Christum à Judæis & crucifixoribus. Ostenditur, effectum Passionis Dominicæ esse remissionem peccatorum per Sanguinem Christi, quo etiam ipsum Singulare peccatum est deletum.*

§. I.

Cognoſce anima mea (a) cognoſce: hic eſt Dominus Deus noſter, Jeſus Chriſtus Salvator tuus, Unigenitus Dei Filius, Verus Deus, verus homo: qui ſolus ſub Sole ſine macula inventus eſt. Et ecce hic vulneratus eſt propter iniquitates noſtras, attritus eſt propter ſcelera noſtra. Affixus eſt Cruci (b) Salvator tuus, o anima mea, ut iniquitates tuas propriis manibus Cruci affigeret. Digna ergo eſt tam ſancta (c) tam immaculata hoſtia, tam acceptabili

a Ser. de Paſſ. Dom. n. 15. b Lib. 3. de amor. Dei cap. 19. n. 68. c Ser. in ſer. 4. hebdom. San. num. 5.

ptabilis. Dignus est Agnus qui occisus est, accipere fortitudinem, facere ad quod venit, tollere peccata mundi. Ego autem dico, peccatum triplex quod invaluit super terram, concupiscentiam carnis, & concupiscentiam oculorum, & superbiam vitæ. Sed aliud ego triplex æquè peccatum (d) quemadmodum virtus Crucis expugnat, dicere cogitavi: & id fortè utilius audiat. Primum quidem *Originale*, secundum *Personale* dixerim, tertium *Singulare*. *Primò autem virtus Crucis expugnat peccatum Originale*. Originale quidem maximum illud delictum vocatur, quod à primo Adam contrahimus, in quo peccavimus omnes, pro quo morimur universi. Maximum planè delictum est, quod sic totum nonmodò genus humanum, sed & quemlibet ipsius generis occupat, ut non sit qui evadat, non sit usque ad unum. A primo homine usque ad novissimum protenditur: & in singulis quoque à planta pedis usque ad verticem diffunditur hoc venenum. Sed & aliter nihilominus in universam dilatatur ætatem, ab illa scilicet die, quâ sua quemque concipit mater, usque ad eam, quâ communis eum recipit mater. Alioquin unde grave jugum super omnes & totos filios Adam, idquè à die exitus de ventre matris eorum, usque in diem sepulturæ in matrem omnium? In sordibus generamur, in tenebris confovemur, in doloribus parturimur. Ante exitum miseras oneramus matres, in exitu more vipereo laceramus: mirum quòd non ipsi pariter laceramur. Primam vocem plorationis edimus, meritò quidem, utpote vallem plorationis ingressi, ut nobis
illud

d *Ibidem* num. 6.

illud Sancti Job ex omni parte possit aptari: *Homo natus de muliere, brevi vivens tempore, repletur multis miseriis*. Quàm verum verbum hoc sit, non nos verba docuere, sed verbera. *Homo* (inquit) *natus de muliere*, nihil abjectius. Et ne fortè ex ipsa sibi voluptate corporeorum sensuum (quam de sensibilibus hauriat) blandiatur, in ipso statim introitu de exitu quoque terribiliter admonetur, cùm dicitur: *brevi vivens tempore*. Ac ne spatiolum illud, quod inter ingressum & egressum relinquitur, sibi liberum putet, *repletur*, ait, *multis miseriis*. Multis & multiplicibus (inquam) miseriis corporis, miseriis cordis, miseriis cùm dormit, miseriis cùm vigilat, miseriis quaquaversum se vertat. Nimirum ipse quoque Jesus natus ex Virgine, imò factus ex muliere (sed benedicta in mulieribus) qui loquitur ad Matrem, *Mulier, ecce filius tuus*: etiam brevi vivens tempore super terram, & nihilominus multis est repletus miseriis: in illa brevitate appetitus est insidiis, interrogatus contumeliis, pulsatus injuriis, vexatus suppliciis, convitiis laceratus. Tune hanc sufficere dubites obedientiam (e) quæ reatum omnem primæ prævaricationis absolvat? imò verò non sicut delictum, ita & donum. Nam peccatum ex uno in condemnationem, gratia autem ex multis delictis in justificationem. Et grave quidem omninò delictum illud Originale, quod non solum personam infecit, sed & naturam. Etsi in Adam omnes nescientes peccavimus (f) nos tamen peccavimus, & nobis justo Dei judicio imputatur, licet occulto. Verumtamen, ut jam non sit quod

P p

cau-

e *Ibidem num. 7.* f *Ser. 1. in Dom. 1. post. Oct. Epiph. num. 3.*

causeris ô homo, contra inobedientiam Adæ datur tibi obedientia Christi, ut si gratis venundatus es, gratis & redimaris. Si nesciens in Adam periisti, nesciens vivificeris in Christo. Nescisti quando ad lignum vetitum vetus Adam tetendit manus noxias: nescisti nihilominus quando in ligno salutifero innoxias manus Christus extendit. Qui etiã peccata nostra (g) affixit Cruci cum suis manibus. Nos igitur qui quærimus Crucifixũ (h) Crucis attendamus mysterium. Ipsa est statera corporis Christi, quam desiderabat Job cùm dicebat: *Utinam appenderentur peccata mea quibus iram merui, & calamitas quam patior, in statera*. Crux facta est statera corporis Christi, quod est Ecclesia. Cùm enim ipse crucifigeretur, appensa sunt cum eo peccata quæ commisimus, calamitas quam incurrimus: ipse erat innocens, impolutus, segregatus à peccatoribus, & excelsior cælis conversatio ejus: non enim peccatum fecit, nec inventus est dolus in ore ejus. Et quoniam talis ac tantus tam indigna dignatus est in Cruce pati, præponderare cæpit calamitas, & crimina levigari. Cùm adhuc tamen in Cruce erectus staret, vacillare videbatur statera, nec plenè cognoscebatur quò cadere debebat: cùm inclinato Capite emisit spiritum ut calamitas præponderando caderet, & quasi arena maris gravior appareret, Gentes quasi momentum stateræ reputatæ sunt. Nam in statera ceciderunt: quia partes adversæ (*dæmones*) damnationis nostræ chirographum amiserunt. Trituratus est Moab sub Domino, expandit manus suas super eum sicut na-

tans

g Ser. 38. in Cant. num. 1. h Ser. in fer. 2. Pasch. num. 12. tom. 6. p. 722.

tatis ad natandum , ne demergeretur in profundum : & ut ipse sublevaret nos in excelsum , expandit alas suas , nos assumpsit & portavit in humeris suis , sicut aquila provocans ad volandum pullos suos . Hinc dormias necesse est (i) inter medios cleros, id est, inter Passionem & Resurrectionem, hinc stipatus fructibus , hinc fulcitus floribus . Fructus ad Passionem , flores ad Resurrectionem pertinent . *Quæ seminaverit homo* (ait Apostolus) *hæc & metet: quoniam qui seminat in carne sua, de carne & metet corruptionem .* Seminavit vetus homo in carne , messuit postmodum corruptionem . Quam? Passionem Christi . Nisi enim vetus homo transgrediretur, novus non pateretur . O profundum & inscrutabile redemptionis nostræ consilium ! Verè *diligentibus Deum omnia cooperantur in bonum .* Domine Jesu Christe , si inobedientia Adæ cooperata est nobis in bonum , & tantum tamquæ mirificum bonum , ut tu fieres corruptibilis: tua obedientia in quod bonum nobis cooperabitur? Profecto, ut homo fiat incorruptibilis . Si seminantes in carne , tuam messuimus corruptionem : seminantes in spiritu , nostram metemus incorruptionem .

§. I I.

Secundò virtus Crucis expugnat Personale peccatum. Grave est omnino (k) primi hominis delictum illud Originale , quod non solum personam infecit , sed & naturam . *Personale* tamen cuique gravius est , cum jam laxatis habenis exhibemus undique membra

P p 2

no-

i Ser. de verb. Sap. num. 7. tom. 6. pag. 771. k Ser. in ser. 4. heb. San. num. 7.

nostra arma iniquitatis peccato, non modò jam alieno sed & proprio crimine compediti. Scitis Fratres (1) quòd in Baptismate abrenunciantes diabolo Pater cælestis adoptet, & in regnum Filii claritatis suæ de potestate transferat tenebrarum. Nimirum ipsa est stola prima, quam verè citò proferre ministros paternus jubet affectus, non oris petitionem, non desiderium cordis expectans, sed & ipsum intellectum præveniens in benedictionibus dulcedinis. *Quotquot enim* (ait Apostolus) *baptizati sumus in Christo Jesu, Christum induimus*. De quo & alius clamat testis & ipse fidelis: *Quia quotquot receperunt eum, dedit eis potestatem filios Dei fieri*. Nec verò inanis est aut infirma potestas, quia nimirum certi sumus continuò & nos quoniam neque mors, neque vita neque virtutes, neque Angeli, neque altitudo, neque profundum poterit nos separare à charitate Dei, quæ est in Christo Jesu. Sed attende quanta enumeravit Apostolus (ejus enim verba sunt) minimè tamen adiiciens, *nec nos ipsi*. Nimirum hæc est libertas quâ Christus nos liberavit, ut nulla penitus creatura avellere nos, aut vim aliquam facere possit. Soli nos id facere possumus propria voluntate abstracti, & illecti à propria concupiscentia. Præter hanc utique nihil est quod timeamus. Quid enim odit (m) aut punit Deus præter propriam voluntatem? Cesset voluntas propria, & infernus non erit. In quem enim gehennalis ignis ille desæviet, nisi in propriam voluntatē? Porro voluntas propria quo furore Dominum majestatis impugnet, audiant & timeant servi propriæ voluntatis. *Primò*
nam-

1 Ser. 11. diver. num. 1. m Ser. 3. de Resur. Dom. num. 3.

namque seipsam & *subtrahit* & subducit ejus domi-
natui, cui tanquam Auctori servire jure debuerat,
dum efficitur sua. Sed numquid contenta erit hac in-
juria? Addit *secundò* & quod in se est, omnia quo-
quæ Dei sunt, *tollit*, & diripit. Quem enim mo-
dum ponit humana cupiditas? Nonne qui per usu-
ram acquirit pecuniam modicam, similiter mun-
dum lucrari conaret universum, si non deesset pos-
sibilitas, si suppeteret voluntati facultas? Dico fi-
ducialiter: Nemini qui sit in propria voluntate,
posset universus mundus sufficere. Sed utinam vel
rebus istis esset contenta, ne in ipsum (horribile dictu)
desæviret Rectorem. Nunc autem *tertiò* & ipsum
(quantum in ipsa est) Deum *perimit* propria vo-
luntas. Omnino enim vellet Deum peccata sua aut
vendicare non posse, aut nolle, aut nescire. Vult
ergo eum non esse Deum, quæ (quantum in ipsa
est), vult eum aut impotentem, aut injustum esse,
aut insipientem. Crudelis planè & execranda ma-
litia est, quæ Dei Potentiam, Justitiam, Sapientiam
perire desiderat. Porro ipsa est propria voluntas [n]
quæ in potestatem tenebrarum denuò rediit, quæ
nos iterum subdidit mortis imperio. Veni Domine
Jesu etiam nunc. Jesu bone eiice iterum fortiter,
quem nos insipienter admisimus. Tunc enim verè
liberi erimus etiam nunc, si nos liberaveris. Irru-
tum fecimus fædus primum, tibi peccavimus Do-
mine, Satanæ & operibus ejus obligantes denuò
nosmetipsos, jugo iniquitatis colla ultronea submit-
tentes, & subiicientes nos miseræ servituti. Itaque,
Fratres mei, rebaptizari nos convenit, secundum

fœdus inire necesse est, opus est professione secunda: nec jam sufficit abrenunciare diabolo & operibus ejus, mundo pariter abrenunciandum est & propriæ voluntati. Ille enim seduxit, ille tradidit nos. In priori nimirum Baptismate, quando nihil nobis adhuc voluntas nostra nocuerat, satis fuerat obrenunciare diabolo, cujus profectò invidiâ peccatum pariter & mors per unum ingrediens, in omnes homines pertransivit. Cæterum postquam mundi fallentis illecebras, & infidelitatem propriæ voluntatis manifestè sumus experti, de cætero jam in secundo ut ita dixerim, conversionis nostræ baptismate (meritò prorsus, & non ad insipientiam nobis) non resarcire tantummodò fœdus primum, sed etiam roborare solliciti, ipsis quoque affectibus pariter abrenunciamus. Conversi autè ad Deum [o] necesse est ut compungantur pro præteritis delictis, in quorum remissione dicitur Deus, cujus tantum est peccata remittere. Si credis peccata tua non posse deleri [p] nisi ab eo cui soli peccasti, & in quem peccatum non cadit, benefacis: sed adde adhuc, ut & hoc credas, quia per ipsum tibi peccata donantur. Hoc est testimonium quod perhibet in corde nostro Spiritus Sanctus, dicens: *Dimissa sunt peccata tua*. Sic enim arbitratur Paulus Apostolus, *gratis justificari hominem per fidem*. Ita de meritis quoque si credis non posse haberi nisi per ipsum, non sufficit, donec tibi perhibeat testimonium Spiritus veritatis, quia habes ea per illum. Sic & de vita æterna habeas necesse est testimonium Spiritûs, quòd ad eam divino sis munere præventus. Ipse enim peccata condonat, ipse

o Ser. 53. *diver. num.* 1. p Ser. 1. in *Annuum. B. M. num.* 3.

ipse donat merita, & præmia nihilominus ipse redonat. Porro [q] testimonia ista credibilia facta sunt nimis. Nam de *remissione* quidem *peccatorum* validissimum teneo argumentum, *Dominicam Passionem*. Vox siquidem Sanguinis Christi invaluit multò plùs quàm vox sanguinis Abel, clamans in cordibus Electorum, remissionem omnium peccatorum. *Traditus est enim propter peccata nostra*: nec dubium quin potentior & efficacior sit mors illius in bonum, quàm peccata nostra in malum. Denique peccatum simul cum Christo [r] Cruci ipsius non dubitatur esse affixum. De *bonis* autem *operibus* [s] argumentum nihilominus efficax mihi est *Resurrectio* ejus, quia *resurrexit* propter justificationem nostram. Porro de *spe præmiorum* testimonium ejus est *Ascensio*, quia ascendit propter glorificationem nostram. Cæterùm unde scimus [t] quòd Christus possit peccata dimittere? Hinc proculdubio, quia Deus est: & quidquid vult, potest. Unde autem scimus & quòd Deus sit? Miracula probant. Facit quoque opera quæ nemo alius facere possit, ut taceam oracula Prophetarum, nec non & Paternæ vocis testimonium elapsæ cælitùs ad ipsum à magnifica gloria. Quod si Deus pro nobis, quis contra nos? Deus qui justificat, quis est qui condemnet? Si ipse est & non alius cui quotidie confitemur dicentes, *Tibi soli peccavi*: quis meliùs, imò quis alius remittere potest quod in eum peccatum est? Denique ego quod in me delinquitur valeo si volo donare, & Deus non queat in se commissà remittere? Si ergo peccata remittere &

P p 4

pos-

q Ibidem num. 4. r Ser. de S. Malach. num. 4. s Ser. 1. in Annunt. R. M. n. 4. t Tract. de exhort. ad milit. templ. cap. 11. n. 21.

possit Omnipotens, & solus possit cui soli peccatur: beatus profectò cui non imputabit ipse peccatum. Itaque cognovimus quòd peccata Christus divinitatis suæ potentiâ valeat relaxare. Porro[u] jam de voluntate quis dubitet? Quis enim nostram & induit carnem, & subiit mortem: putas suam nobis negabit justitiam? Voluntariè incarnatus, voluntariè passus, voluntariè crucifixus est; solam à nobis retinebit justitiam? Quod ergo & Deitate constat illum potuisse, ex Humanitate innotuit & voluisse.

§. I I I.

Tertiò virtus Crucis expugnat Singulare peccatum. Grave quidem est omninò delictum Originale: [x] Personale tamen cuique est gravius. *Singulare* verò est illud delictum gravissimum, quod commissum est in Dominum majestatis, cùm viri impii Virum justum injustè occiderunt: & sacrilegas manus in ipsum Dei Filium injecerunt crudellissimi homicidæ, imò si fas est dicere, etiam deicidæ. Quid duo præcedentia ad tertium? Ad hoc expalluit & expavit tota machina mundialis, & penè in antiquum chaos sunt omnia revoluta. Ponamus aliquem de regni Principibus terram regiam populasse in vastitate hostili; ponamus alium, cùm esset de convivio & consilio Regis, unicum ejus filium proditoriis manibus suffocasse: numquid non primus respectu secundi innocens videbitur & immunis? Sic est omne peccatum quantum ad hoc *Singulare* peccatum: & tamen hoc peccatum in se pertulit, qui seipsum fecit

u *Ibidem. num. 22. x Ser. in ser. 4. heb. San. num. 7.*

fecit peccatum , ut de peccato damnaret peccatum .
 Per hoc enim omne peccatum tam Originale quàm
 Personale deletum est , & ipsum quoque Singula-
 re peccatum eliminatum est per seipsum . Argu-
 mentum mihi est à maximo peccato (y) quòd duo
 minora sunt explosa . Et ecce argumentum . Pec-
 catum multorum tulit , & pro transgressoribus roga-
 vit , ut non perirent . *Pater ignosce illis , quia nesciunt
 quid faciunt* . Cæterùm si non licet perscrutari Di-
 vinæ Sacramentum voluntatis (z) licet tamen sen-
 tire effectum operis , & fructum utilitatis percipere .
 Et quod licet scire , non licet tacere : quia gloria Re-
 gum est celare verbum , & gloria Dei est investigare
 sermonem . Fidelis sermo & omni acceptione di-
 gnus , quoniam cùm adhuc peccatores essemus , re-
 conciliati sumus Deo per mortem Filii ejus . Ubi re-
 conciliatio est , ibi remissio peccatorum . Nam si
 dicente Scriptura , *Peccata nostra separant inter nos
 & Deum* : manente peccato non est reconciliatio .
 Inquo ergo remissio peccatorum ? *Hic calix* (inquit
 Dominus) *novi testamenti in meo Sanguine , qui pro
 vobis effundetur in remissionem peccatorum* . Itaque
 ubi reconciliatio , ibi remissio peccatorum . Et quid
 ipsa nisi justificatio ? Sive igitur reconciliatio , sive
 remissio peccatorum , sive justificatio sit , sive etiam
 redemptio vel liberatio de vinculis diaboli , à quo
 captivi tenebamur ad ipsius voluntatem : interceden-
 te morte Unigeniti obtinemus , justificati gratis in
 Sanguine ipsius , *in quo* (sicut Apostolus dicit) *habe-
 mus redemptionem per sanguinem ejus , remissionem
 peccatorum , secundum divitias gratiæ ejus* . Divitiæ
 utique

y Ibidem num. 8. z Tract. de error. Abailar. cap. 8. n. 20.

utique salutis & gloriæ [a] sunt Sanguis preciosus quo redempti sumus, & Crux Dominica, in qua cum Apostolo gloriamur: *Mihi, inquit, absit gloriari, nisi in cruce Domini mei Jesu Christi. Sed forsân quæret aliquis cum illo Abailardo, cujus errores sunt damnati in Synodo Senonensi: Cur, inquis [b] per Sanguinem Christi facta est remissio peccatorum, quod potuit facere per sermonem? Ipsum interroga. Mihi scire licet quòd ita. Cur ita? Non licet. Numquid dicit figmentum ei qui se finxit: Quid me finxisti sic?* Sed hæc stultitia eidem Abailardo videntur, (c) non potest tenere risum. Audite cachinnos: Quomodo (ait ille) justificari nos vel reconciliari Deo per mortem Filii ejus dicit Apostolus, qui tantò amplius adversus hominem irasci debuit, quantò amplius homines in crucifigendo Filium suum deliquerunt, quàm in transgrediendo primum ejus præceptum unius pomi gustu? Quasi non potuerit Deo in uno eodemquè facto & displicere iniquitas malignantium, & placere pietas patientis. Et ait idem Abailardus: Quod si tantum fuerat illud Adæ peccatum ut expiari non posset nisi morte Christi, quam expiationem habebit ipsum homicidium, quod in Christum commissum est? Breviter respondemus, ipsum Sanguinem quem fuderunt, & interpellationem ipsius quem occiderunt. Addit etiam idem Abailardus: Numquid mors innocentis Filii intantum Deo Patri placuit, ut per ipsam reconciliaretur nobis, qui hoc peccando commissimus, propter quod innocens Dominus est occisus: nec nisi hoc maximum

a Ser. 4. in vig. Nat. Dominum. 7. b Tract. de error. Abailar. cap. 8. num. 20. c Ibidem num. 21.

num fieret peccatum, illud multò leviùs potuit ignoscere? Respondemus: Non mors, sed voluntas placuit spontè morientis: & illa morte expungentis mortem, operantis salutem, restituentis innocentiam, triumphantis principatus & potestates, spoliantis inferos, ditantis superos, pacificantis quæ in cælo sunt & quæ in terra, omnia restaurantis. Et quoniam hæc tã preciosa mors voluntariè suscipienda erat adversus peccatũ, non tamẽ poterat fieri nisi per peccatum: non delectatus quidem, sed tamen benè usus malitiã sceleratorum, & mortem de morte, & de peccato damnavit peccatũ. Et quantò illorum major est iniquitas, tantò hujus voluntas sanctior, & eò potentior ad salvandũ: quatenus tanta mediante potentia antiquũ illud quamvis grande peccatum, necessariò tamen huic quod in Christum commissum est, cederet, tanquam minus majori. Nec peccato sive peccantibus adscribitur hæc victoria, sed benè utenti peccato, & peccantes fortiter perferenti, & convertenti in usum pietatis quidquid in ipsum ausa est crudelitas impiorum. Fuit verò Sanguis qui effusus est (d) tam multus ad ignoscendum, ut ipsum quoque peccatum maximum, quo factum est ut effunderetur, deleret; ac per hoc de antiqui illius utpote levioris deletione nullam omninò dubietatem relinqueret. Deinde inquit Abailardus: Cui verò non crudele & iniquum videtur, ut Sanguinem innocentis in precium aliquod quis requisierit? aut ullo modo ei placuerit innocentem interfici, nedum Deus tam acceptam Filii mortem habuerit, ut per ipsam universo reconciliatus sit mundo? Respondemus: Non requisivit Deus

d *Ibidem num. 22.*

Deus Pater Sanguinem Filii , sed tamen acceptavit oblatum ; non Sanguinem sitiens , sed salutem , quia salus erat in Sanguine . O homo redempte , (e) ecce qualis Hostia victimatur pro tua culpa, pro prævaricatione tua. Sed qua necessitate, inquis , ista pertulit? quâ indigentia toties Sanguinem suum fudit? Legitur enim quinquies perfusus Sanguinis effusione, quod hîc breviloquio exprimendum judicavi non inutile.

Quinq; vices , & quinq; modi te Christe cruentant:

Circuncisio , sanguineus sudor , flagra , spinæ ,

Fixuræ quinq; Lateris , Manuumquè , Pedumquè .

Cur tam mira pro redemptione hominum pertulit, qui solius Majestatis imperio potentissimè redimere potuit? Audi ô homo necessitatem tuam , & non suam. Protoplastus piaculare facinus commisit prævaricando , quod expiari sine Hostiæ oblatione non potuit. Purus homo puram Hostiam offerre non valuit , quem peccati contagio penitùs immundum esse constituit. Nec simplex Deus, nec Angelus immolari debuit, quoniam & hunc natura, & illum gratia impassibilem exhibuit . Irrationabilis creatura non sufficiebat tantæ rei magnitudini . Unde oportuit , ut Deus & Homo fieret hostia : Deus pro potentia liberandi, Homo pro sufficientia immolandi, homo peccator pro indigentia . Oblatus est ergo , quia *apud ipsum propitiatio est , & copiosa apud eum redemptio .* Oblatus est , quia sic decrevit ipsius erga hominem inæstimabilis dilectio. Oblatus est, quia sic homo indiguit . Oblatus est, quia ipse voluit . Patet igitur (f) quia Christi passio potentissima est ad exhaustiunda om-

e Tract. de 2. princip. myst. cap. 7. num. 15. & 16. f Ser. in ser. 4. heb. San. num. 10.

omnium genera peccatorum. Ipse autem (g) det vobis ea quæ dicuntur, non solum tenere memoriter, sed & ardentè diligere, & efficaciter adimplere, Sponsus Ecclesiæ Jesus Christus Dominus noster, qui est super omnia Deus benedictus in sæcula. Amen.

**DEO GRATIARUM ACTIO,
ET BEATO BERNARDO.**

Servo ejus dulci & fidei.

S. Bonavent. Conclus. tract. medit. de vita Christi.

PHILOSOPHIÆ CHRISTIANÆ

Pars Quinta.

De gestis in Cruce, in qua pendens Christus protulit septem verba, & mortuus est pro salute nostra.

Christus in diebus carnis suæ preces & supplicationes ad eum, qui possit illum saluum facere à morte, offerens cum clamore valido & lachrymis, exauditus est pro sua reverentia. S. Paul. Hebr. 5.

P R O E M I U M.

Ego sum Vitis vera, dicit Jesus. Joan. 15.



EOLIA vitis (a) penè omnium arborum foliis præstantiora sunt. Quid autem in foliis, nisi veræ Vitis nostræ benignissimi Jesu verba commendantur? Præeminet in foliis vitis: præeminet in verbis Dominus Jesus. Senserant hoc Judæorum ministri qui erant missi ut adduce-

S. Bernard. Abb. juxta ejus libror. edit. auctore Horsto in VI. Tom. impr. Parisiis ann. 1667. a Tract. de vit. myst. cap. 6. num. 28.

ducerent Jesum , reversi & culpati dixerunt : *Nunquam locutus fuit homo sic .* Non accusaverunt defectum trunci vitis, pulchritudinem foliorum videntes : imò per folia aliquid aliud quàm quod videbatur , in Corpore debili latere senserunt . Senserat etiam Petrus , qui multis à Domino Jesu recedentibus, & interrogatis ab ipso duodecim Apostolis : *Numquid & vos vultis abire ?* Respondit : *Domine quò ibimus ? Verba vitæ æternæ habes : & nos ad quem ibimus ?* Ac si diceret : Folia pulcherrima habes , quæ nos ab omni æstu protegant . Da nobis ergo alium pulchriorem , idest meliorem te , & ibimus ad illum abs te . Quem quia dare non potes, qui omnia potes , ad quem ibimus relinquentes te ? Senserat quoque horum foliorum , idest , verborum benigni Jesu virtutem illa mulier , quæ loquente ipso ad turbas , in foliorum pulchritudine singulari læta non cogitabat , nec tacitè quidem , sed extollens vocem dixit : *Beatus venter qui te portavit : & ubera quæ suxisti .* Verè beata imò beatissima terra quæ talem tulerat Vitem, Virgo Maria Mater Jesu . Verè & tu beata mulier , quæ foliorum pulchritudine considerata inter tot calumniantium insidias , sola Veritati testimonium audaciter præbuiisti . Porro viderunt virorem foliorum veræ Vitis Petrus & Joannes , & Matthæus , qui ad unam vocantis vocem illi retia , iste telonium reliquerunt . Quis virtutem verborum benigni Jesu enumerare sufficiat ? Quæ virtus est verborum , quæ verbis illius non commendentur ? Nulla profectò . Attamen (b) ecce Vitis nostræ desuper extensæ folia septem vestræ

osten-

† Ibidem cap. 15. num. 61.

ostendimus charitati, quæ non latis est tantum in-
 tueri, sed potius est accedendum, & sub umbra il-
 lorum sedendum, ut possimus cum Sponsa veraci-
 ter dicere: *Sub umbra illius quem desideraveram,
 sedi*. Cujus? Illius Sponsi utique, cujus folia um-
 bram tantò habent latiore, quantò ipse Sponsus
 Verbum summi Patris verba habet virtutibus ama-
 biliora, viciniora què saluti, magis accommodata pie-
 tati, & omnium intellectui promptiora. Quam-
 vis enim in omnibus Prophetis & Apostolis locutus
 est ille bonus Jesus, nullius tamen verba reperies
 omnino quæ ita & fortibus & infirmis, idest doctis
 & indoctis, sapientibus convenient & insipientibus,
 ut verba doctissimi Verbi Domini Jesu. Nam sicut
 ait quidam: *Dulcius ex ipso fonte bibuntur aquæ*.
 Sciendum est autem quòd in umbra foliorum isto-
 rum, id est in verbis Domini meditandum est die
 ac nocte: quorum umbrâ tunc profectò protegimur,
 cum, quoties à vitiis aut diabolo tentamur, aliquod
 verbum de Scripturis Evangelicis nobis adducimus,
 cujus monitis & auctoritate irruentibus in nos vitiis
 resistamus. Septem sunt verbula (c) quæ quasi se-
 ptem folia semper virentia Vitis nostra cum in Cru-
 cem elevata fuit, emisit. Cithara tibi o anima
 Christiana, factus est Sponsus in Cruce habente for-
 mam ligni: Corpore autem suo vicem supplente
 chordarum per ligni planiciem extensarum. Nam
 nisi ligno affigeretur expansus, nequiquam verbo-
 rum sonum ederet tanquam citharizans quibus am-
 pliùs delectareris. Observa diligentius. Septem
 chordas habet Cithara: cantat tibi, ludit tibi, te
 ad

ad audiendum invitat, quæ illam ad loquendum potius debueras invitare. Vide ergo folia Vitis tuæ, & indelebilitè ea memoriæ cōmendare memento. Hæc autem septem verba diversis modis ordinantur, quorum ordo non facilè potest inveniri, cū non ab uno Evangelista fuerint ordinata. Nos tamen ea secundū quod potuimus investigare, ordinamus. Igitur vana verba & non sonantia Christum (d) nec religionis tenentia pondus, in omni loco æternâ clausurâ damnantes; ad dulcia eloquia à Verbo Patris eructata, cithara nostra suas chordas extendat, & plectrum mentis linguâ vocis magistrâ tuba insonet Salvatori, quæ de ore mellifluis Christi profluxere dulcia eloquia vitæ. Sed utinam quod vobis proponitur, nulla vilitatis vel contemptus offuscaret obductio: sed arctius charitate obnexam carum fieret vobis super lapidem preciosum, & dulcius saperet in vestri cordis palato super omnia mella, & super quemlibet fauum.

C A P U T I.

De primo verbo Christi, quo exorabat Deum Patrem pro suis inimicis pendens in Cruce.

Pater, dimitte illis, non enim sciunt quid faciunt. Luc. 23.

- 1.** Ostenditur, Christum pendentem in Cruce fuisse opprobrium populo & principibus Judæorum, qui eum subsannationibus & falsis pollicitationibus

Qq

exa-

exagitabant ex persuasione diaboli, qui invidendo operi salutis humanae, optabat descensum Christi de Cruce. 2. Ostenditur, Christum Cruci affixum flagrasse mira charitate & misericordia erga impios Judaeos, & crucifixores suos, quando orabat Deum Patrem, ut ignosceret eis ne perirent. 3. Docemur exemplo Christi orare pro inimicis nostris. Ostenditur, Judaeos ideo per ignorantiam crucifixisse Jesum, ut sub aliqua iustitiae umbra ignorantibus posset ignosci. Probatur tamen dari peccatum per ignorantiam contra assertores contrariae opinionis. Excitamus pluribus rationibus ad orandum pro inimicis nostris.

S. I.

Et stabat populus spectans, & deridebant Jesum principes cum eis dicentes: Alios salvos fecit, se saluum faciat, si hic est Christus Dei electus. Pratererunt autem blasphemabant eum, moventes capita sua, & dicentes: Vah qui destruis templum Dei, & in tribus diebus reedificas illud: salva temetipsum: si Filius Dei es, descende de Cruce. Similiter & summi Sacerdotes illudentes eum Scribis & Senioribus dicebant: Alios salvos fecit, seipsum non potest saluum facere. Si Rex Israel es, descende nunc de Cruce, & credimus ei. Confidit in Deo, libere eum nunc si vult. Dixit enim: Quia Filius Dei sum. Christus Israël descendat nunc de Cruce, ut videamus, & credamus. Illudebant autem ei & milites accedentes & acetum offerentes ei, & dicentes: Si tu es Rex Judaeorum, saluum

saluum te fac. Luc. 23. Matt. 27. & Mar. 15.

Cognoſce anima mea (a) cognoſce: hic eſt Dominus Deus noſter, Jeſus Chriſtus Salvator tuus, Unigenitus Dei Filius, verus Deus, verus homo: qui ſolus ſub Sole ſine macula inventus eſt. Et ecce (b) ſpectaculum fit & opprobrium mundo & hominibus: fit tanquam prodigium multis, & commotio capitis in populis. Caput noſtrum, gaudium noſtrum, honor noſter, bonus Jeſus. Denique ſi Chriſtus Judaicis conſideretur oculis (c) non erat ei ſpecies neque decor. Quid niſi deforme (d) & nigrum oculis ſpectantium occurrebat, cū expaſis in Cruce manibus medius duorum nequam viſum malignantibus daret, fletum fidelibus. Et ſolus erat riſui, qui ſolus poterat eſſe terrori, ſolus honori debuerat. Ille qui lucem inhabitat inacceſſibilem (e) in quem deſiderant Angeli proſpicere: foras (f) extra civitatem educus eſt, extra caſtra paſſus eſt, in ligno elevatus eſt, ſpectandus hominibus, ſubſannandus ab omnibus, Agitant miniſtri dæmonis capita (g) inſultantes dolori patientis Jeſu: Si Filius Dei eſt, inquiunt, *deſcendat nunc de Cruce, & credimus ei.* Ac ſi dicant: Non adiiciet ut reſurgat, tanta eum turpitudine ligat & pæna. Quid tu Judæe (h) ante Crucem agitas caput ſacrilegum, quid ſacrum hominis Chriſti Caput exagitas opprobriis? *Chriſtus* (inquit Judæus) *Rex Iſraël deſcendat*

Q 9 2 de

a Ser. de Paſſ. Domin. nu. 5. b Tract. de vite myſt. cap. 5. nu. 24. c Tract. de vite & mor. Cleric. cap. 18. num. 60. d Ser. 28. in Cant. num. 4. e Tract. de vit. myſt. cap. 2. n. 3. f Ser. 47. in Cant. n. 5. g Tract. de 3. præcip. myſt. cap. 6. n. 16. h Ser. 1. de Reſurr. num. 1.

de Cruce. O venenata lingua, verbum malitiæ, sermo nequam! Non est hoc, Caipha, quod paulò ante dicebas: *Expediit ut unus moriatur homo pro populo, & non tota gens pereat*. At illud, quia mendacium non erat, non loquebaris de proprio, non à temetipso dicebas: *Si Rex Israël est, descendat de Cruce*: hoc planè tuum est, magis autem ejus qui mendax est ab initio. Quid enim consequentiæ videtur habere, ut descendat, si Rex Israël est, & non magis ascendat? Siccine tibi Judæe excidit quod audisti, quia Dominus regnavit à ligno, ut Regem abneges, quia manet in ligno? Sed forsitan nec audisti, quia non Judæis, sed nationibus hæc annuntiatio debebatur. *Dicite* (inquit David) *in nationibus, quia Dominus regnavit à ligno*. Denique (i) inquirunt Judæi: *Si Rex Israël est, descendat de Cruce, & credimus ei*. Hæc planè serpentis antiqui astutia est: hæc adinventio nequitiae spiritualis est. Audierat impius Salvatoris vocem dicentis: *Non sum missus nisi ad oves quæ perierunt domûs Israël*: & noverat, quantum pro salute illius populi zelum gerere videretur. Propterea malitiosè nimis linguas eruditis blasphemorum, suggerebat ut dicerent: *Descendat, & credimus ei*: quasi jam nihil posset ob stare quin descenderet, qui eorum crudelitatem tantoperè desideraret. Sed quid machinatur [k] aut cui parat insidias versipellis? Nempe ei in quo nihil proficiet inimicus, & filius iniquitatis non apponet nocere ei. Non movetur vana pollicitatione, qui novit omnium corda: sicut nec exprobratione blasphemâ mitissimus omnium movebatur. Eò quippè tendebat

debat malitiosa diaboli suasio, non ut Judæi crederent, sed ut nostra quoque si qua erat fides in eum omnimodis deperiret. Legentes enim: *Dei perfecta sunt opera*: quando fateremur Deum, si salutis opus reliquisset imperfectum? Sed audiamus quid ad hæc Christus respondeat per Prophetam: *Quæris signa Judæe? Expecta me in die resurrectionis meæ*. Si vis credere, majora jam tibi opera demonstravi. Multiplicavi signa, sanitates perfeci heri & pridie, hodie magis habeo consummari. An non majus erat quod vidisti è corporibus obsessis spiritus exire malignos, & de grabatis suis exilire paralyticos, quàm è manibus meis vel pedibus clavos resilire quos infixisti? Sed patiendi tempus est, non faciendi signum: & Passionis horam sicut prævenire frustra conatus es, sic nec poteris impedire. Sed si adhuc generatio prava & adultera signum querit, non ei dabitur nisi signum Jonæ Prophetæ: non signum descensionis, sed Resurrectionis. O quàm horrenda (l) & insatiabilis est plaga prævaricationis nostræ, pro qua Filium Dei oportebat tot dura opprobria, tot & tam dira vulnera sustinere! Judæi non immemores odii (m) quo aderant Patrem, exercent illud in Filium. Unde & ipse ait: *Quia oderunt me, & Patrem meum*. Quid ergo fecerunt impii, quibus gravis erat etiam ad videndum? *Hic est* (inquiunt) *hæres: venite, occidamus eum*. Proinde Stephanus ad homicidas (n) ad legis adulteros, ad crucifixores Filii Dei Patris meritò loquitur: *Dura, inquit, cervice & incircumcisis cordibus & auribus*

Qq

3

bus

1. Lib. 3. de an. or. Dei cap. 26. n. 88. m. Ser. 3. de Circumcis. Dom. n. 1. n. Ser. de S. Steph. 2. tom. 6. pag. 627.

de Cruce. O venenata lingua, verbum malitiæ, sermo nequam! Non est hoc, Caipha, quod paulò ante dicebas: *Expediit ut unus moriatur homo pro populo, & non tota gens pereat*. At illud, quia mendacium non erat, non loquebaris de proprio, non à temetipso dicebas: *Si Rex Israël est, descendat de Cruce*: hoc planè tuum est, magis autem ejus qui mendax est ab initio. Quid enim consequentiæ videtur habere, ut descendat, si Rex Israël est, & non magis ascendat? Siccine tibi Judææ excidit quod audisti, quia Dominus regnavit à ligno, ut Regem abneges, quia manet in ligno? Sed forsitan nec audisti, quia non Judæis, sed nationibus hæc annuntiatio debebatur. *Dicite* (inquit David) *in nationibus, quia Dominus regnavit à ligno*. Denique (i) inquirunt Judæi: *Si Rex Israël est, descendat de Cruce, & credimus ei*. Hæc planè serpentis antiqui astutia est: hæc adinventio nequitiae spiritualis est. Audierat impius Salvatoris vocem dicentis: *Non sum missus nisi ad oves quæ perierunt domus Israël*: & noverat, quantum pro salute illius populi zelum gerere videretur. Propterea malitiosè nimis linguas erudiehs blasphemorum, suggerebat ut dicerent: *Descendat, & credimus ei*: quasi jam nihil posset obitare quin descenderet, qui eorum crudelitatem tantoperè desideraret. Sed quid machinatur [k] aut cui parat insidias versipellis? Nempe ei in quo nihil proficiet inimicus, & filius iniquitatis non apponet nocere ei. Non movetur vana pollicitatione, qui novit omnium corda: sicut nec exprobratione blasphemamissimus omnium movebatur. Eò quippè tendebat

debat malitiosa diaboli suasio, non ut Judæi crederent, sed ut nostra quoque si qua erat fides in eum omnimodis deperiret. Legentes enim: *Dei perfecta sunt opera*: quando fateremur Deum, si salutis opus reliquisset imperfectum? Sed audiamus quid ad hæc Christus respondeat per Prophetam: *Quæris signa Judæe? Expecta me in die resurrectionis meæ*. Si vis credere, majora jam tibi opera demonstravi. Multiplicavi signa, sanitates perfecì heri & ipridie, hodie magis habeo consummari. An non majus erat quod vidisti è corporibus obsessis spiritus exire malignos, & de grabatis suis exilire paralyticos, quàm è manibus meis vel pedibus clavos resilire quos infixisti? Sed patiendi tempus est, non faciendi signum: & Passionis horam sicut prævenire frustra conatus es, sic nec poteris impedire. Sed si adhuc generatio prava & adultera signum querit, non ei dabitur nisi signum Jonæ Prophetæ: non signum descensionis, sed Resurrectionis. O quàm horrenda (l) & insatiabilis est plaga prævaricationis nostræ, pro qua Filium Dei oportebat tot dura opprobria, tot & tam dira vulnera sustinere! Judæi non immemores odii (m) quo aderant Patrem, exercent illud in Filium. Unde & ipse ait: *Quia oderunt me, & Patrem meum*. Quid ergo fecerunt impii, quibus gravis erat etiam ad videndum? *Hic est* (inquiunt) *bæres: venite, occidamus eum*. Proinde Stephanus ad homicidas (n) ad legis adulteros, ad crucifixores Filii Dei Patris meritò loquitur: *Dura, inquit, cervice & incircumcisis cordibus & auribus*

Qq 3

bus

1. Lib. 3. de an. or. Dei cap. 26. n. 88. m. Ser. 3. de Circumcis. Dom. n. 1. n. Ser. de S. Steph. n. 2. tom. 6. pag. 627.

bus vos semper Spiritui Sancto restitistis . Denique dicunt Judæi : Alios saluos fecit , seipsum non potest saluum facere . O venenata lingua (o) verbum malitiæ , sermo nequam ! Numquid (p) non vipera est lingua ista ? Ferocissima planè , nimirum quæ tam lethaliter tres inficiat flatu uno . Numquid non lancea est ista lingua ? Profectò , & acutissima , quæ tres penetrat ictu uno . Lingua (inquit Propheta) eorum gladius acutus . Gladius equidem anceps , imò triceps est lingua detractoris . Nec verò ejusmodi linguam ipso etiam mucrone , (q) quo Dominicum latus confossum est , crudeliorem dicere verearis . Fodit enim hæc quoque Christi corpus , nec jam exanime fodit , sed facit exanime fodiendo . Iphis quoque nocentior est spinis , quas illi tam sublimi Capiti furor militatis imposuit : seu etiam clavis ferreis , quos Sanctissimis manibus illis & pedibus consummatio Judaicæ iniquitatis infixit . Parum erat sacrilegis illis [r] crucifigere Jesum , nisi adhuc & ipsis illusionibus replevisset Animam ejus .

§. I I.

Jesus autem dicebat : Pater , dimitte illis , non enim sciunt quid faciunt . Luc. 23.

Vide anima mea (s) qualiter Vir iste per omnia conturbatur , & spernitur . Ad locum deductus supplicii , myrrhâ potatur & felle , in Cruce sublevatur , & dicit : *Pater , ignosce illis , quia nesciunt quid faciunt*

o Ser. 1. de Resur. Dom. m. 7. p Ser. 17. di. var. m. 4. q Ibidem m. 5.
r Ser. de Pass. Dom. m. 12. s Ibidem m. 13.

ciunt : Qualis est hic , qui in omnibus pressuris suis nec semel aperuit os suum , ut aut querelæ , aut excusationis , aut comminationis , aut maledictionis verbum adversus maledictos canes illos proferret ? Sed novissimè verbum benedictionis super inimicos suos , quale à sæculo non est auditum , effudit . Quid hoc Viro mansuetius , quid benignius anima mea vidisti ? Peccatum multorum tulit (t) & pro transgressoribus rogavit ut non perirent : *Pater , ignosce illis , quia nesciunt quid faciunt* . Volat irrevocabile verbum tuum Domine , nec reverteretur ad te vacuum : sed faciet ad quod misisti . Vide nunc anima mea , opera Domini , quæ posuit prodigia super terram . Flagellis cæsus est , spinis coronatus , clavis confossus , affixus patibulo , opprobriis saturatus , omnium tamen dolorum immemor : *Ignosce* , ait , *illis* . Hinc multæ miseriæ Corporis , hinc multæ misericordiæ Cordis : hinc dolores , hinc miserationes : hinc oleum exultationis , hinc Sanguinis guttæ decurrentis in terram . Misericordiæ Domini multæ , sed & miseriæ Domini multæ . Vincentne miseriæ misericordias ? an misericordiæ miseras superabunt ? Vincant misericordiæ tuæ antiquæ Domine , vincat Sapientia malitiam . Magna enim illorum iniquitas , sed numquid non maior pietas tua Domine ? Multum per omnem modum . *Numquid redditur pro bono malum* (ait Jeremias Propheta) *quoniam fodeunt foveam animæ tuæ ?* Planè foderunt impatientiæ foveam , occasiones indignationis plurimas & quàm maximas ministrantes . Sed quid horum fovea ad abyssum mansuetudinis tuæ ?

Qq

4

tua?

tuæ? Retribuentes mala pro bonis foveam foderunt: sed charitas non irritatur, non præcipitatur, nunquam excidit, non in foveam ruit, & pro retributis malis cumulat bona. Absit ut muscæ morituræ exterminent suavitatem unguenti, quod de tuo Corpore fuit: quia apud sinum tuum est misericordia, & copiosa apud eum redemptio. Prorsus copiosa [u] quia non gutta, sed unda Sanguinis largiter per quinque partes tui Corporis emanavit. Muscæ morituræ (x) miseriæ sunt: muscæ morituræ blasphemix sunt: muscæ morituræ insultationes sunt, quas tibi reddit generatio prava & exasperans. Tu autem quid? [y] In ipsa elevatione manuum tuarum, cum jam Sacrificium matutinum in holocaustum vespertinum transfiret: in ipsa inquam virtute incensi (quod cælos abscebat, terram operiebat, inferos respergebat) exaudiendus pro reverentia tua clamas: *Pater, ignosce illis, quia nesciunt quid faciunt*. O quam multus es ad ignoscendum! O quam magna multitudo dulcedinis tuæ Domine! O quam longè cogitationes tuæ à cogitationibus nostris! O quam firmata est etiam super impios misericordia tua! Mira res. Ille clamat, *Ignosce*: Judæi clamant, *Crucifige*. Molliti sunt sermones ejus super oleum: & isti sunt jacula. O charitas patiens, sed & compatiens! Charitas patiens est, sufficit. Charitas benigna est, cumulus est. Noli vinci à malo, charitas abundans est: sed vince in bono malum, superabundans est. Non enim sola patientia, sed & benignitas Dei ad pœnitentiam Judæos adducit: quia
beni-

u Ser. 22. in Cant. n. 7. x Ser. in fer. 4. hebdom. Sanctorum. 8. y Ibidem n. 9.

benigna charitas etiam quos tolerat amat, & amat tam ardentem. Patiens charitas dissimulat, expectat, sustinet delinquentem. Sed benigna charitas impios trahit, adducit, converti facit ab errore viae suae: denique cooperit multitudinem peccatorum. O Judæi, lapides estis, sed lapidem percutitis molliorem, de quo resonat tinnitus pietatis, & abullit oleum charitatis. Quomodo potabis Domine desiderantes te torrente voluptatis tuae, qui sic perfundis crucifigentes te oleo misericordiae tuae? O fons misericordiae Jesu [z] quem ad te diligendum non moveat, quod inter opprobria exprobrantium, inter mortis angustias tuarum miseriarum oblitus, sed tuarum misericordiarum memor, tam piè, tam opportunè ad Patrem pro tuis crucifixoribus interpellas? Nam in extensione & transfixione corporis tui, cum jam figura tua in occasum verteretur; in ipsa hora incensi, cum jam virtus holocausti celos aperiret, terram concuteret, & inferos spoliaret: Tu Summus Pontifex introjens cum Sanguine in Sancta Sanctorum exaudiendus pro tua reverentia clamabas: *Pater, ignosce illis, quia nesciunt quid faciunt*. Doleo super te Domine mi Rex [a] magister & pater, imò & frater, Domine mi Jesu Christe, amabilis valdè super amorem mulierum. Hasta orationum tuarum non est aversa, quia etiam pro transgressoribus orasti ut non perirent: quanto magis pro amatis? Quam dulcis eris diligentibus te [b] qui odientes & occidentes te, tantà & tam indebità, tam gratuita & tam stupendâ benignitate praevenisti! Christus Jesus

z Lib. 3. de amor. Dei cap. 26. num. 90. a tract. de vise myst. cap. 5. num. 26. b Lib. 3. de amor. Dei cap. 26. num. 90.

sus mediator fidelis [c] sicut in persona una Dei hominisquè substantiam copulavit ineffabili Sacramento, sic & in ipsa reconciliatione est usus consilio altissimo, mediam non deservit æquitatem; utrisque tribuens quæ oportebat, honorem Deo, homini miserationem. Hæc enim est optima inter offensum Dominum & reum servum forma compositionis, ut nec honorandi Domini zelo servus opprimatur austeriori sententia, nec rursùm dum huic immoderatiùs condescenditur, ille debito fraudetur honore. In ligno enim Christus spinis coronatus [d] cruci affixus dissimulat illum unicū dolorem, & obliuiscitur mortis vicinæ: novum introducitur exemplum, aperit latitudinem charitatis, & apertiori campo terminos traditæ legis amplificat, jam non solum amicus amicis, sed velint nolint amicus pariter ini-cis. *Pater* (inquit) *ignosce illis, quia nesciunt quid faciunt*. Non potuit esse inefficax Oratio morientis: unde & inimicorum numerositas ad numerum amicorum transivit. Addo [e] quodd hanc ipsam dilectionem non reddidit, sed addidit. Nam quis prior dedit, & retribuetur ei? Denique dilexit etiam non existentes. Sed adjecit & resistentes diligere, juxta Pauli testimonium dicentis: *Quoniam cum adhuc inimici essemus, reconciliati sumus Deo per mortem Filii ejus*. Alioquin si non dilexisset inimicos, nondum possedisset amicos: sicut necdum quos sic diligeret essent, sic non dilexisset qui nondum essent.

Luca

c Ser. 2. in Annun. R. M. num. 2. d Ser. de S. Stepb. num. 6. *verso*
6. pag. 629. *e* Ser. 20. in Cons. num. 2.

§. I I I.

Luca referente cognovimus [f] quòd cùm crucifixus esset Jesus dixit : *Pater, ignosce illis, quia nesciunt quid faciunt*. O verbum summi Patris Verbo conveniens! Facit bonus Doctor quod jusserrat. Orat non solum pro persequentibus & calumniantibus, sed etiam pro occidentibus se. Reconde, ô anima Christiana, in thesauro cordis tui hoc verbum, ut quotiescunque sæviunt inimici, memoriam abundantiae suavitatis Jesu valeas eruclare, hoc verbum semper tanquam clypeum contra inimicorum insultus opponens. Orat Christus pro suis occisoribus, tu non orabis pro detractoribus? Quid fles (g) quid suspiras ô homo, dum sustines verborum injurias? Non audis quanta adversus Dominum Deum tuum ceciderunt opprobria propter te? Sed & ipsam ejus orationem (h) diligentius videamus. *Pater*, inquit Jesus. Quare nomen Patris ponit? Solent pueri aliquid affectuosius petere volentes nomen paternum nominare, ut naturalem dilectionem ipsis ad memoriam reducant, per quam facilius petitionis suae consequantur effectum. Sic & Redemptor noster miserator & misericors, patiens & multum misericors, & suavis in universis, quamvis se à Patre sciret semper audiri; tamen nobis commendans cum quanto affectu sit pro inimicis orandum, nomen posuit charitatis. Tanquam si diceret : Per dilectionem paternam quâ unum sumus, sup-

Tract. de vite myst. cap. 8. num. 42. g Ser. de Pass. Dom. num. f. h Tract. de vite myst. cap. 8. num. 43.

supplico tibi, ut exaudias me pro his occisoribus meis, ignoscendo illis: agnosce Filii tui amicitiam, ut inimicis ignoscas. Et idem quare sit ignoscendum, subjungit: *Quia nesciunt quid faciunt*. Quid hîc dicemus? Numquid ignorabant se crucifigere eum, quem crucifigebant? Nequaquam: sed quis esset ille quem occidebant, ignorabant. *Si enim cognovissent, nunquam Dominum gloriæ crucifixissent*. Nescierunt utique quid facerent: quia quantum deliquerunt, nescierunt. Judæi (i) qui Dominum crucifixerunt, magni quidem peccatores, sed pusilli æstimatores, etsi ex uno iram, numquid non tamen ex altero veniam meruerunt? Beati siquidem fuissent, si juxta verbum Domini in ipso scandalizati non essent. Nunc verò quid nisi miseri? Sed tamen & miserandi. Probat hoc illa pia in Cruce patientis Jesu, sed nihililominus compatientis supplicatio: *Pater*, inquit, *ignosce illis*. Et quasi quæreretur indulgentiæ ratio in tam horrendo facinore, sequitur: *Quia nesciunt quid faciunt*. Ac si diceret: Eò digni veniâ, quò & pusilli scientiâ sunt. Ideo ignosco illis, quia non agnoscor ab illis. *Si enim cognovissent, nunquam Dominum gloriæ crucifixissent*. Christus Dominus (k) in universali hominum miseria pressius & profundius sese immerfit, ne subtilis etiam ille diaboli oculus magnum hoc pietatis deprehenderet Sacramentum. Idèd habitu & omni habitu inventus est ut homo: nec in eo quantum ad naturæ debitum, signum aliquod singularitatis apparuit. Quia enim inventus est, idèd crucifixus est.

Pau-

i Tract. de præcep. & dispensat. cap. 9. num. 20. k Ser. in ser. 4. hebdom. sanctæ. num. 10.

Paucis autem revelavit seipsum, ut essent qui crederent: reliquis verò absconditus est, quia si cognovissent, nunquam Dominum gloriæ crucifixissent. Ad hoc etiam illi Singulari peccato ignorantiam copulavit, ut sub aliqua justitiæ umbra ignorantibus posset ignosci. Cæterum is forsitan (l) qui asserit non posse peccari per ignorantiam, nunquam pro suis ignorantibus deprecatur, sed potius Prophetam David irrideat deprecantem & dicentem: *Delicta juventutis meæ, & ignorantias meas ne memineris*. Forsitan & reprehendet Deum exigentem pro peccato ignorantie satisfactionem. Loquitur enim in Levitico ad Moysen dicens: *Anima si peccaverit per ignorantiam, feceritque unum ex his quæ lege Domini prohibentur, & peccati rea intellexerit iniquitatem suam, offeret arietem immaculatum de gregibus Sacerdoti, iuxta mensuram estimationemque peccati*. Et rursùm ait: *Qui orabit pro eo quod nesciens fecerit, & dimitteretur ei, quia per errorem deliquit in Domino*. Porro si ignorantia nunquā peccatum est (m) cur dictum est in Epistola ad Hebræos, quia in secundo tabernaculo semel in anno solus Pontifex intraret non sine sanguine, quē offerret pro sui & populi ignorantia? Si peccatum ignorantie nullum est, non ergo peccavit Saulus quod persecutus est Ecclesiam Dei, quoniam quidem ignorans hoc fecit manens in incredulitate? Benè itaque faciebat quodd erat blasphemus & persecutor & contumeliosus, quodd erat spirans minarum & cædis in Discipulos Domini, in hoc ipso quippè abundanter æmulator existens paternarū suarum traditionum? Non ergo debuit dicere:

Tract. ad. Hug. de quest. cap. 4. num. 16. in Ibid num. 17.

te: *Misericordiam consecutus sum*, sed mercedem recipi, quippè quem ignorantia à peccato reddebat immunem, insuper & æmulatio remunerabilem iudicabat? Si, inquam ignorantia nunquā peccatur, quid ergo causamur adversus occisores Apostolorum, quoniam quidē non solūm malum esse nescierunt interficere illos, sed insuper quoq; id faciendo arbitrati sunt obsequiū se præstare Deo? Sed & frustra in cruce Salvator pro suis orabat crucifixoribus, quippè nescientibus (ipso teste) quid facerent, & ita nequaquam peccantibus? Neque enim fas est ullatenus suspicari mentitum fuisse Dominum Jesum aperte perhibentem eos ignorare quid facerent. Et si fortè de Apostolo Paulo dubitet quis quòd carnem suam æmulans, sicut homo mentiri potuerit ubi ait: *Si enim cognovissent, nunquam Dominum gloriæ crucifixissent*. Numquid non ex his satis apparet, in quantis jaceat ignorantiae tenebris homo ille, qui ignorat peccari posse interdum per ignorantiam? Imitemur ergo Jesum (n) qui pro inimicis suis mori non dubitavit, & oravit pro crucifixoribus suis: qui pro reconciliandis sibi peccatoribus tanta sustinuit. Sic autem orandum est tibi ô anima Christiana (o) quæ sponsa Domini nuncupari desideras. Cū in te sæviunt inimici, cū obloquuntur, minantur, damna ingerunt, & cū in faciem cædunt, imò & cū occidunt: memento folii Vitæ tuæ, sonum citharæ tuæ recordare, sequere, id est imitare sponsum tuum Jesum, & dic ex toto corde: *O Sponse Jesu ignosce illis, quia nesciant quid faciunt*: id est, quantum delinquant, igno-

ignorant. Si enim scirent quantam beatitudinem amittant, quantam infelicitatem peccando incurrant, utique non peccarent. Quid enim est quod omnes homines ad peccandum instigat, nisi ignorantia boni, quod perditur: mali, quod peccando incurritur? Amittitur optimus Deus, acquiritur pœna gehennalis: quorum commutationem nullus appetit, nisi prorsus insanus. Et verè quicunque cœli delicias omittentes scienter peccando pœnas infernales invadunt, insani sunt, nesciunt quid faciunt. Talibus ergo & pro nostra salute & pro illorum ignorantia est ignoscendū: & pro ipsis orandū est cum grandi fiducia, quia tales preces aures Domini violēter irrumpunt. Nimirum exaudit ipse alios, in quo se volvit exaudiri: & exauditus fuit, cū ad prædicationem Petri uno die tria millia, alio die quatuor millia eorum qui ad necem Domini acclamaverunt, sunt conversi. Quanta in cœlestibus jucunditas erit cū occisus occisorem, & quilibet læsus se lædentem orationibus suis perducit ad Cælum? O quanta fuerit exultatio Stephani super conversione Pauli? qui suis orationibus ad fidem conversus, postea pro fide Christi sicut ipsū lapidaverat lapidatus est, & multa mala quę ante Sanctis discipulis Christi ingesserat, propter Christum sustinuit. Sequamur igitur & nos pro inimicis orando, ut illis simul & nobis æternam mereamur obtinere salutem. Videamus autem (p) quàm recto cursu Stephanus & si non æquat, sequitur tamen Redemptorem. Volat saxorum imber, & fortissimis invidorum manibus loca vulnerum duplicantur: sed patienter patitur coronatus noster de corona nominis ad coronam regiminis tran-

transferendus. Nescit affectum carnis, & mortis horam ignorat. Et videamus quod deliberat faciendum: *Positis* (ait Scriptura) *genibus exclamavit voce magna dicens: Domine, ne statuas illis hoc peccatum.* Clamat voce magna, quia magna utique charitate. *Positis genibus*, quia vera & humili simplicitate pro se orans stat & erigitur: pro lapidantibus flectit genua. Quis audivit unquam talem? & quis vidit huic similem? Plus dolet persequentium peccatum, quam sua vulnera: plus dolet illorum iniquitatem, quam suam mortem. *Et cum hoc dixisset, obdormiuit in Domino.* Felix somnus cum requie, requies cum voluptate, voluptas cum satietate, satietas cum securitate, securitas cum æternitate. *Obdormiuit, inquit, in Domino*, absorptus in claritatis abyssum, & inter Dei sui brachia requiescens. Fortassis etiam suggeret de vobis Domino suo, Judici vestro, ne statuas illis aliquid ad peccatum. Qui est Deus benedictus in sæcula. Amen.

CAPUT II.

De secundo verbo Christi, promittentis paradysum Latroni confitenti & supplicanti.

Amen dico tibi: Hodie mecum eris in paradiso.

Luc. 23.

1. *Expenditur allegoria Josephi cum duobus incarcerati, & Christi cum duobus latronibus reputati. Docemur ut exemplo patientiæ Christi, & Latronis confitentis sustineamus omnem tribulationē, si volumus*

lumus obtinere paradysum. Ostenditur, Christum nobis certantibus esse & exemplum & premium. 2. Laudatur fides Latronis, confitentis innocentiam Christi, & ejus maiestatem regiam. Exponuntur singula verba Christi prolata ad Latronem, uno die penitentem & beatum. 3. Ostenditur, Latronem ob consortium & compassionem tormentorum Christi meruisse paradysum, in quem simul cum Christo intravit per portam misericordiae eius. Agitur de triplici misericordia Dei, parva, mediocri, & magna. Monemur ut non parvipendamus peccata venialia, & non differamus agere penitentiam in articulum mortis.

§. I.

Unus autem de his qui pendebant latronibus blasphemabat Jesum, dicens: Si tu es Christus, saluum fac te metipsum, & nos. Respondens autem alter increpabat eum, dicens: Neque tu times Deum, quod in eadem damnatione es. Et nos quidem justè, nam digna factis recipimus: hic verò nihil mali gessit. Et dicebat ad Jesum: Domine, memento mei, cum veneris in regnum tuum. Et dixit illi Jesus: Amen dico tibi. Hodie mecum eris in paradiso. Luc. 23.

Secundum Vitis nostrae folium (a) & secunda citharæ nostrae chorda est secundum verbum Domini Jesu Crucifixi, quod ait ad Latronem confitentem & Crucifixi consortium expetentem: Amen

R r

dico

2 Tract. de vite myst. cap. 9. num. 44.

dico tibi: Hodie mecum eris in paradiso. Tres in carcere quondam fuisse legimus (b) tres in Cruce. Joseph siquidem cum pincerna & pistore Regis Ægypti carcerali custodiæ mancipatus, Christus verus Joseph cum sceleratis duobus utique reputatus est. Et illi quidem in carcere vidēre somnia, & audiēre interpretationem: isti in Cruce verba locuti sunt, & unus accepit promissionem. Priorum siquidem alter propinabat Regi, & audivit: *Restitueris in gradum pristinum.* Alter pascebat porcos, & responsum accepit mortis. Ipsi quippe sunt porci, quos pavit ille prodigus adolescens. Spurci siquidem & elati meritò porcorum & avium nomine designantur. Porro eorum qui crucifixi sunt cum Salvatore, alteri utique confitenti dictum est: *Hodie mecum eris in paradiso:* alteri quoque blasphemanti non quidem à Domino (neque enim tunc ille judicabat quenquam) sed à socio responsum est: *Neque tu times Deum, quòd in eadem damnatione es?* Quid ergo putamus, quid duobus illis quorum alteri dictum est, *Restitueris post tres dies:* alteri, *Hodie mecum eris in paradiso:* præter ipsam sanè dilationem interim potuit esse molestum? Quid verò illum potuit delectare cui dictum est: *Truncato capite post triduum suspenderis, avium esca futurus?* Sanè in hac dilatione positi sumus omnes, & nemo nisi in carcere, sine cruce interim nemo. Quippè ubi nec innocens invenitur immunis, quandò peccator requiem sperat? Cæterùm si quis volens sustinet dicens, *Nos quidem justè,* mercedem habebit: sin autem invitus & blasphemans & negans Deum facis

Etis, duplex ei contritio est. Ante omnia igitur quære patientiam quam debes Deo (c) quia ab eo saluandus es. *Omnes enim qui piè volunt vivere in Christo, persecutionem patientur. Per multas tribulationes oportet nos intrare in regnum Cælorum.* Nunquam Christus (d) socium tribulationis à communionem gloriæ patietur arceri. Denique usque aded non dedignatur passionis consortem & in regnum mittere secum, ut in cruce confitens Latro eadem die cum eo fuerit in paradiso. Hinc est quod ait etiam ad Apostolos: *Vos estis qui permansistis mecum in tribulationibus meis, & ego dispono vobis regnum.* Vide autem (e) ne per impatientiam pereas, sed universa pro eo sustine, qui prior majora pro te sustinuit, & apud quem infructuosa patientia non erit, sicut ait Propheta: *Patientia pauperum non peribit in finem.* Porro (f) vobis charissimi tanquam spiritualibus spiritualia comparantes, in processione quidem cælestis patriæ repræsentamus gloriam, in passione monstramus viam. Nam si in processione considerasti quò properandum sit, disce in passione quâ sit eundum. Hæc est enim via vitæ, tribulatio præsens, via gloriæ, via civitatis habitaculi, via regni, secundum quod clamat Latro de cruce: *Memento mei Domine, dum veneris in regnum tuum.* Euntem in regnum vidit, quò cùm pervenisset, sui memorem esse rogavit. Pervenit ergo & ipse. Sed si vis nosse quàm compendiosâ viâ: eadem die meruit cum Domino esse in paradiso. Tolerabilem proinde reddidit passionis laborem

R r 2

glo-

c Ser. 2. de resur. num. 10. d Ser. 1. de verb. Esai. num. 2. e Ser. 2. de Resur. num. 10. f Ser. 1. in Dom. Palm. num. 2.

gloria processionis: quoniam amanti nihil difficile est. Quia ergo si compatimur(g) & conregnabimus: sit interim meditatio nostra Christus, & hic Crucifixus. Siquidem & ipse[h] propter nos tribulationem & dolorem invenit, quando proposito sibi gaudio sustinuit Crucem, confusione contempta. Clamat Latro de Cruce: (i) *Domine, memento mei, cum veneris in regnū tuum*. Ergone per supplicium ille vadit in regnum? Quis indicavit tibi quoniam oportebat pati Christum, & sic intrare in gloriam suam? Christus utique (k) de morte meruit Resurrectionem, de Cruce iudicii potestatem: ut quoniam in illa injustè judicatus est, de illa justam obtineret iudicis censuram, ipso post Resurrectionem dicente: *Data est mihi omnis potestas in cælo, & in terra*. Ipsam verò servi formam, id est Carnem in qua passus & mortuus est, resuscitatam evexit super omnes cælos, & super omnes Angelorum choros, usque ad dexteram Patris. Quæritur (l) quænam fuit causa quòd Sponsus cælestis se *campi florem* maluerit appellare? Profectò ut Sponsam ad tolerantiam animaret, cui noverat imminere (si quidem vellet piè vivere in Christo) persecutionem pati. Id se ergo libentiùs profitetur, ad quod potissimum vult habere sequacem: atque hoc est quod aliàs dixi, quoniam semper & illa appetit quietem, & ille incitat ad laborem, denunciando ei quòd per multas tribulationes oportet intrare in regnum cælorum. Unde cum nova in terris Ecclesia noviter despon-

g Ser. 1. de verb. Esai. num. 2. h Ser. 16. super Psal. 90. num. 2.

i Serm. 2. in Epiph. Dom. num. 3. k Ser. 60. di ver. num. 2. l Ser. 47. in Cant. num. 5.

desponsata sibi redire ad Patrem disponderet, dice-
 ba, ei: *Venit hora ut omnis qui interficit vos, arbi-
 treur obsequium se præstare Deo.* Item: *Si me,
 ait, persecuti sunt, & vos persequentur* *Ego flos cam-
 pi (m) & lilium convallium.* Sponsa ergo mon-
 strante lectulum, Sponsus vocat ad campum, ad
 exercitium provocat. Nec putat quidquam persua-
 sibilis fore illi ad ineundum certamen, quàm si
 seipsum certantis aut exemplum proponat aut præ-
 mium. *Ego flos campi.* Sanè utrumvis in hoc ser-
 mone intelligi datur, vel quòd sit videlicet pugnan-
 tis forma, vel quòd sit gloria triumphantis. Utrum-
 que es mihi Domine Jesu, & speculum patiendi,
 & præmium patientis. Utrumque fortiter provocat,
 ac vehementer accendit. Tu doces manus meas ad
 prælium exemplo virtutis tuæ: tu caput meum post
 victoriam tuæ coronas præsentia Majestatis, sive
 quia pugnantem te spectro, sive quia te expecto non
 solum coronantem, sed & coronam. In utroque mi-
 rabiliter tibi me allicis: uterque funis violentissi-
 mus est ad trahendum. Trahe me post te, libenter
 te sequor, libentiùs fruor. Si sic bonus es Domine
 sequentibus te, qualis futurus es consequentibus?
Ego flos campi. Qui diligit me, veniat in campum,
 non refugiat mecum & pro me inire certamen, ut
 possit dicere: *Bonum certamen certavi.*

§. I I.

Clamat Latro de cruce: (n) *Domine, memento
 mei, cum veneris in regnum tuum.* Quis indicavit

R r 3 tibi

tibi quoniam oportebat pati Christū, & sic intrare in gloriam suā? Mira res, & omni admiratione digna! Propterea rogo vos, intuemini & videte quā oculata sit Fides; quā lynceos oculos habeat, diligentius considerate. Cognoscit Dei Filium lactentem, cognoscit in ligno pendentem, cognoscit morientem. Siquidem Latro in patibulo, Magi in stabulo cognoscunt: ille clavis infixum, isti pannis involutum. Centurio verò vitam agnovit in morte. Videns enim quòd sic clamans expirasset, *Verè*, inquit, *hic homo Filius Dei erat*. Magi agnoverunt Dei Virtutem in teneri corporis infirmitate, Centurio summum Spiritū in expiratione. Magi Dei Verbum in infantia cognovère: siquidem quidquid illi sermonibus, isti muneribus confitentur. Latro Regem, Centurio Dei Filium simul & hominem pronunciant. Non cognovit Synagoga(o) quæ nigredinem illi passionis & infirmitatis impropereans: *Alios* (ait) *saluos fecit, seipsum non potest saluum facere: Christus Rex Israël descendat de Cruce, & credimus ei*. Sed cognovit Latro de cruce, licet in cruce, qui & innocentiae puritatem confessus est: *Hic autem* (inquiens) *quid mali fecit?* Et gloriam regiae maiestati simul est protestatus: *Memento mei*, dicens, *dum veneris in regnum tuum*. O quanta (p) Latronis fiducia! Omnis mali, nullius boni conscius sibi, transgressor legis, vitæ simul & substantiæ raptor alienæ, positus in januis mortis in fine vitæ, desperatus de vita præsentis, spem vitæ futuræ) quam toties demeruerat, nunquamquē meruerat concipere) requi-

o Ser. 28. in Cant. num. 10. p Tract. de vite myst. cap. 9. num. 44.

requirere non formidat. Quis hinc desperet Latrone sperante? Sed operæ precium est diligenter intueri qualis fuerit Latro iste: ne, si causam spei nesciamus, præsumptionis vitium incidamus. Omnes amici & proximi & noti, fratres quoque imò & ipsi Discipuli unanimes & electi de mundo, à Domino Jesu Christo recesserunt in tantarum pressurarum molestia: in tanta confusione, & tantis opprobriis (percusso pastore) velut erraticæ oves sunt dispersi. Et nunc Latro inter tot impropria & miseriae, imò & inter tot tormenta crucis & mortis prius non cognitum confitetur, & ab eo fiducialiter petit auxilium, qui auxilio videbatur indigere. Quemnam Discipulorum tanta audacia inflāmavit? Fugerunt omnes eum, quem hactenus fuerant confessi dum adhuc viveret, Latro verò quem viventem negaverat, confitetur morientē. Quod ait Apostolus: (q) *Corde creditur ad iustitiam, ore autem confessio fit ad salutem*: in illo Latrone declaratum est. Oravit namque in fide [r] & spe, & charitate, dicens: *Domine, memento mei, dum veneris in regnum tuum*. Credit profectò in eum, quem Dominum & Regem appellat. Quis autem petit hoc, quod non sperat? Amat verò eum, cui conjungi desiderat. Quid tali oratori ille bonus Jesus negaret, qui eum incitaverat ut rogaret, præsertim dum in sede sponsali & in die nuptiali sederet? Sedes sponsalis Crux erat, in qua verus Sponsus Jesus Sponsam suā Ecclesiam sibi copulavit, ipsam sibi proprii Sacraei Sanguinis effusione subarrhans. Exaudivit ergo Christus animam

R r 4

non

q Tract. ad Hugon. de quæst. cap. 2. num. 7. r Tract. de vite myst. cap. 9. num. 45.

non jam latronis, sed Confessoris sui, sponsam suam, & orantem digna responsione confortavit: *Amen dico tibi: Hodie tecum eris in paradiso. Amen*, Hebræum est vocabulum, [s] & in se continet quasdam significationes diversas. *Amen* dicitur adverbium optandi, ut hîc cùm dicitur, Hoc bonum tibi contingat: respondetur, *Amen*. Adverbium affirmandi, ut hîc cùm dicitur: *Amen dico tibi*, idest, in veritate dico tibi. Verè dico tibi: [t] *Hodie tecum eris in paradiso*. Cui tibi? Tibi qui me confessus es in cruce tormentorum: *tecum eris in paradiso* deliciarum. *Mecum*, inquit, mira benignitas. Non dicit simpliciter, *Eris in paradiso*, vel cum Angelis eris: sed *tecum eris*. Satiaberis eo, quem desideras: videbis eum in Majestate, quem confiteris positum in infirmitate. Nec differo quod promitto: quia *hodie tecum eris*. Bonus verò & dulcis Jesus citò exaudit, citò dat. Quis de tam pio exauditore, veloci promissore, prompto redditore desperet? Speravimus in te, qui novimus dulce Nomen tuum: quoniam non derelinques quærentes te. Accedimus ergo ad te, ô bone Jesu, mente quâ possumus, sedentem in throno Majestatis; orantes ut illuc à te, & ad te meramur introduci, quò ingressus est tuus Latro te confessus in throno Crucis. Utinam & mihi (u) suam Deus acceleret gratiam, & multiplicet misericordiam: & sit ad restituendam innocentiam efficacior velox clementia quàm diuturna pænitentia. Beatus siquidem est, cui non imputabit Dominus peccatum. Nam quis accusabit ad-

ver-

s Ser. 7. in ult. Cena num. 47. & Tract. de vite myst. cap. 9. num. 45.
u Epist. 8, num. 1.

versus electum Dei? Si Deus justificat, quis est qui condemnet? Hoc salutis compendium sanctus ille Latro consecutus est, qui uno eodemque die simul & confessus latrocinia, & introductus est ad gloriam; brevi quodam contentus ponte Crucis ad transigendum de regione dissimilitudinis in terram viventium, & de luto facis in paradysum voluptatis. Hinc suam mentem exercent optimi quique [x] quod nesciunt utrum amore an odio sint digni. Et verè nesciunt & ignorant, quid superventura pariat dies, imò nec hora: quantò minùs sciunt, qualis eorum finis futurus sit, vel eorum qui modò mali sunt? Si Judam proditorem vidisses, cùm adhuc erat Discipulus & inter summos, eiicientem in nomine benigni Jesu dæmonia: vidissesquè Latronem postea cum Christo crucifixum, qui eatenùs institisset latrocinis & homicidiis, non dubitò quin Latroni Discipulum prætulisses: et tamen omnes scimus, quod uni alter in fine prælatus sit. Felicem Latronem intueor se accusantem (y) Christumque excusantem, & Dominum promittentem: *Hodie mecum eris in paradiso*. O quàm sublimis ista confessio, per quam de patibulo ad regnum, de terra ad Cælum, de cruce Latro damnatus ac crucifixus ad paradysum ascendit. O quàm longum cursum felix iste Latro complevit (z) qui consummatus in brevi explevit tempora multa. Istud modicum tempus quàm felix (a) quàm jucundum, quàm gloriosum fuit illi Latroni, qui in illo modico meruit à Domino suo audi-

x Tract. de vit. myst. cap. 29. num. 115. y Ser. 40. diver. num. 2. z Ser. 41. diver. num. 10. a Ser. 4. in ult. Canq. num. 30.

audire : *Hodie mecum eris in paradiso* . O Vox dulcis , ô vox delectabilis , *Hodie mecum eris in paradiso* . O Domine Jesu , quid dulcius , quid delectabilius , quid jucundius , quàm esse tecum in paradiso ? Nihil prorsus , penitus nihil . Quid ergo dicam , quid faciam , qui adhuc in hujus peregrinationis ærumna constitutus tam longè exulo à deliciis paradisi Dei mei ? O Jesu bone , esto mihi Jesus . Recole Salvator , quid & propter quid passus es , & miserere mei . Ipsa te cogat pietas , ut mala nostra superes parcendo , & voti compete nos tuo vultu saties . Tu esto meum gaudium , qui es futurus præmium . Sit mea in te gloria in sæculum sæculi . Amen .

§. I I I.

Amen dico tibi , [b] *hodie mecum eris in paradiso* . O quantam dulcedinem resonat verbum istud ? Quàm subito ex hoste factus est amicus , ex alieno familiaris , de extraneo proximus , de latrone Confessor . Pincerna Pharaonis in gradum pristinum restitutus [c] statim oblitus est Joseph Sancti , qui in carcere tenebatur . Non enim erant unius Capitis membra , nec aliqua pars fidei cum infidei , aut ulla societas Israelitæ ad Ægyptium , non plùs quàm luci ad tenebras . Interpretatur enim Ægyptus tenebræ , Israel verò videns Deum : atque ideo ubicunque Israel erat , lux erat . Non sic noster Jesus crucifixi secum Latronis potuit oblivisci : Factum est utique quod promissum est : ipsa die quâ compassus est ,

b Tract. de vit. myst. cap. 9. n. 44. c Ser. 5. de omz. Sam. n. 11.

est, & conregnabit. Sciendum autem est [d] quòd per portam misericordiæ ingressus est Latro ille Evang elicus, qui cū de profundo iniquitatis & ignorantiae solā Dei bonitate educus esset, in ipso mortis articulo ab ore putei gehennæ in deliciosam paradisi amænitatem est reductus. Per hanc portam ingrediuntur forsitan & illi, qui per totam vitam suam flagitiis & iniquitatibus servientes, cū morti pro suis sceleribus addicuntur, si plenam satisfactionem de malorum suorum perpetrations per veram cordis contritionem offerunt Deo: in caelestem Jerusalem per portam misericordiæ quandoque intraturi sunt. Scriptum est enim: *Quacunque hora peccator ingemuerit, saluus erit.* Et alibi: *Ubi te invenero, ibi te judicabo.* Iterum: *Sacrificium Deo spiritus contribulatus: cor contritum & humiliatum Deus non despicias. Miserere mei Deus [e] secundum magnam misericordiam tuam.* Sicut sunt peccata minima: sunt mediocria, sunt & magna: sic est misericordia parva, mediocris, & magna. Magnus ergo peccator magnā misericordiā opus habet: ut ubi abundavit delictum, superabundet & gratia. *Parvam* misericordiam dico expectationem illam, quā non statim punit Deus peccantem, sed expectat ad pœnitentiam: parvam autem non in se, sed ad comparisonem aliarum. Alioquin magna planè, magna omninò misericordia est expectatio Domini. Nam peccantem Angelum omninò non expectavit, sed præcipitavit: hominem quoque peccantem non distulit, sed protinùs expulit de paradisi-

d Ser. de 12. partis Jerusalem n. 2. tom. 6. pag. 850. e Ser. 13. di ver. num. 1.

radiso. Nunc jam expectat, dissimulat, sustinet decem annis, viginti, & usque ad senectutem & senium. Sed hæc est gratia Crucis Christi & virtus: *Vivo ego* (dicit Dominus) *nolo mortem peccatoris. sed ut magis convertatur & vivat.* Quantum verò mihi videtur, vox Christi resurgentis est ista. Ac si dicat: Velit nolit Judæus, vivo ego. Nolo mortem peccatoris, qui mori volui pro peccatoribus. Volo ut fructuosa sit mors mea, & copiosa per eam redemptio. Hanc ergo misericordiam Domini (f) quâ tardat ferire, paratus ignoscere, *parvam* non quidem in seipsa, sed in aliarum comparatione nominavi: quia hæc si sola quidem fuerit, nullatenus sufficit ad salutem, imò verò judicium damnationis accumulatur, ut dicat: *Hæc fecisti, & tacui.* Apostolum proinde audiamus more suo terribiliter intonantem: *An divitias bonitatis ejus* (haud dubium quia Dei) *& longanimitatis contemnis? Ignoras quoniam patientia Dei ad penitentiam te adducit? Tu autem secundum duritiam tuam & cor impenitens thesaurizas tibi iram in die iræ.* Thesaurizas, inquit, tibi thesauros iræ pro prærogatis thesauris misericordiarum quos contemnis, & evacuas in te misericordiam Dei. Sed secundum quid? *Secundum duritiam tuam*, ait, *& cor impenitens.* Quis autem scindet duritiam istam, nisi qui Passione sua petras scindit? Quis dabit cor pænitens, nisi à quo est omne datum optimum? Hæc est *secunda misericordia* omnino major priore (g) quæ facit ne prima sit infructuosa, & convertatur in damnationem mortis, dando scilicet pænitentiam, sine qua expectatio non modo

dd

f *Ibi 3. n. 2.* g *Ibidem num. 3.*

dò non prodest, sed abest plurimum. Et hæc quidem in levibus peccatis potest sufficere, quoniam in his à quibus abstinere non possumus dum gestamus corpus peccati, ad salutem sufficere potest *pœnitentia quotidiana*. Veruntamē(h) nemo contemnat aut parvi pendat. Impossibile est enim cum eis salvari, impossibile ea dilui, nisi per Christum Jesum, & à Christo. Nemo, inquam, perniciofa securitate dormitet, declinans in verba malitiæ ad excusandas excusationes in peccatis, quoniam (ut audivit Petrus ab ipso) nisi laverit ea Christus non habemus partem cum eo. Nec ideo tamen pro eis (idest pro peccatis venialibus) necesse est nimis esse sollicitos: ignoscet facilè, imò & libenter, si tantummodò nos agnoscamus. In hujusmodi namque quasi inevitabilibus & negligentia culpabilis est, & timor immoderatus. Hinc est quòd in oratione, quam ipse Dominus constituit, quotidie pro peccatis illis voluit nos orare. At in gravioribus quidem(i) & quæ peccata ad mortem sunt, opus est non modò pœnitentiâ, verùm etiam *continentiâ*. Difficilis prorsùs res, & soli Divinæ virtuti possibilis, susceptum semel peccati jugum à cervicibus excutere: quoniam qui facit peccatum, servus est peccati, nec est jam liberari nisi in manu forti. Hæc est *magna misericordia* magnis necessaria peccatoribus, de qua dicitur: *Miserere mei Deus, secundum magnam misericordiam tuam, & secundum multitudinem miserationum tuarum dele iniquitatem meam*. Quid dissimulant homines(k) in vita sua agere pœnitentiam,

h Ser. 1. in Cena Dom. n. 5. i Sermon. 13. di ver. num. 3. & 4.

k Ser. 75. di ver.

tiam, & extrema de Confessione præsumunt? Quomodò sub unius horæ articulo revocari posse æstiment omnia animæ membra, cujus concupiscientiæ & desideria per totum mundum sparsa sunt, & ubique terrarum velut quodam visco tenentur? Non dico (ait Dominus) quin & talium salvem aliquos, potens sum enim in momento omnia revocare: sed *non congregabo conventicula eorum de sanguinibus*: idest, qui in sanguine perseverant, donec multiplicatis infirmitatibus deferantur à peccatis antequam deferant ea, non magna talium conventicula congregabo. Si benè memini, in toto Canone Scripturarum unum Latronem inveniens sic salvatum. Noli ergo huic tam periculosæ expectationi credere temetipsum. Et quidem Spiritus non modò ubi vult, sed quando vult, spirat; nec ei difficile est de subito perfectam dare contritionem cordis, quam vix multo tempore alii consequuntur: sed unde scis quòd tunc tibi ita subvenire velit, quem tu interim sic repellis? Benignus quidem est Spiritus Sapientiæ, sed non liberabit maledictum à labiis suis. Audi quis ille sit: *Maledictus qui peccat in spe*. Quod ipse avertat à servis suis [1] Jesus Christus Dominus noster, qui est super omnia Deus benedictus in sæcula. Amen.

C A P U T I I I.

*De tertio Verbo , Christi quod in Cruce ,
locutus est ad Matrem suam pariter &
ad Joannem Discipulum suum.*

*Mulier, ecce filius tuus . Ecce mater tua .
Joan. 19.*

1. Ostenditur, Matrem Jesu ubique locorum vidisse
ea quæ passus est Jesus tam in Jerusalem, quàm
dum sibi baiularet Crucem & dum crucifigeretur,
dum penderet in Cruce : & ubique ploravisse com-
patiundo Filio suo patienti. 2. Proponitur nobis
ad considerandum, quantus fuerit in Christo affe-
ctus charitatis & compassionis erga suam Matrem
stantem juxta Crucem ejus, & sustinentem dolo-
rem morte crudeliorem. 3. Ostenditur, gladium
juxta prophetiam Simeonis tunc pertransisse ani-
mam Matris dolorosæ, cum in ea nimirum corpo-
reæ sensum passionis excefferit compassionis affectus
et. Gladius item fuit sermo ille: *Mulier, ecce filius
tuus . Et ideo plusquam Martyr non immeritò
creditur esse . Commendatur nobis charitas mu-
tua in illis verbis Christi, quæ locutus est ad Ma-
trem suam, & Joannem.*

§. I.

*Stabant autem juxta crucem Jesu Mater ejus, & so-
ror matris ejus Maria Cleophe, & Maria Magda-
lene.*

lene. Cùm vidisset ergo Jesus Matrem, & Discipulum stantem quem diligebat, dicit Matri suae: Mulier, ecce filius tuus. Deinde dicit discipulo: Ecce mater tua. Et ex illa hora accepit eam discipulus in suam. Joan. 19.

PRæparemus nunc visum [a] pariter & auditum cordis nostri, ad videndum tertium folium Vitae nostræ. *Mulier* (inquit) *ecce filius tuus. Ecce mater tua.* Cogitare nunc libet [b] quantus dolor tunc infuit Matri Jesu, cùm etiam dolebant quæ insensibilia erant. Nec lingua poterit loqui, nec mens cogitare valebit, quanto dolore afficiebantur pia viscera Mariæ. Nunc solvis Virgo cum usura, quod in partu non habuisti à natura. Dolorem pariendo Filium non sensisti, quem millies replicatum Filio moriente passa fuisti. Putasne Domina mundi (c) Domina mea, Mater dilecti ejusdem Christi, est ne verum quod dico? En obsecro ut dicas servulo tuo veritatem hujus rei. Obliviscere tamen causam doloris (rogo) quem tunc passam te fuisse non dubito. Utinam dolor ille sic quotidie inhæreat viscensibus meis, sicut inhæsit tunc tuis. Utinam die illa, quâ assumpta fuisti in cælum ut in æternum gauderes cum Filio tuo, mihi indicasses lachrymas tuas, ut per illas cognoscerem quantum tibi amaritudinis fuit, cùm Jesum dilectum tibi (heu, heu, & parum dilectum mihi) clavis in ligno confixum, capite inclinato suum sanctissimum exhalare videres

1 Ser. 34. in Cant. n. 4. a Tract. de vit. myst. cap. 10. num. 40.
b Ser. de lament. B. M. V. num. 8. tom. 6. pag. 1059. c Ibidem num. 2.

res spiritum. Sed peto Domina mea, nec te moveant verba mea quæ dico, cum tamen saxa deberent scindi ad illa. Quis unquam regnans in cælo sursùm, aut peregrinans in terra deorsùm, audiens vel mente pertractans quomoddò factus est opprobrium hominum ipse Dominus Angelorum, poterit lachrymas continere etiam in cælo, ubi est impossibile flere? Quare ergo miser non ploro, cum abjectio plebis factus est Filius Dei Patris? Verumtamen tu Domina gaude gaudio magno valdè, ab ipso nunc glorificata es in cælis, quæ in mente tantis clavis amarissimis fuisti confixa suæ piissimæ mortis. Mihi tamen, obsecro, lachrymas illas infunde, quas ipsa habuisti in sua Passione: & ut his affluam largiùs, de Passione Filii tui Dei mei & Domini mei verba adinvicem conferamus. Enarra mihi seriem veritatis, te flagito quæ Mater es & Virgo, & templum totius Trinitatis? Ad quem illa: [d] Illud quod quæris, compungitium est magni doloris. Sed quia glorificata sum; ultrà jam flere non possum: tu cum lachrymis scribe ea; quæ cum magnis doloribus ego persensi. Cui inquam: flere peropto, quia & mihi nihil aliud libet, sed ego miser cor lapideum habens flere non possum. Regina cæli, Mater crucifixi, da quod jubes, & præbe quod cupio: loquere, quia audit servus tuus. Dic Domina mea, si in Jerusalem eras tunc quando Filius tuus captus fuit & vinctus, & in Annæ atrium tractus & ductus? Cui illa respondit: Fui itaque in Jerusalem quando hæc audiui, & gressu qualicunque potui, sed vix potui, ad Dominum meum veni

S f

plo-

d *Ibidem num. 3.*

plorans . Cùmquē ipsum fuisset intuita pugnis percuti , alapis cædi , in faciem conspui , spinis coronari , & opprobrium fieri : commota sunt viscera mea , & defecit spiritus meus , & non erat mihi ferè sensus , neque vox , neque sonus . Cùmquē Christus Deus (præcone clamante , Pilato imperante) sibi bajulans Crucem ad supplicium traheretur , factus est concursus populorum post eum euntium : alii super eum plangentes , alii illudentes : & proiicientes lutum & simum & immunditias super Caput ejus . Sequebar ego eum prout poteram ejus mæstissima Mater cum mulieribus illis , quæ eum secutæ fuerant à Galilæa ministrantes ei : à quibus velut emortua tenebar & sustentabar , quousque perventum est ad locum passionis ubi crucifixerunt eum ante me . Et ipse me videns fuit in Cruce elevatus , & ligno durissimis clavis affixus . Stabam & ego videns eum : & ipse videns me , plùs dolebat de me quàm de se . Aspiciebam ego misera Mater (e) Deum meum & Filium meum in Cruce pendentem , & morte turpissima morientem . Tantoquē dolore & tristitiâ vexabar in mente , ut non posset explicari sermone . Nec mirum . Manebat namque Sanguis ejus ex quatuor partibus rigantibus undis , ligno manibus pedibusquē confixis . De vultu illius pulchritudo effluerat omnis , & qui erat præ filiis hominum speciosus formâ , videbatur omnium indecorus . Videbam quodd complebatur illud verbum Propheticum in eo : *Vidimus eum , & non erat ei species , neque decor* . Vultum enim illius iniquorum Judæorum sædaverat livor . Ille erat dolor meus maximus , quia

vide-

videbam me deferri ab eo quem genueram, nec super erat alius, quia mihi erat unicus. Vox mea ferè perierat omnis, sed dabam gemitus spaciaquè doloris. Volebam loqui, sed dolor verba rumpebat: quia verbum jam me ante conceptū, dum ad formationem procederet oris, ad se imperfectum revocabat dolor intimus cordis. Vox triste sonabat foris, vulnus denuncians mentis. Verba donabat amor, sed raucè sonabant, quia lingua magistra vocis usum perdiderat loquendi. Videbam morientem, quem diligebat anima mea, & tota liquefiebam præ doloris angustia. Aspiciebat & ipse benignissimo vultu me matrem plorantem, verbis paucis voluit me consolari, sed ego nullo modo consolari potui. Flebam dicendo, & dicebam flendo: *Fili mi, Fili mi: Va mihi, va mihi. Quis dabit mihi ut ego moriar pro te Fili mi?* O misera quid faciam? Moritur Filius meus. Cur secum non moritur hæc mæstissima mater ejus? *Mi Fili, Fili mi. Amor unice, fili dulcissime noli me derelinquere post te: trabe me ad te ipsum, ut & ego moriar tecum.* Malè solus moreris. Moriatur tecum ista tua genitrix. O mors misera noli mihi parcere, tu mihi sola præcunctis places, exaggera vires, trucida matrem, matrem cum filio perime simul. Fili dulcor unice, singulare gaudium, vita animæ meæ, & omne solatium, fac ut ego ipsa nunc tecum moriar, quæ te ad mortem genui: sine matre noli mori. O fili, recognosce miseram. & exaudi precem meam. Decet enim filium exaudire matrem desolatam. Exaudi me obsecro, in tuo me suscipe patibulo, ut qui una carne vivunt, & uno amore se diligunt, una morte pe-

& si non vis ut moriar tecum, mihi saltem relinque aliquod benignum consilium.

S. I I.

Tunc jam Dominus Jesus anxius in cruce (g) annuens oculis & vultu de Joanne ait: *Mulier, ecce filius tuus.* (Erat enim Joannes, præsens, vultu tristis, & corde mæstissimus, lachrymis semper plorans.) Ac si diceret: O Mater dulcissima, mollis ad flendum & dolendum, tu scis quia ad hoc veni, & ad hoc de te carnem assumpsi, ut per crucis patibulum salvarem genus humanum. Quomodo ergo implebuntur Scripturæ? Sic enim oportet me pati pro salute generis humani. Die namque tertia resurgam, tibi & discipulis meis patenter apparens: desine flere, & dolorem deponere, quia ad Patrem vado, & ad gloriam paternæ majestatis percipiendam ascendo. Congratulare mihi, quia nunc invenni ovem errantem, quam tam longo tempore perderam. Moritur unus, ut totus inde reviviscat mundus. Unius ob meritum cuncti perire homines, & nunc salvantur unius ob meritum. Quod placet Deo Patri, quomodo displicet tibi? Mater dulcissima, calicem quem dedit mihi Pater, non vis ut bibam illum? Noli flere mulier, noli flere Mater speciosissima: non te desero, non te derelinquo Tecum sum, & tecum ero omni tempore sæculi. Secundum carnem subjaceo imperio mortis: Secundum Divinitatem sum & ero semper immortalis & impassibilis. Benè scis unde processi, & unde ve-

St 3

ni:

pi: Quare ergo tristaris, si illuc ascendo unde descendendi? Tempus est ut revertar ad eum qui me misit. Et quò ego vado, tu non potes venire modò, venies autem postea. Interim Joannes qui est nepos tuus, reputabitur tibi filius, curam habebit tui, & erit solatium fidelissimum tibi. Inde Dominus intuitus Joannem, ait: *Ecce mater tua*. Ei servies, curam illius habebis: eam tibi commendo, suscipe matrem tuam, imò magis suscipe matrem meam. *Mulier*, inquit (h) *ecce filius tuus. Ecce mater tua*. Verbum bonum & suave, verbum mirabile, magnum continens piæ charitatis affectum. Certè nos legimus Dominum Jesum maximè cùm ad ætatem provectam accesserat, charissimè Matri tuæ familiaris adhæsisse, & cum ipsa frequentius convivatum esse, & præ cæteris mitius allocutum. Sed quantus in ipso fuerat circa Matrem charitatis affectus jam corporaliter recessuro, brevibus intimavit verbis. Et ut crucis suæ taceam passionem, quanta circa beatam Matrem compassione mutua credis affectum fuisse, cujus cor mitissimum tam valido doloris sui gladio transverberatum perfectè sciebat: adhuxit vulnere passionem materna compassio, quam contritissimo corde, manibus complois, oculis lachrymarum torrente fluentibus, vultu contracto, voce querula, & totis viribus cordis destitutam, viriliter cùm vidit sibi astare pendenti. Quoties ipsam ad illa immitia vulnera verecundos putas oculos elevasse: si tamen eos aliquando inde deflexit, vel si præ nimio fluxu lachrymarum potuit intueri. Quoties ipsam propter verecundiam virginalem

lem pariter & immensitatem doloris stantem (ut æstimo) capite cooperto ingemuisse putas lugendo filium, & dicendo: *Fili mi Jesu, Jesu Fili mi. Quis mihi det ut tecum & propter te moriar, Fili mi dulcis Jesu?* Quoties ipsam præ immensitate doloris credis potuisse deficere? imò ipsam summè miror etiam mortuam non fuisse. Moriebatur vivens, vivendo ferens dolorem morte crudeliorem. Sed ne moriendo deficeret, à Filio pro ipsa mortalitate confortata est. Confortata est intrinsecus, exterius verò & verbis & factis piè consolata. Quomodo *Stabat juxta Crucem Jesu Mater ejus?* Verè juxta Crucem stabat, quia crucem Filii præ cæteris Mater majore cum dolore ferebat. Stabant & aliæ mulieres, sed proxima stabat mater dolorosa. Ipsa inquã juxta crucem Christi stabat emortua mater (i) quæ ipsum ex Spiritu Sancto concepit, Vox illi non erat, quia dolore attrita stans pallebat. Quasi mortua vivens vivebat moriens moriebatur vivens, nec mori poterat quæ vivens mortua erat. In illius anima dolor sævè sæviebat. Optabat mori magis quam vivere post mortem Christi, quæ malè vivens mortua erat. Ibi stabat dolens, sævo dolore confecta. O verum eloquium justì Simeonis, quem promisit gladium sentiebat doloris. Stabat juxta crucem Maria, intuens vultu benigno Christum pendentem in patibulo: pedumque summitatibus innitens manus levabat in altum, amplectens rubricatam Crucem, ac in oscula ejus ruens ea parte, quã unda preciosissimi Sanguinis defluebat. Sursùm manus nisu quo poterat extendebat, unicum suum Filium amplecti

desiderans , nec valebat. Superat enim amor multa , quæ nunquam vel rarè fieri possunt : impatiens siquidem amor credit , quòd sibi debeant cedere universa . Volebat amplecti Christum in alto pendentem , sed manus frustra protensæ in se complexæ complexæ redibant . Levabatur à terra sursùm , ut dilectum suum Jesum contingeret : ipsumquè tangere nequiens , durissimè recollidebatur ad terram . Ibi doloris immensitate oppressa prostrata jacebat : Sed maxima vis amoris quâ incensa mens ejus ardebat , eam erigere compellebat . Et amoris impetu surgens , reextensis manibus suum attrectare Filium affectabat : & rursùm magno cruciata dolore , terram repetere cogeatur . O quàm malè tunc illi erat ! Gravius illi erat vitâ vivere tali , quàm diro gladio sævè necari ab impiis . Tanquam mortis pallor ejus vultum perfuderat , genis & ore tantùm cruore Christi rubentibus : cadentes guttas Sanguinis ore Sacro tangebant , terram deosculans sæpissimè quam cruoris unda rigabat . O grave martyrium ! O frequens suspirium ! O languens pectus virginem ! Anima ejus tota liquefacta est , facies pallet rosea , sed precioso Filii Sanguine rubet respersa . — vulnera Christi morientis [k] erant vulnera matris dolentis . Dolores sævi , fuerunt tortores in anima matris . Mater erat laniata morte charipignoris . Mente mater erat percussa cuspideteli , quo membra Christi foderunt servi iniqui . Ipsa enim erat quam dolor tenebat . In mente ejus creverant immensi dolores , nec poterant extra refundi . Intùs atrociùs sævientes dolores Nati , matris animam gladiabant .

In

In carne Christus solvebat debitum mortis quod gravius erat, quàm mori in anima Matris.

§. I I I.

Cum ergo vidiſſet Jeſus matrem (l) & diſcipulum ſtantem quem diligebat, dicit matri ſuæ: Mulier, ecce filius tuus. Deinde dicit diſcipulo: Ecce mater tua. Ac ſi diceret: Tu me filio corporaliter privaris, unde tibi amicum præcupctis dilectum in filium do, cujus præſentiâ interim dum abſum conſoleris. Tu verò me patre ſpoliaris, unde hanc Matrem mihi chariſſimam tibi in matrem do. Dum hæc pauca diceret (m) illi duo dilecti lachrymas fundere non ceſſabant. Tacebant ambo illi Martyres, & præ nimio dolore loqui non poterant. Iſti duo Virgines audiebant Chriſtum voce rauca & ſemiviva loquentem, ipſum videbant paulatim morientem: nec ei poterant reſpondere verbum, quia illum videbant quaſi jam mortuum. Erant enim illi duo quaſi jam mortui, unde ſpiritus illorum voces exhalare nequibant. Defecerunt ſpiritus illorum, & virtutem loquendi amiſerant. Audiebant & tacebant, quia præ anguſtia loqui non poterant. Solus illis dolor luctuſque remanſit amicus. Amabant flere, & flebant amarè. Amarè flebant, quia amarè dolebant. Nam gladius mortis Chriſti animas utrorumque tranſibat. Tranſibat ſæuus, ſæuus perimebat utrumque. Quò magis amabat, eò ſævior fiebat in Matre. Proinde (n) ſpeciali quodam ſplendore in
Ma.

^l *Tract. de vit. myſt. cap. 10. n. 47. m Ser. de lament. B. M. V. num. 7. n Ser. 1. de Vig. Deip. num. 7. & 14.*

Maria Virgine coruleat *martyrium cordis*. Martyrium sanè Virginis Mariæ tam in Simeonis prophetia, quam in ipsa Dominicæ Passionis historia commendatur. *Positus est hic* (ait Sanctus Senex de parvulo Jesu) *in signum cui contradicetur: & tuam ipsius animam* (ad Mariam autem dicebat) *pertransibit gladius*. Vere tuam, o beata Mater, animam gladius pertransivit. Alioquin non nisi eam pertransiens, carnem Filii tui penetraret. Et quidem posteaquàm emisit spiritum tuus ille Jesus (omnium quidem) sed specialiter tuus ipsius planè non attigit Animam crudelis lancea, quæ ipsius (nec mortuo parcens, cui nocere non posset) aperuit latus: sed tuam utique animam pertransivit. Ipsius nimirùm Anima jam ibi non erat, sed tua planè inde nequibat avelli. Tuam ergo pertransivit animam vis doloris, ut plusquam Martyrem non immeritò prædicemus, in qua nimirùm corporæ sensum passionis excesserit compassionis affectus. An non tibi (o) plusquam gladius fuit sermō ille revera pertransiens animam, & pertingens usque ad divisionem animæ & spiritûs: *Mulier, ecce filius tuus?* O commutationem! Joannes tibi pro Jesu traditur, servus pro Domino, Discipulis pro Magistro, filius Zebedæi pro Filio Dei, homo purus pro Deo vero. Quomodò non tuam affectuosissimam animam pertransiret hæc auditio, quando & nostra licet saxea, licet ferrea pectora sola recordatio scindit? Non miremini fratres, quò de Maria Martyr in anima fuisse dicatur. Miretur, qui non meminerit se audisse Paulum inter maxima Gentium crimina memorantem, quòd

quodd *sine affectione* fuissent . Longe id fuit à Mariæ visceribus , longè sit à servulis ejus . Alioquin vae nobis à duritia cordis nostri (p) vae à peccato Gentium, quas Apostolus memorat *sine affectione* . Sed fortè quis dicat: (q) Numquid non præscierat moriturum suum filium Virgo mater ? Et indubitanter . Nūquid non sperabat continuè resurrecturum ? Et fidenter . Super hæc doluit Crucifixum ? Et vehementer . Alioquin quisnam tu frater , aut unde tibi hæc sapientia , ut mireris plùs Mariam compatientem, quàm Mariæ filium patientem ? Ille etiam mori corpore potuit , ista commori corde non potuit ? Fecit illud charitas , quâ majorem nemo habuit : fecit & hoc charitas , cui post illam similis altera non fuit . Utinam Domina mea (r) Mater dilecta ejusdem Christi, dolor ille sic quotidie inhæreat visceri meis , sicut inhæsit tunc tuis . O Domine Jesu (s) in illo modico tempore Domina mea , Mater tua , imò Martyr tua , Martyr non ferro carnificis sed acerbo dolore cordis , quàm amarè flebat , quàm amarè dolebat ? Nec mirum , cum te videret Unicum suum Filium, totum desiderium suum in Cruce extensum, morti vicinum, imò inclinato Capite tradere spiritum . Istud modicum Domine Jesu amarum tibi & amarum dulcissimæ Matri tuæ , utinam amarum sic effet mihi , ut in isto modico fuisset juxta Crucem Domini mei , ut quem adhuc videre non possum cum Patre manentem , saltem in Cruce positum morientem videre mervissem . Sed

mo-

p Ser. 5. de omn. san. num. 6. q Ser. 1. de Virg. Deip. num. 15.
 r Ser. de lament. B. V. M. num. 2. s Ser. 4. in ult. Canna n. 30.

movet me(t) quòd cū dixisset, *Jesus Mulier ecce filius
 tuus*: subjunxit, *Ecce mater tua*: cū utique etiam si
 hoc non subjunxisset, necessarium fuisset eam esse ma-
 trem illius qui in filium sibi datus erat. Sed hoc mutuae
 charitatis affectum mihi commendare videtur. Sunt
 enim nonnulli qui ab omnibus amari volunt, sed
 nullos affectu mutuo complectuntur. Nolunt ut
 eorum labores & dolores allevientur: & cū fe-
 rantur à pluribus, ipsi nullius onera volunt portare.
 Non hoc enim Christus docuit, aut fecit. Portavit
 enim onera tua invitās te, o homo ut & tu onera portes
 illius: id est, ut tu passiones illius imiteris. Christus
 enim passus est relinquens nobis exemplum, ut se-
 quamur vestigia ejus. Hoc & docuit cū Matrem
 discipulo, & Matri discipulum mutuo commenda-
 vit: nimirum nolens ut charitas spiritualis ex una
 parte frigida remaneret, sed ut simul dormientes,
 id est in vera & pura charitate simul quiescentes
 mutuo calefiant: id est, alter ab altero ad charitatis
 exercitia mutuo accendantur. Hoc enim est efficax
 signum veræ & puræ charitatis, quòd hi qui spiri-
 tuali dilectione connectuntur per puram charitatem,
 ad exercitia spiritualia alterutrum accendunt, ut de-
 votiùs orare, sæpiùs genu flectere, frequentius disci-
 plinam corporalem sumere libeat: præcipuè cū
 nec invidet, imò congaudeat amans quisque, si
 tertius vel quartus vel plures ad charitatem illius
 quem ament, se adjungant: dummodò tales sint
 quorum familiaritas non sit suspecta, sed in his omni-
 bus & in his similibus charitatis fervore perseveran-
 tiā conservant. Non enim bonum videtur habuisse

fon-

fontem rivus charitatis aliquando decrescens. Amemus ergo & nos invicem, & amoris efficaciam operibus approbemus: quia talis charitas ex Deo est, quæ finis est præcepti, & legem implet. O felix & beate Joannes (u) cui talem thesaurum Dominus dignatus est commendare! O Christi dilecte præ omnibus, & prudens quem constituit Dominus privatum Camerarium Aulæ suæ speciosissimæ. Retribuatur tibi Dominus vicissitudinem amoris mercedemquæ dilectionis, quam in ejus acua Matre taliter desolata usque ad finem vitæ suæ exhibere curasti. Benedictus quidem tu es à Domino. Quia [x] supra pectus Domini in cæna recubuisti: cui Christus in Cruce Matrem Virginem virgini commendavit, cui nihilominus adhuc in mortali carne constituto revelata sunt secreta cælestia. Benedictus es tu & à Matre Domini [y] quam dilexisti, & cui servivisti puro corde, & mundo corpore. Benedicti sint omnes, qui diligunt Virginem Matrem. Et super omnia sit benedictus fructus ventris sui Jesus Christus Dominus noster, qui cum Patre & Spiritu Sancto vivit & regnat in æternum, & in sæcula sæculorum. Amen.

C A P U T I V.

De quarto verbo Christi, quod in Cruce protulit ad Deum Patrem voce magna.

Deus

u Cer. de lament. B. M. V. num. 14. x Tract. de 3. princip. myst. cap. 10. num. 30. y Ser. de lament. B. M. V. num. 14.

Deus meus, Deus meus, ut quid dereliquisti me? *Matt. 27.*

1. Ostenditur, Christum ex Patre nascentem, in Patre cubantem, cum Patre sedentem, à Patre ambulantem, pro Patre stantem, sub Patre pendentem, sine Patre morientem in Cruce. Docemur, Christum sibi coniunxisse duas naturas in una persona, scilicet humanitatem & Divinitatem: in quarum singulis operatus est salutem nostram.
2. Ostenditur, Christum per suam vocem magnam indicavisse acerbissimam magnitudinem doloris. non autem impatientiam. Docemur ut in patiundo triplex malum, adhibeamus pariter triplicem providentiam, revocantes etiam in memoriam patientiam Martyrum.
3. Ostenditur, Christum in Cruce exclamavisse ex persona hominis assumpti, & oravisse pro tota Ecclesia sua ut ista patiundo persecutiones non deficiat in amore Christi & patientia. Docemur qualis sit intelligenda derelictio Christi. Ostenditur, bonum esse tribulari in hoc mundo propter amorem Christi Dei nostri.

§. I.

Circa horam nonam exclamavit Jesus voce magna dicens: Eloi, Eloi, lammasababthani? Quod est interpretatum: Deus meus, Deus meus, ut quid dereliquisti me? Quidam autem de circumstantibus audientes, dicebant: Ecce Eliam vocat iste. *Matt. 27. & Mar. 15.*

Cogno-

Cognosce anima mea [a] cognosce: hic est Dominus Deus noster, Jesus Christus Salvator tuus, Unigenitus Dei Filius, verus Deus, verus homo: qui solus sub Sole sine macula inventus est. Et ecce [b] positus est hic in inimiti lectulo mortis suæ, Crucem dico. Ausculta auribus erectis, & in dolore tanto quod proferat verbum semel auditum, pro preciosissimo reconde thesauro in cubiculo cordis tui. David meus [c] imò Jesus meus, & Dominus meus ante portam civitatis in tympano suæ Carnis tympanizabat & psallebat, dicens: *Eloi, Eloi, lam-masaba-ethani?* Hoc est: *Deus meus, Deus meus, quare me dereliquisti?* Commendant nobis Sacræ Literæ [d] Christum Dominum & ex Patre, & in Patre, & cum Patre, & à Patre, & pro Patre, & etiam sub Patre. Quod dicitur *ex Patre*, ineffabilis est Nativitas: quod *in Patre*, consubstantialis Unitas: quod *cum Patre*, æqualitas majestatis. Sanè tria hæc ab æterno. Cæterum si ex Patre nascens, quid in Patre, aut cum Patre? Non incongruè forsitan in Patre cubans, cum Patre sedens dicatur. Et audite confessus & hujus accubitus rationem. Sicut enim sessio Majestatem, sic confessio æqualem exprimit Majestatem: præsertim cum sit ei sedes à dextris Patris, non sanè sub pedibus, vel quasi à tergo. Et sedere quidem jam quiescere est, sed jacere magis. Quid autem delectabilius & quodammodò dulcius esse videbitur Filio, quod in Patre est, an quod cum Patre omnibus præest? In quo putas horum summa: illa
pax

a Ser. de Pass. Dom. num. 15. b Tract. de vit. myst. cap. 7.
c Ser. 4. in ult. Cena num. 20. d Ser. 5. de Verb. Esa. num. 2.

pax Dei quæ exuperat omnem sensum, & singularis requies Domini competentius assignetur? Etsi dignè ore id exprimi nequeat, corde tamen forsitan piè concipitur: ut salvâ quidem in omnibus illius indivisibili simplicitate essentia, inter gloriæ æqualitatem & substantiæ unitatem, velut similis quædam ei, quæ inter confessum & accubitum est, cogitari posse distinctio videatur. Jam verò quod dicitur à *Patre* [e] ambulanti significat, & ad incarnationis Christi adventum spectat. Hinc nimirum & ipse ait: *Ego enim à Deo processi, & veni*. In terris denique visus, & cum hominibus conversatus medius nostrum quem nesciebamus stetit, verus quidem Emmanuel nobiscum Deus, nobiscum stans, sed *pro Patre*. Quod enim nobiscum stetit, *adiutorium*: quod pro Patre stetit, *zelum* designat. Paternam namque quærebat in omnibus gloriam cuius & venerat facere voluntatem. Unde [f] & vitæ quoque ipse Salvator prætulit virtutem obedientiæ, eligens magis Animam ponere, quàm obedientiam non adimplere. Ceterum si pendentem [g] consideres, si Christum & hunc crucifixum attendas, ibi maxime evidentissimequè eum *sub Patre* reperies. Hoc enim propriè ac specialiter ad humanæ pertinuit naturæ humilitatem, secundum quam ipse ait: *Pater major me est*. Dicerene audebimus, quod aliquando fuerit etiam *sine Patre*? Nemo id præsumeret, si non prior ipse dixisset: *Deus meus, Deus meus, ut quid dereliquisti me?* Quasi quædam enim ibi derelictio fuit, ubi nulla fuit in tanta necessitate Virtutis ex-

e *Ibidem* num. 3. f *Tract. de vit. & mor. Cleric. cap. 1. nu. 1.*
g *Ser. 5. de verb. Esa. num. 3.*

exhibitio, nulla ostensio Majestatis. Habemus itaq; [h] Christum ex Patre *nascentem*, in Patre *cubantem*, cum Patre *sedentem*, à Patre *ambulantem*, pro Patre *stantem*, sub Patre *pendentem*, sine Patre quodammodò *morientem*. Quis impotentior eo (i) cujus omnia membra clavis affixa, cujus omnia dinumerantur ossa? Quis insipientior eo, qui tradebat in mortem Animam suam, & quæ non rapuit tunc exolvebat? Hoc igitur est (K) propter quod exinanivit se formam servi accipiens, qui in forma Dei Patrìs æqualis erat: sed exinanivit majestate & potentia, non bonitate & misericordiâ. Sicut autem Mediator noster duas naturas (l) Humanitatem videlicet & Divinitatem conjunxit in una persona: ita singula ejus opera ad hanc, sive illam necesse est pertinere naturam. Ad hanc siquidem miseria, sed ad illam pertinet potentia. Quidquid enim miseriæ passus est, ex homine contraxit. Quidquid potenter operatus est, à Patre habuit. In Arca testamenti (m) *thuribulum*, manna & virga erant recondita. *Thuribulum* sacrosanctam Carnẽ significat Salvatoris: quæ aurea dicitur, quia nullius passa est detrimentum pudoris. *Carbones* *thurituli*, sunt opera Jesu Christi. *Carbones* isti aliquando mortui, quandoque verò erant ignei: quia in Salvatore nostro nunc propria tolerabat Humanitas, nunc propria faciebat Divinitas. Ignis in carbone, divinitas est ignescens in opere. Ignis in prunis, evidens est indicium Divinitatis. Carbo mortuus, in præsepio jacens:

T t

cens:

h *Ibidem* n. 4. i *Ser.* 4. in *Ascens.* Dom n. 6. K *Ser.* 1. in *nat.* Dom. n. 2. l *Ser.* de *verb. sap.* n. 7. tom. 6. pag. 771. m *Ser.* de B. M. Deip. num. 11. tom. 6. pag. 766.

cens: igneus, dæmonia expellens. Carbo mortuus, in Ægyptum fugiens: igneus, vendentes & ementes columbas de templo eiiciens. Carbo mortuus, dormiens in navi: igneus, imperans ventis & mari. Carbo mortuus, subditus parentibus: igneus, quatuor satians hominum millia de septem panibus. Carbo mortuus, ad puteum Jacob rogans potum: igneus, circa Hierico illuminans cæcum, & sanans leprosum. Carbo erat mortuus, dum à diabolo tentaretur: igneus, dum ei ab Angelis ministraretur. Carbo erat mortuus in proditione discipuli: igneus in filio Reguli. Carbo erat sopitus ante Præsidem: igneus circa Tyberiadem. Carbo erat sopitus, dum ei Herodes illuderet: igneus, dū mortuorum fuscitator magnificus fieret. Carbo erat sopitus, dum ei acetum cum felle mixtum propinaretur: igneus, dum ab eo decem leprosi mundarentur. Carbo erat sopitus, dum à Judæis se absconderet: sopitus, dum cum publicanis & peccatoribus ederet. Carbo erat sopitus, dum ambularet super undas: igneus, dum ex aqua factò vino lætificaret convivas. Carbo erat sopitus, jacens in cunabulis: igneus, fulgens in miraculis. Carbo erat sopitus ante tribunal Præsidis: igneus in filia Chananitidis. Carbo erat sopitus in Cruce: igneus in monte Thabor. Prunæ ergo mortuæ erant Humanitatis opera: prunæ ignitæ erant Divinitatis miracula.

§. I I.

Sed jam (n) ad videndum quartum folium Vitis nostræ & quartam chordam audiendam oculum simul & aurem cordis adaptemus. Acutos petit hoc folium oculos, & aures benè purgatas requirit hæc chorda: imò & ipse Dominus Jesus purgare & acuerre potest aures & oculos, quia jam nō simpliciter hoc verbum ut cætera dixit, sed ut testatur Evangelista: *Circa horam nonam exclamavit Jesus voce magna: Eloi, Eloi, lamma sabacthani? quod est interpretatum: Deus meus, Deus meus, ut quid dereliquisti me?* Qui oculi hoc folium non videant? quæ aures hanc chordam non audiant? Quare ergo clamavit, nisi ut fortiùs audiatur? Quãti fuit doloris putas acerbissima hæc magnitudo, cùm hoc Dominus Jesus toto corpore distentus clamabat? Sed cave nè propter clamorem putes ad impatientiam dilapsum esse Dominum Jesum. Cùm enim in summa crucis esset amaritudine, nihil exivit de ejus corde, nisi dulcedo. Patientiam enim (sicut in sequenti verbo quinto ostendemus) in amarissima passione retinuit, & sui doloris magnitudinem ostendit. Quod & in beato Job (qui interpretatur dolens) in verbis & factis ejus priùs ostensum fuit: qui auditis nunciorum verbis, amaritudinem animi foris ostendit in verbis. *Scissis enim vestibus, & tonso crine capitis, corruit in terram.* Ecce magnitudo doloris. Post hoc ait: *Dominus dedit, Dominus obtulit: sicut Domino placuit, ita factum est: sit nomen Domini benedictum.*

T t 2

Ecce

Ecce virtus patientiæ . Si patienter Job misérias suas, quantò patientiùs putas Dominum Jesum sustinuisse crucem suam , pro qua sustinenda venerat ? Agnosce ô homo (o) quàm gravia sunt vulnera animæ tuæ , pro quibus necesse fuit Dominum Christum vulnerari . Pro hujusmodi autem (p) patientiam debes Deo, quia ab eo salvandus es . Per multas enim tribulationes oportet nos intrare in regnum cælorum. Sed in patièdo malum (q) quoniam triplex est , triplicem providentiam adhibere te oportet . Est enim quod à te pateris , quod à proximo , quod à Deo. *Primum* est austeritas pœnitentiæ: *secundum* est vexatio alienæ malitiæ : *tertium* est flagellum correctionis Divinæ . In eo quod à te pateris , debes voluntariè sacrificare : quod à proximo pateris , debes patienter ferre : quod à Deo pateris , debes sine murmure , & cum gratiarum actione sustinere . Quod namq; malū pati non possis [r] cū videas Martyres juvenes , pueros , virgines , anus , senes , decrepitos, diversa pro Christo non solū excepisse , sed exquisivisse tormenta ? Considera puerorum ætatem , juvenum ignem , virginum teneritudinem , annum fragilitatem , senum infirmitatem , impossibilitatem decrepitorum; & ubicunque reflexeris oculos , invenies in his ætatibus multitudinem exemplorum ad palmam martyrii viriliter cucurrisse . Numquid de eodem luto formatus es tu , & eodem spiritu inspiratus ? Et forsitan non ingruit persecutio ut martyrium patiaris , nec damnaris si Christo servis , imò laudaris , & ab omnibus prædica-

o Ser. 3. in Circūmc. Dom. num. 4. p Ser. 2. de Resur. Dom. n. 10.
 q Ser. 1. de SS. Petro & Paulo num. 5. r Ser. 40. diver. num. 9.

dicaris. Quodsi & persecutio imminet, contemnenda est propter brevitatem. Benè enim natura providit, quòd nullum dolorem vel longum vel magnum esse demonstrat. Si autem magnus est, longus esse non potest. Conjunctio enim corporis & animæ exquisita diu tormenta non sustinet, sed stuporis magnitudine tremefacta, summa velocitate dissolvitur. Magni ergo animi est magna tormenta contemnere, quòd in brevi tantam pariunt mutationem, ut de labore ad requiem, de miseria ad gloriam patientem faciant evolare. Consideranda est etiam fragilitas corporis, quam sæpè aut aliquis levissimus casus, aut incandentis febriculæ cumulata congeries, brevi possunt suffocare momento. Tribue ergo virtuti, si necessitas fuerit, quod quandoque debes necessitati, pro brevi periculo sempiternum præmium adepturus. Vide ergo ne per impatientiam pereas (s) sed universa pro Christo sustine: quia ipse prior majora pro te sustinuit, & apud quem infructuosa patientia non erit, sicut ait Propheta: *Patientia pauperum non peribit in finem*. Patientes possident animam suam [t] quibus dicitur: *In patientia vestra possidebitis animas vestras*. Denique (u) Propheta ait: *Urbs fortitudinis nostræ Sion, Salvator ponetur in ea murus & antemurale*. Murus est continentia, antemurale est patientia. Bonus continentia murus, qui sic undique circumdat & circumcingit, ut nec per oculorum fenestras, nec per cæteros sensus detur ingressus morti. Bonum antemurale est patientiæ, quod primos hostium sustinet

T t 3

im-

s Ser. 2. de Resur. Dom. num. 10. t Ser. 98. diver. u Ser. 3. in dedicat. Eccl. num. 1.

impetus, ut inter plurima tentamenta stemus viriliter, & perseveremus jugiter inconcussi. Unicum quippè remedium est dum continentia quatitur & quodammodò nutat, obiiicere patientiam, & quantumcunque ferveat sensus peccati, negare omnimodè consensum: *In patientia vestra* (inquit) *possidebitis animas vestras*. Ponitur ergo in Civitate Salvator ipse murus & antemurale, factus nobis à Deo Patre iustitia, & Prophetæ patientia, sicut idem ait: *Quoniam tu es patientia mea Domine*. Murus inquam ponitur in conversatione, antemurale in passione, ab omnibus carnis & sæculi præsentis illecebris abstinens, & adversa sustinens fortiter universa. Imitemur ergo eum (x) qui pro inimicis mori non dubitavit, & oravit pro crucifixoribus: qui peccatum non fecit, & imposita sibi ab aliis patienter audivit: qui pro reconciliandis sibi peccatoribus tanta sustinuit. Ad hoc enim facta sunt huiusmodi (y) ut his omnibus configuretur & conformetur vita Christiani. Qui enim tanquam membrum Christi dicit se in Christo manere, debet sicut ille ambulavit, & ipse ambulare.

§. I I I.

Deus meus, Deus meus, ut quid dereliquisti me? Matt. 27.

Quodd autem Christus (z) hæc verba loqueretur ex persona hominis assumpti, qui cum ipso Dei Filio

x Ser. 4. de Aduen. Dom. num. 7. y Ser. 2. in Cæna Dom. num. 6.
z Tract. de vite myst. cap. 12. num. 51.

lio una persona fuit, patet per hoc quod ait: *Deus meus, Deus meus*: quod utique non diceret ipse qui unus est Deus cum Patre, nisi hominem assumpsisset. Quid est autem hoc quod ait: *Uti quid dereliquisti me*? Numquid Pater unicum suum Filium poterat derelinquere? Absit. Sed pro toto corpore, idest pro se, & pro tota Ecclesia loquitur ista. Caput enim nostrum Dominus Jesus volens unitatem commendare & charitatem suam, quam habet ad Ecclesiam Sponsam suam, se quoque in omnibus membris suis passurum ostendit: quia nunc in Capite sustinuit passionem, hoc est, in proprio corpore, quod assumpsit de Virgine. Clamat autem se derelictum, qui derelinqui non poterat: quia multa membrorum suorum ad tantam tribulationem erant ventura, ut à Deo derelicta penitus viderentur. Quorum personam gestabat ille qui dicebat: *Qui custodiebant animam meam, concilium fecerunt in unum, dicentes: Deus dereliquit eum, persequimini & comprehendite eum, quia non est qui liberet eum*. Quod & ipsi benigno Jesu in tormento crucis impropertum est: *Si filius Dei es, saluum te fac*. Solet vitis fructifera præcidi [a] quod figurativè accipi potest. Vide nunc [b] quantum præcisa fuerit Vitis nostra Jesus. Omnes amici & proximi cultro timoris amputati sunt ab eo, ut non esset qui consolaretur eum ex omnibus charis ejus. Torcular enim calcavit solus, & de gentibus non erat vir cum eo. Et cum sustineret cor ejus impropertum & miseriam, expectavit qui simul contristaretur, & non fuit; & qui consolaretur, etiam non invenit. Quæ vitis un-

^a Ibidem cap. 2. num. 27. ^b Ibidem num. 4.

quam tantum præcisa fuit? Sed quæ est consolatio hujus præcisionis? Multus fructus. Multam enim & incomparabilem præcisionem sustinuit. Videtur tamen signanter dictum esse: *Et de gentibus non est vir mecum*: tanquam intelligendum sit solas mulieres cum illo remansisse. Viris enim fortioris naturæ fugientibus præ timore, non fugit muliebris infirmitas, quæ etiam in Cruce morientem Jesum non dereliquerunt, sicut in persona Christi conquerentis loquitur Beatus Job: *Derelicta sunt tantummodò labia mea circa dentes meos*. Per labia quippè, quæ cæteris membris sunt molliora, muliebris sexus mollis & infirmus (qui solus Christo, discipulis fugientibus, adhæsit) intelligitur & figuratur. Si verò fugam mentalem intelligimus, nec vir nec mulier relictæ sunt cum eo, præter illam quæ sola benedicta est in mulieribus, quæ sola per illud triste Sabbathum stetit in fide, & salvata fuit Ecclesia in ipsa sola. Verè & singulariter benedictus palmes erat, qui à sua Vite nullo potuit timore præcidi. Abscissi sunt viri qui dicunt: *Nos autem sperabamus, quòd ipse redempturus esset Israel*. Abscissæ mulieres, quæ quamvis piè præveniunt mortuo Jesu humanitatis servitium exhibere, tamen illum resurrecturum nequaquam credebant. Et fortassè propterea illa Mater quæ plùs habuit pietatis, cum aliis mulieribus non venit ad ungendum Corpus Christi sepultum, quia frustrà putabat eum ungi, quem resurrecturum sciebat. Verè fortis est hæc Mulier, & præcunctis post Filium honoranda. Verè & virago dici potest, quæ à Viro Christo per animi fortitudinem separata non est, sed eum quem morientem & mor-

ruum

rum vidit, credidit immortalitatis gloriâ sublimatum. Potest & ita accipi[c] quoddam Dominus Jesus prævidens aliquos imò plurimos in Corpore suo, qui ab unitate Ecclesiæ suæ per hæreses sive per alia criminalia peccata erant recessuri, illorum personam in se transfigurando, clamat: *Ut quid dereliquisti me?* Ac si diceret: Quare aliquis eorum abiit retrorsum, ut pereat ab unitate corporis mei, qui tanto cruciatu mihi sunt uniti? Unde ex persona Martyrum dicitur in Psalmo: *Adhæsit in terra venter noster.* Per ventrem, qui est mollior & infirmior pars hominis, signantur illi qui carentes patientiâ & firmitate perseverantiæ, & propter hoc in acerbitate tormentorum suorum deficientes adhæserunt in terra, id est, terrenis consiliis & actionibus consenserunt. Videtur quidem fortè nonnullis (d) præsentem Sanctorum communionem facultatum pariter & voluntatum centupli nomine designari: sed non adeo est generalis hæc ipsa consolatio, ut possit universaliter omnibus convenire. Quantos enim Sanctorum, aut voluntariè eam deservisse, ut Anachoretas, aut violentiâ persecutionis, ut Martyres exilio relegatos, humana consolatione novimus caruisse? Nos autem qui adhuc in tribulationibus quotidianis versamur (e) qui spectaculum facti sumus mundo & Angelis & hominibus, & tanquam purgamenta hujus mundi, & peripsæ omniū usque adhuc, inenarrabilem spiritus fiduciam concipiamus ex hoc præcipuè, quod ipse Dominus consualator omniū pressurarum tanta unitate spiritus & charitatis nobis conjunctus est, ut
etiam

c Ibidem cap. 12. num. 52. d Tract. de vit. & mor. Cleric. cap. 22. num. 68. e Tract. de vite myst. cap. 12. num. 52.

etiam personam nostræ infirmitatis in se tam manifestis verbis trasfigurare dignatus sit : qui adhuc etiam apud Patrem ostensione Vulnerum suorum interpellat pro nobis , orans ne derelinquatur in inferioribus membris suis, qui in se Capite nequaquam potuit derelinqui . Et quomodò membra deperirent , quæ involuntate Capitis sui suam sciunt constare salutem ? Numquid aliquod membrorum est in mortali corpore nostro, cui non condoleat caput nostrum ? Si affligitur pes vel manus, statim clamat caput per linguam : Cur affligor ? Clamabat Dominus ad Saulū in membra sua sevientem : *Cur me persequeris ?* cū ipse tamen securus remaneret in cœlo . Benedictus sit Dominus Jesus , qui primo in se pro nobis, nunc verò etiam nobiscum in nobis pati dignatur tribulationē , quam exigente iustitia patimur , suam reputans & clamans : *Cum ipso sum in tribulatione* , ut securius confidamus . *Cum ipso sum* , ait (f) *in tribulatione* . Quando hoc , nisi in die tribulationis nostræ , in die crucis nostræ ? Et hoc impletur quod ipse ait : *In mundo quidem pressuram habebitis : &* quod Apostolus ejus inquit : *Omnes qui piè volunt vivere in Christo, persecutionem patientur* . Bonum mihi Domine tribulari (g) dummodò ipse sis mecum , quàm regnare sine te , epulari sine te , sine te gloriari . Bonum in tribulatione magis amplecti te , in camino habere te mecum , quàm esse sine te vel in cœlo . Quid enim mihi est in cœlo , & à te quid volvi super terram ? Aurum probat fornax , & viros justos tentatio tribulationis . Ibi ibi cum eis es Domine , ibi in nomine tuo congregatis medius astas , sicut olim cum tribus pueris es dignatus

gnatus etiam Ethnico apparere, ut diceret, quia *species quarti similis Filio Dei*. Quid trepidamus, quid cunctamur, quid refugimus hunc caminum? Sævit ignis, sed Dominus nobiscum est in tribulatione. Si Deus nobiscum, quis contra nos? Nihilominus quoque si ille eripit, quis est qui rapiat de manu ejus? Quis est qui de manu ejus possit ervere? Postremò si ille glorificat, quisnam alius inglorium faciet? Si ille glorificat, quis humiliabit? Amen.

C A P U T V.

De quinto verbo Christi, pleno mysteriorum, licet breviter prolatum sit in Cruce.

Sitio. Joan. 19.

1. Ostenditur, Christum sitivisse non solum ut imple-
ret Scripturam, sed etiam ut immensitatem cha-
ritatis suæ commendaret nobis. Divinae charitatis
longitudo, latitudo, sublimitas, & profundū exponi-
tur. Docemur quomodo ipsius charitati correspon-
dere debeat dilectio nostra. Probatur quòd vitæ præ-
senti potius congruit fides & desiderium, quàm co-
gnitio & dilectio.
2. Ostenditur, Christum in Cruce
non aliud sitivisse, quàm salutem animarum nostra-
rum: quo docemur, ut prior sit nobis sollicitudo re-
ficiendi animam quàm corpus. Adducitur sermo-
cinatio ad corpus, ut cooperetur saluti animæ suæ.
Ostenditur, Christum ideo noluisse bibere potum
sibi oblatum, quia nimiam acerbicatem nequitia
crucifixorum indicabat: voluisse tamen gustare,
ut sibi applicaret amaritudinem peccatorum ani-

ma

me nostræ. Monemur, ut consideratis animæ nostræ multis miseriis, miseramur ei, exercitando bona opera, & declinando à malis.

§. I.

Postea sciens Jesus quia omnia consummata sunt, ut consummaretur Scriptura, dixit: Sitio. Vas ergo erat positum aceto plenum, & continuò currens unus ex eis spongiam acceptam implevit aceto, & imposuit arundini, & dabat ei bibere, dicens: Sinite, videamus si veniat Elias ad deponendum eum. Cæteri verò dicebant: Sine, videamus an veniat Elias liberans eum. Joan. 19. Matt. 27. Mar. 15.

Q Vintum folium Vitis nostræ (a) siue quinta chorda brevis quidem videtur, sed si discutitur, si diligentius consideretur, ad amoris indicium efficacissima poterit inveniri. Ait enim Evangelista: *Sciens Jesus quia omnia consummata essent, ut impleretur Scriptura. Quæ Scriptura implenda erat? Illa utique quæ dicit: Dederunt in escam meam fel, & in siti mea potaverunt me aceto.* Subjungit enim Evangelista: *Vas ergo positum erat aceto plenum, & currens unus implevit spongiam aceto, & circumponens hyssopo, dabat ei bibere.* Alter verò Evangelista plenius exponens quomodò Scriptura sit impleta, etiam fellis facit mentionem, ita dicens: *Et dabant ei vinum myrrhatum bibere cum felle mixtum.* Fractus membris omnibus dulcis Jesus voluit puniri

^a Tract. de vite myst. cap. 13. n. 53.

ri & linguam. Dedit ergo ei illa vitis aliena (*plebs
Judæorum*) conversa in amaritudinem de fructu suo
potum amarum, potum non potandum, sed potius
degustandum, quia ad pœnam linguæ sufficit ace-
tum gustasse. Sed licet hæc [b] ad impletionem
Scripturæ in veritate patrata sunt, tamen hoc verbo,
Sitio, aliquid aliud significari videtur. Puto enim
quòd hoc liquidò immensitatem nobis ardentissimæ
charitatis voluit commendare: quia ab homine
sitiente multò ardentius desideratur potus, quàm
cibus ab esuriante. In se ergo ostendens Dominus
Jesus desiderium illius rei quæ ardentissimè concu-
piscitur, per illam figurari ardorem suæ charitatis
ostendit. Charitatis tamen illius ardorem [c] hu-
manus comprehendere non sufficit intellectus, nisi
quantum ex passione ipsius quæ cunctis apparuit,
comprehendit. Ardorem autem charitatis suæ per-
pendemus [d] si diligenter videamus, quis, qualis,
quantum, & quare nos amaverit amator misericors
& mirabilis. Amator noster est ille, quoniam nihil ma-
jus, nihil ditius, nihil fortius est, cui omnis spiritus
confitetur: *Deus meus es tu, quoniam bonorum meo-
rum non eges*. In hoc brevi versu comprehenditur,
quis amator noster sit, quis Deus, & quare amave-
rit. Ex verbo sequenti elicitur videlicet quòd non
ideo amavit nos, ut aliquid nostri acciperet qui bo-
norum nostrorum non eget, sed gratuità gratiâ suâ.
Quod si etiam in nobis esset aliquid boni quod ille
appeteret, non hoc à nobis sed ab illo haberemus.
Qualiter autem amaverit nos amator noster, expo-
nit Apostolus dicens: *Cùm adhuc inimici essemus,*
recon-

reconciliati sumus Deo. Justus enim injustos, solus bonus & pius peccatores & impios adamavit. O quanta dignatio! O quàm [e] indebita miseratio! quàm gratuita & sic probata dilectio! quàm inopinata dignatio! quàm stupenda dulcedo! quam invicta mansuetudo, Regem gloriæ pro despiciatissimo vernaculo imò vermiculo crucifigi! Quis audivit unquam tale? aut quis vidit huic simile? Vix enim pro justo quis moritur: ipse pro injustis & inimicis mortuus est, eligens exulare à cælis, ut nos reportaret ad cælos. Licet autem in amore Dei erga nos [f] sint teste Apostolo, *longitudo, latitudo, sublimitas, & profundum*: charitati tamen Divinæ humana dilectio pro suæ insufficientiæ modulo non se coaptat. Deus equidem non superficialiter diligit nos, non simulatoriè, non mediocriter, sed plenè, sed sincerè, sed medullitùs: ut & nos comprehendere possimus cum omnibus Sanctis, quæ sint tantæ charitatis longitudo, altitudo, latitudo, & profundum. *Altitudo* ejus est excellentia gloriæ, quam præparavit Deus diligentibus se, cujus æstimatio in cor hominis non ascendit. *Profunditas* ejus est inclinatio majestatis à Patris coæqualitate, & exinanitio Filii usque ad formam servi, & usque ad mortem & ignominiam crucis. *Longitudo* ejus est sine initio, & sine fine. Dilectio enim ejus nec incipit nec desinit, qui ante mundi constitutionem elegit nos in dilecto Filio suo. Et sicut scriptum est: *Misericordia ejus ab æterno, & usque in æternum super timentes eum*. *Latitudo* ejus est ampla & extensa, & diffusa in omnem benevolentiae modum. Ipse enim

enim vult omnes homines salvos fieri per ipsam. Proprio enim Filio suo non pepercit, sed pro nobis tradidit illum: ipsumquè nobis donans (teste Apostolo) *nobis donavit omnia in eo*. Sic etiam pari vicissitudine [g] charitas hominis se Divinæ charitati conformi divisione coaptat. *Alta est*, dum æterna & cælestia contemplatur. *Profunda est*, dum ab homine propter Deum vilitas & abjectio affectatur. *Longa est*, dum finaliter perseverat: Fides enim & spes atque scientia & cætera evacuabuntur, charitas autem nunquam excidit. *Lata est*, quia læta est, quando in delectatione justitiæ cor hominis dilatatur. *Lata est*, cum extenderit se non solum ad Deum & proximum, sed etiam amore pio amplectitur inimicum. *Lata est*, cujus mandatum latum est, dicente Propheta: *Omnis consummationis vidi finem, latum mandatum tuum nimis*. O lata & dilatans charitas, quàm magna est domus tua, & ingens locus possessionis tuæ! Cujus latitudinem & longitudinem, & altitudinem & profundum comprehendunt Sancti, ut & nos in eadem sagena charitatis possimus pariter comprehendi. Sed quia necdum possumus contemplari per speciem [h] vel plenè amplecti per amorem; ideo Christus Deus noster dedit interim nobis & sapere per fidem, & quærere per desiderium: per quæ utique duo ad esse de non esse secundò reducti, fieri incipiamus initium aliquod creaturæ ejus, transitori quandoque in virum perfectum, in mensuram ætatis plenitudinis Christi. Quod proculdubio erit, cum justitia convertetur in judicium, hoc est, fides in intellectum; just-

justitia videlicet quæ ex fide est, in judiciū plenæ cognitionis, & item desiderium peregrinationis in plenitudinem commutabitur dilectionis. Si enim adhuc absentes initiat fides & desiderium, præsentibus profectò consummat intellectus & amor. Sicut autem fides ducit ad plenam cognitionem, sic desiderium ad perfectam dilectionem. Et sicut dicitur: *Nisi credideritis, non intelligetis*; sic dici æquè non absurdè potest: *Si non desideraveritis, non perfectè amabitis*. Intellectus igitur est fructus fidei, perfecta charitas desiderii. Interim justus ex fide vivit: nam beatus ex intellectu vivit. Interim justus desiderat ad Deum, sicut ceruus ad fontes aquarum: nam beatus haurit jam in gaudio de fontibus Salvatoris, hoc est, delectatur in plenitudine charitatis. His ergo fortassis quasi duobus animæ brachiis [i] intellectu videlicet & amore, id est cognitione & dilectione veritatis, amplectitur & comprehenditur cum omnibus Sanctis *longitudo, latitudo, sublimitas, & profundum*: hoc est, *Æternitas, Charitas, Virtus, & Sapientia*. Et hæc omnia Christus. *Æternitas* est, quia hæc est vita æterna, ut cognoscant te verum Deum, & quem misisti Jesum Christum. *Charitas* est, quia Deus est. Deus enim charitas est, & Dei *Virtus, & Dei Sapientia*. Sed quando hæc erunt? Quando videbimus eum sicuti est: quando amabimus eum prout est. Nam expectatio creaturæ, revelationem filiorum Dei expectat.

Sciens

§. I I.

*Sciens Jesus quia consummata sunt omnia,
dixit: Sitio. Joan. 19.*

Licet veraciter possumus accipere quod Christus sitiverit (k) qui per totum Corpus Sacratum Sanguinis effusione siccatus, ossa habuit sicut cremum arefacta; sed non satis credibile est, ipsum de siti corporali dixisse, ut potum peteret carnalem, qui in instanti se sciebat carnaliter moriturum: sed potius desiderium ardentissimum salutis nostræ ipsum credimus sitivisse. Sed est quod moveat nos: quia cum instaret hora passionis extremæ, procedens ad orationem Dominus Jesus procidit in faciem suam, orans & dicens: *Pater mi, si possibile est, transfer hunc calicem à me*. Et hoc non tantum semel, sed secundo & tertio fecit. Per calicem quem bibiturus erat, proculdubio passionem significans, quam erat passurus. Nunc verò eodem calice passionis jam ebibito, dicit: *Sitio*. Quid est hoc? antequam gustes o bone Jesu, petis calicem omnino auferri; & postquam ebibisti, sitis? Et ideo mirabilis potator es tu. Numquid vino jucunditatis, & non potius vino compunctionis & summæ amaritudinis repletus fuit calix tuus? Imò verò compunctionis amarissimæ plenus est, qui non sitim sed potius potandi fastidium generare deberet. Sed ut existimo (l) ante passionem calicem ipsius Patris à te transferri orasti, non ut passionem declinares pro qua veneras patienda, &

V u

line

k Tract. de vite myst. cap. 13. num. 54. l Ibidem num. 55.

sine qua salus humano generi non adesset: sed ne putaret quis te verum hominem amaritudinem non sensisse propter claritatis unionem, verbis patentibus calicem à te transferri semel & bis & tertio summam acerbicatem passionis tuæ dubitantibus indicasti. Quando autem passionis calicem, quem antea rogaveras auferri, jam exhaustisti, dixisti: *Sitio*: dilectionis erga nos tuæ magnitudinem commendasti. Tanquam diceres: Quamvis passio mea tam acerba fuerit, ut quantum ad humanitatis sensum illam declinare potuerim, tamen tua ô homo me charitate vincente, & ipsa tormenta Crucis superante, adhuc plura & majora si necesse sit sitio subire tormenta. Nihil enim est quod detractem pro te pati, pro cuius precio Animam meam pono. Imitetur ergo quælibet fidelis anima Sponsum suum dulcem Jesum tantæ amaritudinis poculum sitientem, pro ipsa pariter & bibentem: & sitiens ipsa, etiam pro ipso ebibat pariter adversa præsentia. Sitiat quoque & ipsum dulcissimum Sponsum suum, cuius dulcedinem ex amaritudinibus præsentibus melius poterit considerare, malisque exhaustis propter eum, confidentius ipsum sitire poterit & dicere cum Propheta: *Sitivit anima mea ad Deum fontem vivum: quando veniam & apparebo ante faciem Dei?* Verè anima tua Deum sitit (m) si eum super omnia diligit. Verè anima tua Deum sitit, si pro amore illius despicit omnia terrena. Verè anima tua Deum sitit, si eum in dextera Patris regnantem videre concupiscit. Pius & dulcis Jesus (n) qui mortuus est

m Tract. de modo bene vivendi. cap. 20. num. 58. n Epist. 385. num. 3.

est pro delictis nostris, qui resurrexit propter justificationem nostram, qui est ad dexteram Patris, ubi etiam interpellat pro nobis: militans in terra, regnans & in cœlo, nihil sitit nisi nostram salutem. Imitemur ergo eum [o] qui in Cruce nihil aliud, quàm justitiam sitiebat animarum nostrarum. Si Christi membra volumus inveniri [p] sequendum nobis est sine dubio Caput nostrum: ut videlicet prima nobis reparandarum sit sollicitudo animarum, pro quibus ipse venit, & quarum priùs mederi studuit corruptioni. Corporis verò curam illi tempori magis reservemus, & differamus in illum diem, quo reformandi nostri corporis gratiâ est venturus. Infelix ego homo (q) & miserabilis casus meus, cui non una sufficit, cui duplex est necessaria regeneratio. Nimirum ex corpore & anima constitutus cecidi totus simul, simul totus omninò resurgere non possum. An verò dignum non est, ut ea quæ videtur potior priorquè portio reparetur? At ipsam sanè animam esse nemo sanæ mentis ignorat. Prior ergo reficiatur, quæ prior corruit: præsertim quòd ab ejus culpa alterius pæna prodierit, & ipsius corruptio corporeæ quoque fuerit causa corruptionis. Hinc est quòd animabus primùm Salvator advenit, tollere utique peccata mundi, non molestias carnis. Quod sanè manifestiùs docuit in seipso, pænis omnibus Corpus exponens, Animam autem immunem, prorsus custodiens à peccato. Animabus itaque hoc tempus est (r) non corporibus assignatum, quòd

V u 2

vide-

o Ser. 4. de Aduen. Domini num. 7. p Ser. 6. de Aduen. Dom. num. 1. q Tract. de vit. & mor. Cleric. cap. 12 num. 37. r Ser. 6. de Aduen. Dom. num. 1.

videlicet longè dignior anima corpore, priorem sibi sollicitudinem naturali vendicet dignitate. Sed & prior reparanda est, quam constat corruisse priorem. Anima siquidem corrupta in culpam, fecit ut corpus quoque corrumpere in pœnam. Non sic hodie filii hominum (s) non sic, sed animæ curam negligunt, curam autem carnis perficiunt in omni desiderio. Neque enim peccare metuunt, sed puniri: nec virtuti cordis opera datur, sed valetudini corporis, imò etiam voluptati. De schola Hippocratis & Epicuri didicerunt hæc. Neque enim suis Christus discipulis horum quidpiam tradidit: sed, *Discite, inquit, à me, quia mitis sum & humilis corde. Filii hominum usquequò gravi corde? ut quid diligitis vanitatem, & queritis mendacium?* Tempus hoc animabus, non corporibus est assignatum: dies salutis utique, non voluptatis. *Omnia tempus habent:* animabus nunc operam dare necesse est. Nam *in carne qui seminat, solâ exinde metet corruptionem.* At, *Nemo* (inquiunt) *carnem suam odio habuit?* Verum est: sed zelum habens absque scientia, dum prodesse festinat, invenitur obesse. Cùm iudicium carnis ex anima pendeat, carni nihil potest utilius, quàm salus animæ provideri: ut videlicet in tempore sit respectus illius; & focia passionis, felicitatis quoque consortium mereatur. Habes ad quid venerit Christus [t] & cui intendere debeat Christianus. Propterea noli ô corpus, noli præripere tempora: potes enim impedire animæ tuæ salutem, tuam ipsius operari non potes. *Omnia tempus habent.* Pate-

s *Tract. de vit. & mor. Cleric. cap. 12. nu. 38.* t *Ser. 6. de Advenc. Dom. num 3. & 4.*

Patere corpus ut nunc anima pro se laboret, magis autem etiam collabora ei: quoniam si compateris, & conregnabis. Quantum ejus impedis reparationem, tantum impedis tuam: quod nimirum ante reparari non poteris, donec suam in ea Deus imaginem videat reformatam. Nobilem hospitem habes ô caro, nobilem valdè, & tota salus tua pendet de ejus salute. Da honorem hospiti tuo. Tu quidem habitas in regione tua, anima verò peregrina & exul apud te est hospitata. Iniurias vel molestias tuas ne reputaveris, tantum ut hospes tuus honorificè possit apud te demorari. Honor tibi est, ut pro eo te exhibeas inhonorem. Ac ne fortè despicias aut parvipendas hospitem tuum, pro eo quod peregrinus tibi videtur & advena: diligenter attende quid hospitis hujus tibi præsentia largiatur. Ipse enim est qui tribuit oculis visum, auditum auribus præstat: ipse est qui linguæ vocem, palato gustum, motum membris omnibus subministrat. Si quid vitæ, si quid sensûs, si quid in te decoris est, hujus hospitis beneficium recognosce. Denique discessus ejus probat, quid præsentia conferebat. Protinùs enim animâ discendente, lingua silebit, oculi non videbunt, obsurdescent aures, corpus omne rigebit, facies expalescet: in brevi quoque totum cadaver putidum simul & putridum fiet, & decor omnis in saniem convertetur. Ad quid ergo pro temporali qualibet delectatione contristas & lædis hospitem istum, quam nec sentire quidem ullo modo poteras nisi per ipsum? Ad hæc, si tantum tibi confert exul, licet inimicitiarum causâ à facie Domini sui ejectus: quantum tibi præstabit reconciliatus? Noli ô cor-

pus, noli impedire reconciliationem illam, quoniam grandis tibi exinde gloria paratur. Patienter imò & libenter temetipsum expone ad omnia, nihil dissimules quod huic videatur reconciliationi posse prodesse. Dic hospiti tuo: Quando recordabitur Dominus tui, & restituet te in gradum pristinum: & tu memento mei. Omnino enim memor erit tui in bonum [u] si benè servieris illi: & cùm pervenerit ad Dominum suum, suggeret ei de te, & loquetur bonum pro bono hospite, dicens: Cùm in ultionem culpæ suæ exularet servus tuus, pauper quidam apud quem hospitatus sum, fecit mecum misericordiam: & utinam retribuatur pro me Dominus meus. Primò siquidem omnia sua, dehinc etiam semetipsum exposuit utilitatibus meis, non parcens sibi propter me, in jejuniis multis, in laboribus frequenter, in vigiliis supra modum, in fame & siti, etiam in frigore & nuditate. Quid igitur? Profectò non mentitur Scriptura quæ dicit: *Voluntatem timentium se faciet, & deprecationem eorum exaudiet.*

§. I I I.

Christus (x) Matre sua commendata Joanni, dicit: *Sitio*. Et dederunt illi qui crucifixerunt eum, acetum cum felle mixtum: quod cùm gustasset noluit bibere. Quia (y) nimiam acerbicatem invidiæ & nequitiae crucifixorum suorum indicabat. O Vitis dulcissima, bone Jesu (z) hunc cunctis fructum reddit tibi vinea tua, quam de Ægypto transtulisti?

Expe-

v. *Ibidem* num. 5. x *Ser. de laments. B.V. M. num. 7.* v *Ser. de Fest. Dom. num. 21.* z *Tract. de vite myst. cap. 5. num. 29.*

Expectaveras patienter usque ad hunc diem nuptiarum tuarum, ut faceret vuas, fecit autem labruscas. Ecce in quantam amaritudinem conversa est vitis non jam tua, sed aliena. Omnibus enim consummatis (a) ecce crucifixus es. Nec sufficit vulneratum esse, quin & super dolorem vulnorum tuorum addunt crucifixores, dantes tibi sitiienti vinum myrrhatum bibere cum felle mixtum. Et quia sitiienti ori tuo (b) fel aceto mixtū infunditur, & vinum myrrhatum additur. Fac me igitur [c] charissime Domine Jesu Christe, recordari amaritudinis aceti & fellis, quod tu æterna dulcedo pro me gustasti in morte. Libet (d) ut spongiam per arundinem ori meo porrigas, & aceti amaritudinem gustui meo adhibeas. Libet ut per Scripturas tuas rationi meæ conferas gustare, & videre quoniam florens hic mundus tanquam spongia inanis est, & omnis concupiscentia ejus aceto amarior. Ita in me fiat calix iste Babylonis amarus in omnem terram, ut non inani flore seducat, non falsa dulcedine inebriet, quemadmodum eos qui tenebras lucem, amarum dulce, & dulce amarum arbitrantur. Sed nec prætermittam myrrham, quā in Cruce potatus est Christus (e) in qua sibi applicuit amaritudinem peccatorum animæ meæ. Magna res anima (f) quæ Christi Sanguine redempta est. Gravis animæ casus, quæ non nisi Christi cruce potuit reparari. Si rursū corruerit peccato duntaxat ad mortem, unde jam reparabitur? Numquid aut alter Christus, aut idem iterū crucifigi

V u 4 habet

a Ibidem num. 25. b Tract. de 3. præcip. myst. cap. 6. num. 10. c Libr. 3. de Amor. Dei cap. 34. num. 111. d Ser. de Pass. Dom. num. 21. e Ser. 2. in Cena Domini. num. 7. f Epist. 54.

habet pro illa? Super hoc vellem vos nunquam obli-
visci illud Sapientis consilium: *Miserere animæ tuæ
placens Deo*. Nec dubium [g] quin ea quæ Deo pla-
cet miseria, faciliè possit eius misericordiam obtine-
re. Et ne dixerimus unde miserandum sit anima-
bus nostris? Nisi enim insipienter dissimulaverimus,
multa in eius miseratione digna poterunt inveniri.
Non sum homo profundi sensus [h] non possum vo-
bis quod non gustaverim, eructare. Dicam tamen
quid interdum in me sentiam acclitari, ut si quis for-
tè sibi utile judicaverit, imitetur. Quia enim olim
persuasum est mihi, ut miserear animæ meæ placi-
turus exinde Deo meo, frequenter de ea recogito:
utinam autem magis semper liceret. Erat quando
id acclitari minimè libebat, nempè quòd minùs
(si tamen minùs, & non magis minimè) diligerem
eam. Quomoddò enim amat quis, cujus mortem
amat? Quod si, ut verum est & indubitale, mors
animæ iniquitas est: absolutà proinde liquet esse sen-
tentiam, quòd *iniquitatem qui diligit, odit animam
suam*. Oderam ergo eam, & odissem adhuc, nisi
hoc mihi quodcunque amoris ejus initium is qui
prior eam dilexerat, contulisset. Ipsius proinde be-
neficio [i] nonnunquam de ea cogitans, videor mihi
in ea (fateor) velut duo quædam contraria inveni-
re. Si animam prout *in se* est & *ex se*, juxta rei verita-
tem intueor, nihil de ea veriùs sentire possum, quàm
ad nihilum esse redactam. Quid modò necessè est
singulas ejus misérias numerare, quàm sit onerata
peccatis, obfusa tenebris, irretita illecebris, pru-
riens

g. Ser. 39. *diner num. 1.* h. Ser. 5. *in delectat. Eccl. num. 2.* i. *Ibi-
dem num. 3. & 4.*

riens concupiscentiis, obnoxia passionibus, impleta illusionibus, prona semper ad malum, in vitium omne proclivis, postremò totius confusionis & ignominiae impleta? Nimiùm si ipsæ quoque justitiæ nostræ omnes ad lumen veritatis inspectæ velut pannus menstruatae inveniuntur, injustitiæ deinceps quales reputabuntur? Si lumen quod in nobis est tenebræ sunt, ipsæ tenebræ quantæ erunt? Facile est unicuique nostrum, si sua melius universa & sine dissimulatione vestiget, & judicet sine acceptione personæ, attestari per omnia Apostolicæ veritati, & liberè proclamare: *Qui se putat aliquid esse cum nihil sit, ipse se seducit. Quid est homo quia magnificas eum* (ait fidelis & devota confessio beati Job) *aut apponis erga eum cor tuum?* Quid? Sine dubio vanitati similis factus est homo, ad nihilum redactus est homo, nihil est homo. Quomodò tamen penitus nihil est, quem magnificat Deus? Quomodò nihil, erga quem appositum est cor divinum? Respiremus, Fratres charissimi, etsi nihil sumus in cordibus nostris, fortè in corde Dei potest aliud latere de nobis. Docuimus omnem animam licèt oneratam vitiis, (k) peccatis irretitam, captam illecebris, exilio captivam, corpore carceratam, luto hærentem, infixam limo, affixam membris, confixam curis, distentam negotiis, contractam timoribus, afflictam doloribus, erroribus vagam, solitudinibus anxiam, suspicionibus inquietam; & postremò advenam in terra inimicorum (juxta Prophetæ Baruch vocem) coinquinatam cum mortuis, deputatam cum his qui inferno sunt: licet in-

quam

k Sm. 83. in Cant. num. 1.

quam sic damnatam & sic desperatam, docuimus tamen hanc in sese posse advertere nonmodò unde respirare in spẽ veniæ, & in spem misericordiæ queat, sed etiam unde audeat aspirare ad nuptias Verbi, cum Deo inire fædus societatis non trepidet, suave amoris jugum cum Rege ducere Angelorũ non vereatur. Quid enim non tutè audeat apud eum, cuius se insignẽ cernit imagine, illustrem similitudine novit? Quid, inquam, vereatur de majestàte, cui de origine fiducia darur? Tantum est, ut curet naturæ ingenuitatem vitæ honestate servare, imò cæleste decus quod sibi originaliter inest, dignis quibusdam studeat morum affectuumquè venustare & decorare coloribus. Jam verò sic facienti (l) congruè respondetur: *Beati misericordes, quoniam ipsi misericordiã consequentur.* Miserere ergo animæ tuæ, qui Deum tibi vis misereri. Lava per singulas noctes lectum tuum, lachrymis tuis stratum tuum rigare memento. Si compateris tibiipsi, si laboras in gemitu pænitiæ, misericordiam utique consequeris. Quod si fortè magnus & multus peccator es, ac magnam quæris misericordiam multitudinemquè miserationum, tu quoque misericordiam tuam magnificare & multiplicare labora, reconciliatus esto tibiipsi: nam & tibi gravis factus eras, quodd positus esses contrarius Deo. Nec sanè dixerim (m) ut vel ipsam odio habeas carnem tuam. Dilige eam tanquam tibi datam in adjutorium, & ad æternæ beatitudinis consortium præparatam. Cæterum sic amet anima carnem, ut non ipsa in

car-

l Tract. de Conuer. ad Cliric. cap. 16. num. 29. m Ser. 10. Super psal. 90. num. 3.

carnem transisse putetur , dicaturquè ei à Domino : *Non permanebit spiritus meus in homine , quia caro est .* Diligat anima carnem suam , sed multò magis suam ipsius animam servet . Amet Adam Evam suam , sed non sic amet , ut voci ejus plùs obediat quàm Divinæ . Denique ne ipsi quidem expedit sic amari , ut videlicet cui interim caves à flagello paternæ correptionis , thesaurizes iram æternæ damnationis . Porro (n) talis misericordia crudelitate plena est , quâ videlicet ita corpori servitur , ut anima juguletur . Quæ enim charitas est , carnem diligere , & spiritum negligere ? Quævè discretio est , totum dare corpori , & animæ nihil ? Qualis verò misericordia est , ancillam reficere , & dominam interficere ? Nemo pro hujusmodi speret se consequi misericordiam , quæ misericordibus promittitur in Evangelio , Veritatis ore dicentis : *Beati misericordes , quoniam ipsi misericordiam consequentur .* Sed certissimè potiùs pænam expectet , quam tali (ut ita dicam) impio misericordi Sanctus Jacob magis prophetizando quàm affectando imprecatur : *Non sit , inquit , in recollectione , sed conteratur quasi lignum infructuosum .* Dignæ planè retributionis causam mox subinfert satis idoneam , dicens : *Pavit enim sterilem , quæ non parit , & vidua non benefacit .* Inordinata profectò (o) atque irrationalis misericordia est , sterilis & infructuosæ carnis (quæ juxta Domini verbum , *non prodest quidquam : & secundum Apostolum , regnum Dei non possidebit*) adimplendis invigilare desideriis , & de animæ cura Sapientis saluberrimum non curare consilium , admonentis & dicentis : *Miserere ani-*

684 *Philosophiæ Christianæ*

animæ tuæ placens Deo . Bona misericordia misereri animæ tuæ , nec potest non mereri misericordiam , quâ fit ut placeas Deo . Aliàs autem non est misericordia (sicut jam dixi) sed crudelitas : non est charitas , sed iniquitas : non est discretio , sed confusio , sterilem quæ non parit pascere , idest , inutilis carnis concupiscentiis inservire ; & viduæ nil boni facere , animæ videlicet excolendis virtutibus nullam operam dare . Auertat hoc à servulis suis (p) Unigenitus Dei Patris , qui est super omnia Deus benedictus in sæcula . Amen .

C A P U T V I .

De sexto verbo Christi , quo indicavit se perfecisse omnia , quæ dicta sunt de se per Prophetas in Scripturis .

Consummatum est . Joan. 19.

1. *Ostenditur , Christum in hoc verbo non solum indicavisse consummationem Scripturarum , sed etiam completionem malitiæ Judæorum , qui propterea grossis ficuum comparantur . Describitur ruditas & incredulitas Judæorum .*
2. *Ostenditur , Christum in hoc verbo commendavisse nobis virtutem perseverantiæ , ut eam conservemus usque ad mortem . Adducuntur plura exempla de illis , qui ob defectum perseverantiæ perierunt damnabiliter . Excitamus ad conservandam perseverantiæ virtutem , cujus etiam elogia afferuntur .*
3. *Ostenditur , ne-*
minem

minem posse salvari, nisi perseveraverit in observantia mandatorum Dei. Docemur, quomodo proficiendum sit de virtute in virtutem usque ad ultimum vitæ nostræ terminum.

§. I.

Cum ergo accepisset Jesus acetum, dixit: Consummatum est. Joan. 19.

IN sexto folio Vitis nostræ [a] sive in sexta chorda citharæ nostræ, nobis virtus perseverantiæ commendatur. Ait enim Evangelista, quod cum accepisset dulcis Jesus amaritudinem aceti, dixit: Consummatum est. Quid est hoc? Supra dictum est, quod sciens Dominus quia consummata sunt omnia, ut implerentur Scripturæ ait: Sitio. Et cum gustasset acetum sibi porrectum, subjunxit: Consummatum est? Consummatum quippè est, id est, perfectum fuit testimonium Scripturæ, quæ in Psalmo dicit: Dederunt in escam meam fel, & in siti mea potaverunt me aceto. Et per hoc omnis Scriptura quæ de ipsa erat, consummationem accepit. Unde [b] meritò ait Sponsa: Ficus protulit grossos suos. Ego hoc loco non quemvis populum interpretari liberum puto, unus signanter exprimitur. Neque enim, protulerunt, dicit, quasi de pluribus; sed quasi de una, protulit, inquit, ficus grossos suos: & ut sentio ego, quæ est plebs Judæorum. Sed dic aliquis: Cum istiusmodi grossos non aliquando pro-

a Tract. de vite myst. cap. 14. num. 56. b Ser. 60. in Cant. num. 3. & 4.

proferre gens illa cessaverit, ergo non aliquando tempus putationis non extitit, quia unum utriusque rei tempus existere perhibetur? Non ita est. Dicimus mulieres filios procreasse, non cum paraturiunt, sed cum jam pepererunt. Dicimus & arbores edidisse flores suos, non cum cæperiunt florere, sed potius cum desierint. Ita hîc quoque dictum est quia *figus protulit grossos suos*, non cum aliquos edidit, sed cum totos, idest, cum ad finem pervenit editio. Quæris, quo tempore istiusmodi complementum illi populo accidit? Cum Christum occidit, tunc completa est malitia ejus, juxta quod ipse Christus eis prædixerat: *Implete mensuram patrum vestrorum*. Unde in patibulo traditurus jam spiritum, *Consummatum est*, inquit. O qualem consummationem dedit grossis suis figus hæc maledicta, & subinde æterna ariditate damnata! O quàm sunt novissimi peiores prioribus! Incipiens ab inutilibus, ad perniciosos pervenit & venenatos. Quanta in hanc ficum [c] Salvator parabolicè in Evangelio loqui videtur? ut est illud: *Arborem figi habebat quidam plantatam in vinea sua; &c.* Item: *Videte ficulneam & omnes arbores*. Et Nathaëli dictum est: *Cum esses sub figu, vidi te*. Et rursùm maledicit ficulneæ, pro eo quòd non inuenit in ea fructum. Benè figus, quæ bona licet Patriarcharum radice prodierit, nunquam tamen in altum proficere, nunquam se humo attollere volvit, nunquam respondere radici proceritate ramorum, generositate florum, fecunditate fructuum. Malè prorsus tibi cum tua radice convenit arbor pusilla,

tor-

tortuosa , nodosa . Radix enim sancta est . Quid eâ dignum tuis apparet in ramis ? *Ficus* (inquit) *protulit grossos suos* . Non hos à nobili radice traxisti semen nequam . Quod in ea est , de Spiritu Sancto est , ac per hoc subtile totum est ac suaue . Tibi unde hi grossi ? Et verè quid non grossum in gente illa Judæorum ? Nec actus profectò , nec affectus , nec intellectus , sed nec ritus quem in colendo Deum habuit . Nam actus in bellis , affectus in lucris totus erat , intellectus in crassitudine literæ , cultus in sanguine pecudum & armentorum . Videntur tamen mihi quoddam semen fuisse Divinæ cogitationis (d) tanquam è cælo jactatum in terras , allocutiones & promissiones factæ cælitùs ad Patres , Abraham scilicet , Isaac , & Jacob . De quo semine scriptum est : *Nisi Dominus sabaoth reliquisset nobis semen , sicut Sodoma fuisset , & quasi Gomorrha similes essemus* . Floruit autem hoc semen in mirabilibus , quæ ostensa sunt in exitu Jsraël de Ægypto : floruit in figuris & ænigmatibus per totum iter in deserto usque in terram promissionis , & deinceps in visionibus & vaticiniis Prophetarum , in ordinatione quoque Regni ac Sacerdotii usque ad Christum . Christus autem hujus seminis & horum florum non immeritò fructus esse intelligitur , dicente David : *Dominus dabit benignitatem , & terra nostra dabit fructum suum* . Et iterum : *De fructu ventris tui ponam super sedem tuam* . In Nazareth quoque nunciatur Christus nasciturus , quia in flore speratur fructus processurus . Sed prodeunte fructu flos decidit , quia Veritate appa-

rente

rente in carne, figura pertransiit. Unde & Nazareth civitas Galilææ dicitur; id est, transmigrationis; quia nascente Christo, omnia illa transierunt quæ superius enumeravi, quæ (ut ait Apostolus) *in figura continebantur illis*. Hos ergo flores & nos qui jam fructum tenemus, pertransisse videmus: & dum adhuc florere videbantur, transitori prævidebantur. Unde David: *Mane sicut herba transeat, manè floreat & transeat: vespere decidat, induret & arescat*. Vespere etenim, id est, quando venit plenitudo temporis, in quo misit Deus Unigenitum suum factum ex muliere, factum sub lege, dicente ipso: *Ecce nova facio omnia: vetera transierunt & disparuerunt*, quomodo in novitate succrescentis fructus flores decidunt & arescunt. Unde rursus scriptum est: *Fœnum aruit, & flos decidit: verbum autem Domini manet in æternum*. Credo non ambigis quia verbum fructus sit: Verbum autem Christus est. Bonus itaque fructus Christus (e) qui manet in æternum. Sed ubi est fœnum quod aruit? ubi est flos qui decidit? Propheta Isaias respondeat: *Omnis caro fœnum: & omnis gloria eius tanquam flos fœni*. Si omnis caro fœnum: ergo carnalis ille populus Judæorum ut fœnum aruit. An non fœnum aruit, dum idem populus ab omni spiritûs pinguedine vacuus, sicca litera adhæsit? An non etiam flos decidit, quando gloriatio quam habebant in lege non remansit? Si flos non decidit, ubi ergo est Regnum, ubi Sacerdotium, ubi Prophetæ, ubi Templum? ubi denique sunt magnalia illa, de quibus gloriari solebant, & dicere: *Quanta audivimus & cognovimus ea, & patres nostri narraverunt nobis*? Frustra deni-

denique, ô Judæi(f) Christum esse in vestro comitatu præsumitis, cum jam secundum Jeremiam vestrum reliquerit domum suam, dimiserit hæditatem suam: quoniam facta est hæreditas ejus quasi spelunca leonæ. Quibus indiciis, quibus mysteriis, quibus sacramentis in vestro est comitatu? Ubi est templum, ubi jure sacrificium, ubi Sacerdotium, ubi Altare illud quod solum vobis in sola Hierosolyma concessum est? Ubi est ignis ille perpetuus, quo extincto omnia pariter holocaustomata perierunt, quæ non possunt alieno igne consumi? Ergo aut nihil horum habetis: aut si forrè vos ea habere præsumitis, non secundum Dei præceptum habetis, ac proinde nec Christum habetis. In his enim omnibus secundum prophetica mysteria Christum aliquando habebatis, sed apparente eo quem prænunciabant, ipsa prænuncia subla sunt: de quibus frustra post ejus adventum præsumitis. O mira perversitas! ô mira cæcitas!

§. I I.

Consummatum est, dicit Jesus. Fidelis sermo (g) & omni acceptione dignus. Quia enim voluit, oblatus est. Non modò voluit & oblatus, sed quia voluit. Solus nimirum potestatem habuit ponendi Animam suam: nemo eam abstulit ab eo. Ultrò, cum accepisset acetum, dixit: *Consummatum est*. Ac si diceret: Nihil restat implendum, jam non est quod expectem. In hoc verbo (h) nobis virtus perseverantiæ commendatur. Ait enim Evangelista, quòd cum accepisset

X x

set

f Tract. de Jesu puero duoden. num. 14. tom. 6. pag. 637. g Ser. in ser. 4. debed. Sam. nu. 4. h Tract. de vite myst. cap. 14. num. 56.

set dulcis Jesus amaritudinem aceti, dixit: *Consummatum est*. Sicut ergo Caput nostrum Christus pro peccatis nostris acerbitatem sustinens passionis usque ad consummationem, id est usque ad perfectionem omnium Scripturarum quæ de ipso erant perseveravit patienter: Ita & nos, si hujus Capitis membra esse volumus, in omnibus adversitatibus nostris virtutem perseverantiae conservemus, ut ad finem omnium passionum nostrarum ipso benigno Jesu duce venientes, cum ipso confidenter possimus dicere: *Consummatum est*. Hoc est: Tuo adiutorio, non mea virtute bonum certamen certavi, cursum consummavi, fidem servavi. Redde ergo mihi, quod legitimè certantibus in agone te promittente repositum est, scilicet illam coronam justitiæ, quam tu justus judex reddes in tua illa die, quæ nubilum non habet: in illa die, quæ in atriis tuis melior erit super millia dierum; in qua tu solus, id est, singulariter Sol eris. O Sol justitiæ, benigne Jesu Christe, lucens in virtute tua, reddens temetipsum in præmium sempiternum omnibus qui perseveraverunt in agone certaminis. Recipient enim à te splendorem sempiternum, in quo sine fine felices lætantur. Hunc autem splendorem nullus poterit adipisci[i] nisi qui perseveraverit usque in finem. Quia nimirum virtus boni operis perseverantia est: idè huic soli redditur corona justitiæ. Quid enim prodest esse bonum, esse sapientem, esse potentem, si non perseveraverit usque in finem? Bonus erat Saül & optimus: quia docet Scriptura, quod non erat vir melior eo in populo Israël. Sed ad quid devenit? Cecidit, cecidit & reprobus factus est, ita ut non obediret voci Domini,

ni, Prophetam contemneret, à spiritu maligno vexaretur, virum innocentem persequeretur usque ad mortem: tandem verò consuleret Pythonissam, & ab alienigena miserabiliter interiret. Quis porro sapientior Salamone? Sed deficiens à præceptis Domini, & coniunctus mulieribus gentilibus, fabricavit Diis imò dæmonibus illarum templa, ita ut ipse cum illis idola adoraret; tantò magis in stultitia desipiens & abiectus, quantò priùs in sapientia fuerat elevatus. De quantis etiã legimus in Vitis Patrũ, viris potentibus in vigiliis & in jejuniis, in laboribus supra modum humanum, imò & in miraculis coruscantibus qui ceciderunt, quia non perseveraverunt usque in finem. *Qui perseveraverit usque in finem* (Dominus inquit) *hic saluus erit*. Finis non pugna coronat. Lauda navigantis felicitatem, sed cùm pervenerit ad portum. O quantum humilitatis tibi iure incutiet & timoris, cùm adverteris summum Angelorum cum magna multitudine sequacium suorum in cælo cecidisse; hominem Protoplastum cum uxore sua à Paradiso ejectos fuisse; tot bonos, sapientes, potentes in terra nostra periisse: quia ad bonorũ operum consummationem non pervenerunt. Est quidem alius alio iustior, sed nescit utrũ amore vel odio dignus sit. Quare? Quia ignorat si perseveraturus sit, si coronandus sit. Et ideo (k) nos in vita sua laudare hominem prohibemur. Quomodò namque secura laudatio, ubi nec ipsa vita est secura? *Non coronabitur, nisi qui legitime certaverit*, ait tuba illa cælestis. Et legem certaminis ab ore ipsius legislatoris ausculta: *Qui perseveraverit usque in finem, hic saluus erit*.

Xx 2

Ne-

Nescis omnino quis sit perseveraturus, nescis quis sit legitimè certaturus, nescis quis coronam sit accepturus. Est tamen efficax medicamentum (1) quod huic timori apponamus: videlicet fiduciam, spem & fortitudinem nostram ponamus in eo, cui canit Psalmus: *Adjutor meus tibi psallam: quia Deus susceptor meus est Deus meus misericordia mea*. Et de quo Esaias: *Ecce Deus Salvator meus, fiducialiter agam & non timebo: quia fortitudo mea & laus mea Dominus, & factus est mihi in salutem*. Quicunque enim ceciderunt, ideo profecto ceciderunt, quia magis de se, quàm de Deo præsumpserunt. Ædificaverunt quippè domum intentionis suæ super arenam. Imminente ergo tempestate tentationum fluxerunt flumina, id est concupiscentiæ transitoria persuadentes appetitum; & flaverunt venti superbiæ & vanæ gloriæ, & cecidit domus illorum, & omnia facta eorum destructa sunt: quia super arenam, id est semetipsos ædificaverunt, de propriis nimirum viribus confidentes. Nos autem multò melius fundamentum ponentes, illud scilicet de quo dicit Apostolus: *Fundamentum aliud nemo potest ponere præter istud quod positum est, quod est Christus Jesus*. Securi ædificemus super illud bona opera, quæ quamdiu illi inhæserint fundamento, corruere non poterunt, donec ipso adjuvante qui cæpit, ad consummationem debitam perducantur. Et nunc quid streat(m) nisi ut admoneamini de perseverantia servanda, quæ sola meretur viribus gloriā, coronā virtutibus? Prorsus absque perseverantia nec qui pugnat victoriam, nec palvā victor consequitur. Vigor virium, virtutum consummatio est, nutrix ad meritum,

medi-

1 Tract. de vite myst. cap. 14. num. 58. in Epist. 129. num. 2.

mediatrix ad præmium. Soror est patientiæ, constantiæ filia, amica pacis, amicitiarum nodus, unanimi-
tatis vinculum, propunaculum sanctitatis. Tolle perseveran-
tiam: nec obsequium mercedem habet, nec beneficium
gratiam, nec laudem fortitudo. Denique non qui cæpe-
rit, sed *qui perseveraverit usque in finem, hic saluus erit.*
Saul cum esset paruulus in oculis suis, Rex est super
Israël constitutus: non perseverans in humilitate, &
regnum amisit & vitam. Si cautela Samsonis, si Sala-
monis devotio perseverantiam retinuisset, nec is profe-
citur privaretur sapientiam, nec ille viribus. Hoc summæ
honestatis insigne, hanc totius probitatis unicam fidam-
quæ custodem, custodiri à vobis firmiter hortor & pre-
cor. Mementote, Fratres, solam ex omnibus perseve-
rantiam coronari, (n) nec eam facile posse inter tot
discrimina vendicari, nisi multiplicem obtineatis in
tam multiplici colluctatione virtutem. Inchoantibus
præmium promittitur (o) sed perseverantibus datur,
sicut scriptum est: *Qui perseveraverit usque in finem,
hic saluus erit.* Tunc enim placet Deo nostra conver-
sio, quando bonum quod inchoamus, usque in finem
perducimus. Sic enim scriptum est: *Vae his qui susti-
nentiam perdiderunt*, id est, bonum opus non con-
summaverunt.

§. III.

Præterea (p) unusquisque nostrum considerare
non cesset, qualiter in stadio mandatorum Dei cur-
rat, qualiter in agone Christiano contra leonem ru-

X x 3

gion-

n Ser. 3. in dedicat. Eccl. num. 4. o Tract. de modo bene vivere. cap.
6. num. 15. p Ser. 12. in ult. Cena num. 96.

gientem contendat. Neminem vestrū credo latere, non aliquem posse salvari, nisi qui Domino Jesu fidelis perseveraverit usque ad egressū de habitaculo corporis; nec ad braviū æternæ dulcedinis pervenire, qui antequam ad metam veniat, in cursu deficiat. Stadium nostrum est observantia mandatorum Dei. Finis stadii nostri est charitas juxta illud Apostoli: *Finis legis est charitas*. Charitas stadii nostri est ipsa charitas, non quā diligimus Deum, sed quā possidemus Deum: non ea quā diligitur Deus, sed ea quæ est ipse Deus. In stadio mandatorū Dei alius *benè* currere incipit, & antequam ad metā veniat, deficit. Alius *pigrè* incipit, & postea ad metā velociter currit. Alius & *velociter* incipit, & velociter proficit. Alius *pigrè* incipit, & in pigritia sua semper persistit. Duobus istorum bravium debetur, scilicet *pigrè* incipienti, & postea velociter pervenienti: alteri & *agiliter* incipienti, & velociter pervenienti. Indefessum proficiendi studium (q) & jugis conatus ad perfectionem, perfectio reputatur. Quod si studere perfectioni esse perfectum est, profectò nolle proficere, deficere est. Ubi ergo sunt qui dicere solent: Sufficit nobis, nolumus esse meliores, quàm Patres nostri? O homo, non vis proficere? Non. Vis ergo deficere? Nequaquam. Quid ergo? Sic mihi, inquis, vivere volo, & manere in quo perveni, nec peior fieri patior, nec melior esse cupio. Hoc ergo vis, quod esse non potest. Quid enim stat in hoc sæculo? Et certè de homine specialiter dictum est: *Fugit velut umbra, & nunquam in eodem statu permanet*. Ipsius denique hominis sæculiquè Auctor quamdiu in terris visus est, & cum ho-

mini-

minibus conversatus est, numquid stetit? Et quidem (teste scriptura) *pertransiit beneficiendo & sanando omnes*. Pertransiit ergo sicut non infructuosè, ita non remissè, non pigrè, non lento passu; sed, quemadmodum item de eo scriptum est: *Exultavit ut gigas ad currendam viam*. Postea currentem non apprehendit, qui & ipse pariter non currit. Et quid prodest Christum sequi, si non contingat consequi? Ideo Paulus agebat: *Sic currite ut comprehendatis*. Ibi tu christiane fige tui cursus profectusquè metam, ubi Christus posuit suam. *Factus est* (inquit Apostolus) *obediens usque ad mortem*. Quantumlibet ergo cucurreris, si usque ad mortem non perseveraveris, bravium non apprehendis. Bravium Christus est. Quod si illo currente tu gradum sistis: non Christo appropias, sed te magis elongas: timendumquè tibi est quod ait David: *Ecce qui elongat se à te Domine, peribant*. Itaque si proficere currere est: ubi proficere, ibi & currere definis. Ubi verò non currere, ibi & deficere incipis. Hinc planè colligitur, quia nolle proficere, non nisi deficere est. Vidit Scalam Jacob, (r) & in scala Angelos, ubi nullus residens, nullus subsistens apparuit; sed vel ascendere, vel descendere videbantur universi: quatenus palàm daretur intelligi inter profectum & defectum in hoc statu mortalis vitæ nihil mediū inveniri: sed quomodo ipsum corpus nostrum continuè aut crescere constat aut decrescere, ita necesse sit & spiritum aut proficere semper, aut deficere. Nemo repentè fit summus: (s) ascendendo non volando apprehenditur summitas scalæ. Ascendamus igitur

X x 4 velat

r Ibidem num. 5. s. Ser. 1. de San. Andr. nu. 10.

696 *Philosophiæ Christianæ*

velut duobus quibusdam pedibus, meditatione & oratione. Meditatio siquidem docet quid desit, oratione desit obtinet. Illa viam ostendit, ista deducit. In quibus omnibus si quis forsitan proficere dissimulat (t) & proficisci de virtute in virtutem; noverit quisquis hujusmodi est, in statione non in processione se esse, imò verò in regressione: quoniam in via vitæ non progredi, regredi est, cum nihil adhuc in eodem statu permaneat. Porro profectus noster in eo consistit, ut nunquam arbitremur nos apprehendisse, sed extendamur ad interiora, incessanter conemur in melius: aut imperfectum nostrum Divinæ misericordiæ obtutibus jugiter exponamus. Ab omnibus quidē vobis perfectio exigitur (u) licet non uniformis. Sed si incipis, incipe perfectè. Si jam in profectu es, & hoc ipsum jam perfectè age. Si autem perfectionis aliquid attigisti, te ipsum in temetipso metire, & dic cum Apostolo: *Non quod jam apprehenderim, aut perfectus sum: sequor autem, si fortè comprehendam, in quo & comprehensus sum. Unum autem, quæ quidem retrò sunt obliviscens, & ad ea quæ sunt priora extendens meipsum, ad destinatum prosequor braviū supernæ vocationis Dei in Christo Jesu.* Deinde addit: *Quotquot ergo perfecti sumus, hoc sapimus.* In quo manifestè Apostolo docente declaratur, quia perfecta eorum quæ retrò sunt obliuio, & perfecta in anteriora extensio, ipsa est hominis iusti in hac vita perfectio: & perfectio huius perfectionis ibi erit, ubi erit braviij supernæ vocationis perfecta apprehensio. Ita, quæso, (x) ita facite dilectissimi. Discipulus

t Ser. 2. in Purificat. B. M. num. 2. u Tract. de vita. solit. cap. 4. num. 11. tom. 5. pag. 238. x. Epist. 341. num. 1. & 2.

lus quippè proficiens, gloria est Magistri. Quisquis in schola Christi non proficit, eius indignus est magisterio, præsertim tamen ubi sumus, ubi nihil in eodem statu permanet: & non proficere, sine dubio deficere est. Nemo proinde dicat: Satis est, sic volo manere, sufficit mihi esse sicut heri & nudiustertius, In via residet, qui eiusmodi est: in scala subsistit, ubi neminem Patriarcha vidit nisi ascendentem, aut descendentem. Dico etiam: Qui se existimat stare, videat ne cadat. Ardua & angusta est via: & non hîc, sed in domo Patris mansiones sunt multæ. Itaque, qui se dicit in Christo manere, debet sicut ille ambulavit, & ipse ambulare. *Jesus enim* (ut ait Evangelista) *crescebat & proficiebat sapientiâ & ætate & gratiâ apud Deum & homines*. Ille non restitit ergo, sed *exultavit ut gigas ad currendam viam*: & nos quoque si non desipimus, curremus post eum, trahemur in odore unguentorum ipsius. Alioquin si elongari contigerit, erit pigritanti animæ & laboriosior & periculosior via, dum nec odore recreari, nec certa possit agnoscere vestigia longiùs abeuntis. Sic ergo currite Fratres, ut comprehendatis. Quòd sanè ita fiet, si nequaquam arbitramini comprehendisse: sed obliti quæ retrò sunt, extenditis vos in anteriora. Denique audite [y] quid loquatur Sponsus: *Capite, inquit, nobis vulpes parvulas quæ demoliuntur vineas: nam vinea nostra floruit*. Vulpes, tentationes sunt. Necessè est ut veniant tentationes. Quis enim coronabitur, nisi qui legitimè certauerit? Aut quomodò certabunt, si desit qui impugnet? Tu ergo accedens ad servitutem Dei sta
in

n timore, & præpara animam tuam ad tentationem, certus *omnes qui piè volunt vivere in Christo, persecutionem passuros*. Proficientium sanctioribus studiis minimè quidem sese opponere contrariæ virtutes apertè audent, sed solent ex occulto insidiari quasi quædam fraudulentæ vulpeculæ: specie quidem virtutes, re autem sunt vitia. Quantos (verbi gratiâ) ingressos vias vitæ, progressos ad meliora, super semitas iustitiæ benè securèquè proficiscentes & proficientes, fraude (proh dolor) vulpium harum turpiter supplantatos expertus sum, & serò in se virtutum suffocatos plangere fructus? Avertat hoc à servulis suis [z] pro quorum salute induere dignatus est formā serui, Unigenitus Dei Patris, qui est super omnia Deus benedictus in sæcula. Amen.

C A P U T V I I.

De septimo verbo Christi, quod in articulo mortis suæ protulit ad Deum Patrem.

Pater, in manus tuas commendo spiritum meum. Luc. 23.

1. *Ostenditur, Christum ideo commendavisse Deo Patri Animam suam, ut erudiret nos, quòd debeamus Creatori nostro commendare animas nostras in articulo mortis. Proponuntur nobis ad imitandum sex verba Christi prolata in Cruce: in quorum tribus commendatur nobis triplex charitas*
2. *Monemur, ut præparemus nos ad mortem, considerantes*

tes ea quæ traduntur : & ut frequenter suspiremus ad Iesum Crucifixum, sperantes in eum . Ostenditur tria esse fundamēta, in quibus tota spes nostra consistit. 3. Probatur Christum in cōmendando Patri animā suam, docuisse nos , ut in hora mortis nostræ invocemus Deum Patrem, & in eius Filio totā spem habeamus , quæ consistit in triplici fundamento . Ostenditur, securè morituros esse illos, qui sunt mortui peccato & mundo. Agitur de differentia mortis iustorum, & peccatorum. Excitatur ad considerationem mortis nostræ .

S. I.

Iesus autem iterum clamans voce magna , ait : Pater, in manus tuas commendo spiritum meum. Matt. 27. Luc. 23.

Nunc iam ultimum folium Vitæ nostræ (a) vel ultimam chordam citharæ nostræ consideremus : ut indelebili memoriæ commendemus, imò & ore indefesso ruminemus . Pater (ait ille bonus Iesus) *in manus tuas commendo spiritum meum* . Scaturire videntur hæc verba (b) teneritudinem amoris , & quasi mustum quod dirumpit novas lagunculas , de medullis procedere diligentis . Deus Pater diligit Filium (c) & singulari dilectione amplectitur, summus æqualem, æternus coæternū, unus Unicum . Sed enim non minori ipse à Filio affectione astringitur : quippè pro cuius amore & moritur, cum

a Tract. de vice myst. cap. 15. nu. 59. b.
c. Ser. S. in Cant. nx. 1.

cùm ait: *Pater, in manus tuas commendo spiritum meum*. Quis mihi (d) dignè horum verborum referabit sacramentum? Plena quippè [e] sunt omnia supernis mysterijs, ac cælesti singula dulcedine redundantia. Sed cui (f) similabo ea? Vni interim epularum, quæ triplici quadam emineat gratiâ, deliciosa ad saporem, solida ad nutrimentum, efficax ad medicinam. Sic, inquam, sic singula Jesu morientis verba, & ex eo quòd suaviter sonant, affectum mulcent: & de sensuum vbertate mentem impinguant & nutriunt: & de altitudine mysteriorum, dum intellectum quòd plùs exercent eò plùs terrent, miro modo tumorem sanant infantis scientiæ. Si tamen diligentem habeant inspectorem (g) qui noverit sugere mel de petra, oleumquè de saxo durissimo. Quid est autem (h) quòd ille coæternus & consubstantialis Patri Filius Animam suam ita manifestè in manus Patris commendabat, cui non minùs commendata etiam esset, si hoc non dixisset? In Evangelio Ioannis habemus, quòd cùm Dominus Jesus suscitaturus esset Lazarum, dixit: *Gratias tibi Pater ago, quia me semper audisti: sed propter astantes dixi, ut ipsi credant quia tu me misisti*. Hæc autem cùm dixisset (i) clamavit voce magna: *Lazare veni foras*. Magna utique voce, non tam sono clamosa, quàm pietate, & virtute magnifica. Ita profectò (k) & nunc. Quamvis enim sciret Animam suam Sanctissimam Patris esse manibus commendatam, qui paulò ante dixerat: *Venit princeps huius mundi* (idest Sa-

ta-

d Ser. 1. super sa. Reg. nu. 2. e Ser. 1. super missus nu. 1. f Ser. 67. in Cant. nu. 1. g. Ser. 1. super missus nu. 1. h Tract. de vite myst. cap. 15. num. 59. i Ser. 4. in Assumpt. B. M. num. 4. k Tract. de vite myst. cap. 15. num. 59.

tanus) & in me non habet quidquam . Tamen ut erudiret nos qui terra sumus & cinis , ut spiritum nostrum disceremus Patris æterni manibus commendare , ne ab huius mundi principe , cùm à corpore egressus fuerit ; comprehendatur , qui in nobis (heu) non pauca quæ ad ipsum pertineant , inveniet : cùm ipse qui peccato nil debebat , imò etiam qui tollere peccata aduenerat , spiritum suum purissimum à purissimo corpore egressurum non utique necessitatis , sed exempli gratià , Patris sui manibus commendavit . Quod & nos sub spe gratiæ & misericordiæ poterimus facere (1) si sub vmbra septem foliorum præmissorum latuerimus , si sonos chordarum ci-tharæ nostræ auribus cordis audierimus . *Primò* scilicet , si oremus pro inimicis . *Secundò* , si pænitentibus qui in nos peccaverunt , ex toto corde remiserimus . *Tertiò* , si proximis nostris mutuam rependerimus charitatem . *Quartò* , si in omnibus tribulationibus nostris speraverimus in eo , qui propter nos Homo factus est , ut vnitus nostræ naturæ esset nobiscum . *Quintò* , si ardenti desiderio proximorum salutem desiderauerimus . *Sextò* , si in bonis operibus ad consummationē vitæ perstiterimus . In quantum hæc egerimus , fiducialiter poterimus dicere æterno Patri cū Domino Jesu : *In manus tuas Domine commendo spiritum meum* . Semper orantes dum vivimus , ut in his verbis , quibus ipse Jesus spiritum emisit , præstare dignetur nos etiam spiritum nostrum emittere , & suis efficaciter manibus commendare . O quàm magnificus (m) factus es in nuptijs tuis Rex & Sponse , bone Jesu ! Quàm largè quæ habuisti , omnia tradidi-

sti !

1 *ibidem* num. 60. m *ibidem* cap. 10. num. 47

fi ! Ecce ipsis crucifixoribus tuis orationis affectum, Latroni paradisum, Matri filium, filio Matrem, mortuis vitam, manibus Patris Animam tuam, toti Mundo signa potentiae tuæ contulisti: pro redimendo seruo non ex parte, sed totum Sanguinem ex multis & largis foraminibus effudisti. Porro in tribus verbis prius pertractatis (n) tres charitatis species mihi commendari videntur. *Vna*, quæ habetur ad inimicos etiam reconciliari nolentes, de qua dicit Joannes: *Diligamus Dominum, qui dilexit nos cum adhuc essemus inimici: & hæc est summa & magis admiranda dilectio*. Diligere enim inimicos magis Diuinum est quam humanum. *Secunda*, quæ habetur ad eos qui aliquando fuerunt inimici, sed petita reconciliatione, in gratiam sunt recepti. Vnde Paulus ait: *Reconciliati sumus Deo per Sanguinem ipsius*. *Tertia*, quæ habetur erga eos qui nunquam fuerunt inimici, de qua idem ait: *Operemur bonum ad omnes, maxime autem ad domesticos fidei*. Prima autem charitatis species nobis commendatur in primo verbo, vbi Dominus Jesus orat pro inimicis. Secunda, vbi Latroni petenti paradisum promittit. Tertia, vbi amicos præcipuos committit. Tegamur ergo horum umbrâ foliorum. Audiamus & exaudiamus hos nostræ citharæ sonus dulcissimè modulantes: & à furore omnis inuidiæ, odij, iræ, & ab omni amaritudine detractionis, adulationis, simulationis, adiuvante Domino qui est vera charitas, temperemus; ipsum in omnibus charitatis speciebus, animo simul & operibus imitantes. Ecce secundum quod posuimus [o] non quod debuimus, nec secundum quod

quod volumus, Vitis nostræ desuper extensæ folia septem vestræ ostendimus charitati: quæ non satis est tantum intueri, sed potius est accedendum, & sub vmbra illorum sedendum, ut possimus cum Sponsa veraciter dicere: *Sub vmbra illius quem desideraveram, sedi*. Cuius? Illius Sponsi utique, cujus folia vmbra tantò habent latiore, quantò ipse Sponsus Verbum summi Patris verba habet virtutibus amabilia, viciniora què saluti, magis accommodata pietati, & omnium intellectui promptiora. Meritò flebat Joannes [p] non inueniri qui aperiret Librum, & solueret signacula ejus: dum enim clausus staret, nemo ex nobis Divinam illam attingere Sapientiam prævaleret. *Aperi tu librum Agne Dei, vera mansuetudo. Fodiendas expone Iudæo manus tuas & pedes tuos, ut qui in eis latet procedat thesaurus salutis, & copiosa redemptio. Frange denique a surientibus panem tuum. Solus enim frangere potes, qui solus ut confracta solides, stare potes: & in ipsa confractione solus potestatem habes ponendi Animã, & eam cum volueris, resumendi. Tua igitur miseratione solvatur aliquatenus hoc Templum, sed non penitus dissolvatur. Separetur ab Anima caro, sed Verbum sanè & carnis seruet incorruptionem, & Animæ plenam conferat libertatem: ut sola inter mortuos liberè agat, educat vinclos de domo carceris, sedentes in tenebris & in vmbra mortis. Ponat Anima Sancta Carnem immaculatam, sed resumendam tertia die: ut moriens mortem perimat, & vita omnium cum resurgente resurgat.*

Pater

S. I I.

Pater, in manus tuas commendo Spiritum meum.
Luc. 23.

Cognosce anima mea [q] cognosce : hic est Dominus Deus noster, Jesus Christus Saluator tuus, Vnigenitus Dei Filius, verus Deus, verus homo : qui solus sub Sole sine macula inuentus est . Et ecce [r] moritur Saluator tuus, anima mea , ut te viuificet . Tu ergoingere te vigiliis [s] per lachrymarum violentiam vince Dominum maiestatis , & dic : *Mane nobiscum Domine, quoniam advesperascit, & inclinata est iam dies* . Hanc clausulam multipliciter possumus intelligere , & in ea multas delicias inuenire . *Mane nobiscum, quoniam advesperascit* . Cum properamus in virtutum successibus , in die sumus : cum nos obnubilant tribulationum angustiae , incipit nobis advesperascere : cum tristitia nos confundit , nobis advesperascit . Et quia ad te confugimus , qui solus laborem & dolorem consideras : *mane nobiscum, quoniam advesperascit* . Iam veniunt aquae usque ad animam, iam deuotionis deliciae vertuntur in miseriam, iam omnes angulos mentis nostrae ventus tēstationis concutit : *Mane nobiscum, quoniam advesperascit* . Tu tribulatis cordibus es refrigerium , tu refugium , tu solatium : tua est potentia , tuum est imperium . Intenti sunt ad te oculi omnium , te solum sitiens anima concupiscit : *mane nobiscum, quoniam advespe-*

q Ser. de Pass. Dom. num. 15. r Lib. 3. de amore Dei cap. 19. num. 67. s Ser. in fer. 2. Pasch. num. 21.

vesperascit. Sine te nihil possumus facere. Tu solus carmina das in nocte: tu turris es fortitudinis à facie tribulantis: tuæ pietatis oculus omnia quæ sub cælo sunt respicit: *mane nobiscum, quoniam advesperascit*. Per te confurgit nobis ad vesperum fulgor meridianus: & orimur ut lucifer, cùm nos consumptos putamus. Non confunditur omnis qui in te confidit: *mane nobiscum, quoniam advesperascit*. Inclinata est jam dies, facti sunt vesperi longiores: quia appropinquante mundi termino, superexcrefcit iniquitas, & charitas refrigescit. Ne extinguatur in nocte lucerna nostra, *mane nobiscum, quoniam advesperascit*. Vergente mundi vespere, Sole justitiæ, frigus iniquitatis genus humanum opprimit. Omnes occupat nox perfidiæ, lux veritatis deficit. Ne deficiamus cum deficientibus, *mane nobiscum, quoniam advesperascit*. Vitæ meæ jam instat vespera, corpus consumit ægritudo pervalida: jam mors minatur aspera. Timor & tremor totam conscientiam concutit, terribilem sententiam Judicii pertimescit. Paveo gehennam: (t) paveo Judicis vultum ipsis quoque tremendum Angelicis potestatibus. Contremisco ab ira potentis, à facie furoris ejus, à fragore ruentis mundi, à conflagratione elementorum, à tempestate valida, à voce Archangeli, & à verbo aspero. Contremisco à dentibus bestię infernalis, à ventre inferi, à rugientibus præparatis ad escam. Horreo vermem rodentem & ignem torrentem, fumum & vaporem, & sulphur procellarum: horreo tenebras exteriores. Sed tu Domine Jesu (u) cui Pater omne judicium dedit, *mane nobiscum, quoniam*

Y y niam

niam advesperascit . In manus tuas commendo spiritum meum . Ne tradas animam confidentem tibi potestatibus tenebrarum . In te solo est salus nostra, ad te sunt oculi nostri, ne pereamus . De multitudine miserationis tuæ mens fiduciam concipit: *mane nobiscum, quoniam advesperascit .* Hoc est votum meum (x) hoc propositum meum, hæc est intentio cordis mei . Reposita est namque hæc spes mea in sinu meo, & in hac perseverabo . Sperabo in Jesum crucifixum . Nec desperabo, nec frustra sperabo: quia maledictus qui peccat in spe, & nihilominus qui peccat in desperatione . Sed nec esse volo de his, qui non sperant in Domino: *sperabo in eum .* Quo fructu, qua mercede, quo lucro? *Quoniam ipse liberabit me de laqueo venantium, & à verbo aspero .* Viriliter interim sustineat (y) in hoc sæculo pietas collutationem, & persecutionem quamlibet æquanimiter patiatur. Quidni tolleret omnia, quæ ad omnia valet pietas . Repugnet fortiter impugnanti, quia & repugnanti propugnator aderit indefessus, & triumphanti non deerit largissimus remunerator. *Scuto* (inquit Propheta) *circumdabit te veritas ejus .* Necessaria planè insuperabilis protectio Veritatis, non modò interim in carne degenti, sed post modum exeunti: & nunc quidem ob periculosos conflictus, tunc verò ob monstruosos occursum spirituum malignorum . Nempè & Sanctissimam illam gloriosi Martini animam voluit pars inimica nocere, & cruenta bestia sciens quòd modicum jam tempus haberet, totà profectò insaniâ malitiæ infatigabilis non est verita propè assistere ei quoquè, in quo nihil habebat . Imoverò ad
ipsum

x Ser. 2. super Psal. 90. n. 3. y Ser. 7. super Psal. 90. num. 1. & 2.

ipsum etiam Regem gloriæ accedere impudentissima temeritas illa præsumpsit, sicut ipse testatur: *Venit enim princeps mundi hujus, & in me non invenit quidquam*. Felix anima, quæ sic interim tentationum jacula scuto veritatis repulerit, ut nil prorsus venenatum in se coalescere passa, omninò non confundatur cum loquetur inimicis suis in porta: *Nihil in me funesti reperies*. Felix, quem sic circumdat clypeus veritatis, ut introitum quoque & exitum ejus custodiat; exitum utique ab hac vita, & introitum in futuram: quo videlicet nec moliatur à tergo, nec à facie mali quidpiam inimicus attentet. Siquidem omninò opus erit illic custode, opus erit duce fidei, opus erit consolatore magno propter horribiles illas visiones, non minùs quàm hîc adjutore & propugnatore contra invisibiles tentationes. Hæc autem utraque (z) brevius quidem in alio Psalmo Propheta commendans: *In te (inquit) eripiar à tentatione, & in Deo meo transgrediar murum*: quòd ipso nimirum duce, nec hîc gradiens offendiculum, nec egrediens hinc obstaculum pateretur. In altero crebra ereptio, in altero plena jam & segura liberatio designatur. Nam in hoc sanè tertio quod adjungit, *Verumtamen oculis tuis considerabis*, etiam fælicitatis non modicæ promissionem arbitror contineri. *Cadent*, inquit, *à latere tuo mille, & decem millia à dextris tuis: ad te autem non appropinquabit*. Ita, oro Domine Jesu, ita fiat. Cadant illi, & non cadam ego: paveant illi, & non paveam ego: confundantur illi, & non confundar ego. Tria sunt (a) quæ sic roborant & confirmant cor meum, ut nulla me pe-

Y y

2

nuria

nuria meritorum, nulla consideratio propriæ vilitatis, nulla æstimatio cælestis beatitudinis, ab altitudine spei deicere possit in ea firmiter radicatum. Tria namque considero, in quibus tota spes mea cōsistit, *charitatem* adoptionis, *veritatem* promissionis, *potestatem* redditionis. Murmuret jam quantum voluerit insipiens cogitatio mea dicens: Quis enim es tu, aut quanta est gloria illa, quibusvè meritis hanc obtinere speras? Et ego fiducialiter respondebo: Scio cui credidi, & certus sum, quia *in charitate* nimia adoptavit me, quia *verax* in promissione, quia *potens* in exhibitione: licet enim ei facere quod voluerit. Quidquid autem agendum sit (b) quidquid tolerandum, quidquid optandum, tu es Domine spes mea. Hæc una mihi est omnium promissionum causa, hæc tota ratio meæ expectationis. Prætendat alter meritum, sustinere se jactet pondus diei & ætus, jejunare bis in Sabbatho dicat, postremo non esse sicut cæteros hominum gloriatur: mihi autem adhære Deo bonum est, ponere in Domino Deo spem meam. Si mihi præmia promittuntur, per te obtinenda sperabo. Si insurgant adversum me prælia, si sæviat mundus, si fremat malignus, si ipsa caro adversus spiritum concupiscat: in te Domine ego sperabo.

§. I I L

Pater, in manus tuas commendo spiritum meum. Luc. 23.

Do-

^a Ser. 5. super. Ps. 11. 97. num. 5.

Dominus Jesus docuit (c) quid tu Christiane in omnibus periculis mortis debeas dicere, ad quem confugere, quem invocare, in quem sperare. In Patrē Deum, qui non potest despiciere sperantes in se, debes sperare cum attestazione bonorū operum. Bonorum dico: quia sine meritis aliquid sperare, non spes, sed præsumptio debet dici. Tu itaque talia fac opera tua, ut Domino in hora mortis tuę in veritate dicere possis: *In manus tuas Domine commendo spiritū meum.* Et iterū: *In te Domine speravi, non confundar in æternum.* Spes triplex est (d) & procedit de triplici fide. Nam de fide promissorum, oritur *spes veniæ*: de fide signorum, *spes gratiæ*: de fide promissorum, *spes gloriæ*. Fratres, Hoc sapere (e) ex fide vivere est. Nec alius ex sententia dicere potest: *Quoniam tu es Domine spes mea*: nisi cui intūs sit persuasum à spiritu, ut (quemadmodū monet Propheta) *jacet cogitatum suum in Domino*, sciens quod enutriendus sit ab eo. Juxta illud quoque Petri Apostoli: *Omni sollicitudinem vestram proiicientes in eum: ipsi enim cura est de vobis.* Crede ergo te Deo (f) committe te ei, jacta in eum cogitatum tuum, & ipse te enutriet; ut fiducialiter & fideliter dicas: *Dominus sollicitus est mei.* Neque enim hoc sapiunt homines amantes seipsos, homines scioli, & solliciti pro seipsis, curam carnis perficientes in desideriis, sardi ad vocem dicentis: *Omni sollicitudinem vestram proiicientes in eum: ipsi enim cura est de vobis.* Ut quid ergo si hæc sapimus (g) ut quid cunctamur

Y y 3 abii-

c Ser. r. in ult. Cana n. 6. tom. 2. pag. 651. d Ser. 45. diuer. num. 5.
e Ser. 9. super Psal. 90. num. 6. f Ser. 5. in vig. nat. Dom. r. 5.
g Ser. 9. super. Psal. 90. num. 6.

abiicere omninò spes miseras, vanas, inutiles, seductorias: & huic uni tam solidæ, tam perfectæ, tam beatæ spei, tota devotione animi, toto fervore spiritûs inhærere? Si quid illi impossimile, si quid difficile est, quære aliud in quo speres? Sed verbo omnia potest. Quid facilius dictu? Attamen huiusmodi dictum intelligas volo. Si decreverit salvare nos, continuò liberabimur: si vivificare placuerit ei, vita in voluntate ejus est: si præmia æterna largiri, licet ei quod vult facere. An verò de facilitate jam non dubitas, sed ipsa tibi est suspecta voluntas? Planè & voluntatis testimonia credibilia facta sunt nimis. *Majorem hac dilectionem nemo habet, quàm ut animam suam ponat quis pro amicis suis.* Denique quando in se speranti desit illa Majestas, quæ tam studiosè monet in se sperari? Planè non derelinquit sperantes in se. *Adjuvabit eos* (ait Propheta) *& eruet eos à peccatoribus, & salvabit eos.* Quare? Quibus meritis? Audi ô Christiane quod sequitur: *Quia speraverunt in eo.* Dulcis causa, attamen efficax, attamen irrefragabilis. Nimirum hæc est justitia, sed quæ ex fide est, non ex lege. Porro (h) Dominus Jesus dicit in Evangelio: *Nolite desperare, sed habete fidem Dei in vobis.* Spes quæ videtur, non est spes. Nam quod videt quis, quid sperat? Si autem quod non videmus speramus, per patientiam expectamus. Unde Salamon ait: *Expectatio justorum letitia, spes autem impiorum peribit.* Ergo & tu Christiane expecta Dominum, & custodi viam ejus, & exaltabit te, ut hæreditate capias regnum Dei. Expecta Dominum, & recede à malo:

&

& exaltabit te in die visitationis, id est, in die mortis tuæ, sive in die judicii. Qui malè agere non cessant, in vanum misericordiam Dei expectant: quàm rectè expectarent, si à malo recederent. Unde Beatus Isidorus ait: Timere debemus, ne per spem, quam Deus promittit nobis, perseveranter peccemus. Nec rursus quia justè peccata distringit, de Dei misericordia desperemus; sed quod melius est, utrumque periculum fugiamus: ut à malo decline-
mus, & de pietate Dei veniam speremus. Omnis quippè justus spe & formidine nititur: quia nunc spes ad gaudium erigit, nunc ad formidinem terror gehennæ reducit. Qui enim de peccati venia desperat, plus se de desperatione quàm de peccato dam-
nat. Igitur, ô homo Christiane, spes tua sit in Jesu Christo Redemptore tuo firma, quia *sperantes in Domino misericordia circumdabit*. Spera firmiter in Domino, & fac bonitatem: inhabita terram, & in cælesti regno pascaris in divitiis ejus. Depone injus-
titiam, & spera in Dei misericordiam: aufer à te iniquitatem, & spera in salutem. Emenda teipsum, & spera in Dei clementiam. Expelle à te pravita-
tem, & spera indulgentiam: corrige vitam tuam, & spera vitam æternam. Sed volo te quoque mortem (i) etsi non effugere, certè vel non timere. Justus quippè mortem etsi non cavet, tamen non pavet. Denique si morte præoccupatus fuerit, in refrigerio erit. Moritur quidem & justus, sed securè: quippè cujus mors ut præsentis est exitus vitæ, ita introitus
melioris. Bona est mors, si peccato moriaris, ut justi-
tiæ vivas. Hæc mors necesse est ut præcurrat, ut

sequatur illa secūra . In hac vita quàm diu duras , compara tibi illam quæ semper durat . Dum vivis in carne , morere mundo , ut post mortem carnis Deo vivere incipias . Quid enim si conciderit mors saccum corporis tui , dum te subinde circumdet lætitia ? O quàm beati mortui qui in Domino moriuntur , audientes à spiritu , ut requiescant jam à laboribus suis . Non solùm autem , sed & succedit jucunditas de novitate , ac de æternitate securitas . Siquidem (k) nec humana malitia jam tunc habebit quid faciat : nec dæmonum millia plùs verebimur , quàm totidem vermium agmina vel muscarum . Denique bona est mors iusti propter requiem (l) melior propter novitatem , optima propter securitatem . E contra verò , *mors peccatorum pessima* . Et audi unde pessima . Mala siquidem est in mundi amissione , *pejor* in carnis separatione , *pessima* in vermis ignisquè duplici contritione . Quod si etiam iustus trepidat sollicitus prævenire eum (m) qui ipsas quoque paratus est iustitias judicare : quid agimus nos , quorum interim iudicata non fuerint & tecta peccata ? Timendum valdè est , ne fortè manifesta inveniantur præcedentia ad iudicium . Manet iustos horror in exitu (n) dolor in transitu , pudor in conspectu gloriæ magni Dei . Unde autem nobis ista dissimulatio est , Fratres mei ? Unde hæc tam perniciofa tepiditas ? Unde hæc securitas maledicta ? Quid seducimus miseri nosmetipsos ? Forsitan jam divites facti sumus , forsitan jam regnamus . Nonne ostium domus nostræ horribiles spiritus illi obsident ? Nonne exitum

no-

k Ser. 7. super. Psal. 93. num. 16. l Epist. 105. num. 2. m Ser. in vig. S. Andr. num. 1. n Ser. 28. diver. num. 5. & 6.

nostrum larvales illæ facies præstolantur? Quis ille pavor erit, ô anima mea, cum dimissis omnibus (quorum tibi est tam jucunda præsentia, tam gratus aspectus, cohabitatio ipsa tam familiaris) sola ingrediens incognitam penitus regionem, occurrentia tibi catervatim ruere teterrima illa monstra videbis? Quis tibi in die tantæ necessitatis occurret? Quis tuebitur à rugientibus præparatis ad escam? Quis consolabitur? Quis deducet? Frattes mei, memoremur hæc novissima nostra, ne peccemus. Nam & per ignem nobis transeundum est, & uniuscujusque opus quale sit, ignis probabit. Ibi enim aurum nostrum vertetur in scoriam, ibi revelabitur universa impuritas: ibi Veritas ipsa accepto tempore, quod nobis interim datum contemnimus, justitias judicabit. Quid verò illic omnes justitiæ nostræ, nisi pannus menstruatæ reputabuntur? Quidquid nunc parvipendendo transimus, palpando tangimus, dissimulando negligimus: quanto illic cruciatu vindex flamma consumet? Utinam magis nunc daret quis capiti meo aquas, & oculis meis fontem lachrymarum: fortè enim non reperiret ignis exurens, quod interim fluens lachryma dilvisset. Unum est tamen (o) si nosmetipsos dijudicaverimus, non utique judicabimur. Bonum judicium est, quod me illi districto divinoquè judicio subducit & abscondit. Prorsus horreo incidere in manus Dei viventis. Volo vultui iræ judicatus præsentari, non judicandus. Spiritualis homo omnia dijudicat, & ipse à nemine judicatur. Judicabo proinde mala mea, judicabo & bona. *Mala* melioribus curabo corrigere actibus, dilue-

diluere lachrymis, punire jejuniis, cæterisque sanctæ laboribus disciplinæ. *In bonis* de me humiliter sentiam, & juxta præceptum Domini servum me inutilem reputabo, qui quod facere debui, tantum feci. Dabo operam nec folia pro granis, nec paleas cum granis offerre. Scrutabor ego vias meas, & studia mea: quo is qui scrutaturus est Jerusalem in lucernis, nihil in scrutatum in me sive indiscussum inveniat. Neque enim judicaturus est bis in idipsum. *Felix* cujus anima (p) fiducialiter inimicis suis loquetur in porta: *Quid hic stas cruenta bestia? nihil in me funesti reperiēs.* *Felicior*, cujus opus non arserit: quem superædificasse aurum, argentum, lapides preciosos, examen illud inveniet. *Felicissimus*, qui sine ulla nube confusionis relevata penitus facie gloriam Domini speculando, in eandem imaginem transformabitur, & similis erit illi, videns eum sicuti est, utique super omnia Deus benedictus & laudabilis, & gloriosus in sæcula sæculorum. Amen.

CAPUT VIII.

De morte Christi preciosa, & præ omnibus
Sacramentis affectuosa.

- I. *Ostenditur, mortem Christi Jesu fuisse spontaneam, & ex mera charitate susceptam. Docemur, Christum mortuum esse & secundum tempus pro inimicis, & secundum prædestinationem pro amicis. Patres ante adventum Christi, credentes Verbum Divinum*

vinum incarnandum, salvati sunt. Christus moriens in Cruce, fuit victima & sacrificium. De differentia sacrificiorum antiquæ legis, & novæ. 2. Ostenditur, mortem Christi esse holocaustum spirans odorem: quem odoratus Deus Pater; avertit iram indignationis suæ à nobis. Collatio oblationis Christi in templo necnon oblationis in Cruce proponitur. Excitamus ad plangendum super mortem Christi. 3. Ostenditur, quantum obligatur homo bonitati Christi, quam exhibuit moriendo pro eo. Tria referuntur ad mortem Christi, pro qua gratiæ agende sunt Deo. Mors Christi exigit à nobis, ut ei offeramus corpus & animam in sacrificium laudis: nec non totam vitam nostram, ut vivamus ei, qui pro ea præbuit vitam suam moriendo.

§. I.

Jesus clamans voce magna, ait: Pater, in manus tuas commendo spiritum meum. Et hæc dicens, inclinato capite tradidit spiritum. Luc. 23. Joan. 19.

Fidelis sermo (a) & omni acceptione dignus. Quia enim voluit, oblatus est. Non modò voluit & oblatus est, sed quia voluit. Solus nimirum potestatem habuit ponendi Animam suam: nemo eam abstulit ab eo. Ultrò, cum accepisset acetum, dixit: *Consummatum est*. Ac si diceret: Nihil restat implendum, jam non est quod expectem. *Et inclinato capite, factus obediens usque ad mortem, tradidit spiritum. Quis tam faciliè quando vult, dormit?*

^a Ser. in fer. 4. heb. san. num. 4.

mit? Magna quidem est infirmitas mori: sed planè sic mori virtus immensa est, Nempè quod infirmum est Dei, fortius est hominibus. Potest humana vesania sibiipsi in mortem sceleratas iniicere manus, sed non est hoc ponere animam suam, urgere eam magis & violenter abrumpere quàm ad nutum ponere est. Tibi, ò impie Juda, misera planè facultas fuit non ponendi animam, sed pendendi: nec tradente te, sed trahente laqueo nequissimus ille spiritus tuus exiit, non emissus à te, sed amissus. Solus Christus in mortem tradidit Animam suam, qui solus virtute propria regressus est ad vitam. Solus potestatem habuit ponendi Animam suam, qui solus facultatem æquè habuit liberam resumendi, imperium habens vitæ & mortis. Immisit Dominus soporem in Adam: (b) immisit & in seipsum factus nimirum secundus Adam. Sed est distantia fortè non parva. Ille enim soporatus videtur præ excessu contemplationis, Christus miserationis affectu: ut in illum soporem immiserit *Veritas*, in hunc *Charitas*, cum utraque sit Dominus. Ait enim Joannes Evangelista: *Deus Charitas est*. Et ipse Dominus: *Ego sum via, Veritas, & vita*. Sanè soporem Christi solius charitatis fuisse nemo dubitat vel nominetenus Christianus. Siquidem accubuit ut leo, non victus planè, sed victor, potestate propria ponens Animam, somnum mortis excipiens propria voluntate. Solus Dominus meus Jesus (c) non debito conditionis gustavit mortem, sed suæ beneplacito voluntatis: sanè non ob propriam utilitatem, bonorum enim nostrorum

non

non eget: sed nectanquam retribuens nobis gratiam pro gratia, qui non aliter pro amicis mortuus est, nisi pro acquirendis, videlicet ut amicos faceret ex inimicis. Cùm enim adhuc inimici essemus, reconciliati sumus Deo per Sanguinem Filii sui. Aut potius pro jam amicis, etsi nondum quidem amantibus, sed tamen jam amatis. In hoc est enim gratia, non quasi non dilexerimus Deum, sed prior ipse dilexit nos. Vis nosse quàm longè prior? *Benedixit Deus & Pater Domini mi Jesu Christi* (ait Apostolus) *qui benedixit nos in omni benedictione spirituali in caelestibus in Christo Jesu, sicut elegit nos in ipso ante mundi constitutionem.* Et post pauca: *Gratificavit, inquit, nos in dilecto Filio suo.* Quomoddò ergo non dilecti jam tunc in illo, quandò electi sumus in illo? Quomoddò non ei grati, in quo gratificari sumus? Sic ergo Christus secundùm tempus quidem pro impiis mortuus est, secundùm prædestinationem autè pro fratribus & amicis. Unde (d) legitur in Apocalipsi: *Agnus occisus est ab initio sæculi*, his videlicet qui fuerunt ab initio: ita ut per hoc quod dicitur, *ab initio*, determines non tempus occisionis, sed salutis. Priùs enim mors ejus profuit, quàm fuit: priùs promissio fuit, ac deinde exhibitio. Ab initio ergo sæculi occisus est. Propterea jam tunc (e) Sanguis Christi rorabat etiam Lazaro, ne flammam sentiret, quodd & ipse credidisset in eum qui erat passurus. Sic & de omnibus Electis illius temporis sentiendum est, natos quidem & ipsos æquè ut nos sub potestate tenebrarum propter originale pec-

d *Serm. de excell. SS. Sacram. num. 4. 10. 6. pag. 733. le Traët. de error. Abail. cap. 7. n. 18.*

niam advesperascit . In manus tuas commendo spiritum meum . Ne tradas animam confitentem tibi potestatibus tenebrarum . In te solo est salus nostra, ad te sunt oculi nostri, ne pereamus . De multitudine miserationis tuæ mens fiduciam concipit: *mane nobiscum, quoniam advesperascit* . Hoc est votum meum (x) hoc propositum meum, hæc est intentio cordis mei . Reposita est namque hæc spes mea in sinu meo, & in hac perseverabo . Sperabo in Jesum crucifixum . Nec desperabo, nec frustra sperabo: quia maledictus qui peccat in spe, & nihilominus qui peccat in desperatione . Sed nec esse volo de his, qui non sperant in Domino: *sperabo in eum* . Quo fructu, qua mercede, quo lucro? *Quoniam ipse liberabit me de laqueo venantium, & à verbo aspero* . Viriliter interim sustineat (y) in hoc sæculo pietas colligationem, & persecutionem quamlibet æquanimiter patiatur. Quidni tolleret omnia, quæ ad omnia valet pietas . Repugnet fortiter impugnanti, quia & repugnanti propugnator aderit indefessus, & triumphanti non deerit largissimus remunerator. *Scuto* (inquit Propheta) *circumdabit te veritas ejus* . Necessaria planè insuperabilis protectio Veritatis, non modò interim in carne degenti, sed post modum exeunti: & nunc quidem ob periculosos conflictus, tunc verò ob monstruosos occursum spirituum malignorum . Nempè & Sanctissimam illam gloriosi Martini animam voluit pars inimica nocere, & cruenta bestia sciens quòd modicum jam tempus haberet, totà profectò insaniâ malitiæ infatigabilis non est verita propè assistere ei quoquè, in quo nihil habebat . Imo verò ad
ipsum

x Ser. 2. super Psal. 90. n. 3. y Ser. 7. super Psal. 90. num. 1. & 2.

ipsum etiam Regem gloriæ accedere impudentissima temeritas illa præsumpsit, sicut ipse testatur: *Venit enim princeps mundi hujus, & in me non invenit quidquam*. Felix anima, quæ sic interim tentationum jacula scuto veritatis repulerit, ut nil prorsus venenatum in se coalescere passa, omninò non confundatur cùm loquetur inimicis suis in porta: *Nihil in me funesti reperies*. Felix, quem sic circumdat clypeus veritatis, ut introitum quoque & exitum ejus custodiat; exitum utique ab hac vita, & introitum in futuram: quo videlicet nec moliatur à tergo, nec à facie mali quidpiam inimicus attentet. Siquidem omninò opus erit illic custode, opus erit duce fideli, opus erit consolatore magno propter horribiles illas visiones, non minùs quàm hîc adjutore & propugnatore contra invisibiles tentationes. Hæc autem utraque (z) brevius quidem in alio Psalmo Propheta commendans: *In te (inquit) eripiar à tentatione, & in Deo meo transgrediar murum*: quòd ipso nimirum duce, nec hîc gradiens offendiculum, nec egrediens hinc obstaculum pateretur. In altero crebra ereptio, in altero plena jam & segura liberatio designatur. Nam in hoc sanè tertio quod adjungit, *Verumtamen oculis tuis considerabis*, etiam fælicitatis non modicæ promissionem arbitror contineri. *Cadent, inquit, à latere tuo mille, & decem milia à dextris tuis: ad te autem non appropinquabit*. Ita, oro Domine Jesu, ita fiat. Cadant illi, & non cadam ego: paveant illi, & non paveam ego: confundantur illi, & non confundar ego. Tria sunt (a) quæ sic roborant & confirmant cor meum, ut nulla me pe-

Y y 2

nuria

nuria meritorum, nulla consideratio propriæ vilitatis, nulla æstimatio cælestis beatitudinis, ab altitudine spei deiicere possit in ea firmiter radicatum. Tria namque considero, in quibus tota spes mea cōsistit, *charitatem* adoptionis, *veritatem* promissionis, *potestatem* redditionis. Murmuret jam quantum voluerit insipiens cogitatio mea dicens: Quis enim es tu, aut quanta est gloria illa, quibusvè meritis hanc obtinere speras? Et ego fiducialiter respondebo: Scio cui credidi, & certus sum, quia *in charitate* nimia adoptavit me, quia *verax* in promissione, quia *potens* in exhibitione: licet enim ei facere quod voluerit. Quidquid autem agendum sit (b) quidquid tolerandum, quidquid optandum, tu es Domine spes mea. Hæc una mihi est omnium promissionum causa, hæc tota ratio meæ expectationis. Prætendat alter meritum, sustinere se jactet pondus diei & æstus, jejunare bis in Sabbatho dicat, postremo non esse sicut cæteros hominum gloriatur: mihi autem adhære Deo bonum est, ponere in Domino Deo spem meam. Si mihi præmia promittuntur, per te obtinenda sperabo. Si insurgant adversum me prælia, si sæviat mundus, si fremat malignus, si ipsa caro adversus spiritum concupiscat: in te Domine ego sperabo.

§. I I I.

Pater, in manus tuas commendo spiritum meum. Luc. 23.

Do-

^b Ser. 9. super. Psal. 92. num. 5.

Dominus Jesus docuit (c) quid tu Christiane in omnibus periculis mortis debeas dicere , ad quem confugere,quem invocare,in quem sperare . In Patrē Deum, qui non potest despiciere sperantes in se, debes sperare cum attestatione bonorū operum . Bonorum dico : quia sine meritis aliquid sperare , non spes , sed præsumptio debet dici. Tu itaque talia fac opera tua, ut Domino in hora mortis tuę in veritate dicere possis : *In manus tuas Domine commendo spiritū meum .* Et iterū : *In te Domine speravi , non confundar in æternum .* Spes triplex est (d) & procedit de triplici fide . Nam de fide promissorum , oritur *spes veniæ* : de fide signorum , *spes gratiæ* : de fide promissorum , *spes gloriæ* . Fratres , Hoc sapere (e) ex fide vivere est . Nec alius ex sententia dicere potest : *Quoniam tu es Domine spes mea* : nisi cui intus sit persuasum à spiritu , ut (quemadmodū monet Propheta) *jac̃et cogitatum suum in Domino* , sciens quod enutriendus sit ab eo . Juxta illud quoque Petri Apostoli : *Om̃em sollicitudinem vestram proiicientes in eum : ipsi enim cura est de vobis .* Crede ergo te Deo (f) committe te ei , jac̃ta in eum cogitatum tuum , & ipse te enutriet ; ut fiducialiter & fideliter dicas : *Dominus sollicitus est mei .* Neque enim hoc sapiunt homines amantes seipsos , homines scioli , & solliciti pro seipsis , curam carnis perficientes in desideriis , sardi ad vocem dicentis : *Om̃em sollicitudinem vestram proiicientes in eum : ipsi enim cura est de vobis .* Ut quid ergo si hæc sapimus (g) ut quid cunctamur

Y y 3

abii-

c Ser. 10. in ult. Cæna n. 6. tom. 2. pag. 651. d Ser. 45. diuer. num. 5.
e Ser. 9. super Psal. 90. num. 6. f Ser. 5. in vig. nat. Dom. n. 5.
g Ser. 9. super. Psal. 90. num. 6.

abiicere omnino spes miseras, vanas, inutiles, seductorias: & huic uni tam solidæ, tam perfectæ, tam beatæ spei, tota devotione animi, toto fervore spiritûs inhærere? Si quid illi impossibile, si quid difficile est, quære aliud in quo speres? Sed verbo omnia potest. Quid facilius dictu? Attamen huiusmodi dictum intelligas volo. Si decreverit salvare nos, continuo liberabimur: si vivificare placuerit ei, vita in voluntate ejus est: si præmia æterna largiri, licet ei quod vult facere. An verò de facilitate jam non dubitas, sed ipsa tibi est suspecta voluntas? Planè & voluntatis testimonia credibilia facta sunt nimis. *Majorem hac dilectionem nemo habet, quam ut animam suam ponat quis pro amicis suis.* Denique quando in se speranti desit illa Majestas, quæ tam studiosè monet in se sperari? Planè non derelinquit sperantes in se. *Adjuvabit eos* (ait Propheta) *& eruet eos à peccatoribus, & salvabit eos.* Quare? Quibus meritis? Audi ô Christiane quod sequitur: *Quia speraverunt in eo.* Dulcis causa, attamen efficax, attamen irrefragabilis. Nimirum hæc est justitia, sed quæ ex fide est, non ex lege. Porro (h) Dominus Jesus dicit in Evangelio: *Nolite desperare, sed habete fidem Dei in vobis.* Spes quæ videtur, non est spes. Nam quod videt quis, quid sperat? Si autem quod non videmus speramus, per patientiam expectamus. Unde Salamon ait: *Expectatio justorum latitia, spes autem impiorum peribit.* Ergo & tu Christiane expecta Dominum, & custodi viam ejus, & exaltabit te, ut hæreditate capias regnum Dei. Expecta Dominum, & recede à malo: &

& exaltabit te in die visitationis, id est, in die mortis tuæ, sive in die judicii. Qui malè agere non cessant, in vanum misericordiam Dei expectant: quàm rectè expectarent, si à malo recederent. Unde Beatus Isidorus ait: Timere debemus, ne per spem, quam Deus promittit nobis, perseveranter peccemus. Nec rursus quia justè peccata distringit, de Dei misericordia desperemus; sed quod melius est, utrumque periculum fugiamus: ut à malo decline-
mus, & de pietate Dei veniam speremus. Omnis quippè justus spe & formidine nititur: quia nunc spes ad gaudium erigit, nunc ad formidinem terror gehennæ reducit. Qui enim de peccati venia desperat, plus se de desperatione quàm de peccato damnat. Igitur, ô homo Christiane, spes tua sit in Jesu Christo Redemptore tuo firma, quia *sperantes in Domino misericordia circumdabit*. Spera firmiter in Domino, & fac bonitatem: inhabita terram, & in cælesti regno pascaris in divitiis ejus. Depone injustitiam, & spera in Dei misericordiam: aufer à te iniquitatem, & spera in salutem. Emenda teipsum, & spera in Dei clementiam. Expelle à te pravitatem, & spera indulgentiam: corrige vitam tuam, & spera vitam æternam. Sed volo te quoque mortem (i) etsi non effugere, certè vel non timere. Justus quippè mortem etsi non cavet, tamen non pavet. Denique si morte præoccupatus fuerit, in refrigerio erit. Moritur quidem & justus, sed securè: quippè cujus mors ut præsentis est exitus vitæ, ita introitus melioris. Bona est mors, si peccato moriaris, ut justitiæ vivas. Hæc mors necesse est ut præcurrat, ut

Y y 4 sequa-

sequatur illa secūra. In hac vita quàm diu duras, compara tibi illam quæ semper durat. Dum vivis in carne, morere mundo, ut post mortem carnis Deo vivere incipias. Quid enim si conciderit mors saccum corporis tui, dum te subinde circumdet lætitia? O quàm beati mortui qui in Domino moriuntur, audientes à spiritu, ut requiescant jam à laboribus suis. Non solùm autem, sed & succedit jucunditas de novitate, ac de æternitate securitas. Siquidem (k) nec humana malitia jam tunc habebit quid faciat: nec dæmonum millia plùs verebimur, quàm totidem vermium agmina vel muscarum. Denique bona est mors iusti propter requiem (l) melior propter novitatem, optima propter securitatem. E contra verò, *mors peccatorum pessima*. Et audi unde pessima. *Mala* siquidem est in mundi amissione, *pejor* in carnis separatione, *pessima* in vermis ignisquè duplici contritione. Quod si etiam iustus trepidat sollicitus prævenire eum (m) qui ipsas quoque paratus est iustitias judicare: quid agimus nos, quorum interim iudicata non fuerint & tecta peccata? Timendum valdè est, ne fortè manifesta inveniantur præcedentia ad iudicium. Manet iustos horror in exitu (n) dolor in transitu, pudor in conspectu gloriæ magni Dei. Unde autem nobis ista dissimulatio est, Fratres mei? Unde hæc tam pernicioosa tepiditas? Unde hæc securitas maledicta? Quid seducimus miseri nosmetipsos? Forsitan jam divites facti sumus, forsitan jam regnamus. Nonne ostium domus nostræ horribiles spiritus illi obsident? Nonne exitum

no-

k Ser. 7. super. Psal. 92. num. 16. l Epist. 105. num. 2. m Ser. in vig. S. Andr. num. 1. n Ser. 28. d. ver. num. 5. & 6.

nostrum larvales illæ facies præstolantur? Quis ille pavor erit, ô anima mea, cum dimissis omnibus (quorum tibi est tam jucunda præsentia, tam gratus aspectus, cohabitatio ipsa tam familiaris) sola ingrediens incognitam penitus regionem, occurrant tibi catervatim ruere teterrima illa monstra videbis? Quis tibi in die tantæ necessitatis occurreret? Quis tuebitur à rugientibus præparatis ad escam? Quis consolabitur? Quis deducet? Fratres mei, memoremur hæc novissima nostra, ne peccemus. Nam & per ignem nobis transeundum est, & uniuscujusque opus quale sit, ignis probabit. Ibi enim aurum nostrum vertetur in scoriam, ibi revelabitur universa impuritas: ibi Veritas ipsa accepto tempore, quod nobis interim datum contemnimus, justitias judicabit. Quid verò illic omnes justitiæ nostræ, nisi pannus menstruatæ reputabuntur? Quidquid nunc parvipendendo transimus, palpando tangimus, dissimulando negligimus: quanto illic cruciatu vindex flamma consumet? Utinam magis nunc daret quis capiti meo aquas, & oculis meis fontem lachrymarum: fortè enim non reperiret ignis exurens, quod interim fluens lachryma dilvisset. Unum est tamen (o) si nosmetipsos dijudicaverimus, non utique judicabimur. Bonum judicium est, quod me illi districto divinoquè judicio subducit & abscondit. Prorsus horreo incidere in manus Dei viventis. Volo vultui iræ judicatus præsentari, non judicandus. Spiritualis homo omnia dijudicat, & ipse à nemine judicatur. Judicabo proinde mala mea, judicabo & bona. Mala melioribus curabo corrigere actibus, dilue-

diluere lachrymis, punire jejuniis, cæterisque sanctæ laboribus disciplinæ. *In bonis* de me humiliter sentiam, & juxta præceptum Domini servum me inutilem reputabo, qui quod facere debui, tantum feci. Dabo operam nec folia pro granis, nec paleas cum granis offerre. Scrutabor ego vias meas, & studia mea: quo is qui scrutaturus est Jerusalem in lucernis, nihil in scrutatum in me sive indiscussum inveniat. Neque enim judicaturus est bis in idipsum. *Felix* cujus anima (p) fiducialiter inimicis suis loquitur in porta: *Quid hic stas cruenta bestia? nihil in me funesti reperies. Felicior*, cujus opus non arserit: quem superædificasse aurum, argentum, lapides preciosos, examen illud inveniet. *Felicissimus*, qui sine ulla nube confusionis relevata penitus facie gloriam Domini speculando, in eandem imaginem transformabitur, & similis erit illi, videns eum sicuti est, utique super omnia Deus benedictus & laudabilis, & gloriosus in sæcula sæculorum. Amen.

CAPUT VIII.

De morte Christi preciosa, & præ omnibus
Sacramentis affectuosa.

- I. *Ostenditur, mortem Christi Jesu fuisse spontaneam, & ex mera charitate susceptam. Docemur, Christum mortuum esse & secundum tempus pro inimicis, & secundum prædestinationem pro amicis. Patres ante adventum Christi, credentes Verbum Divinum*

vinam incarnandum, salvati sunt. Christus moriens in Cruce, fuit victima & sacrificium. De differentia sacrificiorum antiquæ legis, & novæ. 2. Ostenditur, mortem Christi esse holocaustum spirans odorem: quem odoratus Deus Pater, avertit iram indignationis suæ à nobis. Collatio oblationis Christi in templo necnon oblationis in Cruce proponitur. Excitatur ad plangendum super mortem Christi. 3. Ostenditur, quantum obligatur homo bonitati Christi, quam exhibuit moriendo pro eo. Tria referuntur ad mortem Christi, pro qua gratiæ agenda sunt Deo. Mors Christi exigit à nobis, ut ei offeramus corpus & animam in sacrificium laudis: nec non totam vitam nostram, ut vivamus ei, qui pro ea præbuit vitam suam moriendo.

§. I.

Jesus clamans voce magna, ait: Pater, in manus tuas commendo spiritum meum. Et hæc dicens, inclinato capite tradidit spiritum. Luc. 23. Joan. 19.

Fidelis sermo (a) & omni acceptione dignus. Quia enim voluit, oblatus est. Non modò voluit & oblatus est, sed quia voluit. Solus nimirum potestatem habuit ponendi Animam suam: nemo eam abstulit ab eo. Ultrò, cum accepisset acetum, dixit: *Consummatum est*. Ac si diceret: Nihil restat implendum, jam non est quod expectem. *Et inclinato capite, factus obediens usque ad mortem, tradidit spiritum. Quis tam facile quando vult, dormit?*

mit? Magna quidem est infirmitas mori: sed planè sic mori virtus immensa est, Nempè quod infirmum est Dei, fortius est hominibus. Potest humana vesania sibiipſi in mortem sceleratas iniicere manus, sed non est hoc ponere animam suam, vr- gere eam magis & violenter abrumpere quàm ad nutum ponere est. Tibi, ô impie Juda, misera planè facultas fuit non ponendi animam, sed pendendi: nec tradente te, sed trahente laqueo nequissimus ille spiritus tuus exiuit, non emissus à te, sed amissus. Solus Christus in mortem tradidit Animam suam, qui solus virtute propria regressus est ad vitam. Solus potestatem habuit ponendi Animam suam, qui solus facultatem æquè habuit liberam resumendi, imperium habens vitæ & mortis. Immisit Dominus soporem in Adam: (b) immisit & in seipsum factus nimirum secundus Adam. Sed est distantia fortè non parva. Ille enim soporatus videtur præ excessu contemplationis, Christus miserationis affectu: ut in illum soporem immiserit *Veritas*, in hunc *Charitas*, cùm utraque sit Dominus. Ait enim Joannes Evangelista: *Deus Charitas est*. Et ipse Dominus: *Ego sum via, Veritas, & vita*. Sanè soporem Christi solius charitatis fuisse nemo dubitat vel nominetenus Christianus. Siquidem accubuit ut leo, non victus planè, sed victor, potestate propria ponens Animam, somnum mortis excipiens propria voluntate. Solus Dominus meus Jesus (c) non debito conditionis gustavit mortem, sed suæ beneplacito voluntatis: sanè non ob propriam utilitatem, bonorum enim nostrorum

non

non eget: sed nec tanquam retribuens nobis gratiam pro gratia, qui non aliter pro amicis mortuus est, nisi pro acquirendis, videlicet ut amicos faceret ex inimicis. Cùm enim adhuc inimici essemus, reconciliati sumus Deo per Sanguinem Filii sui. Aut potius pro jam amicis, etsi nondum quidem amantibus, sed tamen jam amatis. In hoc est enim gratia, non quasi non dilexerimus Deum, sed prior ipse dilexit nos. Vis nosse quàm longè prior? *Benedictus Deus & Pater Domini mi Jesu Christi* (ait Apostolus) *qui benedixit nos in omni benedictione spiritali in caelestibus in Christo Jesu, sicut elegit nos in ipso ante mundi constitutionem.* Et post pauca: *Gratificavit, inquit, nos in dilecto Filio suo.* Quomoddò ergo non dilecti jam tunc in illo, quandò electi sumus in illo? Quomoddò non ei grati, in quo gratificari sumus? Sic ergo Christus secundùm tempus quidem pro impiis mortuus est, secundùm prædestinationem autè pro fratribus & amicis. Unde (d) legitur in Apocalipsi: *Agnus occisus est ab initio sæculi*, his videlicet qui fuerunt ab initio: ita ut per hoc quod dicitur, *ab initio*, determines non tempus occisionis, sed salutis. Priùs enim mors ejus profuit, quàm fuit: priùs promissio fuit, ac deinde exhibitio. Ab initio ergo sæculi occisus est. Propterea jam tunc (e) Sanguis Christi rorabat etiam Lazaro, ne flammam sentiret, quòd & ipse credidisset in eum qui erat passurus. Sic & de omnibus Electis illius temporis sentiendum est, natos quidem & ipsos æquè ut nos sub potestate tenebrarum propter originale pec-

d Serm. de excell. SS. Sacram. num. 4. 10. 6. pag. 733. le Tract. de ex-
por. Abail. cap. 7. n. 18.

peccatum, sed erutos antequam morerentur, & non nisi in Sanguine Christi. Scriptum est enim: *Turbæ autem quæ præcedebant, & quæ sequebantur, clamabant dicentes: Osanna filio David, benedictus qui venit in nomine Domini.* Ergo Christo in carne venienti, & antequam veniret & post, benedictum est à turbis benedictorum; quamvis præeuntes plenam minimè tunc consecuti sunt benedictionem, servatâ nimirum hac prærogativâ temporis gratiæ. Tempus reconciliationis extunc cæpit [f] & statum habuit, quousque patratum est mysterium nostræ redemptionis: quando immolata hostia illa salutaris nos reconciliavit. De quo verè scriptum est: *Ecce Sacerdos magnus, qui in diebus suis placuit Deo, & inventus est justus: & in tempore iracundiæ factus est reconciliatio, non est inventus similis illi.* De quo Apostolus: *Legatione fungimur pro Christo, rogamus reconciliamini Deo.* Et verè ab effectu cæpit hoc nomen reconciliationis. Christus enim (g) pro salute mundi semel factus est hostia salutaris, reconciliatio generalis, omnibus Sacramentis tam præcedentibus quàm subsequentibus virtutem dedit & efficaciam, ut tanta & tali hostia sanctificarentur omnes liberandi per illam. Multum quidem acceptum fuit munus Abel (h) sed non ita. Multum placuit sacrificium Abrahæ Patriarchæ, sed non adeò. Multum approbata fuit oblatio Melchisedech, sed multò minus isto. Denique audiamus quid ait Propheta: *Sacrificium & oblationem nolui, holocaustum & pro peccato non postulasti, tunc dixi: Ecce venio. Dixit ille,*

f Tract. de 3. præcip. myst. cap. 4. g Serm. de excell. SS. Sacram. n. 4. h Tract. de 3. præcip. myst. cap. 8. n. 25.

ille, qui non per Sanguinem hircorum aut vitulorum, sed per proprium Sanguinem introivit semel in Sancta, æterna redemptione inventa. Omnia in figura contingebant antiquis, hîc veritas, ibi figura: ibi umbra, hîc lux: ibi nubes, hîc claritas: ibi agnus legalis, hîc Agnus innocens, qui tollit peccata mundi. Ille dies Judæorum festus erat umbra [i] quo Patres eorum transierunt de Ægypto; sed ille fuit veritas, quo Christus transivit de hoc mundo: & sic nos fecit transire de vitiis ad virtutes, de morte ad vitam, de mundo ad cælum, pro nobis victima factus & sacrificium, seipsum Deo Patri in ara Crucis offerens holocaustum. Ita ergo Christus (K) Carnem obtulit Deo Patri pro salute generis humani: & in ara Crucis Sacrificium quasi Pontifex in templo suum peregit Sacerdotium.

§. I I.

Jesus clamans voce magna, emisit Spiritum.

Matt. 27.

Attendamus (I) quis & quantus ignis corpori Vitis nostræ appositus fuerit. Flagrabat interiùs incendio charitatis immensæ, exteriùs passionis ardore, verissimum & gratissimum & saluberrimum holocaustum in ara Crucis crucifixus Jesus. Quod holocaustum simile isti? Nullum profecto: ~~quia~~ nullum sic totum incensum dicitur. Etsi illud ~~in~~ veteri lege dicebatur verè holocaustum quod totum ardebat, cum

cum tamen ibi arderet sola caro animalium: quanto
 verius nostra victima dicitur holocaustum, quod in-
 tus & foris incomparabiliter ardebat? Ardebat &
 totus Laurentius, Vincentius, alique quàm plurimi,
 martyres, sed nihil ad hunc. Quis enim ardori fornacis
 Crucis aliquod audeat supplicium comparare? De
 holocausto igitur nostro Crucifixo Jesu incompara-
 biliter ardente inæstimabilis nimis odor processit.
 Odoratusquè est Dominus Deus Pater odorem sua-
 vitatis: & benedixit nobis, auertitquè iram indigna-
 tionis suæ longè a nobis, pace integrè reformata
 & Sanguine rubicunda, Jesu Christo tam nostro,
 quàm ipsius particeps pacis æternæ obside existente.
 Siquidem (m) occisus justus injustè pro justitia novâ
 de inimico obtinuit justitiâ mortis, scilicet injustè sibi
 illatæ. Quamquasi sibi necessariam, quia absque
 peccato erat, ipse homini peccatori cōmunicans, reū
 absoluit per pœnam innocentiae suæ. Positoquè Cor-
 pore suo & Sanguine in manu ejus: *Hoc, inquit,
 manduca, & bibe, hinc vive.* Patriquè eum re-
 præsentans, *En, inquit, Pater mei Sanguinis precium:*
si de peccato hujus hominis requiris, en pro eo meus
Sanguis. Agnosce ô homo (n) quàm nobilis est ani-
 ma tua, & quàm gravia fuerunt ejus vulnera, pro
 quibus necesse fuit Christum Dominum vulnerari.
 Si non essent hæc ad mortem, & mortem sempiter-
 nam, nunquam pro eorum remedio Dei Filius mo-
 reretur. Agnosce ô homo redempte (o) pretium
 redemptionis tuæ: ecce qualis Hostia victimatur
 pro

m Lib. 2. de amore Dei cap. 12. n. 37. n Tract. de cogn. human.
 condit. cap. 3. num. 9. tom. 5. pag. 385. o Tract. de 3. præcip.
 iust. cap. 6. num. 15.

pro tua culpa, pro prævaricatione tua. O homo (p) quid retribues Domino pro omnibus quæ retribuit tibi? Solam dilectionem exigit: sola dilectio ei sufficit. Quare diligentem te non diligas? Diligamus eum, quoniam ipse prior dilexit nos. Vis audire modum dilectionis ejus, vis nosse effectum? *Sic Deus dilexit mundum, ut Filium suum Unigenitum daret. Proprio Filio suo non pepercit Deus, sed pro nobis omnibus tradidit illum.* Audi & ipsum Filium: *Majorem, inquit, hac dilectionem nemo habet, ut animam suam ponat quis pro amicis suis.* Dilige ergo ô homo dilectorem tuum, dilige eum non tantum verbo & lingua, sed opere & veritate. Dilige eum ex toto corde tuo, & ex tota anima tua, & ex totis viribus tuis, & ex omni mente tua. Dic: *Diligam te Domine fortitudo mea, Domine firmamentum meum, & refugium meum, & liberator meus.* Verè liberator, quia liberaſti pauperem à potente, & inopem cui non erat adjutor, & liberaſti animam meam à perditione. Quod si autem diligis eum (q) hoc facis ex debito: si te diligit, facit hoc ipse gratuito. Attende celsitudinem cæli, & magnitudinem firmamenti, & modicum in locis palustribus lutum: talis est adhuc inæſtimabiliter dispar comparatio tui ad Deum, sicut luti ad cælum. Quæ autem collatio tui ad ineffabilem, ad incomprehensibilem? Nihil ei ad mensuram meriti retribuere posses, si in retributionem eorum quæ pro te sustinuit, te millies mille annis etiam gehennali incendio cruciares. Obtulit in templo Filium suum Vir-

go sacrata (r) & benedictum fructum ventris sui Domino repræsentavit. Obtulit ad nostram omnium reconciliationem Hostiã sanctam, Deo placentem. Omnino acceptavit Deus Pater novam & preciosissimã Hostiam, de qua ipse ait: *Hic est Filius meus dilectus, in quo mihi benè complacui*. Sed oblatio ista, Fratres, satis delicata videtur, ubi tantum sistitur Domino, redimitur avibus, & illico reportatur, Venit tempus quando non in templo offertur, nec inter brachia Simeonis, sed extra civitatem inter brachia crucis. Venit tempus quando non redimitur alieno, sed alios redemit Sanguine proprio, quia in redemptionem eum misit Deus Pater populo suo. Illud erat Sacrificium matutinum, istud est vespertinum. Illud quidem jucundius, istud plenius. Illud enim tempore Nativitatis, istud jam in plenitudine ætatis. De utroque tamen potes accipere quod Propheta prædixit: *Oblatus est, quia ipse voluit*. Nam & in templo oblatus est, non quia opus habuit, non quia sub legis edicto fuit, sed quia voluit. Et in Cruce nihilominus oblatus est, non quia meruit, non quia Judæus prævaluit, sed quia ipse voluit. Ipse Animam suam posuit (s) quia ipse voluit oblatus est: omnis enim ei infirmitas de voluntate fuit, non de necessitate. O quàm indebita miseratio! (t) quàm gratuita & sic probata dilectio! quàm inopinata dignatio! quàm stupenda dulcedo? quàm invicta mansuetudo, Regem gloriæ pro despicacissimo vernaculo, imò verniculo crucifigi! Quis audit unquam tale, aut quis vidit huius simile? Vix enim

r Ser. 3. in Pascent. R. M. num. 2. s Ser. 34. div. num. 21
r. 21. d. 2. m. 3.

enim pro justo quis moritur : ipse pro injustis & inimicis mortuus est . Mors Christi est opus sine exemplo (u) humilitas sine modo , donum sine precio , & gratia sine merito . Hanc propter nos subire voluit mortē qui peccata nostra super lignū sustinuit in cruce sua , scilicet pānam peccatorum : cujus livore sanati sumus . Quid facis ō homo indigne ? Quid facis homo ingratus ? Adora devotiū , recale frequentiū in Sacramento altaris Salutem mundi pro te passam , Vitam pro te mortuam , Fortitudinem infirmatam , Si membrum Christi es , compatere Capiti tuo . Si frater Christi es , commorere Fratri tuo . Plange , dole cum gemitu & lachrymis super mortem preciosam Unigeniti Dei Patris . Alioquin si non doles , si non compateris : deliras , degeneras , belluam sapis , lethargum pateris , hominem diffiteris . Scias quē quodd si te ingratus repererit [x] nec velle uti tanto beneficio , exiget à te districtissimē mortem suam . Vereor quē , ne aliquando indignantissimē dicat tibi : *Tolle manum tuam & mitte in latus meum dextrum , mitte digitos tuos in fixuras clavorum , & vide quanta pro te passus sum ?* O ingrata & crudelis impietas ! nonne putas Deum de collatis tibi beneficiis penitere , si ea viderit per ingratitudinem periisse ? Dignū est , & tibi multū expedit [y] compati , commorari , consepeliri : passo , mortuo , & sepulto . Ad hoc enim facta sunt hujusmodi , ut his omnibus configuratur & conformetur vita Christiani . Alioquin etiam exquiretur à te Sanguis justus (z) qui effusus est super

Z z 2

ter-

u Ser. de excell. SS. Sacram. nu. 6. t. 6. p. 735. x lib. 3. de amor. Dei cap. 20. n. 69. y Ser. 2. in Cena Dom. num. 6. z Ser. in ser. 4. beb. san. num. 11.

terram: nec immunis eris ab illo tam Singulari scelere Judæorum, quodd videlicet tantæ charitati ingratus fueris, quodd spiritui gratiæ contumeliam feceris, quodd Sanguinem testamenti pollutum duxeris, quodd conculcaveris Filium Dei.

S. I. I.

Jesus emissa voce magna, & inclinato Capite expiravit. Mar. 15. Joan. 19.

Cognosce anima mea [a] cognosce: hic est Dominus Deus noster, Jesus Christus, Salvator tuus, Unigenitus Dei Filius, verus Deus, verus homo: qui solus sub Sole sine macula inventus est. Et ecce (b) moriebatur Salvator tuus, anima mea, ut te vivificaret. Affixus erat Cruci, ut iniquitates tuas propriis manibus Cruci affigeret. Manus elevabat ad Patrem in Sacrificium vespertinum, ut te ad amplexus amicabiles invitaret: vitamquæ suam, quæ nulli erat, obnoxia morti, pro te obtulit ad mortem, ut, dum à principe tenebrarum justus, injustè occiditur (quia quod suum non erat, usurpare convictus est) eâ quam habebat in te potestate privaretur. In tã exuberanti beneficio, in tanto cumulo gratiarû, quo te largitio divina quasi obruit & cõfundit, vide ne ingrata sis. Stat ecce expãsis manibus, nudo corpore (c) manibus simul & pedibus perforatis, capite inclinato. Cõfortare nunc & elevare anima mea misera & infirma, & alis fidei & spei ad hunc Jesum Crucifixum eni-

a Ser. de pass. Dom. ann. 15. b lib. 3. de amor. Dei cap. 19. n. 67.
c Tract. de vite myst. c. 44. n. 166.

enitere. Non enim elevatus est in Crucem, ut se
difficilem præberet accedere ad eum volentibus,
sed magis ut omnibus posset paratior inveniri: Ipse
Jesus amplexus tuos desiderat (d) talis ut complectatur,
expectat. Caput floridum multis spinarum
aculeis confixum ad te inclinat, ut ad pacis oscu-
lum te invitet, tanquam dicat tibi: Ecce quomo-
dò configuratus sum, quomodo confossus sum, quomo-
dò maculatus sum, ut te possim ponere super humeros
meos, quæ abhorraveras ovis mea, & ad pascua re-
ducere paradisi: redde vicem, & super vulnera
mea misericordiâ commovere. Intuere manus
meas (e) propter obedientiam Cruci affixas: consi-
dera pedes expositos fixuris clavorum, & latus lan-
ceâ perforatum. Attende quòd propter obedi-
entiam mortuus sum: & si propter fragilitatem huma-
nam obedientia tua sit minùs aliquid perfectum ha-
bens, volo ut plenitudo meæ obedientiæ sit tuæ mi-
nùs sufficientis obedientiæ supplementum. O mi-
ra & inexhausta bonitas! (f) O inaudita & inestima-
bilis pietas Salvatoris nostri! Quis unquam, Fratres
mei, poterit explicare sermone, aut stylo exarare &
graphio, quantà pietate Auctor pietatis redundet,
quantà largitate bonitatis ipse Auctor exuberet?
Mihi credite, Fratres, Si omnes homines niteren-
tur & Angeli, fontis tantæ pietatis non possent hau-
rire vobis etiam minimam guttam, habito res-
pectu ad ipsam abundantiam pietatis. Hæc est, in-
quam, maximæ immensitas pietatis, ingens emi-
nentia bonitatis, quòd Creator omnium Deus se-

Zz 3 ipsum

*Id. Ibidem num. 169. c. Ser. in festo 2. Pasche num. 26. et Ser. 11.
Anni. Cena num. 84.*

ipsum exinanivit, formam servi suscepit, in similitudinem hominum factus, & habitu inventus ut homo: manens Deus in homine, ut homo maneret in Deo: Vita mortem assumens, ut sibi mors assumeret vitam. Proinde est mors Christi reverenda (g) & prae omnibus Sacramentis affectuosa. In hoc enim Sacramento pietas magis enituit, gratia plùs refulsit, charitas ampliùs radiavit. Ad mortem Christi tria prae cipuè respiciunt, non sine timore, non sine lachrymis & gemitu prosequenda: injuriarum multiformium illatio, manuum ac pedum in cruce confixio, sepulchri ac sepulti sub militum excubiis observatio. O anima mea (h) quid agis? quis dabit aquam capiti tuo, & fontem lachrymarum oculis tuis, ut satis plangere, & satis flere possis interfectum Redemptorem populi sui? Fletus deducite oculi mei (i) & liquece anima mea igne compassionis super contritione amabilis Viri hujus. Ecce (K) defecerunt dies nostrae diei Domini Jesu, qui solus est Dies sine tenebris: & ossa ejus sicut cremium arverunt. Percussus est sicut fœnum, & aruit cor ejus, elevatus est & allisus valdè; sed in dedecore extrinseco decorem simul verè & decus intrinsecus retinebat. Quantus autem fuerit amor [l] quem circa nos Christus moriendo exhibuit, enarrare non sufficit aliquis vivens. Ergo lachrymæ dicant, quia voces explicare nequeunt. Doleo super te Domine mi Rex (m) Magister & pater, imò & frater Domine mi Jesu Christe crucifixe, amabilis valdè? super

g. Ser. 2. in Cena Dñi. n. 4. h. Tract. de 3.1. princip. myst. cap. 6.
num. 15. i. Ser. de pass. Dom. num. 14. K. Tract. de vite myst.
cap. 5. num. 27. l. Ser. 12. in ult. Cena num. 100. m. Tract.
de vite myst. cap. 5. num. 26.

super amorem mulierum . Nec immerito . [n] Ipse enim Jesus crucifixus dulcis est in voce , dulcis in facie , dulcis in nomine , dulcis in opere . Verè dulcis est in voce , de cujus ore lac & mel procedit . *Diffusa est enim gratia in labiis suis* . Verè dulcis est in facie . *Speciosus enim est non solum præ filiis hominum , sed etiam præ millibus Angelorum* . Verè dulcis est in nomine . Dulce enim est nomen & suave Jesus , consecratum ab æterno , nunciatum ab Angelo , prophetatum Salamonis oraculo , qui ait : *Oleum effusum nomen tuum* . Verè dulcis est in opere , in celebratis miraculis , in peccatoribus conversis , in Sacramento preciosæ mortis , quod humanæ blanditur infirmitati . In hoc enim Sacramento charitas amplius radiavit , pietas magis enicuit , gratia plùs radiavit . O summè pia & verè suavis memoria , annunciare mortem Domini donec veniat . Christe Jesu crucifixæ , mortis tuæ memoria est tanquam opus pigmentarii , quasi thus redolens in diebus , quasi regio aromatum quam purgat æstus Solis , & quasi flores rosarum in diebus verni , & quasi lilia quæ sunt in transitu aquæ . Sed tibi Domine Iesu [o] fortissime Zelotes , quid gratiarum retribuam , ut dignè retribuam ego homo pulvis & vile figmentum ? Quid enim pro mea salute facere debuisti , & non fecisti ? Ab imo pedis usque ad summum verticis te totum in aquas passionum deinersisti , ut me totum extraheres de illis : & intraverunt usque ad Animam tuam . Nam & Animam tuam in mortem perdidisti , ut meam perditam mihi redderes . Et ecce me dupli-

ci debito obligasti . Nam & pro eo quod dedisti tuam , debitor tibi sum : & pro mea quidem anima bis à te mihi data , semel in creatione , & semel in redemptione , quid magis justè tibi reddam quàm ipsam , non habeo ? Pro tua autem preciosa Anima ita contrièbulata quid ab homine dignè rependi possit , non invenio . Nam etsi cælum & terram & omnem ornatum eorum pro ea possem rependere , certè nec sic usque ad mensuram debiti ullatenus attingere possem . Ut autem ipsum quod & debeo , & possibile , mihi est retribuam : tui Domine muneris est , Diligendus es mihi Domine , toto corde , totâ animâ , tota virtute : & tua mihi sequenda sunt vestigia , qui pro me mori dignatus es . Et quomodò fiet istud in me nisi per te ? Adhæreat anima mea post te , quia tota virtus ejus pendet ex te . Duo minuta habeo Domine (p) corpus & animam dico . Utinam hæc tibi perfectè possim in Sacrificium laudis offerre ! Bonum enim mihi longèque gloriosius atque utilius est , ut tibi magis offerar , quàm deferar mihi ipsi . Nam ad meipsum anima mea conturbatur , in te verò exultabit spiritus meus , si tibi veraciter offeratur . Fratres , Morituro Domino Judæus mortuas hostias offerebat ; Sed jam nunc , *Vivo ego* , dicit Dominus , *nolo mortem peccatoris , sed magis ut convertatur & vivat* . Ac si dicatur : [q] Velit nolit Judæus , Vivo ego , nolo mortem peccatoris , qui mori volui pro peccatoribus . Volo ut fructuosa sit mors mea , & copiosa per eam redemptio . Non vult Dominus mortem meam [r] & non libenter offeram

p Serm. 3. in Purificat. B. M. Ann. 3. q Ser. 13. diver. nu. 1.
r Ser. 3. in Purificat. B. M. Ann. 3.

feram illi vitam meam? Hæc est enim hostia placabilis, Deo placens hostia, hostia viva. Alioquin si illam retinuerō [s] qua fronte, quibus oculis, qua mente, qua conscientia vado ad viscera misericordiæ Dei nostri, & audeo perfodere illud fortissimum propugnaculum quod custodit Israël, & illius Sanguinis non guttas, sed undas à quinque partibus Corporis in meum precium detorquere? Nam & si cætera taceam [t] hoc solo certè non immeritò vitam vendicat sibi nostram, quòd pro ea præbuit suam. Nemo igitur sibi vivat, sed ei qui pro se mortuus est. Cui enim iustius vivam, quàm ei qui si non moretur, ego non viverem? Cui commodius, quàm promittenti vitam æternam? Cui magis ex necessitate, quàm flammæ perpetuas minitanti? Sed servio voluntariè, quia charitas libertatem donat. Charitas inquam illa, quæ timorem expellit, laborem non sentit, meritum non intuetur, præmium non requirit: & tamen plùs omnibus urget. Nullus terror sic sollicitat, nulla præmia sic invitant, nulla iustitia sic exigit. O Salvator meus [u] veniat obsecro tempus, quando revelatis oculis inspiciam quem nunc à longe inclamo, apprehendam quem desidero, & amplectar ut in abyssò amoris tui totus absorbear. Nihil mihi quæso sine te dulcescat, nihil pretiosum arrideat mihi. Sed da mihi boue Jesu in te vivere, & pro amore tuo mori, qui pro me dignatus es amaræ mortis subire tormentum. Amen.

CA-

CAPUT IX.

Soluntur quæstiones, quæ tangunt & mysterium
Passionis Dominicæ, & pungunt Opus redem-
ptionis nostræ.

1. *Quæritur, cur per hominem qui erat Deus, & non per simplicem hominem redempti sumus?*
2. *Cur Deus per se, & non per aliam creaturam voluit nos redimere?*
3. *Quanam necessitate tam mirum & durum laborem pertulit pro redemptione nostrâ?*
4. *Quanam necessitas aut ratio fuit, quod Filius Dei mortem crucis sustinuit, qui solo iussu poterat nos redimere?*
5. *Ad quid mortuus est Christus in Cruce?*
6. *Quæritur quomodonam mors à Christo debellata fuerit, cum adhuc sævias in homines universos?*

§. I.

Primò *quæritur*: Quare [a] per hominem qui erat Deus, & non per simplicem hominem liberatum est genus humanum? Satis manifestum est: quia omnes homines peccato erant obnoxii, & non poterat quisquam aliorum solvere vincula, qui se ipsum solvere non valebat. Christus autem fortis, qui originali peccato nihil debebat, eo quod singulari privilegio nascendi sine omni carnali concupiscentia conceptus erat, qui solus est inter mortuos liber: solus à morte poterat mortuos liberare, sicut
ait.

a *Tractate vite myst. cap. 46. num. 182.*

ait Apostolus : *Non habebat necesse pro se offerre Sacrificium , quemadmodum alii Sacerdotes , tam pro sua , quàm pro populi ignorantia . Verùm (b) quomodo mori potuit qui Deus erat . Quoniam nimirùm & homo erat . Propterea sanè Unigenitus Dei Patris (c) passione sua hominem redempturus , sicut carnem in qua pateretur (qui pati non poterat in Divinitate) suscepit : sic etiam in terris visus est , & cum hominibus conversatus est , ut humiliaret semetipsum in loco afflictionis . Voluit infirmiora nostra abundantiori gloria sublimare [d] & contraxit se Majestas , ut quod melius habebat (videlicet seipsum) limo nostro conjungeret : & in persona una sibi invicem unirentur Deus & limus , Majestas & infirmitas , tanta vilitas & Sublimitas tanta . Nihil enim Deo sublimius est , nihil vilius limo : & tamen tanta dignatione Deus descendit in limum , tantaquè dignitate limus ascendit ad Deum , ut quidquid in eo Deus fecit , limus fecisse credatur : & quidquid limus pertulit , Deus in illo pertulisse dicatur , tam ineffabili quàm incomprehensibili Sacramento . Ergone credendum est (e) quòd iste Deus sit , qui ponitur in præsepio , qui vagit in cunis , qui omnium infantilium necessitatum injurias patitur , qui flagellatur , qui conspuitur , qui crucifigitur , qui ponitur in sepulchro , & inter duos lapides concluditur , excelsus & immensus ? Quomodo potuit hoc persuaderi generi humano , & universo orbi terrarum ? Et tamen tam facile & tam potenter persuasum est , ut mihi id credibile faciat credentium multitu-*

b *Tract. de exhort. milit. temp. cap. 11. num. 22.* c *Ser. 34. diver. num. 2.* d *Ser. 3. in Vig. N. n. Domini. num. 9.* e *Ibidem num. 9.*

titudo. Juvenes & Virgines, Senes cum junioribus elegerunt potius mille mortibus mori, quàm vel ad momentum ab ista fide deficere. Passus est quidem (f) in cruce impassibilis Deus, & in carne nostra mortali mortuus ac sepultus est immortalis Dei Filius. Sed ecce tertia die resurrexit à mortuis: & qui Agnus extiterat in Passione, leo factus est in Resurrectione. Surrexit, & vicit leo de tribu Juda: quia mortem, quam ex infirmitate nostra pertulit, ex Virtutè sua resurgendo calcavit. Ipse enim verus est Moyses (g) qui verè per aquam venit, & non in aqua tantùm, sed in aqua & Sanguine. Ait utique in Psalmo sanctus David Propheta: *Dixit ut disperderet eo* (Patrem siquidem loquebatur) *si non Moyses electus eius stetisset in confractione in conspectu eius; ut averteret iram eius ne disperderet eos.* Quomammodò quæso, Moyses stetit in confractione? Quemadmodum, inquam, aut stetit, si confractus est aut si stetit, quomodò confractus est? At ego tibi ostendo si vis qui verè stetit in confractione. Ego alium novi neminem qui hoc potuerit, nisi Dominum meum Jesum, qui certè in morte vivebat, qui Corpore fractus in cruce, Divinitate stabat cum Patre: in uno nobiscum supplicans, in altero cum Patre propitiatus. Sicut autem Mediator noster Jesus duas naturas (h) Humanitatem videlicet & Divinitatem conjunxit in una persona: ita singula ejus opera ad hanc, sive illam necessè est pertinere naturam. Ad hanc siquidem miseria, sed ad illam pertinet potentia. Quidquid ergo miseriæ passus est, ex homine con-

con-

contraxit: quidquid potenter operatus est, à Patre habuit.

S. I.

*Secundo queritur: Quare Deus potius per se [i] quam per aliquam aliam creaturam hominem voluerit liberare? Possumus hoc quidem charitati ejus imputare, quam ut nobis commendaret, non solum incarnatus est, sed & mortuus est pro nobis. Videns enim Deus homines omnino carnales effectos esse [k] tantâ eis dulcedinē exhibuit in Carne sua, ut durissimi cordis sit quisquis eum toto affectu non diligit. Volens siquidem nobilem creaturam hominem recuperare: Si, inquit, invitum cogero, asinum habeo, non hominem, quoniam quidem non libens veniet nec spontaneus ut possit dicere: *Voluntariè sacrificabo tibi*. Nunquid a linis dabo regnum meum? Numquid de bobus cura est Deo? Ut ergo habeam voluntarium, terrebo eum, si fortè convertatur & vivat. Et comminatus est acerbiora quæ excogitari possunt, tenebras æternas, vermes immortales, ignem inextinguibilem. Cum autem nec sic homo revocaretur, ait: Non solum timidus, sed etiam cupidus est: promittam ergo ei quod potissimum desiderabile videatur. Desiderant homines aurū & argentum & similia & super hæc omnia vitam desiderant. Manifestum est hoc, & valdè manifestum. Si, inquit, tantoperè desiderant miseram hanc laboriosam vitam & momentaneam, quantum diligent vitam quietam, æternam, beatam? Promissit itaque vitam æternam, promissit quod nec oculus vidit, nec auris audivit, nec in*

i Tract. de vite myst. cap. 16, num. 183. k Ser. 29. divo. num. 1.

in cor hominis ascendit. Videns autem quod nihil proficeret, [1] Unum, inquit, restat adhuc. Inest homini non solum timor & cupiditas, sed & amor, nec quidquam est omnino eo vehementius ad trahendum. Venit igitur in Carne, & tam amabilem se exhibuit, ut illam nobis impenderet charitatem, quam maiorem nemo habet, ut Animam suam daret pro nobis. Et verè in nullo sic commendat Deus charitatem suam, quomodo in mysterio Incarnationis ejus & Passionis: in nullo sic revelatur ejus pietas, in nullo sic apparet benignitas, quomodo in humanitate, Apostolo teste qui ait: *Apparuit benignitas & humanitas Salvatoris nostri Dei*. Nam potentia quidem occultata est, quoniã in infirmitate venit. Unde Abacuch Propheta: *Abscondita est, inquit, fortitudo ejus, haud dubium quin in Cruce, cujus cornua in manibus ejus*. Sapiencia quoque abscondita est & incarnata. Placuit enim ei per stultitiam verbi salvos facere credentes: Nonne quodammodo stultum se fecerat, qui tradidit in mortem Animam suam, & tulit peccata multorum, & quæ non rapuit tunc exolvebat? Tradidit nihilominus per hoc formam charitatis [m] ut parati simus, cum necessitas exigerit, pro fratribus nostris animas nostras ponere, cum Regem nostrum pro nobis Animam posuisse videmus. Est adhuc & alia rationabilis causa, quare per Dominum redempti sumus: scilicet, quia nequaquam decuit nos per alium reformari, quam per eum, per quem formati eramus. Plus enim excitat nos ad charitatem reformatio, quam formatio. Si enim per alium quam per ipsum per quem sumus formati, reforma-

ti

1 *Ibidem num. 3. in Tract. de vite vryf. cap. 26. num. 183.*

ti essemus, plùs reformatori nostro quàm formatori deberemus: & sic plùs diligeremus creaturam quàm Creatorem, quod esset inconveniens. Ut ergo incitaret nos ad diligendum seipsum ex toto corde, ex tota anima, & ex omnibus viribus nostris: impendit nobis quidquid debuit, creando & recreando nos optimus Deus, cujus beneficiis non communicat alienus.

§. I I I.

Tertiò quæritur: Quanam necessitate Christus passionem pertulit? [n] Quâ indigentia toties Sanguinem fudit? Cur tam mira pro redemptione hominum sustinuit, qui solius Majestatis imperio potentissimè redimere potuit? Audi ô homo necessitatem tuam, & non suam. Protoplastus piaculare facinus commisit prævaricando, quod expiari sine hostiæ oblatione non potuit. Purus homo puram hostiam offerre non valuit, quem peccati contagio penitus immundum esse constituit. Nec simplex Deus, nec Angelus immolari debuit: quoniam & illum natura, & hunc gratia impassibilem exhibuit. Irrationabilis creatura non sufficebat tantæ rei magnitudini. Unde oportuit, ut Deus & homo fieret hostia: Deus pro potentia liberandi, homo pro sufficientia immolandi: homo peccator pro indigentia. Oblatus est ergo Deus homo, quia apud ipsû propitiatio est, & copiosa apud eû redemptio. Oblatus est, quia sic decrevit ipsius erga hominem inestimabilis dilectio. Oblatus est, quia sic homo indiguit. Oblatus est, quia ipse voluit. Oblatus est [o] ut omnia implerentur oracula Pro-

phe-

phetarum . De impletione Scripturæ [p] ipse Dominus testimonium perhibet dicens Petro : *Galicem quem dedit mihi Pater , non vis ut bibam illum ? Quomodo ergo implebuntur Scripturæ ? Quid sic oportet fieri :* Et in alio loco dicit : *Nonne oportuit adimpleri omnia , quæ scripta sunt in lege Moyfi , & in Prophetis , & in Psalmis de me ?* Victoria de diabolo etsi alio modo fieri potuit , tamen alio modo impleri non debuit . Multum enim desipit , qui Sapientiam Dei & Domini aliud aliquid putat , nisi id quod præstantissimum fuit , ordinasse . Necessarium fuit eundem diabolum per Hominem Deum vinci & per lignum , qui hominē vicerat per lignū : *ut , unde mors oriebatur , inde vita resurgeret : & qui in ligno vincebat , in ligno quoq; vinceretur .* Quis dignè penset [q] quantæ , fuerit , humilitatis , mansuetudinis , dignationis , Dominum Majestatis carne indui , mulctari morte , turpari cruce ? Sed dicit aliquis : Non valuit opus suum reparare Creator absque ista difficultate ? Valuit , sed maluit cum injuria sui , ne pessimum atque odiosissimum vitium ingratitude occasionem ultrà reperiret in homine . Sanè multum fatigationis assumpsit , quo multæ dilectionis hominem debitorem teneret , commoneret- què gratiarum actionis difficultas redemptionis , quem minùs esse devotum fecerat conditionis facilitas . Quid enim dicebat homo creatus & ingratus ? Gratis quidem conditus sum , sed nullo Auctoris gravamine vel labore . Siquidem dixit , & factus sum , quemadmodum & universa . Quid magnum est , quamlibet magna in verbi facilitate donaveris ? Sic beneficium creationis attenuans humana impietas ,
ingra-

ingratitude materiam inde sumebat, unde amoris causam habere debuerat, idquè ad excusationes in peccatis. Sed obstructum est [r]os loquentium iniqua. Luce clariùs patet, quantum modò pro te ô homo dispendium fecit: de Domino seruus, de divite pauper, caro de Verbo, & de Dei Filio hominis filius fieri non despexit. Memento jam te etsi de nihilo facta esse, non tamen de nihilo redemptum. Sex diebus condidit omnia, & te inter omnia. At verò per totos triginta & tres annos operatus est salutē tuam in medio terræ. O quantū laboravit! sustinens carnis necessitates, hostis tentationes, nonne sibi Crucis aggravavit ignominia, mortis cumulavit horrore? Necessariè quidem. Sedebas ô homo [s] in tenebrosis & umbra mortis per ignorantiam Veritatis, sedebas vinctus catenis delictorum. Christus descendit ad te in carcerem non ut torqueret, sed ut erveret de potestate tenebrarum. Et primò quidem Veritatis Doctor depulit umbram ignorantiae tuæ, luce sapientiae suæ. Per *justitiam* deinde quæ ex fide est, solvit funes peccatorum, gratis justificans peccatorem. Quo gemino beneficio implevit sermonem illum Sancti David: *Dominus solvit compeditos, Dominus illuminat cecos*. Addidit quoque *sanctè* inter peccatores vivere, & sic tradere formam vitæ tanquam viæ, quā redires ad patriam. Ad cumulū postremò pietatis tradidit in mortem Animam suam, & de proprio latere protulit precium *satisfactionis*, quo placaret Patrem: per quod illum planè ad se versiculum traxit: *Apud Dominū misericordia, & copiosa apud eum redemptio*. Prorsus co-

A a a

piofa:

piofa: quia non gutta, sed nuda sanguinis largiter per quinque partes Corporis emanavit.

§. I I I I.

Quartò quaritur: Quenam necessitas [t]aut quæ ratio, aut quod opus fuit (cùm sola iussione sua Divina miseratio liberare hominem à peccato posset) propter redemptionem nostram Filium Dei carne suscepta, tot & tantas in medias, opprobria, flagella, sputa, denique ipsam crucis ignominiosam & asperam mortem suscipere, ut cum iniquis patibulum sustineret? Respondemus: Necessitas nostra fuit, & necessitas dura sedentium in tenebris & umbra mortis. Opus æquè nostrum, & Dei ipsius, & Sanctorum Angelorum fuit. *Nostrum*, ut auferret jugum captivitatis nostræ. *Suum*, ut impleret propositum voluntatis ejus. *Angelorum*, ut numerus impleretur eorum. Porro ratio hujus facti fuit dignatio facientis. Quis negat Omnipotenti ad manuum fuisse alios & alios modos nostræ redemptionis, justificationis, liberationis? Verùm hoc non præjudicat hujus quem è multis elegit efficaciam. Et fortassè is modus præstat, quem in terra oblivionis, gravedinis, lapsus nostri, tot & tantis gravaminibus Reparatoris fortiùs & vivacius admoneremur. Aliàs autem nemo hominum novit, nec noscere ad plenum potest quid boni ad gratiam, quid congruentiæ ad Sapientiam, quid decoris ad gloriam, quid commodi ad salutem; penes seipsam contineat hujus venerandi misterii inscrutabilis altitudo: quam Propheta Abacuch conside-

rans

t. *Traët. de error Abailardi cap. 8. num. 19.*

rans expavit, non penetravit: & Præcursor Domini indignum se judicavit qui penetraret. Cæterum [u] si non licet perscrutari Divinæ Sacramentum Voluntatis, licet tamen sentire effectum operis, fructum utilitatis percipere. Et quod licet scire, non licet tacere: quia gloria est Regum celare verbum, & gloria Dei investigare sermonem. Fidelis sermo & omni acceptione dignus: *Quoniam cum adhuc peccatores essemus, reconciliati sumus Deo per mortem Filii ejus.* Ubi reconciliatio est, ibi remissio peccatorum. Nam si dicente scriptura: *Peccata nostra separant inter nos & Deum*: manente peccato non est reconciliatio. In quo autem remissio est peccatorum? *Hic calix* (inquit Dominus) *novi testamenti in meo Sanguine, qui pro vobis effundetur in remissionem peccatorum.* Itaque ubi reconciliatio est, ibi remissio peccatorum. Et quid ipsa nisi justificatio? Sive igitur reconciliatio, sive remissio peccatorum, siue justificatio sit, siue etiam redemptio, vel liberatio de vinculis diaboli, à quo captivi tenebamur ad ipsius voluntatem: intercedente morte Unigeniti filii Dei obtinemus, justificati gratis in Sanguine ipsius: *in quo* (sicut Apostolus dicit) *habemus redemptionem per sanguinem ejus, remissionem peccatorum, secundum divitias gratiæ ejus.* Cur, inquis, per Sanguinem, quod potuit facere per sermonem? Ipsum interroga. Mihi scire licet quoddam ita. Cur ita? Non licet scire. Nunquid dicit figmentum ei qui se finxit: *Quid me finxisti sic?* Fuit verò Sanguis qui effusus est [x] tam multus ad ignoscendum, ut ipsum quoque peccatum maximum quo factum est ut effunderetur, deleteret, ac per hoc de antiqui illius

A a a 2 lius

u Ibidem num. 20. x Ibidem num. 22.

lius peccati originalis utpotè levioris deletione nullam omninò dubietatem relinqueret.

S. V.

Quintò quæritur: Ad quid mortuus est Chritus?
 Propter hoc mortuus est [y] & resurrexit, ut vivorum dominaretur & mortuorum. Porro mortuus est [z] & mortem necavit, ut viveremus per illum. Peccatum præcessit [a] ut sequeretur mors: quod sanè si cavisset primus homo, mortem non gustasset in æternum. Peccando utique vitam amisit [b] & mortem invenit: quoniam quidem & Deus ita prædixerat, & justum profectò erat, ut si peccaret homo, moreretur. Quid namque justius poterat esse, quàm recipere talionem? Vita siquidem Deus animæ est, ipsa corporis. Peccando voluntariè volens perdidit vivere, nolens perdat & vivificare. Spontè repulit vitam cum vivere noluit, non valeat eam dare cui vel quatenus voverit. Nolvit anima regi à Deo, non queat regere corpus. Si non paret Superiori, inferior cur imperet? Invenit Conditor suam sibi rebellem creaturam: inveniat anima suam sibi rebellem pedisequam carnem. Transgressor inventus est homo Divinæ legis: inveniat ipse aliam legem in membris suis, repugnantem legi mentis suæ, & captivantem se in legem peccati. Porro *peccatum* [ut scriptum est] *separat inter nos & Deum*: separet proinde etiam mors inter corpus nostrum & nos. Non potuit dividi à Deo anima nisi peccando, nec corpus ab ipsa nisi

y Ser. 66. in Cont. num. 10. z Ser. de Pass. Domini num. 1. a Tract. de exhort. ad milites tempil. cap. 11. num. 18. b Ibidem num. 19.

si moriendo. Quid itaque austerius pertulit in ultione? Id solum passa est à subdito, quod præsumpserat in Auctorem. Nil profectò congruentius erat, quàm ut mors operata sit mortē, spiritualis corporalem, culpabilis pœnalem, voluntaria necessariam. Cùm ergo hac gemina morte(c) secundùm utramque naturam homo damnatus fuisset, altera quidem spirituali & voluntaria, altera corporali & necessaria: utrique Deus Homo una sua corporali ac voluntaria morte benignè & potenter occurrit, illaquè una sua morte nostram utramque mortem damnavit. Meritò quidem. Nam ex duabus mortibus nostris, cùm altera nobis in culpæ meritum, altera in pœnæ debitum reputaretur: Christus suscipiens pœnam & nesciens culpam, dum spontè & tantùm in Corpore moritur, & vitam nobis & justitiam promeretur. Alioquin si corporaliter non pateretur, debitum non solvisset: si non voluntariè moreretur, meritum mors illa non habuisset. Nunc autem si [ut dictum est] mortis meritum est peccatum, & peccati debitum est mors: Christo remittente peccatum, & moriente pro peccatoribus, profectò jam nullum est meritum, & solutum est debitum. Cæturùm unde scimus(d) quòd Christus possit peccata dimittere? Hinc proculdubio, quia Deus est, & quidquid vult, potest. Unde autem scimus & quòd Deus sit? Miracula probant. Facit quippè opera quæ nemo alius facere possit, ut taceam oracula Prophetarum, necnon & Paternæ vocis testimonium elapsæ cælitùs ad ipsum à magnifica gloria. Quod si Deus pro nobis est quis contra nos? Deus qui justificat, quis est qui condemnet? Si

ipse est & non alius cui quotidie confitemur dicentes, *Tibi soli peccavi*: quis melius, imò quis alius remittere potest quod in eum peccatum est? Itaque cognovimus quòd peccata Christus Divinitatis suæ potentia valvit relaxare. Sed unde rursùm confidimus (e) quòd mortem abstulit? Hinc planè, quòd eam ipse qui non mervit, pertulit. Qua enim ratione iterùm exigeretur à nobis, quod pro nobis ille jam solvit? Qui peccati meritum tulit, suam nobis donando justitiam: ipse mortis debitum solvit, & reddidit vitam. Sic namque mortua morte revertitur vita, quemadmodùm ablato peccato redit justitia. Quid tamen causamur (f) quòd Sanctum. Malachiam [Episcopum Hyberniam] mors ausa est attentare, fidele equidem membrum Christi, quando & ipsum Malachiam pariter & omnium electorum Caput Christum furibunda pervasit? Peruasit utique immunem, sed non immunis evasit. Impegit in Vitam mors, & inclusit intrà se Vita mortem, & absorpta est mors à Vita: hamum sibi devorans inde teneri cæpit, unde visa est tenuisse.

S. V I.

Sextò quæritur: Quomodò (g) mors à Capite Christo scilicet superata esse videtur, quæ tanta adhuc libertate sævit in membra? Si mors mortua est, quomodò Malachiam occidit? Si victa est, quomodò adhuc prævalet universis, & non est homo qui vivat & non videat mortem? Respondemus: Victa planè est mors opus diaboli, & peccati pæna: victum est

pec-

• *Ibidem num. 22. f. Ser. de S. Malach. num. 3. tom. 2. par. 2. pag. 40.*
 § *Ibidem. num. 4.*

peccatum causa mortis: victus est & malignus ipse *diabolus* peccati author & mortis. Necmodò vicia sunt hæc tria, sed & judicata jam & damnata. Dif-
finita quidem, sed nondum promulgata sententia est. Denique jam diabolo ignis paratus est, etsi nondum ille precipitatus est in ignem, modico adhuc tamen tempore finitur malignari. Tanquam melleus cæ-
lestis opificis factus est, maleus universæ terræ: terit electos ad eorum utilitatem, reprobos conterit in eorum damnationem. Qualis ergo paterfamilias, tales & domestici ejus, peccatum scilicet & mors. Nam & peccatū licet simul cum Christo Cruci ipsius non dubitetur affixum esse, adhuc tamen interim non regnare quidem, sed habitare etiam in ipso dum viveret Apostolo permitebatur. Mentior si non ipse ait: *Jam non ego operor illud, sed quod habitat in me peccatum*. Sic & mors ipsa minimè quidem adhuc abesse cogitur, sed cogitur non obesse. Erit autem cūm dicetur: *Ubi est mors victoria tua?* Et ipsa si-
quidem inimica novissima destruetur. Nunc verò moderante eo qui imperium habet vitæ & mortis, & mare ipsum certis littorum coercet metis, mors ipsa dilectis Domini somnus refrigerii est, Propheta at-
testante qui ait: *Cum dederit dilectis suis somnum, ecce hereditas Domini*. Pessima quidem est mors peccato-
rum, quorum & nativitas mala, & vita peior: sed *preciosa est mors Sanctorum*. Preciosa planè tanquam finis laborum, tanquam victorie consummatio, tan-
quam vitæ janua, & perfectæ securitatis ingressus. Proinde (h) Senex ille Simeon tam plenus virtutum quàm dierum, morte jam propinqua Vitam bajulans

in manibus, aiebat: *Nunc dimittis seruum tuum Domine, secundum verbum tuum in pace: quia viderunt oculi mei salutare tuum*. Ac si diceret: Securus descendendo in carcerem, qui tam præstò meam sentio redemptionem. Justus mortem etsi non cavet (i) tamen non pavet. Denique si morte præoccupatus fuerit, in refrigerio erit. Moritur quidem & justus, sed securè: quippè cujus mors ut præsentis est exitus vitæ, ita introitus est melioris. Preciosam in conspectu Domini mortem Sanctorum ejus (k) facit aliquando *vita*, aliquando *causa*, aliquando *vita simul cum causa*. In *Confessoribus*, qui in Domino moriuntur, facit preciosam mortem *vita*. In *Martyribus*, qui pro Domino moriuntur, facit mortem preciosam aliquando sola causa, aliquando causa pariter & vita, Et illa quidem mors preciosa est, quam commendat vita: preciosior verò est mors, quam facit causa: preciosissima autem est mors, quam prævevit vita simul cum causa. Porro tria sunt (l) quæ mortem Sanctorum faciunt preciosam, *quies* à labore, *gaudium* de novitate, *securitas* de æternitate. Bona est mors (m) & nequaquam abhorrenda est, quæ vitam etsi adimit, non tamen perimit. Adimit quidem vitam, sed ad tempus, restituendam in tempore, duraturam sine tempore. Denique, *Mortui estis* [inquit Apostolus] *& vita vestra abscondita est cum Christo in Deo. Cùm autem Christus apparuerit vita vestra, tunc & vos apparebitis cum ipso in gloria*. Nec verò Resurrectionem distulit ultra tertiam diem (n) ut Propheta

Oseas

i Epist. 105. num. 1. k Ser. 64. diver. n. 1. l Ibidem num. 2. m Tract. de vit. & mor. Episc. cap. 2. num. 12. n Ser. 1. in die Pasche. num. 2.

Oseas fidelis inveniatur, qui dixit: *Vivificabit nos post duos dies, in die tertia suscitabit nos*. Decet nimirum, ut quemadmodum Caput Christus præcessit, sequantur membra. In patibulo sextâ feriâ redemit hominem, ipsa die quâ fecerat hominem initio: sequenti die sabbatizavit in monumento, consummato opere quod susceperat. Tertia verò die quæ prima dierum est, primitiæ dormientium apparuit mortis victor novus Homo. Ita & nos quicumque sequimur Caput nostrum, tota die hac quâ psalmati & redempti sumus, non cessemus agere pænitentiam, non cessemus tollere crucem nostram, perseverantes in ea sicut & ipse Christus perseveravit, & donec dicat spiritus ut requiescamus à laboribus nostris. Neminem audiamus, Fratres, non carnem & sanguinem, non spiritum quemlibet, descensum de cruce suadentem. Persistamus in cruce, moriamur in cruce: deponamur aliorum manibus, non nostra levitate. Caput nostrum deposuêre viri justi: nos verò dignatione sua Angeli Sancti deponant, ut consummatâ viriliter die crucis, secundâ die quæ post mortem est, quiescamus suaviter & dormiamus sæliciter in sepulchris, expectantes beatam spem, & adventum gloriæ magni Dei, qui resuscitabit corpora nostra tertiâ demùm die, configurata corpori claritatis suæ. Cum igitur supersit dies aspirans in resurrectionis gloria, (o) claret profectò aliquando adimpletim iri in corpore quod præcessit in Capite, magnum utique pietatis sacramentum, & Prophetæ Oseæ testimonium, qui ait: *Vivificabit nos post duos dies, in die tertia suscitabit nos & vivemus in conspectu ejus, sciemus, se-*
que-

quemurquæ, ut cognoscamus Dominum. Ipse est in quem Angeli prospicere concupiscunt, Sponsus Ecclesiæ Jesus Christus Dominus noster, qui est super omnia Deus benedictus in sæcula. Amen.

CAPUT X.

Confutatur impium dogma Petri Abailardi, negantis Filium Dei suscepisse carnem & subiisse mortem Crucis, propter liberandos homines à potestate diaboli.

1. *Ostenditur autoritate Prophetarum, idcirco Christum incarnatum & mortuum esse, ut redimeret genus humanum de potestate diaboli, qui dominium in universos homines nequiter sibi usurpaverat.*
2. *Ostenditur autoritate Apostolorum, malos homines à diabolo captivos teneri ad ejus voluntatem. Probat, quod sola voluntas propria subdit imperio diaboli hominem peccantem mortaliter.*
3. *Ostenditur autoritate Christi Domini, diabolum habere potestatem in homines. Docemur, Christum in opere liberationis nostræ de potestate diaboli, non solum misericordiâ, sed & justitiâ usum esse.*

S. I.

Petrus Abailardus (a) Christianæ fidei meritum evacuare nititur, dum totum quod Deus est, humana ratione arbitratur se posse comprehendere. Ascendit usque ad cælos, & descendit usque ad aby-
 sos.

a Epist. 191. num. 1.

fos . Nihil est quod lateat eum, sive in profundum inferni, sive in excelsum supra . Homo est magnus in oculis suis, de fide contra fidem disputans ; ambulans in magnis, & in mirabilibus super se, scrutator Majestatis, hæresum fabricator. Etenim (b) mysterium nostræ redemptionis (sicut in libro quodam Sententiarum ipsius, & item in quadā ejus expositione Epistolæ ad Romanos legitur) temerarius scrutator Majestatis aggrediens, in ipso statim disputationis exordio Ecclesiasticorum Doctorum unā omnium de hac re dicit esse sententiam, & ipsam ponit ac spernit, & gloriatur se habere meliorem: non veritus contra præceptum Sapientis transgredi terminos antiquos, quos posuerunt Patres nostri . *Sciendum est (ait ille) quod omnes Doctores nostri post Apostolos in hoc conveniunt, quod diabolus dominium & potestatem habebat super hominem, & jure eum possidebat: ideo scilicet, quod homo ex libertate arbitrii quam habebat, spontè diabolo consensit . Ajunt namque quod si quis aliquem vicerit, victus jure victoris servus constituitur . Ideo (inquit) sicut dicunt Doctores, hac necessitate incarnatus est Filius Dei, ut homo qui aliter liberari non poterat, per mortem innocentis jure liberaretur à iugo diaboli . Sed, ut nobis videtur (ait) nec diabolus unquam jux aliquod in hominem habuit, nisi fortè (Deo permittente) ut carcerarius; nec Filius Dei ut hominem liberaret, carnem assumpsit . Quid in his verbis, intolerabilius, judicem, blasphemiam, an arrogantiam ? Quid damnabilius judicem, temeritatem, an impietatem ? An non justius os loquens talia suffibus tunderetur, quàm rationibus refelleretur ? Nonne*

om-

b Tract. de error, Abailard. cap. 5. num. 11.

omnium meritò in se provocat manus, cujus manus
 contra omnes? *Omnes*, inquit, *sic, sed non ego sic*.
 Quid ergo tu? Quid melius affers? Quid subtilius
 invenis? Quid secretius tibi revelatum jactas, quod
 tot præterierit Sanctos, effugerit Sapientes? Aquas
 furtivas & panes absconditos puto apponet nobis iste
 Abailardus. Dic tamen (c) dic quidquid illud est,
 quod tibi videtur, & nulli alteri: An quòd Filius
 Dei non ut hominem liberaret, hominem induit? Hoc
 planè nemini, te excepto, videtur: tu videris ubi vi-
 deris. Non enim hoc à Sapiente, non à Propheta,
 non ab Apostolo, non denique ab ipso Domino acce-
 pisti. Magister Gentium Paulus accepit à Domino
 quod & tradidit nobis. Magister omnium Christus
 suam doctrinam fatetur non esse suam: *Non enim*,
 ait, *à me ipso loquor*. Tu verò de tuo nobis tradis, &
 quod à nemine accepisti. Qui loquitur mendacium,
 de suo loquitur. Tibi proinde sint, quæ tua sunt.
 Ego Prophetas & Apostolos audio, obedio Euange-
 lio, sed non Evangelio secundum Petrum Abailar-
 dum. Tu nobis novum condis Evangelium? Qui-
 tum Ecclesia Evangelistam non recipit. Quid lex,
 quid Prophetæ, quid Apostoli, quid Apostolici Viri
 nobis aliud evangelizant, quàm quod solus tu negas,
 Deum videlicet factum Hominem ut hominem libe-
 raret? Etsi Angelus de cælo aliud nobis evangeliza-
 verit, anathema sit. Sed qui venerunt post Apo-
 stolos (d) Doctores non recipis, homo qui super
 omnes docentes te intellexisti. Denique non erube-
 scis dicere, quod adversum te omnes sentiant, cum
 ab invicem non dissentiant. Frustra proinde illorum
 tibi

c) *ibidem* num. 12. d) *Ibidem* num. 13.

tibi fidem doctrinamquē proponerem, quos jam proscriptisti. Ad *Prophetas* te ducam. Loquitur sub typo Jerusalem ad populum acquisitionis, non Propheta Sophonias, sed in Propheta Dominus dicens: *Salvabo te, & liberabo te, noli timere*. Quæris à qua potestate? Non enim vis ut diabolus in hominem habeat, vel habuerit potestatem. Fateor nec ego. Non tamen idcirco non habet, quia ego & tu hoc nolimus. Si non confiteris tu, nec cognoscis: cognoscunt & dicunt qui redempti sunt à Domino, quos redemit de manu inimici. Quod minimè negares & tu, si non esses sub manu inimici. Non potes gratias agere cum redemptis, qui redemptus non es. Nam si redemptus esses, Redemptorem agnosceres, & non negares redemptionem. Nec quærit redimi, qui se nescit captivum. Qui autem sciverunt, clamaverunt ad Dominum, & Dominus exaudivit eos, & redemit eos de manu inimici. Et ut intelligas hunc inimicum qui sit: *Quos redemit, (ait Propheta David) de manu inimici, & de regionibus congregavit eos*. Sed primùm quidem agnosce hunc Congregatorem, de quo Caiphas prophetat in Evangelio, quia *Jesus moreretur pro gente*. Et qui narrat, sequitur dicens: *Non tantum pro gente, sed ut filios Dei qui erant dispersi congregaret in unum*. Quod erant dispersi? In omnes regiones. Ergo quos redemit, de regionibus congregavit eos. Non congregaret, nisi redimeret. Erant enim non solum dispersi, sed & captivi. Redemit & congregavit: redemit autem de manu inimici. Non dicit inimicorum, sed *inimici*. Inimicus unus, regiones multæ. Siquidem non de regione, sed de regionibus

CON-

congregavit eos, à Solis ortu & occasu, ab Aquilone & Mari. Quis iste unus tam potens dominus, (*diabolus*) qui non uni præfuit regioni, sed omnibus? Non alius, ut arbitror, quàm ille qui ab alio Prophetâ dicitur *absorbere fluvium*, idest, genus humanum. *Et non mirari: habet autem fiduciam quòd & Jordanis*, hoc est, electio ipsa *influat in os ejus*. Beati qui sic influunt ut effluant, qui sic intrant ut exeant.

§. I I.

Sed quid? (e) nondùm fortè credis Prophetis sic sibi concinentibus de diaboli potestate in hominem. Veni mecum & ad *Apostolos*. Dixisti nempè te non sentire cum illis qui post Apostolos venerunt: assentias vel Apostolis, si fortè & tibi contingat quod unus eorum loquitur de quibusdam: *Nequando* (inquiens) *det illius Deus penitentiam ad cognoscendam veritatem, ut sesipiscant à diaboli loquetis, à quo captivi tenentur ad ipsius voluntatem*. Paulus est iste, qui homines à diabolo captivos teneri asserit ad ejus voluntatem. Audis, *ad ejus voluntatem*, & negas potestatem? Quis verò illum admisit (f) nisi propria voluntas? Ipsa est, quæ in potestatem tenebrarum denuò rediit, quæ nos iterùm subdidit mortis imperio. Nam & qui voluerunt sui esse (g) utique sicut dii, scientes bonum & malum, facti sunt non tantùm jam sui, sed & diaboli. Dum ergo per malam voluntatem sumus diaboli, quodammodò interim non

e *Ibidem* num. 14. f *Ser.* 11. *diuer.* num. 2. g *Tract.* de *grat.* & *lib.* arb. cap. 6. n. 18.

non sumus Dei: sicut cum per bonam voluntatem efficiamur Dei, desinimus jam esse diaboli. Nemo siquidem *potest duobus dominis servire*. Cæterum siue Dei sumus, siue diaboli, non tamen similiter desinimus esse & nostri. Manet quippè utrobique libertas arbitrii, per quam maneat & causa meriti: quatenus meritò vel puniamur mali, quòd tanquam liberi ex propria voluntate efficiamur: vel glorificemur boni, quòd nisi æquè voluntarii esse non possumus. Sanè diabolo nostra nos mancipat voluntas, non ipsius potestas. Denique (h) primos parentes non ursus aut leo, sed potiùs serpens, callidior utique non fortior cæteris animantibus supplantavit. Nec mulierem vir, sed mulier virum seduxit. Serpens, ô Eva, decepit te: decepit profectò, non impulit, aut coëgit. Mulier tibi, ô Adam, de ligno dedit, sed offerendo utique, non violentiam inferendo. Neque enim potestate illius, sed tua factum est voluntate, ut ejus voci plùs obedieris quàm Divinæ. Cæterum si ille sibi non præcavit ignarus, nos saltem nobis tot exemplis præmoniti caveamus. Imò verò quoniam periclitati sumus & nos n. miserabiliter in hac parte, de cætero jam remedium aliquod tantis providere malis sollicitè studeamus adhibere. Quandò enim fortis ille armatus (quem fortior superveniens alligavit) atrium illud olim suum valuit violentiâ aliquâ obtinere? Sed vacuum sibi què insipienter expositum domicilium reperit, & cum aliis septem nequioribus non fortioribus ingrediens, non irruens, liberè habitavit. Veni, [i] Domine Jesu etiam nunc: Jesu bone eice iterum fortiter, quem
nos

^h Ser. II. diu. num. 2. i. *Ibidem* num. 2.

nos insipienter admisimus. Tunc enim verè liberi erimus etiam nunc, si nos liberaveris. Irritum fecimus fœdus primum, tibi peccavimus Domine: Satanae & operibus ejus obligantes denuò nosmetipsos, jugo iniquitatis colla ultronea submittentes, & subjicientes nos miseræ servituti. Quis autem audeat gloriari contritum esse loqueum (k) liberatos pedes à lapsu, reclamante nimirum Apostolo & dicente: *Qui stat, videat ne cadat?* Putasne stare per se possit ille (l) qui surgere per se non potuit? Non opinor. Quid enim? Verbo Domini cæli firmati sunt, & terra stabit sine verbo? Cur ergo si stare per se poterat, orabat homo (*David*) de terra: *Confirma me, inquit, in verbis tuis?* Denique & probârat. Ejus ipsius illa vox fuit: *Impulsus eversum sum ut caderem, & Dominus suscepit me.* Quæris quis ille impulsor? Non est unus. Impulsor *diabolus* est, impulsor *mundus*, impulsor *homo*. Quis iste homo sit quæris? Quisque sui. Noli mirari usque adedò homo impulsor sibi est, & suimet præcipitator, ut non sit quod ab altero impulsore formides, si ipse à te proprias contineas manus. *Quis enim* (inquit Petrus) *vobis nocere poterit, si boni amulatores fueritis?* Manus tua est consensus tuus. Si diabolo suggerente vel sæculo suadente quod non oportet, assensum tuum tenueris, & non dederis membra arma iniquitati, nec permiseris regnare peccatum in tuo mortali corpore: bonum te æmulatorem probasti, cui malitia omninò nil nocuit, vide ne magis profuerit. Scriptum est enim: *Bonum fac, & habebis laudem ex illa.* Confusi sunt qui quærebant animam tuam,

k Ser. 2. de omni. san. num. 2. l Ser. 85. in Cant. num. 3.

tuam, tu verò cantabis: *Si mei non fuerint dominati, tunc immaculatus ero*. Boni planè æmulatoris insigne dedisti, si juxta consilium Sapientis *miseris animæ tuæ*, si omni custodia servas cor tuum, si juxta Apostolum teipsum castum custodis. Alioquin etsi universum mundum lucreris, animæ autem tuæ detrimentum patieris, non planè bonum te censemus æmulatorem, quoniam quidem nec Salvator. Cùm igitur tres sint stanti imminentes stratores (m) horum *diabolus* livore malitiæ, *mundus* vento vanitatis, *homo* semetipsum pondere suæ corruptionis impellit. Impellit diabolus, sed non evertit, siquidem tuum illi negaveris assensum. Denique verba Jacobi Apostoli habes: *Resistite diabolo, & fugiet à vobis*. Iste est qui stantes in paradiso impulit invidus & evertit, sed consentientes, non resistentes. Iste est qui seipsum de cælo superbus nullo impellente præcipitavit: ut scias multò magis hominem suo ipsius casui imminere, quem propriæ substantiæ pondus gravat. Est & mundus impulsor, quia in maligno positus est: impellit omnes, sed solos evertit amicos suos, id est consentaneos sibi. Nolo esse amicus mundi, ne cedam. Nam qui vult esse hujus mundi amicus, inimicus Dei constituitur, quo utique nullus gravior casus. Ex quibus satis claret quàm sit homo præcipuus impulsor sui, qui suo sine alieno impulsu cadere potest, alieno absque suo cadere non potest. Cuinam horum præcipuè resistendum est? Nempè huic, qui eò molestior quò interior solus deicere sufficit, cùm sine ipsa alii possint facere nihil. Non sine causa Sapiens expu-

B b b

gna-

gnatori prætulit urbium virum qui animo domina-
tur. Multum hoc ad te, opus virtute habes, & non
quacunque, sed qua induaris ex alto. Ipsa enim si
perfecta sit, facile sic animum victorem sui, & sic
invictum reddit ad omnia. Est quippè vigor animi
cedere nescius pro tuenda ratione. Aut si magis pro-
bas, vigor animi immobiliter stantis cum ratione
vel pro ratione. Vel sic: Vigor animi quod in se est,
omnia ad rationem cogens vel dirigens.

S. I I I.

Porro (n) si & Paulo Apostolo non credis *Petra
Abailarde*, veni jam ad ipsum Dominum Jesum, si fortè
audias & quiescas. Nempè ab ipso diabolus appella-
tus est *princeps huius mundi*, & *fortis armatus custo-
diens atrium suum*, *possessorque vasorum*: & tu dicis
diabolum non habere potestatem in homines? Nisi tu
aliud putas hoc loco intelligi *atrium* quàm mun-
dum, *vasa* quàm homines. Quod si atrium diaboli
mundus erat, & homines vasa ejus: quomodò non
dominabatur in hominibus? Ait item Dominus ca-
pientibus se: *Hac est hora vestra*, & *potestas tene-
brarum*. Potestas ista non latuit Paulum qui dice-
bat: *Qui eruit nos de potestate tenebrarum*, & *trans-
tulit in regnum Filii claritatis sue*. Hanc utique Do-
minus Jesus nec in se quidem negavit diaboli pote-
statem, sicut nec Pilati, qui membrum erat diabo-
li. Ait siquidem: *Non haberes potestatem in me ullam,
nisi data tibi fuisset desuper*. Quod si in viride lignum
instantum grassata est ista desuper data potestas, ari-
ari-

nam quomodo non fuit ausa contingere? Nec injustam puto iste causabitur potestatem datam desuper. Discat ergo diabolus non solum potestatem, sed & justam potestatem habuisse in homines: ut consequenter & hoc videat, venisse utique in Carne Dei Filium propter liberandos homines. Cæterum etsi justam dicimus diaboli potestatem, non tamen & voluntatem. Unde non diabolus qui invasit, non homo qui meruit, sed justus Dominus qui exposuit. Non enim à potestate, sed à voluntate justus injustus-
vè quis dicitur. Hoc autem diaboli quoddam in hominem jus, etsi non jure acquisitum sed nequiter usurpatum, justè tamen permissum. Sic itaque homo justè captivus tenebatur, ut tamen nec in homine nec in diabolo illa esset justitia, sed in Deo. Justè igitur homo est addictus (o) sed & misericorditer liberatus. Sic tamen misericorditer, ut non defuerit justitia quædam & in ipsa liberatione: quoniam hoc quoque fuit de misericordia liberantis, ut quod congruebat remediis liberandi, justitiâ magis contra invasorem quàm potentiâ vteretur. Quid namque ex se agere poterat, ut semel amissam justitiam recuperaret homo servus peccati, victus diaboli? Assignata est ei proinde aliena justitia, qui caruit suâ, & ipsa sic est: Venit princeps hujus mundi, & in Salvatore non invenit quidquam: & cum nihilominus innocenti manus injecit, justissime quos tenebat amisit: quando is qui morti nihil debebat, acceptâ mortis injuriâ, jure illum qui obnoxius erat, & mortis debito & diaboli solvit dominio. Quâ enim justitiâ id secundò exigeretur?

B h b 2 Homo

Homo siquidem qui debuit, homo qui soluit. Nam si unus (inquit Apostolus) pro omnibus mortuus est, ergo omnes mortui sunt: ut videlicet satisfactio unius omnibus imputetur, sicut omnium peccata unus ille portavit: nec alter jam inveniatur qui forefecit, alter qui satisfecit: quia Caput & corpus unus est Christus. Satisfecit ergo Caput pro membris, — Christus pro visceribus suis, quando juxta Evangelium Pauli (quo convincitur mendacium Petri Abailardi) mortuus pro nobis convivificavit nos sibi, donans nobis omnia delicta, delens quod adversum nos erat chirographum decreti, quod erat contrarium nobis: & ipsum tulit de medio, affigens illud Cruci, & expolians principatus & potestates. Utinam ego inveniar in his spoliis (p) quibus spoliatae sunt contrariae potestates, traductus & ipse in possessione Domini. Si me insecutus Laban arguerit quoddam recesserim clam ab eo, audiat clam me accessisse ad eum, & ob hoc clam recessisse. Subjecit me illi causa secretior peccati, subduxit me illi ratio occultioris justitiae. Aut si gratis venundatus sum, gratis non redimar? Si Affur sine causa calumniatus est mihi, sine causa causam exigit evasionis. Quod si dixerit: Pater tuus addixit te. Respondebo: Frater meus redemit me. Cur non aliunde justitia, cum aliunde reatus? Alius qui peccatorem constituit, alius qui justificat à peccato. Alter in semine, alter in Sanguine. An peccatum in semine peccatoris, & non justitia in Christi Sanguine? Sed justitia (inquit) sit cujus est: quid ad te? Esto: Sed sit etiam culpa cujus est: quid ad me? An justitia justii super eum erit,

&

& impietas non erit super eum? Non convenit filium portare iniquitatem patris, & fraternæ fieri exortem justitiæ. Nunc verò per hominem mors, & per hominem vita. *Sicut enim in Adam omnes moriuntur, ita & in Christo vivificabuntur*: quoniam non sic illi attineo ut non & isti. Si illi per carnem: & per fidem huic. Et si infectus ex illo originali concupiscentia, etiam & in Christo gratia spirituali perfusus sum. Quid mihi plus imputatur de prævaricatione? Si generatio, regenerationem appono: nisi quodd spiritualis est ista, illa carnalis. Nec patitur ratio æquitatis ut ex æquo contendat, sed vincat: necesse est spiritus carnem, & sit efficacior causa, cujus est & potior natura: quo plùs videlicet proffit generatio secunda, quàm prima nocuerit. Sanè pervenit delictum ad me, sed pervenit & gratia. *Et non sicut delictum, ita & donum: nam iudicium ex uno in condemnationem, gratia autem ex multis delictis in justificationem*. A primo homine manavit delictum, à summo cælo egressio gratiæ. Utrumque à Parente, illud à primo, ista à Summo. Terrena nativitas perdit me, & non multò magis generatio cælestis conservat me? Nec vereor sic erutus de potestate tenebrarum repelli à Patre luminum, justificatus gratis in Sanguine Filii ejus. Nempe ipse est qui justificat, quis est qui condemnet? Non condemnabit justum, qui misertus est peccatori. Justum me dixerim, sed illius justitiâ. Quænam ipsa? Finis legis Christus ad justitiam omni credenti. Denique *qui factus est nobis* (inquit Apostolus) *justitia à Patre*. Quæ ergo mihi justitia facta est, mea non est? Si mea traducta culpa, cur non & mea

indulta iustitia? Et sanè mihi tutior donata quàm innata. Nam ista quidem gloriam habet, sed non apud Deum. Illa autem cùm sit salutis efficax, materiam non habet gloriandi nisi Domino. Nam & *si iustus fuero* (inquit Job) *non levabo caput*, ne videlicet responsum accipiat: *Quid habes quod non accepisti? Si autem accepisti, quid gloriaris quasi non acceperis?* Hæc est iustitia hominis in Sanguine Redemptoris (q) quam homo perditionis (*Petrus Abailardus*) exsufflans & subfannans, intantum evacuare conatus est, ut totum quòd Dominus gloriæ semetipsum exinanivit, quòd minoratus est ab Angelis, quòd natus de fæmina, quòd conversatus in mundo, quòd expertus infirma, quòd passus indigna, quòd demùm per mortem Crucis in sua reversus, ad id solum putet & disputet redigendum, ut traderet hominibus formam vitæ vivendo & docendo, patiendo autem & moriendo charitatis metam præfigeret. *Ergo docuit iustitiã* (ait) *& non dedit, ostendit charitatem, sed non infudit, & sic rediit in sua.* Itane hoc totum est magnum illud pietatis sacramentum, quod manifestatum est in carne, iustificatum est in spiritu, apparuit Angelis, prædicatum est Gentibus, creditum est mundo, assumptum est in gloria? Incomparabilis doctor Abailardus, qui etiam profunda Dei sibi aperiens, & ea quibus vult lucida & pervia faciens, altissimum sacramentum & mysterium absconditum à sæculis, sic nobis suo mendacio planum & apertum reddit, ut transire leviter possit per illud quivis, etiam incircuncisus & im-mundus: quasi Dei Sapientia cavere nescierit, aut

negle.

neglexerit quod ipsa prohibuit, sed dederit & ipsa
Sanctum canibus & margaritas porcis. Sed non est
ita. Nam etsi manifestatum est in Carne, sed tamen
justificatum est in spiritu, ut & spiritualibus spiritua-
lia conferantur; & animalis homo non percipiat quæ
sunt spiritus Dei, nec fides nostra sit in sapientia ver-
bi, sed in Virute Dei. Unde Salvator ait: *Confiteor*
tibi Pater Domine cali & terræ, quia abscondisti hæc
à sapientibus & prudentibus, & revelasti ea parvulis.
Neque hoc secretum (r) revelat caro & sanguis, sed
is qui scrutatur profunda Dei Spiritus Sanctus: qui à
Patre Filioquè procedens, cum ipsis pariter vivit &
regnat in sæcula sæculorum. Amen.

DEO GRATIARUM ACTIO, ET BEATO BERNARDO.

Servo ejus dulci & fideli.

S. Bonavent. Conclus. tract. medit. de vita Christi.

PHILOSOPHIÆ CHRISTIANÆ

Pars Sexta.

De gestis post mortem Christi, ac de Corporis ejus depositione & sepultura.

Et erit in die illa radix Jesse qui stat in signum populorum, ipsum Gentes deprecabuntur: & erit Sepulchrum ejus gloriosum. Esa. 11.

CAPUT I.

De prodigiis in morte Christi successis.

1. Ostenditur, Solem præter naturam defecisse ea die, quâ Christus Deus noster moriebatur in Cruce.
2. Velum Templi scissum est in duas partes.
3. Terra mota est & tremuit.
4. Petra durissima scissæ sunt.
5. Monumenta sepulchralia aperta sunt, & corpora sanctorum surrexerunt, ut faterentur Christum esse Deum verum.

S. I.

A sexta autem hora tenebræ factæ sunt super universam

jam terram usque ad horam nonam. Et obscuratus est Sol. Matt. 27. Mar. 15. Luc. 23.



AM quidem (a) infirma Jesu Christi crucifixi vidisti anima mea, & miserta es: nunc Majestatem ejus attende, & miraberis. Quid enim ait Scriptura? *A sexta autem hora tenebrae factae sunt super universam terram*

usque ad horam nonam. Et obscuratus est Sol: & velum templi scissum est in duas partes à summo usque deorsum: & terramota est: & petrae scissae sunt: & monumenta aperta sunt, & multa corpora sanctorum qui dormierant, surrexerunt. Qualis est hic, quia & caelum & terra compatiuntur ei, cujus & mors mortuos vivificat? Cognosce anima mea, cognosce: hic est Dominus Deus noster, Jesus Christus Salvator tuus, Unigenitus Dei Filius, verus Deus, verus homo: qui solus sub Sole sine macula inuentus est. Et ecce Agnus in Cruce levatus immolatus stipite (b) opprobrium hominum factus est & abjectio plebis: & praedolore Sol obscuratur, petrae scinduntur, & tota contremiscit orbita mundi. Vide itaque totius mundi machinam (c) Fabricatori suo compatiens tetra caligine involutam. Circa horam nonam (d) clamavit Jesus voce magna, dicens: Deus meus, Deus meus, ut quod dereliquisti me? Et
hac

S. Bernar. Abb. juxta ejus libros. edit. authore Horstio in VI. Tom. impres. Parisiis an. 1667. a Ser. de Pass. Dom. num. 15. b Ser. 2. in ultim. Cena num. 1. c Tract. de vite myst. cap. 49. num. 287. d Ser. de Lament. Rom. num. 7.

hæc dicens , expiravit . Hanc horam præcivit (e) hanc horam elegit: ut in ea per mortem de hoc mundo transiret ad Patrem secundum humanitatem , à quo nunquam recessit per Divinitatem . Tunc terra tremuit (f) & Sol sua luminaria clausit: mærebantquè poli , mærebant sydera cuncta . Omne suum jubar amisit Luna dolendo , recessitquè omnis ab alto æthere fulgor. Fiduntur duri lapides: scinduntur fastigia Templi : petrae durissimæ scissæ sunt: & monumenta aperta sunt: & surrexerunt multi apertis tumultis , fatentes voce magna Christum esse Deum . Graue quidem omnino est delictum illud *Originale* (g) quod non solum personam infecit, sed & naturam . *Personale* tamen cuique gravius est, cum jam laxatis habenis exhibemus undique membra nostra arma iniquitatis peccato , non modo jam alieno, sed & proprio crimine compediti . *Singularis* verò delictum est grauissimum , quod commissum est in Dominum majestatis, cum viri impii virum justum iniuste occiderunt , & sacrilegas manus in ipsum Dei Filium iniecerunt crudelissimi homicidæ, imò(si fas est dicere) etiam deicidæ . Quid duo præcedentia sunt ad tertium? Ad hoc expalluit & expauit tota machina mundialis, & penè in antiquum chaos sunt omnia revoluta . Merito quidem: [h] quia Christus per potentiam divinitatis Princeps est omnium creaturarum . Verè Domine Jesu nimis excessisti: (i) quia cum sis splendor paternæ gloriæ, & figura substantiæ ejus , & cum sis Dominus majestatis

e Ser. 1. 1. ult. Cena. num. 2. f Ser. de lament. V. M. num. 7.
 g Ser. in ser. 4. heb. San. num. 7. h Tract. de modo bene vivendi
 cap. 16. n. 45. i Ser. in ser. 2. Paschæ num. 8.

statis, tamē tremētibz elementis, cæli luminaribus obscuratis, stupentibus Angelis, pati dignatus es tormentum abjectissimæ passionis. Abacuch Prophe-
ta (k) intuens hanc lucem, ait: *Splendor ejus ut lux erit, cornua in manibus ejus. Ibi abscondita est fortitudo ejus: ante faciem ejus ibit mors.* Apertè desig-
nans, quodd etiam cū manus ejus Cruci affixæ fuissent (licet ipse Sol radios suos obumbrasset, ne Christum morientē in Cruce viderent) lux Deitatis non minùs in Christo nituit. Unde præmisit: *Splendor ejus ut lux erit.* Tu quidē Judæe insultās dicebas: *Vidimus eum non habentem speciem neque decorem:* oculo lippo vidisti, imò oculo cæcutienti penitus, quia tunc cæcitas cecidit in Israël. Ast Abacuch cla-
ros habebat oculos: & populus Gentium qui ambu-
labat in tenebris, vidit lucem magnam, in regione umbræ mortis lux orta est eis. Tunc quippè (l) te-
nebrofis Gentilium cordibus lux cælestis insulsi: de-
cussaquē pristinæ infidelitatis tetra caligine, splen-
dor fidei mentibus perditorum radios suæ claritatis invexit. Sed infelix Judæa (m) quia lucem oderat, ad fulgorem veræ claritatis obtenebratur: & caligan-
tes oculi ejus coruscante radio Solis æterni multo magis excæcantur.

§. I I.

Et velum templi scissum est in duas partes à summo usque deorsum. Matt. 27.

Ego

k Tract. de 3. præci. & myst. ca. 47 num. 22. l Ser. in Dom. in fra-
oct. Epiph. de Jesu puer quod. num. 164 m Ser. 3. in Epiph. Domini. 3.

Ego quemadmodum accepi à Domino (n) in profundo sacri eloquii gremio spiritum mihi scrutabor, & vitam: & pars mea est hæc, qui in Christum credo. Quidni eruam dulce ac salutare epulum spiritus de sterili & inspida litera tanquam granum de palea, de testa nucleum de osse medullam? Nihil mihi & literæ huic, quæ gustata carnem sapit, glutita mortem affert. Sed enim quod in ea reatum est, de Spiritu Sancto est. Spiritus quidem loquitur mysteria, teste Apostolo: sed Israël pro velato mysterio ipsum mysterii velamen tenet. Quare? Quia adhuc velamen est positum super cor ejus. Ita quod sonat litera, illius est: quod designat, meum est: ac per hoc illi ministratio mortis in litera, mihi vita in spiritu. Nam spiritus est qui vivificat, dat quippe intellectum. An non vita est intellectus? *Intellectum da mihi, & viam*, ait Propheta Domino. Intellectus non remanet extra, non hæret in superficie, non instar cæci palpat forinseca: sed profunda rimatur, preciosissimas solitus exinde Veritatis exuvias tota aviditate diripere ac tollere sibi, & cum Propheta dicere Domino: *Latabor ego super eloquia tua, sicut qui invenit spolia multa*. Nempè ita regnum Veritatis vim patitur, & violenti rapiunt illud. Verum ille senior frater, qui de agro veniens formam tenuit populi veteris & terreni, qui pro terrena hæreditate doctus diligere trituram, attrita fronte gemit anxius sub gravi iugo legis, portatquè pondus diei & æstus. Is inquam senior frater (*populus Iudaorum*) quia intellectum non habuit, foris stat etiam nunc, & non vult nec inuitatus à patre intrare domum convivii, semeti-

metipsum fraudans vsque adhuc participio symphoniae & chori & vituli saginati. Miser qui renuit experiri quàm bonum sit, & quàm iucundum habitare fratres in vnum. Si indignatur frater meus senior ille (o) qui hædum comedere mavult cum amicis suis foris, quàm mecum in paterna domo vitulum saginatum, respondebitur illi: *Epulari & gaudere oportet, quia hic filius meus mortuus fuerat & revixit, perierat & inuentus est.* Adhuc Synagoga foris epulatur cum amicis suis dæmonibus, quibus satis placet, quod hædum peccati insipiens deuorat transglutiens & reponens, atque quodammodò occultans sibi illud in ventre secordiae & insipientiae suae: dùm contemnens Dei iustitiam, & suam volens constituere, dicit se non habere peccatum, nec morte egere Vituli saginati, mundam siquidem iustamque ex legis operibus se reputans. At verò Ecclesia scisso velo occidentis literæ in morte Verbi Crucifixi, audacter ad eius penetralia præeunte spiritu libertatis irrumpit, agnoscitur, placet, sortitur æmula Synagæ locum, fit Sponsa, fruitur præreptis amplexibus: & in calore spiritûs Christo Domino cui confricatur inhærens, stillante ac fundente vndique sui oleum exultationis, hoc illa præ particibus suis excipiens, ait: *Oleum effusum nomen tuum.* Quid mirum si vngitur, quæ vinctum amplectitur? O fatuam sponsam Synagogam (p) quæ contemnens Dei iustitiam, idest gratiam Sponsi sui, & suam volens constituere, iustitiæ Dei non est subiecta! Ob hoc misera repudiata est, & jam non est sponsa, sed Ecclesia, cui dicitur: *Desponsavi te mihi in fide: desponsavi*

savi te mihi in iudicio, & in iustitia desponsavi te mihi in misericordia, & in miserationibus: Non tu me elegisti, sed ego elegi te: nec ut te eligerem, tua inveni merita, sed praeveni. Ita ergo in fide desponsavi te mihi, & non in operibus legis: desponsavi què in iustitia, sed in iustia quæ ex fide est, non ex lege. Lex dura duris & lapideis est promulgata (q) parata percutere, nesciens misereri, Lex excludens penitentiae locum, veniam negans, emendationis ignara. Lex est vinum durum & acidum de botris amarissimis eliquatum, consecratum feritati, derivatum Israël, Salvatori propinatum. Vinum de quo dentes bibentium obstupescunt: non de genimine vitis illius quod Salvator bibit novum in regno Patris sui. Et hæc dicta sint (r) pro distinctione partis Ecclesiae, partisquè Synagogæ, quo & cæcitas hujus, ex illius prudentia manifestior fiat: & felicitas illius, ex hujus miseranda fatuitate præmineat.

S. I I I.

Et terramota est. Matt. 27.

Postquam Jesus expiravit, (s) tunc terra tremuit ut Christo patienti (t) quodamodò compati videatur. Quis ergo tam irreligiosus qui non compungatur? quis tam insolens ut non humilietur? quis tam iracundus ut non indulgeat? quis tam flagitiosus ut non contineat? quis tam maliciosus ut non peniteat? Merito quidem. Nempè adest Passio Domini utique

q Ser. de M. Magdalena num. 1. r Ser. 73. in Cant. num. 2.
s Ser. de lamento. B. M. F. num. 7. t Ser. in fer. q. bebd, Sap. num. 1.

que terram movens, petras scindens, aperiens monumenta. Unde (u) Psalmista dicit: *Dominus respexit, & commota est & contremuit terra*. Tunc terra contremiscit, quando peccator ad lachrymas commoveatur. **Recognosce nunc ô homo miser [x] recognosce te metipsum**. Recogita quia nihil fueris: attende quidd vilis & malus es: considera quid futurus es. **Plange homo miser, & plange incessanter peccata tua**. Dele lachrymis malitias & misérias tuas, quia voluntate propria peccasti. Displiceat tibi super omnia, quidd Dominum immensæ majestatis habentem potestatem mittere corpus & animam in gehennam, ausus fuisti offendere. Amarescat tibi amarissimè cor tuum, quidd Deum summum Patrem incomprehensibilis bonitatis (qui benignus & misericors est super ingratos & malos) voluntariè, libenter, & delectabiliter offendisti. **Totus displiceas tibi, ut totus possis placere ei qui summus est, verus & solus Deus: cui nemo placet, nisi qui sibimetipsi displicet: & nemo ei displicet, nisi qui sibimetipsi placet**. Dissipat namque Deus ossa eorum qui hominibus placent. Et quod altum & pulchrum est apud homines, abominabile est apud Deum. **Vide miser homo (y) quia totum est vanitas, totum stultitia, totum dementia, quidquid facis in hoc mundo: præter id solum, quod in Deum, & propter Deum, & ad honorem Dei facis**. **Quidquid sine Deo facis, totum est malitia & vanitas: quia nihil est bonum sine Summo bono**. Et magna miseria hominis est cum illo non esse, sine quo non potest esse. **Vide homo miser,**

u Tract. de modo bene vivere cap. 10. num. 28. x Ser. de miseria hum. num. 2. tom. 6. pag. 843. y Ibidem num. 4.

miser, qui ad similitudinem & imaginem Dei creatus es, & propter nimiam charitatem Domini nostri Jesu Christi à morte æterna ac turpissima redemptus es, & liberatus es: & ad videndum claritatem summi Dei sola inæstimabili misericordia sua vocatus es: & plurimis beneficiis, ex quo esse cæpisti, ab Altissimo Patre totius bonitatis ad vitam æternam habendam per Unicum Filium suum invitatus es. Miser homo recognosce hunc honorem, intellige dignitatem tuam, qui à tanta Majestate honoratus es. Æternus enim Deus & immensus creavit te, formavit te, redemit te, & invitavit te. Maximus honor & amplius amor. Cognosce ô homo honorem tuum, & curre, gratias agens, ad invitatores tuos, ne fortè si ingratus ire nolueris, iratus Dominus jubeat te succidi, & tibi ostium vitæ æternæ in perpetuum claudat. Cognosce ô homo honorem tuum, & honora Creatorem tuum. Cognosce te esse meliorem avibus (z) meliorem cunctis animantibus. Noli esse similis jumentis insipientibus, quæ solam vitam præsentem cogitant, quæ tantum carnalia & temporalia cogitant, quia nec alia sciunt. Homo non te subiicias carni, non sis amator mundi: non te sustineas esse filium diaboli, propter honorem potentissimi & sapientissimi & incomprehensibilis Patris tui Altissimi Dei æterni: propter nomen Dei admirabile non te constituas adversarium & homicidam tui: propter Unigenitum & dilectum Filium ejus Jesum Christum non te facias socium dæmoniorum, & combustionis ignis æterni. Qui redemptus es preciosissimo Sanguine Agni immacu-

maculati, noli tantum pretium vilipendere, quod pro te Dei Filius dignatus est exolvere, ne sempiternis involuaris incendiis. Tunc enim pœnam maximam habebis sine remedio, tunc dolorem inopinabilem patieris sine fine, & tormento plenus eris, nunquam tamen alleviaberis: quia qui non flevit quando erat tempus flendi, æterno luctu lugebit, sed sine fructu. Proinde dignum est [a] & tibi multum expedit, compati Christo passo, commori mortuo, consepeliri sepulto. Si membrum Christi es [b] cõpatere Capiti tuo: si frater Christi es, commorere Fratri tuo. Plange, dole cum gemitu & lachrymis super mortem preciosam Unigeniti Dei Patris. Alioquin si non doles, si non plangis, si non compateris: deliras, degeneras, belluam sapis, lethargum pateris, hominem diffiteris.

§. I V.

Et petra scissæ sunt. Matt. 27.

Postquam Jesus expiravit [c] tunc petrae durissimæ scissæ sunt. Nemo duri cordis salutem unquam adeptus est (d) nisi quem fortè miserans Deus *abstulit ab eo* (juxta Prophetam Ezechielem) *cor lapideum, & dedit cor carneum*. Quid est cor durum? Ipsum est quod nec compunctione scinditur, nec pietate mollitur, nec movetur precibus: minis non cedit, flagellis duratur. Ingratum ad beneficia est,

C c c

ad

a Ser. 2. in Cena Dom. num. 6. b Ser. de Sanctiss. Sacram. num. 6. tom. 6. pag. 735. c Ser. de lament. V. M. num. 7. d lib. 1. de consid. ad Eugen. cap. 2. num. 3

ad consilia infidum, ad judicia sævum, inverecundum ad turpia, impavidum ad pericula, inhumanum ad humana, temerarium ad divina, præteritorum obliviscens, præsentia negligens, futura non providens. Ipsum est cui præteritorum, præter solas injurias, nihil omnino non præterit, præsentium nihil non perit, futurorum nulla nisi fortè ad ulciscendum prospectio seu præparatio est. Et ut in brevi sermone cuncta horribilis mali mala complectar, ipsum est quod nec Deum timet, nec hominem reveretur. Quis autem scindet duritiam istam (e) nisi qui in Passione sua petras scindit? Quis dabit cor pœnitens, nisi à quo est omne datum optimum? Ipse digito suo inscribit legem suā (f) non jam in lapide, sed in tabulis cordis carnalibus, propheticam implens promissionē, quā se pollicitus est ablaturum cor lapideum, & carneum cor esse daturum: id est, non durum, non obstinatum, non Judaicum; sed pium sed mansuetum, sed tractabile, sed devotum. Nihilominus tamen ait Dominus omnipotens: [g] *Convertimini ad me in toto corde vestro, in jejuniis & fletu & planctu: & scindite corda vestra, & non vestimenta vestra.* Quibus verbis manifestè prior ille populus Judæorum & duritiæ cordis & vanæ superstitionis arguitur. Crebra siquidem apud eos scissio vestium, sed non cordium esse solebat. Quando enim scinderentur corda lapidea, quæ non poterant nec circumcidi? *Scindite, inquit, corda vestra, & non vestimenta vestra.* Si quis in vobis est, cujus voluntas circa unum aliquid solet obstinator inveniri, scien-

e Ser. 13. diuer. num. 2. f Ser. 1. in dedicat. Eccl. num. 4. g Ser. 2. in Quadrage. num. 5.

scindat cor suum gladio spiritûs, quod est verbum Dei: scindat illud, & in multas minutias festinet dispartiri. Alioquin non est converti ad Dominum in toto corde, nisi scisso corde. Donec enim illam unam accipias Jerusalem, cujus est participatio in idipsum, multa interim tibi præcipiuntur, & si in uno offenderis, factus es omnium reus. *Spiritus Domini multiplex*, ait Sapiens: nec potes sequi multiplicem sine multiplici scissione. Audi denique hominem quem secundum cor suum invenerat Deus: *Paratum*, inquit, *cor meum Deus, paratum cor meum*. Paratum ad adversa, paratum ad prospera: paratum ad humilia, paratum ad sublimia: paratum ad universa, quæcunque præceperis. Vis pastorem ovium facere? Vis constituere Regem populorum? *Paratum cor meum Deus, paratum cor meum*. Quis ut David fidelis ingrediens, & egrediens, & pergens ad imperium Regis? Et dicebat de peccatoribus: *Coagulatum est sicut lac cor eorum, ego verò legem tuam meditatus sum*. Inde enim cordis duritia, inde mentis obstinatio, quia meditatur quis non legem Domini, sed propriam voluntatem. Potest tamen & aliter hæc scissio cordis intelligi [h] ut si prauum fuerit, scindatur ad confessionem: si durum, ad compassionem. Quidni scindatur cor, ut visceribus affluat pietatis? Quidni scindatur ulcus ut sanies effluat? Utilis prorsus utraque scissio, ut nec clausum lateat peccati virus in corde, nec indigenti proximo claudamus viscera misericordiæ. Denique cor nostrum nihil dignius perficere potest

[i] quàm ut ei se restituat à quo factum est . Et hoc à nobis Dominus expetit , dicens : *Fili , da mihi cor tuum* . Tunc siquidem cor hominum Deo datur , quando omnis cogitatio terminatur in eum , gyrat & circumflectitur super eum , & nihil vult possidere penitus præter eum , sicquè colligato sibi animo eum diligit , ut sine ipso amarus sit omnis amor . Nec aliud dixerim cor Domino dare , quàm ipsum captivare in omne obsequium ejus , & ita voluntati ejus ex toto supponere , ut nihil aliud velit , quàm quod noverit eum velle . Itaque cor Domino datum , ipsum in omnibus & de omnibus adorabit , & gratias aget , etiamsi multa nostris sensibus molesta videantur . Nihil turbationis ex rerum novitate suscipiet . Tentatus à Domino per tribulationes & asperas qualitates non movebitur . Quidquid illatum fuerit , etiamsi habeat asperum sensum , velut impellens ad superna , suscipiet . Qui cor suum dedit Deo , cantabit melodicè & dicet cum Propheta David : *Paratum cor meum Deus , paratum cor meum : cantabo & psallam in gloria mea* . Est siquidem gloria prima , & secunda : prima *virtutis* , secunda *beatitudinis* : vna in via , alia in patria . Proinde omnibus qui cor suum Deo tradiderunt , factum est in argumentum & signum quod cantant , & in virtutum gloria psallunt in tribulationibus , in pressuris , in angustiis , in fame & siti , in nuditate & dejectione , in maledictis , in convitiis & derisionibus , in flagellis : ac etiam morte intenta , in cordibus plus exultant . Nec reaccipiunt amplius potestatem in eo quod Domino tradiderunt : nullum sacrilegii cri-

crimen reperitur deterius, quàm in voluntate semel oblata Deo reaccipere potestatem. Non debent sibi vivere, qui cor suum Deo dicarunt, sed ei qui pro omnibus Animam suam posuit. Nihil dignius cogitari potest quàm cor ad eum referre, qui ut viveres mori voluit: nam & *justus cor suum tradidit ad vigilandum diluculo ad Dominum, qui fecit illum*. Vigilatio cordis justa & cogitatio ejus justa est, ut meditetur assidue quid accepit in bonis naturæ, quid in bonis gratiæ, quid in Dei Filio pro nobis incarnato, passo, mortuo, & sepulto.

§. V.

Et monumenta aperta sunt, & multa corpora sanctorum qui dormierant, surrexerunt. Et exeuntes de monumentis post resurrectionem ejus, venerunt in sanctam Civitatem, & apparuerunt multis.
Matt. 27.

Post quam Jesus expiravit [k] tunc monumenta aperta sunt, & surrexerunt multi apertis tumulis, fatentes voce magna Christum esse Deum. Quæris (l) quando hoc fuit? Quando putas, nisi cum refluavit caro Christi in resurrectione? Et hic primus & maximus flos qui apparuit in terra nostra, nam primitiæ dormientium Christus. Ipse inquam est flos campi & liliū convallium Jesus, ut putabatur filius Joseph à Nazareth, quod interpretatur flos. Is ergo flos apparuit primus, sed non solus. Nam & *multa corpora sanctorum qui dormierant, pariter surrexerunt,*

Ccc

3

qui

qui veluti quidam lucidissimi flores simul apparuerunt in terra nostra. Denique *venerunt in sanctam Civitatem, & apparuerunt multis*. Quid ergo mirum [m] si Vitis nostra admirabilem dedit odorem, & uncta est & florens: Nazarenus enim florens interpretatur. Quid jucundius flore? Multi enim imò omnes, id est, omnium virtutum flores in nostro Nazareno sunt. Superat tamen omnes odores omnium virtutum uncti Jesu odor Crucifixi, ubi perfectio præcipuè efflorebat, & de floribus Vulnerum suorum inæstimabilem odorem effudit. Fracto enim alabastro mundissimi Corporis virginalis dulcis Jesu, effusum est unguentum Sacratissimi Sanguinis. Ipsâ quoque Animâ (in qua sine dubio redolebat unguentum Spiritus septiformis (emisâ, dilatatus & dispersus est odor Vitis nostræ florentis non per terras solùm, sed & per inferos, & suscitati sunt mortui, qui tam ad vitam corporis quidem, quàm ad vitam animæ quotidie suscitantur. Ad huc autem ad monumentũ properat Vita nostra Jesus[n] ut quadriduanũ educat à monumẽto: & Lazarũ quærit (peccatorem conversum) ut quæretur, & inveniatur à Lazaro. In hoc enim est charitas, non quasi nos dilexerimus Deũ, sed quia ipse prior dilexit nos. Age igitur Dñe, quære quẽ amas, ut & amantem facias & quærentẽ. Quære ubi posuerunt eum, jacet enim clausus, ligatus, oneratus. Jacet in ergastulo conscientie, tenetur vinculis disciplinæ, & tanquam lapide superposito premitur, & opprimitur onere penitentiae, maximè quod desit interim fortis ut mors dilectio, & charitas

omnia sustinens: & in his omnibus jam fœtet Domine: quadriduanus est enim. Credo jam multorum ingenia prævolant, ut intelligant quem velim dicere Lazarum. Eum sine dubio, qui nuper peccato mortuus fodit sibi parietem, ut videat abominaciones multas & malas pravi & inscrutabilis cordis sui: & juxta Prophetam Jeremiam, ingressus est in petram, absconditus fossa humo à facie furoris Domini. Sed quid est [o] Domine jam fœtet, quadriduanus est enim? Fortè enim factorem istum, & quatuor dies istas non continuò quivis intelligat. Ego *primam* arbitror timoris diem, qua nimirum irradian- te cordibus nostris peccato morimur, & quodam- modò sepelimur in conscientiis nostris. *Secunda* dies agitur in labore certaminis: solet nempe inter primordia conversionis acrius insurgere tentatio prave consuetudinis, & vix extingui possunt jacula ignis diaboli. *Tertia* nihilominus dies doloris etiam vide- tur esse, dum recogitat quis annos suos in amaritudi- ne animæ suæ, & nec tam laborat declinando futura, quàm præterita plangendo deplorat. Miraris quod has dixerim dies? Sed sepulturæ debentur dies nebu- læ & caliginis, dies luctus & amaritudinis. Sequi- tur *quarta* dies pudoris non dissimilis tribus, quando jam horribili confusione operitur anima miseranda, dum nimis considerat quæ & quanta deliquerit, & in oculis cordis tetras versat imagines peccatorum. Animus hujusmodi nihil dissimulat, sed dijudicat, sed aggravat, sed exaggerat universa: non sibi par- cit durus judex in semetipsum. Utilis quidem ex- acerbatio, & digna miseratione crudelitas, facilè sibi

Divinam concilians gratiam, dum pro eo mens æmulatur etiam contra seipsam. Verumtamen *Lazare veni foras*, ne in tanto fœtore diutiùs immoreris. Caro putrida putredini proxima est: & qui confunditur vehementiùs & tabescit, propè est ut desperet. Propterea *Lazare veni foras*. Abyssus abyssum in vocat: abyssus luminis & misericordiæ, abyssum miseriæ & tenebrarum. Major illius bonitas est, quàm iniquitas tua: & ubi peccatum abundat, superabundare gratiam facit. *Lazare*, inquit, *veni foras*. Ac si manifestiùs dicat: Quousque conscientiæ tuæ caligo te detinet? quamdiu in cubiculo tuo gravi corde compungeris? *Veni foras*, procede, respira in lucem miserationum mearum. Hoc enim est quod in Propheta Isaja legisti: *Infrenabo os tuum laude mea, ne pereas*. Evidentiùs quoque Propheta David de seipso: *Ad me ipsum*, inquit, *anima mea turbata est, propterea ero memor tui*. Jam verò [p] quid sibi vult quod ait: *Tollite lapidem*, & post pauca: *Solvite eum*? Numquid post visitationem gratiæ consolantis cessabit agere pœnitentiam, quoniam appropinquavit regnum cælorum? aut abiiciet disciplinam, ne fortè irascatur Dominus, & pereat de via iusta? Absit hoc. Tollatur lapis, sed pœnitentia maneat, non jam premeas & oneras, sed vividam & robustam mentem roborans atque confirmans: nimirum cujus cibus sit (quem antea nesciebat) Domini facere voluntatem. Sic & disciplina non jam constringit liberum, secundum illud: *Iustis non est lex posita*: sed voluntarium regit & dirigit in viam pacis. Super hac Lazari suscitatione manifestiùs psallit Propheta: *Non dere-*
lin-

linques animam meam in inferno quia infernus quidam & carcer animæ est rea conscientia. Nec dabis sanctum tuum (non suum ipsius, sed tuum utique, quem ipse sanctificas) videre corruptionem. Corruptioni siquidem proximus erat quadriduanus qui cæperat jam fætere. Propè erat ut penitùs dissolveretur, & veniens in profundum malorum contemneret impius: sed præventus voce Virtutis, & ab ea vivificatus gratias agit dicens: Notas mihi fecisti vias vitæ, adimplebis me lætitiâ cum vultu tuo. Ad ipsius siquidem contemplationem evocasti & eduxisti ab inferno animam meam, dum anxietur super me spiritus meus, intuens conscientia propriæ faciem nimis abominandam. Amen.

C A P U T I I.

De conversione & fide Centurionis, confitentis Jesum crucifixum esse Filium Dei.

Videns autem Centurio, qui ex adverso stabat, quia sic clamans expirâset, ait: Verè hic homo Filius Dei erat. *Mar. 15.*

1. *Ostenditur, fidem habere oculos lynceos ad cognoscendam Christi Divinitatem, ab oculis tamen corporeis absconditam. Laudatur fides Centurionis, qui Christum morientem ex voce agnovit esse Filium Dei, non autem ex facie. Ostenditur, quòd sicut per aures Evæ irrepsit venenum in ipsius mentem, ita etiâ per aures nostras intrat antidotum ad credendum mysteria fidei*
2. *Ostenditur, oculum mentis nostræ*

stræ oportere mundari fide & auditu pæceptorum Dei, ut videamus eum. Auditus in rebus fidei potior est quàm visus. Auditus est meritum visionis, visio autem est præmiũ auditionis. 3. Ostenditur, M. Magdalenam ideo prohibitam esse ne tangeret Christum redivivum, quia plus tribuebat oculis corporeis, quàm fidei, quæ sola dignè tangit Christum iam glorificatum. Proponitur nobis doctrina ad imitandum prudentiã Ecclesiæ Sponsæ, agnoscentis Majestatem Sponsi sui Crucifixi sub nigredine passionis.

§. I.

INtuemini [a] & videte quàm oculata sit fides: quàm lynceos oculos habeat, diligentius considerate. Cognoscit Dei Filium lactentem, cognoscit in ligno pendentem, cognoscit morientem. Siquidem Latro in patibulo, Magi in stabulo cognoscunt: ille clavis infixum, isti pannis involutum. Centurio verò Vitam agnovit in morte: Magi Dei Virtutem in teneri corporis infirmitate. Centurio summum spiritum in expiratione, Magi Dei Verbum in infantia cognovêre. Siquidem quidquid Latro & Centurio sermonibus, Magi muneribus confitentur. Latro Regem, Centurio Dei Filium simul & hominem pronunciant. Non cognovit Herodes, [b] idcirco despexit. Non cognovit Synagoga, quæ nigredinem illi passionis & infirmitatis impropere: *Alios, ait, salvos fecit, seipsum non potest saluum facere Et: Christus Rex Israel descendat de Cruce, & credimus ei. Sed cognovit Latro de cruce, licet in Cruce pendentem:*

qui

qui & innocentiae puritatem confessus est: *Hic autem*, inquit, *quid mali fecit?* & gloriam regiae Majestatis simul est potestatus: *Memento mei*, dicens, *dum veneris in regnum tuum*. Cognovit Centurio, qui Filium Dei clamat. Clamabat (c) Latro de cruce: *Domine, memento mei cum veneris in regnum tuum*. Ergone per supplicium ille vadit in regnum? Quis indicavit tibi quoniam oportebat pati Christum, & sic intrare in gloriam? Tu quoque Centurio eum unde nosti? Videns quod sic clamans expirasset, *Vere*, inquit, *hic homo Filius Dei erat*. Mira res, & omni admiratione digna! Aliud cernitur (d) aliud creditur. Nigrum sensus renunciat, fides candidum & formosum probat. Niger est, sed oculis insipientium: nam Fidelium mentibus formosus valde. Niger est, sed formosus. Niger reputatione Herodis, formosus confessione Latronis, Centurionis fide. Quam formosum adverterat (e) qui exclamavit: *Vere homo hic Filius Dei erat*. Sed in quo advertit, advertendum est. Si enim attenderet quod apparebat, quomodo formosus, quomodo Filius Dei? Quid nisi deformis & nigrum oculis spectantium occurrebat, cum expansis in Cruce manibus, medius duorum nequam risum malignantibus daret, fletum Fidelibus? Et solus erat risui, qui solus poterat esse terrori, solus honori debuerat. Unde igitur advertit Centurio pulchritudinem Crucifixi, & quod is sit Filius Dei, qui cum iniquis reputatus est? Respondere aliquid ad id nostrum nec fas nec opus est. Nec enim Evangelistae hoc diligentia praeteriit. Sic enim habes: *Videns lan-*
tem

c Ser. 2. in Epiph. num. 3. d Ser. 28. in Cant. num. 3. e Ibidem, num. 4.

tem Centurio, qui ex adverso stabat, quia sic clamant expirasset, ait: Verè hic homo Filius Dei erat. Ergo ad vocem credidit, ex voce agnovit Filium Dei, & non ex facie. Erat enim fortassè ex ovibus ejus de quibus ait: Oves meæ vocem meam audiunt: & cognosco meas, & cognoscunt me meæ. Auditus invenit quod non visus. Oculum species fefellit, auri Veritas se infudit. Oculus pronunciabat infirmum, oculus fædum, oculus miserum, oculus morte turpissima condemnatum. Auri Dei Filius, auri formosus innotuit: sed non Judæorum, quia erant incircumcisi auribus. Meritò Petrus abscidit auriculam servi, ut viam faceret Veritati, & Veritas libararet eum, idest liberum faceret. Erat ille Centurio incircumcissus, sed non aure, qui ad unam expirantis vocem sub tot infirmitatis indiciis Dominum majestatis agnovit. Ideoque non despexit quod vidit, quia credidit quod non vidit. Non autem credidit ex eo quod vidit, sed ex eo proculdubio quod audivit: quia fides ex auditu. Dignum quippè fuerat (f) per superiores oculo-fenestras Veritatem intrare ad animam: sed hoc nobis, ô anima, servatur in posterum, cum videbimus facie ad faciem. Nunc autem unde irrepsit morbus, inde remedium intret, & per eadem sequatur vestigia vita mortem, tenebras lux, venenum serpentis antidotum Veritatis: & sanet oculum qui turbatus est, ut serenus videat quem turbatus non potest. Auris primò fuit mortis janua, prima aperiatur & vitæ. Auditus qui tulit, reparet visum: quoniam nisi crediderimus, non intelligemus. Missus est coluber tortuosus à diabolo (g) ut venenum per aures mulieris n

ris in ipsius mentem transfunderet, & sic refunderet etiam in totius posteritatis originem. Missus est interim Gabriel Angelus à Deo, ut Verbum Patris per aurem Virginis in ventrem & mentem ipsius eructaret: ut eadem via intraret & antidotum, quâ venenum intraverat. Ergo auditus ad meritum (h) visus ad præmium. Unde Propheta: *Auditui meo, inquit, dabis gaudium & latitiam*: quòd fidelis retributio auditionis sit beata visio, & beatæ meritum visionis sit fidelis auditio. *Beati* (inquit Dominus) *mundo corde, quoniam ipsi Deum videbunt*. Beati planè (i) & omninò beati, qui videbunt in quem desiderant Angeli prospicere: quem videre vita æterna est.

§. I. I.

Cæterùm fide oportet mundari oculum (k) qui videat Deum, quemadmodùm habes: *Fide mundans corda eorum*. Interim ergo dum necdum paratus est visus, auditus exercitetur, auditus excipiat Veritatem. Felix est ille, cui Veritas attestatur dicens: *In auditu auris obedivit mihi*. Dignus qui videam, si priùs quàm videam, obedisse inveniar. Securus videbo, ad quem me obedientiæ munus præcefferit. Quàm beatus qui ait: *Dominus Deus aperuit mihi aurem, & ego non contradico, retrorsum non abii*. Ubi & voluntariæ habes obedientiæ formam, & longanimitatis exemplum. Qui enim non contradicit, spontaneus est: & qui retrò non abiit, perseverat. Utrumque est necessarium, quoniam hilarem datorem dili-

git

B Ser. 2. in die Pent. num. 3. h Ser. 28. in Cant. num. 5. i Ser. 1. d^e m^uni Sanctis num. 13. k Ser. 28. in Cant. nu. 5.

git Deus: & qui perseveraverit usque in finem, hic saluus erit. Utinam & mihi aperiat aurem Dominus, intret ad cor meum sermo Veritatis, mundet oculum, & lætæ præparet visioni, ut dicam Deo etiam ipse: *Præparationem cordis mei audivit auris tua. Ut audiam à Deo etiam ipse cum cæteris obedientibus: Et vos mundi estis propter sermonem, quem locutus sum vobis. Nec omnes mundantur qui audiunt, sed qui obediunt. Beati qui audiunt verbum Dei, & custodiunt illud.* Talem requirit auditum qui mandat dicens: *Audi Israel.* Talem offert qui ait: *Loquere Domine, quia audit servus tuus.* Talem spondet qui dicit: *Audiam quid loquatur in me Dominus Deus.* Et ut scias etiam Spiritum Sanctum hunc in animæ spirituali profectu ordinem observare (1) ut videlicet prius formet auditum, quàm lætificent visum. *Audi, inquit, filia & vide.* Quid intendis oculum? Aurem para. Videre desideras Christum? oportet te prius audire eum, audire de eo, ut dicas cum videris: *Sicut audivimus, sic vidimus.* Immensa claritas, visus angustus, & non potes ad eam. Potes auditu, sed non aspectu. Clamantem denique Deum, *Adam ubi es?* non videbam jam peccator, audiebam tamen. Sed auditus aspectum restituet, si pius, si vigil, si fidelis præcesserit, Fides purgabit oculum, quem turbavit impietas. Et quem inobedientia clausit, aperiet obedientia. Denique à *mandatis tuis intellexi*, inquit Propheta: quod intellectum reddat observatio mandatorum, quem tulit transgressio. Adverte adhuc in sancto Isaac, quomodo præ cæteris sensibus auditus in jam

sene

1 Ibidem n. 6.

sene vigerit. Caligant oculi Patriarchæ, palatum seducitur, fallitur manus, non fallitur auris. Quid mirum si auris percipit Veritatem, cum fides ex auditu, auditus per verbum Dei, verbum Dei Veritas sit? *Vox* (inquit Isaac) *vox Jacob est*: nihil verius. *Manus autem, manus sunt Esau*: nihil falsius. Falleris, manûs similitudo decepit te. Nec in gustu Veritas est, & si suavitas est. Nam quomodò habet Veritatem, qui se putat edere venationem, cum domesticis vescatur hædorum carnibus? multò minùs oculus qui nihil videt. Non est Veritas in oculo, non sapientia. *Væ qui sapientes estis* (ait Esajas) *in oculis vestris*. Num bona sapientia cui maledicatur? Mundi est, ac per hoc stultitia apud Deum. Bona [m] & vera sapientia trahitur de occultis, ut sapit heatus Job. Quid foris eam quæris in corporis sensu? Sapor in palato, in corde sapientia est. Ne quæras sapientiam in *oculis carnis*, quia caro & sanguis non revelat eam, sed spiritus. Non in *gustu oris*: nec enim invenitur in terra suaviter viventium. Non in *tacta manus*: cum sanctus Job dicat, *Si osculatus sum manum meam ore meo, quod est iniquitas maxima, & negatio in Deum*. Quod tunc fieri arbitror, cum donum Dei quod est sapientia, non Deo, sed meritis adscribitur actionum. Sapiens fuit Isaac, sed tamen erravit in sensibus. Solus habet *auditus* verum, qui percipit verbum. Nimirum vocem illius [n] qui in Propheta loquitur: *Ego qui loquor iustitiam*. Vox ejus est inspiratio ejus, ac justî timoris incussio. Ideo Sponsa ejus comper-

tâ

tâ hac voce (o) gaudens & exultans: *Vox*, inquit, *dilecti mei*. Amica est, & gaudio gaudet propter vocem Sponsi. Et addit: *Ecce iste venit saliens in montibus, transiliens colles*. Compertâ ex auditu vocis dilecti præsentia, incunctanter intendit benè curiosos oculos ad videndum quem audierat. Auditus ducit ad visum: *quia fides ex auditu*, quâ corda mundantur, ut possit videri Deus. Sic enim habes: *Fide mundans corda*. Videt itaque venientem quem loquentem audierat, observante etiam hîc ordinem illum Spiritu Sancto, qui apud Prophetam descriptus est ita: *Audi filia & vide*. Et ut certius advertas, non casu neque fortuito, sed de studio magis & industria, ob illam scilicet rationem quam præmisimus, auditum hoc loco præmissum esse visui: Vide si non hic ordo verborum à sancto quoque Job observatus invenitur, ubi sic loquitur Deo: *Auditus auris audiui te, & nunc oculus meus videt te*. Sed & ubi Spiritus Sanctus super Apostolos in die Pentecostes descendisse memoratur, nonne auditus visum prævenisse describitur. Ait enim Scriptura: *Factus est repente de caelo sonus tanquam advenientis spiritus vehementis*. Et infra: *Et apparuerunt illis dispersitæ lingue tanquam ignis*. Et hîc ergo Spiritus Sancti adventum primò auditus, dehinc visus percepisse refertur. Testimonia ista credibilia facta sunt nimis (p) dum visus voci, auri oculus attestatur. Audita visa confirmant, ubi duorum testimonium (auris loquor & oculi) ratum sit. Propterea Dominus agebat: *Ite, renunciate Joanni* (ejus nempe discipulis loquebatur) *quæ audistis, & vidistis*. Nec bre-

breviùs illis, nec planiùs intimari fidei valuit certitudo. Eadem sanè in brevi etiam universæ terræ persuasio facta est, & eodem argumenti compendio. *Qua audistis* (inquit) *& vidistis*. O verbum abbreviatum, attamen viuum & efficax. Haud dubius profectò assero quod auribus oculisque percepi. In-tonat tuba salutaris, coruscant miracula, & mundus credit. Citò persuadetur quod dicitur, dum quod stupetur, ostenditur. Habes autem, quia *profecti Apostoli prædicaverunt ubique Domino cooperante & sermonē confirmante, sequentibus signis*. Habes in monte Thabor stupēdā claritate transfiguratū, & nihilominus superna testificatum voce. Habes in Jordane similiter & columbam designantem, & vocem testificantem. Proinde hæc duo ubique pariter vox & signum ad introducendam fidem ex divina largitate concurrunt, ut latus ad animam per utrasque fenestras ingressus pateat veritati. Itaque [q] auditus est meritum videndi, visio præmium audiendi. Et prius est audire, videre posterius, sicut scriptum est: *Audi filia & vide*. Quisquis autem in futuro Deum videre desiderat, profectò necesse est ut in præsentī prius Deum audiat, & in auditu auris obediat. Audiebat Paulus vocem Domini (r) sed faciem Domini non videbat, quoniam erudiebatur ad fidem, prout & ipse postea docuit: *Fides ex auditu est*.

D d d

Me-

S. I I I.

Merito Carnē redivivam Christi(s) tangere prohibetur mulier (*Maria Magdalena*) carnaliter sapiens, plus quippè tribuens oculo quàm oraculo, idest, carnis sensui, quàm verbo Dei. Quem enim mortuum vidit resurrecturum non credidit, cum tamen hoc promiserit ipse. Denique non quievit oculus usque dum satiatus est visus, quoniam non erat consolatio fidei, nec Dei rata promissio. Nonne celum & terra & quidquid omninò carnis oculus attingere potest, antè habent transire & perire, quàm jeta unum aut unus apex ex omnibus quæ locutus est Deus? Et tamen cessavit à fletu in visu oculi, quæ noluit consolari in verbo Domini, pluris habens experimentum quàm fidem. At experimentum fallax est. Mittitur ergo ad certiores, fidei cognitionem (t) quæ utique apprehendit quod sensus nescit, experimentum non invenit: *Noli me tangere*, inquit Dominus. Ac si diceret: Dissuesce huic seduibili sensui, innitere verbo, fidei assuesce, fides nescia falli, fides invisibilia comprehendens, sensus penuriam non sentit: denique transgreditur fines etiam rationis humanæ, naturæ vsum, experientiae terminos, Quid interrogas oculum ad quod non sufficit? Et manus quid explorare conatur quod supra ipsam est? Minus est quidquid ille vel illa renunciet. Sanè fides pronunciet de me, quæ majestati nihil minuat. Disce id habere certiùs, id tutiùs sequi quod illa suaserit. *Noli me tangere, nondum enim*

enim ascendi ad Patrem . Quasi verò cum jam ascenderit , tunc tangi ab ea velit aut possit . Et utique poterit , sed affectu non manu , voto non oculo , fide non sensibus . Quid tu me (ait) modò tangere quæris , quæ sensu corporis gloriam æstimas resurrectionis ? Non recordaris quomodò tempore adhuc meæ mortalitatis transfigurati ad horam morituri Corporis gloriam oculi Discipulorum sustinere nequiverunt ? Adhuc quidem tuis sensibus gero morem , formam ingerendo servilem , quam de consuetudine recognoscas . Cæterum mirabilis facta est gloria mea ex te , confortata est , & non poteris ad eam . Differ ergo iudicium , suspende sententiam , & tantæ rei diffinitionem ne credas sensui , sed fidei reservato . Illa digniùs , illa diffiniet cectiùs , quæ plenius cõprehendet . Deniq; cõprehendit illo suo mystico ac profundo sinu quæ sit longitudo , latitudo , sublimitas , & profundum . Quod oculus non vidit , nec auris audivit , nec in cor hominis ascendit , illa in se quasi quodam involucro clausum portat , servatquè signatum . Illa igitur dignè me tanger (u) quæ Patri consedentem suscipiet , non jam in humili habitu , sed in cælesti Carne ipsa , sed altera specie . Quid deformem vis tangere ? Expecta ut formosum tangas . Nam qui deformis modò , tunc formosus . Deformis tactui , deformis aspectui . Deformis denique deformi tibi , quæ sensibus plùs inhaeres , fidei minùs . Esto formosa , & tange me . Esto fidelis , & formosa es . Formosa formosum & digniùs tanges & feliciùs . Tanges manu fidei , desiderii digito , devotionis amplexu . Tanges oculo mentis .

D d d 2

tis .

tis. At numquid adhuc nigrum? Absit. Dilectus tuus candidus est & rubicundus. Formosus planè, quem circumdant flores rosarum, & lilia convalium, hoc est, Martyrum Virginumquè chori. Et qui medius resideo, utrique non dissideo choro, Virgo & Martyr. Quomodò denique candidis non congruo Virginum choris, Virgo Virginis Filius, Virginum Sponsus? Quomodò non roseis Martyrum congruo choris, causa & virtus, fructus & forma martyrii? Talem talis taliterquè tange, & dic: *Dilectus meus candidus & rubicundus, electus ex millibus*. Millia millium cum dilecto, & decies centena millia circa dilectum, & nemo ad dilectum. Num tibi verendum erit, ne fortè in quempiam de multitudine errore incidas quærendo quem diligis? Non prorsus ambiges quemnam eligas, facile occurret electus è millibus, cunctis insignior, & dicēs: *Iste formosus in stola sua, gradiens in multitudine fortitudinis suæ*. Non ergo in pelle occurret nigra, quæ hætenus sanè ingerenda fuit oculis persequentium, ut contemnerent occidendum: aut etiam amicorum, ut recognoscerent redivivum. Non, inquam, jam in pelle occurret nigra, sed in veste alba, speciosus formâ nonmodò præ filiis hominum, sed etiam præ vultibus Angelorum. Quid me vis tangere in humili habitu, servili forma, specie contemptibili? Tange cælesti decorum specie, gloriâ & honore coronatum: divina quidem majestate tremendum, sed ingenita serenitate gratum ac placidum. Inter hæc advertenda est prudentia Sponsæ [x] & profunditas sermonum ejus, quæ sub

figu-

x *Ibidem* num. 12.

figura pellium Salamonis, scilicet in Carne rimata est est Deum, in morte Vitam, Summam gloriæ & honoris inter opprobria, & sub nigro denique habitu Crucifixi candorem innocentiae, splendoremque virtutum: sicut illæ utique pelles cum essent nigrae atque despectæ, preciosa & prædicanda prædivitiis Regis in se ornamenta servabant. Merito Sponsa nigredinem non contemnit in pellibus, decorem qui sub pellibus est advertens. Et ideo quidam illam contempserunt, qui hunc minimè cognoverunt. *Si enim cognovissent, nunquam Dominum gloriæ crucifixissent.* Non cognovit Herodes, & idcirco despexit. Non cognovit Synagoga, quæ nigredinem illi passionis & infirmitatis impropereavit. Sed cognovit Centurio, qui Filium Dei clamat. Cognovit Ecclesia, quæ æmulatur nigredinem, ut decorem participet. Non confunditur nigra videri, nigra dici, ut dicat dilecto: *Opprobria exprobrantium tibi, ceciderunt super me.* At sanè nigra instar pellium Salamonis, foris scilicet, & non intus. Neque enim intus nigredinem meus Salamon habet. Denique non ait: *Nigra sum* sicut Salamon, sed *sicut pelles Salamonis*: quodd in superficie tantum sit veri nigredo pacifici. Peccati nigredo intus est, & prius interiora culpa commaculet, quam ad oculos prodeat. Denique de corde exeunt cogitationes malæ, furta, homicidia, adulteria, blasphemiae: & hæc sunt quæ coinquinant hominem, sed absit ut Salamonem. Minimè prorsus apud verum pacificum istiusmodi inquinamenta reperies. Oportet namque esse sine peccato eum, qui tollit peccata mundi: qui ad reconciliandos peccatores inventus est ido-

C A P U T I I I.

De timore militum crucifixorum, quem senserunt ex
terræ motu & aliis prodigiis, quæ evenerunt
in morte Jesu Crucifixi.

1. Ostenditur, timorem esse initium conversionis ad
Deum. Docemur quantum timendus sit Deus
Creator & Dominus noster. Explicantur timores
quatuor, humanus, servilis, initialis, & castus.
2. Ostenditur, iustum Jesum ideo voluisse iniuste
occidi, ut obtineret de diabolo iustitiam mortis,
eandemque nobis communicaret. Probatur, mortem
Christi valuisse ad iustitiam & vitam restituendam
multis: peccatumque Adæ non fuisse potentius ad
malum, quam Christi iustitiam ad bonum.
3. Ostenditur, Christi passionem & infirmitatem non
minus nobis profuisse quam Majestatem. Doce-
mur quomodo Christus in odore sapientia & iusti-
tia attrahit nos ad se, & quomodo donavit nobis
eternam vitam suam. Queritur, cur lege mortis &
peccati adhuc gravemur? Proponuntur nobis qua-
tuor virtutes cardinales ad considerandum, simul
& exercitandum esse.

§. I.

Centurio autem & qui cum eo erant custodientes
Jesum, viso terræ motu, & his quæ fiebant, ti-
muerunt valde. Matt. 27.

Meri-

M Eritò quidem timuerunt. (a) Nempè aderas Passio Domini utique terram movens , petras scindens , aperiens monumenta . Unde (b) Psalmista dicit: Respexit Dñus, & commota est & contremuit terra . Tunc terra contremiscit , quando peccator ad lachrymas commovetur. Domine (c) quoties Passionis tuæ amaritudinem in cordibus nostris ruminamus, toties de nobis expavescimus: quia dedisti metuentibus te significationem, ut fugiant à facie ejus . Hic nempe (d) timeri dicitur Deus : hic sanctum & terribile nomen ejus, & tanquam ingressus gloriæ. Initium planè sapientiæ est timor Domini . Et benè initium sapientiæ (e) est timor Domini: quia tunc primùm Deus animæ sapit, cum eam afficit ad timendum, non cum instruit ad sciendum . Times Dei justitiam, times potentiam, & sapit tibi justus & potens Deus: quia timor sapor est . Quid tam timendum quàm potestas (f) cui non potes resistere? Quid tam timendum quàm Sapientia, cui abscondi non potes . Poterat minùs timeri Deus, alterutro carens . Nunc autem perfectò oportet timeas illum, cui nec oculus deest omnia videntis, nec manus potens omnia . Pensa cujus sit formidinis & horroris (g) tuum atque omnium contempsisse Factorem, offendisse Dominum majestatis . Majestatis est timeri, Domini est timeri, & maximè hujus Majestatis, hujusquè Domini . Nam si reum regie majestatis quamvis humanæ, humanis

D d d . 4 legi-

a Ser.infer.4.beb.san.num.1. b Tract.de modo bene vivendi cap. 10. num. 28. c Ser.infer.2.Pasche num.19. tom.6. pag.726. d Ser. 23. in Cass. num. 15. e Ibidem num. 16. f lib.5. de Consuet. c.14. n.30. g Ser.16. in Cass. n.7.

legibus plecti capite sancitum sit : quis finis contem-
 nentium Divinam Omnipotentiam erit ? Tangit
 montes , & fumigant : & tam tremendam Majeſta-
 tem audet irritare vilis pulviculus , uno levi flatu
 mox dispergendus , & minimè recolligendus ? Ille
 ille timendus est , qui postquam occiderit corpus ,
 potestatem habet mittere in gehennam. Audi, ô ho-
 mo, quæ dico (h) audi quæ moneo , ausculta quæ lo-
 quor : Deum time super omnia , & mandata ejus
 semper observa : quia ecce *Oculi Domini* (ait Pro-
 pheta) *super timentes eum , & in eis qui sperant su-*
per misericordia ejus. Et Salamon ait: *Time Dominum,*
& recedere à malo. Qui timet Dominum, nihil negligit.
Etiã Sapiens in libro Ecclesiastici ait : Timor Domini
gloria , & gloriatio , & letitia , & corona exultationis.
Timor Domini delectabit cor , & dabit gaudium & le-
titiam in longitudinẽ dierum: nam qui sine timore est,
non poterit justificari . Timor Domini est sapientia &
disciplina . Non sis incredulus in timore Dei , & ne
acceſſeris ad illum duplici corde. Timentes Dominum
sustinete ejus misericordiam , & non defleſtatis ab illo,
ne cadatis . Qui timetis Dominum , credite in illum,
ut in oblectatione veniat vobis misericordia . Qui ti-
metis Dominum , credite in illum , & non evacuabi-
tur merces vestra . Qui timetis Dominum , diligite
illum , & illuminabuntur corda vestra . Qui timent
Dominum , non erunt increduli verbo ejus : & qui
diligunt illum , conservabunt vias illius . Qui timent
Dominum , inquirunt quæ beneplacita sunt illi : &
qui diligunt illum , replebuntur lege ipsius . Qui ti-
ment Dominum , preparabunt corda sua , & in conspe-
ctu

*Et illius sanctificabunt animas suas . Qui timent Do-
num , custodiunt mandata illius , & patientiam habe-
bunt usque ad inspectionem ipsius . Oculi Domini su-
per timentes se , & ipse cognoscit omnia opera eorum .
Consummatio timoris Dei est sapientia . Timenti Do-
minum non occurrunt mala , sed in tentatione Deus
liberabit illum à malo . Spiritus timentium Deum
requiretur , & in respectu illius benedicetur . Ti-
mor Domini est sicut paradisus , benedictio & omnis
gloria operiet illum . Beatus vir , cui donatum est ti-
morem Domini habere . Timor Domini est initium di-
lectionis ejus . Denique (i) nulla res nos sic ab omni
peccato custodit immunes , sicut timor inferni , &
amor Dei . Deum timere est nulla mala facere , &
nulla bona quæ facienda sunt præterire . Timor
Domini est fons Sapientiæ . Timenti Dominum bene
erit in extremis , & in die mortis sue benedicetur .
Bonum est nobis timere Deum , quia timor Domi-
ni expellit peccatum . Timor Domini semper emen-
dat . Timor Domini cautum facit hominem atque
solicitem : ubi verò timor non est , ibi perditio est
animæ . Ubi timor non est , ibi dissolutio vitæ est .
Ubi timor non est , ibi est abundantia peccatorum .
Igitur timor & spes semper sint in corde tuo : pariter
sint in te timor & fiducia . Spes & metus pariter per-
severent in te . Sic spera in misericordia Domini , ut
timeas ejus justitiã . Sed tamen (k) volo te scire qua-
tuor esse timores , videlicet humanum , servilem ,
initialem , & castum . Primus timor est humanus ,
quando timemus pati pericula carnis , vel perdere
bona mundi , propter quod peccamus . Hic mun-
danus*

i Ibidem num. 8. k Ibidem num. 9.

danus timor malus est, & in primo gradu cum mundo deseritur, quem Dominus prohibet in Evangelio, dicens: Nolite timere eos qui occidunt corpus, &c. *Secundus timor est servilis*, cum timore gehennæ homo recedit à peccato, & omnia bona quæ facit, non propter Dei sed propter timorem inferni facit. Ille quasi servus timet, qui bonum quod facit, non timore amittendi bonum quod non amat, sed timore patiendi malum quod formidat, facit. Ille non timet perdere amplexus pulcherrimi Sponsi Jesu, sed timet ne mittatur in pænas inferni. De hoc servili timore ait Paulus: *Non enim accepistis spiritum servitutis iterum in timore, sed accepistis spiritum adoptionis filiorum*: id est, spiritum filialem. Bonus est iste servilis timor & utilis, licet insufficiens & imperfectus, per quem crescit paulatim consuetudo justitiæ. Cum incipit homo credere diem Judicii, incipit timere. Si cæpit credere, cæpit & timere: sed qui adhuc timet, non habet perfectam fiduciam in die Judicii. Nondum est in illo perfecta charitas qui adhuc timet, quia si perfecta in illo esset charitas, non timeret. Perfecta charitas faceret in homine perfectam justitiam, ut homo non haberet unde timeret: sed haberet unde desideraret, ut transeat iniquitas, & veniat regnum Dei. *Tertius timor est initialis* [1] quando homo incipit facere bonum propter dilectionem Dei, quod antea faciebat propter timorem inferni. De hoc initiali timore ait David Prophetæ: *Initium sapientiæ est timor Domini*. Initialis timor est, quando homo incipit amare Deum quem ante timebat, & sic excluditur à corde servilis timor.

1 *Ibidem* nam. 10.

timor. *Quartus timor est castus*, per quem timemus ne Sponsus Christus Jesus tardet, ne discedat à nobis, ne eum offendamus, ne in eum peccemus, & ne eum perdamus. Timor iste scilicet castus, de amore descendit: timor iste de amore nascitur. De hoc timore legitur in Psalmo: *Timor Domini sanctus permanet in saculum saculi*. In corde hominis prius venit timor. Et quare venit? Ut locum charitati præparet. Quando autem magis charitas cæperit habitare in corde hominis, tanto magis timor decre-
scit. Quando major est charitas in corde hominis, tanto minor est ibi timor. Quare? Quia charitas foras mittit timorem. Timor iste sanctus est: quia in mente hominis generat sanctitatem. Timor iste sanctus est: quia introducit in mentem hominum perfectam charitatem. Perfecta etenim charitas, perfecta est sanctitas. Timor iste castus est: quia non recipit adulterum amorem, scilicet quia Deum super omnia diligit, & nihil amoris ejus præponit. Etiam timor iste dicitur filialis, quia non timet Deum quasi servus crudelem dominum, sed quasi filius Patrem dulcissimum. Hic timor ideo dicitur filialis, quia non timet quasi servus, sed quasi filius.

§. I I.

Et glorificaverunt Deum, dicentes: Verè hic homo iustus erat. Luc. 23. Matt. 17.

Cognosce anima mea [m] cognosce: hic est Dominus Deus noster, Jesus Christus Salvator tuus, Uni-

Unigenitus Dei Filius, verus Deus, verus homo : qui solus sub Sole sine macula inventus est . Et ecce [n] quomodo moritur justus , in Cruce distenditur , membra distrahuntur . Vide quomodo occisus justus injustè pro justitia [o] novam de inimico obtinuit justitiā mortis, scilicet injustè sibi illatæ . Quam quasi sibi necessariam, quia absque peccato erat, ipse homini peccatori communicans reum absolvit per pœnam innocentiae suæ . Porro [p] mors in Christi morte fugatur, & Christi nobis justitia imputatur . Verum inquis : Quomodò mori potuit qui Deus erat ? Quoniam nimirum & homo erat . Sed quo pacto mors Hominis illius pro altero valuit ? Quia & justus erat . Profectò namque cum Homo esset , potuit mori : cum justus esset, non debuit gratis . Non quidem peccator mortis sufficit solvere debitum pro altero peccatore , cum quisque moriatur pro se . Qui autem mori pro se non habet, numquid pro alio frustra debet ? Quantò sanè indignius moritur qui mortem non meruit, tantò is justus pro quo moritur, vivit . Sed quæ, inquis, justitia est [q] ut innocens moriatur pro impio ? Non est justitia, sed misericordia . Si justitia esset, jam non gratis, sed ex debito moreretur . Si ex debito : ipse quidem moreretur , sed is pro quo moreretur , non viveret . At verò si justitia non est, non tamen contra justitiam est . Alioquin & justus & misericors simul esse non posset . Sed etsi justus non injustè pro peccatore satisfacere valeat , quo tamen pacto etiam unus pro pluribus ? Etenim

satis

p Tract. de 3. precip. myst. cap. 6. num. 14. o Lib. 2. de amore Dei cap. 12. num. 37. p Tract. de exhort. ad milites templi cap. 11. num. 22. q Ibidem num. 22.

satis esse videretur ad justitiam, si unus uni moriens vitam restituat? Hinc jam respondeat Apostolus: *Sicut enim (inquit) per unius delictum in omnes homines in condemnationem, sic & per unius justitiam in omnes homines in justificationem vitæ. Sicut enim per inobedientiam unius hominis peccatores constituti sunt multi, ita & per unius hominis obedientiam justi constituuntur multi.* Sed fortè unus pluribus (inquis) justitiam quidem restituere potuit, vitam non potuit? *Per unum (respondet Apostolus) hominem mors, & per unum hominem vita. Sicut enim in Adam omnes moriuntur, ita & in Christo omnes vivificabuntur.* Quid enim? Unus peccavit, & omnes tenentur rei: & unius innocentia soli reputabitur uni? Unius peccatum omnibus operatum est mortem, & unius justitia uni vitam restituet? Itane Dei justitia magis ad condemnandum quàm ad restaurandum valvit? Aut plùs potuit Adam in malo, quàm Christus in bono? Adæ peccatum imputabitur mihi, & Christi justitia non pertinebit ad me? Illius me inobedientia perdidit, & hujus obedientia non proderit mihi? Sed Adæ, inquis, delictum meritò omnes contrahimus [r] in quo quippè omnes peccavimus: quoniam cùm peccavit in ipso eramus, & ex ejus carne per carnis concupiscentiam geniti sumus? Atqui ex Deo multò germaniùs secundum spiritum nascimur, quàm secundum carnem ex Adam: secundum quem etià spiritum longè ante fuimus in Christo, quàm secundum carnem in Adam, si tamen & nos inter illos numerati confidimus, de quibus Apostolus: *Qui eligit nos, inquit, in ipso (haud dubium*
quin

quin Pater in Filio) ante mundi constitutionem ; Quod autem etiam ex Deo nati sunt , testatur Evangelista Joannes ubi ait: *Qui non ex sanguinibus , neque ex voluntate carnis, neque ex voluntate viri sed ex Deo nati sunt.* Item ipse in Epistola ait: *Omnis qui natus est ex Deo , non peccat , quia generatio celestis conservat eum .* At carnis traducem , ais , carnalis testatur concupiscentia: & peccatum quod in carne sentimus, manifestè probat quòd secundum carnem de carne peccatores descendimus ? Sed enim nihilominus spiritualis illa generatio non quidè in carne sentitur, sed in corde , ab his duntaxat qui cum Paulo dicere possunt: *Nos autem sensum Christi habemus .* In quo & eatenus profecisse se sentiunt , ut & ipsi cum omni fiducia dicant: *Ipse enim Spiritus testimonium reddit spiritui nostro, quòd sumus filii Dei.* Et illud: *Nos autè non spiritum huius mundi accepimus , sed spiritum qui ex Deo est, ut sciamus quæ à Deo donata sunt nobis.* Per Spiritum ergo qui ex Deo est, charitas diffusa est in cordibus nostris , sicut & per carnem quæ est ex Adam , manat concupiscentia nostris insita membris . Et quomodo ista quæ à progenitore corporum descendit , nunquam in hac vita mortali à carne recedit : sic ille procedens ex Patre spirituum , ab intentione filiorum duntaxat perfectorum nunquam excidit . Si ergo in Deo nati [s] & in Christo electi sumus , quanam justitia est, ut plùs noceat humana atque terrena , quàm valeat divina cælestisque generatio: Dei electionem vincat carnalis successio , & æterno ejus proposito carnis præscribat temporaliter traducta concupiscentia? Quinimò si per unum hominè mors,

cur

cur non multò magis per unum & illum hominem
vita? Etsi in Adam omnes morimur, cur non longè
potentiùs in Christo vivificabimur? Denique (Paulus
Apostolus ait) *non sicut delictum, ita & donum.*
Nam iudicium ex uno in condemnationem, gratia
autem ex multis delictis in iustificationem. Christus
igitur & peccata dimittere potuit, cùm sit Deus: &
mori potuit, cùm sit Homo: & mortis moriendo
solvere debitum potuit, quia iustus: & omnibus
unus ad iustitiam vitamquè sufficere potuit, quando-
quidem & peccatum & mors ex uno in omnes pro-
cesserit. Sed hoc quoque necessariè omninò provi-
sum est, quòd dilata morte Deus Homo inter homi-
nes dignatus est aliquandiu conversari: quatenùs
crebris & veris locutionibus ad invisibilia excitaret,
miris operibus astrueret fidem, rectis moribus in-
strueret. Itaque in oculis hominum Deus Homo so-
briè & piè conversatus, vera locutus, mira operatus,
indigna passus, in quo jam defuit nobis ad salutem?
Accedat & gratia remissionis peccatorum, hoc est ut
gratis peccata dimittat: & opus profectò nostræ salutis
consummatum est. Non autem metuendum est quòd
donandis peccatis aut potestas Deo, aut voluntas
passo & tanta passo pro peccatoribus desit: si tamen
soliciti inveniamur dignè, ut oportet, & imitari exem-
pla, & venerari miracula, doctrinæ quoque non exista-
mus increduli, & passionibus non ingrati. Dignum est
quippe [c] & nobis multùm expedit, compati passo,
commori mortuo, & consepeliri sepulto. Ad hoc
enim facta sunt huiusmodi, ut his omnibus configu-
retur & conformetur vita Christiani. Qui enim tan-
quam

quam membrum Christi dicit se in Christo manere, debet sicut ille ambulavit, & ipse ambulare.

§. I I I.

Videns autem Centurio quod factum fuerat, glorificavit Deum, dicens: Verè hic homo iustus erat.
Luc. 23.

Jesum Nazarenum [u] à Judæis innocenter condemnatum, à Gentibus crucifixum, nos Christiani divinis honoremus obsequiis. Cujus tanta [x] ubique fragrantia justitiæ spargitur, ut non solum iustus, sed etiam ipsa dicatur justitia, & justitia justificans. Quis vel sceleratissimus [y] iusti non probet opinionem, quamvis non amet opus? Quis tam irreligiosus [z] qui non compungatur? Quis tam insolens ut non humilietur? Quis tam malitiosus, ut non pæniteat his diebus? Meritò quidem. Nempe adest Passio Domini utique terram movens, petras scindens, aperiens monumenta. Salvatoris infirma [a] nos qui Christiani sumus, reverenter venerari, amanter amplecti, fortiter imitari dignum est, salubre & honorificum. Totum siquidem nobis de Christo valuit [b] totum saluti-ferum, totumquè necessarium fuit. Nec minùs profuit infirmitas quàm Majestas: quia etsi ex Deitatis potentia peccati jugum jubendo submovit, ex carnis tamen infirmitate mortis jura moriendo concussit. Unde pulchrè ait Apostolus: *Quod infirmum est Dei,*
for-

u Ser. de Pass. Dom. n. 1. x Ser. 22. in Cant. num. 8. y Ser. 70. in Cant. num. 6. z Ser. in fer. 4. heb. San. num. 1. a Ser. de Pass. Dom. num. 1. b Tract. de exhort. ad milites templi Cap. 11. num. 26.

fortius est hominibus. Sed & illa ejus stultitia per quam ei placuit saluum facere mundum, ut mundi confutaret sapientiam, confunderet sapientes; quòd videlicet cùm in forma Dei esset & Deo æqualis, semetipsum exinanivit formam servi accipiens; quòd dives cùm esset, propter nos egenus factus est, de magno parvus, de cello humilis, infirmus de potente; quòd sitiit, esuriit, quòd fatigatus est in itinere, & cætera quæ passus est voluntate, non necessitate: hæc, inquam, ipsius quædam stultitia nonne fuit nobis via prudentiæ, justitiæ forma, sanctitatis exemplum? Ob hoc idem Apostolus, *Quod stultum est, inquit, Dei, sapientius est hominibus*. Mors Christi à morte, vita ab errore, à peccato gratia liberavit nos. Et quidem *mors* per justitiam suam peregit victoriam: quia justus exolvendo quæ non rapuit, jure omnino quod amiserat accepit. *Vita* verò quod ad se pertinuit, per sapientiam adimplevit, quæ nobis vitæ & disciplinæ documentum ac speculum extitit. Porro *gratia* ex illa (ut dictum est) potestate peccata dimisit, quæ omnia quæcunque voluit fecit. Mors itaque Christi, mors est meæ mortis, quia ille mortuus est, ut ego viverem. Quopaculo enim jã non vivat homo, pro quo moritur *Vita*? Aut quis jam in via morum seu rerum notitia errare timebit duce *Sapientia*? Aut unde jam reus tenebitur, quem absolvit *Justitia*? *Vitam* quidem se ipse perhibet in Evangelio: *Ego sum*, inquit, *Vita*. Porro duo sequentia testatur Apostolus dicens: *Qui factus est nobis Justitia & Sapientia à Deo Patre*. Putamus nos [c] de singulis posse reperire exempla? Currebant in odore *Sapientiæ* qui mis-

E e e

si

si fuerant à Phariseis, cùm reversi dicerent: *Nunquam homo sic locutus est*. Utique admirantes doctrinam, & confitentes sapientiam. Currebat in hoc ipso odore sanctus Nicodemus, qui venit ad Jesum nocte, in splendore multo sapientiæ: de multis quippe instructus edoctusquè recessit. Verùm in odore *Justitiæ* cucurrit Maria Magdalena, *cui divissa sunt peccata multa, quoniam dilexit multum*. Justa profectò & sancta, & non jam peccatrix quemadmodum Phariseus exprobrabat, nesciens justitiam seu sanctitatē Dei esse munus, non opus hominis: & quia non modò justus, sed & beatus cui non imputabit Dominus peccatum. An oblitus erat quomodò vel suam ipsius vel alterius corporalem tangendo lepram fugârat, non contraxerat? Sic tactus à peccatrice justus justitiam impertit, non perdit: nec sorde peccati quâ illam mundat, se inquinat. Cucurrit & Publicanus, qui cùm propitiationem peccatis suis humiliter imploraret, *descendit justificatus*, teste ipsa Justitia. Cucurrit Petrus, qui lapsus *flevit amare*, quatenus culpam dilveret, recuperaret justitiam. Placebitne tibi Domine Jesu [d] ut dones mihi vitam tuam, sicut dedisti conceptionem? quia non solùm conceptio mea immunda, sed vita perversa, mors periculosa, & post mortem restat mors gravior, mors secunda. Non solùm, ait, conceptionem meam, sed & vitam meam, & hoc per singulos ætatum gradus infantia, pueritia, adolescentia, juventutis, tibi donabo: adjiciens mortem, resurrectionem, ascensionem, & missionem Spiritus Sancti. Hoc autem ideo, ut *conceptio* mea emundet tuam, *vita* mea instru-

instruat tuam, *mors* mea destruat tuam, *resurrectio* mea præcedat tuam, *ascensio* mea præparet tuam, porro *Spiritus* adjuvet infirmitatem tuam. Sic enim planè videbis & viam per quam ambules, & caute-
lam quâ ambules, & ad quam ambules mansio-
nem. In *vita* mea cognosces vitam tuam, ut
sicut ego paupertatis & obedientiæ, humilitatis &
patientiæ, charitatis & misericordiæ indeclinabiles
semitas tenui: sic & tu eisdem vestigiis incedas, non
declinans ad dexteram neque ad sinistram. In *mor-*
te autem mea dabo tibi justitiam meam, dirum-
pens jugum captivitatis tuæ, & expugnans hostes
qui sunt in via vel juxta viam, ut non apponant
ampliùs nocere tibi. Sed dicet aliquis: (e) Si autem
lex *Spiritus vitæ* in Christo Jesu liberavit nos à lege
peccati & mortis, ut quid adhuc morimur, & non
statim immortalitate vestimur? Sanè ut Dei veritas
impleatur. Quia enim misericordiam & veritatem
diligit Deus, necessè est mori quidem hominem,
quippe quod prædixerat Deus; sed à morte tamen
resurgere, ne obliviscatur misereri Deus. Ita ergo
mors etsi non perpetuò dominatur, manet tamen
propter veritatem Dei vel ad tempus in nobis:
quemadmodum peccatum etsi jam non regnat in
nostro mortali corpore, non tamen deest penitùs
nobis. Proinde Paulus ex parte quidem liberatum
se à lege peccati & mortis gloriatur, sed rursùm se
utraq; nihilominùs lege aliqua gravari ex parte
conqueritur, sive cùm adversùs peccatum miserabili-
ter clamat: *Invenio aliam legem in membris meis, &c.*
Sive cùm ingemiscit gravatus (haud dubium quin

E e e 2 lege

lege mortis) redemptionem expectans corporis sui. Et quia adhuc interim mors posita est (f) non modò secùs iniquitatem , sterilitatem , vanitatem , sed & secùs introitum ipsius etiam voluptatis . Quocirca *primò* opus est *fortitudine* adversùs tentamenta peccati , ut rugienti leoni resistamus fortes in fide , & ignita ipsius jacula hoc ipso clypeo viriliter repellamus . *Secundò* opus est *iustitiâ* , ut operemur bonum . *Tertiò* opus est *prudentiâ* , ne cùm fatuis virginibus reprobemur . *Quartò* denique opus est *temperantiâ* , ne voluptatibus indulgentes , audiamus aliquando quod miser dives ille epularum pariter & vestiũ splendore finito, dum misericordiam precaretur audivit : *Memento fili , quòd recepisti bona in vita tua , & Lazarus similiter mala : nunc autem hic consolatur , tu verò cruciaris* . Planè terribilis Deus in consiliis super filios hominum : sed si terribilis est , etiam misericors invenitur , dum futuri formam iudicii non occultat . *Anima enim quæ peccaverit , ipsa morietur* . Et palmes qui fructum non fecerit , excidetur . Virgo cui defuerit oleum , à nuptiis excludetur . Et qui bona receperit in hac vita , cruciabitur in futura . Quod si fortè contingat in uno quolibet simul hæc quatuor inveniri , ea planè extrema desperatio est . Quod ipse avertat à servis suis (g) Jesus Christus Dominus noster , qui est super omnia Deus benedictus in sæcula . Amen .

C A P U T I V.

*De compunctione & penitentia plebis Judæorum, qui
visis in morte Christi prodigiis, percutie-
bant pectora sua.*

*Et omnis turba eorum qui simul aderant ad specta-
culum istud, & videbant quæ fiebant,
percutientes pectora sua rever-
tebantur. Luc. 23.*

- 1. Excitamur compunctione plebis Judeorum, ut
compungamur penitentiâ triplici: quia innocen-
tiam amisimus, amissam non requisivimus, &
negleximus patientiam Dei. Innuitur quàm sit
periculosum differre penitentiam in finem vitæ.*
- 2. Ostenditur, tria esse necessaria ad agendam pe-
nitentiam, scilicet tempus, corpus, & locus.
Tempus dividitur in præteritum, præsens, & fu-
turum. In corpore possumus mala pati pro com-
missis delictis, & bona operari pro adipiscendis
æternis præmiis. Per locum intelligitur Ecclesia
militans, in qua rectè agenda est penitentia.*
- 3. Docemur, ut agendo penitentiam mortificemus
carnem nostram. Mortificatione carnis configura-
mur passioni Christi. Ostenditur, penitentiam esse
cibum hominis penitentis simul & Christi Dei no-
stri. Exhortamur ad compunctionem pariter & ad
opera penitentiæ. Tria requiruntur ad peniten-
tiam, scilicet abstinentia, lectio, & Oratio.*

S. I.

Percutientes pectora sua revertebantur. Luc. 23.

M Eritò quidem . (a) Nempè aderat Passio Domini utique terram movens , petras scindens , aperiens monumenta . Proinde (b) & tu ô homo, totus contremisce, tremore obrigesce , meritò expallesce , pugnīs pectus contunde , fletibus totam animam effunde , compatere passo & mortuo Jesu Christo . Quis enim tam irreligiosus (c) qui non compungatur ? quis tam insolens ut non humilietur ? quis tam iracundus ut non indulgeat ? quis tam deliciosus ut non abstineat ? quis tam flagitiosus ut non contineat ? quis tam malitiosus , ut non pœniteat diebus Passionis Dominicæ ? Hi sunt dies (d) quos observare debemus : dies pleni pietate & gratiâ , quibus etiam sceleratorum hominum mentes ad pœnitentiam provocantur . Tanta siquidem est vis sacramentorum eorum quæ diebus Passionis Dominicæ recoluntur , ut possint ipsa quoque lapidea scindere corda , & pectus omne licet ferreum emollire sufficiant . Denique videmus usque hodie ad Passionem Christi nonmodò cœlestia compati , sed etiam terram moveri , & petras scindi , & in confessionem peccatorum aperiri monumenta . Decet quippe (e) ut quemadmodum Caput Christus præcessit, sequantur membra . In patibulo feriâ sextâ rede-

g Ser. 24. in Cant. num. 5. a Ser. in 4. hebdom. san. num. 1. b Tract. de 3. præcip. myst. cap. 6. num. 13. c Ser. in fer. a. hebdom. san. num. 1. d Ser. 1. in Cena Dom. num. 1. e Ser. 1. in die Pasch. n. 8.

redemit hominem ipsa die, quâ fecerat hominem ab initio. Ita & nos quicumque sequimur Caput nostrum, tota die hac quâ plasmati & redempti sumus, non cessemus agere pœnitentiam. O bone Christiane (f) hac die recogita annos tuos pravos in amaritudine animæ tuæ. Statue Christum Crucifixum ab uno latere tuo, & tua peccata ab altero, & inter hæc positus vide quid agas. Contemplare Agnum, contemplantur Christum Dominum tuum in cruce extensum, & pro te tam impiè passum. Considera turpitudines carnis tuæ, pravas afflictiones animæ tuæ, funde lachrymas ad Crucifixum, qui te salvare paratus est, qui pro te talia passus est. Clamat clavus (g) clamat Vultus, quodd verè Deus sit in Christo mundum reconcilians sibi. O homo (h) in Carne tibi exhibetur Sapientia illa quondam occulta, ecce jam trahitur de occultis, & ipsis sese ingerit sensibus carnis tuæ. Carnaliter prædicatur tibi: Fuge voluptatem, quia posita est mors sceleris introitum delectationis. Age pœnitentiam nunc, quia per hanc appropinquat regnum Dei. Pœniteas autem anima Christiana (i) compunctionis iaculo vulnerata, pœnitentia triplici: quia innocentiam amisisti, amissam non requisivisti, & neglexisti patientiã Dei. Alioquin non erit iam (k) quo lateas misera anima. Frustra *dices montibus, Cadite super nos: & collibus, Operite nos:* quoniam nudam & opertam oportebit te stare ante Tribunal Christi, ut audias vocem iudicii, quæ vocem consilii contempsisti. Ecce

E e e 4 enim

f Ser. 4. in ult. Cena. num. 27. g Ser. 61. in Cant. num. 4.

h Ser. 3. in Nat. Dom. num. 3. i Ser. 40. diver. num. 4.

k Ser. 5. diver. n. 2.

enim loquitur Dominus: *Agite pœnitentiam: & dissimulant multi. Et continent aures suas, & dicunt: Durus est hic sermo. Non sic impii, non sic dissimulare poteritis, cùm sonabit asperum illud verbum, & auditio mala: Ite maledicti in ignem æternam.* Quid excusationis (l) poterunt miseri habere de peccato? Numquid tunc dicere incipient: *Modò, ecce modò, sine paululùm?* Sic enim nunc dissimulant infelices, & *Modò, & Modò* non habet modum: & *Sine paululùm*, in longum vadit. Bonus est, inquiunt, Deus qui in proximo iuvat, quid accelerare necesse est ut miseria prolongetur? Misera prorsus & seducta cogitatio. Noua siquidem hæc querela est, nec prolixiorẽ vitam filii hominum hætenus causabantur. Breues dies hominis sunt, donec conscientia stimulante, de pœnitentia & conversione vel intus à spiritu vel foris commoueantur ab homine. Extunc sanè nouum concipitur tædium longioris vitæ, differendæ mortis oritur fiducia noua. Sed esto, multa tibi annorum curricula restant, adolescens es usque ad senectutem victurus & senium: quid necesse habes amittere tempora tanta, perdere tanta lucra? Quid dissimulant homines (m) in vita sua agere pœnitentiam, & extrema de confessione præsumunt? Quomodò sub vnius horæ articulo reuocari posse æstimant omnia animæ membra, cuius concupiscentiæ & desideria per totum mundum sparsa sunt, & ubique terrarum velut quodam visco tenentur? Non dico (ait Dominus) quin & talium saluem aliquos, potens sum enim in momento reuocare: sed *non congregabo*

con-

l Tract. de vita & mor. Cler. cap. 16. n. 54. & 55. m Ser. 75. diu.

conuenticula eorum de sanguinibus, id est, qui in sanguine perseverant, donec multiplicatis infirmitatibus deferantur à peccatis antequam deferant ea: non magna talium conuenticula congregabo. Si benè memini, in toto canone Sacrae scripturae unum Latronem inuenies sic saluatum. Noli ergo huic tam periculosaë expectationi credere temetipsum. Et quidem Spiritus non modò ubi uult, sed quando uult, spirat; nec ei difficile est de subito perfectam dare contritionem, quam uix multo tempore alii consequuntur: sed unde scis quòd tunc tibi ita subuenire velit, quem tu interim sic repellis? Benignus quidem est Spiritus sapientiae, sed non liberabit maledictum à labiis suis. Audi quis ille sit: *Maledictus qui peccat in spe*. Multi quidem (n) pænitiâ ducti sunt, sed infructuosâ, quoniam pænitentia eorum reprobata est, sicut & prior culpa. Qui malè uiuit (o) & in morte pænitentiam agit, sicut damnatio illius est incerta, ita & remissio illius est dubia. Qui verò securus cupit esse in morte de indulgentia, in sanitate pænitentiam agat, & in sanitate peccata sua lugeat.

§. I I.

Ad agendam pænitentiam (p) tria sunt necessaria, tempus, corpus, & locus. *Primo tempus* quòd sit necessarium, dicit Apostolus: *Ecce nunc tempus acceptabile, ecce nunc salutis*. Porro tempus in tria dividitur, in præteritum, in præsens, in futurum.

Ho-

Horum nullum perdit quisquis rectè pænitentiam agit. Nam *præteritum* quidem quod perdiderat restaurat, dum in amaritudine animæ suæ omnes annos suos recogitat. *Præsens* autem tenet jam per exercitium operis: *futurum* verò per constantiam boni propositi. De *præterito* loquitur Apostolus, cùm dicit: *Redimentes tempus, quoniam dies mali sunt*. Ad *præsentis* verò temporis operationem hortatur nos, cùm dicit: *Dum tempus habemus, operemur bonum ad omnes, maxime autem ad domesticos fidei*. Futuri temporis nos admonet Dominus, cùm dicit: *Qui perseveravit usque in finem, hic saluus erit*. Nihil preciosius est tempore: (q) sed heu nihil hodie vilius aestimatur? Transeunt dies salutis, & nemo recogitat, nemo sibi non reditura momenta periisse causatur. An putas ô homo biennii tantùm aut triennii opus ab Omnipotenti posse recompensari? Siccine abbreviata est manus Domini, ut centum annorum non possit remunerare laborem? Sede, computa quid diebus singulis acquirere valeas, certus equidem apud Deum nullũ omninò opus bonum irremuneratum fore, & sicut nec capillum de corpore, sic nec momentum de tempore perituum. Proinde omne tempus (r) in quo de Deo non cogitas, hoc te computes perdidisse. Omnis siquidem res aliena est à nobis, tempus autem tantùm nostrum est. Quod si de omni verbo ocioso (s) quodcunque locuti fuerint homines, Deo sunt reddituri rationem in die iudicii: quantò districtiùs de verbo mendaci, mordaci, inju

p Ser. 106. diu. n. 1. q Tract. de vita & mor. Cleric. cap. 16. n. 55. r Tract. de cognit. hum. condit. cap. 6 n. 19. s Ser. 17. diu. num. 2.

injurioso, de elato vel lascivo, de adulatorio aut detractorio judicabuntur? Quàm vera est sententia[t] in multiloquio non effugiendum peccatum ut enim præteream cætera, si propterea est ociosum verbum, quòd nullam rationabilem causam habeat: quã rationẽ de eo verbo reddere poterimus, quod est præter rationem? Nemo vestrũ, fratres, parvi æstimet tempus quod in verbis consumitur ociosis. Siquidem tempus acceptabile est, & dies salutis. Volat verbum irrevocabile, volat tempus irremediabile, nec advertit homo insipiens quid amittat. Libet confabulari (ajunt) donec hora prætereat. O donec prætereat hora! ô donec pertranseat tempus! Donec hora prætereat, quam tibi ad agendam pænitentiam, ad obtinendam veniam, ad acquirendam gratiam, ad gloriam promerendam miseratio Conditoris indulget. Donec pertranseat tempus, quo divinam tibi repropitiare debueras pietatem, proptare ad Angelicam societatem, suspirare ad amisam hæreditatem, aspirare ad promissam felicitatem, excitare remissam voluntatem, flere commissam iniquitatem. Cogita homo[u] de tempore quod sic perdis, quòd illi qui in inferno sunt, darent totum mundum (si haberent) pro eo. *Secundò*, quòd ad agendam pænitentiam sit necessarium corpus (x) scribit Apostolus: *Omnes nos oportet manifestari ante Tribunal Christi, ut referat quisque propria corporis prout gessit. Corpus itaque necessarium est ad agendam pænitentiam. In corpore quippè possumus mala pati, & bona operari: pati scilicet pro*
com-

t Ibidem num. 3. u Ser de variis document. pie vivax. n. 2. tom. 6. pag. 1031. x Ser. 106. diver. num. 1. & 2.

commiſſis delictis, operari pro adipiſcendis æternis præmiis. Qui autem corpore caret, dignos pænitentiae fructus facere quomodo valet? Et notandum eſt, quod pænitentia quæ per corpus geritur, brevis eſt & levis. *Brevis*, quia corporis mortē terminatur. *Levis*, quia per ſocietatem corporis fertur facilius. Gravis ſiquidem eſſet, ſi eam ſolus animus portaret. Cùm verò & ipſi corpori ejus partitur pondus, quāto magis inde corpus oneratur, tantò ampliùs animus exoneratur. Vas figuli probat fornax: (y) & tribulatio verè pænitentes diſcernit. Qui enim veraciter pænitet, laborem pænitentiae non abhorret: ſed quidquid ſibi pro culpa quam odit injungitur, tacita conſcientia patienter amplectitur. Verumtamen (z) reſpondent homines ſeculares cùm eis ſuadetur agere pænitentiam, & dicunt: *Durus eſt hic ſermo*. Nempè hoc eſt quod in Evangelio legitur, Loquebatur de pænitentia ipſa Dominus, ſed in figura, tanquam hiſ quibus non erat datum noſſe myſterium regni Dei. Cùm audirent dicentem, *Niſi manducaveritis carnem filii hominis, & biberitis ejus ſanguinem*, dixerunt: *Durus eſt hic ſermo, & abierunt retrorſum*. Ergone durum eſt momentaneum hoc & leve tribulationis, quod ſupra modum in ſublimate æternum pondus gloriæ operatur in nobis? Durum eſt breviffimo & leviffimo labore cruciatus illos & tormenta redimere, quæ nullus terminus finiat, nullus animus ſufficiat cogitare? Durum vobis videtur cùm dicitur: *Agite pænitentiam*? Erratis, ſed audiri eſtis aliquando.

ver-

y Tract. de grad. humil. cap. 18. num. 47. z Ser. 3. ſuper Pſalm. 90. num. 3.

verbum asperum , sermonem durum, auditionem malam: *Ite maledicti in ignem eternum.* Tertio, quod ad agendam pœnitentiã sit necessarius locus(a) loquitur Scriptura dicens: *Si ascenderit in te spiritus potestatem habentis, locum tuum ne deseras.* Locus itaq; videtur necessarius esse & utilis, Ecclesia scilicet vitæ præsentis: in qua quisquis dum in corpore vivit, pœnitentiam rectè agere negligit, nullum in futuro salutis remedium obtinere poterit. Porro [b] duo loca sunt animæ rationalis, inferior quem regit, & superior in quo requiescit. *Inferior* quem regit, est corpus: *superior* in quo requiescit, est Deus. De utroque potest rectè intelligi quod scriptum est: *Si ascenderit super te spiritus potestatem habentis, locum tuum ne dimiseris,* vel inferiorem scilicet regendo, vel superiorem quiescendo. Sed hoc quod prius dixi, convenit rudibus adhuc & imperfectis, quibus loquitur Apostolus: *Humanum dico propter infirmitatem carnis vestræ. Sicut enim exhibuistis membra vestra servire immunditiæ & iniquitati ad iniquitatem, ita nunc exhibete membra vestra servire iustitiæ in sanctificationem.* Habet quippè anima tria facere in corpore, vivificare, sensificare, regere. Sed sive auferatur vita, sive sensus perturbetur, de neutro condemnatur: sin verò tentatori victa succumbit, hoc illi in peccatum reputatur. Dicitur ei ergo ne *ascendente super eam spiritu locum suum deserat*: hoc est, ne ingruente tentatione membra sua iniquitatis peccato exhibeat. Cæterum de superiori loco intelligitur hoc, ne quietem mentis quam à Deo habet, tentante diabolo deserat,

a Ser. 106, div. num. 1. & 2. b Ser. 86, diver. num. 1. & 2.

serat, sed undecunque ille tentaverit, ipsa mens in Deo fixa constanter in tranquillitate pemaneat.

§. I I I.

Nec sanè dixerim [c] ut vel ipsam odio habeas carnem tuam. Dilige eam tanquam tibi datam in adiutorium, & ad æternæ beatitudinis consortium preparatam. Cæterùm sic amet anima carnem, ut non ipsa in carnem transisse putetur: diligat anima carnem suam, sed multò magis suam ipsius animam servet. Denique ne ipsi quidem expedit sic amari, ut videlicet cui interim caves à flagello paternæ correctionis, thesaurizes iram æternæ damnationis. *Genimina viperarum* (ait Joannes) *quis demonstravit vobis fugere à ventura ira? Facite dignos fructus penitentiae*. Ac si evidentiùs loqueretur: Apprehendite disciplinam, ne quando irascatur Dominus: sustinete virgam corripientem, ne sentiatis malleum conterentem. Omnium temporum [d] quæ sub conversatione veteris hominis transegitur, fructus noster est Passio Christi, cui debemus configurari, mortificationem ejus circumferentes in carne nostra mortali. Unde sicut ab initio conversationis, ita ab initio prædicationis suæ proposuit nobis pænitentiam: *Agite, inquit, penitentiam, quoniam appropinquavit regnum cælorum*. Magnam refectionem senserat Propheta David, cùm de fructu pænitentiæ dicebat: *Fuerunt mihi lachrymæ meæ panes die ac nocte*. Et alibi: *Cibabis nos pane lacrymarum, & potum dabis nobis in lachrymis in mensura*. Bonus pater

paterfamilias (e) qui suorum domesticorum curam gerit, maxime in diebus malis, ut alat eos in fame, cibans illos pane lachrymarum, & sic nutriens ad vitam æternam. At pascens ita puto nihilominus pascitur ipse, & quidem escis quibus libenter vescitur, profectibus nostris. Etenim gaudium Domini est fortitudo nostra. Ita ergo (f) & cum pascit pascitur, & cum pascitur pascit, simul nos suo gaudio spirituali reficiens, & de nostro æquè spirituali profectu gaudens. Cibus ejus pœnitentia mea, & cibus ejus salus mea, cibus ejus ego ipse. An non cinerem tanquam panem manducat? Ego autem quia peccator sum, cinis sum ut manducer ab eo. Mandor cum arguor, glutior cum institutor, decoquor cum immutor, digeror cum transformor, unior cum conformor. Sed (g) quare non dixerim pœnitentiam fructum, quæ panis vocatur & vinum? Fructus iste amarus est, sed salubris: quia pœnitentia amara est quidem ad tolerandum, saluberrima autem ad convalescendum. Accedit medicus ad vulneratum (h) spiritus ad animam. Quam enim non reperiat gladio diaboli vulneratam etiam post sanatum vulnus antiqui delicti medicamento Baptismatis? Ergo ad illam animam quæ dicit, *Putruerunt & corruptæ sunt cicatrices meæ à facie insipientiæ meæ*: cum accedit spiritus, quid primò opus est? Ut tumor vel ulcus quod fortè supercrevit in vulnere, & potest impedire sanitatem, ante omnia amputetur. Abscindatur itaque ferro acutæ compunctionis ulcus inveteratæ consuetudinis. Sed est acerbus dolor: leniatur

e Ser. 71. in Cant. n. 4. f Ibidem num. 5. g Ser. de verb. Sap. num. 8. h Ser. 18. in Cant. num. 6.

tur proinde unguento devotionis, quod non est aliud nisi concepta de spe indulgentiæ exultatio. Hanc continendi parit facultas, & victoria de peccato. Jam gratias agit, & dicit: *Dirupisti Domine vincula mea; tibi sacrificabo hostiam laudis*. Deinde apponitur medicamentum pænitentiae, malagma jejuniorum, vigiliarum, orationum, & si qua sunt alia pænitentium exercitia. In labore pænitentiae cibandus est cibo boni operis, ne deficiat. Quod opus sit cibus, inde doceris. *Meus est cibus* (inquit Dominus) *ut faciam voluntatem Patris mei*. Itaque comitentur pænitentiae labores pietatis opera quæ confortent. *Magnam* (ait Tobias) *fiduciam præstat apud Altissimum eleemosyna*. Cibus sitim excitat, potandus est. Accedat cibo boni operis orationis potus, componens in stomacho conscientiae quod benè gestum est, & commendans Deo. Orando bibitur vinum lætificans cor hominis, vinum spiritûs quod inebriat, & carnalium voluptatum infundit oblivionem. Hoc certè vinum lætificat cor hominis: (i) hoc constat & Angelos bibere cum lætitia. Denique gaudent in conversione & pænitentia peccatorum, salutem hominum sitientes. Lachrymæ pænitentium vinum est eorum, quod in illis odor vitæ, sapor gratiæ sit, indulgentiæ gustus, reconciliationis jucunditas, sanitas redeuntis innocentiae, serenata suavitas conscientiae. Porro (k) dum manibus pectora, genibus pavimenta Ecclesiarum tunduntur, votis & devotis precibus Altaria cumulantur; dum sordent genæ lachrymis, gemitibus atque suspiriis mugiunt diversa, & canticis spiritualibus sacra

tectâ

i Ser. 30. in Cant. num. 3. k Epist. 78. num. 6.

teſta reſultant : nil ſupernis Civibus magis ſpectare libet , nil Regi ſummo jucundius exhibetur . Ec- quia (l) duplex malum ligno paratur infructuoſo , ſe- curis & ignis . Proinde paveo (m) quod Judex in- tentat arbori non facienti fructum bonum . Fateor pro huiusmodi non ſum omnino contentus priori gratia , quâ jam malorum ſum pœnitens , niſi & ſe- cundam accepero , ut videlicet dignos faciam pœni- tentiæ fructus : & deinceps non revertar ad vomitum . Exigunt à me (n) præterita peccata mea futuram vitam meam , ut faciam fructus dignos pœnitentiæ , & recogitem omnes annos in amaritudi- ne animæ . Et ad hæc quis idoneus ? Peccavi ſuper numerum arenæ maris , & multiplicata ſunt pecca- ta mea , & non ſum dignus videre altitudinem cæli præ multitudine iniquitatis meæ : quoniam irritavi iram tuam Domine , & malum coram te feci : *circum- dederunt me mala , quorum non eſt numerus : com- prebenderunt me iniquitates meæ , & non potui ut vi- derem .* Quod ergo ſine numero eſt , quomodo nu- merabo ? quomodo ſatisfaciam , cùm cogar redde- re debitum uſque ad noviffimum quadrantem ? Sed & delicta quis intelligit ? Ait illa cæleſtis fiſtula Am- broſius : *Facilius inveni eos qui innocentiam ſervave- runt , quàm qui congruam egerunt pœnitentiam .* Sed & quantumlibet pœniteat , quantumlibet ſe affli- ciet & maceret , *propter nomen tuum* , non propter meum meritum , *propitiaberis peccato meo Domine*) ait juſtus David) *multum eſt enim .* Cùm ergo quid- quid vivis , quidquis ſapis , quidquid habes , quidquid

F f f

po-

l Ser. 26. in Cant. num. 5. m Ser. 3. in Cant. num. 3. n Ser. 22. di-
ver. num. 7.

potes, huic uni rei dedicaveris, numquid aliquid est vel inter aliqua computandum? Paulò ante vitam tuam pro vita sua Christo reddideras: & nunc iterùm eam totam præcedentium exigit recordatio peccatorum. Quisquis ardentè non desiderat pænitentiam (o) videtur operibus dicere, non indigere se penitentiâ; & ita suam non confitetur culpam, aut non posse prodesse ei pænitentiam. Vera confessio (p) & vera pænitentia tunc est, quando sic pænitet hominem peccasse, ut crimen suum non repetat. Nihil pejus est quàm culpam cognoscere, nec deslere. Et quia miseratio Dei occulta est, (q) ideo sine intermissione flere necessè est. Audi beati Isidori verba: Non oportet pænitentem de peccatis suis habere securitatem. Quare? Quia securitas negligentiam parit, negligentia verò sepè hominem incautum ad priora peccata reducit. Nec tibi blandiaris (r) si graviter peccanti levior pænitentia vel à nesciente vel à dissimulante dictatur, cùm purgatorius ignis perficere debeat, quidquid hîc minus feceris: quia dignos fructus pænitiæ requirit Altissimus. Hinc considerandum est (s) quàm gravis sit pæna gehennæ, quàm longa, quàm infructuosa: è contrario autè pænitentia præsens sit levis, brevis, & fructuosa. Penitenti (t) necessaria sunt tria hæc: *Abstinencia*, per quam carnis superbia edomatur: *Lectio*, cujus fructu reformandus in vigorem animus faginatur: *Oratio*, cujus munimine ac tutela proteguntur virtutum examina. Præstante Domino nostro

o Ser. 2. in Vig. Nat. Dom. num. 1. p Tract. de inter. domo cap. 28. num. 65. tom. 5. pag. 434. q Tract. de modo bene vivendi cap. 27. num. 79. r Ser. de S. Andr. num. 5. tom. 6. pag. 785. s Ibidem num. 10. t Lib. sentent. num. 22. tom. 6. pag. 997.

nostro Jesu Christo (u) cui honor & gloria in sæcula sæculorum, Amen.

C A P U T V.

**De mysterio crurum Christi non confraCTORUM,
& de latere ejus lanceâ perforato.**

1. *Ostenditur, caput Christi pertinere ad Divinitatem, pedes ad humanitatem: quorû unus vocatur misericordia, alter iudicium. Crura ejus comparantur columnis marmoreis. Docemur, alta Dei & profunda esse abscondita diabolo: nec non Caput Christi significare Divinitatem, pedes inscrutabilia iudicia ejus. Agitur de cute, carne, & ossibus animæ nostræ.*
2. *Ostenditur, ideo perforatum esse latus Christi, ut per vulnus visibile videamus invisibile vulnus amoris in corde ejus, quod vulneratum est potius amore, quàm mucrone lanceæ.*
3. *Ostenditur, ideo perforatum esse latus Christi, ut nobis pateat ingressus ad cor ejus in quo habitamus, contemplando voluntatem ejus & charitatem.*
4. *Ostenditur, ideo perforatum esse latus & cor ejus, ut in utroque habitare, vigilare, & quiescere valeamus, gustando delicias spirituales quæ ibi continentur.*
5. *Ostenditur, in vulneribus Christi securam esse habitationem & requiem mentis nostræ. Excitemur, ut in eis tota devotione & jugi meditatione demoremur. Meditatio & intuitio vulnerum Christi est Martyrum confortatio & fortitudo.*
6. *Ostenditur, quanta fuit vis amoris in Martyribus erga Jesum Crucifixum.*

§. I.

Judæi ergo (quoniam parasceve erat) ut non remanerent in cruce corpora Sabbato , rogaverunt Pilatum ut frangerentur eorum crura & tollerentur. Veniunt ergo milites , & primi quidem latronis fregerunt crura , & alterius qui crucifixus est cum eo . Ad Jesum autem cum venissent , ut viderunt eum jam mortuum , non fregerunt ejus crura . Facta sunt enim hæc , ut Scriptura impleretur : Os non comminuetis ex eo . Joan. 19. & Exod. 12.

SI rectè Apostolo visum est (a) caput Christi referre ad Deitatem , puto & nobis non incongruè videri pedes ad Hominem pertinere: quorū alterum *miseri cordiam* , alterum *judicium* nominemus . Nota sunt vobis duo ista vocabula: & de plerisque Scripturæ locis ambo pariter si cogitatis occurrunt . Quia verò *miseri cordiam* pedem Deus in carne cui se univit assumpsit , docet Epistola ad Hebræos, *tentatum perhibens per omnia Christum pro similitudine absque peccato , ut misericors fieret* . Quid illum alterum pedem qui *judicium* nuncupatus est , nonne ad Hominem æque assumptum & ipsum pertinere ipse Deus Homo apertè significat , ubi datam sibi perhibet à Patre *potestatem judicium facere , quia filius hominis est* . His duobus ergo pedibus aptè sub uno Divinitatis capite concurrentibus natus ex muliere , factus sub lege , invisibilis Emmanuel in terris visus est , & cum hominibus conversatus est . His certè per-

tran-

¹ *Serapion Constantinus. 9. 2. Serapion Constantinus. 4.*

transit & nunc, benefaciendo & sanando omnes oppressos à diabolo, sed spiritualiter, sed invisibiliter. His inquam pedibus devotas perambulat mentes, incessanter lustrans scrutansquè corda & renes Fidelium. Vide autem (b) ne fortè hæc illa sint Sponsi Jusu *crura*, quæ sponsa tam magnificè commendat in consequentibus, comparans ea *columnis marmoreis fundatis super bases aureas*. Pulchrè omnino, quoniam quidem incarnatâ Dei Sapientiâ (quæ auro designatur) *misericaordia & veritas* objaverunt sibi: deniq: universæ viæ Domini sunt *misericaordia & veritas*. Felix mens cui semel Dominus Jesus utrumque infixerit pedem. A duobus signis cognoscite eam quæ hujusmodi est, quæ secum necesse est referat divinis impressa vestigiis. Ipsa sunt *timor & spes*: ille *judicii*, ista *misericaordiae* repræsentans imaginem. Videte Mariam Magdalenam (c) *judicii* pedem fortiter attendentem, dum nobilis & lasciva mulier convivantium faciem non attendit, sed extenso corpore provolvitur pedibus Majestatis doloris plena, timoris impatiens, compunctionis jaculo vulnerata. Sed & *misericaordiae* pedem labiis impressioribus osculatur, in cujus spe firmiter inhæret vestigiis Redemptoris, donec audiat: *Remittuntur tibi peccata tua*. En secus corporales pedes jacens (d) ac pœnitens audit peccatrix: *Remittuntur tibi peccata tua*. Et recognoscit eum, de quo ex multis retrò temporibus scriptum legerat: *Egredietur diabolus ante pedes ejus*. Ubi nempè peccatum remittitur, ibi proculdubio diabolus de corde peccatoris expellitur. Hinc universaliter de cunctis pœnitentibus dicit: *Nunc*

Fff 3 judi-

b Ibidem. num. 5. c Ser. de M. Magd. n. 6. d Ser. 6. in Cant. n. 2.

*iudicium est mundi, nunc princeps huius mundi ei-
cietur foras: quod scilicet humiliter confitenti re-
mittat Deus peccatum, & diabolus eum quem in
hominis corde invaserat, amittat principatum. De-
nique ambulat super undas carnalibus pedibus, cui
necdum carne vestito jam Psalmista præcinerat: In
mari via tua, & semita tua in aquis multis. Quod
est, conculcas corda tumentia superborum, & fluxa
desideria carnalium comprimis, justificans impios,
& superbos humilians. Quod tamen quia invisibili-
ter fit, homo carnalis non sentit à quo fit. Unde & sub-
dit: Et vestigia tua non cognoscuntur. Hinc rursus Pater
ad Filium: Sede, inquit, à dexteris meis, donec po-
nam inimicos tuos scabellum pedum tuorum: hoc est,
donec omnes qui te contemnunt, tuæ voluntati su-
bjiciam, sive invitos & miseros, sive voluntarios &
beatos. Porro (e) Esajas inquit: Seraphim duabus alis
velabant caput ejus, & duabus pedes: ut nec alta Dei,
nec profunda ejus iniquus ille (diabolus) valeat con-
templari. Erit cum revelabitur gloria Domini, sed
non erit hoc nisi factum fuerit ante quod scriptum
est: Tollatur impius ne videat gloriam Dei. Inte-
rim sanè velatur Caput Domini, velantur Pedes, &
medium quidem aliquid eidem impio diabolo viden-
dum, sed ad invidendum utique relinquatur. Et ve-
lantur alis, quæ nimirum sic illum arceant, ut istos
sustineant & sustollant. Non est corporalis Divina
substantia (f) nec in formam hominum membris di-
stincta corporeis. Spiritus est Deus, & quæ de eo di-
cuntur, spiritualiter vestiganda sunt. Alioquin quis
nobis revelabit hoc Caput, & Pedes istos quos ge-
minis*

minis alis Seraphim velant, nisi Spiritus ipse qui novit omnia quæ in eo sunt, & scrutatur etiam alta Dei. Ego enim opinor ipsa esse quæ in hoc loco Capitis nomine designantur. Itaque secundum hunc sensum *Caput* ejus, est Majestas ejus, potestas ejus, sempiterna Virtus atque Divinitas. *Caput* ejus juxta illud propheticum, *Justitia tua sicut montes Dei*. Nempè quod sequitur, *Justitia tua abyssus multa*, non incongruè fortè videbitur *pedum* posse appellatione signari. Sunt enim velut quidam pedes ejus, investigabiles viæ ejus, inscrutabilia judicia ejus, profundum sapientiæ, & irreprehensibilis quædam sed incomprehensibilis dispositio ejus. Ad hos *pedes* ipsum quoque Dominicæ Incarnationis mysterium specialiter cognoscitur pertinere, & omnis pariter operatio nostræ salutis. Beatus David in Psalmo (g) de justis loquitur dicens: *Multæ tribulationes iustorum, sed ex omnibus his liberabit eos Dominus: custodit Dominus omnia ossa eorum, unum ex his non conteretur*. Quod nemo dictum esse de corporeis ossibus arbitretur, præsertim cum tot beatorum Martyrum ossa confracta sint manibus hominum impiorum, & contrita dentibus bestiarum. Sed miranda prorsus & miseranda humanarum conditio animarum, quæ licet tam multa foris ingenii vivacitate percipiant, nulla tamen perspicacitate semetipsas, sicut sunt, nosse aut cogitare sufficiant: sed egeant omnino figuris & ænigmatibus quibusdam corporearum similitudinum, ut ex visibilibus & exterioribus possint vel aliquatenus invisibilia atque interna conicere. Ponamus itaque velut

quandā animæ *cutem* cogitationem , *carnem* affectionem , ut consequenter *os* ejus intentionem possimus accipere . Sic enim erit in *ossis* integritate animæ vita , in *carnis* incorruptione sanitas , in *cutis* specie pulchritudo . Quæ sunt autē tribulationes justorum , nisi quod interdum decoloratur *cutis* , cū videlicet inutilis cogitatio in corde versatur ? Nonnunquam verò etiam *caro* vulneratur , quando scilicet ad hoc usque cogitatio perniciosa procedit , ut delectatione corrumpatur affectio . Nam *ossa* quidem justorum omninò integra atque illæsa custodiuntur à Domino , ut nunquam frangatur propositum cordis eorum , nunquam salubris intentio conteratur , ut videlicet concupiscentiæ titillanti etiam detur assensus . Sicut enim peccati cogitatio decolorat , affectio vulnerat , sic consensus omninò animam necat . Caveamus ergo , dilectissimi , (h) cogitationes inutiles , ut animarum nostrarum facies decora permaneat : ut obliti quæ retrò sunt , id est populum nostrum & domum patris nostri , concupiscat Rex speciem nostram . Quòd si fortè aliquando per incuriam & negligentiam nostram transierit cogitatio inutilis in affectum cordis , scientes quoniam non macula est jam , sed plaga , tota festinatione ad auxilium Spiritus Sancti qui adjuvat infirmitatem nostram , recurramus , clamantes illud de Psalmo & dicentes : *Domine miserere mei , sana animam meam , quia peccavi tibi* . Intentionem verò (i) & propositum mentis ea sollicitudine custodiamus , qui vitam animarum nostrarum volumus custodire : quoniam illud omninò est peccatum ad mortem , cū ex consensu & de-

libe-

liberatione delinquimus, proprio judicio condemnati. Noverit enim excidisse se à justitia, quicumque ejusmodi est. Cujus os confractum est & comminutum, noverit præcisum se à corpore Christi, de quo nimirum legitur: *Os non comminuetis ex eo*. Unde & in Passione sua licet plagis virgarum in livorem decolorata sit *cutis*, ut livore ejus nos sanaremur; licet clavis vulnerata sit *caro*, & lanceâ latus ejus apertum, ut Sanguine ejus redimeremur: Os tamen non est comminutū ex eo. Propterea & sanctus David: *Non est, inquit, occultatū os meum à te quod fecisti in occulto*. Et in alio Psalmo, *Ossa ait, mea ut cremiā aruerunt*. Quod tunc fit, cum omnem delectationem boni prorsus amisisse videtur anima, solamquē sibi aridæ intentionis fortitudinem reservasse. Et vide ne fortè tale aliquid etiam beatus Job pateretur cum diceret: *Pelli mea consumptis carnibus adhæsit os meum*: ut videlicet corrupta affectione, vix solam sibi intentionem spiritualis cogitatio vendicaret.

S. I. I.

Ad Jesum autem cum venissent, ut viderunt eum jam mortuum, non fregerunt ejus crura: sed unus militum lanceâ latus ejus aperuit. Facta sunt enim hæc ut Scriptura impleretur quæ dicit: Videbunt in quem transfixerunt. Joan: 19. & Zach: 12.

Cognosce anima mea (k) cognosce: hic est Dominus Deus noster, Jesus Christus saluator tuus, Unigenitus Dei Filius, verus Deus, verus homo: qui
solus

solus sub Sole sine macula inuentus est. Et ecce (l) ferrum pertransiit Animam ejus, & appropinqua-
uit Cor illius, ut non jam non sciat compati infir-
mitatibus tuis. Nihilominus & propterea quoque
vulneratum est Cor ejus (m) ut per vulnus visibile
vulnus amoris inuisibile videas. Quomodo hic
amor melius ostendi potest, nisi quod non solum
Corpus, verumetiam ipsum Cor lanceâ vulnerari
permisit? Patet arcanum Cordis (n) per foramina
Corporis, patet magnum illud pietatis sacramen-
tum, patent viscera misericordiæ Dei nostri, in
quibus visitavit nos Oriens ex alto. Quidni viscera
per vulnera pateant? In quo enim clariùs quàm in
vulneribus tuis eluxisset, quod tu Domine suavis
& mitis sis, & multæ misericordiæ? Maiorem
enim miserationem nemo habet, quàm ut animam
suam ponat quis pro addictis morti & damnatis.
Foderunt & perfodeunt (o) non solum manus &
pedes tuos, latus quoque & sanctissimi Cordis inti-
ma fororis lanceâ perforauerunt, quod jam dudum
amoris lanceâ fuerat vulneratum. *Vulnerasti*, (in-
quit in Canticis amoris Sponsus) *cor meum soror
mea sponsa, vulnerasti cor meum*. Vulneravit Cor
tuum Domine Jesu sponsa tua, amica tua, soror
tua: quid necessarium fuit illud ab inimicis ultra
vulnerari? Quid agitis ô inimici? Si vulneratum est,
imò quia vulneratum est cor dulcis Jesu, quid secun-
dum vulnus apponitis? An ignoratis, quod vno
vulnere tactum cor emoritur, & fit insensibile?
Mortuum Cor Domini Jesu, quia vulneratum pos-
sedis

l Ser. 61. in Cant. num. 4. m Tract. de vite myst. cap. 3. num. 10.
n Ser. 61. in Cant. num. 4. o Tract. de vite myst. cap. 3. num. 7.

sedit vulnus amoris, possedit mors amoris Domini cor Sponsi Jesu: quomodo mors altera introibit? Fortis est ut mors, imò verò etiam fortior quàm mors dilectio. Non enim potest prima mors expelli, id est, dilectio malarum mortium mortificatrix à domo cordis, quam sibi inviolabili iure, suo vulnere acquisivit. Si duo æquè fortes concurrunt, quorum unus sit in domo, alter verò deforis: quis dubitet eum qui deintus est, obtinere victoriam? Et vide quanta sit vis amoris domum cordis obtinentis, & per vulnus dulcissimi occidentis in Domino Jesu. Carnale ergo vulnus (p) vulnus spirituale ostēdit. Et hoc fortassè intuit ipsa auctoritas prælibata, in qua bis positum est, *vulnerasti*. Utriusque enim vulneris ipsa soror & sponsa causa est. Ac si Sponsus apertè diceret: Quia zelo amoris tui vulnerasti me: lanceâ quoque militis vulneratus sum. Quis enim cor suum palo vulnerari permetteret, nisi prius amoris illius vulnus percepisset? Dicit ergo: *Vulnerasti cor meum soror mea sponsa, vulnerasti cor meum*. Sed quare soror & sponsa? an non poterat sufficientem Sponsi amantis affectum ostendere solius sororis vel solius sponsæ positio? Vel quare sponsa & non uxor, cum quotidie vel Ecclesia, si-ve quælibet fidelis anima Sponso suo Christo bonorum operum sobolem debeat generare? Paucis dico: Solent sponsæ nondum alligatæ conjugali vinculo amari ardentius, quàm postea. Tempore enim procedente amor ipse componitur. Sponsus ergo noster Jesus, ut magnitudinē insinuatet sui amoris qui tempore non decrevit, amicam suam sponsam appellat,

pellat, ed quodd illius amor semper nouus sit. Sed quia sponsæ etiam carnaliter diliguntur (q) ut in amore Sponsi nostri nil carnale sapias, ipsam sponsam suam sororem appellat, quia sorores jam nequaquam carnaliter adaman- tur. Dicit ergo: *Vulnerasti cor meum soror mea sponsa*. Tanquam dicat: Quia summè te diligo ut sponsam, castè ut sororem, vulneratum est cor meum propter te. Quis illud cor tam vulneratum non diligit? Quis tam amantem non redamet? Quis tam castum non amplectatur? Diligit profectò vulneratum illa anima, quæ nimio illius amore vulnerata proclamat: *Vulnerata charitate ego sum*. Numquid non redamat Sponsum amantem, quæ dicit: *Nunciate dilecto, quia amore langueo*? Fraternaliter se amantem amore complectitur, quæ dicit: *Quis mihi det te fratrem meum surgentem ubera matris meæ, ut inueniam te foris, & complectar & deosculer, & jam me nemo despiciat*? Quis autem est foris? Æstimo quod extra corpus. Quamdiu sumus in hoc corpore, peregrinamur à Domino. Quis hanc peregrinationem patienter ferat, quæ est plena dolore præteritorum, labore præsentium, timore futurorum? In qua etsi Sponsus se aliquando gratiâ consolationis exhibeat, stat tamen longè quasi post parietem, corpore hoc peccati separante inter nos & ipsum: nec facillè præbet se tangendum & osculandum, nisi illi animæ quæ in tantam altitudinem meritorum processit, ut dicat ei: *Surge amica mea, columba mea, formosa mea*: quæ sola licet rarò aliquo modo arbitrans se comprehendisse proclamat: *Inveni quem diligit anima mea, inue-*

inveni illum, nec dimittam. Sed ad hunc gradum non facile quis ascendit. Nos igitur adhuc intus, id est, in corpore manentes, quantum possumus, amemus, redamemus, amplectamur vulneratum Jesum nostrum, cujus impii agricolæ foderunt manus & pedes, latus & cor: stemusquæ ut cor nostrum durum adhuc & impænitens amoris sui vinculo constringere & jaculo vulnerare dignetur. O quàm bonum (r) & quàm jucundum est, tecum, ô dulcissime Jesu, habitare in unum, tecum colloqui, tibi revelare causam animæ nostræ, tuæquæ consolationis responso perfrui! O quàm bonum est, ad te inhabitantem lucem inaccessibilem duce charitate accedere, cui, si tantum dux nostra fuerit, nihil manere poterit inaccessum! Novit Cor tuum, ô dulcis Iesu, charitatis lanceâ vulneratū viam facere charitati, cui perpetuò non claudetur. Accedite ergo ad eum per eum, gressibus charitatis, & illuminamini. Gustate quoniam suavis est Dominus. Foderunt manus ejus & pedes [s] latusquæ lanceâ foraverunt: & per has rimas licet vobis sugere mel de petra, oleumquæ de saxo durissimo: id est, gustare & videre quoniam suavis est Dominus.

§. I I I.

Vnus militum lanceâ latus ejus aperuit. Joan. 19.

Ad hoc perforatum est latus Jesu Christi (t) ut nobis pateat introitus. Nec verendum est (u) quòd patia-

r Ibid. cap. 27. n. 103. & 104. s Ser. 61. in Cant. n. 4. t Tract. de vite myst. cap. 3. n. 10. u Ser. 62. in Cant. n. 6. & 7.

tiamur repulsam, qui & vocamur ut intremus; *Ingredere* (inquit Isajas) *in petram, abscondere in fossa humo à facie timoris Domini, & à gloria majestatis eius*. Fossam humum intelligimus illam quæ ait: *Foderunt manus meas & pedes meos*. Et quidem Dominus meus Jesus (x) post cætera inæstimabilis suæ erga me beneficia pietatis, etiam dextrum sibi propter me passus est latus fodi: quod videlicet non nisi in dextera mihi locum parare refugii vellet, Utinam ego talis merear esse columba, quæ in foramine petræ habitet, & in foramine lateris dextri, In hujus quippè ostio paradisi [y] Divini susurrii vox auditur, & sacratissimum secretissimumquè consilium, quod absconditum est à sapientibus & prudentibus, parvulis revelatur. Cujus sanè vocis auditum non sola jam ratio capit, sed gratanter eum communicat & voluntati. Paradisus noster (z) Christus Dominus est. Ideo ipsum desidero videre (a) & tangere sicut Thomas ille vir desideriorum; & non solum videre & tangere, sed accedere ad sacrosanctum lateris ejus Vultus, ostium Arcæ, quod factum est in latere: ut non tantum mittam digitum vel totam manum, sed totus intrem usque ad ipsum cor Jesu, in Sancta Sanctorum, in Arcam testamenti, ad unam auream, naturam nostræ humanitatis, continentem intra se manna Divinitatis. Ibo mihi (b) ad illa sic referta cellaria, atque ad admonitionem Prophetæ Jeremiæ relinquam civitates, & habitabo in petra: ero quasi columba nidificans in summo ore

x *Ser. 7. super J. 11. 90. n. 15.* y *Tract. de Conver. ad Cleric. cap. 14. n. 26.* z *Ser. 1. in N. D. n. 6.* a *lib. 1. de amore Dei cap. 1. n. 1.* b *Ser. 61. in Cant. n. 6.*

ore forāminis, ut cum Moysē positus in foramine
petræ, transeunte Domino, merear saltem *posteriora*
eius prospicere. Nam faciem stantis, idest, incom-
mutabilis claritatem quis videat, nisi qui introduci
jam meruit non in sancta, sed in Sancta Sanctorum?
Dominus Deus [c] ad Moysen ait: *Non videbit*
me homo super terram & vivet. Ac si diceret: Tan-
tæ sum in natura divina claritatis, ut homo consti-
tutus in mortali carne videre me nequaquam pote-
rit absque sui consumptione. Inde est quodd cum
Moyses in multa constantia Domino supplicaret,
dicens: *Domine ostende teipsum mihi*, ait: *Sta in*
foramine petræ, & cum pertransiero, videbis poste-
riora mea: faciem autem meam videre non poteris.
Hoc ait, per faciem designans divinitatem, per po-
steriora Humanitatem: quam tamen Moyses corpo-
rali intuitu non vidit, sed posteris videndam reliquit.
Nec vilis tamen (d) aut contemnenda posteriorum
contemplatio. Habent etiam aliquid & postero-
ra Domini quod videre delectet. *Foderunt manus*
eius & pedes (e) latusque lanceâ foraverint: & per
has rimas licet mihi sugere mel de petra, oleumque
de saxo durissimo, id est, gustare & videre quoniam
suavis est Dominus. Cogitabat cogitationes pacis,
& ego nesciebam. Quis enim cognovit sensum
Domini, aut quis consiliarius ejus fuit? At clavis
referans, clavus penetrans factus est mihi, ut videam
voluntatem Domini. Quidni ibi (f) videatur cor
Dei? Quidni ibi probetur quæ sit voluntas Dei bo-
na, & beneplacens, & perfecta? Bona in se, placens
in

c Tract. de 3 pæcip. myst. cap. 7. n. 20. d 847. 61. in Cant. n. 6. e Ibi-
dem n. 4. f lib. 5. de consid. cap. 4. n. 9.

in effectibus, beneplacens fruentibus, perfecta perfectis, & nihil ultra quærentibus. Patent viscera misericordiæ, patent cogitationes pacis, divitiæ salutis, mysteria bonæ voluntatis, benignitatis arcana, quæ clausa mortalibus, etiam electis suspecta sunt. Id quidem salubriter, ne desinant timere, dum necdum dignè amore idonei inveniuntur. Cæterùm (g) quia semel venimus ad cor dulcissimum Jesu, & bonum est nos hîc esse; ne sinamus nos facile avelli ab eo, de quo scriptum est: *Recedentes à te in terra scribentur*. Quid autem accedentes? Tu ipse doce nos. Tu dixisti accedentibus ad te: *Gaudete quia nomina vestra scripta sunt in cælis*. Concordemus hæc, quia si sic hi qui in cælis scripti sunt, quid ergo illi qui in terra scribentur? Lugebunt utique. Sed quis nolit gaudere? Accedamus ergo ad te, & exultabimus & lætābimur in te memores cordis tui. Ad hoc templum [h] ad hæc Sancta Sanctorum, ad hanc Arcam testamenti adorabo & laudabo nomen Domini dicens cum David: *Inveni cor meum*, inquit, *ut orem Deum meum*. Et ego dicam: Inveni cor Regis, fratris & amici benigni Jesu. Et numquid non adorabo? Orabo utique. Cor enim illius mecum est. Audacter dicam: Si caput meum Christus est, quomodò quod Capitis mei est, non meum est? Sicut enim corporalis capitis mei oculi, mei oculi verè sunt: ita & spirituale Cor, cor meum est. Benè ergo mihi. Ego verò cum Jesu cor meum habeo. Et quid mirum? Cùm multitudinis credentium fuerit cor unum. Hoc igitur corde tuo, & te in eo dulcissime Jesu invento, orabo te

Deum

Deum meum. Admitte tantum in Sacrarium exau-
ditionis tuæ preces meas: imò me totum trahe in
Cor tuum. Licet enim tortuositas peccatorum
meorum impediat me, tamen quia Cor illud incom-
prehensibili charitate dilatatum est & ampliatum,
& tu qui solus potes facere mundum de immundo
conceptum semine, ut depositâ gibbi sarcinâ per fo-
ramen acus possim transire. O omnium pulchritu-
dinum speciosissime Jesu, ampliùs lava me ab ini-
quitate mea, & à peccato meo munda me: ut pu-
rificatus per te, ad te purissimum possim accedere, &
in Corde tuo omnibus diebus vitæ meæ merear ha-
bitare, & ut videre simul semper & facere tuam va-
leam voluntatē. Audi quæso vocem meam, (i) & tuæ
vivificæ morti tuum servum Domine Jesu configu-
ra, faciens quidem in me ut moriar secundum car-
nem, vivam autem secundum spiritum justitiæ.
Ut autem integram Crucifixi imaginem me portare
glorier, illud quoque quod post mortem tuam insa-
tiabilis malitia impiorum in te exercuit, hanc in
me similitudinem exprime. Vulneret cor meum
vividus & efficax sermo tuus, penetrabilior omni
lancea acutissima, pertingens usque ad divisionem
animæ meæ, & producens ex ea tanquam de dexte-
ro latere meo vice sanguinis & aquæ amorem tuum
Domine, & fratrum tuorum.

§. I V.

Videbunt in quem transfixerunt . Zach. 12.

Ad hoc vulneratum est Jeshu Christi(k) ut in illo ab exterioribus perturbationibus absoluti habitare possimus . Utinam ego talis merear esse columba [l] quæ in foramine lateris dextri habitet . Considera, ô homo christiane , hoc vulnus Jeshu penitus non sensit . Neque enim illud excipere voluit , nisi jam soporatus in morte : ut moneret te quamdiu vivis , non solum in hujus semper lateris vigilare custodia , sed & mortuam censi eam animam oportere , quæ quidem perniciose insensibilitate dissimulet in dextera sibi vulnus infligi . O quàm bonum (m) & quàm jucundum habitare in corde Jeshu ! Bonus thesaurus , bona margarita cor tuum bone Jeshu , quam fosse agro tui Corporis inveniemus . Quis hanc margaritam abiiciat ? Quin potius dabo omnia , omnes cogitationes & affectus mentis commutabo , & comparabo illam mihi , jactans omnem cogitatum meum in cor Domini Jeshu , & sine fallacia illud me enutriet . Quoniam (n) in ipso sunt omnia . Ibi remedium vulnerum , ibi subsidia necessitatum , ibi refarcitus defectuum , ibi profectuum copiarum sunt repositæ . Ibi denique quidquid accipere vel habere hominibus expedit , quidquid decet , quidquid oportet , reperitur . Proinde accedendum est (o) ad cor humil-

limum

K Tract. de vite myst. cap. 3. n. 10. I Ser. 7. sup. Psalm. 90. n. 15.
m Tract. de vite myst. cap. 3. n. 8. n Ser. 86. in Cant. n. 3. o Tract.
de vite myst. cap. 44. n. 169.

himum Altissimi Jesu per javuam lateris lanceati: ibi proculdubio thesaurus ineffabilis, desiderabilis charitatis latet; ibi nova devotio invenitur: inde lachrymarum gratia extrahitur: ibi discitur mansuetudo, patientia in adversis, compassio in afflictis. Præcipuè autem cor contritum & humiliatum ibi invenitur. Quis dabit mihi pennas sicut columbæ (p) & volabo & requiescam. Ibi requiem invenit mansuetus & simplex. Ex hoc sanè suspiciat per foramen (q) prospiciat per cancellos, prædulcem radium prosequatur obtutur: & Magorum sedulus imitator lumen lumine quærat. Inveniet enim locum tabernaculi admirabilis, ubi panem Angelorum manducet homo: inveniet paradisum voluptatis plantatum à Domino: inveniet hortum floridum & amænissimum: inveniet refrigerii sedem, & dicet: O si audiat vocem meam misera illa voluntas, ut ingrediens videat bona, & visitet locum istum: hic nimirum inveniet requiem ampliolem, & me quoque eò minùs inquietabit, quò minùs inquietabitur ipsa. Nec verò locum reputes corporalem paradisum hunc voluptatis internæ. Non pedibus in hunc hortum, sed affectibus introitur. Nec terrenarum tibi commendatur arborum copia, sed virtutum utique spiritalium jucunda decoraquè plantatio. Hortus cōclusus est, ubi fons signatus in quatuor capita derivatur, & ex una Sapientiæ vena virtus quadripartita procedit. Splendidissima quoque inibi lilia vernant: & cùm flores apparent, etiam vox turturis auditur. Illic nardus Sponsæ fragrantissimum præstat odorem, & cætera quoque aromata

G g g 2 fluunt,

fluunt, Austro spirante, Aquilone fugato. Ibi media est arbor vitæ, malus illa de Cantico cunctis preciosior lignis sylvarum, cujus & umbra Sponsam refrigerat, & fructus dulcis gutturi ejus. Ibi continentia nitor & sinceræ veritatis intuitus oculos cordis irradiat. Auditui quoque dat gaudium & lætitiā dulcissima vox Consolatoris interni. Ibi quibusdam spei naribus influit jucundissimus odor agri pleni, cui Dominus benedixit. Ibi avidissime prælibantur incomparabiles deliciae charitatis: & succis spinis ac vepribus quibus antea pungebatur, unctione misericordiae perfusus animus in conscientia bona feliciter requiescit. Quæ quidem non inter vitæ æternæ præmia, sed inter temporalis militiæ stipendia deputantur: nec ad futuram pertinent, sed ad eam magis quæ nunc est Ecclesiæ promissionem. Hoc enim Centuplum est, quod, in hoc sæculo sæculi contemptoribus exhibetur. Nec tibi illud nostro speraveris eloquio commendandum, solus Spiritus est qui revelat. Sine causa paginam consulis, experientiam magis require. Sapientis est cujus precium nescit homo, de occultis trahitur, nec in terra suaviter viventium invenitur ista savitas: nimirum suavitas Domini est, nisi gustaveris, non videbis. *Gustate* (inquit Propheta) & *videte quoniam suavis est Dominus*. Nec desunt foramina (r) per quæ effluat ista suavitas. Foderunt manus ejus & pedes, latusquæ lanceâ foraverunt: & per has rimas licet mihi sugere mel de petra, oleumquæ de saxo durissimo, id est, gustare & videre quoniam suavis est Dominus. O quàm felix eris homo christiane(s) si post-

postquam intra vulnera Iesu Crucifixi fueris intro-
missus, ab hujus mundi strepitu & tentationum in-
cursibus per dimidiam saltem horam omninò va-
leas liberari, & soli ei ad quietem introisti vacans, gu-
stare & intelligere possis quàm dulcis est Dominus.
Profectò hoc solum (t) beata illa anima dicere dele-
ctetur: *Introduxit me Rex in cubiculum suum*. Di-
gna certè quæ de schola humilitatis, duce Spiritu
Sancto in cellaria charitatis (quæ nimirum proxi-
morum pectora intelligenda sunt) per affectionem
introduceretur, unde suffulta floribus ac stipata ma-
lis, bonis scilicet moribus & virtutibus sanctis, ad
Regis demùm cubiculum, cujus amore languet, ad-
mitteretur. Ibi modicùm, horâ videlicet quasi di-
midiâ, silentio facto in cælo, inter desideratos am-
plexus suaviter quiescens, ipsa quidem dormit, sed
cor ejus vigilat, quo utique interim veritatis arcana
rimatur: quorum postmodùm memoriâ statim ad
se reditura pascatur. Ibi videt invisibilia, audit in-
effabilia, quæ non licet homini loqui. Excedunt
quipquè omnem illam quam nox nocti indicat scien-
tiam. O veræ quietis locus (u) & quem non im-
meritò cubiculi appellatione censuerim, in quo Deus
non quasi turbatus irâ, nec velut dissentus curâ pro-
spicitur, sed probatur voluntas ejus in eo bona &
beneplacens & perfecta. Visio ista non terret, sed
mulcet: inquietam curiositatem non excitat, sed se-
dat: nec fatigat sensus, sed tranquillat. Hic verè
quiescitur. Tranquillus Deus tranquillat omnia: &
quietum aspicere, quiescere est. In hoc arcanum, & in
hoc Sanctuariū Dei si quem fortè vestrū aliquā horâ

sic abscondi contigerit, ut minimè evocet aut perturbet, vel sensus egens, vel cura pungens, vel culpa mordens, vel ea certè quæ difficiliùs amoveantur irruentia imaginum corporearum phantasmata: poterit quidem hic cùm ad nos redierit, gloriari & dicere: *Introduxit me Rex in cubiculum suum.*

§. I V.

Columba mea in foraminibus petrae. Cant. 2.

Dominus meus Jesus (x) post cætera inestimabilis suæ erga me beneficia pietatis, etiam dextram sibi propter me passus est latus fodi: quod videlicet non nisi in dextera locum parare refugii vellet. Utinam ego talis merear esse columba, quæ in foramine petrae habitet, idest, in foramine lateris dextri. Ipse enim ait: (y) *Columba mea in foraminibus petrae.* Columbam blandiendo vocat, suam dicit, & sibi asserit propriam. Agit ut Sponsus: sed ut verecundus, publicum erubescit, decernitquè frui deliciis suis in loco sequestri, utique in foraminibus petrae. Foramina petrae vulnera Christi interpretantur. Redè omnino, nam petra Christus est. Bona foramina, quæ fidem astruunt Resurrectionis, & Christi Divinitatem. *Dominus meus* (inquit Thomas) & *Deus meus*. Unde hoc reportatum est oraculum, nisi ex foraminibus petrae? In his passer invenit sibi domum, & tur-tur nidum, ubi reponat pullos suos. In his se columba tutatur, & circumvolitantem inrespida intuetur accipitrem. Et ideo Sponsus ait: *Columba*

mea

mea in foraminibus petrae. Vox columbae: In petra exaltavit me. Et item: Statuit, inquit, supra petram pedes meos. Petra est refugium herinaciis. E revera ubi tanta firmaque infirmis securitas & requies, nisi in Vulneribus Salvatoris? Tantò illic securior habito, quantò ille potentior est ad salvandum. Fremunt mundus, premit corpus, diabolus insidiatur, non cado: fundatus enim sum supra firmam petram. Peccavi peccatum grande, turbatur conscientia, sed non perturbabitur, quoniam Vulnerum Domini Jesu recordabor. Oratio & meditatio (z) ut turtur & columba querimonias dulces submurmurant in foramine petrae, condolentes de Domini Passione. O anima Christiana (a) esto columba in foraminibus petrae; pervola manus, pervola pedes, invola lateri: nihil horum inscrutatum relinquo, sed singula membra compassionis amaritudine perfundas. Suge non tam vulnera (b) quam ubera Jesu crucifixi. Ipse erit tibi in matrem, & tu eris ei in filium: nec pariter Jesum Crucifixum ledere aliquatenus poterunt clavi, quin per manus & pedes ad tuos usque perveniant. Si enim fidem & fiduciam tuam jaces in livores & vulnera Jesu Crucifixi (c) & in tuae salutis usum convertas memoriam Dominicae Passionis, erit Sanguis ipsius pretium tuae redemptionis: mors ejus tibi convertetur ad vitam, suus dolor in gaudium tuum, suae angustiae in tuas delicias, in tuum honorem sua opprobria: & ut multiplicato fervore gratiae tuae obtineas salutem, quam operatus est in medio terrae, tibi cedit in jucunditates aeternas ipsius supplicium

G g g 4

tem-

z. Ser. in fer. 2. Paschae num. 19. a. Tract. de 2. precip. myst. cap. 6. num. 15. b. Epist. 351. num. 1. c. Lib. 7. de amore Dei c. 12. ab. 3. 590

temporale. Idcirco (d) Ecclesia audit: *Columba mea in foraminibus petrae*: ed quodd in Christi vulneribus tota devotione versetur, & jugi meditatione demoretur in illis. Inde Martyris tolerantia, inde illi magna fiducia apud Deum Altissimum. Non est quodd vereatur Martyr exanguem lividamquè faciem lavare ad Jesum crucifixum, cujus livore sanatus est, & gloriosam repræsentare similitudinē mortis ejus. Quid vereatur Martyr, cui etiā à Domino dicitur: *Ostende mihi faciem tuam*? Ad quid? Ut mihi videtur, se magis ostendere vult. Ita est, videri vult, non videre. Quid enim ille non videt? Non est ei opus ut quis se ostendat, à quo nil non videtur, nec si se abscondat. Vult ergo videri, vult benignus Dux devoti militis vultum & oculos in sua sustolli vulnera, ut illius ex hoc animum erigat, & exemplo sui reddat ad tolerandum fortiozem. Enimvero non sentiet sua (e) dū Jesu crucifixi vulnera introebitur. Stat Martyr tripudians & triumphans toto licet lacerto corpore, & rimante latera ferro, non modò fortiter, sed & alacriter sacrū ē carne sua circumspicit ebullire cruorē. Ubi ergo tunc anima Martyris? Nempè in tuto, nempè in petra, nempè in visceribus Jesu crucifixi, vulneribus nimirum patentibus ad introeundum. Si in suis Martyr esset visceribus scrutans ea, ferrum profectò sentiret, dolorem non ferret; succumberet, & negaret. Nunc autem in petra habitans, quid mirum si in modum petrae durverit? Sed neque hoc mirum, si exul à corpore, dolorem non sentiat corporis. Neque hoc facit stupor, sed amor. Submittitur enim sensus, non amit-

d Ser. 51. in Cantabrigia. 7. e Ibidem num. 7.

amittitur. Nec deest dolor, sed superatur, sed contemnitur. Ergo ex petra Martyris fortitudo, inde planè potens ad bibendum calicem Domini. Et calix hic inebrians quàm præclarus est! Præclarus, inquam, atque iucundus non minùs Christo Imperatori spectanti, quàm militi triumphanti. *Gaudium etenim Domini fortitudo nostra.* Quidni gaudeat ad vocem fortissimæ confessionis? Denique & requirit eam cum desiderio: *Sonet, inquit, vox tua in auribus meis.* Nec cunctabitur rependere vicem secundùm suam promissionē continuè, ut qui se confessus fuerit coràm hominibus, confiteatur & ipse eum coram Patre suo. Magna vis prorsùs amoris (f) Martyrum animas introrsùm rapuerat, qui ita sua corpora foris exponere, & tormenta contemnere valuerunt. Terrentur licet Martyres, & rident: (g) feriuntur, & gaudent: occiduntur, & ecce triumphant. Quare? Quia morte charitatis intùs in corde jam dundum mortui peccatis, mortui mundo, tanquam insensibiles facti, nec tormenta, nec mortem sentire potuerunt. Denique (h) in quibus sana erat voluntas, occidi poterant, flecti nequibant. Hoc est, quod dictum est de Joanne: *Fecerunt ei quæcunque voverunt.* Numquid quod voluit ille? Ira & in reliquos Martyres fecerunt: non quod Martyres voverunt, sed quod ipsi. Fecerunt, inquam, in eos quæ voverunt, sed in membra, non in corda. Membra cruciaverunt, sed voluntatem non mutaverunt. Sævierunt in carnem, animæ autem non habuerunt quid fecerent. Sit licet patientis corpus in potestate torquentis, sed volun-

f Tract. de diligen. Deo cap. 10. num. 29. g Tract. de vite myst. cap. 2. num. 8. h Tract. de g. ar. & lib. arb. cap. 12. num. 46.

luntas est libera. Infirma si fuerit, sciendo cognoscent: non esse cogent, si non fuerit. Sanè infirmitas ejus à seipsa est: sanitas verò non à se, sed à Domini Spiritu. Sanatur autem cum renovatur. Quod & nobis conferre dignetur ipse (i) qui constitutus est Rex vivorum & mortuorum. Amen.

CAPUT VI.

De mysterio Sanguinis & Aqua Christi, quæ ex ejus latere perforato emanârunt.

Unus militum lanceâ latus ejus apervit, & continuò exivit Sanguis & aqua. Joan. 19.

1. Ostenditur, Sanguinem & aquam lateris Christi designare Sacramentum Baptismatis. Moyses qui in aqua venit, fuit typus Christi Redemptoris nostri, qui venit in aqua & Sanguine. Proponitur triplex esse testimonium, Spiritus Aqua, & Sanguinis. Spiritus designat charitatem: Aqua baptismum quotidianum, consistentem in compunctione cordis: Sanguis martyrii quotidianum, consistens in quotidiana corporis afflictione. Agitur de sex hydris mysticis, quæ apponuntur in purificationem nostram.
2. Ostenditur, Spiritum & Aquam & Sanguinem operari in nobis tria. Sanguis operatur continentiam à peccatis: Aqua ablutionem à culpis: Spiritus adjuvat infirmitatem nostram. Apponitur nobis triplex aqua Christi, ut eâ utamur in salutem nostram.
3. Ostenditur, sex hydris

drias significare sex observantias institutas ad purificandum corda nostra. Quarum vocabula sunt haec: silentium, psalmodia, vigilia, jejunium, opus manuum, & carnis inmunditia.

S. I.

COgnosce anima mea (a) cognosce: hic est Dominus Deus noster, Jesus Christus Salvator tuus, Unigenitus Dei Filius, verus Deus, verus homo: qui solus sub Sole sine macula inventus est. Et ecce (b) lanistae impiissimi adhuc latus ejus lanceâ perforarunt, & laceratione Sanguinem quo redimimur, cum inundatione aquae manare coëgerunt. Parum erat illis sacrilegis, crucifigere Jesum (c) nisi prius & ipsis illusionibus replevisset Animam ejus. Quid enim ait de illis Scriptura? Et congregaverunt ad eum universam cohortem. Et exuentes eum vestimentis suis, induerunt tunicam purpuream, & chlamydem coccineam circumdederunt ei. Et plectentes coronam de spinis imposuerunt capiti ejus, & arundinem in dextera ejus. Et genu flexo illudebant ei dicentes: Ave Rex Judaeorum. Et dabant ei alapas, & expuentes in eum, accipiebant arundinem & percutiebant caput ejus. Et postquam illuserunt ei, induerunt eum vestimentis suis ut crucifigerent bajulantem sibi crucem. Et perduxerunt eum in Golgotha, & vinum myrrhatum dabant ei bibere cum felle mixtum: & cum gustasset, noluit bibere. Tunc crucifixerunt eum, & cum eo duos latrones: hunc & hunc. medium autem Jesum.

a Ser. de Pass. Dom. 15. b Tract. de 3. precip. m. 15. c Ser. de Pass. Dom. 11. d Ser. 22. in Cant. 17.

Jesus autem dicebat: Pater, dimitte illis, quia nesciunt quid faciunt. Postea sciens Jesus quia consummata erant omnia, ut Scriptura impleretur, dixit: Sitio. Et currens unus ex eis acceptam spongiam implevit aceto, & imposuit arundini, & dabat ei bibere. Cum ergo accepisset acetum, dixit: Consummatum est. Et clamans voce magna, dixit: Pater, in manus tuas commendo spiritum meum. Et inclinato capite emisit spiritum. Tunc unus militum lanceâ latus ejus aperuit, & continuo exiit sanguis & aqua in redemptionem nostræ salutis. Expergisce nunc anima mea, excutere de pulvere, & contemplare Virum hunc memorabilem, quem in speculo Evangelici sermonis quasi præsentem intueris. Ad cumulum pietatis (d) tradidit in mortem Animam suam, & de proprio latere protulit precium satisfactionis, quo placeret Patrem. Inspice lateris aperturam (e) quia nec illa caret rosâ, quamvis ipsa subrubea sit propter mixturam aquæ, quia, sicut narrat Joannes Evangelista, cum unus militum lanceâ latus ejus perforasset, exiit sanguis, & aqua. Ipse est enim Jesus Christus qui venit per aquam, & non per aquam solum, sed per aquam & Sanguinem. Exiit Sanguis & aqua, per quæ Baptismatis accepimus Sacramentum. Inde est (f) quod hic quoque Evangelista cum dixisset: Quis est qui vincit mundum, nisi qui credit quia Jesus est Dei Filius? Ut autem planius faceret eam commendari fidem, per quam Christus in cordibus nostris habitat, addit continuo de ipsius adventu dicens: Hic est qui venit per aquam & sanguinem Jesus Christus. Adhuc autem supereminentio-

rem

rem viam ostendens: *Et spiritus est*, inquit, *qui*
tificatur quoniam Jesus est Filius Dei. Sanè quod
interponit, signanter repetens: *Non in aqua solùm,*
sed in aqua & sanguine, ad Moyfi differentiam arbi-
tror accipiendum. Moyses quidem in aqua venit,
à qua & nomen accepit ut Moyses vocaretur. Re-
colant [g] quibus nota est historia veteris testamen-
ti, quemadmodum in Ægypto dum paruuli omnes
Israëlitici germinis necarentur, expositum in aquis
Moysem tulerit filia Pharaonis. Et vide si non ma-
nifestè Christi & in hoc ipso videtur præcessisse figu-
ra. Simili nempè cum Pharaone etiam Herodes
suspicionem laborans, ad eadem conversus est crude-
litatis argumenta, sed eodem modo est ipse delusus.
Utrobique pro unius suspecta persona trucidatur nu-
merositas puerorum: utrobique qui quærebatur,
evadit. Et quomodo Moysen filia Pharaonis, ita
Christum quoque Ægyptus (quæ non immeritò Pha-
raonis intelligitur filia) suscepit conservandum.
Manifestè tamen plusquam Moyses hic, utpote qui
venerit non in aqua tantum, sed in aqua & Sangu-
ine. *Aquæ enim multæ, populi multi*. Venit ergo
Moyles in aqua tantum, qui congregavit quidem
populum, sed populum non redemit. Nam & ipsa
quoque de servitute Ægyptiaca liberatio, non Moyfi,
sed Agni Sanguine facta est, liberandos nos præfigu-
rans à vana nostra conversatione hujus seculi, San-
guine Agni immaculati Christi Jesu. Hic est ve-
rus Legisfer noster, apud quem copiosa est redem-
ptio: mortuus est enim non tantum pro gente, sed
ut filios Dei qui dispersi erant, congregaret in unum.

Me-

Memento sanè hunc esse Ioannem Evangelistam, qui vidit & testimonium perhibuit (& scimus quia verum est testimonium ejus) exiisse de latere Domini dormientis in cruce Sanguinem Jesu Christi simul & aquam : quo videlicet dormienti novo Adæ nova de latere suo proferretur pariter & redimeretur Ecclesia , Sic ergo ad nos per aquam & Sanguinem venit (h) ut sit *Aqua & Sanguis* testimonium adventûs ejus, fideique victricis . Non solum autem, sed testimonium est majus his quod perhibet *Spiritus veritatis* . Horum trium testimonium verum certumque est , & felix anima quæ meretur illud accipere . *Tres enim sunt , qui testimonium dant in terra: Spiritus, Aqua , & Sanguis* . In aqua quidem *Baptismum* intellige , in Sanguine *martyrium* , in Spiritu charitatem . Spiritus enim est qui vivificat, & fidei vita est dilectio . Denique si quæris quid Spiritui & charitati ? Respondeat Paulus : *Quia charitas Dei diffusa est in cordibus nostris per Spiritum Sanctum , qui datus est nobis* . Necessariò quoque Spiritus additur Aquæ & Sanguini , cum (eodem Apostolo teste) sine charitate quidquid habeas , nihil prosit . Jam verò (i) quia *Baptismum aqua* , *martyrium sanguine* designari : ideo memento & unicum & quotidianum esse Baptismum , similiter & Martyrium . Est enim & martyrii genus quædam effusio sanguinis in quotidiana corporis afflictione . Est Baptismus aliquis in compunctione cordis , & lachrymarum assiduitate . Sic quippè infirmis & pusillis corde necesse est, ut quem semel pro Christo ponere non sufficiunt , saltem mi-

tiori

tiori quodam sed diuturniori martyrio sanguinem fundant. Sic & Baptismi Sacramentum quoniam iterari non licet, his qui sæpius in multis offendunt, frequenti oportet ablutione suppleri. Unde & Prophetæ: *Lavabo, inquit, per singulas noctes lectum meum, lacryarum meis stratum meum rigabo.* Sex hydriæ sunt positæ his(k) qui post Baptismum in peccata labuntur: de his enim loquimur, quia de his sumus. Exuimus quidem tunicam veterem: sed heu peius reinduimus eam. Lavimus pedes nostros sed peius inquinavimus eos. Sicut ergo quod alius inquinaverat, lavit alius: sic inquinatos à nobis, lavari opus est à nobis. Aliena lavit aqua, quos culpa inquinaverat aliena. Nec tamen sic alienam dixerim, ut negem nostram, alioquin nec inquinaret. Sed *aliena* est, quia in Adam omnes nescientes peccavimus: *nostra*, quia etiam in alio; nos tamen peccavimus, & nobis iusto Dei iudicio imputatur, licet occulto. Verumtamen, ut jam non sit quod causeris, ô homo, contra inobedientiam Adæ datur tibi obedientia Christi, ut si gratis quidem venundatus es, gratis & redimaris. Si nesciens in Adam periisti, nesciens vivificeris in Christo. A primo homine in te manavit macula, quâ inquinatus es: à Christi latere manavit aqua, quâ mundatus es. Nunc jam inquinatus propriâ culpâ, propriâ nihilominus aquâ munda heris, ab illo tamen & per illum, qui solus est purgationem faciens peccatorum. Christus utique lavat nos in confessione (l) lavat nos lacrymarum imbre, lavat sudore penitentiae: magis autem

K Ser. 1. in Dom. 1. post. oct. Epiph. n. 3. I Ser. 4. in dedicat. Eccl.
7767.49

tem lavat nos aquâ illâ preciosâ , quæ de fonte pietatis, idest ab ejus latere emanavit. *Prima* ergo hydria (m) & prima purgatio in *compunctione* est, de qua legimus: *In quacunque hora ingemuerit peccator, omnium iniquitatum eius non recordabor. Secunda* hydria & purgatio est *confessio*. Omnia siquidem in confessione lavantur. *Tertia* hydria & purgatio est *eleemosynarum* largitio. Hinc enim habes in Evangelio: *Date eleemosynam, & ecce omnia munda sunt vobis. Quarta* hydria & purgatio est *remissio* injuriarum, secundum quod orantes dicimus: *Dimitte nobis debita nostra, sicut & nos dimittimus debitoribus nostris. Quinta* hydria & purgatio est *afflictio corporis*: unde & oramus, ut mundi per abstinenciam Deo canamus gloriam. *Sexta* hydria & purgatio est *obedientia* præceptorum, sicut audierunt Discipuli: *Vos mundi estis propter sermonem, quem locutus sum vobis*. Nimirum quia non erant sicut hi quibus dicitur: *Sermo meus non capit in vobis*: sed in auditu verbi obedierant ei. Hæ sunt sex hydrizæ positæ in purificationem nostram, quæ vacuæ sunt & plenæ vento, si pro inani gloria observantur. Aquâ repleantur, timore Dei custodiantur, quoniam timor Domini est fons vitæ. Aqua, inquam, timor Domini est, etsi minùs sapida, sed optimè refrigerans animam noxiis desideriis æstuantē. Aqua est, quæ jacula inimici ignita possit extinguere. Nam nec illud dissonat, quod aqua semper ima petit, & timor ad ima cogitationem deducit, & in inferioribus immoratur, atque loca horrenda pavidâ mente collustrat, juxta illud *Esaja: Vadam ad portas inferi*. Sed divina

na

na virtute aqua mutatur in vinum, quando perfecta charitas foras mittit timorem. Quid est perfecta charitas (n) nisi perfecta sanctitas? Qui perfecte vivit, non habet unde in inferno damnetur, sed unde in cælo coronetur. Qui perfectam habet in se charitatem, non timet in inferno puniri, sed sperat in cælo cum Deo gloriari. Unde dicitur in Psalmo: *Gloriabuntur in te omnes, qui diligunt nomen tuum*. Ergo timor non est in charitate, sed perfecta charitas foras mittit timorem. Timor prius venit in corde hominis, ut præparetur locus charitati.

§. I I.

Ex epistola Beati Joannis (o) discimus testimonium dari triplex in cælo, triplex in terra. Et quidem pro meo sapere, illud stabilitatis, hoc reparationis est signum. Illud Angelos, istud homines: illud beatos à miseris, istud iustos discernit ab impiis. Angelis siquidem, qui in prima illa prævaricatione superbiente lucifero, in veritate steterunt, meritò testimonium perhibet visio Trinitatis, Patris, Verbi, & Spiritus: hominibus verò, quos divina miseratio salvat, spiritus, aqua, & sanguis. Quidni perhibeat estimoniū Pater, à quibus honoratus est, ut pater? *Tres sunt [p] qui testimonium dant in terra, spiritus, aqua, & sanguis*. Scitis Fratres, quia in primo homine peccavimus omnes, in ipso etiam cecidimus universi. Cecidimus sanè in carcerem luto pariter & lapidibus plenum. Exinde jacebamus

H h h

capti-

n Tract. de modo bene vivendi. cap. 4. num. 9. o Ser. 2. in oct. Pasche
num. 1. p Ibidem num. 4.

captivi, inquinati, conquassati, donec venit desideratus gentibus, qui nos redimeret, oblueret, adjuvaret. Hic est enim Jesus Christus crucifixus, qui *Sanguinem* proprium dedit in redemptionem, *Aquam* simul produxit de latere suo in ablutionem: emisit deinde de exalto *Spiritum* suum, qui adjuvaret infirmitatem nostram. Vis nosse ô homo, an hæc aliquid operentur in te, ne fortè reus sis *Sanguinis* Domini quem evacuas quantum in te est; sed & *Aqua* ipsa quæ debuorat mundare, in sordibus permanenti iudicium damnationis accumulet: *Spiritus* quoque cui resistis, non liberet maledictum à labiis tuis? Cavendum enim ne sint tibi hæc infructuosa, quæ necessariò essent pariter & damnosa. Quis autem est (q) qui testimonium habet effusi non sine causa *Sanguinis* Christi, nisi qui continet à peccatis? Servus enim peccati est, qui peccatum facit: ut si deinceps continere potuerit, & jugum abicere miseræ servitutis, certissimum sit testimonium redemptionis, quam operatur sine dubio Sanguis Christi. Verùm non sufficit peccatori continentia, si non etiam adsit penitentia. Habet ergo & ab *Aqua* testimonium, qui laborat in gemitu suo, lavans per singulas noctes lectum suum. Sicut enim *Sanguis* ille redemit, ut non regnet peccatum in nostro mortali corpore: sic *Aqua* illa abluit ab his peccatis quæ commisimus ante. Sed quid erit quòd longo catenarum usu & carceris habitatione crudeli confracti sumus, atque collisi defecimus in via vitæ? Invocemus *Spiritum* vivificantem & adiutorem, confidentes quia dabit Pater, qui in cælis est, spiritum bonum

num petentibus se. Sanè nouum supervenisse Spiritum certissimè conversatio nova testatur. Jam ut breviter repetam, à Sanguine & aqua & spiritu habere est testimonium, si contines à peccatis, si dignos agis pœnitentiæ fructus, si facis opera vitæ. Omnes certè ad nuptias Agni vocati sumus[r] & in conspectu ejus vacuos apparere non licet. Diligenter ergo consideremus quæ apponuntur nobis, quoniam talia oportet nos præparare. Consideravit beatus Clemens vinum tibi appositum esse à Domino, & ipse quoque quoniam dives fuit, ad nuptias illas vinum nihilominus proprii sanguinis effusione portavit. Sed nos pauperes sumus, & vinum, Domine Jesu, non habemus. At ille, *Implete*, inquit, *hydrias aquâ*. Ergone & ipsa suscipietur aqua si attulerimus eam? Utique suscipietur. Nam & ipsam cum vino nobis appositam inveniet, qui secundum monita Sapientis diligenter consideravit quæ sibi apponuntur, ab eo nimirum qui venit non in aqua solum, sed in aqua & Sanguine. Testimonium enim perhibuit qui vidit, quodd aperto latere Domini dormientis in cruce exierit Sanguis & aqua. Et nos ergo, fratres[s] ut vel fideles nos probemus Deo nostro, si martyrium sanguinis non habemus [martyrium enim testimonium est] quæramus vel testimonium aquæ, & ne ipsum quidem despiciet Deus. *Tres sunt enim qui testimonium dant in terra, Spiritus, Aqua, & Sanguis*. Beati quibus trinum superpetit testimonium, quoniam funiculus triplex difficilè rumpitur. Nos si Sanguinis testimonium non habemus, habeamus Spiritum & Aquam: quoniam

H h h 1 sine

sine Spiritu nec Sanguis nec Aqua sufficiet; imò verò si Spiritus ipse sine Aqua aut Sanguine invenitur, sufficit testimonium ejus: quoniam Spiritus veritatis est, nec Sanguis nec Aqua quidquam proderunt à seipsis, sed Spiritus est qui testificatur in illis. Sanè tamen aut vix aut nunquam sine Aqua, aut Sanguine Spiritum arbitror inveniri. Propterea, charissimi, quæramus vel Aquam, qui Sanguinem non habemus. Et quoniam hydriarum supra fecimus mentionem, quæramus mensuras binas vel ternas, quas hydiæ capiebant. Nam & Christus triplicem nobis apponit Aquam, & perfectus omnis qui fuerit in nobis sicut ipse, qui videlicet tres metretas habere potuerit. Propter hoc enim sub distinctione dicitur, *binas vel ternas*, ut duas adminus constet necessarias esse, tertiam non ab omnibus exigendam. Accipe igitur triplicem Aquam [t] quam tibi Salvator apponit. Plorat super Lazarum & super Civitatem Jerusalem, & hæc est *aqua prima*. Sudavit imminente jam Passionis hora, & hæc est *aqua secunda*, non ab oculis tantum, sed à toto Corpore manans. Jam verò *tertia* est *aqua*, quam & prædiximus de latere ejus unà cum Sanguine emanasse. Et tu ergo *primam* quidem aquam habes, si rigas lachrymis tuis conscientiae tuæ stratum, & dolore compunctionis præteritorum diluis maculas peccatorum. *Secundam* aquam habes, si in sudore vultus tui vesceris pane tuo, & labore pænitentiae corpus tuum castigas, ac restinguis concupiscentiae flammam. Jam verò si proficere potes usque ad devotionis gratiam, potaberis *aquâ Sapientiæ* salutaris: & Spiritus Christi

sti

ſi qui ſuper mel dulcis eſt, fiet in te fons aquæ ſalientis in vitam æternam. Et memento hanc eſſe Aquam, quæ proceſſit de latere dormientis, & ſine omni moleſtia fluxit. Oportet enim jam mortuum eſſe mundo, qui in hac voluerit gratia delectari. Jam ut breviter repetam: *prima* quidem aqua à præteritis delictis abluit conſcientiam: *ſecunda* aqua ut futura caveas, extinguit concupiſcientiam: *tertia* aqua ſi ad eam pervenire merueris, potat animam ſitientem. Aquarum uſus eſt irrigatio [u] quam proſectò maximè neceſſariam habent novæ plantationes. Alioquin aut minùs proficient, aut ex toto peribunt præ ſiccitate. Quærat ergo devotionis aquas, quiſquis ſeminaverit bonorum operum ſemina, ut irrigatus fonte gratiæ, bonæ converſationis hortus non areſcat, ſed in perpetua viriditate proficiat.

§. I I I:

Præterea [x] videamus adhuc quod ſequitur. Erant [ait Evangeliſta] *hydriæ ſex poſitæ ſecundum purificationem Judæorum*. Vel ex hoc poteſt maniſeſtiùs advertere non plenitudinem, ſed præparationem nuptiarum eſſe, ubi nimirum adhuc opus eſt purificatione. Deſponſationis itaque nuptiæ iſtæ ſunt, non copulationis. Abſit enim illis in nuptiis fore vaſa purificationis, quando glorioſam ſibi Chriſtus Eccleſiam exhibebit, non habentem maculam neque rugam, aut aliquid huiusmodi. Ubi autem non erit macula, quæ purificatio erit neceſſaria?

H h h 3

Notæ

Nunc utique lavandi tempus est, nunc purificationem patet esse necessariam: quoniam nemo mundus à sorde, nec infans cujus est unius diei vita super terram. Nunc abluitor sponsa, nunc purificatur, ut in cælestibus illis nuptiis Sponso suo sine omni macula præsentetur. Quæramus ergo hydrias sex, in quibus hæc ablutio Iudæorum, id est, confitentium purificatio fiat. Ego quidem has sex hydrias positas [y] intelligo esse sex observantias Servis Dei propositas, in quibus tanquam Judæi purificari debeant. Sunt autem istæ: Silentium, Psalmodia, Vigiliæ, Jejunium, Opus manuum, Carnis munditia. *Primo*, in hydria *Silentii* purificamur à peccatis quæ verbositate contrahimus. Cujus vitii sunt octo species. Est enim verbum stultum, vanum, mendax, ociosum, dolosum, maledicum, impudicum, excusatorium. Quæ nimirum pestis de loquacitate nascitur, & per silentii censuram aut evértitur funditus, aut certè ne multum noceat, reprimitur. *Secundo*, in *Psalmodia* fit duplex confessio, ubi & peccator de culpis compungitur, & Deo laudes super judicia justitiæ suæ dicuntur. In hac ergo hydria Judæus quisque qui scilicet rectè confitetur, purificatur ab immundo spiritu blasphemiae, cui ante conversionem subiacebat. Dum enim seipsum laudaret, ac Deum accusaret, quid aliud quàm blasphemuserat? An non sunt blasphemi qui dicunt: *Non est aqua via Domini?* An non insipiens est ille blasphemus, qui dicit in corde suo: *Non est Deus?* Jam verò conversus & confessus, canticisque divinis instructus, correctâ vitâ corrigit & verba; sequè ipsam

ipsum accusans, mala sibi computat; Deum autem laudans, bonum quod in se videt, non sibi, sed illi applicat: & hoc totum agitur in Psalmodia. Per Psalmodiam accipe quidquid Deo canitur cum mentis melodia, sive sint Psalmi, sive Hymni, sive etiam quaecunque Cantica. *Tertiam* hydriam diximus esse *Vigilias* [a] quas semper debet comitari orationum instantia. Unde & Dominus in Evangelio legitur in oratione pernoctasse: & discipulos suos exhortans, utrumque simul conjunxit dicens: *Vigilate & orate, ut non intretis in tentationem*. Tales Vigiliae abluunt nos à sordibus quas contraximus per somnolentiam resoluti, dum oblivione quadam à via salutis intepuimus ac torpuimus. *Quarta* hydria est *Jejunium*, de quo quis dubitet an & ipsum purificet? Vera est illa sententia: *Contrariis curantur contraria*. Si ergo per gulam peccavimus & ingluviem, quid restat nisi ut per abstinentiam reparemur? Nec solum hujus vitii fit per jejunium purificatio, insuper & virtus ad expellendos daemones comparatur, dicente Domino: *Hoc genus in nullo potest exire, nisi in oratione & jejunio*. *Quinta* hydria [a] dicitur *Opus manuum*. In quo si quaeratur an sit aliqua purificatio, facile potest inveniri per multa. Nam ut plurima præteream, hoc solum quanti sit præconii, quantæ gratiæ, quis dignè æstimet suo se quemque labore transigere, ac nullius aliquid desiderare? Ac ne me quisquam putet hæc magis declamatoriè quàm ex veritate proferre, audiat ipsum Doctorem nostrum in fide & veritate Apostolum Paulum scribentem ad Thessalonicenses, hæc

H h h 4

ipsa

2. Ibidem num. 2. 2. Ibidem num. 3.

ipsa docentem ac præcipientem: Rogamus vos, inquit, *fratres*, ut abundetis magis, & operam detis ut quieti sitis, & ut vestrum negotium agatis, & operemini manibus vestris sicut præcepimus vobis: & ut honestè ambuletis ad eos qui foris sunt, & nullius aliquid desideretis. Denique audiat eundem ipsum facientem quæ docebat: *Ipsi enim scitis*, inquit, *quemadmodum oporteat vos imitari nos: quoniã non inquieti fuimus inter vos. Neque panem gratis manducavimus ab aliquo, sed in labore & in fatione nocte & die operantes; ne quem vestrũ gravaremus. Item audiat docentem quæ faciebat: Cũ essemus apud vos; hæc denunciabamus vobis: quoniam si quis non vult operari, nec manducet. Vides quàm sollicitè observandum præcepit Doctor Gentium opus manuum? Cur hoc tantopere curavit, nisi quia sicut bonus & diligens pastor hoc ovium salutis plurimũ expedire providit? *Sexta hydria* (b) est *Carnis munditia*. In hac fit purificatio ab illa quinquepartita corporis illecebra; visũs, auditũs, gustũs, odoratũs, tactũs. Et cætera quidem prædicta, id est, Silentium, Psalmodia, Vigiliæ, Jejunium, Opus manuum, exerceri sine ista possunt: sed si lumbi præcincti non sint, id est, si desit carnis munditia, lucernæ ardentes quid proderunt? Hinc ergo colligendum est, quàm sit necessaria hujus hydryæ purificatio, quæ sola omnibus supradictis æquipollentem obtinet vim salutis. Et notandum est, quòd in his omnibus observantiis quatuor primas debemus nobis, quintam proximo, sextam Deo. Nam silentium, psalmodiam, vigilias, & jejunium debet quisque*

b *Ibidem num. 4.*

que exercere propter seipsum, hoc est propter suam disciplinam: opus manuum propter proximum, ne quem gravet, sed magis habeat unde tribuat necessitatem patienti: carnis munditiam propter Deum, ut illi placeat, & ejus voluntatem faciat. Unde scriptum est in Epistola Pauli ad Thessalonicenses: *Hæc est enim voluntas Dei, sanctificatio vestra, ut abstinatis vos à fornicatione: ut sciat unusquisque vestrum suum vas possidere in sanctificatione & honore. Quod autem illæ hydriæ lapideæ dicuntur, significat quod sine aliqua difficultate observari non possunt, & quod dura & aspera via est quæ ducit ad vitam. Vel certè lapideæ dicuntur propter fortitudinem, ne facile frangantur aut dissoluantur, & effundatur liquor gratiæ qui in eis continetur: quod utique citò contingere posset, si vel fictiles essent, vel ligneæ, seu cujuslibet alterius fragilis materiæ. Vel etiam lapideæ dicuntur, id est Christianæ, à lapide Christo: ut scilicet in fide Christi fiant. Ipse autem det vobis ea quæ dicuntur (c) non solum tenere memoriter, sed & ardentè diligere, & efficaciter adimplere Sponsus Ecclesiæ Jesus Christus Dominus noster, qui est super omnia Deus benedictus in sæcula. Amen.*

C A P U T V I I.

De quatuor fontibus Jesu Christi crucifixi, qui procedunt de pectore ejus ad irrigandum Ecclesiam suam.

Haurietis aquas in gaudio de fontibus
Saluatoris. *Esa. 12.*

I. *Osten-*

1. Ostenditur, quatuor fontes procedere de pectore Christi, Veritatem, Sapientiam, Virtutem, & Charitatem. Ex fonte Veritatis hauriuntur aquæ iudiciorum, in quibus cognoscimus quid liceat, vel quid non liceat. Ex fonte Sapientia hauriuntur aquæ consiliorum, in quibus discernimus quid expediat, vel quid non expediat. 2. Ex fonte Virtutis hauriuntur aquæ præsidiorum, quæ abluant electos à culpis, vel refrigerent in tormentis. Ex fonte Charitatis hauriuntur aquæ desideriorum, quorū aliud est quo Deus propter seipsum diligitur, aliud quo proximus diligitur in Deo. Ad dilectionem Dei excitatur mens humana tribus affectionibus. 3. Ostenditur, Jesum Crucifixum esse paradysum nostrum, in quo iuveniuntur quinque fontes, misericordiæ, sapientiæ, gratiæ, charitatis, & vitæ. Ex quibus totidem hauriuntur aquæ, remissionis, discretionis, devotionis, amulationis, & vitæ æternæ.

§. I.

Unus militum lanceâ latus eius aperuit, & continuò exiit sanguis & aqua. Joan. 19.

Dominus meus Jesus (a) post cætera inæstimabilis suæ erga me beneficia pietatis etiam dextrum sibi propter me passus est latus fodi: quodd videlicet non nisi in dextera mihi propinare vellet. Neque enim his tantum profuit (b) quos tunc præsens

^a Ser. 7. super Psal. 90. num. 15. ^b Ser. 1. in Nat. Dom. num. 5.

fons invenit: sed fons est qui nunquam poterit exhauriri. Fons nobis est Christus Dominus unde levemur, sicut scriptum est: *Qui dilexit nos, & lavit nos à peccatis nostris*. Verumtamen non iste solus aquarum est usus, nec tantum sordes abluunt, sed & sitim extinguunt. *Beatus verò* (ait Sapiens) *qui in sapientia morabitur, & qui in iustitia meditabitur*. Et post pauca: *Aqua*, inquit, *sapientiæ salutaris potabit illum*. Esaias quoque ait: (c) *Haurietis aquas in gaudio de fontibus Salvatoris*. Pro paradiso quem perdidimus, restitutus est nobis Christus Salvator. Sicut enim de uno fonte paradisi derivantur quatuor flumina ad irrigandum paradisum: ita de pectoris Christi arcano procedunt quatuor fontes, ex quibus hauriuntur quatuor aquarum genera, unde tota per universum mundum rigatur Ecclesia. Sunt autem quatuor fontes, Veritas, Sapientia, Virtus, & Charitas. Ex his ergo fontibus hauriuntur aquæ, ex singulis scilicet singulæ. Nam de fonte *Veritatis*, sumuntur aquæ *iudiciorum*: de fonte *sapientiæ*, aquæ *consiliorum*: de fonte *Virtutis*, aquæ *præsidiorum*: de fonte *Charitatis*, aquæ *desideriorum*. In aquis *iudiciorum* cognoscimus quid liceat, vel quid non liceat. In aquis *consiliorum* discernimus quid expediat, vel quid non expediat. Sed quia electis viis rectè per hæc gradientibus non desunt tentationes: tentantur enim de duobus, aut terroribus ut concutiantur, aut blandimentis ut seducantur. Idcirco armandi sunt contra terrores præsidiiis divinæ Virtutis, contra blandimenta desideriiis supernæ Charitatis. Desideriis enim meliorum superantur (ut

ait

ait quidam Sanctus) desideria deteriorum . Vel sic possumus procedere . Quid prodest nosse quid liceat & expediat (quod utique docent judicia atque consilia) si posse perfici minimè contingat ? Ideo post aquas judiciorum & consiliorum , quærendæ sunt aquæ *præsidiorum* . Rursùm & posse quid valeat , si horum omnium non sit finis charitas ? Rectè itaque post judicia , post consilia , post præsidia hauriuntur de fontibus charitatis *desideria* : ut videlicet quidquid sapimus aut loquimur , quidquid operamur aut patimur , æternæ vitæ finis concludat . Sed ut hæc (d) quæ dicta sunt de fontibus & aquis , clariùs elucescant , Scripturarum testimoniis reor esse comprobanda , auriquè similitudines quas protulimus vermiculandas argento . Ac primum quod dictum est quatuor illos fontes de pectore Jesu manare , nullum arbitror ambigere . Quomodo autem ex eisdem fontibus hauriantur prædictæ aquæ , id elaborandum est . Veniat ergo David , & dicat quæ ex fonte *Veritatis* procedant *judicia* . Hoc certè videtur sensisse cùm diceret : *De vultu tuo iudicium meum procedat* . Neque enim Vir sanctus iudicium suum diceret , quod de vultu Dei , id est , de Veritate non prodiret . Noverat enim electos Dei Veritatis iudiciis tanquam virgâ ferreâ regi . Et quia sub eorum regimine se esse sentiebat , ideo exultans psallebat : *Judicia Dei vera , justificata in semetipsa : desiderabilia super aurum & lapidem pretiosum multum , & dulciora super mel & favum* . A quibus ne fortè per incuriam devient , audiant vocem Dei Patris per eundem Prophetam comminantis : *Si in iudiciis , inquit , meis*

non

non ambulaverint, & mandata mea non custodierint: visitabo in virga iniquitates eorum, & in verberibus peccata eorum. Hæc myſteria divini judicii referabat cæleſtis regni Clavicularius Sanctus Petrus, cū diceret: *Tempus eſt, ut incipiat iudicium de domo Dei. Si autem primum à nobis: quis finis eorum, qui non credunt Dei Evangelio?* Et hoc de Electis dictum eſt. Ceterū eſt aliud de reprobis iudicium, quod nihilominus ab ipſa Veritate procedit. Unde & per Paulum dicitur: *Scimus enim quoniam iudicium eſt ſecundum veritatem in eos qui talia agunt.* Et utrumque quidem iudicium completur ipſa Veritas Chriſtus, dicens: *In iudicium ego veni in hunc mundum, ut qui non vident, vident: & qui vident, cæci fiant.* Utrumque autem diſcernit cū item dicit: *Et ibunt hi in ſupplicium æternum, juſti autem in vitam æternam.* Quis hoc facit? (e) Reclūs Dominus Deus noſter, qui & cum perverso pervertitur. Neque enim dicitur: (f) omnes viæ ejus ſola miſericordia, *ſed miſericordia & veritas.* Non minùs juſtus quàm miſericors eſt, cui miſericordia & iudicium decantatur. Verū id quidem; cui vult miſeretur, & quem vult indurat: ſed quod miſeretur proprium eſt illi, ex ſe enim ſumit materiam, & velut quoddam ſeminarium miſerendi. Nam quod judicat & condemnat, nos eum quodammodò cogimus, ut longè aliter de corde ipſius miſeratio, quàm animadverſio procedere videatur. Ipſum audiamus dicentem: *Numquid voluntatis meæ eſt mors impij (dicit Dominus) & non magis ut*

con-

e *Lib. 5. de conſiderat. cap. 12. nu. 25.* f *Ser. 5. in Nat. Domini. 3.*

convertatur & vivat? Porro (g) si vidimus quomodo de fonte Veritatis hauriuntur judicia, videamus quomodo de fonte Sapientiæ propinentur Consilia. Quis dubitet Apostoli Paulum esse sapientem, cum & Petrus ejus Coapostolus sapientiam ei datam esse astruat, & ejusdem Pauli Apostoli tota verborum series nihil aliud quàm sapientiam redoleat? Proferat igitur consilia, & per ipsa nos doceat quid peregrinantibus & ad cælestem patriam festinantibus expediat. De virginibus, inquit, *præceptum Domini non habeo: consilium autem do, tanquam misericordiam consecutus à Domino, ut sim fidelis. Existimo ergo hoc bonum esse propter instantem necessitatem, quoniam bonum est homini sic esse: hoc est, in virginitate manere. Si de virginibus præceptum haberet, nil aliud quàm quod præciperetur liceret. Nunc verò cum utrumque liceat, vel nubere, vel non nubere: quid compendiosius dici potuit, quàm bonum est homini sic esse: præsertim cum & necessitatis instantia frequenter obrepere soleat, & citò mori ipsa temporis brevitatis urgeat, totiusquè mundi figura prætereat? Item cum de vidua loqueretur: *Beatior, inquit, erit si sic (id est, innupta) permanferit secundum consilium meum. Ac ne de proprio corde, & non potius de fonte Sapientiæ videretur hoc ipsum consilium deprompsisse, subjecit dicens: Puto quod & ego Spiritum Dei habeam. Haussit utique Paulus de sinu Unigeniti (h) quod de paterno hauserat ille. Haussit, inquam, Paulus, cujus Evangelium non est ab homine, neque ab homine illud accepit, sed per revelationem Jesu Christi. Sed cur ego paucis im-**

mo-

moror exemplis, (i) cū in ejus verbis omnis sexus, omnis conditio consilium inveniat (si diligenter quærat) salutis? Quod si quis curiosius velit perspicere, utrum verum sit quod dictum est, de Sapientia consilia manare, legat Libros qui inscribuntur *Sapientiæ*, ubi totius orationis contextus consilia parare videtur. Si verò consultius & utiliùs studet vitam inde eligere, audiet ipsam salubriter invitantem Sapientiam: Si vis, inquit, *ad vitam venire, serva mandata*. Quæris cujus? *Deum*, inquit, *time, & mandata ejus observa*. Audiat eam ipsam Sapientiam materno affectu inclamantem: *Da mihi cor tuum*. O quantum vellem & ego cor meum in ejus verbum suspendere, de cujus ore mirifico tam dulcia vitæ consilia audio personare. Utinam autem & linguæ meæ calamum in ejus fonte possem intingere, quo idoneus essem ea quoque quæ restant de duobus fontibus, id est Virtutis & Charitatis, utiliter exarare.

S. I I.

Et quoniam quatuor isti fontes (k) ita sibi invicem saporem transfundunt, ut qui de uno biberit, quadam ineffabili dilectionis dulcedine inuitetur ad alium: libet jam de Sapientia ad *Virtutem* transire, & qualiter illinc hauriantur aquæ *præsidiorum*, quantum ab ipsa Virtute adjuvor, ostendere. Sicut autem superius dixi gemina esse Veritatis judicia, quia scilicet determinant quid liceat, vel quid non liceat: itidem Sapientiæ duo esse, hoc est quid expediat,

diat, vel quid non expediat. Ita & hîc agnoscamus de fonte *Virtutis* hauriendas duplices *præsidiorum* aquas, quæ vel abluant electos à culpis, vel refrigerent in tormentis. De utrifque sumamus exemplum. Refert Lucas Evangelista, quoddam quædam mulier quæ fluxum sanguinis patiebatur, erogotâ in medicos totâ substantiâ, cum minimè curari potuisset, accesserit retrò & tetigerit fimbriam vestimenti Domini, & confestim steterit fluxus sanguinis: Jesum verò dixisse: *Quis me tetigit?* Cùmquæ Discipuli responderent: *Turbæ te comprimunt & affligunt, & dicis: Quis me tetigit?* Rursùm repetiisse: *Tetigit me aliquis: nam ego novi virtutem de me exiisse.* Ecce quas aquas præsidii hauserit mulier de fonte *Virtutis*, quibus abluta est à profluvio sanguinis, quæ nulla medicorum arte potèrat sanari. Quod si quis obiiciat prolatum testimonium nihil ad rem præsentis operis pertinere, ed quoddam illa mulier nequaquam abluta esse videatur à culpis, sed tantùm ab ægritudine carnis: noverit moris esse divinæ *Virtutis*, priùs cordi mederi quàm corpori. Unde & alibi cùm quidam ei paralyticus offerretur curandus, tanquam bonus & pius medicus volens sanare priùs quod erat potius, id est mentem quàm carnem, ait eidem paralytico: *Confide fili, remittuntur tibi peccatâ tua.* Itaque sanatâ conscientiâ, consequenter sanatur corpus, cùm dicitur: *Surge, tolle lectum tuum, & vade in domum tuam.* Sic ergo & hujus cor mulieris priùs abluit intus per donum fidei, sicut scriptum est: *Fide mundans corda eorum,* per quam meruit exterius impetrare salutem corporis. Hoc enim innuit ipse Dominus cùm dicit: *Filia,*
fides

fides tua te salvam fecit, vade in pace. Quodd autem de hoc ipso fonte *Virtutis* hauriantur aquæ *præsidia* in tormentis, ostendunt & illi tres pueri in fornacis incendio æstuentis positi, quibus ipsa flamma refriguit. Et præcipuè inclytus ille Martyr Vincentius, qui cùm graviter torqueretur, non solum tolerasse, sed etiam tortorem suum constanter provocasse fertur his verbis: *Insurge, inquit, & toto malignitatis spiritu debacchare, videbis me Dei Virtute plus posse dum torqueor, quàm possis ipse qui torques.* Possent plura de hoc fonte *Virtutis* copiosius dici, sed eum succinctè prætereo: quia de fonte *Charitatis* bibere potius quàm scribere desidero. Ad hunc fontem *Charitatis* (1) invitamur Redemptoris nostri voce dicentis: *Si quis sitit, veniat & bibat, & de ventre ejus fluent aquæ vivæ.* Et secutus Evangelista Ioannes exposuit ad quem fontem nos invitaret dicens: *Hoc autem dixit de Spiritu, quem accepturi erant credentes in eum.* Quem? Spiritum *Charitatis*, quem mundus non potest accipere, sed soli accipiunt qui verè credunt in eum. Ex hoc ergo fonte *Charitatis* hauriamus nobis aquas *desideriorum*, ipsasquè partiamur in geminos riuulos, ut sicut ejusdem *charitatis* duo sunt præcepta, ita sint & desideria gemina, quibus impleantur ipsa præcepta. Aliud enim est desiderium, quo Deus diligitur propter seipsū; aliud est desiderium, quo proximus diligitur in Deo, vel propter Deum. In illo nullus modus præscribitur: sed *ex toto corde, ex tota anima, ex tota virtute diligitur Deus*: in hoc autem præcepto præscribitur quidam modus, cùm dicitur: *Diliges proximum*

1 Ibidem num. 5.

num sicut te ipsum. Illo desiderio flagrabat Prophe-
sa cum diceret: *Sicut ceruus desiderat ad fontes
aquam, ita desiderat anima mea ad te Deus.* Et
item: *Concupiscit & deficit anima mea in atriis Do-
mini.* Hoc exhibebat Apostolus Romanis, quibus
scribebat: *Desideria enim videre vos, ut aliquid
gratia spiritualis impertiar vobis.* Et Dominus in
Evangelio discipulis suis dicebat: *Desiderio desideravi
hoc pascha manducare vobiscum antequam patiar.* Et
notandum est (m) quod ad illud desiderium excita-
tur mens humana specialiter tribus affectionibus ac
provehitur: unde & Deum diligere toto corde, totâ
animâ, tota virtute jubetur. Prima quidem affe-
ctio est dulcis, secunda prudens, tertia fortis est.
Primam habuit Petrus cum Domino mori dissua-
deret: ex corde enim dulciter diligebat, cujus pas-
sionem expauescebat. Sed cum audiret: *vade retrò
satana, non sapis quæ Dei sunt, sed quæ hominis;*
his verbis eruditus Petrus & intelligens quid boni
haberet mors Christi, cepit totâ animâ prudenter
diligere, quem prius tantum diligebat dulciter toto
corde, necdum verò diligebat tota Virtute. Quod si
faceret, nec propter mortis discrimen eum negaret.
At verò post Resurrectionem & Ascensionem dato
desuper Spiritu, tunc demum tota Virtute dilexit,
pro quo etiam horrendum crucis supplicium postmo-
dum subire non expavit. Erga charitatem quoque
proximi exerceamus tripliciter, vel ut ædificetur ipsa
charitas ubi non est, vel certè ne pereat, vel minua-
tur ubi est. Quisquis autem hanc purâ affectu erga
proximum operatur, illam proculdubio Charitatem
quæ

quæ Deus est, ulterius promeretur. Illa denique vera & sincera est charitas, [n] & omnino de corde puro, & conscientia bona, & non ficta judicanda procedere, quâ proximi bonum æquè ut nostrum diligimus. Nam qui magis aut certè solùm diligit suum, convincitur non castè diligere bonum, quod utique propter se diligit, non propter ipsum. Et hic talis non potest obedire Prophetæ David, qui ait: *Confiteamini Domino quoniam bonus*. Amemus ergo, & amemur [o] in altero nobis, in altero nostris consulentes. Nam quos amamus, in ipsis profectò requiescimus. A quibus autem amamur, ipsis nos in nobis requiem paramus. Porro amare in Deo, charitatem habere est: studere verò propter Deum amari, charitati servire est. Utramque dilectionem [p] Dei videlicet & proximi teneo, cum te amo Domine Jesu Christe, qui meus proximus es, quoniam homo es, & fecisti mecum misericordiam, & nihilominus es super omnia Deus benedictus in sæcula.

S. I I I.

Præterea [q] ut de exhibitione præsentium firma sit expectatio futurorum, paradisum habemus multò meliorem & longè delectabiliorem, quàm primi parentes habuerunt: & paradisus noster & Christus Dominus. In quo tres quidem fontes jam invenimus, quartum quaeremus. Habemus de fonte *miseri-*

lii 2 hab-

n Epist. 11. num. 3. o Epist. 90. num. 1. p Ser. 60. in Cant. num. 9. q Ser. 1. in nat. Dom. num. 6.

habemus de fonte *sapientia* ad potandam sitim nostram, aquas *discretionis*: habemus de fonte *gratia* ad irrigandas plantas bonorum operum, aquas *devotionis*. Quæramus etiam ad decoquendos cibos aquas ferventes, aquas *emulationis*. Hæ nimirum con-
diunt & decoquunt affectiones nostras, & ebulliunt de fonte *charitatis*. Unde ait Propheta: *Concalvis cor meum intra me, & in meditatione mea exarscet ignis*. Alibi quoque idem: *Zelus, inquit, domus tuæ comedit me*. Siquidem ex dulcedine devotionis diligens justitiam, ex fervore æmulationis odio habet iniquitatem. Et vide ne de fontibus istis prædixerit *Esaias*: *Haurietis aquas in gaudio de fontibus Salvatoris*. Quatuor itaque fontes istos [r] adhuc in carne viventibus nobis in semetipso Christus exhibet: quintum, qui est *fons vitæ*, post hoc sæculum repromittens, ad quem sitiebat Propheta David cum diceret: *Sitiuit anima mea ad Deum fontem vivum*. Fortassis etiam propter hos quatuor fontes, quatuor in locis vulneratus est Christus adhuc vivens in cruce: propter quintum cum jam tradidisset spiritum, transformatus est in latere. Vivebat ad huc quando foderunt ei manus & pedes, ut nobis adhuc viventibus quatuor fontes ex seipso proferret. Quintum pertulit vulnus cum jam expirasset, ut in se nihilominus quintum nobis fontem post obitum aperiret. Unde ait Apostolus: *Hebetis fructum vestrum in sanctificationem* [s] *finem verò vitam æternam*. Vita æterna est fons indeficiens, qui universam irrigat superficiem paradisi cælestis. Nec modò irrigat, sed inebriat, fons hortorum, puteus aquarum viventium quæ
fluunt

r *Ibidem* num. 8. s *Ser.* 2. de *Virg. Deip.* num. 3.

fluunt impetu de Libano, & fluminis impetus latificat civitatem Dei. Quis verò fons vitæ, nisi Christus Dominus? *Cum Christus* (inquit Apostolus) *apparuerit vita vestra, tunc & vos apparebitis cum ipso in gloria.* Ipse est fons vitæ [t] qui ex ore Altissimi prodiit, de medio ventris Virginalis exilivit, atque inde in quatuor capita sese dispergens, ad irrigandam faciem arentis mundi emanavit, latificans civitatem Dei. Omnis enim qui biberit ex eo, non sitiet in æternum: & erit plusquam paradísus, hic, de cujus aqua si quis biberit, sitiet iterum. Denique (u) audiamus Scripturam quæ ait: *Fluvius egrediebatur de loco voluptatis ad irrigandam universam superficiem terræ, qui inde dividitur in quatuor capita.* Fluvius iste est Deus meus Jesus, qui de duobus locis voluptatis egreditur, ex utero Patris, & ex utero Virginis. Unde Propheta ait: *Dominus Deus noster fluvius gloriosus, exiliens in terram sitientem.* Sed ineffabilibus differentiis longè aliter à Patre quàm à Matre egreditur: quia etsi hæc temporalis nativitas gloriosa est, multò gloriosior est æterna. Egreditur fluvius de loco voluptatis (x) quia gignitur de utero Patris, Deus de Deo, lumen de lumine, de Domino Dominus. Egreditur autem *identitate*: quia idem est cum Patre, idem dico secundum substantiam, non secundum personam. Egreditur & *æqualitate*: quia Patris omnipotentiam recipit, cum omnia quæ possit Pater, possit hæc & Filius, sicut ipse testatur: *Omnia quæ facit Pater, facit & Filius: nec potest Filius facere quidquam nisi*

l i i

3

quod

t Ser. 3. de Virg. deip. num. 4. u Ser. 2. de nat. Dom. num. 3. syn. 6. pag. 615. x Ibidem num. 4.

quod viderit Patrem facientem. Egreditur & *æternitate*: quia licet generetur, non tamen est posterior generante, sed ambo unius antiquitatis sunt, si tamen vocabuli novitatem non exhorretis, quod licet quoquo modo significet quæ dicuntur, longè tamen est à sententiæ maiestatem. Egreditur *similitudine*: quia similis est Patri, Patris imago, splendor gloriæ, & figura substantiæ ejus. Egreditur *alternitate*: quia alius est ab illo, alius dico, non aliud. Ego, inquit, & Pater *unum sumus*. *Unum* dixit, non unus: quia *unum* significat substantiæ unitatem, *unus* verò personarum proprietatem. Sic igitur & longè excellentiori modo de Patre Filius egrediens, innodat Angelicas stationes: quia juxta Salamonem, *Fons sapientiæ verbum Dei in excelsis*. Citharædus puer de hoc fonte pleno ore potaverat, cùm diceret: *Apud te est fons vitæ, & in lumine tuo videbimus lumen*. Apud te, inquit, est fons vitæ, quia tu solus es vita, sed & Filius tuus fons vitæ est. Et ut patenter quod sentiebat ostenderet, subjunxit: *In lumine tuo videbimus lumen*, scilicet ad irrigandam universam superficiem terre. Quanam terra est in ista celorum summitate reposita, quam superfluat & irriget fluvius gloriosus? Regnum celorum, terrarum viventium est. Unde Propheta ait: *Credo videre bona Domini in terra viventium*. Item: *Placebo Domino in regione viventium*. Irrigatio hæc indicibilis est. Inebriantur quippe Angeli ab ubertate domus Dei, & torrente voluptatis ejus potantur. Sequitur: (y) *Qui inde dividitur in quatuor capita*. In quæ quatuor capita? *Primo dividitur in admirationem*:
nam

nam de fragilitate complexionis humanae, de torrente voluptatis bibens tota obstupet illa dignior creatura de Creatoris gloria, & de gloriae ratione. *Secundo* dividitur in *puritatem*: quia non in vase testeo, sed remoto velamine hauriunt aquas in gaudio de fontibus Salvatoris. *Tertio* dividitur in *satiētiam*: quia etsi desiderant in eum prospicere, non tamen desiderium necessitatem, vel necessitas miseriam inducit, sed mirabili modo & semper desiderant, ut semper satientur: & semper satiantur, ut semper desiderent. *Quarto* dividitur in *securitatem*: quia de sua stabilitate certi, perennibus gaudiis immerguntur, expectantes beatam spem & aduentum gloriae magni Dei, quando fiet unū ovile & unus pastor, & superna illa Ierusalē consummabitur in idipsum. Sic influit fluvius iste per Angelicas officinas. Sed haec omnia fides capit, nescit ratio, intellectus ignorat humanus. Haec sunt fortassis illa quatuor, quae Vas electionis felici quaternario in Epistola ad Hebraeos vidit, dicens: *Non accessistis, inquit, ad montem fumantem, sed accessistis ad montem Sion, ad Ierusalem civitatem Dei viventis, ad multorum millium Angelorum frequentiam, ad Ecclesiam primitivorum conscriptam in calis*. Porro dividitur, & in *patientiam* (z) quā peccatores sustinet. Dividitur in *misericordiam*, quā peccatores fouet. Dividitur in *largitatem*, quā proficientes exaltat. Dividitur in *fortitudinem*, quā perficientes conservat. Habeo denique quatuor flumina dulciora prioribus, quae fortassis vestris cordibus dulcius complacebunt. Dominus enim noster elevatus in Cruce largissimas

Sanguinis vndas à quatuor partibus sui Corporis abundantius effudit. Spinis enim pungentibus Sanctissimum Caput niuea ceruice reflexum, & clavis pedes & manus terebrantibus, & lanceâ latus ejus transuerberante, preciosus Sanguis emanauit. Cuius aspersione iudex transit in patrem, iratus in mitem, in misericordiam virga, captiuitas in coronam. Christus ergo est fons latens & occultus in Cælis, fons patens & apertus in terris. Illic de utero Patris, hîc egreditur de vtero Virginis. Illic viuens, terram irrigat viuentium: hîc moriens, terram irrigat morientium. Illic diuiditur in quaternarium *fontem admirabilem*, hîc in *dulcem*, dulcis Dominus, qui est Deus benedictus in sæcula. Amen.

CAPUT VIII.

De depositione Corporis Christi de cruce.

1. *Ostenditur, quanto dolore afficiebatur Mater Jesu, dum videbat corpus ejus deponi de Cruce, ac depositum deosculabatur. Plangebant & Angeli condolentes morti Domini Dei sui, & compatiētes doloribus Dominae suæ.*
2. *Excitamur ad dolendū super mortuum Redemptorem nostrum. Traditur nobis doctrina adorandi Jesum crucifixum, & osculandi pedes & manus & os ipsius. Tria oscula pedum & manuum & oris, designant penitentiam, continentiam, & unionem cum Christo Deo nostro.*
3. *Docemur, per osculum pedum intelligi satisfactionem humilem & verecundam, per osculum manuum designari dona Dei, per osculum oris significari scientiam*

tiam Dei. Ostenditur, spirituales pedes Dei esse misericordiam & iudicium. Utrumque pedem osculandum esse pariter & amplectendum docemur. 4. ostenditur, duas manus Dei esse latitudinem & fortitudinem. Docemur, per osculum oris Dei intelligi Spiritum Sanctum, quem sponsa anima petit sibi dari ad notitiam Sanctæ Trinitatis, & per quem accipiat simul & scientiæ gustum & gratiæ condimentum. Duo labia Dei, sunt Virtus & Sapientia. Duo labia animæ, sunt ratio & voluntas.

§. I.

Cum autem sero factum esset, quia erat parasceue quod est ante sabbatum, & ecce venit quidam homo dives ab Arimathæa ciuitate Judææ, nomine Joseph, qui erat nobilis Decurio, vir bonus & iustus: qui & ipse discipulus erat Jesu, occultus tamen propter metum Judæorum. Hic non consenserat consilio & actibus eorum, qui & ipse erat expectans regnum Dei. Hic audacter introiit ad Pilatum, & petiit corpus Jesu. Pilatus autem mirabatur si iam obisset. Et accersito Contutione, interrogauit eum si iam mortuus esset: & cum cognouisset à Centurione, tunc Pilatus iussit reddi Corpus Jesu. Joseph autem mercatus sindonem mundam, venit & tulit Corpus Jesu, & depositum inuoluit in sindone munda. Matt. 27. Mar. 15. Luc. 23. Ioan. 19.

Cogitare nunc libet (a) quantus dolor tunc in-
fuit Matri Jesu, quanto dolore afficiebantur
pia

a Ser. de lament. V. M. num. 8. tom. 6. pag. 1059.

pia viscera Mariæ. Expectans corpus Christi depo-
 ni, plorabat dicens: Heu me, heu me! Reddite vel
 saltem nunc mæstissimæ Matri extinctum Filium.
 Vel certè si magis libet, me morte illi conjungite,
 ut cum doloribus suis pereant & dolores mei. De-
 ponite illum, quæso, deponite mihi, ut mecum ha-
 beam Corpus exanime, sitquè meus Unicus mihi so-
 latium vel defunctus. Interim Vir quidam nobilis
 nomine Joseph (b) qui erat discipulus Jesu, oc-
 cultus tamen, ad Pilatum accessit, postulans sibi
 donari Corpus Domini Jesu Christi. Quo sibi con-
 cesso, accersivit quendam Virum sapientem & legis
 peritum nomine Nicodemum, discipulum Christi
 occultum similiter: & venerunt ad locum ubi erat
 Dominus crucifixus, secum instrumenta ferentes
 quibus clavos extraherent, & ut eum de Cruce de-
 ponerent. Quos cum benignissima & mæstissima
 Mater aspiceret, & sciret eos Unicum suum velle de-
 ponere de Cruce, quasi de morte confurgens paulu-
 lum revixit anima ejus, & de terra festina exiliens
 (ubi jacebat doloris violentiâ prostrata) quod pote-
 rat adjutorium Mater debilissima illis ministrabat.
 Unus duos illos ac diros clavos trahebat è manibus,
 alius ne corpus exanime caderet sustentabat. Stabat
 & Maria Mater Jesu brachia levans in altum, vul-
 nera contemplans, manus perforatas sacroquè San-
 guine resperfas intuens, vix sustinere se potuit. Jam-
 què manus, brachia sancta, & caput supra triste pe-
 ctus suscepit, ut hoc ultimo & miserando solatio
 posset consolari. Quem ut attingere valuit, amore
 materno ruens in dulcissimos amplexus & oscula.

de

b *Ibidem* num. 9. & 10.

de suo sic malè tractato Filio non poterat satiari. Sed cùm de cruce Corpus ejus fuisset totaliter depositum, præ doloris vehementia & amoris immensitate quasi exanimis facta fuit. Stabat ad Caput extincti Filii mæstissima Mater, & ejus regalem faciem mortis obfuscata palloribus, magnâ rigabat affluentia lachrymarum, Aspiciebat illud reverendissimum Caput coronæ spinæ diris aculeis perforatum, manus illas & pedes sacros clavis ferreis crudelissimè perforatos, latusquè perfossus lanceâ, cum cæteris membris laceratis. Et amarissimè suspirans ac flens, dicebat: O Fili mi dulcissime quid fecisti? Quare crudelissimi Judæi te crucifixerut? Quæ causa mortis tuæ? Commisistine scelus ut tali morte damnareris? Non Fili, non Fili: sed sic tuos redimere dignatus es, ut posteris exempla relinqueres. In gremio meo nunc te mortuum teneo. Quid ego tua Mater Fili mi dilectissime faciam? Væ mihi Fili mi, dulcedo mea, consolatio mea, vita mea. Ubi est illud gaudium indicibile, quod in tua admirabili Nativitate habui? Væ mihi Fili mi! in quantum dolorem & tristitiam versum est illud tam magnificentissimum gaudium? Succurre mihi Fili mi, & Spiritum Sanctum mihi interim infunde, quia jam gaudii illius, quod in obubratione & Angelica salutatione percepi, ferè præ dolore immemor deficio. Interim autè frontem et genas, nasum & oculos, osquè simul frequentius osculabatur, tantâ perfluens affluentia lachrymarum, ut carnem cum spiritu resolvi putares in lachrymas. Rigabat felicibus lachrymis Corpus exanime Filii, & cogitabat mirabilia facta Unici sui, & durissima opprobria & tormenta: quæ viderat oculis

lis suis & auribus audierat, revolvebat in mente, quis videlicet, qualis & quantus fuerat, quem ipsa Virgo concepit illæso pudore, & peperit sine dolore: quem etiam cum summa diligentia lactaverat, custodiebat & educaverat: qui erat ei vita & dulcedo, gaudium & solatium, consilium & refugium, & auxilium vitæ suæ. Videbat, inquam, Dominum & Deum suum, Unicum suum Filium sic viliter & crudeliter pertractatum. Unde dicebat: Dic Fili dilectissime, dic amor unice, vitæ meæ singulare gaudium, unicum solatium, quare sic me dolore periri permittis? Cur tam longè factus es à me? Deus meus consolare animam meam, miserere mei, & respice in me. Dicat qui potest [c] cogitet quantum potest, meditetur si potest, quæ doloris immensitas tunc Maternam animam cruciabat? Non credo plenè enarrari vel meditari posse dolorem Virginis, nisi tantum fuisse credamus, quantum unquam dolere potuit de tali Filio talis Mater. Verumtamen rectum erat amoris, & mæroris continens modum. Non desperabat, sed piè & justè dolebat, sperans tamen firmiter, fortiterquè tenens ipsum secundum promissū suū tertia die resurgere à mortuis. In ipsa enim sola in triduo illo fides Ecclesiæ stabat: & dum unusquisque hæsitabat, hæc quæ fide concepit, fidem quam à Deo semel suscepit, nunquam perdidit, spequè certissima Domini resurgentis gloriam expectavit. Aderant secum quædam sanctæ & paucæ mulieres parvusquè virorum numerus, qui Christum Dominum cum Matre flente amarissimè flebant. Erant similiter & Angeli dolentibus con-

dolentes . Dolebant quidem pio justoque dolore, morti compatientes Dei & Domini sui, si tamen dolere quomodolibet poterant. Sed credo quodd gaudentes erant, eò quodd genus humanum miserum & captivum misericorditer redimebatur . Flebant tamen & ipsi Angeli (ut arbitror) amarissimè mente turbati, videntes Dominā suam, Matrem utiq: Dei sui tam vehementi dolore repletam, tot riuulis lachrymarum perfusam. O quis tunc Angelorum Archangelorumq: etiam contra naturam suam non fleret, ubi Auctor naturæ, Deus immortalis Homo mortuus jacebat? Videbant Christi corpus sic malè tractatum ab impiis, sic laceratum à pessimis jacere axanime, suo Sanguine cruentatum . Videbant etiam illam piissimam, illam Sanctissimam ac Beatissimam Virginem Matrem ejus tantis cruciari singultibus, tam amaris repleti doloribus, tam abundantibus lachrymis madidari, & sic amarissimè flere, ut nullo modo potuerit suas lachrymas refrenare . Et quis poterat tunc à lachrymis abstinere? Fiebat proinde mæror & luctus ab Angelis ibidem præsentibus, qualis decebat Spiritus almos: imò mirarer si omnes Angeli in illa beatitudine ubi flere est impossibile, non flevisset? Credo, propter quod & loquor, quia dolebant si dolere valebant . Sicut enim fuit possibile Deum per assumptum hominem mori, ita possibile erat Angelos bonos dolere de morte Domini sui . Sic enim legimus [d] juxta Isajæ vaticinium : *Angeli pacis amarè flebant .*

§. 11.

Agnosce ô homo (e) quàm gravia sunt vulnera animæ tuæ, pro quibus necesse erat Dominum Christum vulnerati. Si non essent hæc ad mortem, & mortem sempiternam, nunquam pro eorum remedio Dei Filius moreretur. Quid ergo facis homo ingratus? (f) Adora deuotius, & recale frequentius Salutem mundi pro te passam, Vitam pro te mortuam, Fortitudinem infirmatam. Si membrum Christi es, compatere Capiti tuo. Si frater Christi es, commovere Fratri tuo. Plange, dolo cum gemitu & lachrymis super mortem preciosam Unigeniti Dei Patris. Venite quæso & condolete ei omnes (g) qui gaudere desideratis in Domino. Attendite manu fortem nostrum, quomodo contritus est; desiderabilem nostrum, quomodo miserabiliter deformatus est: pacificum nostrum, quomodo in bello peremptus est. Quis hîc gemitus (h) lachrymasquæ contineat? Quis hîc non doleat? Quia si est pium gaudere pio Jesu, ita est pium flere pium Jesum. Vacate & videte quàm amarâ, quàm turpi morte condemnatus est. Sustinet enim adhuc, & diligenter considerat, si quis sit qui simul contristetur: si quem inueniat, qui Sanguinis riuos abstergat, & de Cruce depositum Corpus suum munda sindone non panni, sed cordis inuoluat, & flens cum beatis mulieribus flentibus ad tumulum prosequatur. Legimus in libro experientia:

e Ser. 3. in Nat. D. n. 4. f Ser. de exc. SS. Sac. n. 6. g Tract. de vite n. 5. cap. 5. num. 27. h Ibid. Cap. 4. num. 15. & 16.

entia: (i) Conuertimini ad vos ipsos, et attendat unusquisque conscientiam suam super his quæ dicenda sunt. Explorare velim, si cui vnquam vestrum ex sententia dicere datum sit: *Osculetur me osculo oris sui*. Non est enim cuiusvis hominum ex affectu hoc dicere: sed si quis ex Ore Christi spirituale osculum vel semel accepit, hunc proprium experimentum profectò sollicitat, & repetit libens. Ego arbitror neminem vel scire posse quid sit, nisi qui accipit. Est quippe manna absconditum: & solus qui edit, adhuc esuriet. Est fons signatus, cui non communicat alienus: sed solus qui bibit, adhuc sitiet. Audi expertum quomodo requirit: *Redde mihi*, inquit, *letitiam salutaris tui*. Minimè ergo id sibi arroget mei similis anima onerata peccatis, suæquæ adhuc carnis obnoxia passionibus, quæ suavitatē Spiritus Sancti necdum senserit, internorum ignara planè atque inexperta penitus gaudiorum. Ostendo tamen eidem animæ suæ quæ huiusmodi est, locum in Salutari sibi congruentem. Non temerè assurgat ad Os Serenissimi Sponsi, sed ad Pedes severissimi Domini Jesu Christi crucifixi mecum pavida jaceat, & cum Publicano terram tremens non cælum aspiciat: ne confusa in luminaribus cæli facies assueta tenebris opprimatur à gloria, atque insolitis reverberata splendoribus Majestatis, densioris rursùm cæcitæ caliginis obuoluatur. Non tibi, ô quæcunque es talis anima, non tibi ille locus vilis aut despicibilis videatur, ubi sancta peccatrix peccata deposuit, induit sanctitatem. Ibi Æthiopissa (*Maria Magdalena*) mutavit pellem, & in nouum

nouum restituta candorem, jam tunc fiducialiter veraciterquè respondebat exprobrantibus sibi verbum: *Nigra sum, sed formosa, filia Jerusalem*. Miraris quam id arte potuerit, vel quibus obtinuerit meritis? Paucis accipe, Fleuit amarè, & de intimis visceribus longa suspiria trahens, salutaribus intra se succussa singultibus felleos humores evomuit. Cælestis medicus celerrimè subuerit: quia velociter currit sermo ejus. Numquid non potio est sermo Dei? Est utique fortis & vehemens, & scrutans corda & renes. Hujus ergo beatæ pænitentis exemplo prosternere & tu, ô misera anima, ut desinas esse misera: prosternere & tu in terram, amplectere *Pedes Domini Jesu Christi crucifixi*, placa osculis, riga lachrymis, quibus tamen non illum laves, sed te, & fias una de grege tonsarum quæ ascendunt de lavacro. Ita sanè, ut suffusum pudore ac mærore vultum non ante sostollere audeas, quàm audias & ipsa, *Dimittuntur tibi peccata tua*: quàm audias, *Consurge, consurge captiva filia Sion, consurge, excutere de pulvere*. Sumpto itaque ad *Pedes* primo osculo, nec sic quidem præsumes ad osculum *Oris* assurgere: sed erit tibi gradus ad ipsum medium quoddam aliud osculum, quod secundo loco ad *Manum* accipias. Si dixerit mihi Jesus crucifixus: *Dimittuntur tibi peccata tua*: nisi ego peccare desiero, quid proderit? Exvi tunicam meam: si reinduero eam, quantum profeci? Si rursus pedes meos quos lavêram inquinavero, numquid aliquid lavisse valebit? Sordens omni genere vitiorum jacui diu in luto facis: sed erit sine dubio recidenti, quàm jacenti deterius. Denique qui me sanum fecit, ipsum

mihi dixisse recordor : *Ecce sanus factus es , vade , jam amplius noli peccare , ne deterius aliquid tibi contingat .* Qui autem dedit voluntatam pænitendi , opus est ut addat & continendi virtutem : ne iterem pænitendo , faciamquè novissima mea pejora prioribus . Væ enim mihi etiam pænitenti , si ille statim subtraxerit Manum , sine quo nihil possum facere . Nihil inquam : quia nec pænitere , nec continere . Audio proinde quod consulit Sapiens : *Verbum* (inquit) *in oratione ne iteres .* Paveo & illud quod iudex intentat arbori non facienti fructum bonum . Fateor pro huiusmodi non sum omninò contentus priori gratia , qua jam malorum sum pænitens , nisi & secundam gratiam accepero : ut videlicet dignos faciam pænitiæ fructus , & deinceps non revertar ad vomitum . Hoc ergo restat mihi priùs petendum & accipiendum (k) quàm præsumentia altiora & sacratoria contingere . Nolo repenti fieri summus , paulatim proficere volo . Quantum displicet Deo impudentia peccatoris , tantum pænitentis verecundia placet . Citiùs placas eum , si mensuram tuam servaveris , & altiora te non quæsieris . Longus saltus & arduus est de Pede ad Os , sed nec accessus conveniens . Quid enim ? Recenti adhuc respersus pulvete , Ora sacra continges ? Heri de luto tractus , hodie vultui gloriæ præsenteris ? Per Manum tibi transitus sit . Illa priùs te tergat , illa te erigat . Quomodò erigat ? Dando ut præsumas . Quid istud ? Decor continentiae , & digni pænitiæ fructus , quæ sunt opera pietatis . Hæc te de stercore erigent in spem audendi potiora . Sanè accipiendo do-

K k k

num

k *Ibidem num. 4.*

num, osculare Manum: hoc est, non tibi, sed Nomi-
 ni ejus da gloriam. Da semel, & da iterum, tum
 pro donatis criminibus, tum pro collatis virtutibus.
 Jam tandem in osculis duobus (1) geminum habens
 Divinae dignationis experimentum, forsan non con-
 funderis præsumere sanctiora. Quantum quippè
 crescis in gratia, tantum & in fiducia dilataris. Inde
 fit, ut & ames ardentius, & pulses fidentiùs pro eo
 quod tibi deesse sentis. Porro pulsanti aperietur.
 Jam summum illud quodcunque est summæ digna-
 tionis & miræ suavitatis osculum credo non nagabi-
 tur sic affecto. Hæc via, hic ordo est. *Primò ad Pedes*
procidimus, & ploramus coram Domino qui fecit
nos, ea quæ fecimus nos. Secundò quærimus Manum
sublevantis, & roborantis genua dissoluta. Tertio
cùm ista multis precibus & lachrymis obtinemus,
tum demùm audemus forsitan ad ipsum Os gloriæ
caput attollere (pavens & tremens dico) non solum
speculandum, sed etiam osculandum, quia spiritus
ante faciem nostram Christus Dominus: cui adhæ-
rentes in osculo sancto, unus spiritus ipsius dignatione
efficimur. Tibi Domine Jesu crucifixe[m] tibi meritò
dixit cor meum: Exquisivit te facies mea, faciem
tuam Domine requiram. Nempè auditam fecisti
mihi manè misericordiam tuam, cùm jacenti pri-
mum in pulvere, tuaquè deosculanti reverenda Pe-
dum vestigia, quod malè vixeram remisisti. Porro
in progressu diei lætificasti animam servi tui, cùm
deinde in osculo Manus etiam benè vivendi gratiam
indulsisti. Et nunc quid restat, ô bone Domine,
nisi ut jam in plenitudine lucis, in fervore spiritûs ad

Oris

1 *Ibidem num. 5. m Ibidem num. 6.*

Oris quoque osculum dignanter admittens adimpleas me lætitiâ cum vultu tuo.

§. I I I.

Triplicem quendam animæ profectum (a) sub nomine trium osculorum sermo superior complexus est. Is mihi sermo nunc hac disputatione prosequendus erit. Diximus illa oscula sumi ad Pedes, ad Manum, ad Os Jesu crucifixi, singula singulis referentes. In primo sanè osculo primordia dedicantur nostræ conversionis. Secundum autem osculum proficientibus indulgetur. Porro tertium osculum sola experitur & rara perfectio. Sunt autem hi tres animarum affectus sive profectus (o) expertis duntaxat satis noti & manifesti: cum homo penitens aut de actis malis indulgentiam, aut de bonis agendis gratiam, aut ipsius etiam inductoris & benefactoris sui præsentiam, eo quidem modo quo in corpore fragili possibile est, obtinet intueri. Exterum primum & secundum qua ratione oscula nomina verim, manifestius accipite. Osculum, pacis indicium esse omnes novimus. Porro autem si (ut Scriptura loquitur) *peccata nostra separant inter nos & Deum*, tollatur de medio quod interest, & pax est. Cum ergo satisfacimus ut ablato quod separat peccato reconciliemur, indulgentiam quam recipimus, quid nisi quoddam osculum dixerim pacis? Idquæ interim non alibi, quam ad Pedes Crucifixi sumendum. Humilis quippè & verecunda debet esse satisfactio, qua emendatur superba transgressio. At cum etiam ad vivendum emendatiùs, Deoque digniùs conversandum, placida quadam amplioris gratiæ familia-

K k k

2

rita-

ritate donamur, cum ampliori fiducia caput jam levamus de pulvere, Largitoris nostri Jesu crucifixi *Manum* osculaturi, si tamen de accepto munere non nostram, sed Auctoris gloriam quærimus, ei quæ suadona & non nobis adscribimus. Alioquin si in te & non magis in Domino gloriaris, propriam profectò & non Domini manum osculari convince- ris, quod juxta Beati Job sententiam est *iniquitas maxima, & negatio in Deum*. Si ergo ad Scripturæ testimonium propriam gloriam quærare, propriam est osculari manum, profectò qui dat gloriam Deo, Dei dicitur non incongruè Manum osculari. Et in hominibus quidem ita esse videmus, servos videlicet offensorum dominorum osculari solere pedes, cum ab ipsis veniam petunt; & pauperes divitum manus, cum ab eis munus accipiunt. Verum quia spiritus est Deus (p) & nullis simplex illa substantia membris distincta corporeis; erit forsan qui nullo- modo de illo recipiat tale aliquid, sed à me sibi Dei Manus & Pedes flagitet demonstrari, sicquæ proba- ri quod de osculo Pedum Manusquæ diffinio. Sed quid si & ego vicissim ab ipso meo sciscitare de Ore quoque Dei requisiero, quatenus quod de Oris osculo Scriptura loquitur, ad Deum pertinere demon- stret? Nempè aut cum isto simul & illa habet, aut cum illis pariter & isto caret. Sed enim & Os habet Deus, quo docet hominem scientiam: & *Ma- num* habet, qua dat escam omni carni: & *Pedes* habet, quorum terra scabellum est, ad quos nimirum peccatores terræ conversi atque humiliati satisfac- ciunt. Hæc, inquam, habet Deus omnia per effe- ctum.

Aum, non per naturam. Invenit profectò apud
 Deum & verecunda confessio, quò se humiliando
 deiiciat; & prompta devotio, ubi se innovando
 reficiat; & jucunda contemplatio, ubi excedendo
 quiescat. Verùm illos spirituales Pedes Dei [q]
 quos primo loco spiritualiter osculari pœnitentem
 oportet, præterire me non oportet. Novi ego cu-
 riositatem vestram, quæ nil sua voluntate inscruta-
 tum omninò prætereat. Nec verò ducendum con-
 temptui, nosse quibus Scriptura Pedibus tam fre-
 quenter Deum commemorat, nunc quidem stare,
 ut ibi: *Adorabimus in loco ubi steterunt pedes ejus*:
 Nunc verò ambulare, ut ibi: *Et habitabo in illis, &
 deambulabo in eis*: Nunc etiam currere, juxta illud:
Exultavit ut gigas ad currendam viam. Si rectè
 Paulo Apostolo visum est Caput Christi referre ad Dei-
 tatem, puto & nobis non incongruè videri Pedes ad
 hominem pertinere quorum alterum *Misericordiam*,
 alterum *Judicium* nominemus. Felix mens (r) cui
 semel Dñs Jesus crucifixus utrūq: infixerit pedem.
 A duobus signis cognoscite eam quæ hujusmodi est,
 quæ secum necesse est referat Divinis impressa ve-
 stigiiis. Ipsa sunt *timor & spes*: illa *judicii*, ista *mi-
 sericordiæ* repræsentans imaginem. Meritò bene-
 placitum est Deo *super timentes eum, & in eis qui
 sperant super misericordia ejus*: cùm sapientiæ ti-
 mor initium sit, spes profectus. Nam consumma-
 tionem sibi charitas vendicat. Quæ cùm ita sint
 [s] non parvus fructus est in primo hoc osculo quod
 ad *Pedes* accipitur, tantùm curato, ut neutro frau-
 deris illorum. Porro enim si jam dolore peccati &

K k k 3 judi.

judicii timore compungeris, veritatis judicii quæ vestigio labia impressisti. Quod si timorem dolo-rem quæ Divinæ intuitu bonitatis, & spe consequen-dæ indulgentiæ temperas, etiam misericordiæ Pe-dem amplecti te noveris. Alioquin alterum sine altero osculari non expedit, quia & recordatio folius Judicii in barathrum desperationis præcipitat, & Misericordiæ fallax assentatio pessimam generat securitatem. Datum est & mihi misero nonnunquã sedere secus Pedes Domini Iesu crucifixi, & modò hunc, modò illum tota devotione amplecti, inquan-tum me sua benignitas dignabatur admittere. At si quando miserationis oblitus stimulante conscientia, Judicio paulò diutiùs inhærerem; mox metu incre-dibili ac miserabili confusione dejectus. & tene-broso circumfusus horrore, hoc solum palpitans de profundis clamabam: *Quis novit potestatem iræ tuæ, & præ timore tuo iram tuam dinumerare?* Quòd si eo relicto Pedem, Misericordiæ plùs tene-re contingeret, tanta è contrario incuriã & negligentiã dissolvebar, ut confestim & oratio tepidior, & actio pigrior, & risus promptior, & sermo incau-tior, & omnis denique utriusque hominis status in-constantior appareret. Proinde magistrâ instructus experienciã, non Judicium jam solum aut solam Misericordiam, sed Misericordiam pariter & Judi-cium cantabo tibi Domine. In æternum non obli-viscar justificationes istas. Cantabiles mihi erunt ambæ pariter in loco peregrinationis meæ: quousque Misericordia superexaltata Judicio, miseria conti-cescat, ac sola cantet tibi de cætera gloria mea, & non compungar.

§. I V.

Osculetur me osculo oris sui . Cant. 1.

Ipse mihi laborem suscito libens [t] qui vos spontè provocò ad quærendum. Quia enim ego primi osculi occasione spirituales Dei *Pedes* propriis definitionibus ac nominibus equidem ex abundanti demonstrare curavi, vos pergitis inquirere & de *Manu* Iesu crucifixi, quæ secundo loco osculanda proponitur. Annuo, gerò vobis morem, insuper non manū sed *manus* ostendo, propriisquè destinguo vocabulis. *Latitudo* una, altera *fortitudo* dicatur: quodd & tribuat affluenter, & defendat potenter quod dederit. Utramquè profectò *Manum* osculabitur qui ingratus non fuerit: Deum utique bonorum omnium sicut largitorem, ita & conservatorem recognoscens & confitens. Satis de duobus osculis dictum esse reor [u] videamus & de tertio quid dicatur. *Osculetur*, inquit, *me osculo oris sui*. Quis dicit? Sponsa. Quænam ipsa? Anima sitiens Deum. Sed pono diversas affectiones, ut ea affectio quæ propriè Sponsæ cogruit, distinctius elucescat. Si servus est, timet à facie Domini. Si mercenarius est, sperat de manu domini. Si discipulus est, autem parat magistro. Si filius est, honorat patrem. Quæ verò osculum postulat, amat. Excellit in naturæ donis affectio hæc amoris: præsertim cùm ad suum recurrit principium, quod est Deus. Nec sunt inventa æquè dulcia nomina, quibus Verbi Animæquè dulces adinvicem exprimerentur affectus, quemadmodum Sponsus & Sponsa: quippè quibus omnia communia

K k k 4 sunt,

t Ser. 7. in Cant. num. 1. u Ibidem num. 2.

sunt, nil proprium, nil à se divisum habentibus. Una utriusque est hæreditas, una domus, una mensa, unus thorus, una etiam caro. Denique propter hanc relinquet ille patrem & matrem, & adhærebit uxori suæ, & erunt duo in carne una. Hæc quoque jubetur nihilominus oblivisci populum suum, & domum patris sui, ut concupiscat ille decorem ejus. Si ergo amare specialiter sponsis principaliterquæ convenit [x] non immeritò *Sponsa* nomine censetur anima quæ amat. Amat autem quæ osculum petit. Non petit libertatem, non mercedem, non hæreditatem, non denique vel doctrinam, sed oculum: more planè castissimæ Sponsæ sacrum spirantis amorē, nec omninò volentis flammam dissimulare quam patitur. Vide enim quale præripiat sermonis exordium. Magnum quid à magno petitura, nullotamen (ut assolet) utitur blanditiarum fuco, nullis circūvolutionibus ad id quod desiderat ambit. Nō facit proëmiū, non captat benevolentiam: sed ex abundantia cordis repentè prorūpens, nudè frontosèq: satis, *Osculetur me*, ait, *osculo oris sui*. An non tibi quasi dicere manifestè videtur: Quid mihi est in cælo, & à te quid volvit super terram? Amat profectò *castè*: quia ipsum quem amat, quærit, non aliud quidquam ipsius. Amat *sanctè*: quia non in concupiscentia carnis, sed in puritate spiritūs quærit. Amat *ardenter*: quia ita proprio inebriatur amore, ut majestatem non cogitet. Quid enim? Respicit terram, & facit eam tremere: & ista se ab eo postulat osculari? Ebriane est? Ebria prorsus. Et fortè tunc cū ad ista prorupit, exierat de cella vinaria, quò se nimirum introductā post-

mo-

x *Ibidem num. 3.*

modum gloriatur. Nam & David de quibusdam dicebat Deo: *Inebriabuntur ab ubertate domus tuæ: & torrente voluptatis tuæ potabis eos.* O quanta amoris vis! quanta in spiritu libertatis fiducia! Quid manifestius, quàm quòd perfecta charitas foras mittit timorem? Vecundè tamen non ad ipsum Sponsum sermonem dirigit[y] sed ad alios tanquam de absente *Osculetur me*, inquit, *osculo oris sui*. Grandis quippè res petitur, & opus est verecundiâ comitari: precem, commendare petentem. Itaque per domesticos & intimos accessus ad intima quæritur, ambitur ad desideratum. Quinam illi? Credimus Angelos Sanctos altare orantibus, offerre Deo preces & vota hominum. Hos itaque puto inter orandum alloqui Sponsam [z] & ipsis tanquam Sponsi domesticis ac soladibus desiderium cordis sui aperire cùm ait: *Osculetur me oculo oris sui*. Et videte familiare amicumquè colloquium Animæ in carne suspirantis cum cælestibus Potestatibus. Gestit in oscula, petit quod cupit, non tamen nominat quem amat: quia illos nosse non dubitat, utpote de quo sibi frequens cum illis soleat esse confabulatio. Propterea non dicit: *Osculetur me ille vel ille*, sed *osculetur me tantum*. Denique audite attentius, [[a] quod sapit suavius, & gustatur rariùs, & intelligitur difficiliùs. Mihi videtur (ut paulò altius inchoem) ineffabile quoddam atque inexpertum omni creaturæ osculum Oris designasse, qui ait: *Nemo novit Filiû nisi Pater, & nemo novit Patrem nisi Filius, aut cui voluerit Filius revelare.* Itaque sufficit sponsæ si osculetur ab osculo Sponsi, etiâ si non oscu-

letur

y Ibidem num. 4. z Ibidem num. 8. a Ser. 8. in Cant. num. 1.

letur ab Ore. Nec enim exiguum quid aut vile putat osculari ab osculo: quod nō est aliud nisi infundi Spiritu Sancto. Nempè [b] si rectè Pater osculans, Filius osculatus accipitur: non erit abs re osculū Spiritum Sanctum intelligi, utpotè qui Patris Filiiquē imperturbalis pax sit, gluten firmum, individuus amor, indivisibilis unitas. De ipso igitur audet Sponsa, ipsa quē infundi sibi fidenter sub osculi nomine petit. Tenet quippè aliquid unde non desit occasio præsumendi. Dicens enim Filius: *Nemo novit Filium nisi Pater, & nemo novit Patrem nisi Filius*: adiecit, aut cui voluerit Filius revelare. Non autē diffidit Sponsa quin sibi velit, si cui voverit. Petit ergo audenter dari sibi osculum, hoc est, Spiritum illum in quo sibi & Filii is reveletur & Pater. Alter enim sine altero nequaquam innotescit. Unde est illud: *Qui videt me, videt & Patrem meum*. Et illud Joannis: *Omnis qui negat Filium, nec Patrem habet. Qui autem confitetur Filium, & Patrem habet*. Ex quibus liquiddō constat quia nec Pater sine Filio, nec Filius sine Patre agnoscitur. Meritō proinde non in alterius tantum, sed in utriusque cognitione constituit summam beatitudinē qui dicit: *Hæc est vita æterna, ut cognoscant te verum Deum, & quem misisti Jesum Christum*. Sed dicit aliquis: [c] Ergo & Spiritus Sancti agnitio non est necessaria, eò quòd, cū dixerit esse vitam æternam nosse & Patrem & Filium, de Spiritu Sancto tacuerit? Est utique: sed ubi Pater & Filius perfectè agnoscitur, utriusque bonitas, quæ Spiritus Sanctus est, quomodò ignoratur? Neque enim integrè homo homini innotescit, quamdiu lateat utrum-

nam

b Ibidem num. 2. c Ibidem num. 3.

nam bonæ an malæ sit voluntatis . Quanquam & cum dictum est: *Hæc est vita æterna, ut cognoscant te verum Deum, & quem misisti Jesum Christum;* profectò si missio illa beneplacitum tam Patris benignè mittentis, quàm Filii voluntariè obedientis demonstrat, non omninò tacitum est de Spiritu Sancto, ubi tantæ utriusque gratiæ mentio facta est. Utriusque siquidem amor & benignitas Spiritus Sanctus est. Trinæ ergo hujus agnitionis infundi sibi gratiam (d) quantum quidem capi in carne mortali potest, Sponsa petit cum osculum petit. Petit autem à Filio, quia Filii est cui voluerit revelare. Revelat ergo Filius seipsum cui vult, revelat & Patrem. Revelat autem sine dubio per osculum, hoc est per Spiritum Sanctum, Paulo Apostolo teste qui ait: *Nobis autem revelavit Deus per Spiritum suum.* At verò dando Spiritum per quem revelat, etiam ipsum revelat. Dando revelat, & revelando dat. Porro revelatio, quæ per Spiritum Sanctum fit, non solùm illustrat ad *agnitionem*, sed etiam accendit ad *amorem*, dicente Paulo: *Charitas Dei diffusa est in cordibus nostris per Spiritum Sanctum qui datus est nobis.* Et quia doctrina Spiritus non curiositatem acuit (e) sed charitatem accendit: proinde meritò Sponsa quem diligit anima sua inquirens, non se suæ carnis sensibus credit, non curiositatis humanæ inanibus ratiociniis acquiescit, sed petit osculum, id est Spiritum Sanctum invocat, per quem accipiat simul & scientiæ gustum, & gratiæ condimentum. Et benè scientia quæ in osculo datur, cum amore recipitur: quia amoris indicium osculum est.

scien-

d *Ibidem* num. 4. e *Ibidem* num. 5.

Scientia verò quæ inflat, cùm sine charitate sit, non procedit ex osculo. Sed nec qui zelum Dei habent, & non secundùm scientiã, sibi ullatenùs arrogant illud. Utrumque enim munus simul fert osculi gratia, & agnitionis lucem, & devotionis pinguedinem. Est quippè Spiritus sapientiæ & intellectus, qui instar apìs ceram portantis & mel, habet omninò & unde accendat lumen scientiæ, & unde infundat saporem gratiæ. Neuter ergo se osculum percipisse putet, sive qui veritatem intelligit, nec diligit: sive qui diligit, nec intelligit. Sanè in osculo isto nec error locum habet, nec tepor. Quamobrem geminæ gratiæ sacrosancti osculi suscipiendæ paret è regione duo labia sua quæ Sponsa est, intelligentiæ rationem, sapientiæ voluntatem: ut de pleno osculo glorians mereatur audire: *Diffusa est gratia in labiis tuis, propterea benedixit te Deus in æternum.* Hoc osculum pollicebatur & ipse Salvator [f] cùm ad instantiam orationis exhortabatur discipulos: *Si vos, inquit, cùm sitis mali, nostis bona dare filiis vestris, quantò magis Pater vester qui in calis est, dabit bona, id est Spiritum bonum petentibus se?* Ex hujus osculi impressione suscipit anima rationalis ab ipso Sponso suo Jesu Christo Dei cognitionem, & amorem veritatis, quæ duo quasi labia imprimit ei ipsa Dei Virtus & Dei Sapientia. Siquidem Sapientia cognitionem, Virtus confert amorem. Habet & ipsa anima similiter duo labia, quibus osculatur Sponsum suum Jesum, id est rationē & voluntatem. Rationis est percipere Sapientiam, voluntatis Virtutem. Si sola ratio percipiat Sapientiæ co-

gni-

gnitionem, & voluntas non habet Virtutis amorem, non est plenum osculum. Aut si sola voluntas obtineat amorem, & ratio minimè percipiat cognitionē, nihilominus est semiplenū osculum. Tunc verò plenum & perfectum est osculum, quando & Sapientia illustrat rationem animæ, & Virtus afficit voluntatem. Felix osculum (g) per quod non solū agnoscitur Deus, sed & diligitur Pater: qui nequaquā plenè cognoscitur, nisi cū perfectè diligitur. Quæ in vobis anima sensit aliquando in secreto conscientiae suæ Spiritum Filii clamantem, *Abba Pater*? ipsa paterno se diligi præsumat affectu, quæ eodem se Spiritu quo & Filius, affectam sentit. Confide quæcunque es illa anima, confide nihil hæsitans. In Spiritu Filii, filiam cognosce te Patris, sponsam Filii & sororem. O sancta anima, reverentiam habe, quoniam ipse est Dominus Deus tuus, & fortassè non osculandus, sed adorandus cum Patre & Spiritu Sancto in sæcula sæculorum. Amen.

C A P U T I X.

De sepultura Corporis Jesu christi mortui.

1. Ostenditur Christum non indiguisse, ut corpus suum exanime liniretur glutinosa aromatum unctiōe: quia corruptioni minimè erat obnoxium propter unionem hypostaticam, quæ in Corpore simul & in Anima licet abinvicem separatis perseveravit.
2. Ostenditur, Angelos convenisse ad Christi sepulchrum, & ibi devotas exequias decantasse: sed Matrem Jesu genuisse & doluisse super mor-

mortem eius tam ante quàm post sepulturam, nec-
non amaro corde opprobriosam Passionem ejus re-
cogitasse. 3. Ostenditur, tres illas mulieres, quæ
emerunt aromata ut venientes ungeret corpus Je-
su, tropologicè significare mentem, manum, & lin-
guam: quibus curatur salus proximi. Proponitur
nobis ratio mystica, cur Christus noluit ungi corpus
suum exanime in sepulchro positum.

§. 1.

*Rogavit Pilatum Joseph ab Arimathæa, ut tolleret
Corpus Iesu: & permisit Pilatus. Venit autem &
Nicodemus ferens mixturam myrrhæ & aloes,
quasi libras centum. Acceperunt autem Corpus Je-
su, & ligaverunt illud linteis cum aromatibus, se-
cuti mos est Judæis sepelire. Joan. 19.*

Cognosce anima mea (a) cognosce: hic est
Dominus Deus noster, Jesus Christus Salva-
tor tuus, Unigenitus Dei Filius, verus Deus, verus
Homo: qui solus sub Sole sine macula inventus est. Et
ecce (b) glutinosa aromatum unctione linitur: non
quòd opus haberet corpus illud hujusmodi aromati-
bus solidari, quod dissolvi omninò non poterat, aut
videre corruptionem: sed qui propter nos Judæorum
sputa sustinuit, propter nos quoque fidelium non est
dedignatus unguenta. Propter vitium [c] *Omnis
caro fenum* (ait Isaias) & *omnis gloria ejus tan-
quam flos feni: exsiccatum est fenum, & cecidit flos.*
Sed non ille flos, qui de virga & radice Jesse ascendit:
ed quòd requievit super eum Spiritus Domini. Nec
illud fenum, quod Verbum caro factum est, pro eo quòd
sequi-

^a Ser. de Pass. Dom. num. 15. ^b Ser. 4. divers. num. 5. ^c Ser. 35. in
Cant. num. 4.

sequitur in eodem Propheta, qui dicit: *Verbum autē Domini manet in æternum*. Si enim fœnum Verbum, & Verbum in æternum manet, fœnum quoque neceſſè est maneat in æternum? Alioquin quomodò vitam præbet æternam, si ipsum minimè manet in æternum? Ait enim: *Si quis manducaverit ex hoc pane, vivet in æternum*. Et quem panem dicat, aperit cū subjungit: *Et panis quem ego dabo, caro mea est pro mundi vita*. Quomodò ergo æternum non est, quo æternaliter vivitur? Sed recale nunc mecum (d) vocem Filii ad Patrem loquentis in Psalmo: *Non dabis, inquit, Sanctum tuum videre corruptionem*. Haud dubium quin de Corpore dicat, quod in sepulchro jacebat exanime. Hoc enim Sanctum & Angelus Gabriel, qui nunciavit Virgini Mariæ, locutus est dicens: *Et quod nascetur ex te Sanctum, vocabitur Filius Dei*. Attende quæso [e] quàm reverentur dixerit: *Quod nascetur ex te Sanctum*. Ad quid enim ita simpliciter Sanctum & absque addittamento? Credo quia non habuit quid propriè dignevè nominaret illud eximium, illud magnificum, illud reverendum, quod de purissima videlicet Virginis carne cum sua anima Unico Patris Filio erat vniendum. Si diceret: Sancta caro, vel Sanctus homo, vel Sanctus infans, quidquid tale poneret, parum sibi dixisse videretur. Posuit ergo indefinitè, *Sanctum*: quia quidquid illud sit quod Virgo genuit, Sanctum proculdubio ac singulariter Sanctum fuit, & per Spiritûs sanctificationem, & per Verbi assumptionē. Quo ergo pacto Sanctū fœnū poterat videre corruptionē (f) quod de incorrupti uteri perpetuo

petuo virore vernantibus pascuis ortum, etiã avidos Angelorum in se figere possit obtutus insatiabiliter oblectandos? Perdat sanè fœnum viriditatem, si Maria Virginitatem amiserit. Pulchrè (g) autem & convenientissimè *flos campi sum*, ait, qui absque humana industria prodiit, & semel prodeunti nulla est deinceps dominata corruptio, ut sermo impleatur quem dixit: *Non dabis Sanctum tuum videre corruptionem*. Ferculum itaque imputribile fecit sibi pacificus noster (h) Corpus incorruptibile aptans sibi, in quo salutis epulas ministret. *Non dabis*, inquit, *Sanctum tuum videre corruptionem*. Illud utique de quo Gabriel ad Mariam, *Quod nascetur*, ait, *ex te Sanctum*, vocabitur *Filius Dei*. O verè Sanctum! (i) Non dabis Dñe Sanctum tuum videre corruptionem, quod nec Matri quidem abstulit incorruptionem. Tua Domine miseratione (k) solvitur aliquatenùs hoc templum, sed penitùs non dissolvitur. Separatur ab Anima Caro, sed Verbum sanè & carnis servat incorruptionem, & animæ plenam confert libertatem: ut sola inter mortuos liberè agat, educat vinctos de domo carceris, sedentes in tenebris & umbra mortis. Ponit Anima sancta Carnem immaculatam, sed resumendam tertia die: ut moriens mortem perimat, & vita omnium cum resurgente resurgat. Quid Divinitate [l] potentius? Inde est quòd nec morte incidente ullatenùs interdicti personalis Unitas potuit, etsi Carne & Anima ab invicem separatis. Et fortassis hoc sensit Joannes, qui se

g Ser. 47. in Cant. num. 3. h Ser. 5. in Vigil. Nat. Dom. num. 3.
 i Ser. 4. in Vigil. Nat. Dom. num. 6. k Ser. 2. in Nat. Dom. num. 5.
 l Lib. 5. de considerat. ad Eugen. cap. 9. num. 21.

se indignum professus est solvere corrigiam calceamenti hujus. Porro attende homo [m] quia sicut in illa singulari Divinitate Trinitas est in personis, Unitas in substantia: sic in ista speciali commixtione trinitas est in substantiis, in personis Unitas. Et sicut ibi personæ non scindunt Unitatem, Unitas non minuit Trinitatem: ita & hîc persona non confundit substantiam, nec substantiæ ipsæ personæ dissipant Unitatem. Verbum enim & Anima & Caro in unam conveniēre personam, & hæc tria unum, & hoc unum tria, non confusione substantiæ sed Unitate personæ. Sed & alia tria fata de Evangelio mixta & fermentata in panem unum, (n) si quis ad hæc tria dixerit pertinere, non incongruè id mihi facere videbitur. Quàm benè ea Mulier fermentavit, ut nec divisione quidem facta Carnis & Animæ, à Carne vel Anima Verbum divideretur? Mansit & in separatione inseparabilis Unitas. Nec enim quæ ex parte contigit separatio potuit Unitati præscribere, permanenti in totis tribus. Sive conjunctis, sine disiunctis duobus, nihilominus perseveravit in tribus Unitas personalis. Æquè unus Christus, unaquè persona, Verbum & Anima & Caro, etiam mortuo homine perduravit. In utero Virginis (ut sentio ego) commixtio hæc & fermentatio facta est: & ipsa Mulier quæ miscuit, & fermentavit: nam fermentum non immeritò fortassè dixerim fidem Mariæ. Planè beata quæ credidit, quoniam perfecta sunt in ea, quæ dicta sunt ei à Domino. Perfecta autem non essent, si quominus juxta verbum Domini esset fermenta-

LII

tum

m *Ser. 3. in Vigil. Nat. Dom. num. 8.* n *Lib. 5. de consider. ad Eugen. cap. 10. num. 22.*

tum totum , & perpetuò fermentatum ; servans nobis tam in morte quàm in vita pariter unum atque integrum Mediatorem Dei & hominum cum sua Deitate Hominem Jesum Christum . Sed nec præmittam myrrham (o) quâ in Cruce potatus est : sed neque illam, quâ unctus est in sepulturam . Quarum in prima sibi applicuit meorum amaritudinem peccatorum , in secunda futuram mei corporis incorruptionem dedicavit . Denique securus expecto promissam mihi gloriam incorruptionis in carne mea (p) quando quidem conservata per eum est incorruptio etiam in Matre sua . Facile erit ei, per quem Mater ipsa incorruptionem non perdidit pariendo , ut & corruptibile hoc incorruptionem induat resurgendo .

§. I I.

Erat autem in loco, ubi crucifixus est Iesus, hortus, & in horto monumentum novum, quod exciderat Joseph in petra, in quo nondum quisquam positus erat. Ibi ergo propter Parasceven Judæorum, quia iuxta erat monumentum, posuerunt Jesum. Et advolvit Joseph saxum magnum ad ostium monumenti, & abiit. Joan. 19. Luc. 23. Matt. 27. Mar. 15.

Joseph ab Arimathæa vir sanctus & justus [q] qui corpus Christi cum Nicodemo deposuerat de cruce, & [sicut Evangelista testatur] mercatus findonem involvit illud , preciosis conditum aromatibus, & in monumento novo quod sibi exciderat, sepelivit. Tunc Angelorum millia millium, qui ad Christi sepul-

o Ser. 2. in Cæna Dom. num. 7. p Ser. 4. in Vigil. Nat. Dom. num. 4.
q Ser. de lament. Virg. M. num. 12. tom. 6. pag. 1062.

pulchrum convenerant, dulces ei ac devotas exequias & victoriam decantabant. Illi quidem Domino laudes canebant, sed Maria Virgo gemitus & suspiria emittebat. Dum ergo Joseph & Nicodemus Dominum ponerent in sepulchro, volebat simul cum illo Mater mæstissima sepeliri. Erat enim innixa super dilectum suum Filium, quem amplectens, suaviterquè deosculans sic dicebat: Misere mini mei, misere mini mei, saltem vos amici mei. Illum adhuc paululùm mihi relinquire, ut faciem ipsius sublato velamine valeam contemplari, & præ amore ipsius aliquantulùm videndo consolari. Nolite quæso eum tam citò tradere sepulturæ, sed ipsum reddite mihi miseræ Matri suæ, ut illum mecum habeam saltem vel defunctū: aut si illud in sepulchro reconditis, ibidem me miseram Matrem cum ipso sepelite, quia malè post ipsum superero. Ut quid post ipsum vivam? Illi ponebant Dominum in sepulchro, & illa nisu quo poterat, illum ad se trahere conabatur. Illa volebat eum sibi cum totis viribus retinere & ipsi volebant eum tradere sepulturæ. Sicquè pialis, tunc erat & contentio miseranda inter ipsos. Omnes tamen virgineo compatientes dolori, pio desiderio coacti sic amarissimè flebant, ut nullus eorum posset ad plenum verba formare. Videbant etenim piam Matrem omni quidem solatio destitutam, & super ipsam potiùs quàm super Dominum suum extinctum plangebant: major illis inerat dolor de dolore Matris, quàm de morte Domini sui. Flebant igitur omnes miserabili dolore gementes, cùm Christum Jesum vitæ Dominum & mortis traderent sepulturæ. Denique sepulto

Domino [r] Mater ejus sepulchrum amplectitur, & voce qua poterat, suum benedicebat Filium jam sepultum, ingemiscensquè vocabat. O singularis Virgo & Mater, jam dicere poteras: Anima mea lique facta est ut dilectus locutus est in Cruce, quando dixit: *Mulier ecce Filius tuus*. Nunc dicere potes: *Quæsi vi, & non inveni illum: vocavi, & non respondit mihi*, scilicet ad sepulchrum. Ibi sedens innixio capite manus extendebat desuper illud osculans, amarissimisquè singultibus suum Filium deplorabat: & monumentū [s] in quo posuerunt eum, modo mirabili madidabat lachrymis; ubi & ejus lachrymæ adhuc apparere dicuntur, indicativè doloris intimi, qui Animā ejus tanquā gladius acutus pertransivit. Accessit autem novus filius ejus Joannes [t] cui de cruce Christus eam commendaverat diligenter, lugens & ipse inconsolabiliter, ipsam lugentem ac gementem levavit. Nam cruciata gemitibus, fatigata doloribus, afflicta ploratibus, pedibus se sustinere nequibat: tamen sicut potuit à mulieribus honestis ac sanctis adiuta, cunctis simul plorantibus Jerusalem ingreditur. Multæ autem fæminæ videntes eam, commotæ pietate super illius doloribus, amarum convertebantur in luctum: quædam verò post ipsam euntes lamentabantur & ipsæ. Dolor etenim ejus cunctos intuentes dolere compellebat, vixquè lachrymas continere valebant, qui eam plorantem conspicerent. Tam piè plorabat, tam amarè dolebat, ut sui ploratus pietate multos etiam invitos ad lachrymas provocarent. Fiebat planctus quacunquè Maria transibat. Omnesquè plo-

r *Ibidem num. 13.* s *Ibidem num. 10.* t *Ibidem num. 13.*

plorabant qui obuiabant ei. Sic igitur [u] perducitur à plorantibus ; ipsa plorans & gemens ; quousq: pervenerunt ad domũ Joannis. Ibi refedit, ibi permansit, ibi eam in sua domo Joannes retinuit, & sicut propriã Matrem in omni charitate dilexit. Erat enim sibi datus in filium ; sed ipse se fecerat seruulum ejus, in omnibus & per omnia sibi familiariter serviendo. Sepulto itaque Domino [x] interim Maria in domo Joannis manebat, ibiquè die noctuquè plorans gemebat, nec erat qui consolari eam posset ex omnibus charis ejus, nec suæ sorores, nec etiam ipse Joannes. Ibi amaro corde opprobriosam passionẽ dilecti Filii sui revolvebat, modò sputa, modò ludibria, modò colaphos, alapas & flagella, modò crucis angariam, modò dira clavorum vulnera, modò lanceam, modò coronam spineam, modo aceti & felis pocula, verbera & impropéria, modò mortem, mortem autem crucis. Hæc autem cogitando plorabat, atque plorando clamabat : *Fili mi Jesu, Jesu fili mi, bone ac benigne, ac Creator omnium Deus, qui factus homo morte turpissima es peremptus: quem terra, pontus, æthera capere nequeunt, modò arcto clausus es sepulchro. Jacet Filius meus extinctus, & sub lapidibus clausa est Vita mea.* Sumens enim corpus fragilitatis humanæ, dignatus est ad terram descendere, & sui eum non receperunt, sed malum semper machinati sunt contra eum. In illum sæviebat Herodes ille tyrannus iniquus cum turba crudelissima Judæorum: quando scilicet ad Magorum verba turbatus est, & omnis Jerosolyma cum illo, paruulumquè & tenellum ad ubera ma-

terna pendentē morte crudelitissima perdere nitebatur . Dehinc proficiens ætate & sapientia coram Deo & hominibus , factus est Vir discurrens per civitates & castella , prædicans & annuncians regnum Dei , elementis & dæmonibus imperabat, infirmos sanabat , & mortuos suscitabat . Et cū talia faceret , sustinebat insidias, sustinebat calumnias, sustinebat blasphemias , quas Principes Sacerdotum & Scribæ & Pharisei, & omnis populus contra, ejus innocentiam inuehebant . Sed cū eorum perfida & perversa nequitia unici Filii mei bonitatem superexcellentem sustinere non posset , ipsum auferre de terra nefariè cogitantes , ligaverunt, flagellaverunt , deturbaverunt , crucifixerunt , dilaniaverunt , & morte turpissima occiderunt : sicut præsens dies liquidò manifestat . Ergo vos omnes fideles Christi, recolite de morte & passione Domini nostri Jesu Christi , & per totum istum venerabilem diem lachrymas fundere non cessetis, ut in die Resurrectionis Domini ad laudem & honorem illius resurgere valeatis . Qui cum Patre & Spiritu Sancto vivit & regnat Deus per infinita sæcula sæculorum. Amen.

§. I I I.

Erant autem ibi Maria Magdalene, & Maria Jacobi, & Salome, sedentes contra Sepulchrum: & reuerentes emerunt aromata, & paraverunt unguenta, ut venientes ungerent Jesum. Matt. 27. Mar. 26. Luc. 23.

Quid est [y] quodd post mortem Christi tres illæ sanctæ mulieres emerunt aromata, ut in monumen-
to

to positum ungerent Jesum? Quid in sua actione nobis reliquerunt imitandum? Res enim gesta (ut ait Beatus Gregorius) aliquid in Sancta Ecclesia signat gerendum. Et nos ergo si Christum mortuum, id est, Christi fidem mortuam esse in corde cujuspiam hominis senserimus, danda nobis opera est, ut ad vngendum corpus mortuum emptis aromatibus accedamus. Quis magis mortuus eo (z) qui fouet ignem in sinu, peccatum in conscientia, nec sentit, nec excutit? Ecce igitur Christus in sepulchro (a) fides mortua est in animo. Quid faciemus ei? Quid fecerunt sanctæ mulieres, quæ solæ ex omnibus suis ampliori tenebantur affectu? *Emerunt aromata, ut venientes ungerent Jesum.* Numquid ut suscitarent? Et nos scimus, Fratres, quia suscitare nostrum non est, sed vngere nobis incumbit. Cur hoc? Nempè, ne fæteat qui hujusmodi est, ne sit cæteris odor mortis, ne pereffluat & penitus dissoluatur. Significant autem tres illæ mulieres [b] tres in nobis efficientias, quæ sibi congrua comparant aromata. Quæ sunt illæ? Mens, lingua, & manus. Emant proinde [c] aromata sua tres mulieres, mens, lingua, manus. De his enim (ut arbitror) Petrus mandatum accepit tertio pascere gregem Domini. *Pasce*, inquit, *mente*, *pasce ore*, *pasce opere*: pasce animi oratione, verbi exhortatione, exempli exhibitione. Quærat igitur *Mens* aromata sua tria, ante omnia *compassionis* affectum, dehinc *rectitudinis* zelum, & inter hæc *discretionis* spiritum non omittat. *Lingua* quoque aromata (d) tria nihilominus sunt, *modestia* in increpando, *copia* sermonis in exhortando, *efficacia*

z Ser. 2. de Resurrect. Dom. num. 1. a ibidem. num. 2. b Ser. 58. diu. num. 1. c Ser. 2. de Resur. Dom. num. 2. & 3. d Ibidem n. 8.

cia in persuadendo. Pro huiusmodi (e) habeat necesse est etiam *Manus* aromata sua tria, *continentiam* in carne, *misericordiam* in fratre, *patientiam* in pietate. Unde Apostolus ait: *Sobriè, & iustè, & piè vivamus*. Hæc enim tria sunt conversationi nostræ maximè necessaria, quorum primum debemus *nobis*, secundum *proximo*, tertium *Deo*. Nam qui fornicatur, in corpus suum peccat, magno illud privans honore, & pavendo addicens pudendoquè dedecori, tollens membrum Christi, & faciens membrum meretricis. Ego autem non ab ea tantum quæ tam abominabilis est, sed ab omni voluptate carnis continentium dico. Ante omnia igitur perfectam hanc *continentiam* quære, quam debes tibi ipsi. Nemo enim tibi propinquior est. Dehinc adde *misericordiam* quam debes proximo, quia cum eo salvandus es. Deinde *patientiam* adde quam debes Deo, quia ab eo salvandus es. *Omnes enim qui piè volunt vivere in Christo, persecutionem patientur*. Et: *Per multas tribulationes oportet nos intrare in regnum celorum*. Vide ergo ne per impatientiam pereas, sed universa pro Christo sustine, qui prior maiora pro te sustinuit, & apud quem infructuosa patientia non erit, sicut ait Propheta: *Patientia pauperum non peribit in finem*. Porro hæc aromata (f) nummo subjectionis emuntur. Hæc est enim quæ dirigit gressus nostros, & sanctæ conversationis gratiam promeretur. Nam si contraria lex inventa est in membris nostris per inobedientiam, quis nesciat per obedientiam *continentiam* dari? Ipsa quoque est, quæ *misericordiam* ordinare novit. Ipsa est, quæ

pa-

e *Ibidem* num. 10. f *Ibidem* num. 11.

patientiam & docet & donat. Cum his igitur aromatibus accede ad eum hominem, in quo fides mortua est. Verùm si consideremus quàm magnum sit ad nos, suscitare eum qui hujusmodi est, quàm difficile sit vel accedere ad cor ejus, quod lapidea quædam obstinatio & impudentia clausit, puto quod dicere habeamus & nos: *Quis revolvat lapidem ab ostio monumenti?* Attamen dum sic trepidi veremur accedere cunctantes ad tam gaude miraculum, fit nonnunquam ut solita pietate præparationem cordis nostri audiat auris Divina, & ad vocem virtutis ejus resurgat qui erat mortuus. Præterea tria sunt unguenta: (g) *Compunctio* de memoria peccatorum, quæ infundit *pedes* Jesu: *Devotio* ex recordatione beneficiorum, qua perungitur *caput* Jesu: *Pietas* ex consideratione miserorum, quæ ad unguendum *corpus* Jesu à mulieribus præparatur. Sed recurramus ad Evangelium (h) atque aliquid quod fortè spectet ad hæc unguenta, inquiramus. *Maria Magdalene & Maria Jacobi & Salome emerunt aromata, ut venientes ungerent Jesum.* Quænam ista unguenta tam preciosa, ut Christi Corpori parentur & comparentur? tam copiosa, ut toti sufficiant? Neutrum quippè duorum præcedentium aut emptum ac factum specialiter ad opus Domini, aut toto in Corpore legitur fuisse diffusum: sed de subito introducitur mulier uno quidem in loco osculans pedes & unguento ungens, in altero verò vel ipsa vel altera habens alabastrum unguenti, & illud mittens in caput Jesu. Cæterùm nunc *emerunt aromata, ut venientes ungerent Jesum.* Emunt non unguenta, sed aromata: & un-
ctio

ctio in obsequium Domini non facta assumitur, sed nova conficitur: nec ad ungendam tantum aliquam corporis partem, verbi gratiâ pedes aut caput, sed sicut scriptum est, *ut venientes ungerent Jesum*, quod est totius complexio, non partis distinctio. Videsne quod non una vel duæ (i) sed tres vix sufficiunt ad emendum tantæ compositionis unguentum? intelligisne quia non pedes aut caput, sed totum Crucifixi corpus sibi vendicat ista confectio? Confectio sine dubio preciosa, quæ toti sufficiat corpori Creatoris. Et attende quia unguentum pedibus infusum adeo dignantissima lenitate suscipit, ut Pharisæum murmurantem parabolica prolixitate convinceret, & retorto sugillaret exemplo. Sed & de refuso super caput ejus unguento discipulos indignantes coarguit, bonum mulieris opus esse protestans: & tumidam eorum animositatem verbis compescuit moderatis. Hoc verò tam salubre tamquæ mirificum unguentum pietatis, in mortuo suo Corpore noluit expendi, quod vivo utique reservabat. Duo enim corpora habet Christus, unum quod suscepit ex Virgine, ulterum Ecclesiæ, quod charius habet benignitas redimentis. Denique illud pro isto morti exposuit & tormentis, addictus cruci, junctus sceleratis, morte turpissima condemnatus. Tu quoque ô homo, (k) si te induas viscera misericordiæ, liberalem benignumquæ exhibeas non tantum parentibus sive cognatis tuis, aut quos tibi vel benefactores tenes, vel benefacturos speras (nam & Ethnici hoc faciunt) sed juxta Pauli consilium studeas operari bonum ad omnes, ita ut propter

Deutri

Deum nec inimico officium humanitatis corporale seu spirituale negandum subtrahendumquè existimes : constat te quoque abundare unguentis optimis, nec Caput aut Pedes Domini tantum, sed passim quantum in te est ungere suscepisse totum corpus quod est Ecclesia. Et fortè proinde ob hoc Dominus Jesus paratam sibi confectionem expendi noluit in suo Corpore mortuo, ut servaret vivo. Vivit enim Ecclesia, quæ manducat panem vivum qui de cælo descendit. Ipsa est charius corpus Christi, quod ne mortem gustaret, morti illud alterum traditum fuisse nullus Christianus ignorat. Ipsâ Ecclesiâ ungi, ipsam foveri desiderat, ipsius infirma membra cupit fomentis accuratioribus relevari. Ipsi ergo Ecclesiæ preciosa unguenta retinuit, cum anticipans horam, & accelerans gloriam, mulierum devotionem non elusit, sed instruxit. Renuit ungi, sed parcens, non spernens: non recusans obsequium, sed reservans proficuum. Proficuum dico non hujus materialis atque corporalis unguenti, sed planè spiritualis, quod in isto designatum est. In isto ergo pepercit Magister pietatis unguentis optimis pietatis, quæ membris suis indigentibus tam corporaliter quàm spiritualiter omninò cuperet exhiberi. Bonum quidem est *contritionis* unguentum (1) quod de recordatione peccatorum conficitur, mittiturquè in Pedes Domini: quia *cor contritum & humiliatum Deus non despiciet*. Cæterum longè melius esse arbitror id unguentum quod dicitur *devotionis*, factum de recordatione beneficiorum, quippè quod & Capiti idoneum reputatur, ita ut perhibeat de ipso Deus: *Sacrificium laudis honorificabit me*.
 Porro

1 Ibidem num. 10.

Porro utrumque vincit unctio *pietatis*, quæ de respectu miserorum fit, & per universum Christi corpus diffunditur. Corpus dico non illud crucifixum, sed quod illius acquisitum est *Passione*. Optimum revera unguentum est, in cuius comparatione cætera nec respicere se ostendit qui ait: *Misericordiam volo, & non sacrificium*. Poterimusne tam salubrem (m) conficere confectionem? Universæ miseriæ tam animarum quàm corporum oculo pietatis inspectæ species ejus sunt. Istæ igitur in mortariolo largitatis dulcedinis pistillo confractæ, & delinitæ charitatis oleo, succenso compassionis igne, & in ahenis perseverantiæ despumatae, unguentum faciunt ipsis etiam Angelis admirandum. Quod ipse nobis Christus Crucifixus largiri dignetur [n] qui cum Patre & Spiritu Sancto vivit & regnat Deus, per omnia sæcula sæculorum. Amen.

C A P U T X.

De custodia Sepulchri, in quo positum Corpus Christi exanime requievit.

Principes Sacerdotum & Pharisei abeuntes munierunt Sepulchrum, signantes lapidem cum custodibus. *Matt. 27.*

1. Ostenditur, librum signatum sigillis septem designare Christum, & ejus opera septem, quibus celebratur Virtus Divinitatis ne agnosceretur.
 2. Ex occasione Sepulchri Christi, suggeruntur nobis varii & pii conceptus de morte ejus, & de requie in Sepulchro. Excitamus ut Christo passo, mortuo &
- sepul-*

sepulto conformemur vitâ nostrâ . 3. Ostenditur , Animâ Christi ideo descendisse ad inferos , ut animas iustorum liberaret ex carcere tenebroso , easquè collocaret sub Altari Dei , per quod intelligitur Corpus Christi gloriosum . 4. Ostenditur , animas mortuorum pro diversis meritis sortiri tria loca , infernum purgatorium , cælum . Excitamur ad exercenda pia opera & pietatem erga animas in purgatorio detentâs . Assignatur duplex causa , ob quam animæ fidelium merentur pati ignem purgatorium .

§. I.

Altera autem die , quæ est post Parasceven , conveniunt Principes Sacerdotum & Pharisei ad Pilatum , dicentes : Domine , recordati sumus quia seductor ille dixit adhuc vivens : Post tres dies resurgam . Jube ergo custodiri sepulchrum usque in diem tertium , ne fortè veniant discipuli eius & fuerentur eum , & dicant plebi : Surrexit à mortuis . Ait illis Pilatus : Habetis custodiam , ite , custodite sicut scitis . Illi autem abeuntes , munierunt sepulchrum signantes lapidem cum custodibus . Matt. 27.

Discant qui non legerunt [a] recolant qui novērunt . Vidi (inquit Joannes in sua Apocalipsi) in dextera sedentis super thronum , librum signatum sigillis septem , & non erat qui legeret vel aperiret . Ego (ait) flebam multum , quòd nemo aperire librum dignus inveniretur . Et unus de senioribus dixit mihi : Ne fleveris : ecce vicit leo de tribu Juda , radix David , aperire librum & solvere septem signacula eius . Et vidi , & ecce in medio throni Agnum stantem tanquam

*quam occisum . Et veniens accepit librum de dextera sedentis in throno , & aperuit librum : factaque est ietitia magna , & gratiarum actio . Leonem Joannes audierat , & Agnum vidit . Agnus occisus est : Agnus accepit librum : Agnus aperuit , & apparuit leo . Denique , Dignus est (aiunt Seniores) Agnus qui occisus est , accipere fortitudinem : non mansuetudinem amittere , sed accipere fortitudinem , ut & Agnus maneat , & leo sit . Plus dico , ut mihi videtur : Idem Agnus etiā Liber est , qui non poterat aperiri . Quis enim dignus inveniretur aperire hunc Librum ? Indignum se profitetur & ipse Baptista Joannes , quo inter natos mulierum major nemo surrexit : *Non sum* , inquit , *dignus solvere corrigiam calceamenti ejus* . Venerat enim ad nos calceata Majestas , Diuinitas incarnata : venerat Dei Sapientia , sed in libro clauso utique & signato . Quod ligabat corrigia calceamenti , hoc claudebant septem signacula Libri . Sed quid dicimus (b) super his septē signaculis ? An fortē triplex animæ virtus , Ratio , Memoria , & Voluntas ; & quadrifaria corporis compositio , ex elementis videlicet quatuor , in his septem est intelligenda , ut nihil de veritate humanitatis defuisse nouerimus Saluatori ? An magis humanitas ejus ipse est Liber , & quærenda sunt signacula septem ? Septem enim quædam arbitror inueniri , quibus maximè celabatur in carne præsentia Majestatis , ut non posset aperiri Liber , & Sapientia quæ latebat agnosci . Sunt autem quæ occurrunt interim , septem . *Primum* signaculum est *Matris desponsatio* , qua partus Virginis & conceptionis puritas velabatur , ita ut hominis fabri filius , Fabricator hominis putare-*

taretur. *Secundum* signaculū est *infirmetas corporis*, qua nimirū plorans, vagiens, lactens, & dormiens, & cæteris subiacens necessitatibus carnis, latebat inter hæc Virtus divinitatis. *Tertium* signaculum est *Circumcisionis signum*, quo suscepit peccati remedium, ægritudinis medicinam, qui morbum omnem tollere venerat & peccatum. *Quartum* signaculum est, dum in *Ægyptum fugiens* à facie Herodis reguli, nec Dei Filius agnosci poterat, nec Rex cæli. *Quintum* signaculum est *trina illa tentatio* inimici, in *deserto*, in *pinnaculo*, supra montem. *Si Filius Dei* (inquit diabolus) *es: dic ut lapides isti panes fiant*. Et item: *Mitte te deorsum*. Neutrum Christus fecit: ut signaretur Liber: ut falleretur astutus. Denique eousque seductus est, ut haberet jam pro constanti hominem esse purum: & in tantam vesaniam superbia cæca proruperat, ut non diceret ultra, *Si Filius Dei es: sed, Omnia tibi dabo, si procidentis adoraveris me*. *Sextum* est signaculum *Crucis*, ubi pependit inter latrones, & cum iniquis deputatus est Dominus majestatis. *Septimum* est signaculum, dum clausit *sepultura* Librum hunc: nec ullum signaculum omnino sic obstruxit, sic occultavit magnum pietatis sacramentum. Sepulto nimirū Domino, sola restare desperatio videbatur, adeo ut Discipuli dicerent: *Quia nos sperabamus, quod ipse esset redempturus Israël*. Quis non fleret in illo tempore clausum arctius Librū, & non esse qui aperiret? Sed ne fleveris ultra Sancte Joannes, procul sit luctus, tristitiæ nebula dissipetur. *Ecce vicit leo de tribu Juda, (c) radix David aperire librum, & solvere septem signacula ejus*. Septē
signa

signacula sunt, temporalis Natiuitas, legalis Circumcilio, Matris purgatio, fuga in Ægyptum, carnis necessitudo, Baptismus, Passio. Hæc siquidem sunt veræ quædam humanitatis insignia, quibus se tenere ac ligari voluit Incarnata Dei Sapiencia. Ipsa quippè est secunda in Trinitate persona. Et licet eandem Incarnationem simul fecerint Pater & Filius & Spiritus Sanctus, non tamen Pater aut Spiritus Sanctus est incarnatus, sed solus Filius: & quod ipse erat, id est, Sapiencia, occultauit per illa prædicta signacula. Facta est igitur res mira & obstupenda. Infirmata est Virtus summa, & ut ita dicam, si dici liceat, quod tamen reuerenter dico: quasi infatuata est Sapiencia. Nec erubesco dicere quod non erubuit Doctor Gentium docere. Sic nempè credidit, sic docuit, sic scriptum reliquit: *Nos, inquit, prædicamus Christum crucifixum, Judæis quidem scandalum, Gentibus autem stultitiam: ipsis autē vocatis Judæis atq; Græcis, Christum Dei Virtutem, & Dei Sapienciam, &c.* Merito flebat Joannes non inueniri qui aperiret librum (d) & solueret signacula ejus: dum enim clausus staret, nemo ex nobis Diuinam illam attingere Sapienciam prævaleret. Sed ne fleueris vltra Joannes Sancte: (e) etiam tu noli flere Maria. Procul sit luctus, tristitiæ nebula dissipetur. *Lætamini in Domino, & exultate justi, & gloriamini omnes recti corde.* Dignus est Agnus qui occisus est, leo qui resurrexit: postremo Liber ipse dignus est aperire seipsū. Resurgens nimirum à mortuis, resurgens autem virtute propria, & post tres dies sicut prædixerat, testimonium perhibentibus inimicis: & resurgens in tanta maiestate &

d Ser. 2. in nat. Dom. num. 5. e Ser. 1. in die Pasch. num. 11.

& gloria, indicat manifestè quæcunque prædiximus signacula vel operimenta, voluntaria non necessaria, nec conditionis fuisse, sed dignationis. Quid tu super Judæe signabas lapidem monumenti? *Quia seductor ille dixerat adhuc vivens: Post tres dies resurgam.* Uerè seductor, sed pius, non malitiosus. Denique *seduxisti me Domine, & seductus sum* (ait Propheta vester in persona vestra) *fortior me fuisti, & invaluisti.* Seduxit vos, ô Judæi, in Passione: nam in Resurrectione invaluit & prævaluit vincens leo de tribu Juda. *Etenim si cognovissent, nunquam Dominum gloriæ crucifixissent.* Quid ergo facturus es Judæe? Et prædixit, & jam reuixit. Diligenter explora signaculum sepulturæ, apertum est enim. Datur tibi signum Jonæ Prophetæ: quia & hoc prædixit ipse. Egreditur Jonas de ventre ceti: Christus de corde terræ tertia die procedit. Nisi quodd manifestè plusquam Jonas hic, qui semetipsum viriliter & ab ipso vtero mortis eduxit. Propterea viri Niniuitæ consurgent contra vos, ô Judæi, in judicio: propterea ipsi judices vestri erunt: quia Prophetæ obtemperaverunt, vos nec Domino prophetarum obtemperastis.

§. I I.

Cognosce anima mea (f) cognosce: hic est Dominus Deus noster, Jesus Christus Salvator tuus, Unigenitus Dei Filius, verus Deus, verus homo: qui solus sub Sole sine macula inventus est. Et ecce passus est in cruce impassibilis Deus (g) & in carne nostra mortali mortuus ac sepultus est immortalis Dei Filius. Incomprehensibilis erat & inaccessibleis (h)

M m m

invisi-

f Ser. de Pass. Dom. num. 15. g. Ser. 57. divers. num. 2. h Ser. 2. de Virg. Deip. num. 11.

invisibilis & inexcogitabilis omnino: nunc verò comprehendere voluit, videri voluit. Quonam modo? inquis. Nimirum (i) quem terra, pontus, æthera capere nequeunt, modò arcto clausus est sepulchro. Jacet Dei Filius extinctus, & sub lapide clausa est Vita nostra. Sepulto Domino, à Judæis signatum est monumentum, & traditum est militibus ut custodirent illud. Inter sancta ac desiderabilia loca (k) Sepulchrum Christi tenet quodammodò principatum: & devotionis plus nescio quid sentitur, ubi mortuus requievit, quàm ubi vivens conversatus est. Atque amplius movet ad pietatem mortis quàm vitæ recordatio, puto quòd illa austerior, hæc dulcior videatur: magisque infirmitati blandiatur humanæ quies dormitionis, quàm labor conversationis; mortis securitas, quàm vitæ rectitudo. Vita Christi, vivendi mihi regula extitit, mors à morte redemptio. Illa vitam instruxit, mortem ista destruxit. Vita quidem laboriosa, sed mors preciosa: utraque verò admodum necessaria. Quid enim Christi prodesse poterat sive mors nequiter viventi, sive vita damnabiliter morienti? Numquid denique aut mors Christi etià nunc malè usq; ad mortem viventes à morte æterna liberat, aut mortuos ante Christum sanctos Patres vitæ sanctitas liberavit? sicut scriptum est: *Quis est homo qui vivet & non videbit mortem, eruet animam suam de manu inferi?* Nunc ergo quia utrumq; nobis pariter necessarium erat, & piè vivere, & sanctè mori: & vivendo vivere docuit, & mortem moriendo securam reddidit, quoniam quidem resurrecturus occubuit, & spem fecit morientibus resurgendi. Sed

addi-

i Ser. de lament. V. M. num. 15. k Tract. de exhort. ad milit. templ. 27. n. num. 18.

addidit & tertium beneficium, cum etiam peccata donavit, sine quo utique cætera non valebant. Sive autem hæc (1) sive alia quæcunque in hunc modum (prout in talibus in suo quisque abundat sensu) ex occasione Sepulchri Dominici Christianis sensibus suggerantur, puto quodd non mediocris dulcedo devotionis infundatur cominùs intuenti, nec parùm proficitur cernendo etiam corporalibus oculis corporalem locum Dominicæ quietis: etsi quippè jam vacuum sacris membris, plenum tamen nostris & jucundis admodùm sacramentis. Nostris, inquam, nostris, si tamen tam ardenter amplectimur, quàm indubitanter tenemus quod Apostolus ait: *Consepulti enim per baptismum in mortem, ut quomodo surrexit Christus à mortuis per gloriam Patris, ita & nos in novitate vitæ ambulemus. Si enim complantati facti sumus similitudini mortis ejus, simul & resurrectionis erimus.* Quàm dulce est peregrinis post multam longi itineris fatigationem, post plurima terræ marisque pericula, ibi tandem quiescere, ubi & agnoscitur suum Dominum. Jesum crucifixum quiesvisse. Puto jam præ gaudio non sentiunt viæ laborem, nec gravamen reputant expensarum; sed tanquam laboris præmium cursusquè bravium assecuti (juxta Scripturæ sententiã Job. 3.) *gaudent vehementer cum invenerint Sepulchrum.* Nec casu vel subito, aut veluti lubrica popularis favoris opinione id tam celebre nomen Sepulchrum nactum esse putetur, cum hoc ipsum tantis retrò temporibus Esaias tam apertè prædixit: *Et eris (inquit) in die illa Radix Jesse qui stat in signum populorum, ipsum Gentes deprecabuntur: & erit Sepulchrum ejus gloriosum.*

M m m 2

sum.

1 Ibidem num. 28.

sum. Revera ergo impletum cernimus quod legimus prophetatum; novum quidem intuenti, sed legenti antiquum: ut sic adsit de novitate jucunditas, ut de vetustate non desit auctoritas. Et de Sepulchro ista sufficiant. Præterea audiamus quæ sequuntur: (m) *Sedisti ad mensam divitis? diligenter attende, quæ apponuntur tibi, & scito quoniam talia oportet te preparare*. In verbis istis loquitur Spiritus consilii voce suavi, sed & terribili. Vox suavis est, sed obedientibus: vox terroris contemptibus. Recipientibus debentur præmia: reiicientibus intentantur supplicia. Vivent qui recipiunt, damnabuntur qui reiiciunt. *Sedisti*, inquit. Ecce principium huiusmodi verborum quantæ suavitatis præfert insigne! Verba præcedentia suaviter sonant, affectum mulcent, & de sensuum ubertate mentem impinguant. Quæ autem sequuntur, id est, *Scito, quoniam talia oportet te preparare*: dum intellectum quod plùs exercent, plùs terrent, & de altitudine mysteriorum miro modo nos humiliant, sive propter indignitatem nostram, sive propter incapacitatem. Sed quid est illud quod homines terribile judicant? Hoc est, *quoniam talia oportet te preparare*. Nota, *quoniam*, compatiendo, commoriendo, & consepeliendo te ipsum, & cætera. Dignum est enim & tibi multum expedit, compati, commori, consepeliri: passio, mortuo, & sepulto Jesu Christo. Ad hoc enim facta sunt huiusmodi, ut his omnibus configuretur & conformetur vita Christiani. Qui enim tanquam membrum Christi dicit se in Christo manere, debet sicut ille ambulavit, & ipse ambulare. Nam proptet crucem piis dictum est:

Qui

Qui sunt Christi Jesu, carnem suam crucifixerunt cum
vitiis & concupiscentiis. Propter sepulcrum dictum
est: Consepulti sumus cum Christo, &c. Decet ni-
mirum (n) ut quemadmodum Caput præcessit, se-
quantur membra. In patibulo feriâ sextâ redemit
hominem, ipsa die quâ fecerat hominem initio: se-
quenti die sabbatizavit in monumento, consumma-
to opere quod susceperat. Tertia verò die quæ pri-
ma dierum est, primitiæ dormientium apparuit
mortis Victor novus homo. Ita & nos quicunque
sequimur Caput nostrum Jesum Christum, tota die
hac quâ plasmati & redempti sumus, non cessemus
agere penitentiam, non cessemus tollere crucem no-
stram, perseverantes in ea sicut & ipse perseveravit,
& donec dicat spiritus ut requiescamus à laboribus
nostris. Neminem audiamus, Fratres, non carnem
& sanguinem, non spiritum quemlibet descensum
de cruce suadentem: persistamus in cruce, moria-
mur in cruce: deponamur aliorum manibus, non
nostra levitate. Caput nostrum Christum deposuêre
viri iusti: nos verò dignatione sua Angeli Sancti de-
ponant: ut consummata viriliter die crucis, secun-
da die quæ post mortem est, quiescamus suaviter,
dormiamus feliciter in sepulchris, expectantes bea-
tam spem & adventum gloriæ magni Dei, qui resu-
scitabit corpora nostra tertiâ demum die configurata
Corpori claritatis suæ. Porro quia quæ de ipso erant,
(o) finem habuêre, finem utique celerrimum & cele-
berrimū: primò quidem *requiem*, deinde *resurrectio-
nem*. Nos quoq; si festinamus in illam ingredi requiē,
per multas tribulationes nobis transeundum est. Et
prius quidem donec sumus in tribulatione, magnum

M m m 3 nobis

nobis videretur aspirare ad requiem, tanquam nihil simus amplius desideraturi. Verum non erit nobis requies, ne in requie quidem ipsa, à desiderio gloriæ, à desiderio resurrectionis. *Amodò* (inquit Scriptura) *jam dicit spiritus, ut requiescant à laboribus suis.* A labore ergo requiescunt, qui in Domino moriuntur: sed non requiescunt interim à clamore. Denique sub throno Dei clamant animæ occisorum: quia etsi nihil habeant quod molestat, nondum tamen totum habent quod delectet, donec requiem resurrectio, donec sabbatum Pascha sequatur.

§. I I I.

**Constat quidem (p) clauso exiisse tumulo redit-
vium Christi Corpus, quod clauso Virginis utero
natum processit in vitam, & ad Discipulos clausis
introivit januis in conclavi. Sed est locus unde clau-
sis noluit procedere januis: carcer utique gehenna-
lis. Confregit siquidem ferreos vectes, repagula
universa contrivit, ut liberè suos educeret, quos re-
demerat de manu inimici: & planis egrederentur
portis agmina Sanctorum dealbatorum, qui lavèrunt
Stolas suas, & candidas fecerunt in Sanguine Agni.
Candidas prorsus in Sanguine Agni, quia exivit cum
eo Sanguine & in eo etiam aqua dealbans, sicut testi-
monium perhibet ipse qui vidit. Verumtamen non
descendit ad inferos Sanguis (q) qui effusus est super
terram. Biberunt omnes peccatores terræ, non est
quodd sibi ex eo vendicent dæmones ad restringendos
focos suos, sed neque homines socii dæmoniorum.
Semel illò descendit non Sanguis, sed Anima Chri-
sti: & hæc portio eorum qui in carcere erant, una illa
visi-**

visitatio fuit, quæ tunc facta est per præsentiam Animæ Christi, cum Corpus penderet exanime super terram. Sanguis aridam rigavit, Sanguis infudit terram, & inebriavit eam. Sanguis quæ in terra & quæ in cælis sunt, pacificavit, non autem & quæ apud inferos: nisi quodd semel eò (ut dixi) Anima ejus excucurrit, & fecit ex parte redemptionem, ne vel eo momenti vacarent opera charitatis, sed ultra non adiiciet. Ardebat incomparabiliter (r) charitatis intrinsecus & passionis extrinsecus igne, ut fructum nostræ redemptionis sine mora produceret. Productus est ergo botrus ille optabilis cunctis Patriarchis & Prophetis aliisque justis, scilicet redemptio nostra. Quem fructum Ecclesia non solum ex his qui sunt sub tempore gratiæ, sed à mundi principio justè congregata dulcem sibi fore gratulatur, dicens de Sponso in Cantico amoris: *Sub umbra illius quæram desideraveram sedi, & fructus ejus dulcis gutturi meo.* Quod mirum (s) si redemptio justorum à diabolica tyrannide, à tenebris & umbra mortis, à carcere infernali quo inclusi tenebantur, reductio in paradysum Angelorum custodiæ deputatur? Quid mirum, præsentiam Christi fuisse delectabilem atque votivam tanto tempore expectati ac desiderati? In afflictis enim rebus constitutis tantò solet esse gratior Liberatoris adventus, quantò fuerit diuturnior afflictio. Quanto enim tempore primus Abel justus, primus martyr qui sua passione primus Liberatorem Christum præfiguravit, expectaverat? Quando ipse Adam & Eva parentes nostri adhuc etiam in inferno Paradysi gaudia ad memoriam invicem revocantes, istam redemptionem sitiverant cum aliis

sanctis & iustis, qui se liberandos sperabant? Quanto putas eos exultasse tripudio, cum Christus Crucifixus adveniret, Angelis præcedentibus & clamantibus: *Attollite portas principes vestras, & elevamini portæ æternales: & introibit Rex gloria*. Quanta putas eos alacritate concinisse, & consonis jubilis in communem lætitiâ profiluisse ac dixisse: *Advenisti desiderabilis, quem expectabamus in tenebris: ut educeres vinctos de claustris. Te nostra vocabant suspiria, te larga requirebant lamenta. Tu factus es spes desideratis, magna consolatio in tormentis*. O quàm dulcis fructus reductionis fuit his, qui in tanta & tam amara servitute fuerant constituti! In cornibus Crucis (t) abscondita est fortitudo Christi, sed non apud inferos: ibi vectes ferreos contrivit, ibi portas æreas confregit, ibi fortitudinem manifestavit, ibi fortem fortior ipse alligavit, & vasa ejus dirupit, qui ante atrium suum in pace custodivit. Ibi clamabatur: *Quis est iste Rex gloria*? Ibi audiebatur: *Dominus fortis & potens, Dominus potens in prælio: Dominus virtutum ipse est Rex gloria. Ante faciem ejus ibit mors. O mors ero mors tua: morsus tuus ero inferne. Ubi est mors victoria tua? ubi est mors stimulus tuus?* Absorpta est mors in victoria: Victor ab inferis pompâ regreditur nobili. Itaque Christus in spiritu fortitudinis (u) tanquam potens crapulatus à vino descendit ad inferos, contrivit portas æreas, & vectes ferreos confregit, alligavit fortem, & vasa captivitatis eripuit. Donec enim veniret desideratus ille (x) qui Sanguine suo deleret chirographum damnationis nostræ, & flammeum accin-

gens.

t Tract. de 7. præcip. myst. cap. 7. num. 23. u Ser. 16. in Cant. num. 23. x Ser. 4. de omn. San. num. 1.

gens gladium aperiret credentibus regna cælorum : nullus omninò cuiquam Sanctorum ad ea patebat accessus , sed providerat eis Dominus in inferno ipso locum quietis & refrigerii , chaos magnum firmans inter Sanctas illas Animas , & animas impiorum . Quamvis enim utræque in tenebris essent , non tamen utræque erant in pænis ; sed cruciebantur impii , iusti verò consolabantur . Quòd autem in tenebris essent , beati Job testimonio didicimus , qui se quoque in locum tenebrosum & opertum mortis caligine perhibebat iturum . Hunc locum obscurum quidem (y) sed quietum , sinum Abrahæ Dominus vocat : pro eo (ut arbitror) quòd in fide & expectatione quiesceret Salvatoris . Abrahæ enim fides tam manifestè probata est & approbata , ut primus ipse futuræ Incarnationis Christi meruisset accipere promissionem . In hunc ergo locum Salvator descendens contrivit portas æreas , & vèctes ferreos confregit : eductosquè vinctos de domo carceris , sedentes quidem , hoc est quiescentes , sed in tenebris & umbra mortis , jam tunc quidem sub Altari Dei collocavit , abscondens eos in tabernaculo suo in die malorum , & protegens eos in abscondito tabernaculi sui , donec veniat tempus , in quo procedant completo jam numero fratrum , & percipiant regnum quod eis paratum est ab origine mundi . Jam verò sicubi fortè præsens quoque Sanctorum requies *Abrahæ sinus* vocatur , certum est de Evangelio hanc inolevisse consuetudinem : licet neminem oporteat dubitare longè alium hunc Sinum esse , quàm illum , quippè cùm ille in tenebris , hic in luce multa ; in inferno ille fuerit , iste in cælo . Non incongruè tamen etiam nunc dictum

Cum videtur Patriarcharum filios paternum in
 sinum recipi, cum ad eorum consortium ab hoc sæ-
 culo transire meruerint. Porro [z] Altare ipsum ego
 pro meo sapere nihil aliud arbitror esse, quam Cor-
 pus ipsum Domini Salvatoris. Credo autem quod
 & ego super hoc sensum ejus habeam, præsertim
 cum audiam eum in Evangelio promittentem: *Ubi-
 cunque fuerit Corpus, illuc congregabuntur & aqvi-
 la*. Interim ergo sub Christi Humanitate feliciter
 Sancti quiescunt (in quam nimirum desiderant
 etiam Angeli ipsi prospicere) donec veniat tempus
 quando jam non sub Altari collocentur, sed exalten-
 tur super Altare. Sed quid dixi? Numquid Humanita-
 tis Christi gloriam, non dicam hominum, sed vel An-
 gelorum æsequi poterit quis, nedum superare? Quo-
 nam igitur modo super Altare dixerim exaltandos
 eos, qui nunc sub Altari quiescunt? Visione utique
 & contemplatione, non prælatione. Ostendet enim
 nobis Filius (ut pollicitus est) semetipsum, non in
 forma servi, sed in forma Dei. Ostendet etiam no-
 bis Patrem & Spiritum sanctum, sine qua nimirum
 visione nihil sufficeret nobis: quoniam hæc est vita
 æterna, ut cognoscamus Patrem verum Deum, &
 quem misit Jesum Christum, & in eis (quod non
 est dubium) etiam Spiritum utriusque,

§. I V.

Porro tria sunt loca [a] quæ mortuorum animæ
 pro diversis meritis sortiuntur, infernus, purgato-
 rium, cælum. In inferno impii, in purgatorio pur-
 gandi, in cælo perfecti. Qui in inferno sunt, redimi
 non possunt: quia in inferno nulla est redemptio.

Qui

Qui in *purgatorio* sunt, expectant redemptionem, prius crudiandi aut calore ignis, aut rigore frigoris, aut alicujus grauitate doloris. Qui in *cælo* sunt, gaudio gaudent ad visionem Dei, Christi fratres in natura, cohæredes in gloria, similes in æternitate iucunda. Ad *cælum* illi statim evolant [b] qui domicilio corporis usi sunt tanquam carcere, qui defæcatam puramquæ substantiam utriusque hominis seruauerunt. E contrario verò, qui fecerunt usq; ad mortem quæ digna sunt morte, locis *gehennalibus* sine misericordia deputantur. Qui autem neutrum sunt, sed sunt inter utrumque: qui mortalia quidem peccata cōmiserunt, sed circa mortem pænituerunt, pænitentiam non explentes, indigni sunt ut statim gaudeant, nec digni sunt ut semper ardeant; *loca purgatoria* sortiuntur: in quibus flagellantur, sed non ad insipientiam sibi, ut extorti transferantur ad regnum. Pro his qui in *cælo* sunt, non est orandum: quia eos, non pro eis orare debemus. Pro his qui in inferno sunt, suspendendæ sunt preces; quibus clausa est janua misericordiæ, & totius spes interclusa salutis. Pro illis tantum vigilandum est in orationibus, & subueniendum Sacrificio singulari, qui locis purgatoriis emundantur: ut benignus Pater pænitentiam eorum in satisfactionem, & hanc in glorificationem citò conuertat. Quia igitur primi redimi non possunt [c] tertii redemptione non indigent, restat, ut ad medios transeamus per compassionem, quibus iuncti fuimus per humanitatem. Vadam in istam regionem expiationis, & videbo visionem hanc grandem, quomodò pius Pater cælestis glorificando filios

in

b Ser. de San Nicol. Episc. num. 6. tom. 6. pag. 792. c Ser. 42. diuer. num. 5.

in manu tentatoris (*diaboli*) relinquat, non ad occisionem, sed ad purgationem: non ad iram, sed ad misericordiam: non ad destructionem, sed ad instructionem: ut jam non sint vasa iræ apta in interitum, sed vasa misericordiæ præparata ad regnum. His profectò qui non peractâ pænitiâ exierunt [d] compassionem debemus & orationem, propter similis naturæ consortium: ut pius Pater auferat scoriâ eorum, & in beneficia flagella commutet, & sic tandem reassignet ad beatæ gaudia Ciuitatis. Si enim tauri cùm taurum mortuum invenerint, plorant, mugiunt, & quasi quibusdam debitis humanitatis obsequiis fraterna funera prosequuntur: quid debet homo homini, quem & ratio docet, & trahit affectio? Surgam ergo in adiutorium illis [e] interpellabo gemitibus, implorabo suspiriis, orationibus intercedam, satisfaciam Sacrificio singulari; si fortè videat Dominus Deus, & judicet, ut laborem conuertat in requiem, miseriam in gloriam, verbera in coronam. His enim & hujusmodi officiis potest eorum pænitentia refecari, finire labor, destrui pæna. Confitemur quoque nonmodò compassionem *mortuis* & orationem [f] sed in spe etiam congratulationem adhibendam esse: quia etsi contristandum est, quòd in locis purgatoriis patiuntur, multò ampliùs collatandum est, quòd propè est ut abstergat Deus omnem lachrymam ab oculis eorum, & jam non sit neque luctus neque clamor, sed nec ullus dolor, quia prima abierunt. Ex hoc autem discite Fratres (g) iustum judicem Deum, nonmodò quid fiat, sed quo animo fiat, considerate: & caute deinceps ne quis parua

repu-

d Ser. 16. diuer. num. 3. e Ser. 42. diuer. num. 5. f Ser. 16. diuer. num. 5. g Ser. 1. de Conuers. S. Pauli. num. 5.

reputet, quamlibet parua scienter delinquere conuincatur. Nemo dicat in corde suo: Leuia sunt ista peccata, non curo corrigere: non est magnum si in his maneam venialibus minimisque peccatis. Hæc est enim, dilectissimi, impænitentia, hæc blasphemia in Spiritum Sanctum, blasphemia irremissibilis. Illud etiam scitote (h) quia post hanc vitam in purgabilibus locis centupliciter, quæ fuerint hîc neglecta, redduntur usque ad novissimum quadrantem. Fratres mei, [i] memoremur nouissima nostra, ne peccemus. Nam per ignem transeundum nobis est, & uniuscujusque hominis opus quale sit, ignis probabit. Ibi enim aurum nostrum vertetur in scoriam: ibi revelabitur universa impuritas nostra: ibi Veritas ipsa accepto tempore, quod nobis interim datum contempnimus, justitias nostras judicabit. Quid verò illic omnes justitiæ nostræ, nisi pannus menstruæ reputabuntur? Quidquid nunc paruipendendo transigimus, palpando tegimus, dissimulando negligimus, quanto illic cruciatus vindex flamma consumet? Utinam magis daret quis capiti meo aquas, & oculis meis fontem lachrymarum: fortè enim non reperiret ignis exurens, quod interim fluens lachryma diluisset. Quis denique dabit capiti meo aquam, (k) & oculis meis fontem lachrymarum, ut præueniam fletibus fletum & stridorem dentium, & manuum pedumque dura vincula, & pondus catenarum prementium, stringentium, vrentium, nec consumentium? Heu me mater mea, ut quid me genuisti filium doloris, filium amaritudinis, indignationis & plorationis? Cur exceptus genibus, cur lactatus vberibus,

h Ser. in obitu deuoti Humberti num. 9. i Ser. 28. diuer. num. 6.
k Ser. 16. in Cant. num. 7.

ribus, natus in combustionem, & cibus ignis? O homo cogita omnes mundi cruciatus (l) & compara eos gehennæ, totum leue erit. Ignis etiam purgatorius, qui licet non sit gehennæ, ad modicum tempus crucians, transcendit tamē omnia mundana tormēta. Vnde Augustinus super Psalmum sextum ait: *Domine ne in furore tuo arguas me, neque in ira tua corripias me*; id est, non sim inter illos quibus dicturus es in iudicio, *Ite maledicti in ignem æternum*: neque in indignatione tua emendes me; id est, non sit mihi opus igne emendatorio, qui & purgatorius dicitur: qui cū grauior sit omni eo quod pati potest in hac vita, cū multi facinorosi per diversissimos cruciatus luant sua crimina, multiquē per immania & exquisita tormenta migrauerunt ad Dominum. Non blandiaris tibi, ô homo, (m) si graviter peccanti leuior pænitentia uel à nesciente uel à dissimulante dictatur, cū purgatorius ignis perficere debeat, quidquid hīc minus feceris: quia dignos fructus pænitiæ requirit Altissimus. Sed uideamus detractores (n) uideamus canes, scilicet hæreticos. Irrident nos quodd oramus pro mortuis, quodd Sanctorum suffragia postulamus: Non credunt ignem purgatorium restare post mortem, sed statim animam solutam à corpore, uel ad requiem transire, uel ad damnationem. Querant ergo à Christo, qui in Euangelio secundū Matthæum capite duodecimo dixit *peccatum esse, quod neque in hoc seculo, neque in futuro remittetur*. Cur hoc dixerit, si nulla manet in futuro remissio purgatiōis peccati. Viuentium itaque preces & hostias [o] mortui, qui opus habebunt & digni

Tract. de 3. præcip. myst. cap. 23. num. 38. in Ser. de S. Andr. n. 5. tom. 6. pag. 785. n. Ser. 66. in Cant. n. 9. & 11. o Ibidem n. 10.

digni erunt, mediantibus percipient Angelis : & eorum qui jam peruenerunt ad cælum, viventibus adhuc nequaquam solatia deerunt per Deum qui ubi; est, & in Deo nusquam affectu charitatis absentium. Nam & Christus propter hoc mortuus est & resurrexit, ut vivorum dominaretur & mortuorum.

Sed jam huic sermoni terminum imponimus : [p] paratique sumus emendare, demere, & mutare, sicubi contra fidem & contra Sacras Scripturas aliquid diximus. In omnibus autem gratias humiliter agimus ei, qui gratuitâ gratiâ suâ nos edocuit, qui aperit os mutorum, & linguas infantium disertas facit. Totumquæ hoc Opusculû consecramus optimo & dulcissimo Jesu Christo Crucifixo. Benedic anima mea Deum Salvatorem tuum [q] & magnifica Nomen ejus. Sanctum est enim, & sanctissimis deliciis plenum. O quàm bonus & suavis es Domine Jesu animæ quærenti te ! Jesu Redemptor perditorum, Saluator redemptorum, spes exulum, fortitudo laborantium, auxiliati spiritus latitudo, animæ lachrymosæ & post te currentis in sudore solatium & suave refrigerium, corona triumphantium, unica merces & lætitia supernorum Civium, vberimus fons omnium gratiarum, unica proles Summi Dei, & Deus Summus, benedicant te omnia quæ in cælo sunt sursum, & quæ in terra deorsum. Benedic anima mea Domino [r] & omnia quæ intra me sunt, Nomini Sancto ejus. Benedic, & dic : *Gloria, laus, & honor sit tibi Rex Christe Redemptor*. Da anima mea gloriam Deo (s) qui gratis te prævenit, excitavit, initiavit : & vive dignè de cætero, quo te probes vit,

p Tract. de vite myst. cap. 46. num. 165. q Ser. de Pass. Dom. n. 23.
r Tract. de inter. domo, cap. 37. num. 83. s Tract. de grat. & lib. arb. cap. 1. num. 1.

& perceptis beneficiis non ingrati, & percipendis idoneam. Quicquid sapientiæ (t) quicquid te virtutis habere confidis, Dei Virtuti & Dei Sapientiæ deputa Christo Jesu Crucifixo. Hic tibi sit cibus & potus (u) dulcedo & consolatio tua, mel tuum & desiderium tuum, lectio & meditatio tua, oratio & contemplatio tua. Ipse enim est (x) qui replet in bonis desiderium tuum. Replet in bonis, excitat ad bonum, tenet in bono: præuenit, sustinet, implet. Ipse facit ut desires, ipse est quod desideras. O Salvator meus, & Deus meus! (y) Veniat, veniat oro tempus, ut quod nunc credo, oculis tandem revelatis aspiciam: quod spero nunc & à longe saluto, apprehendam: quod pro viribus meis desidero, ulnis animæ meæ amplectar & deosculer, & in amoris tui abyssum absorbear, ô Salvator meus & Deus meus. Magnus es tu (z) & magnum Nomen tuum. O immarcescibilis decor Dei excelsi, & purissima claritas lucis æternæ, Vita omnem vitam vivificans, Lux omne lumen illuminans, & conseruans in æterno splendore! Inclytam sponsam Ecclesiam populi tui illo quæso igneo stillicidio purga & innoua, illumina & inflamma, exhilara & confirma: & uni cor credentium tibi, ut unum sint, unum sapiant, unum vnanimiter requirant, ut apprehendant & videant, & benedicant te Deum deorum Sion, dicentes: *Sit individua Trinitati gloria, gratiarum actio, honor, & imperium in secula sæculorum. Amen.*

PHI-

t Ser. 13. in Cant. num. 1. u Ser. de form. bon. vitæ. num. 2.
 x Tract. de diligen. Deo. cap. 7. num. 21. y Ser. de Pass. Dom.
 num. 22. z Ibidem, num. 23. & 24.

INDEX

Partium , Capitulorum , & Paragrapho-
rum : quæ in hoc Secundo Tomo
Philosophiæ Christianæ
continentur .

Numerus indicat paginam .

P A R S I.

DE gestis passionis Christi in horto Gethse-
mani . pag. 3.

C A P U T I.

Continens Proœmium , in quo excitatur quisque
Christianus ad recolendam Passionem Christi .
pag. 3.

§. 1. Ostenditur, familiarem fuisse Sancto Bernar-
do meditationem passionis Dominicæ, adeo ut
etiam non dubitaverit in ea sibi constituere perfe-
ctionem justitiæ, plenitudinem scientiæ, divitias
salutis, & copias meritorum . 4.

§. 2. Exemplo & doctrinâ ejus excitamur ad medi-
tandam passionem Christi, compatiendumquè
ejus doloribus quos pertulit pro salute nostra . 8.

§. 3. Excitamur ad retribuendam dilectionem Je-
su crucifixo pro amore quem exhibuit nobis, pa-
tiendo & moriendo pro salute nostra . 12.

§. 4. Ostenditur, quanta proveniat nobis utilitas ex
meditatione passionis Dominicæ, & quantum va-
leat

Index Capitulorum,

leat ejus memoria ad dulcorandum amaritudinem
sive tribulationem nostram . 16.

- §. 5. Ostenditur, quantum valeat hujusmodi meditatio ad superandum quasvis tentationes inimici, illicitasquæ cogitationes, & delectationes carnales: necnon quantum valeat ad acquirendam virtutem humilitatis. 20.

C A P U T I I.

De angustia Christi, quam pati voluit in horto Gethsemani pro salute nostra . pag. 25.

- §. 1. Invisionis omnes Christiani ad legendum historiam Passionis Dominicæ, plenam sacramentorum salutis: & nec non ad considerandum causam, quarenam Christus voluit transire per montem Oliveti ad hortum Gethsemani. 25.
- §. 2. Ostenditur, sollicitudo Christi erga Discipulos, quos, antequam ingrederetur hortum, prius curavit exhortari ad vigilandum & orandum, ne intrarent in tentationem. Hoc documento excitantur etiam Pastores animarum ad vigilandum super greges sibi commissas. 30.
- §. 3. Ostenditur quoddum Christus in horto cæpit pavere & tædere, contristari & mæstus esse, totum hoc agebatur propter nos: scilicet ut nec mori timeamus in articulo mortis, nec diabolum tunc adfuturum expavescamus. 35.

C A P U T I I I.

De circumstantiis primæ orationis Christi in horto Gethsemani . pag. 42.

- §. 1. Christus oraturus in horto avulsus est à suis Discipulis, ut exemplo suo commendaret orare volentibus loci secretum quærendum, propter cau-

Et Paragraphorum .

cautelam & verecundiam . 43.

§. 2. Christus procidens super terram in faciem suam , adinstar Elisæi contraxit se mortuo generi humano, eiquè restituit vitam, quam septem oscitationes demonstrant . 47.

§. 3. Christus ideo oravit Deum Patrem transferri à se calicem passionis , ut doceret nos in tribulationibus nostris recurrendum esse ad Deum , ut avertat à nobis flagella iracundiæ suæ . Et ostenditur, Deum esse nobiscum in omni tribulatione nostra . 53.

C A P U T I V.

De triplici sermone Christi, quo discipuli ejus blandè reprehenduntur ob suam dormitionem: & monentur ad vigilandum & orandum : sed nihilominus excusatur eorum infirmitas carnis . pag. 59.

§. 1. Ostenditur , quòd Jesus surgens ab oratione , veniensquè ad suos discipulos præ tristitia dormientes, exhibuit magnam tunc habuisse circa illos curam : quam etiam nunc exhibere non cessat circa nos licet somnolentos . 59.

§. 2. Quòd Jesus suos discipulos tunc exhortatus est ad vigilandum & orandum , ne intrarent in tentationem . Docemur dupliciter fieri orationem , voce , & desiderio : nec non triplici modo fieri vigilias , nimirum super opera , verba , & corda nostra . 64.

§. 3. Ostenditur , fortitudinem carnis operari debilitatem spiritûs , infirmitatem verò carnis augere robur spiritûs . Et probatur virtutem perfici in infirmitate , id est , in humilitate , de qua afferuntur plura ducumenta . 69.

Index Capitulorum,

C A P U T V.

De secunda & tertia oratione Christi, facta in horto ad Deum Patrem suum. *pag. 74.*

§. 1. Christus secundò orans transferri à se calicem, demonstravit suam Animam fuisse nimis contri-
bulatam & desolatam, omniquè solatio distitu-
tam. Et ostenditur, quomodo Deus succurrat ser-
vis suis languidis in exercitiis spiritualibus. 74.

§. 2. Ostenditur, quòd sicut Jesus iterum suos disci-
pulos visitavit, ut eorum languoribus compatere-
tur: ita & modò non dubitatur humiles visitare,
superbos verò præterire. 79.

§. 3. Ostenditur, Christum propterea reliquisse suam
voluntatem ut fieret communis, id est, & Dei Pa-
tris, & ipsius Christi, & nostra. Monemur vita-
re propriam voluntatem, & imitari Jesum, qui
venerat facere voluntatem Patris sui. 85.

C A P U T V I.

De Obedientia Christi, quam Deo Patri exhibuit,
eamquè perfecit, dum executus est ipsius volun-
tatem in opere redemptionis nostræ. *pag. 90.*

§. 1. Ostenditur cibum Christi fuisse obedientiam,
quam perficere juxta voluntatem Dei Patris vo-
luit. Cibus ejus sunt etiam actus virtutum no-
strarum, inter quas virtus obedientiæ principa-
tum tenet. 90.

§. 2. Docemur, voluntatem nostram debere esse
subiectam voluntati divinæ: de qua traditur tri-
plex doctrina utilissima salutis nostræ. 95.

§. 3. Proponitur nobis Christi obedientia ad imi-
tandum. Ostenditur triplicem esse obedientiam,
specialem, propriam, & communem. 99.

Agi-

Et Paragraphorum .

§. 4. Agitur de septem gradibus obedientiæ . 103.

C A P U T V I I.

De agonia , & sudore sanguineo Christi orantis in horto . *pag. 109.*

§. 1. Ostenditur, Christum in agonia non solum immaduiffe sudore sanguineo , sed etiam decorem exteriorum corporis sui amisisse : quo docemur ut & nos deformemur in corpore extrinsecus , interius verò reformemur in anima . 110.

§. 2. Ostenditur, Christum sudasse sanguinem , ob ingentem angustiam & scissionem cordis: quo docemur scindendum esse corda nostra . Assignantur causæ , cur toto Corpore sudavit sanguinem Christus . 115.

§. 3. Ostenditur , Christum ideo voluisse consolari & confortari ab Angelo , ut nos doceret non ad carnales & caducas recurrere consolationes , sed ad spirituales & Angelicas . Docemur , ut in omni tribulatione nostra invocemus Angelum Custodem nostrum , qui nos consoletur & confortet . 120.

C A P U T V I I I.

De spontanea voluntate Christi , quam ostendit manifestando se Judæ & satellitibus , ut caperetur ab eis . *pag. 126.*

§. 1. Christus voluntariè oblatus passioni docet nos , ut libenter offeramus Deo vitam nostram . Docemur , qualiter quatuor obstacula adversantia divinæ voluntati reprimenda sint mediantibus quatuor virtutibus cardinalibus . 126.

§. 2. Christus manifestans se ad capiendum , monstravit se esse sollicitum de acceleranda redem-

Index Capitulorum ,

ptione nostra . Ostenditur, quantam curam habeat erga Ecclesiam electorum suorum . 131.

- §. 3. Christus antequam caperetur , ostendit suam potentiam Divinam in illo tempore, quo prostravit in terram eosdem qui volebant ipsum capere . 136.

C A P U T . I X .

De osculo Judæ . quo tradidit Christum ministris Judæorum ad capiendum . pag. 140.

- §. 1. Ostenditur summa benignitas Christi , quod non est dedignatus suscipere osculum Judæ , in quo dolus erat , & virus hypocrisis . Docemur , hypocrisim reprimendum esse duplici humilitate: quarum unam parit veritas , alteram charitas . 141.

- §. 2. Christus licet dixerit se ignorare causam adventûs Judæ , minimè tamen dubitatur eum scivisse cogitationes suas dolosas . Docemur , sinceris Christum Deum nostrû præstò ubiquè esse divinæ præsentîæ majestatis, gratiæ tamen exhibitione hypocritis longè . 146.

- §. 3. Ostenditur , quantum fuit derogatum libertati Christi, dum sicut latro captus ligabatur à satellitibus . Et proponuntur nobis imittanda tria vincula , quibus astringamur Domino Jesu Christo liberatori nostro . 150.

C A P U T X .

De auricula Malcho amputata , & de fuga discipulorum . pag. 155.

- §. 1. Christus reprehendens Petrum ob abscissionem auriculæ Malchi , ostendit intempestivum fuisse ejus zelum ad excolendum vineam sterilem: per

Et Paragraphorum .

per quam designatur populus Judæorum . 156.

§. 2. Præcipiens Petro mittere gladium in vaginam, innuit quidem non trucidandos esse Judæos neque effugandos: non tamen prohibet evaginandum gladium ad debellandum Paganos . Docemur, hæreticos non armis sed argumentis convincendos esse, ut reconcilientur Ecclesiæ Catholice . 160.

§. 3. Ostenditur, quod discipuli fugientes tunc reliquerant Jesum corporaliter simul & mentaliter, mulieres verò tantum mentaliter: sed Beata Virgo Maria neutro modo reliquerat eum . Et probatur, Christum esse veram vitem, palmites verò eos esse omnes qui ei adhærent fide: cujus quatuor acceptiones afferuntur . 165.

P A R S II.

DE gestis passionis Christi in civitate Jerusalem. *pag.* 171.

De gestis coram Anna Pontifice Judæorum. 171.

C A P U T I.

§. 1. Christus de sua doctrina interrogatus à Pontifice Anna simulante se ignorare illam, respondit ei, ut interrogaret potius eos qui suas prædicationes auscultabant . Ostenditur, triplicem esse ignorantiam culpabilem: necnon docemur, quantum Christianæ pietati expediat auscultare doctrinam Christi, eamquè adimplere operè . 172.

§. 2. Christus non solum verbo commendavit nobis patientiam suam imitandam, sed etiam exemplo consecravimus tunc quando cæsus erat ala-pâ . Ostenditur, triplici modo patientiam nostram

Index Capitulorum,

- tentari: verborum injuriis, damnis rerum, corporis læsione. Docemur, in patiando triplex malum, triplicem providentiam adhibendam esse. 176.
- §. 3. Ostenditur, quodd Caiphas uti Pontifex pauld-ante verè quidem prophetavit oportere Jesum mori, ne totum genus humanum periret: sed Judæis justitia & repudium obtigit, Gentibus autem misericordia & connubium. Utrisque pro voto suo. 180.

C A P U T I I.

- De gestis corā Caipha præsidente in concilio Judæorum, coacto contra Jesum innocentem. *pag. 185.*
- §. 1. Describitur concilium impiorum Judæorum. Docemur fugiendam esse unitatem perversorum, sectandam verò unitatem bonorum. Ostenditur, unitatis bonum servari duobus modis, triaque esse quæ unitatem impediunt. 185.
 - §. 2. Ostenditur, Caipham ejusquè concilium ideo condemnasse Jesum reum esse mortis, quia interrogatus & adjuratus confessus est veritatem, respondendo se esse Christum Filium Dei. 190.
 - §. 3. Ostenditur, Judam pænituissè quidem quodd Christum tradiderit, & confessum esse se peccavisse: sed confessio ejus fuit infidelis, non credens Christum esse Deum. Docemur, tria requiri ad sacramentalem confessionem, ut sit pura, humilis, & fidelis. 195.

C A P U T I I I.

- De prima accusatione Christi, facta à Judæis coram Pilato Præsidente. *pag. 199.*
- §. 1. Ostenditur malitia & ingratitude Judæorum, qui

Et Paragraphorum .

qui suum benefactorem Jesum accusantes, & asse-
verantes eum esse malefactorem, tradiderunt Pi-
lato ad crucifigendum: quem tamen linguâ suâ
maledicâ jam crucifixerant. Agitur de vitio de-
tractionis. 200.

§. 2. Ostenditur, Jesum Christum nedum esse Re-
gem cælestis Jerusalem, sed etiam illius terrestris
Jerusalem, in qua habitabant Judæi. 204.

§. 3. Ostenditur causa, cur Pilatus statim ac in
interrogavit Jesum quid sit veritas, resiliit non
expectans responsum. Docemur agnitionem ve-
ritatis in tribus gradibus consistere: scilicet in
nobis, in proximis, in sui natura. 208.

C A P U T I V.

De secunda accusatione Christi, facta per Judæos
coram Pilato. pag. 213.

§. 1. Ostenditur, Jesum nihil respondentem Pilato
ad falsam accusationem Judæorum docuisse nos,
ut ejus humilitatem & mansuetudinem, verecun-
diam & taciturnitatem imitemur. 213.

§. 2. Ostenditur, ignorantiam Judæorum esse culpa-
bilem, graviusquè peccari doctrinæ Christi con-
temptu, quàm neglectu. Agitur de differentia
utriusque. 217.

§. 3. Ostenditur, Jesum ideo se subjecisse potestati
Herodis, ut doceret omnem hominem debere
esse subiectum utrique potestati, seculari videlicet
& Ecclesiasticæ. 221.

C A P U T V.

De gestis coram Herode rege, commorante tunc
Jerosolymis. pag. 225.

§. 1. Ostenditur, multipliciter accipi signum in sacra
Scri-

Index Capitulorum,

Scriptura. Herodes non aliud signum voluit videre, nisi ut ipsi revelâset seipsum Christus: sed ob malam voluntatem non fuit dignus cognoscere illum. 226.

§. 2. Ostenditur, Jesum ideo nihil respondisse Herodi, quia sciebat illum nullum fructum fidei relaturum ex suis responsis: hunc tamen fructum multi credentes in Jesum retulerunt post ejus resurrectionem. 230.

§. 3. Ostenditur, Herodem ideo sprevisse & illuisse Jesum, quia vidit eum tantum foris esse nigrum absq; specie & decore secundum humanitatem, non autem intus speciosum secundum Divinitatem. Agitur de nigredine simul & pulchritudine Christi. Nigredo designat passionem & infirmitatem ejus, pulchritudo majestatem Divinitatis. 234.

C A P U T V I.

De re assumptione causæ contra innocentem Iesum coram Pilato: & de postulatione Barabbæ homicidæ. pag. 237.

§. 1. Pilatus cognoscens innocentiam Jesu, merito dixit se nullam causam mortis invenire in eo: quia cum solus sub Sole sine macula inventus sit, argui non potuit de peccato. 238

§. 2. Ostenditur, Judæos per invidiam tradidisse Pilato Jesum ad crucifigendum. Monemur ut invidiam tanquam basiliscum fugiamus, charitatem verò sedemur. 242.

§. 3. Ostenditur, Judæos tunc vel maximè exercuisse odium in Jesum, quando eum innocentem scelerato Barabbæ postponentes, multoties postulabant

Et Paragraphorum .

bant hunc dimitti, Jesum autē crucifigi. Monemur timere asperam auditionem in die judicii . 246.

C A P U T V I I .

De flagellatione Christi ad columnā ligati. *pag. 250.*

§. 1. Proponitur nobis ad considerandum Jesus al-
ligatus columnæ, flagellisquē cæsus. Et invita-
mur ad colligendum ejus Sanguinem ex con-
scisso corpore & flagellato distillantem in ter-
ram . 251.

§. 2. Ostenditur, patientiam Christi fuisse singulārē
tunc dum flagellabatur, siquidē non aperuit os suū.
Hoc exemplo docuit nos, ut patientiam ejus imi-
temur, ac flagella Dei patienter toleremus. 254.

§. 3. Ostenditur, Deum tribus modis castigare ho-
mines in hac vita: necnon flagella ejus esse utilia
hominibus. Hinc probatur, flagella Dei esse argu-
menta amoris ejus erga homines: in quibus nemo
debet murmurare contra Deum, sed potius se-
ipsum accusare . 258.

C A P U T V I I I .

De coronatione Christi, quem coronā spineā coro-
nârunt Judæi ad illudendum. *pag. 262.*

§. 1. Ostenditur, coronam spineam adeo validē
impressam fuisse capiti Jesu, ut non guttæ sed
rivi sanguinei inde profluxerint in collum & fa-
ciem ejus . 263.

§. 2. Monemur imitari Jesum spinis coronatum,
veste irrisoria indutum, ac irrisoriè adoratum &
salutatum. Excitamur, ut ejus exemplo sustinea-
mus contumelias & convitia malignantium, ta-
cendo & dissimulando . 266.

§. 3. Ostenditur, caput Jesu ideo coronatum esse
spi-

Index Capitulorum,

- spinis & vulneratum, ut nos videntes illud veptibus punctum, compungamur ad lachrymas. Docemur, quibus modis compungatur cor hominis justī, & quisnam sit effectus compunctionis & lachrymarum. 271.

C A P U T I X.

De spectaculo Christi, facto Judæis à Pilato extra prætorium. pag. 275.

- §. 1. Ostenditur, Christum ideo voluisse coronari spinis, & indui veste irrisoria, ut fugiamus gloriam mundi, & luxum vestimentorum. 275.

- §. 2. Ostenditur insipientia Judæorum & Pilati, qui Christum non Deum, sed purum hominem esse putabant: nec non prudentia Ecclesiæ, quæ eundem Christum catholicè credit Deum esse & hominem, qui præter oracula Prophetarum & Paternæ vocis testimonium, fidem divinitatis suæ miraculis comprobavit. 179.

- §. 3. Ostenditur, juxta verbum Christi Pilatum non à Judæis, sed desuper datam sibi habuisse potestatem crucifigendi Jesum. Quòd autem & diabolus habeat potestatem in homines, probatur triplici argumento. 282.

C A P U T X.

De sententia mortis, quâ condemnavit Pilatus Jesum ad crucifigendum. pag. 287.

- §. 1. Reprehenduntur Judæi, quòd impiè abnegantes Christum coram Pilato dixerunt: *Non habemus Regem, nisi Cæsarem*. Proinde ostenditur, Christum meritò repudiavisse Synagogam Judæorum, Ecclesiam verò Gentium desponsavisse sibi. 287.

Osten-

Et Paragraphorum.

- §. 2. Ostenditur, Judæos similes esse bestiis, eò quòd sicut istæ sitiunt sanguinem humanum ob ejus dulcedinem, sic illi sitiebant Sanguinem Christi ob execrabile odium, cùm dicebant: *Sanguis ejus super nos, & super filios nostros.* Et ideo probatur eos esse homicidas Christi, quem occiderunt in suam quidem perniciem, sed in nostram salutem. Exciteamur ad sitiendum Sanguinem Christi. 291.
- §. 3. Ostenditur, Pilatum condemnasse Christum ad crucifigendum, ob solam duntaxat voluntatem Judæorum. Monemur fugire propriam voluntatem, cùm nihil aliud puniat Deus præter illam. Ostenditur, propriam voluntatem hominis triplici modo exercere bellum crudelissimum adversus Deum. 295.

P A R S III.

De gestis extra portam civitatis Jerusalem, & in via illa, quâ ducebatur Jesus bajulans sibi Crucem, pag. 300.

C A P U T I.

De bajulatione Crucis, quam Christus portavit in montem Calvariæ. pag. 303.

- §. 1. Invitamur egredi, & videre Regem Salamonem, Jesum Christum bajulantem sibi Crucem: ut sequentes vestigia ejus adhærentesque ei, compatiatur Regi nostro: & ut passionibus ejus per patientiam communicantes, regni ejus mereamur esse consortes. 304.
- §. 2. Ostenditur, Christum in bajulando sibi Crucem pertulisse laborem & dolorem, ut languores no-

Index Capitulorum ,

nostros auferat à nobis. Item ostenditur, tria præcipua motiva compulisse Jesum ad subeundam ignominiam crucis. 307.

- §. 3. Ostenditur, Simonem Cyrenæum portantem Crucem alienam denotare hypocritas illos, qui portantes Crucem Christi, & non suam, palliant sanctitatem negligendo sectari ejus humilitatem. Describitur Publicani humilis imploratio propitiationis pro peccatis suis, & Pharisei superba gratiarum actio. 311.

C A P U T I I.

De planctu mulierum, quæ flebant super Jesum bajulantem sibi Crucem. pag. 315.

- §. 1. Excitamur exemplo sanctarum sæminarum plangentium super Jesum cruce propria oneratum, ut plangamus compatiendo doloribus ejus. Et quia non dubitatur & ipse flevisse cum flentibus, ideo lachrymæ ejus debent nobis incutere pudorem & dolorem. 316.

- §. 2. Ostenditur, Jesum tunc exhibuisse suum compassionis affectum super mærore sanctarum sæminarum, quando illis locutus est verbum consolatorium. Docemur, ut imitemur Jesum, & quæramus compassionis affectum, zelum justitiæ, & spiritum discretionis. 319.

- §. 3. Ostenditur, Jesum dum locutus est ad mulieres, innuere quoddam Judæi magnam sustinebunt calamitalem in die judicii, ob incredulitatem & contemptum doctrinæ Christi. Monemur timere judicium extremum, & pænas gehennæ. 323.

C A P U T I I I.

De imitatione Christi bajulantis Crucem. pag. 327.
Chri-

Et Paragraphorum .

- §. 1. Christus proponit animæ rationali servitutem in abnegatione sui: ut quæ ceciderat per inobedientiam à seipsa , id est à libertate , abnegando semetipsam , id est propriam voluntatem , recuperet per obedientiam libertatem sui . 328.
- §. 2. Proponit eidem animæ vilitatem in toleratione crucis : ut quæ ceciderat per inobedientiam à societate Angelorum , id est à dignitate , tollendo crucem suam , id est carnem suam affligendo , per continentiam recuperet societatem Angelorum . 331.
- §. 3. Christus proponit animæ rationali asperitatem in imitatione sui : ut quæ per inobedientiam ceciderat à visione Dei , id est à beatitudine , sequendo Christum , id est ejus passionem imitando , recuperet visionem claritas ejus . Oñdatur , triplex dari genus hominum : quorum alij trahuntur ad Jesum , alij ducuntur , alij rapiuntur . 334.

C A P U T I V.

De suavitate jugi Christi , quæ ad gustandum datur portantibus jugum ejus . pag. 338.

- §. 1. Oñdatur , Christum reficere portantes jugum suum triplici cibo : incipientes cibo humilitatis , proficientes cibo charitatis , perfectos cibo sapientiæ . Septem sunt panes , quibus nos pascit Christus : imò & ipse pascitur profectibus nostris . 339.
- §. 2. Invitamur ad tollendum jugum Christi suave , quo auferatur durum jugum sæculi ab humeris nostris , & onus premens animas nostras . Reprehenditur dementia hominum , qui potiùs malunt emere multiplex jugum mundi durum , quàm tol-

Index Capitulorum,

tollere jugum Christi suave. . . 342.

- §. 3. Ostenditur, jugum Christi nullum habere onus seu laborem : probaturquè exemplo & similitudine , quòd onus Christi non onerat , sed alleviat portantes illud . 347.

C A P U T V.

De vera requie animarum nostrarum , quæ invenitur à portantibus jugum Christi . pag. 351.

- §. 1. Ostenditur, sub jugo Christi esse veram requiem & pacem . Agitur de duplici pace, vera , & falsa : una est Christi ; altera mundi . Pacis nomine intelligitur charitas Christi . 351.

- §. 2. Ostenditur, Christum non solùm nos invitare ad tollendum jugum suum , sed etiam ad discendam suam humilitatem . Agitur de duplici humilitate , quarum unam parit veritas , alteram format charitas . 357.

- §. 3. Docemur exemplo & doctrinâ Christi, ut ejus sectemur humilitatem , per eamquè tendamus ad Deum . Agitur de duplici humilitate , quarum una est cognitionis , altera affectionis : nec non de duplici superbia , ut ex opposito sibi vitio appareat decor humilitatis . 361.

C A P U T VI.

De vera & falsa sequela hominum Christum sequentium . pag. 365.

- §. 1. Ostenditur , quadruplicem esse sequelam sequentium Christum. Exhortantur personæ Ecclesiasticæ ut crucem Christi tollant , id est , ut laborem & humilitatem ejus amplectantur , vanitatem verò & delicias mundi detestentur . . 366.

- §. 2. Ostenditur , crucem Christi foris quidem esse du-

Et Paragraphorum .

duram , sed intus dulcissimam . Docemur , triplicem esse gradum ferentium crucem , quam incipientes sustinent patienter , proficientes portant libenter , perfecti amplectuntur ardentem . . . 369.

§. 3. Ostenditur , neminem posse esse discipulum Christi absque renunciatione & contēptu mundi . Agitur tam de angustiis eorum qui possident divitias , quàm de spiritualibus deliciis eorum , qui terrenas contemnunt divitias . 374.

C A P I T U L U M V I I .

De contemptu divitiarum terrenarum , pretioquē paupertatis spiritualis . . . pag. 379.

§. 1. Ostenditur neminem posse esse perfectum , nisi vendat omnia quæ possidet , ac sequatur Christum , ejusquē paupertatem imitetur . Refellitur effugium quorundam divitias amantium , & frustra tuentium exemplis Patrum veteris testamenti qui divitias possidebant . . . 380.

§. 2. Ostenditur , neminem posse esse verum discipulum Christi , nisi amorem Dei & salutem propriæ animæ præposuerit affectui parentum suorum . Monentur parentes , ne impediant suos filios volentes sequi Christum , ejusquē paupertatem amplecti . Ostenditur , tria esse quæ constituunt pauperratem spirituales . . . 384.

§. 3. Docemur , neminem posse animam suam salvam facere , nisi prius perdat illam propter Christum . Monemur , ut exemplo Sancti Pauli , qui juxta consilium Domini perdebat animam suam , perdamus & nos animas nostras , secundum doctrinam quæ traditur nobis . . . 389.

Index Capitulorum, **C A P U T V I I I.**

De consideratione Christi, qui est fons, lux, via, veritas, & vita. *pag.* 393.

§. 1. Invitantur sitientes animæ, ut veniant ad Jesum fontem vivum; de cujus pectore procedunt quatuor fontes, scilicet misericordia, sapientia, gratia, & charitas: & ut bibant ex illis aquas remissionis, discretionis, devotionis, & æmulationis. 394.

§. 2. Invitantur animæ in tenebris ignorantiae manentes, ut sequantur Jesum mundi lucem, & vitæ lumen: cujus lux tanquam lumen Solis fuit in resurrectione. Docemur quomodo possit videri Deus in hac vita: monemurquæ purgare oculum nostrum, ut in altera vita mereatur videre lucem meracissimam, Jesum Christum. 398.

§. 3. Proponitur nobis viæ labor, id est humilitas: & laboris fructus, id est veritas & vita. Ostenditur, neminem posse venire ad Deum Patrem, nisi per ejus Filium Unigenitum. Christus propterea didicit nostras misérias, ut misericors fieret. 403.

C A P U T I X.

De ardore desiderii Sponsæ, postulantis se trahi posse Sponsum Jesum bajulantem crucem. *pag.* 408.

§. 1. Ostenditur, quod licet Christus dicat neminem posse venire ad se, nisi suus Pater traxerit eum: tamen minimè dubitandum quin & ipse trahat nos ad se, ut currentes post eum imitemur vitam ejus, & sequamur vestigia conversationis suæ. 409.

§. 2. Ostenditur, alios currere in via contemplativa, alios verò torpere pro discrimine gratiæ trahen-

Et Paragraphorum.

hentis. Docemur, nunquam debere nos esse securos de præsentī gratia contemplationis. Traditur regula torpentibus in exercitio spiritali. Tractatio variè exponitur. 413.

§. 3. Agitur de quatuor unguentis Sponsi Jesu: quæ appellantur, Sapientia, Justitia, Sanctificatio, & Redemptio. Et hæc omnia sicut Angelis ita & hominibus factus est Christus. 418.

§. 4. Excitamur, ut libenter curramus post Jesum in odore unguentorum præfatorum, propter quadrifariam unctionem & suavitatem eorundem. Ostenditur, non omnes æqualiter currere in odore omnium unguentorum: de quibus singulis afferuntur singula exempla. 423.

C A P U T X.

De triplici præmio relinquentium mundum, propter amorem Jesu Christi. pag. 427.

§. 1. Ostenditur, verba Christi habere magnam vim ad persuadendum hominibus contemptum mundi, & sequendum Christum. Demonstratur, Petrum reliquisse omnia, licet nihil habuerit. Reprehenditur detestabilis in hominibus concupiscentia rerum terrenarum. 428.

§. 2. Agitur de perfecta obedientia Petri & Andreæ, qui ad unicam Christi vocem relictis omnibus statim secuti sunt eum. Quorum exemplo docemur, vocationi divinæ festinanter esse obediendum, sicut & Abraham & Zachæus obediverunt. 433.

§. 3. Ostenditur, relinquentes omnia & sequentes Christum, habituros in futura regeneratione quietem sessionis: dum & corpus dotabitur gemina

Index Capitulorum ,

felicitate immortalitatis scilicet & impassibilitatis ; & Anima sicut nihil metuet , sic nec concupiscet ultra 437.

§. 4. Ostenditur , sequaces Christi habituros excelsum honorem judiciariæ potestatis, & immensum gaudium : illum pro humilitate paupertatis, istud pro labore . Exhortamur fugire honores mundi , & ambire dignitatem promissam sequentibus Christum , quæ est excellentior omni gloria sæculi 442.

§. 5. Ostenditur , contemptores mundi in hac vita accepturos præmium nomine Centupli promissum , & possessuros vitam æternam . Reprehenditur vesania hominum , qui cunctantur relinquere simpla pro centuplo : cujus qualitas fide comprehenditur , non experimento . Afferuntur variæ definitiones & effectus hujus centupli 446.

P A R S I V .

DE gestis in monte Calvariæ , in quo Christus est crucifixus & exaltatus pro redemptione , generis humani pag. 454.

C A P U T I .

De vino myrrhato , quo potatus est Christus ante crucifixionem suam pag. 458.

§. 1. Ostenditur , Christum cum gustasset vinum myrrhatum , ideo noluisse illud bibere , quia indicabat nimiam acerbicatem invidiæ crucifixorum . Monemur abstinere à calice dæmoniorum , per quem significatur invidiæ peccatum . Ostenditur , Luciferum esse authorem invidiæ , quam conceperat in cælo , & perperit in paradiso 459.

Osten-

Et Paragraphorum .

§. 2. Ostenditur , Christum ideo noluisse bibere amarum potum , ut nos prius bibentes amaritudinem pænitiæ , postea experiamur vinum iucunditatis spiritualis . Triplex est mysticum vinum, quo inebriantur pii homines . Austeritas vini designat zelum fervidum . Oleum designat spiritum mansuetudinis . 463.

§. 3. Ostenditur , triplex esse vinum Dei . Mone-
mur emere vinum & lac . Traditur modus come-
dendi & bibendi fructū redemptionis nostræ. 467.

C A P U T I I.

De mysterio vestimenti & tunicæ inconsutilis , qui-
bus despoliatus fuit Christus ante crucifixionem
suam. pag. 471.

§. 1. Ostenditur , Christum ideo voluisse despolia-
ri vestimentis suis , ut exterminationem corporis
sui purissimi intueri valeamus : ac reveſtiamur
quatuor illis virtutibus , quibus spoliati fuimus in
Adam . 472.

§. 2. Ostenditur , illam tunicam Christi quæ non
fuit scissa , significare Divinam imaginem , id est
liberum arbitrium nostrum: necnon imaginem &
similitudinem Dei ad quam creati sumus , consi-
stere in triplici libertate, arbitrii, consilii, & com-
placiti . Item tunica Christi inconsutilis & poly-
mita designat Ecclesiam variis Ordinibus orna-
tam : cujus ornatus est excellentior omni ornatu
cæli & terræ . 476.

§. 3. Ostenditur , tunicam Christi inconsutilem &
non scissam designare firmitatem fidei , & solidi-
tatem Catholicæ vnitatis : quam frustra tam à
persecutoribus quàm ab hæreticis impugnatam

Index Capitulorum ,

esse demonstratur .

483.

C A P U T I I I .

De crucifixione Christi , & effusione Sanguinis ex manibus ac pedibus ejus perforatis . pag. 487.

§. 1. Ostenditur , Christum non solum corporaliter affixum ligno crucis, sed etiam spiritualiter infixum esse nobis , qui sumus ipsa Cruz . Excitamus ad dolendum pro culpa nostra , quâ offendimus nostrum Creatorem , Patrem , & Benefactorem : nec non ad sequendum Jesum ascendentem Crucem , ut in ea mentaliter collocati , deorsum aspiciamus universa quæ in terris sunt, & despiciamus ea . 488.

§. 2. Ostenditur , Christum ideo voluisse crucifigi & vulnerari, ut vulneribus animarum nostrarum medeatur suo Sanguine precioso , quem ex suis manibus & pedibus effudit ob ardorem charitatis erga nos . 492.

§. 3. Ostenditur , Christum ideo voluisse pendere in Cruce inter duos latrones , ut Scriptura impleretur , & ut fortitudo ejus & sapientia absconderentur in cornibus Crucis . Probatur , ignominiosam crucifixionem humanitatis non minuisse lucem Divinitatis in Christo . 497.

C A P U T I V .

De titulo Crucis, quatuor dictionibus exarato : quarum singulæ habent sensum tropologicum. pag. 501.

§. 1. Dictio *Jesus* significat salvationem sive redemptionem nostram . Nomen *Jesus* comparatur triplici qualitati olei , quod lucet , pascit , & ungit . 501.

§. 2. Dictio *Nazareus* , interpretatum florens , signi-

Et Paragraphorum .

significat voluptatem sive delectationem mentis .
Jesum crucifixus comparatur flori spiranti odorem , quo totum mundum traxit post se . § 06.

§. 3. Dictio *Rex* significat divitias salutis nostræ .
Ostenditur , Jesum crucifixum esse summum Regem non solum hujus mundi , sed etiam regni cælestis . § 11.

§. 4. Dictio *Judeorum* significat gloriam populi Gentium : qui ideo veri esse Judæi appellantur , quia confitentur Deo peccata sua , & divinam laudem . Inter quos tamen adest differentia magna . § 14.

C A P U T V.

De ligno Crucis , cui affixus erat Christus Deus noster . pag. § 16.

§. 1. Ostenditur , Christum in ligno Crucis acquisivisse jus regnandi , & subjugandi sibi mundum & diabolum : atque Crucem suam ornavisse quatuor virtutibus tanquam gemmis . Dæmon Christo de cruce descensum suadebat , qui prius suaserat crucifixionem . Christus in opere redemptionis nostræ non tantum potentiâ , sed & prudentiâ usus est , ut diabolum debellaret . § 17.

§. 2. Docemur , Crucem factam esse ex quatuor generibus arborum , Cypressi , Cedri , Olivæ , & Palmæ . Quid autem significant ista quatuor ligna , demonstratur . Queritur , cur sponsa Sponsum suum Jesum comparat arbori viliori , omissis melioribus . § 21.

§. 3. Ostenditur , Jesum crucifixum dulcoravisse crucem amaram suis amatoribus , ut in ejus recordatione possint illis dulcescere omnia amara .

Index Capitulorum,

Quatuor cornua Crucis mysticè exponuntur, ut quatuor tela dæmonis conterantur. Proponuntur nobis quatuor virtutes cardinales tanquam quatuor clavi, quibus affigamur Cruci Dominicæ. 526.

C A P U T V I.

De mysterio passionis Dominicæ, in quo tria specialiter sunt consideranda: opus, modus, & causa redemptionis nostræ. pag. 532.

§. 1. In *opere* redemptionis nostræ commendatur singularis patientia Christi. Excitamus ad excercendam patientiam pro amore Christi. Condiementum patientiæ conficitur ex tribus herbis, scilicet ex iustitia, hilaritate, & humilitate. 532.

§. 2. In *modo* redemptionis nostræ commendatur admirabilis humilitas Christi: qui licet voluntariè minimum sese & perfectè humilem exhibebat, tamen se Summum esse non ignorabat. 537.

§. 3. In *causa* redemptionis nostræ commendatur inæstimabilis charitas Christi: qui cum dilexit nos triplici modo, pariter exigit à nobis triplicem dilectionem. Ostenditur, triplicem nobis provenire fructum ex consideratione triplicis virtutis, patientiæ, humilitatis, & charitatis Christi. 542.

C A P U T V I I.

De immenso dolore Christi, quem sustinuit in Crucis patibulo pendens. pag. 547.

§. 1. Excitamus verbis Domini ad considerandum ejus dolorem immensum, quem sustinuit affixus Cruci. Adducentur causæ propter quas voluit pati tantum dolorem. 548.

§. 2. Excitamus ad respiciendum faciem Christi, nec-

Et Paragraphorum .

necnon ad considerandum mysterium elevationis Crucis, & extensionis manuum Jesu & corporis in Cruce . Proponitur nobis ad æmulandum humilitas Crucifixi, & insania sancta, quam etiam Sancti æmulabantur . 553.

- §. 3. Excitatur ad compatiendum doloribus Christi affixi ligno Crucis ferreis clavis . Ostenditur, Christum suo labore & dolore redemisse nos . Agitur de diversis laboribus & doloribus hominum flagitiosorum . Docemur, quid à nobis requirat Christus pro suis doloribus & tormentis. 557.

C A P U T . V I I I .

De sermone Jesu Christi in Cruce pendentis, quo innuit hominibus ingratitudinem beneficiorum suorum . pag. 561.

- §. 1. Proponitur ad considerandum mira increpatione ex persona Jesu crucifixi, tam adversus ingratos beneficiorum creationis & redemptionis suæ, quàm adversus negligentes salutem propriam . Excitatur ad amorem Creatoris & Redemptoris nostri. 562.

- §. 2. Admonemur verbis Domini Jesu crucifixi, ut ad eum convertamur in toto corde, in jejunio, & fletu & planctu : & ut quotidie aspiremus ad ipsum . Traditur pœnitentibus formula Confessionis privatæ, seu norma orandi ad Crucifixum . 567.

- §. 3. Excitatur quævis anima christiana ad recolendum beneficia creationis & redemptionis suæ, necnon ad exhibendam Deo gratitudinem, quæ in sola dilectione Dei consistit . 572.

Index Capitulorum ,

C A P U T I X.

**De mysterio serpentis à Moyse in deserto exaltati ,
quo præfigurabatur Christus exaltandus in Cru-
cem .**

pag. 577.

§. 1. Ostenditur, serpentem exaltatum in deserto fuisse typum Christi exaltandi in Crucem: ut sicut Judæi vulnerati morfu serpentum ob suam incredulitatem, intuendo serpentem æneum sanabantur; ita & nos respiciamus Christum crucifixum, caveamusq; à vitio incredulitatis, ne morfu serpentis infernalis vulneremur lethaliter. 578.

§. 2. Monemur respicere in faciem Crucifixi, ut à suggestionibus diaboli liberemur. Respicere in Crucifixum, est credere in ipsum. Fides comparatur vino. Docemur, ut quoties nos sentimus pulsari tentationibus diaboli, vel affici turpibus cogitationibus, toties fugiamus ad Crucifixum, qui nos adjuvare & liberare dignetur. 582.

§. 3. Monemur respicere Christum in cruce nigrescentem, & in morte pallentem: ut mereamur eum videre in Cælis splendentem, & in Solio excelso sedentem. Proponitur nobis modus purgandi oculum cordis, quo videndus est Deus. 586.

C A P U T X.

De virtute Crucis Christi, quâ expugnatur peccatum triplex, Originale, Personale, & Singulare.

pag.

590.

§. 1. Virtus Crucis expugnat Originale peccatum illud, quod à primo Adam contrahimus, in quo peccavimus omnes, pro quo morimur universi: propter quod patimur multiplices misérias corporis, & cordis. Excitatur ad considerandum

my-

Et Paragraphorum .

myſterium Crucis, & opus redemptionis noſtræ
in Cruce peractum . 591.

*§. 2. Virtus Crucis expugnat Personale peccatum
illud , quod committunt homines ex propria vo-
luntate . Ostenditur, quàm iniqua & crudelis ſit
in Deum propria voluntas hominis. Probatur, ſo-
lum Deum poſſe remittere nobis peccata, donare
merita, & præmia redonare . Quæritur, unde
conſtat Chriſtum poſſe & velle dimittere nobis
peccata?* 595.

*§. 3. Virtus Crucis expugnat Singulare peccatum
illud , quod commiſſum eſt in Chriſtum à Judæis
& crucifixoribus . Ostenditur , effectum paſſionis
Dominicæ eſſe remiſſionem peccatorum per San-
guinem Chriſti, quo etiam ipſum Singulare pec-
catum eſt abolitum .* 600.

P A R S V.

DE geſtis in Cruce, in qua pendens Chriſtus
protulit ſeptem verba , & mortuus eſt pro ſa-
lute noſtra . pag. 606.

C A P U T I.

De primo verbo Chriſti, quo exorabat Deum Pa-
trem pro ſuis inimicis pendens in Cruce. pag. 609.

*§. 1. Ostenditur, Chriſtum pendentem in Cruce
ſuiſſe opprobrium populo & principibus Judæo-
rum, qui eum ſubſannationibus & falſis pollici-
tationibus exagitabant ex perſuaſione diaboli: qui
invidendo operi ſalutis humanæ, optabat deſcen-
ſum Chriſti de Cruce .* 610.

*§. 2. Ostenditur, Chriſtum Cruci affixum flagraſſe
mira charitate & miſericordia erga impios Judæos*



Index Capitulorum,

& crucifixores suos, quando orabat Deum Patrem, ut ignosceret eis ne perirent. 614.

- §. 3. Docemur exemplo Christi orare pro inimicis nostris. Ostenditur Judæos ideo per ignorantiam crucifixisse Jesum, ut sub aliqua justitiæ umbra ignorantibus posset ignosci. Probatur tamen dari peccatum per ignorantiam contra assertores contrariæ opinionis. Excitamur plurimis rationibus ad orandum pro inimicis nostris. 619.

C A P U T I I.

De secundo verbo Christi, promittentis paradysum Latroni confitenti & supplicanti. pag. 624.

- §. 1. Expenditur allegoria Josephi cum duobus incarcerati, & Christi cum duobus latronibus reputati. Docemur, ut exemplo patientiæ Christi & Latronis confitentis sustineamus omnem tribulationem, si volumus obtinere paradysum. Ostenditur, Christum nobis certantibus esse & exemplum & præmium. 624.

- §. 2. Laudatur fides Latronis confitentis innocentiam Christi, & ejus majestatem regiam. Exponuntur singula verba Christi prolata ad Latronem, uno die penitentem & beatificatum. 629.

- §. 3. Ostenditur, Latronem ob consortium & compassionem tormentorum Christi meruisse paradysum, in quem simul cum Christo intravit per portam misericordiæ ejus. Agitur de triplici misericordia Dei, parva, mediocri, & magna. Monemur, ut non parvipendamus peccata venialia, & non differamus agere penitentiam in articulum mortis. 634.

CA-

Et Paragraphorum .

C A P U T I I I .

De tertio verbo Christi , quod in Cruce locutus est ad Matrem suam, pariter & ad Joannem discipulum suum . pag. 639.

§. 1. Ostenditur, Matrem Jesu ubique locorum vidisse ea quæ passus est Jesus tam in Jerusalem , quàm dum sibi bajularet Crucem , dum crucifigeretur, dum penderet in Cruce: & ubiq; ploravisse compatiendo Filio suo patienti . 639.

§. 2. Proponitur nobis ad considerandum , quantus fuerit in Christo affectus charitatis & compassionis erga suam Matrem stantem juxta Crucem ejus, & sustinentem dolorem morte crudeliorem . 645.

§. 3. Ostenditur , gladium juxta prophetiam Simeonis tunc pertransisse animam Matris dolorosæ, cum in ea nimirum corporeæ sensum passionis excefferit compassionis affectus . Gladius item fuit sermo ille: *Mulier , ecce filius tuus .* Et ideo plusquàm Martyr non immeritò creditur esse . Commendatur nobis charitas mutua in illis verbis Christi , quæ locutus est ad Matrem suam & ad Joannem . 649.

C A P U T I V ,

De quarto verbo Christi, quod in Cruce protulit ad Deum Patrem voce magna . pag. 653.

§. 1. Ostenditur , Christum ex Patre nascentem, in Patre cubantem, cum Patre sedentem, à Patre ambulantem, pro Patre stantem, sub Patre pendentem, sine Patre morientem in Cruce . Docemur, Christum sibi conjunxisse duas naturas in una persona, scilicet humanitatem & Divinitatem . nita-

Index Capitulorum ,

nitatem : in quarum singulis operatus est salutem nostram .

654.

§. 2. Ostenditur , Christum per suam vocem magnam indicavisse acerbissimam magnitudinem doloris , non autem impatientiam . Docemur, ut in patiando triplex malum , adhibeamus pariter triplicem providentiam , revocantes etiam in in memoriam patientiam Martyrum .

659.

§. 3. Ostenditur , Christum in Cruce exclamavisse ex persona hominis assumpti , & oravisse pro tota Ecclesia sua, ut ista patiando persecutiones non deficiat in amore Christi & patientia. Docemur, qualis nā sit intelligenda derelictio Christi. Ostenditur , bonum esse tribulari in hoc mundo propter amorem Christi Dei nostri .

662.

C A P U T V.

De quinto verbo Christi , pleno mysteriorum , licet breviter prolatum sit in Cruce .

pag. 667.

§. 1. Ostenditur , Christum sitivisse non solum ut impleret Scripturam, sed etiam ut immensitatem charitatis suæ commendaret nobis . Divinæ charitatis longitudo , latitudo , sublimitas , & profundum exponitur . Docemur, quomodo ipsius charitati correspondere debeat dilectio nostra . Probat, quod vitæ præsentis potius congruit fides & desiderium , quàm cognitio & dilectio .

668.

§. 2. Ostenditur , Christum in Cruce non aliud sitivisse, quàm salutem animarum nostrarum : quod docemur , ut prior sit nobis sollicitudo reficiendi animam quàm corpus . Adducitur sermocinatio ad corpus , ut cooperetur saluti animæ suæ .

673.

§. 3. Ostenditur, Christum idcirco noluisse bibere potum

Et Paragraphorum .

tum sibi oblatum , quia nimiam acerbicatem nequitiae crucifixorum indicabat : voluisse tamen gustare , ut sibi applicaret amaritudinem peccatorum animæ nostræ . Monemur , ut consideratis animæ nostræ multis miseriis , miseramur ei exercitando bona opera , & declinando à malis .

672

C A P U T V I.

De sexto verbo Christi , quo indicavit se perfecisse omnia , quæ dicta sunt de se per Prophetas in Scripturis .

pag. 684.

§. 1. Ostenditur , Christum in hoc verbo non solum indicavisse consummationem Scripturarum , sed etiam completionem malitiæ Judæorum , qui propterea grossis ficum comparantur . Describitur ruditas & incredulitas Judæorum .

685.

§. 2. Ostenditur , Christum in hoc verbo commendavisse nobis virtutem perseverantiæ , ut eam conservemus usque ad mortem . Adducuntur plura exempla de illis , qui ob defectum perseverantiæ perierunt damnabiliter . Excitamus ad conservandam perseverantiæ virtutem , cujus etiam elogia afferuntur .

686.

§. 3. Ostenditur , neminem posse salvari , nisi perseveraverit in observantia mandatorum Dei . Docemur , quomodo proficiendum sit de virtute in virtutem usque ad ultimum vitæ nostræ terminum .

687.

C A P U T VII.

De septimo verbo Christi , quod in articulo mortis suæ protulit ad Deum Patrem .

pag. 698.

§. 1. Ostenditur , Christum ideo commendavisse Deo

Index Capitulorum,

Deo Patri Animam suam, ut erudiret nos, quòd debeamus Creatori nostro commendare animas nostras in articulo mortis. Proponuntur nobis ad imitandum sex verba Christi prolata in Cruce: in quorum tribus commendatur nobis triplex charitas. 699.

§. 2. Monemur, ut præparemus nos ad mortem, considerantes ea quæ traduntur: & ut frequenter suspiremus ad Jesum crucifixum, sperantes in eum. Ostenditur tria esse fundamenta, in quibus tota spes nostra consistit. 704.

§. 3. Probatur, Christum in commendando Patri Animam suam docuisse nos, ut in hora mortis nostræ invocemus Deum Patrem, & in eius Filio totam spem habeamus, quæ consistit in triplici fundamento. Ostenditur, securè mortuiros esse illos, qui sunt mortui peccato & mundo. Agitur de differentia mortis justorum, & peccatorum. Excitamur ad considerationem mortis nostræ. 708.

C A P I T U L U M V I I I.

De morte Christi preciosa, & præ omnibus sacramentis affectuosa. pag. 714.

§. 1. Ostenditur, mortem Christi Jesu fuisse spontaneam, & ex mera charitate susceptam. Docemur, Christum mortuum esse & secundum tempus pro inimicis, & secundum prædestinationem pro amicis. Patres ante aduentum Christi, credentes Verbum Divinum incarnandum, salvati sunt. Christus moriens in Cruce, fuit Victima & Sacrificium. Agitur de differentia sacrificiorum antiquæ legis, & novæ. 715.

Osten-

Et Paragraphorum.

§. 2. Ostenditur, mortem Christi esse holocaustum spirans odorem: quem odoratus Deus Pater, avertit iram indignationis suæ à nobis. Collatio oblationis Christi in templo cum oblatione in Cruce proponitur ad considerandum. Excitamus ad plangendum super mortem Christi. 719.

§. 3. Ostenditur, quantum obligatur homo bonitati Christi, quam exhibuit moriendo pro eo. Tria referuntur ad mortem Christi, pro qua gratiæ agendæ sunt Deo. Mors Christi exigit à nobis, ut ei offeramus corpus & animam in sacrificium laudis: nec non totam vitam nostram, ut vivamus ei, qui pro ea præbuit vitam suam moriendo. 724.

C A P U T I X.

Solvuntur quæstiones, quæ & tangunt mysterium
Passionis Dominicæ, & pungunt Opus redemptionis nostræ. pag. 730.

§. 1. Quæritur, cur per hominem qui erat Deus, & non per simplicem hominem redempti sumus? 730.

§. 2. Cur Deus per se, & non per aliam creaturam voluit nos redimere? 733.

§. 3. Quanam necessitate tam mirum & durum laborem pertulit pro redemptione nostra? 735.

§. 4. Quanam necessitas aut ratio fuit, quòd Filius Dei mortem crucis sustinuit, qui solo jussu poterat nos redimere? 738.

§. 5. Ad quid mortuus est Christus in cruce? 740.

§. 6. Quæritur, quomodonam mors à Christo debellata fuerit, cum adhuc sæviet in homines universos? 742.

Index Capitulorum ,

C A P U T X.

Confutatur impium dogma Petri Abailardi, negantis Filium Dei suscepisse carnem & subiisse mortem crucis, propter liberandos homines à potestate diaboli. *pag. 746.*

§. 1. Ostenditur autoritate Prophetarum, ideò Christum incarnatum & mortuum esse, ut liberaret genus humanum de potestate diaboli, qui dominium in universos homines nequiter sibi usurpaverat. *746.*

§. 2. Ostenditur autoritate Apostolorum, malos homines à diabolo captivos teneri ad ejus voluntatem. Probatur, quòd sola voluntas propria subdit imperio diaboli hominem peccantem mortaliter. *750.*

§. 3. Ostenditur autoritate Christi Domini, diabolum habere potestatem in homines. Docemur, Christum in opere liberationis nostræ de potestate diaboli, non solùm misericordiâ sed & justitiâ usum esse. *754.*

P A R S V I.

De gestis post mortem Christi, ac de Corporis ejus depositione & sepultura. *pag. 760.*

C A P U T I.

De prodigiis in morte Christi successis. *pag. 760.*

§. 1. Ostenditur, Solem præter naturam defecisse ea die, qua Christus Deus noster moriebatur in Cruce. *760.*

§. 2. Velum Templi scissum est in duas partes. *763.*
Ter-

Et Paragraphorum.

§. 3. Terra mota est & tremuit. 766.

§. 4. Petrae durissimæ scissæ sunt. 769.

§. 5. Monumenta sepulchralia aperta sunt, & corpora sanctorum surrexerunt, ut faterentur Christum esse Deum verum. 773.

C A P U T II.

De conversione & fide Centurionis, confitentis Jesum crucifixum esse Filium Dei. pag. 777.

§. 1. Ostenditur, fidem habere oculos lynceos ad cognoscendam Christi Divinitatem, ab oculis tamen corporeis absconditam. Laudatur fides Centurionis, qui Christum morientem ex voce agnovit esse Filium Dei, non autem ex facie. Ostenditur, quòd sicut per aures Evæ irrepsit venenum in mentem ipsius, ita etiam per aures nostras intrat antidotum ad credendum mysteria fidei. 778.

§. 2. Ostenditur, oculum mentis nostræ oportere mundari fide & auditu præceptorum Dei, ut videamus eum. Auditus in rebus fidei potior est quàm visus. Auditus est meritum visionis, visio autem est præmium auditionis. 781.

§. 3. Ostenditur, Mariam Magdalenam ideo prohibitam esse ne tangeret Christum redivivum, quia plus tribuebat oculis corporeis, quàm fidei, quæ sola dignè tangit Christum jam glorificatum. Proponitur nobis doctrina ad imitandum prudentiam Ecclesiæ Sponsæ, agnoscentis Majestatem sponsi sui Christi sub nigredine passionis. 786.

C A P U T III.

De timore militum crucifixorum, quem sumpserunt ex terræ motu & aliis prodigiis, quæ evenerunt in morte Jesu crucifixi. pag. 790.

Index Capitulorum,

- §. 1. Ostenditur, timorem esse initium conversio-
nis ad Deum. Docemur, quantum timendus sit
Deus Creator & Dominus noster. Explicantur
timores quatuor, humanus, servilis, initialis,
& castus. 790.
- §. 2. Ostenditur, justum Jesum ideo voluisse inju-
stè occidi, ut obtineret de diabolo justitiam mor-
tis, eamquè nobis communicaret. Probatur,
mortem Christi valuisse ad justitiam & vitam re-
stituendam multis: peccatumquè Adæ non fuisse
potentius ad malum, quàm Christi justitiam ad
bonum. 795.
- §. 3. Ostenditur, Christi passionem & infirmitatem non minùs nobis profuisse quàm Majestatem. Docemur, quomodò Christus odore sapientiæ & justitiæ attrahit nos ad se, & quomodò donavit nobis totam vitam suam. Quæritur, cur lege mortis & peccati adhuc gravemur? Proponuntur nobis quatuor virtutes cardinales ad considerandum, simul & ad exercitandum eas. 800.

C A P U T IV.

De compunctione & pænitentia plebis Judæorum, qui visis in morte Christi prodigiis, percutiebant pectora sua. pag. 805.

- §. 1. Excitamur compunctione plebis Judæorum, ut compungamur pænitentia triplici: quia innocentiam amisimus, amissam non requisivimus, & negleximus patientiam Dei. Innuitur, quàm sit periculosum differre penitentiam in finem vitæ. 806.
- §. 2. Ostenditur, tria esse necessaria ad agendam pæni-

Et Paragraphorum .

pænitentiam , scilicet tempus , corpus, & locum .
Tempus dividitur in præteritum , præsens , & futurum . In *corpore* possumus mala pati pro commissis delictis , & bona operari pro adipiscendis æternis præmiis . Per *locum* intelligitur Ecclesia militans , in qua rectè agenda est pænitentia . 809.

- §. 3. Docemur , ut agendo pænitentiam mortificemus carnem nostram . Mortificatione carnis configuramur passioni Christi . Ostenditur , pænitentiam esse cibum hominis pænitentis simul & Christi Dei nostri . Exhortamur ad compunctionem pariter & ad opera pænitiæ . Tria requiruntur ad pænitentiam , scilicet abstinentia , lectio , & oratio . 814.

C A P U T V.

De mysterio crurum Christi non confractorum , & de latere ejus lanceâ perforato . pag. 819.

- §. 1. Ostenditur , caput Christi pertinere ad Divinitatem , pedes ad humanitatem : quorum unus vocatur misericordia , alter judicium . Crura ejus comparantur columnis marmoreis . Docemur , alta Dei & profunda esse abscondita diabolo : necnon caput Christi significare Divinitatem , pedes inscrutabilia judicia ejus . Agitur de cute , carne , & ossibus animæ nostræ . 820.
- §. 2. Ostenditur , ideo perforatum esse latus Christi , ut per vulnus visibile videamus invisibile vulnus amoris in corde ejus , quod vulneratum est potiùs amore , quàm mucrone lanceæ . 825.
- §. 3. Ostenditur , ideo perforatum esse latus Christi ,)

Index Capitulorum ,

ut nobis pateat ingressus ad cor ejus, in quo habitemus contemplando voluntatem ejus & charitatem. 829.

S. 4. Ostenditur, ideo perforatum esse latus & cor Jesu, ut in utroque habitare, vigilare, & quiescere valeamus, gustando delicias spirituales quæ ibi continentur. 834.

S. 5. Ostenditur, in vulneribus Christi securam esse habitationem & requiem mentis nostræ. Excitamus, ut in eis tota devotione & jugi meditatione demoremur. Meditatio & intuitio vulnerum Christi est Martyrum confortatio & fortitudo. Ostenditur, quanta fuerit vis amoris in Martyribus erga Jesum crucifixum. 838.

C A P U T VI.

De mysterio Sanguinis & aquæ Christi, quæ ex ejus latere perforato emanant. pag. 842.

S. 1. Ostenditur, Sanguinem & aquam lateris Christi designare Sacramentum Baptismatis. Moyses qui in aqua venit, fuit typus Christi Redemptoris nostri, qui venit in aqua & Sanguine. Perhibetur triplex esse testimonium, Spiritus, Aquæ, & Sanguinis. Spiritus designat charitatem: Aqua baptismum quotidianum, consistentem in compunctione cordis: Sanguis martirium quotidianum, consistens in quotidiana corporis afflictione. Agitur de sex hydriis mysticis, quæ apponuntur nobis in purificationem animarum nostrarum. 843.

S. 2. Ostenditur, Spiritum & Aquam & Sanguinem operari in nobis tria. Sanguis operatur continentiam à peccatis: Aqua ablutionem à culpis: Spiritus

Et Paragraphorum .

ritus adjuvat infirmitatem nostram . Apponitur nobis triplex aqua Christi , ut eâ utamur in salutem nostram .

849.

- §. 3. Ostenditur , sex hydrias significare sex observantias institutas ad purificandum corda nostra . Quarum vocabula sunt hæc : Silentium , psalmodia , vigiliæ , jejunium , opus manuum , & carnis munditia .

853.

C A P U T VII.

De quatuor fontibus Jesu Christi crucifixi , qui procedunt de pectore ejus ad irrigandum Ecclesiam suam .

pag . 857.

- §. 1. Ostenditur , quatuor fontes procedere de pectore Christi , Veritatem , Sapientiam , Virtutem , & Charitatem . Ex fonte Veritatis hauriuntur aquæ judiciorum , in quibus cognoscimus quid liceat , vel quid non liceat . Ex fonte Sapientiae hauriuntur aquæ consiliorum , in quibus discernimus quid expediat , vel quid non expediat .

858.

- §. 2. Ex fonte Virtutis hauriuntur aquæ præsidiorum , quæ abluant electos à culpis , vel refrigerent in tormentis . Ex fonte Charitatis hauriuntur aquæ desideriorum , quorum aliud est quo Deus propter seipsum diligitur , aliud quo proximus diligitur in Deo . Ad dilectionem Dei excitatur mens humana tribus affectionibus .

863.

- §. 3. Ostenditur , Jesum crucifixum esse paradisum nostrum , in quo inveniuntur quinque fontes misericordiae , sapientiae , gratiae , charitatis , & vitae . Ex quibus totidem hauriuntur aquæ remissionis , discretionis , devotionis , æmulationis ,

&

Index Capitulorum ,

& vitæ æternæ .

867.

C A P U T V I I I .

De depositione Corporis Christi de cruce. pag. 872.

§. 1. Ostenditur, quanto dolore afficiebatur Mater Jesu, dum videbat Corpus ejus deponi de cruce, ac depositum deosculabatur. Plangebant & Angeli condolentes morti Domini Dei sui, & compatientes doloribus Dominae suæ. 873.

§. 2. Excitamus ad dolendum super mortuum Redemptorem nostrum. Traditur nobis doctrina adorandi Jesum crucifixum, & osculandi pedes & manus & os ipsius. Tria oscula pedum & manuum & oris, designant pœnitentiam, continentiam, & unionem cū Christo Deo nostro. 878.

§. 3. Docemur, per osculum pedum intelligi satisfactionem humilem & verecundam, per osculum manuum designari dona Dei, per osculum oris significari scientiam Dei. Ostenditur, spirituales pedes Dei esse misericordiam & judicium. Utrumque pedem osculandum esse pariter & amplectendum docemur. 883.

§. 4. Ostenditur, duas manus Dei esse latitudinem & fortitudinem. Docemur, per osculum oris Dei intelligi Spiritum Sanctum, quem sponsa anima petit sibi dari ad notitiam Sanctæ Trinitatis, & per quem accipiat simul & scientiæ gustum & gratiæ condimendum. Duo labia Dei sunt Virtus & Sapientia. Duo labia animæ sunt ratio & voluntas. 887.

C A P U T I X .

De sepultura Corporis Jesu christi mortui. pag. 893.

Ostendit-

Et Paragraphorum.

- §. 1. Ostenditur Christum non indiguiffe, ut corpus suum exanime liniretur glutinosa aromatum unctione: quia corruptioni minimè erat obnoxium propter Unionem hypostaticam, quæ in Corpore simul & in Anima licet abinvicem separatis perseveravit. 894.
- §. 2. Ostenditur, Angelos convenisse ad Christi sepulchrum, & ibi devotas exequias decantasse: sed Matrem Jesu genuisse & doluisse super mortem ejus tam ante quàm post sepulturam, necnon amaro corde opprobriosam Passionem ejus recogitasse. 898.
- §. 3. Ostenditur tres illas mulieres, quæ emerunt aromata ut venientes ungeret corpus Jesu, tropologicè significare mentem, manum, & linguam, quibus curatur salus proximi. Proponitur nobis ratio mystica, cur Christus noluit ungi Corpus suum exanime in sepulchro positum. 902.

C A P U T X.

De custodia sepulchri, in quo positum Corpus Christi exanime requieuit. pag. 908.

- §. 1. Ostenditur, librum signatum sigillis septem designare Christum, & ejus opera septem, quibus celebratur virtus Divinitatis ne agnosceretur. 909.
- §. 2. Ex occasione sepulchri Christi, suggeruntur nobis varii & pii conceptus de morte ejus, & requie in sepulchro. Excitamur, ut Christo passo & mortuo & sepulto conformemur vitâ nostrâ. 913.
- §. 3. Ostenditur, Animam Christi ideo descendisse ad inferos, ut animas Justorum liberaret ex carcere

Index Capitulorum,

***cere tenebroso, easquè collocaret sub Altari Dei,
per quod intelligitur Corpus Christi gloriosum.***

pag.

918.

- §. 4. Ostenditur, animas mortuorum pro diversis meritis sortiri tria loca, infernum, purgatorium, cælum. Excitamus ad exercenda pia opera & pietatem erga animas in purgatorio detentas. Assignatur duplex causa, ob quam animæ Fidelium merentur pati ignem purgatorium. 922.

F I N I S.

**DEO GRATIARVM ACTIO,
ET BEATO BERNARDO.**

Servo ejus dulci & fideli.

S. Bonavent. Conclus. tract. medit. de vita Christi.

